



G. G. Z

THE HISTORY
OF THE
ROMANS
IN
GERMANIC
LANDS

ggp

IO. GOTTL. HEINECCII
HISTORIAE
IVRIS CIVILIS
ROMANI
AC
GERMANICI
PARS ALTERA.



777




7244



94 716

II



CAP. VI.

DE COMPOSITIONE IVRIS IVSTINIANEI EIVSQVE IN ORIENTE ET OCCIDENTE VSV ET FATIS AD NOSTRA TEMPORA.

§. CCCLXXXII.

PROgredimur ad postremam jurisprudentiae Romanae periodum, quam a IVSTINIANI Imperatoris temporibus inchoamus. Hic princeps, humili genere ortus, Sabbatii, Taurisini, & Biglenizae filius *, antea *Upravda* ** dictus, per Justinum avunculum pervenit ad imperium, jam misere a barbaris laceratum. Et tamen iste, ut vere ac jure gloriatur, *princ. prooem. Instit.* & armis condecoravit, & legibus armavit rem publicam. Nam & Persas compescuit, & victis Vandalis, Africam iterum fecit provinciam, & Gothorum in Italia & Sicilia regnum destruxit, tantasque res gessit, quantas vix Imperator ab Augusto alius. *Procop. de bell. Pers. de bell. Vandal. de bell. Goth. Theophan. in vita Justin. & Illust. Cancell. a Ludewig in Justiniano Cap. VIII.*

Justiniani
Imp. res
praeclare
gestae.

* Quum lecturis IVSTINIANI historiam, non possint non omnia quodammodo obscura esse, nisi perspectam habeant universam Imperatoris familiam: licebit ejus agnatos, cognatos, adfines, una tabula comprehendere, ne operam supra tot jurisconsultis navatam tanto Imperatori denegare velle videamur. (*)

Talis fuit IVSTINIANI familia, barbara & modica

dica origine, sed per integrum fere saeculum magno hominum illustrium proventu insignis. Stemmata jam exhibuerunt Alemann. *ad Procop.* p. 67. Car. du Freine *in Byzantin.* p. 97. 98. 99. perillustres a Ludewig *in Justiniano Cap. VIII.* p. 131. Sed spero, nostrum paullo plenius visum iri. Ne tamen dissimulem, unde profecerim, fateor me hic potissimum sequutum esse Christ. Adam. Rupertum, de universa Justiniani familia praeclare meritum, in *Observ. in Synops. Besoldi min. Cap. XV.* p. 467. sequi. H.

** *Upravda* vox est Slavica, & bene per *Justinianum* exprimitur. Etiam nunc apud Slavicas gentes, *pravda*, *justum*, denotat. R.

§. CCCLXXXIII.

Anceps e-
jus fama
ob libros
Procopii.

Et tamen junctis veluti phalangibus impetum in principem, tot rebus gestis clarum faciunt permulti, ejusque vitia & naevos cum cura colligunt, nihilque faciunt libentius, quam ut & ipsum (α), & Theodoram (β) uxorem, & Tribonianum (γ), administrum, & totam ejus aulam turpiter traducant. Quin vel solo hoc nomine iis mirifice placent PROCOPII *ἀνέκδοτα* (δ), primum a Nic. Alemanno *Lugd. MDCXXIII.* edita, quod ex hac pharetra depromere possint tela, quibus IVSTINIANVM confodiant. Sed quam multum scriptor iste odio tum adversus Justinianum*, tum adversus ipsam religionem Christianam suscepto indulgeat, jam ostenderunt cum GABR. TRIVORIUS in *Observatione apologetica*, & IO. CHIFLETIUS in *dissertatione apologetica de juris utriusque architectis*, quos libellos

CAP. VI. DEST. IVR. A IVS. AD HAEC TEMP. 487

los Tomo I. *Thesauri juris insertos animadver-*
timus, tum THOM. RIVIVS in Defensione
Justiniani, edita Francof. MDCXXVIII. 8. IO.
EICHELIVS in Animadversionibus ad Proco-
pium. Helmst. MDCLIV. 4. CHRISTOPH.
AD. RVPERTVS in Qbserv. ad Besoldum
p. 465. sequ. & novissime Illustris a LVDE-
WIG in Justiniano, reconditae doctrinae o-
pere, & suum apud posteros quoque pretium
habituro, excuso Halae MDCCXXXI. 4.

* Quid tuto credas homini, in reliquis libris Ju-
stinianum laudibus velut in coelum evehenti, in
anecdotis vero eundem traducenti tamquam ho-
minem fatuum, & omnibus flagitiis coopertum,
ac proinde aut insigni adulatori, si priora falsa
sunt, aut, si posteriora, calumniatori turpissi-
mo? Quid tuto credas homini, qui eas saepe
criminationes profert, quas ipse procul dubio fal-
sissimas esse non ignoravit? Tales sane sunt fabu-
lae, quas de artibus Theodoraе daemoniacis, &
c. 12. de Justiniano ex incubo daemone conce-
pto narrat. Et tamen non haec tantum facile cre-
dunt viri docti, sed & illas maledicentissimi scri-
ptoris calumnias augent calumniis, veluti quod
fuerit ἀνελφάβητος (ε), quod a pietate Christi-
ana alienum se ostenderit, quae aliaque ἐγκλή-
ματα solide a principe illo depulit Conr. Sam.
Schurzfl. *Diff. de Justiniano orthodoxo* (ζ). H.

(α) Absit a me longius, ut dicam Justiniano scri-
bam, quem vel sola operis diu & anxie expeti-
ti, a multis iisque magnis omnino viris saepius
quidem sed frustra tentati, a se tamen magno
vere animo suscepti, & successu ultra quam secu-
li infelicitas sperare jusserat, prospero tandem
perfecti non vana sane gloria ultimae posteritati
commendat. Sed ab omni ipsum labe immunem

praestare non nisi eorum est, qui nimia hujus operis veneratione abrepti, quidvis aliud aequiori animo ferunt, quam autorem ejus vel aliqua erroris vitiive macula aspersum dici. Non nunc quidem ostentationem ejus atque jactantiam operose persequar, qua omnia, quibuscunque vel aliquid ex ejus cura & ingenio accesserat, de suo nomine Justiniana appellasse, v. Heinecc. *inf.* §. 389. multarumque sibi gentium titulos summis se dicitur, quas nec sub suo imperio tenuerit, nec devicerit unquam, vid. Alem. *ad Aneecd. Procopii* p. 51. quaque porro absoluto S. Sophiae templo Constantinopolitano exclamaverit: *Vicite Salomon!* hujusque Regis simulacrum, moesti & genas carpentis, quasi ejus aedificii mole & pulchritudine suum templum superatum dolentis, e regione S. Sophiae collocari jusserit; uti refert Auctor Origin. Constantinopol. & ex eo Rupertus *ad Besold.* p. 482. Nec factum sermonis & inanem tumorem commemorabo, quo aeternitatis *l. ult. Cod. de Quadr. Praescript.* divini oris *l. 1. §. 6. Cod. de V. I. E.* divini oraculi *l. 3. Cod. de Jure Dom. imp. §. 3.* divinarum numinis sui aurium *l. 12. Cod. de Acq. & Retin. poss.* divino- rum affatum sui Numinis *l. 23. Cod. de Nupt. divinae constitutionis suae l. 15. Cod. de legit. hered. divinae suae indulgentiae l. 23. §. 1. Cod. de Nupt. divinorum suorum breviculorum l. 7. pr. Cod. de Summa Trinit. & alia ejusmodi elogia non accipit, sed sibi rapit. Imputet haec, quicumque velit, seculi, non Imperatoris, moribus, quibus haec etiam adscribunt Christoph. Cellarius *in praef. ad Paneg. vet.* & Gundlingiana *T. I. n. 5. §. 3.* vide Herm. Postii *dissert. de divinis Imper. Titulis & eorum origine. Erfurt. 1716.* Detur aliquid sermonis Orientalis luxuriae. Non multum ego quidem refragabor. At fuit vir omnino uxorius, quicquid in contrarium producant Guilielmus Hieronymus Brucknerus
fingu.*

singulari Programmate: *An Justinianus fuerit uxorius?* & Jacobus Maestertius de *Justitia LL. Roman. dub. 3.* Memorabilia sunt verba Zonarae in *Justin. ab init. Tom. III. p. 50.* Nihil ipso Imperatore minus, nisi etiam plus, uxor pollebat. Non unius, sed duorum potestas fuit. Absit quidem, ut amorem conjugalem ipsi exprobre, quem laudo prorsus & magni facio, cum quam suo dignam toro existimaverat, non debuerit sane amore conjugali non prosequi. Nec quod honorum titulis conjugem suam exceperit, *Dominam, Sanctissimam, Reverendissimam, Augustam, Venerabilem* appellans, reprehendo. Quis adeo ab usu rerum remotus est, ut vel hodie ab Imperatoribus, Regibus, Principibus thalami augusti socias *Augustarum, Serenissimarum, Celsissimarum* elogiis & suo quidem merito ornari ignoret. Nec id quidem, quod, ut vel ipse *Nov. 8.* testatur, Theodoram *consilii participem* fecerit, censuram adeo acrem meretur. Quis enim adeo invenustus est, ut muliebri consilium omne respuat, quod multis saepe utilissimum fuisse, exempla luculenta probant. Et quis nescit, quantum prudentiae uxoris suae vel tum debuerit Justinianus, cum orta seditione salutem pedibus jamjam quaesiturus, & ita causam suam ipse derelicturus, ab uxore retentus animumque fumere jussus, hac demum animi constantia sibi imperium, imo vitam fervaverat. Sed illud sane diffiteri non possum, quod Theodora praecipue conatibus effectum sit, ut Justinianus Venetae factioni nimium addictus in Prasinos vehementer faevierit, quod Evagrius *L. IV. c. 32.* testatur. Ratio enim studii tam propensi in Venetos, tam iniqui in Prasinos, haec refertur, quod hi Theodora pro vitrico officium ursarii inter ipsos ambiente preces cum contentu rejecerint, illi, cum idem apud ipsos officium vacaret, blande exceperint. v. *Procop. Anecd. pag. 40.* Amori Justiniani

niani in Theodoram dandum etiam videtur, quod matrimonia viris senatoriis cum scenicis mulieribus permiffa & omnibus verborum lenociniis contra graves antiquiorum temporum mores defenfa fuerint in *l. 23. Cod. de Nuptiis*. Quamvis eam Legem Iuftino non Iuftiniano deberi folide evincant Hoffmannus *Hift. Jur. Vol. I. P. I. L. II. c. 1. §. 2. not. c.* & Struv. *Hift. Jur. C. 3. §. 1. not. 4. p. 268.* Ludewig. in *Iuftin. c. 8. §. 10. n. 61.* Brunquell. *Hift. Jur. P. II. c. 1. §. 16. not. b.* Multa etiam Iuftinianum, & quidem, ut videtur, ex confilio Theodoraë, in favorem mulierum, maritis etiam, & aliis non raro gravia, ad dotis lucrorumque nuptialium jura praecipue augenda conftituiffe docent *l. 20. Cod. de Donat. ante nupt. l. 30. §. 31. Cod. de Jure dotium. l. 1. C. de Rei Ux. Act. l. 4. C. de Lib. Praet.* & maxime omnium, quae vel ipfam aequitatem offendere videtur, *l. 12. C. qui pot. in pignore.* Quae omnia plenius jam Gundlingius & Struvius *l. c. not. 6. p. 272. §. feqq.* nec non J. H. Boeclerus in *Differt. de Iuftiniani favore in foeminas Arg. 1719.* obfervarunt. Maximopere autem Jctos offendit mitigata per *Nov. 134. c. 10. adulterarum poena.* Olim adulterium Romani tantum ex uxoris delicto aestimabant, ita ut maritus cum coe libe adulterium non committeret. Imperii maritalis, reverentiae marito, tanquam familiae capiti, debitaë & fuppositi partus rationem fere unice habebant. Paulatim, nec fine ratione, omnis fidei conjugalıs violatio adulterium videbatur. In adulteros capitis poenam fine discrimine ftatuit *l. 30. Cod. ad L. Jul. de Adult.* Ab hac poena adulteras abfolvit Iuftinianus ita, ut adulteram *competentibus poenis fubditam*, monafterio mancipari jubeat, ita ut marito, fi libeat, eam inde recipere intra biennii metam liceat; ne verberatam quidem. Licet enim vulgaris ejus Novellae

vellae versio adulteram *competentibus vulneribus subactam*, & Auth. *Sed hodie* § c. Cod. ad L. Jul. de Adult. *verberatam* exhibeat, Graeci tamen Codices sinceriores τὰς ἀποσηκῆταις ποιναῖς ὑποβαλλομένη dicunt, civiles sine dubio poenas, jacturam nimirum lucrorum nuptialium priorumque bonorum intelligentes. Unde & Haloander & Graeca Basilicorum Epitome, & versio ejus Leunclaviana, & Theodorus Balsamon in *not. ad Photii Nomocan. Tit. II. c. 1.* competentes poenas, non plagas, non vulnera commemorant. Hinc & Julianus Antecessor competentes poenas plane omittit, quod & Harmenopulus facit, Προχαιρ. L. IV. Tit. 6. Errorem vulgarem jam notarunt Petrus Faber *Semestr. L. 3. c. 22.* Rittershusius *Nov. Expos. Method. Part. 12. c. 5. §. 14.* & plenius persequitur Dissertatio de Poena Adulterii Argentorati anno 1736. publice defensa. Ad hanc tam mitem in adulteras Legem, Theodoraе forsan consiliis suggestam non inconcinne referas, modo ex mente auctoris recte quidem nonnunquam, sed false tamen sub specie laudis eam perstringentis intelligas verba Procopii non in Anecdotis quidem, ne testem recuses, sed de Bello Goth. L. 3. dicentis: *Imperatrix quodam naturae instinctu comparata erat ad suscipiendum afflictarum mulierum patrociniū.* Insignis etiam Justiniani prodigalitas excusari non potest. Munificentissimum his, quibus haud conveniebat, eum fuisse Menander docet, nec non praeter Procop. in *Anecd. pag. 40. §. 49.* Agathias L. 5. Ingentem in gentes barbaras effusam pecuniarum vim, ne imperio graves existerent, sub fūco prudentiae atque liberalitatis nequicquam excusat Rupertus ad *Besold. p. 482.* Magnas in aedificia, etiam inutilia, factas impensas modeste jam reprehendit Procopius de *Aedific. L. 1.* apertius in *Anecd. pag. 36.* Inde corradendae iterum quibusvis artibus pecuniae cupidissimus perhibetur Justinianus ab Evagriō

grio *Lib. 4. c. 30.* & Zonara in *Justin. Tom. III. p. 50.* Lepide ipsum a Juliana matrona ditissima, cujus bonis inhiabat, deceptum narrat Gregorius Turon. de *Gloria Martyr. L. 1.* Hinc non adeo sine omni ratione loquuntur illi, qui Leges etiam pretio quandoque & lucri studio mutatas asserunt. Luculento ex pluribus exemplo esse potest historia Legis 23. *Cod. de SS. Eccles.* artibus Prisci, nequissimi hominis, & Emesenorum Procuratorum promissionibus a Justiniano, in partem lucri vocato, elicita, a Procopio *Anecd. Ed. Alem. p. 123. & seqq. Eichelianae vero 156. & seqq.* & Suida v. *Priscus Emesenus*, commemorata, foedissimam, si quae unquam fuit, Legis nundinationem exhibens. Magnis contra eam conatibus insurgunt Rivius atque Eichelius, ingeniose quidem & erudite, non satis tamen feliciter, ejus fidem in dubium vocantes. Poterat falli, poterat aliqua affectui dare Procopius; sed historiam integram de re eo tempore & sub oculis plurimorum tunc viventium gesta, commemoratis sollicite omnibus locorum, temporum, hominum, nominibus aliisque momentis contexere, eamque, quae statim mendacii convinci posset, orbi invito & indignanti obtrudere, hominis non stupidi & audacis deliramentum, sed vesani plane furor esset & rabies. Singula separata proxime opella convellere meditor. Frequentissima sane Justiniani juris in causa Praescriptionis Ecclesiis & Civitatibus opponendae mutatio Procopio egregie suffragari videtur. Pandectae nullam Ecclesiis & Civitatibus usucapionem opponunt. *l. 9. D. de Usurp. & Usuc.* Tricennalem demum praescriptionem ipsis objicit *l. 3. Cod. de Praescript. 30. vel 40. ann.* Hanc in centenariam mutat haec *Lex 23. Cod. de SS. Eccles.* Mox haec ulterius extenditur in *Nov. 9.* & paulo post iterum per *Nov. III. & 131. c. 6.* abrogatur & praescriptio centenaria in quadragenariam mutatur.

tur. Haec, ni me omnia fallunt, non levitatis tantum aliquam & oscitantiae auram spirant, sed turpioris cujusdam & foedioris omnino rei sensum naribus non sponte obstructis incutiunt. Qui rationibus frequentis hujus & mirae mutationis Legum bene subductis aequa omnia lance ponderant, illi vere, non ex affectu, scripta agnoscant verba Procopii in *Anecd.* pag. 61. *Non est veritus & leges ferre, & quas tulisset refingere, dummodo turpi lucro esset, neque ad eas, quas scripsit, constitutiones exegit judicia, sed ad quas traheretur per pecunias seu luculentiores visas sive promissas munificentius.*

(a) Theodoram a labe impudicitiae ante matrimonium cum Justiniano contractum turpiter omnino exercitae nequicquam purgare studet Ludewigius in *Justin. C.* 8. §. 9. n. 55. Demus, quod fidem excedant, quae de nefanda ejus luxuria narrat passim Procopius in *Anecdotis* & maxime in fragmentis, quae verecundiae causa ab ejus editionibus remota ex Vaticano Codice exhibent Menagiana *Tom. I. p.* 348. & *seqq. Edit. Paris. de An.* 1729. Sane ipsam in Embolo vitam duxisse narrat Autor *de Antiq. Constantin.* apud *Alemannum* & plenius ex *Bandurii* editione apud ipsum Ludewigium *l. c.* Mulieres Embolarias honesto loco non videtur habere Plinius *Hist. Nat. L. VII. c.* 48. multo minus Harduinus *ibid. n.* 132. Levia sunt, quae huic testimonio opponit Ludewigius *l. c.* Et nisi turpis vitae fuisset Theodora, non tantis, quibus dicuntur a Theophilo in *vita Justiniani* apud *Alemann.* ad *Anecd.* pag. 35. conatibus ejus cum Justiniano nuptiis intercessissent Euphemia Justiniani Senioris uxor, in aliis omnibus Justiniano indulgens, v. Procop. *Anecd.* pag. 44. & Bigleniza ipsius Justiniani mater, quae tam impatienter eas tulit, ut, cum eas amplius impedire non posset, ex moerore contabuerit, ut idem Procopius testatur. Concedo lubens,

*cf. Born d. i. l. p. de
Theodora & imp.
interior - Procopius
Theodora de Theod.
ra impudica*

lubens, ipsam jam Justiniano junctam mores ad pudicitiae regulas magis composuisse, cum vel ipse Procopius testetur, quingenta scorta ab ipsa in monasterium detrusa & meliorem vitam vivere coacta esse. Forsan & ipsa Justiniano leges contra lenocinia ferenti v. *Novell.* 14. consilio fuit. Vindictae tamen vehementer appetentem & imperandi dulcedine nimis captam superius notata ostendunt. Prodigalitatis & rapacitatis corream cum Justiniano facit Zonaras in *Justin.* paulo post init.

- (2) Quae in Tribonianum atheismi & paganismi sparguntur convicia ex Hesychio & Suida utique non moror. Optime illa discutiuntur a viris doctis Heineccio *inf.* §. 388. Hoffmanno *Hist. Jur. L. II. c. 2. §. 1. not. d.* Ludewigio in *Justin.* c. 8. §. 17. n. III. aliisque. Virum fuisse ultra genium seculi doctum, & res ipsa loquitur, & qui sane non nimis ipsi favent, Procopius & Suidas impense testantur. Suavitatem morum & insignem ejus humanitatem multis elogiis ornant. Avaritiae vero maculam, quam sibi inussit, abstergere nequeo, quam ne quidem ab ipso amoliri audet Ludewigius, multam alias in ipso vel defendendo vel ornando operam ponens. Clara Procopii sunt verba *de Bello Pers.* L. 1. c. 24. Jam diu Legum nundinationi deditus quotidie pretio refagebat alias, alias figebat, prout e re erat atque usu poscentium. Egregie his subscribit Harmenopulus *Epit. Jur. Civ. L. 1. c. 1. Ad Novellarum compositionem operam suam Justiniano Tribonianus praebeuit, qui ob ingenii dexteritatem & habendi studium ad miraculum usque passim omnibus in ore est: qui cum scribendis Novellis occuparetur, acceptis a litigantibus pecuniis partim pro voluntate contribuentium commutavit, partim obscura, difficilia & ad sententias duplices vergentia improvide inconsulteque effudit.* Operam perdunt, qui in verbis Procopii *de Bello Pers.* L. 1.

Tribo-

Tribonianus justum sectabatur lucrum; singulis diebus leges antiquabat aut condebat; voculas justum lucrum nequicquam captantes Guil. Maranus in Comment. de aequitate & justitia p. 69. & Chifletius de Juris utriusque Architectis c. 3. n. 2. eas in defensionem Triboniani infelicititer rapiunt. Non tantum enim hae voces in comparatione Triboniani cum Joanne, illius avaritiam vincente, instituta modicum lucrum denotant, uti existimat Hoffmannus l. c. not. c. sed, uti vel ipse Ludewigius agnoscit, animum Autoris, avaritiam Triboniani in legibus condendis false perstringentis, omnino produnt. Hanc tamen avaritiam Legibus condendis nihil nocuisse arbitratur Ludewigius, cum Tribonianus nec solus, nec inter collegas primus juris condendi opus perfecit; & Justiniani ipsius curae huic operi dirigendo impensae ejus, si qui fuissent, conatus repressurae fuissent. Quanta vero Justiniani gratia usus fuerit Tribonianus, & summi in ipsum certatim translati honores & unanimes Scriptorum consensus satis superque demonstrant. Hac eo facilius principis animum in sua desideria flectere poterat, quo magis avaritia unius cupiditatem alterius adjutura videbatur. Denique quod primae ejus in condendo juris corpore partes fuerint, luculenter ostendunt Constitutiones Justiniani Corpori Juris praemitti solitae, quae Tribonianum omnibus paginis loquuntur.

(8) Quos hic contra Procopium in aciem producit Heineccius, quibus accedit etiam Vayerus, & ipse *Opp. T. I. p. 339. Edit. Par. 1656.* Procopium non subitanea pugna sed justo bello aggressus, illi vero plus terroris quam vulnere incurrunt. Diversa ab iis, quae in octo libris prioribus dixerat, in hoc nono libro, quem Anecdota inscribit, loquitur Procopius, imo cum illis non raro pugnantia. Esto. At tu vero, qui hoc solo argumento fidem Procopii dubiam reddere

con-

conaris, aut utrumque opus abjicito, aut utrumque servato: cum dissensus ipse, si fidem auctoris dubiam facit, unum non magis, quam alterum opus suspectum reddat. Si alterum tantum servare vis, cur, quaeso, calculum tuum illi dabis, quod eo tempore scriptum & editum, quo non in adulationem verba componere nefas erat. Rationem dissensus, qui te in operibus Procopii offendit, ipse tamen satis indicat vero sane non ab similem, imo vero maxime probabilem. Veritus est dicere, quae non placitura essent Imperatori ejusque propinquis & summam rerum administrantibus in libris, qui sub oculis & auspiciis Imperatoris scribebantur, in eo demum libro ex animi sententia scripturus, quem serius, & quo paucos offendere posset tempore, prodire voluit. Si dubitas de fide eorum, quae in Anecdotis dicuntur, ea, si placet, conferre licebit cum aliis scriptoribus fide dignis, quorum cum Anecdotis non infrequens consensus dubia tibi suborta eximet. Habebis in conferendis aliorum auctorum scriptis egregie praeaeuntem Alemannum in Praef. & notis. Nonnunquam facem tibi accendet ipse Procopius, passim in octo historiarum libris recte & sub specie laudis perstringens eos, quos in Anecdotis pleno ore reprehendit. At paganus est, ergo abjicienda ejus Anecdota. Bona verba quaeso! Si paganus est, non in Anecdotis tantum, sed in caeteris etiam historiarum libris, quibus tu tamen non raro delectaris, aequè paganus est, praesertim cum, quae te male omnino habent, eumque tibi paganissimi maxime suspectum reddunt, ex ejus *Libro I. de Bello Goth.* desumpta sint, ubi naturam Dei profundius rimari, hominibus datum esse negat. Modestum audi, si placet, Joh. Alberti Fabricii hac de re judicium *Biblioth. Graecae Lib. V. c. 5. p. 249. Nihil video, quod non scribere sanus historiae scriptor Christianus potuerit, haud professus Theologum, &*
quae

quae Christianis propria sunt dogmata, in alium opportuniorem locum rejicere se innuens. Imo vero locorum, quae Christianum & pium scriptorem sapiunt, amplum fatis indicem ex scriptis Procopii contexit Martinus Hankius de Byzant. Rerum Scriptoribus Graecis P. I. c. 5. §. 5. p. 147. & seq. Sed sit paganus, an tu ipsi ideo fidem omnem historicam in rebus cum religione nihil commune habentibus protinus denegabis? Abibunt ergo in malam rem, te quidem iudice, elegantissimi optimorum seculorum scriptores; quorum sane non tam vices doleo, quam tuam & nostram totiusque rei literariae, si iis carere jubeamur. At aniles quandoque fabulas nectit, maxime in Anecdosis. Sed haec quidem seculi magis, ad superstitionem omnino compositi, quam hominis labes est. Saepe tamen, pergis, de Justiniano scribit, quae fidem omnem excedunt. Quid vero, si tibi largiar, cum aliquid affectui passim dedisse, an ideo tota ejus fides corruet? Corruet ergo cum ipso plerorumque historicorum fides, quos saepius aliquid humani passos esse, nemo negat, nemo tamen non veneratur. Judicio historico opus est ad discernenda vera a falsis. Ego vero, si quid mei hac in parte est judicii, semper mihi dictum credo: ἔτε πάντα, ἔτε πάντες, ἔτε ὅλη πᾶντων.

(s) Fabulam de Justiniano analphabeto ex corrupto Suidae loco ortam esse, nemo hodie ignorat, ubi pro Justino, vere analphabeto, male legitur Justinianus. Locum ex Codice Vaticano optimaе notae feliciter restituit Kusterus. Duos alios non minoris integritatis in Bibliotheca Regia Parisina se vidisse Codices, qui pro Justiniano Justinum analphabetum optime exhibent, jam testatur Vayerus. Et si vel Codicum fides deficeret, ipse totius orationis, qua Suidas utitur, nexus Justinum, non Justinianum, legendum esse indicaret. Eruditionem Justiniani testantur

porro, quae in jure condendo egerat, qui leges non raro ipse scripsit, quique de se, quod Institutiones *legerit* & *recognoverit*, ipse testatur. Quantum temporis literarum praesertim Theologicarum studiis dederit, id satis indicat, quod multi veterum id Justiniano exprobraverint, quod literis se, ultra quam debuisset, dederit; & quod, qui cum Artabane nefarium in vitam Imperatoris consilium inierant, opportunum suis rebus tempus, teste Procopio *de Bello Goth. L. 3.* elegerint, quo Imperator sine custodibus ad multam noctem cum senioribus sacerdotibus rebus theologicis investigandis vacare soleret. Testes alios, eosque omni exceptione majores, eruditionem Justiniani impense laudantes, producunt Alemannus & Ludewigius. Operum a Justiniano compositorum indicem bene longum exhibet Hoffmannus *Hist. Jur. Lib. II. c. 1. §. 3. not. a.*

(?) Multi quidem ipsi errorem Aphthardocetarum, alii Aphthardocidarum, exprobrant, praecipue Evagrius atque Nicephorus. Sed quam bene de ipso senserit Ecclesia, non tantum Johannis Scholastici, Gregorii Magni & Agathonis luculenta testimonia docent, qui ipsius memoriam semper sub encomio pietatis recolunt, sed illud maxime demonstrat, quod in Prooemio Synodi Quinisextae *ὁ τῆς θείας διέξεως*, aut *ὁ μακαρίτης* dicatur, elogio, quo eum, cujus fidem suspectam habuit, Ecclesia nunquam ornavit. v. Schurzfl. *L. c.*

§. CCCLXXXIV.

Ejus patria.

Natus est IVSTINIANVS, si Zonarae fides, anno erae Dionys. CCCCLXXXII. V. Id. Majis. Patriam habuit Taurisium, quod oppidum deinde muro circumdedit quadrangula figura, & a quatuor turribus, quibus totidem angulos clauserat, Quadraturam

ritam vocavit. Quum vero Archidae, propinquo Taurisio oppido, esset educatus, & illi, basilicis palatiisque ornatae, & novo vocabulo *Justinianae primae*, ad metropoleos dignitatem evectae, nutritionis officium atrici patriae rependit. Procop. *de aedific. Justin. lib. IV. c. I. sequ.* Facile vero in gratiam reducuntur cum Procopio, qui ei *Bederinam* ^(a) patriam tribuunt cum Agathia*, *Lib. V. Hist. p. 166. Ed. Paris. & p. 116. Ed. Venet.*

* *Bederinam* regionis nomen esse, in qua Taurisium situm erat, suspicatur perillustis a Ludewig in *Justin. Cap. VIII. §. 1. p. 127.* cujus & elegans illa conjectura est, idem esse *Taurisii* & *Ochridae* vel *Achridae* nomen, illud Latinum a tauris, hoc Germanicum vel Scythicum, quasi *Ochsenried*. Enimvero Procopius *Bederinam* praesidium vocat, quod prope Taurisium fuerit, potestque adeo credi, locum Justiniani natalem promiscue modo ab arce *Bederinam*, modo ab oppido, quod prima ejus incunabula vidit, *Taurisium* dictum esse. H. Non elegans, sed ineptissima est haec conjectura. Procopius *de aedif. l. c. Bederinam* castellum, *Οχυρον*, appellat. Deinde quis unquam fando andivit, ea loca, ubi *Taurisium* situm erat, inhabitasse Germanos, nomenque urbi imposuisse Germanicum, cui deinde demum Romani Latinum dederint. Confundit *Ludewigius* Scythas cum Slavis, quorum pars ibi locorum tunc temporis sedit. Sed hujus generis opinionibus haec Justiniani vita est refertissima. R.

(a) *Bederina* s. *Bederiana*, *Taurisium*, *Quadraturita*, *Justiniana prima* quo loco haberi debeant in historia Justiniani, distincte docet locus Procopii ex Vaticano Codice integer exhibendus: *Apud Dardanos Europaeos, qui post Epidamniorum*

terminos habitant, ad praesidium, quod Bederiana vocatur, oppidum est Taurisum nomine. Hinc Justinianus Princeps, orbis reparator, ortus est. Eum locum muro circumdans quadrangula figura, singulis angulis turrim imposuit, effecitque, ut esset, & vocaretur Quadriturrita. Juxta eundem locum urbem nobilissimam condidit, quam Justinianam primam appellavit, atque nutricationis officium altrici patriae rependit. Ergo Taurisum est patria Justiniani, postea Quadriturrita dictum. Bederiana praesidium est prope Taurisum; in utriusque vicinia postea Justiniana prima condita est. Hanc a Bederiana distinguit Procopius, Agathias vero cum ea confundit. v. Rupert ad Besold. c. 15.

§. CCCLXXXV.

Quomodo & quando ad imperium pervenerit?

Justini Imp. avunculi ope primum anno DXXI ad consulatum; deinde ad patriciatum & comitivam domesticorum; hinc porro ad Nobilissimum, ac demum ad Augustum fastigium pervenit, vivo adhuc avunculo, anno Christi DXXXVII. Kal. Apr. Zonar. *Annal. Lib. XIV. pag. 60. Edit. Paris. & pag. 48. Edit. Venet. Evagr. Hist. Eccl. IV, 9. Procop. Anecd. cap. 9.* Mortuo quatuor mensibus post Justino, ipse solus rerum potitus annos imperavit XXXVIII, caesisque hostibus, pacata, quoad licebat, ecclesia, conditis exornatisque urbibus, & legibus Romanis restitutis, immortalem gloriam meritis, senex admodum decessit, anno DLXV. die XIV. Novembr. *Chron. Alexandr. ad h. ann.* dignus profecto, cujus aetas in meliora tempora incidisset.

§. CCCLXXXVI.

PRAESENTINVM. Hi enim omnes recensentur ** l. 2. §. 9 II. l. 3. §. 9. C. de vet. jur. enucl. Const. haec quae necessario §. 1. de novo cod. fac. Const. summa reip. §. 2. de Justin. cod. confirm. Const. cordi nobis. §. 2. de emend. Cod. Justin. & §. 3. prooem. Instit.

* His octo Antecessoribus Justinianus Constitutionem, omnem reipublicae, anno 533. emissam, inscripsit. Quoniam vero ex Codicis utriusque titulo, de studiis liberalibus urb. Romae & Constantinop. satis superque notum est, duos Romae, & totidem Constantinopoli, Professores jura tradidisse; Menagius *Amoenit. Jur. c. 24.* ex Justiniana constitutione manifesto apparere existimat, quatuor reliquos Antecessores Berytenses fuisse. Menagii sententiam Jacob. Haefaeus de *Berytens. Jctor. Acad. cap. 8. §. 2. & 4.* tanta cum confidentia est amplexus, ut scribere non dubitarit, ex his, priores duos antecessores fuisse Constantinopolitanos, sequentes duos Romanos, ultimos vero quatuor Berytenses, quoniam Justiniani constitutio, Tanta, de confirmat. Digest. §. 9. doceat, Anatolium inter ultimos quatuor primo loco nominatum, Jus Beryti professum esse. At viri illi doctissimi Justiniani constitutiones, & male interpretati sunt, & temporis accuratam rationem minime inierunt. Nominat Justinianus primo loco, Theophilum & Dorotheum, quorum tamen prior Constantinopoli, alter Beryti docuit, uti fidem facit Constitutio, Tanta §. 9. Salutat post hos Imperator Theodorum & Isidorum, quos Professores Romae fuisse, Menagius & Haefaeus, hypothese suae inservientes, sibi aliisque persuaserunt; cum tamen eo tempore, quo promulgata est constitutio, omnem reipubl. Orientis Augustus, ne domunculam quidem in Italia sua in potestate haberet. Etenim anno 533. poten-

tissi-

tissime ea in provincia regnavit Athalaricus Ostro-Gothorum Rex, qui consiliis usus matris Amalasuentae, doctissimae foeminae, insignem gessit curam scholae Romanae, severeque injunxit Senatui, ut is *Juris expositori commoda sine aliqua imminutione*, daret, docente Cassiodoro *Var. IX. 21.* Imo Justinianus mortuo jam Athalarico an. 534. ejus successor Theodohato, anno demum sequente bellum indixit, & victorem exercitum ex Africa duxit in Italiam. Vid. Procopius *de bell. Goth. lib. I. c. 5.* & Pagius *in Critic. ad Annal. Baron. an. 535.* Quae cum ita sint, facile est ad intelligendum, errare omnes, qui e numero octo Professorum, a Justiniano laudatorum, Romae duos docuisse, autumant. Certe non liquet hodie, Constantinopoli, an Beryti, Theodorus & Isidorus Antecessores fuerint. Male denique concludit Haseus, *Anatolium, Thalleleum, Cratinum & Salaminium* juris doctrina, eam potissimum ob causam, scholam Berytensem exornasse, videri, quoniam *Anatolius* primo, inter hos quatuor, loco nominatus, Juris ibidem interpretem, Justiniano teste, egerit. Evertit enim fallacissimam hanc conjecturam ejusdem Justiniani testimonium, quod de *Cratino*, constit. *Tanta §. 9.* reddidit, *optimum eum Antecessorem almae urbis Constantinopolitanae constitutum fuisse*, referens. Igitur ab Haseo neque Gravina, neque Brodaeus recte erroris argui potuerunt, quorum prior *Origin. Jur. Civ. Lib. I. §. 138.* binos tantum in unaquaque Scholarum olim Professores fuisse statuit; alter vero asseruit *not. ad Polleti hist. for. Rom. Lib. I. c. 4.* quatuor in singulis Gymnasiis Antecessores docuisse. Quid enim habeat Haseus, quo possit probabilem Gravinae opinionem confutare, non video; in primis cum supra ostensum sit, male ipsum ad constitutionem Justiniani provocare, & tempora mire confundere. Etenim cum Imperatores, in

singulis metropolibus, Romae atque Constanti-
 nopoli, duos tantum juris Doctores constituerint,
 vix idoneae afferri in medium rationes possunt,
 quibus eos permotos fuisse, persuadere nobis va-
 leamus, ut Berytensium civitati, quae tamen e-
 rat supra laudatis longe inferior, ordinarios Pro-
 fessores quatuor assignare voluerint. Ad Brodae-
 um vero quod attinet, vir ille doctus ea tantum
 tempora respexit, quibus, Italia nondum recu-
 perata, Justinianus Scholarum modo duarum,
 Constantinopolitanae, atque Berytensis, curam
 gerere potuit. Satis igitur probabiliter, unicui-
 que earum, quatuor Professores, aequaliter tri-
 buit, animadvertens nimirum, octo viris tan-
 tummodo Imperatorem legum suarum corpus
 commendasse. Et habet profecto haec Brodae-
 i sententia magnam verisimilitudinem, quam ego
 tantum abest, ut cum Hasaeco improbem, ut po-
 tius apta interpretatione magis confirmandam esse
 censeam. Res igitur omnis, nisi me omnia fal-
 lunt, ita concipienda est. Erant in singulis Scho-
 lis, Constantinopolitana & Berytensi, ex veteri
 instituto, Professores ordinarii duo, quod dudum
 vidit Cl. Otto *Orat. de arduo antecessoris munere*.
 His vero, ne studiosa juvenus detrimenti
 quid pateretur, si quando contingeret, ordinari-
 os doctores adversa valetudine premi, duos et-
 iam in unaquaque Scholarum suffectos esse, con-
 jicio. Quod utrum factum sit, Justiniano demum
 imperante, an eo jam tempore, quo Heruli &
 post hos Ostro-Gothi, occuparunt Italiam, tacen-
 tibus Historicis, hodie incertissimum est. Cum
 vero Justinianus de jure in ordinem redigendo
 cogitaret, ordinarios tantum elegit Professores,
 quorum industria ingeniiue dexteritate Juris Ro-
 mani corpus conficeretur. Hinc Beryto *Anato-*
lium & *Dorotheum* evocatos esse novimus, ut hi,
 Constantinopoli, cum *Theophilo* & *Cratino* sua
 communicarent consilia, quos adeo Quatuorvi-
 ros

CAP. VI. DE ST. IVR. A IVS. AD HAEC TEMP. 505

ros laudibus tantum extollit Justinianus Constitutione, *Tanta* §. 9. Perfecto vero juris corpore, cum Scholis id tradendum commendandumque esset, Justinianus, emissa constitutione, omnem reipubl. non ordinarios tantummodo, sed & his suffectos, Quatuorviros, qui tunc quoque temporis publico docendi munere fungebantur, salutare debuit, ut nimirum omnibus innotesceret, qua methodo jura docenda essent. Habes igitur Octoviros, sive Antecessores, quibus memorata constitutio inscripta est. Dedimus autem hic nonnihil conjecturis, cum deficiant veterum testimonia. R.

** Sunt in his quidam viri docti, aliunde quoque noti. PHOCAM maxime laudat ipse Procop. *Anecd. cap. 21.* ubi eum vocat ἀνδρα δικαίῃς ἐς τὸ ἀκροβύτων ἐπιμελητὸν γεγονότα, κέρδης δὲ ἐν τῷ ἀξιώματι καθερὸν, virum aequi justique observantissimum, in eoque munere ab omni quaestu purum & vacuum. BASILIDEM idem *Lib. I. de bello Pers. cap. 24.* vocat virum mansuetudine & aequitate inter patricios clarum. In primis de ANATOLIO ipse Justinianus *Const. Tanta* §. 9. de confirm. Dig. non id modo observat, eum virum illustrem, magistrum, & apud Berutienses juris interpretem constitutum esse, sed & addit, eundem ab ANTIQVA STIRPE LEGITIMA procedere, quum pater ejus LEONTIVS, & avus EVDOXIVS, post PATRICIVM, inclytæ recordationis Quaestorium, & Antecessorem, & LEONTIVM, virum gloriosissimum, praefectorium, consularem, atque PATRICIVM, filium ejus, optimam sui memoriam in legibus reliquerint. Ex quo loco patet, similem hanc familiam fuisse genti Muciaë, quam jurisprudentiam, tamquam gentilitium bonum sibi retinuisse, supra observavimus. H.

§. CCCLXXXVII.

Sed horum omnium non modo ἐργασίῳ ἔνε, lis prae-
li fed fecit Tri-

bonia-
num, vi-
rum ho-
noribus
variis
functum.

sed & antesignanus fuit TRIBONIANVS, vel, uti plerique codices eum vocant, TRIBUNIANVS, gente Pamphylius, patre usus Macedoniano, Procop. *de bell. Pers. lib. I. c. 24.* qui postea virtute & doctrina viam sibi ad summos in palatio & republica honores munivit, quippe *vir magnificus, magister*, scilicet officiorum, (Guther. *de offic. dom. Aug. Lib. II. Cap. 20. Lib. III. Cap. 10. Cassiodor. Var. I, 12. 13. VI, 6.*) *exquaestor sacri palatii*, §. 3. *Inst. prooem. itemque exconsul. Const. omnem reip. §. 2. ad Antecessor. & Const. Tanta §. 9. de confirm. Digest.* Quos titulos Triboniani egregie illustrat V. C. Christ. Gottl. Schwartz. *in Schol. philol. ad prooem. Instit. Cap. II, p. 37. sequ. **

* Certum est, Tribonianum ob seditionem Victorianorum Quaestura S. Palatii in gratiam plebis exutum, eam tamen mox recepisse: Procop. *Lib. I. de bello Pers. Cap. 24.* Nam ei vita demum functo in Quaestura successisse Junilium Afrum, tradit Procop. *in Anecd. Cap. XX.* Aldobrandinus tamen & doctissimus Schwartzius, Exquaestorem tunc dictum esse quaestorem primum, existimant: quemadmodum ὁ ἀπὸ ὑπατῶν *Exconsul*, vel *Ex consule* non fuerit, qui antea consulatam gesserit, sed omnibus Coss. tum ordinariis, tum suffectis, tum honorariis eminentior. Vid. Schwartz. *ibid. p. 39. & p. 40.* H. Noli in animum inducere, ut statuas, *Exconsulem*, & *Exquaestorem*, aliquid amplius, quam *virum consularem*, & *quaestorium*, aevo Justiniano, significasse. Nihil enim habent viri doctissimi, quo conjecturam stabilire possint: imo est opinioni contraria *l. 2. Cod. ut dignit. ord.* Plura dixi *not. XX. ad Novell. I. Theodos. de Theodosian. Cod. auctorit.* quam consule, si placet. R.

§. CCCLXXXVIII.

Hujus quoque viri vita, non minus, ac Varia de
eo judi-
cia.
 ipsius IVSTINIANI, varie extollitur, ar-
 guitur. Hefychius Illustrius *de vit. philosoph.*
 voc. Τειβωνιανός, illum vocat Ἕλληνα καὶ ἄθεον, pa-
 ganum & atheum: Suidas in Τειβωνιανός, Ἕλληνα,
 καὶ ἄθεον, ἀλλότειον καὶ πάντα τῆς τοῦ Χρεισιανῶν πί-
 σεως: paganum & impium, & a Christianorum fi-
 de prorsus alienum, immo & κόλωνα τε καὶ ἀπαλέ-
 οντα, adulatorem & impostorem, quippe quem
 persuasisse ajunt Justiniano, eum non mori-
 turum, sed vivum in coelum raptum iri. Pro-
 cop. *Anecd. Cap. XIII.* Addunt alii avarum
 fuisse hominem, & jus venale habuisse. Sed
 uti ipsae dignitates viri eum Christianum
 fuisse arguunt, via quippe ad honores paga-
 nis prorsus tum praeclusa; calumnia vero de
 adulatione ista tam absurda est, ut nemo eam
 vel probabilem saltem sit habiturus: ita Pro-
 copio, de Triboniani fama tam proterve de-
 trahenti, neminem rectius opposueris,
 quam ipsum Procopium.*

* Tantum fane abest, ut Tribonianus, si gentilis
 vel atheus fuisset, potuisset ad tantas dignitates
 in palatio Justiniani pervenire, ut diserte testetur
 Cedrenus *Annal. pag. 366. Edit. Paris. & pag.*
289. Edit. Venet. illum διαγμὸν καὶ Ἕλληνα καὶ πά-
 σης αἰρέσεως, persecutionem paganismi & omni-
 um haeresion movisse, θρασυαντα, μόνες δεσποδόντες
 πολιτεύοντες, lege lata, ut soli orthodoxi rempubli-
 cam gererent. Mendacium porro de Justiniano
 in coelum rapiendo tam est putidum, ut aut fron-
 te Tribonianum, aut cerebro caruisse Justinianum

oper.

oporteret, si vel ille ausus esset tam proterve illudere principi, vel hic se eo modo ludibrio haberi passus esset. Denique si largiamur, opum adpetentio-rem fuisse Tribonianum, eumque id vitium cum aliis pluribus commune habuisse: an inde sequitur, ut ei & jura venalia fuisse dicamus? Sane ipse Procop. *de bello Persico Lib. I. cap. 24.* Tribonianum vocat *virum moribus & disciplina omnium artium nulli secundum, & cap. 25. init.* ei, jam fatis functo, hoc perhibet testimonium: *eum virum, multis post magistratum viventem annis, morbo decessisse, nihilque a quovquam ingratum esse passum, quum natura mitis & humanus fuerit, iisque moribus simul & doctrina singulari unicum avaritiae morbum obscuravit.* An vero ea elogia cadere dicamus in hominem paganum, impium, & qui virtutem postnumos habuit? H.

§. CCCLXXXIX.

Primo
confectus
Codex
Justinia-
neus.

Capto semel illo consilio juris in meliorem ordinem redigendi, IVSTINIANVS primum anno erae Christianae DXXVIII. decem viris, inter quos & TRIBONIANVS fuit, id dedit negotii, ut ex tribus, qui tum exstabant, codicibus (α) constitutiones utiliores se- ligerent, easque, resectis praefationibus, & mutatis, quae eorum temporum foro minus concinna viderentur (β), una cum iis, quae ipse adhuc edidisset, in XII. libros, & sub certis titulis digererent. *Const. Haec, quae necessario. de nov. cod. fac.* Eum insequente anno absolutum IVSTINIANEVM vocavit*, Paull. *Diac. Hist. Langob. Lib. I. Cap. 25.* Joann. *Malala Chronograph. pag. 63. Edit. Venet.* editaque anno

anno DXXIX. d. VII. Id. Apr. constitutione, publicavit, & suppressis tribus istis codicibus, solum istum in foro pro norma haberi iussit. *Const. summa reip. §. 3. & 5. de Justin. cod. confirm. (2)*

* Est & hoc inter ea, quae in Justiniano reprehendit Procop. *Anecd. Cap. II.* quod omnia a suo nomine dici voluerit. *Ἀρχάς τε μενέσας ἀνέρε· τὰς δὲ οὐκ ἔσας ἐφίση τοῖς πράγμασι, τὰς τε νόμους, καὶ τῶν στρατιωτῶν τὰς καὶ λόγους· ταυτὸ τὲτο ἐποίησεν, ὅτι τῶν δικαίων εἰκόν· ὅδ' ἐπὶ συμφορῇ ἐς τὲτο ἡγήσατο, ἀλλ' ὅπως δὴ ἅπαντα νεώτεροι τε, καὶ αὐτὲς ἐπάνυμγοι εἴη. ἦν δὲ τι καὶ μετὰβαλεῖν ἐν τῷ παρατυπῷ ἡκιστα ἰχυσεν, ἀλλὰ τὲτω γε τῷ ἐπάνυμιαν τὴν αὐτὴν ἔθετο.* Nam *statis magistratuum formis LEGVMQVE & militarium ordinum abrogatis, alias innoxit, non jure, non publico commodο adductus, sed ut omnia nova, & de SVO NOMINE dicerentur. Rei cujus statim abolendae copia non fuisset, saltim SVVM indidit VOCABVLVM.* Et sunt sane magistratus novi, quos a se institutos *Justinianeos* vocavit, veluti Pisidiae praetor Justinianus, *Novell. XXIV. cap. 4.* Comes Phrygiae Pacatianae Justinianus, *ibid.* Comes primae Galatiae Justinianus, *ibid.* Praetor Lycaoniae Justinianus, *Novell. XXV. cap. 1.* Praetor Thraciae Justinianus, *Novell. XXVI. cap. 2.* Comes Justinianus Isauriae, *Nov. XXVII. cap. 1.* Immo & Moderatores & Procoffi. & Quaestores Justiniani passim occurrunt in *Novellis XXVIII. CII. XXX. XLI.* Ita & verum est, eum ex Vandalis legisse milites, quos *Justinianeos stationarios* vocavit Procop. *de bell. Vandal. Lib. II. cap. 14.* Denique recte observarunt Alemannus & alii, Justinianum urbes, oppida, portus, litteras, libros, scholares, & diadema de suo nomine vocari voluisse. Sed quid his omnibus inest criminis? An minus licuerit Justiniano Magistratus quosdam vocare *Justinia-*

Justinianos, quam Augusto *legatos Augusti & praefectos augustales*? An fas fuerit Trajano, Hadriano, Constantino, Gratiano, condere Trajanopolin, Hadrianopolin, Constantinopolin, Gratianopolin, Justiniano id nefas fuerit? Et quis quaelo ignorat basilicam Juliam, menses Julium & Augustum, thermas Diocletianas, bibliothecam Ulpianam, & similia, quae ab Imperatoribus nomen tulisse, nemo umquam sanus reprehendit? H.

(a) Quod non potius Constitutiones integras ex suo quamque authentico, quam truncatas ex hisce tribus Codicibus colligi curarit Justinianus, has fere potuit habere rationes. Multarum Constitutionum authentica injuria forsan temporum jamjam aboleverat, praesertim cum Theodosiani Codicis promulgatio antiquiorum constitutionum conservationem, parum diligentibus illarum custodibus minus necessariam esse persuadere posset. Compendium etiam laboris, quod Codicis Justiniani architecti in tribus his Codicibus deprehendebant, festinationi operis, quod Imperator ocysus perfici desiderabat, v. *Const. de novo Cod. fac.* §. 3. egregie velificabatur. Quod vero Justinianus hoc ipso & illud obtinere voluerit, uti existimat Hoffmannus, *Hist. Jur. L. II c. 2. §. 2. not. b.* ne usus fori per Codicem Theodosianum introductus nimis turbaretur, id quidem parum mihi videtur verosimile, cum tres hos Codices omnino oblitteraturus Justinianus, v. *Constit. de novo Cod. fac.* §. 3. & *Constit. de novo Cod. confirm.* §. 3. parum videatur curasse, ut usus fori pristinus fervaretur.

(b) Qui haec bene pensitaverit, merito quaesiturus est cum Jacobo Gothofredo *Proleg. Cod. Theod. c. 4. Quid denique profuit Triboniano, retento nomine Imperatorum constitutiones edere, cum iis aliam sententiam affigit, sic ut potius Justiniani jam sint, quam illorum Imperatorum, & quarum primus Auctor extitit?*

(γ) Licet utique largiar, Rescripta & Decreta ex eo, quod Codici Justiniano inserta sint, naturam Constitutionis generalis, ad exemplar trahendae, obtinere, utilissimam tamen omnino arbitror eos & hodie navare operam, observante id etiam Noodtio in *Dioclet. & Maxim. c. 2.* qui sollicitè adhuc Rescripta & Decreta ab Edictis distinguunt. Haec enim generalibus decidendi rationibus utentia facilius interpretationem, quam vocant, extensivam admittunt. Illa vero ex specialibus rationibus ad singulares casus eorumque momenta restrictis decidentia strictiorem naturam habent, & non nisi ad casus ex omni parte similes applicari possunt, adeoque interpretationi, ut ajunt, restrictivae potius obnoxia sunt.

§. CCCXC.

Deinde quum maximum solidioris jurisprudentiae thesaurum in veterum jurisconsultorum scriptis reconditum esse, non ignoraret, & haec tamen etiam manibus hominum fere excidissent: anno erae Christianae DXXX. die XVIII. Kal. Jan. illa, maxime ex Triboniani bibliotheca, (vid. *Const. Tanta §. 17. de confirm. Dig.*) conquiri, & periochas, quae in foro usum praestarent, inde decerptas, & aliquando, si ita videretur, interpolatas mutatasque in quinquaginta libros, certosque titulos colligi jussit. Perfecerunt id opus TRIBONIANVS, alique XVII viri, quos ei adjunxerat Justinianus, intra triennium, quum initio illis decennium (α) ad hunc laborem indulisset: idque opus deinde Justinianus DIGESTA vel PANDECTAS,

Deinde
Pande-
ctae vel
Digesta.

Hobertus Prof. ultra
histor. Pandectarum

Mitter de arte co-
noscendi emblemata
dig.

DECTAS, veterum exemplo *, adpellavit, quod omnes disputationes & decisiones in se haberet legitimas, &, quod undique esset collectum, in sinus suos recepisset (β). l. 2. §. 1. C. de vet. jur. enucl. Paull. Diac. Hist. Langob. Lib. 1. Cap. 25.

* Familiares admodum veteribus hos titulos fuisse, exemplis IULIANI, ALPHENI, CELSI, MARCELLI & CERVIDII SCAEVOLAE, qui libros suos DIGESTA inscripserunt, nec non VLPiani & MODESTINI, qui PANDECTAS reliquerunt, satis constat. Erat *Pandecte*, uti ex Apicio de re culin. Lib. IV. p. 103. patet, repositorium, quo varia condimenta & bellaria coenis inferebantur. Unde & totum artis suae librum *pandecten* inscripsit. Ictis huiusmodi inscriptiones in deliciis fuisse, ostendit Merill. *Observ. Lib. VII. cap. 34.* immo & Gell. in praefat. Imitati hanc figuram Hebraeorum Magistri, libros quosdam suos inscripserunt כּלבו, *Colbo*, quod omnia scitu digna sinu suo complectantur. Huber. *Praelect. ad Pandect. prooem. §. II. H.*

(α) Ego vero, qui venerandas has purioris Jurisprudentiae reliquias magni merito facio, laetarer magis, si audaces hi Pandectarum confarcinatores tritum illud sibi etiam dictum esse existimassent: Sat cito, si sat bene! Quod cum alto supercilio spreverint, nunquam sane a me impetrare potui, quin horum Collectorum audaciae subirascerer, quotiescunque operae ab ipsis praestitae historia animum subiret. En paucis veram rei faciem. Septendecim homines Graeci rudioris jam seculi, Romanorum mores & sermonem vix leviter docti, perpetuis aulae negotiis iisque gravissimis toti plerique immersi, in varias curas & partium studia, difficillimis illis temporibus, saepissime tracti, ingentem bis mille volumi-

voluminum molem, quibus Jurisconsultorum jam aliquot seculis a se remotorum opera continebantur, quae & ipsa magno annorum & opinionum intervallo a se invicem diffidebant, & quorum non pauca Legum antiquarum & maxime XII. Tabularum, Ciceronis jam aëvo intellectu difficile, interpretationes exhibebant, magna virium fiducia aggrediuntur, legunt, ex iis in suos, quaecunque vellent, usus colligunt, illa rejiciunt, haec servant, truncant, in partes scindunt atque disjiciunt, mutant, augent, ad genus sui seculi attemperant, in suos quaeque titulos referunt, & ita unum ex innumeris opus sibi, si Diis placet, ex omni parte responsurum componunt, idque legendum, approbandum, & confirmandum vel praemii properandi desiderio capti, vel insignem diligentiae & eruditionis laudem ex festinatione captantes, vel saltem taedium longioris laboris fugientes intra triennii metas offerunt, quod vel ipse Imperator, plus justo tamen alias festinare solitus, intra decennium vix perfici posse prudens speraverat. v. l. 2. §. 12. & l. 3. §. 12. *Cod. de V. I. E.* Miraculo res digna fuisset, si ab his viris, his mediis, hac festinatione tantum opus perfectum omnibusque numeris absolutum prodiiisset. Optime sane Schulcingius in *Orat. qua disquiritur, culpandusne sit Tribonianus* &c. Jurisprudentiae Antejust. subjuncta: *Aegerrime ferimus, vasto adeo atque immenso operi, cui exacte eliminando ne decem quidem suffecissent anni, non nisi perexiguum & ne integri quidem triennii spatium impensum fuisse.* Videantur etiam, quae bene monet Hoffmannus *Hist. Jur. L. II. c. 2. §. 4. n. a.* Addatur Arth. Duck. de *Auct. J. R. L. I. c. 4. §. 8.* & Vigl. *Zuichemus Comin. ad §. 4. Inst. de mil. testam.*

(3) De Origine, Etymo & praestantia Pandectarum Recitationes conscripsit Carolus Selvaghius, insertas *Thes. Jur. Civ. T. I.* quae ta-

men ad hanc rem, de qua hic agitur, illustrandam parum faciunt.

§. CCCXCI.

Ordo in
Pande-
ctis ob-
servatus.

Hoc opus, quod ipse Justinianus in septem (α) partes diviserat, maxime ad edicti perpetui ordinem dispositum esse animadvertimus: nec tamen per omnia.* Nam & praemissa quaedam sunt de jure in genere, de statu hominum, de rerum divisionibus & de magistratibus, quae in Edicto locum non habuerunt: & quaedam, quae primo statim loco in edicto tractata erant, veluti de magistratibus municipalibus, in postremum locum *Pandectarum* rejecta, & quaedam interjecta de hypothecis, de evictionibus, de eo, quod falso tutore auctore gestum fuerit, quae vel omnino non, vel alio loco edicti occurrerunt: & denique sub finem *Pandectarum* permulta occurrunt de criminibus, adpellationibus, jure publico, quorum nullum in edicto vestigium notamus. Ceterum ne de novo corrumperetur opus, magno studio elaboratum, Justinianus illud per notas seu Sigla scribi vetuit**, l. 2. §. 22. C. de vet. jur. enucl. & a jureconsultis non alios libros in illud scribi voluit, quam PARATITLA, l. 2. §. 21. C. de vet. jur. enucl. quae fuerint, docet Aeg. Menag. *Amoen. jur. civ. Cap. XV.* & Jan. a Costa *Praef. Summar. Lib. I. Decretal.* (β)

* Male itaque faciunt, qui ordinem in Digestis observatum vituperant. Certe hi, qui de Digestis, in alium ordinem redigendis, cogitarunt, quorum fuerunt

fuerunt apud Germanos bene multi, parum sub-
fidii, hoc facto, ad interpretationem legum attu-
lerunt. Notent hoc juris cultores, in interpre-
tandis legibus respiciendum esse, primo ad Jctum,
ejusque aetatem, ac sectam, cui is adhaesit; de-
inde vero ad librum, ex quo excerpta lex est.
Porro coaevi potissimum scriptores consuli de-
bent, si quando de vocum proprietate dispute-
mus, cum notum sit, verba valere sicut nummos,
aliamque subinde, pro temporum rerumque di-
versitate, induere significationem. R.

** In exemplari Florentino, observante id Ant. Au-
gustino *Emend. Lib. I. Cap. 1.* talia passim occur-
runt. Quamvis enim id negarit Ang. Politian.
Epist. X, 4. & Miscellan. XLI. *volens* tamen
V. A. Henr. Brenemannus observavit, reperiri ibi
pro *noy*, I. pro *primo*, EDM pro *edictum*,
ū pro *quinto*, UIIO pro *octavo*, ū pro *us*, ut
jam non dicamus de variis monogrammatibus &
contignationibus litterarum, quae typis tam facile,
quam calamo exprimi non possunt: de quibus
consuli debet laudatissimus Brenemannus *Histor.*
Pandect. Lib. II. Cap. 3. p. 117. sequ. Viderint
ergo, qui hunc librum ipsius Justiniani tempo-
ribus scriptum existimant, an sententiam satis
probabilem tueantur. H.

(a) Sola numeri septenarii (qui sanctus veteribus
visus Gell. *Noct. Att. L. III. c. 10.* Macrob. *in*
Somn. Scip. L. I. c. 6.) veneratione se motum
ipse prodit Imperator *L. 2. §. 1. L. 3. §. 1. Cod.*
de V. I. E. Alia est barbara satis divisio in Dige-
stum Vetus, Infortiatum & Novum. Vetus
in Tit. II. Libri XXIV. finitur. Infortiatum a Tit.
III. Lib. XXIV. incipit, & cum Libro XXXVIII.
desinit. Novum ad finem inde extenditur. Ple-
rumque haec Bulgaro auctori, aequalem volumi-
num mensuram, ut videtur, servaturo adscribitur.

(e) En verba Jani a Costa: *Paratitla non sunt ex-
plicationes Titulorum, sed ex caeteris Titulis Ti-*

tulorum repletiones, id est, Indices Legum, quae ex caeteris Titulis ad Titulum subtiliter revocari possunt: vel, ut Justinianus loquitur, per subtilitatem Titulorum admonitoria. Addatur Leunclavius in Prol. de prisco Paratitlorum usu: Haec igitur de modo Juris explicandi posteriore per Paratitla mens Justiniani fuit, ut liceat quemois ad Titulum Pandectarum annotare, quae aliis in Titulis ac locis illum ad Titulum pertinentia reperiantur. Hic priscus scilicet germanusque Paratitlorum usus. Egregiis ad Codicem Theodosianum Paratitlis Jacobus Gothofredus nexum cujusvis Tituli cum aliis Titulis, & Leges ex aliis Titulis ad hunc referendas indicavit, atque perfectum Paratitlorum exemplum nobis reliquit.

Optima quaevis de suo Pandectarum opere speravit Justinianus, ut nullam in ipso voluerit esse Antinomiam, sed unam concordiam, unam consequentiam, v. Constit. Deo Auctore &c. de conceptione Digest. seu l. 1. Cod. de V. I. E. §. 8. imo nihil contrarium, neque idem, neque simile in eo inveniri, & ne geminas leges pro rebus singulis positas usquam apparere, ambiguitates omnes decisas esse, nullo seditioso relicto, contrarium nullum in hoc opere inveniri sibi omnino persuaserit. v. Constit. *Tanta. de Confirm. Digestorum ad Senat.* & omn. pop. seu l. 2. Cod. de V. I. E. pr. §. 1. & 15. aliquanto tamen modestius locutus sit in Constit. *Dedit. de Confirm. Digest. ad magnum Senat. f. l. 3. Cod. de V. I. E. §. 15.* Res ipsa tamen docuit, non adeo ab omni vitio purum esse hoc opus. Nolo hic Pardulphi Prateji querelas recoquere, qui in *Jurisprud. media, in Thes. Jur. Civ. Tom. III. 160.* geminationes L. I. plures omissiones L. II. multas truncationes & inversiones Libro III. specimina locorum veterum bene multa ex ignorantia antiqui juris & bonarum literarum in alienos sensus tractorum L. IV.

magno

magno studio collegit. Licet enim horum aliqua quandam forte delicatulis Lectorum stomachis nauscam excitare possint, tanti tamen non sunt, ut graves saniori jurisprudentiae dolores inferre queant. Truncationes sententiarum ex veterum scriptis excerptarum licet nobis parum gratae sint, a Justiniano tamen opere, quod veteres ad sui seculi genium attemperare studuit, abesse saepius non potuerunt. Nec Francisci Hottomanni iras moror, qui *Anti-Trib. c. 12.* cum multis aliis erroribus & hunc maxime Triboniano exprobrat, quod antiquissimorum Jurisconsultorum sub libera republica & primis Imperatorum Romanorum temporibus viventium opera a suis Pandectis exulare iusserit, cui tamen plena manu jam satisfecit Schultingius in *Oratione Jurisprudentiae Ante-Justinianae addita* egregie demonstrans, non vitio, sed laudi potius verti posse Triboniano, quod, qui tanto a Justinianei seculi moribus distabant intervallo, eos sui seculi Jurisprudentiae parum conducere existimaverit. Illorum etiam sententiae subscribere non possum, qui in Tribonianum acrius invehuntur, quod paganissimi aliquas reliquias, quarum indicem exhibet Struvius *Hist. Jur. C. 3. §. 5. n. 8.* Pandectis inferi passus fuerit. Ita enim involutae saepius illae sunt sententiis veterum, acquirunt tamen iustique regulam optime statuentibus, ut sine offensa vix omitti potuerint. Quas vero illae tam uberi purioris religionis luci tenebras obducere possint, ego sane non video. Sint itaque Pandectae ab his quidem accusationis capitibus mea qualicunque sententia absolutae. Non tamen ita in verba Justiniani vel Triboniani iuravi unquam, ut hoc opus Pandectarum ab omni naevo immune pronunciare vellem. Sunt enim quaedam in illis plane obscura, quaedam secum invicem pugnantia, quae explicari commode & secum invicem conciliari utique non possunt. De

Antinomiis autem inferius adhuc aliqua dicentur. Nunc vero, cum quaedam non omnibus tamen obscura sint, quaedam etiam speciem tantum aliquam pugnae, ab exercitioribus facile componendae, sistant, quaedam etiam non auctorum juris, non Collectorum vitio inquinata sint, sed aliunde corrupta, liceat hic, ut studia Cultorum Juris adjuvemus, quorum gratia haec maxime scribuntur, regulas quasdam, quas fugerit & scite explicat Brunquellus *Hist. Jur. P. II. c. 4.* subjicere, quae laborem hunc difficilem egregie levare possunt. I. *De Legis cujusvis, quae explicatione aut conciliatione indiget, lectione constet.* Multos textus librariorum oscitantia corrumpit, multos audax criticorum manus, dum sanare voluit, acrius vulneravit. Genuinam itaque lectionem certius addiscere non possumus, quam si eam ad Codicis Florentini a Laelio Taurellio diligenter inspecti, & ab ejusdem filio Francisco Florentiae Anno 1553. editi normam redigamus. Artem egregie emendandi Leges docuit Guilielmus Best, Jctus Batavus, singulari opusculo, cui titulus: *Ratio emendandi Leges Pandectarum Florentinarum auctoritate*; cui notas eruditas addidit Neuhaus. Non immerito huc referas etiam Sigm. Reich. Jauchii, *Meditationes Criticas de Negationibus Pandectarum Florentinis partim recte vel male jam adjectis, &c. partim etiamnum adficiendis &c.* Cum vero, uti Celsus bene monet l. 17. *D. de LL. Scire Leges non sit verba earum tenere, sed vim ac potestatem*, si de genuina Legis lectione constat, II. *ad ejus sententiam progrediendum est.* Multum hic te juvabit nosse aetatem, vitam & mores Jurisconsulti, cujus verba sunt, in quibus explicandis operam ponis. Disces haec ex iis, qui vitas Jctorum veterum conscripserunt, Bernardino Rutilio, Joanne Bertrando, Guilielmo Grotio, Jano Vincentio Gravina. Investigabis Sectam Jcti, Stoicaene, an alii addictus

addictus fuerit, Proculejanorum, an Sabinianorum partibus adhaeserit. Multa hic te docebunt, qui de familiis & sectis veterum Jctorum scripserunt a Boeckelen, Everhardus Otto, van Eck, Heringius, Slevogtius, Boehmerus, Mascovius, Schaumburgius. Inde usum verborum, quibus Jctus, tuae Legis autor utitur, egregie te docebunt ejusdem aetatis Scriptores Jcti, Historici atque Poëtae. Quantum tibi lucis historiarum & antiquitatum studia accendere hic possint, quantoque cum fructu praecipue Autoris nostri opera uti queas, vel me tacente perspicias. Perspecta Legis lectione & sententia observabis Regulam III. *Quae verbis & sententiae Legis convenit species seu casus ponatur.* Dici non potest, quantum utilitatis tibi afferat, si inspecta Legis tuae inscriptione, cum de auctore & libro, ex quo tua Lex excerpta est, bene tibi constet, tum demum disjectas per varios Pandectarum titulos ejusdem auctoris leges colligas, & secundum seriem operum ita in ordinem redigas, ut inde nexum omnium sententiarum ejusdem auctoris, quantum quidem fieri possit, discas, & hinc ex antecedentibus & sequentibus mentem ejus facilius eruas. Utilissimam hic operam tibi praestant, qui Legum indices composuerunt, Jacobus Labittus, Antonius Augustinus & Wolfgangus Freymonius, quique omnium horum industriam felicissime superavit Abrahamus Wielingius in *Jurisprudencia restituta*.

§. CCCXCII.

Perfecto *Pandectes* corpore, at nondum promulgato, tribus viris, TRIBONIANO, THEOPHILO & DOROTHEO, negotium dedit Imperator, ut INSTITUTIONVM libros quatuor ex veterum jureconsultorum

Institutiones confectae.

compendiis *, & CAII potissimum Institutionibus adornarent, ut illae essent totius legitimae scientiae prima elementa. *prooem. Inst. §. 3. & 6.* Eum libellum, quamvis post *Pandectas*, uti diximus, conditum, prius tamen, quam illas, Justinianus publicavit XI. Kal. Dec. anno erae Dionys. DXXXIII. ei-que plenissimum constitutionum suarum robur accommodavit. §. 6. *prooem. Instit. (α)*

* Sic multa *Institutionum* loca totidem paene verbis decerpta videmus ex *Institutionibus* VLPIANI, FLORENTINI, MAECIANI, ex *Epitomis* HERMOGENIANI, immo & ex majoribus libris veterum Ictorum, veluti VLPIANI *regulis & libris ad Sabinum*, PAVLLI *libris ad Edictum*, PAPINIANI *responsis*, & similibus. Unde optime meriti sunt de studiosa juventute, qui in editionibus singulis paragraphis adscripserunt loca *Digestorum*, ex quibus expressi sunt. Id quod novissime praestitum animadvertimus a V. C. Everardo Ottone (β). H.

(α) Tria tempora Institutionum studiose distinguenda sunt, quae de auctoritate Institutionum cum *Pandectis* comparanda totam litem definiunt. Institutiones post *Pandectas* compositae, vid. *Prooem. Instit. §. 4.* ante eas publici juris factae, tempore, quod autor ipse indicat, XI. Kal. Decembr. D. Justiniano PP. A. III. Conf. v. *subscript. Prooem. Inst.* cum iis eodem die confirmatae fuerunt, & auctoritate legali eodem die donatae. vid. *Constit. Tanta.* & *Constit. Dedit. de Confirm. Digest. §. 23.* Ex primo tempore dubium nascitur, an Institutiones derogent *Pandectis*, his posteriores, ex secundo, an *Pandectae* Institutionibus, his quippe posteriores, ex tertio tempore decidendum. De qua re tamen plenius infra.

(β) Everardus Otto in eo praecipue utilem navavit
ope-

operam, quod non tantum loca Caji aliorumque veterum JCtorum in Institutiones translata ex ipsorum fragmentis, quae extra Pandectas supersunt, & ab Antonio Schultingio in *Jurisprudentia Ante-Justiniana*, egregiis Commentariis illustrata exhibentur, diligenter indicaverit, sed & ea, quae in Legibus Pandectarum occurrunt, eadem diligentia annotaverit. Indicem etiam Legum & Senatusconsultorum, quae in Institutionibus laudantur, ex Cujacio exhibet van de Water p. 653. *Editionis Institutionum cum Commentario Jani a Costa, & annotationibus Theodori Marcelli & Marci Antonii Mureti Lugd. Batav. 1714. editae, 1744. vero ibidem recusae*; aliumque porro indicem Constitutionum, quas Imperatores Justiniano antiquiores promulgaverant, in Institutionibus commemoratarum, p. 652. nec non Justinianearum Constitutionum, quarum in Institutionibus mentio fit, p. 651. Quos indices cum aliis ibidem utilissime ex Cujacio exhibitis, etiam Everardus Otto suae Editioni Institutionum subjunxit, & Abrahamus Wielingius cum aliis apprime huc facientibus suae *Jurisprudentiae restitutae* inseruit, p. 179. & *seqq.* qui Juris Cultores in usu Institutionum egregie juvant.

Quam fortem aliae Juris Justiniani partes, eam & Institutiones expertae sunt, ab aliis quidem, v. g. Cujacio *Observ. L. XI. c. 38.* & Charonda in *Praefat. ad filium*, ultra forsan, quam debebant, laudatae, ab aliis, inter quos praecipue Wesembecius ad §. 2. *Instit. de Testam. ord.* iusto acrius reprehensae. Offendit multos, quod non in tres tantum libros, ad tria juris objecta, quae in iis sibi explicanda proponit Justinianus §. ult. *Instit. de J. N. G. & C.* adaptatos, sed in quatuor potius scindantur Institutiones, ita ut non singulis objectis singuli libri respondeant; porro quod non ex suo fonte, sed ex aliorum operibus Institutiones petierit Imperator; nec non

quod Caji praecipue vestigiis, non alterius J^Cti, suo seculo propioris, insistat; tandem quod non uni tantum, sed tribus architectis libelli elementaris, perpetuo filo conjungendi, compositionem commendaverit; quod denique multa obsoleta & antiquata juris capita Institutionibus inseruerit Justinianus, & quae sunt aliae hujuscemodi J^Ctorum querelae. Quod vero ad primum accusationis caput attinet, non aliam magis Institutionum in quatuor partes scindendarum rationem habuisse videtur Justinianus, quam ut voluminum mensuram aequalem redderet, quod ex veterum scribendi & libros colligandi ratione egregie illustrat Ludewigius in *Justin. c. 5. §. 8.* Secundum caput modestiae potius Imperatoris & festinandi operis desiderio, quam ignaviae adscribendum videtur. Terti capitis ratio ex insigni Caji, qua tum temporis in scholis & foris gaudebat, autoritate petenda. vid. Ludew. in *Justin. c. 8. §. 19. n. 130. & §. 58. n. 330.* Quarto capiti autem excusatio inde paratur, quod, cum ex pluribus autoribus colligenda Institutionum membra fuerint, facilius illae operam plurium admiserint, quam si integrae ex proprio fonte hauriri debuissent. Quod quinto demum loco ponitur accusationis caput, facili negotio refelli posse videtur, si modo probe quis consideret, antiqua saepius praesentibus faciem accendere, ita ut, quae in ipso rerum usu quotidie obtinent, densissimis non raro tenebris involverentur, nisi ex antiquis lucem caperent. Multa etiam nostris, imo ultimis jam Justiniani temporibus antiquata & obsoleta videri poterant, quae ea, qua Institutiones condebantur, aetate pleno vigore & robore gaudebant; ut hinc v. g. antiquae successionis explicationem, quae magnam *Lib. III.* Institutionum partem implet, sine causa multi Justiniano exprobrent, quae Institutionum sane aetate quotidiano adhuc usu servabatur, licet postea per *Nov. 118.* antiquata

quata fuerit. Denique si quid etiam his in rebus peccatum esset, illud sane majoribus Institutionum meritis abunde pensatum esse existimamus. Illud vero utique dissimulare non possumus, quod, cum Institutiones totius legitimae scientiae prima elementa voluerit esse Imperator, *Prooem. Instit.* §. 4. operae pretium fecisse visus fuisset, si plura Juris capita, vel plane omissa, vel levi tantum, ut ajunt, calamo delineata, uberius exposuisset, cum sine illis alia, quae fusiis exponuntur, vix ac ne vix quidem intelligi possint.

§. CCCXCIII.

Paullo post, XVII. Kal. Jan. anni DXXXIII. totum hoc corpus juris, aequae & DIGESTA, constitutionibus binis, Latina altera, altera Graeca, confirmatum, & a III. Kal. Jan. in foro valere, & in scholis Romana, * Constantinopolitana & Berytensi praelegi jussum est, praescripta simul Antecessoribus methodo, qua per quinque istos annos, quos juris disciplinae dare solebant juvenes, uterentur, quin & nominibus paullo honestioribus, quibus singulis annis juris studiosi vocarentur, inventis. ** *Const. omnem reip. §. I. & seq. ad Antecess.*

Publicatio totius corporis juris.

* Ita legimus in *Constitut. omnem reipubl.* Haec autem tria volumina tradi eis, tam in REGIIS VRBIBVS, quam in Berytensium celeberrima civitate volumus. Et mox: ut si ausi fuerint in posterum in hoc perpetrare, & extra VRBES REGIAS hoc facere, &c. Haec Constitutio edita est an. Chr. 533. quo tempore Roma adhuc erat in potestate Regis Athalarici, nec forte de Italia recuperanda cogitare poterat Justinianus. Igitur scribi

scribi aliter non potuit, quam ita: *in regia urbe & Berytensium civitate*. Cum vero jam *an. 536.* magna Italiae pars a Justiniano felicibus armis subacta, & ipsa Roma occupata sit, ut scimus e Procopio *de bello Gothico*, demonstravitque accurate Pagius *in Critic. an. 537.* Justinianus vero in Pragmatica Sanctione *de statu Italiae Cap. II.* profiteatur, quod leges Codicibus insertas in Italiam sub edictali Programmata miserit; statuen- dum est, hujus constitutionis verba, in exempla- ribus, quae deinde descripta sunt, immutata fu- isse. Vide, quae scripsi *in praefat. ad Tom. II. Cod. Theodof. R.*

* * Primo anno, quo *Institutiones & πρῶτα Digestorum* audiebant, pro DVPONDIIS vocabantur IVSTINIANI NOVI, vel, uti ex codice suo MSC. eleganter emendat V. C. Christ. Gottl. Schwartz. *diff. an omnia Pandect. exempl. e Florentinis manaverint?* §. XVI. p. 46. IVSTINIANISTAE: Secundo, audientes vel alteram vel tertiam *Digestorum* partem, una cum doctrinis de tutela, legatis, fideicommissis, EDICTALIVM nomen adsumebant. Tertio anno, percepta altera vel tertia *Digestorum* parte, (has enim Justinianus alternis vicibus praelegi jusserat,) nec non degustatis doctrinis de hypothecis, usuris, edicto Aedilitio, lectis denique Papiniani fragmentis per totum *Digestorum* opus dispersis, PAPINIANISTARVM nomen non sine sollemnitate accipiebant. His ubi quarto anno accesserant reliquae *Pandectarum* partes, non HIRCI, uti in Accursiano exemplari absurde legitur, sed LYTAE: denique quinto anno, postquam & *Codicem* sibi familiarem reddiderant, non LORITAE, nec COLORITAE, uti denuo apud Accursium est, nec COLOBITAE, uti Constant. Landus *in Exercit. p. 1391. Tomo III. Thesaur. jur. civ.* emendat, sed PROLYTAE vocabantur. H.

§. CCCXCIV.

Observaverat interea Justinianus, quasdam dissensiones veterum jurisconsultorum, ortas ex diversis sectarum principiis, superesse. Itaque illas veterum altercationes, Lampadio & Oreste Consulibus, & duobus insequentibus annis, id est, anno DXXX. & sequentibus, editis QVINQVAGINTA DECISIONIBVS (α) composuit, quas Decisiones postea in varias particulas discerptas, Codici repetitae praelectionis, de quo mox dicendi erit locus, inseruit *. *Constit. Cordi nobis, §. I. de cod. emend.*

Quinquaginta decisiones editae.

* *De Fastorum Romanorum formula*: POST CONSVLATVM (β), quam permultae decisiones Justinianae praeferunt, singulari, eaque pererudita dissertatione egit V. C. Christ. Gottl. Schwartzius, edita *Altorfii MDCCXXXV*. Plures, quam quinquaginta, in *Codice* nostro occurrunt Decisiones, his ipsis annis editae. Sed Em. Merillius, qui has Decisiones, cum cura collectas, luculento commentario illustravit, in *Prolegomenis* ostendit, unam saepe decisionem in plures particulas dissectam esse a novi Codicis architectis. Praeter Emundum Merillium similis labor exercuit Jo. Strauchium, jurisconsultum Jenensem, qui tamen, quod dolendum, colophonem operi non imposuit. Praeterea legi merentur Petri Franc. Linglois *Decisiones L. a secundo ad nonum librum Codicis. Antv. MDCLXI. fol.* & Dominici Bassi *redivivus ingenii partus, seu quinquaginta Decisiones D. Justiniani. Vienn. MDCCVIII. 4.* H.

(α) Constitutionis vocabulum latius patet, quam Decisionis, & hanc in suo ambitu complectitur, adeo, ut licet non omnis Constitutio Decisionis nomine

*et amplius de
prohibitionibus*

nomine venire possit, omnis tamen Decisio Constitutionis nomine commode insigniri queat. Hinc Decisio in *l. 1. Cod. de comm. servo. manum.* Constitutio dicitur §. *fin. Instit. de Donat.* ita & *l. penult. Cod. de necess. serv. hered. inst.* quae decisio est, Constitutionis nomine allegatur in §. 2. *Inst. Cui & quibus ex caus. manum. non licet.* & quae alia a Merillio allegantur exempla in *Proleg. ad L. Decis.* Ea vero demum Constitutio Decisionis nomine gaudet, quae quaestionem Juris ex dissensu veterum Jctorum ambiguum & in contrarias partes tractam ad certam nunc regulam ex voluntate Legislatoris adstringit, ita ut Legislator vel unam vel alteram, vel plane mediam inter eas sententiam eligat. Ut vero controversia haec circa singularem speciem versetur, nec Legem generalem constituat, quod Merillius in *Proleg. ad Quinq. Decis.* inter notas Quinquaginta Decisionum ponit, id quidem Justinianus nusquam definit, uti bene monet Strauchius ad *Quinq. Decis. c. 1. n. 7.* Ejusmodi Decisiones, per eminentiam ita dictae, Quinquaginta ab Imperatore numerantur in *Constit. de Emend. Cod. §. 1.* Hae quinquaginta Decisiones compositae sunt post primum Justiniani Codicem, *vid. ibid.* id est, post VII. Id. April. Decio Conf. seu Aerae Dionys. anno 529. quo Codex primus promulgatus est, v. *Const. de Justiniano Cod. Confirm. ad Memmian.* & quidem ante Institutiones editas, in quibus jam Decisiones illae allegantur. v. §. 3. *Instit. de Libertinis*, id est, ante XI. Kal. Decembr. D. Justiniano III. Conf. anno A. D. 533. v. *Prooem. Instit. in fin.* qui anni in fastis consularibus notantur, Decio Consule, Lampadio & Oreste Coss. Post Consul. Lamp. & Orestis anno I. tandem post Consul. Lamp. & Orestis anno II. quibus annis Demosthenes, Julianus & Joannes Praefecti Praetorio fuerunt. Unde sequitur *l. Legem ult. Cod. quando tutor*

vel

vel Curator esse desin. & l. 12. Cod. de Contr. vel Comm. stip. quibus etiam altercationes veteris juris deciduntur, tamen, quia Codicis primi editionem uno aut altero die praecedunt, inter Quinquaginta Decisiones non computari posse. II. *Legem pen. Cod. ad Sctum Orfit.* quam ex numero earum excludit Merillius, inter eas a Strauchio merito computari, latam nempe XV. Kal. Octob. Decio Conf. id est, anno 529. adeoque Codice primo Justiniano sex fere mensibus juniorem. Datae sunt hae Quinquaginta Decisiones, ut altercationes veteris juris ex dissensu Jctorum, Proculejanorum maxime & Sabinianorum, ortae per eas placarentur. v. §. 3. *Instit. de Libert.* Inde ergo certissima harum Quinquaginta Decisionum nota characteristica statui haec potest. Quaecunque Constitutio Demostheni, Juliano aut Joanni Praefectis Praetorio, ad quos Edictales Constitutiones mitti solebant, inscripta, & vel Decio Consule post VII. Id. April. vel Lampadio & Oreste Coss. vel post Consulatum Lamp. & Orestis anno primo vel post Consul. Lamp. & Orestis anno secundo, quod ex subscriptione patebit, promulgata est, & cujus ex contextu patet, altercationem inter veteres Jctos de quaestione quadam juris olim agitatam, per eam decidi, ea merito inter quinquaginta Decisiones referenda erit. De numero earum, quae in Codice repetitae praelectionis extant, definiendo non satis constat inter eruditos, cum multae illarum in diversas partes scissae, & ita per partes competentibus quaeque Codicis Titulis insertae fuerint. v. *Const. de Emend. Cod. §. 2.* Alium illarum indicem Strauchius, alium Linglois, alium Merillius exhibet, quem ultimum tamen plerique sequuntur. Struvius *Hist. Jur. cap. 3. §. 8. not. 1.* Hoffmann. *Hist. Jur. L. II. c. 2. §. 8 in not.* Brunquell. *Hist. Jur. P. II. c. 7. §. 7.* & Wielingius *Jurisp. Restit. p. 144.*

(β) Erudite hanc formulam etiam illustrat Pagi *Disser-
sert. Hypat. P. III. c. 2.* ubi hanc formulam pri-
mum in Fastis Idatianis anno 307. occurrere ob-
servat.

§. CCCXCV.

Itemque
Codex
repetitae
praele-
ctionis.

Sed paullo post idemprehendit Impera-
tor, primo, *novellas suas tam decisiones, quam
constitutiones, quae post priorem codicem latae fu-
erant, extra corpus codicis divagari*: deinde,
*quasdam earum ex emersis postea factis aliquam me-
liore consilio permutationem vel emendationem de-
siderare.* *Const. Cordi nobis. §. 2. de emend. codic.*
Itaque Triboniano aliisque quatuor viris id
dedit negotii, ut Codicem Justinianum re-
figerent, & praeter quinquaginta decisiones
etiam novas constitutiones, quotquot adhuc
prodierant, illi insererent, quasdam etiam
ad rem non facientes, omitterent *. Hunc
Codicem REPETITAE PRAELECTIONIS,
id est, recognitum, suppresso priore Codice
edidit publicavitque XVI. Kal. Dec. anno
DXXXIV. *Ead. Const. §. 4. de emend. cod. ***

* Plures sane constitutiones, quas in codice suo
fulgere ait Justinianus, in novo illo ac recognito
codice desiderantur. Exempla exstant in §. 27.
Inst. de legat. §. 7. Inst. de legit. succ. agnat. §. 24.
Et §. 27. Inst. de action. Fieri tamen potuit, ut
constitutiones quaedam codici quidem insertae fu-
erint, at nihilominus tamen postea, quia Graecae
scriptae erant, interciderint. Plures sane, quae in
Basilicis supersunt, passim restituit Cujacius. H.

** Difficilior est constitutionum divalium, quas Co-
dex continet, interpretatio, quam legum, quae
Digestorum corpori inclusae sunt, ut fatetur Cu-
jaci

jacius in epistola dedicatoria Paratitl. ad Cod. praefixa. Magnam quidem principum constitutionibus lucem affert historia; sed attendendum quoque sedulo ad imperii divisionem, videndumque est, utrum ad Orientem, an ad Occidentem lex pertinuerit. Considerandae deinde sunt inscriptiones, & subscriptiones, quoniam ex illis discimus, quibus potissimum provinciis, aut cui hominum generi, Imperator consuluerit: hae vero edocent, a quo Imperatore leges emissae sint. Denique constitutiones, quae eandem servant inscriptionem & subscriptionem, diligenter conquirendae sunt, cum earum conjunctio faciat, ut feliciter aliquando verum sensum indagare possimus. Si de verbis disputandum est, adeundi sunt coaevi scriptores, & in primis Patres Latini (a). R.

(a) Pulcherrima haec eruditissimi Ritteri consilia quicumque negligit, ille sibi ipsi nubes obducit, &, cum uberrima luce frui posset, seipsum densissimis tenebris temere committit. Historiarum & Chronologiae praecipue cognitio quantum commendanda sit genuinae Jurisprudentiae Cultori, erudita *Oratione III. Non. Sept. an. 1740. in illustri Julia habita* docuit Henricus Hahnus, quam *Jurispr. Restitutae Part. Poster. p. 121. & seqq.* exhibet Wielingius, qui & ipse hujus rei usum maxime adjuvit suo Legum Codicis indice alphabetico & chronologico *Jurispr. Restit. Part. Pr.* quod ipsum ratione Codicis Theodosiani uberius praestitit Jacobus Gothofredus in *Chronologia Codicis Theodosiani*. Inscriptiones Legum tam Pandectarum quam Codicis consilere, quam utile, imo necessarium sit, uberrime demonstrarunt Henr. Brenemannus *Disputatione Juridica Inaugurali de LL. inscriptionibus habita Lugduni Batavorum III. April. 1705.* & Bern. Henricus Reinoldus *de Inscriptionibus LL. Digestorum & Codicis Oratione Inaugurali dicta Duisburgi V. Idus Junias 1712.* quam utram-

que suae *Jurispr. Restit.* inseruit Wielingius. Interpolationes Legum Codicis à Triboniano frequenter admissas notavit Jac. Gothofredus passim in *Comment. Cod. Theodosian.* & quasi per indicem in *Prolegomenis* c. 4. Non felicius autem illae discutiuntur, quam si quis Leges Codicis Justiniani conferat cum fontibus suis, integrioribus nempe Constitutionibus, quas servarunt Codices Gregorianus & Hermogenianus, ab Antonio Schultingio editi in *Jurisprudentia Ante-Justiniane*, & Theodosianus insigni Commentario a Jacobo Gothofredo illustratus variorumque observationibus & suis egregie auctus a doctissimo Rittero, strenuo purioris Jurisprudentiae assertore. Ut rerum harum omnium utilitatem vel uno exemplo doceam, sit instar omnium celebratissima *Lex 19. Cod. Justin. de Nuptiis*. Quam acris illi status controversia a multis, eruditissimis etiam viris, Contio maxime & Brissonio mota sit, nemo hodie ignorat. Qui consobrinarum nuptias anno 396. communi consilio damnassee videntur Arcadius & Honorius per *Legem 3. Cod. Theod. de incestis nuptiis*, poenam severissimam a patre Theodosio statutam tantum mitigantes, easque adhuc illicitas asseruisse an. 409. in *L. un. Cod. Theod. si nupt. ex Rescr. petantur*, ita ut tamen pro iis obtinendis Principi supplicare permiserint, quomodo potuerunt an. 404. tempore inter has duas Constitutiones medio, per *Legem 19. Cod. Justin. de Nupt.* eas omnino permittere & ab omni accusationis periculo immunes praestare? Inde eam Legem plane commentitiis adscribendam judicarunt eruditissimi Viri. Ejus tamen fidem luculento commentario asseruit Jacobus Gothofredus, historiarum monumentis & inscriptionum subscriptionumque testimoniis unice subnixus. En brevem totius rei conspectum. Nuptias consobrinorum sub poena ignis & proscriptionis bonorum prohibuerat Theodosius

dosius Constitutione severissima, quae, licet hodie nusquam inveniatur, luculentis tamen testimoniis Libanii, Ambrosii, Pauli Diaconi, Augustini, imò ipsorum Imperatorum Arcadii & Honorii in *L. 3. Cod. Theod. de incest. nupt.* & *L. un. Cod. Theod. si nupt. ex rescr. pet.* asseritur. Has nuptias an. 396. mitigata tantum poena, adhuc damnat Arcadius, cujus est *Lex 3. Cod. Theod. de incest. nupt.* quod ex inscriptione patet & subscriptione, illa *Eutychianum P. P. Orientis*, hac *Constantinopolin*, Orientalis imperii sedem, loquente, quod utrumque Arcadio Orientis Imperatori convenit. Mox Arcadius, ut erat in mutationes proclivior, eas nuptias omnino permittit *L. 19. Cod. Just. de Nupt.* an. 404. In Occidente Theodosii de his nuptiis Constitutio vigorem plenum conservavit usque ad annum 409. quo Honorius per *L. un. Cod. si nupt. ex Rescr. pet.* eas non quidem approbat, sed tamen per preces à Principe impetrari permittit; quam Legem Honorii esse indicat iterum inscriptio, quae *Theodorum P. P.* exhibet, quem Italiae, adeoque partis ad Occidentale Honorii imperium spectantis, Praefectum fuisse novimus, & subscriptio, quae eam Legem *Ravennae*, in Urbe scilicet ad Imperium Occidentale Honorii referenda, latam esse docet. Ita ope inscriptionum & subscriptionum suo quaeque Legislatori lex restituitur, ut nulla amplius inter eas pugna sit. Nec movet, quod utraque Lex utriusque Imperatoris Arcadii & Honorii nomen in fronte gerat. Ex solenni eorum temporum more Leges in uno tantum Imperio natae, in altero forsitan ignotae, vel plane reprobatae, utriusque tamen Imperatoris & Orientalis & Occidentalis nominibus ornabantur. Nichil tamen argumenti ex hoc utriusque Imperatoris nomine pro asserenda Legis in utroque Imperio auctoritate produci posse, praeter alia testimonia, luculenter docet *Lex 158. Cod. Theod.*

de Decurionibus ; quae & ipsa utriusque Imperatoris, Arcadii & Honorii titulo ornata ad Occidentem tantum spectat, adeo, ut aliam Legem Orientis, nempe 13. *Cod. Theod. de Judaeis*, quae & ipsa utriusque Imperatoris nomine insignita est, Honorius rejiciat, & *tanquam suis partibus damnosam* acriori etiam sermone repellat. Actum sane fuisset de *L. 19. Cod. Just. de Nupt.* nisi testimoniorum historicorum ope & inscriptionum atque subscriptionum autoritate & Codicis Theodosiani suffragio eam fortiter munivisset Jacobus Gothofredus.

Grave tamen dubium removendum superest. Leges latas in Oriente etiam valuisse in Occidente loquuntur testimonia luculenta ex Novellis Theodosii & Valentiniani petita. Per Novellam I. Theodosius Codicem suum confirmans statuit *nullam Constitutionum in posterum, velut latam in partibus Occidentis, aliove in loco ab invictissimo Principe, filio suae clementiae, perpetuo Augusto Valentiniano posse proferri, vel vim Legis aliquam obtinere, nisi hoc idem divina pragmatica sibi intimentur.* Ergo Occidentales Leges in Oriente valiturae fuissent, nisi haec singularis cautela objecta esset. Imo valiturae sunt, si saltem Orientis Imperatori modo legitimo *intimentur.* In Novella II. ad Valentinianum Occidentis Imperatorem missa Theodosius Orientis Imperator constituit, *si quid juris ab altero ipsorum postea conderetur, ita demum in alterius quoque Principis regno vires proprias obtinere debere, quod generatim constitutum esset, si ad alterum Principem fuisset emissum.* Imo suas nunc Novellas, quas pro re nata sine Valentiniani consilio hucusque Theodosius promulgaverat, Valentiniano in Occidentalibus regionibus etiam promulgandas mittit, ab eoque, ut sibi, quas ipse interea in Occidente promulgasset, nunc mittat, a se in Orientis etiam Imperio publicandas petit. Valentinianus ipse in
Novella,

Novella, quam nova Editio inter Theodosianas XXXVam. exhibet, nunc has Theodosii Novellas in Occidente promulgat, ipsisque vim Legis dat, rationem hanc notatu dignissimam subjiciens: *ut, sicuti uterque Orbis* (Orientale nimirum & Occidentale Imperium) *individuis ordinationibus regitur, iisdem quoque Legibus temperetur.* Imo passim Valentinianus ad Leges in Oriente latas provocat, maxime autem in Novella X. & XII. Leges Arcadii & Honorii, *quas Corpus Theodosianum ostendit*, allegat. Quae omnia clare ostendunt, communia fuisse utrique Imperio jura. Haec quidem ita inter Theodosium & Valentinianum obtinuisse ultro concedimus. Caeterum ex ipsis his textibus apparet, nullam futuram fuisse juris communionem, nisi ita utrique Principi placuisset. Arcissimo amicitiae nexui, quo Theodosius & Valentinianus sibi invicem jungebantur, quo Theodosio Valentinianus imperium debebat, quo Eudoxiam illius filiam duxerat, quo Patris & Filii nomine inter se utebantur, haec tribuenda, nec ad exemplum trahenda esse nemo non videt. Vid. Jac. Gothofr. *Proleg. Cod. Theod. c. 3.* Ritteri *notas ad Nov. all.* Giannone *Histoire de Naples T. I. L. II. ch. 7. p. 149. & seq.*

§. CCCXCVI.

Quum porro Justinianus, condito corpore juris, diu adhuc imperaret, non mirum est, eum, novis subinde emergentibus quaestionibus, plures promulgasse novellas constitutiones, quarum plerasque Graece scriptas (α) esse, novimus. Has se ipsum in aliam congregationem, quae Novellarum nomine constitutionum significetur, relaturum, promiserat Justinianus, *Const. Cordi no-*

Novellae
constitu-
tiones
postea
editae.

bis. §. 4. de emend. cod. quin & praestitisse eum, quod promiserat, testantur Jo. Malala in Justiniano pag. 58. Edit. Venet. Agath. Lib. V. pag. 145. Edit. Paris. & pag. 101. Edit. Venet. & Paull. Diac. Hist. Langob. Lib. I. Cap. 25. quippe qui Justinianum novas quoque leges, quas ipse statuerat. in unum volumen redactas, **CODICEM NOVELLARVM** vocari * sancxisse, scribit. **.

* Paulli Diaconi testimonium, utpote scriptoris seculi IX. paucissimis fecit satis. Sunt enim viri doctissimi, qui per Codicem Novellarum, cujus facit Paullus mentionem, repetitae praelectionis Codicem intelligunt. Quamvis autem ista opinio mihi displiceat, fatendum tamen est, ea, quae de collectione Novellarum a variis scripta sunt, plurimis esse dubiis involuta. Joannes Malala, qui seculo quoque nono historiam concinnavit, in Vita Justiniani, Novellas memorat, sed eas a Justiniano collectas esse, plane perspicueque non exprimit. Ita enim apud eundem legimus pag. 58. Edit. Venet. Καὶ ποιήσας νεαροὺς νόμους, ἔπεμψε κατὰ πόλιν, novellas etiam constitutiones edidit, & ad urbes transmisit. Agathias quidem hoc & accuratior est & aetate longe superior, quippe qui Justiniani tempore scripsit, historiamque suam ad annum usque 559. perduxit; nihilominus tamen ea, quae loc. cit. de Justiniani Novellis memoriae tradidit, nonnullis subobscura adhuc visa sunt. Etenim, cum de Zanis, anno circiter 558. vectigalibus factis, disseruisset, haec verba subjungit: τοῦτ' ὅτι (Ἰουστινιανὸς) ἐν τινὶ τῶν δικαίων νόμων εἰς δὴ νεαροὺς ἐπωνομάζομεν, τὰς ἄλλας ἀπαριθμῶμεν νόμους, & τὰς δὲ τῶν ἐθνῶν ἐν τοῖς μέγιστα ἐπεμνήσθη: quocirca Justinianus etiam in quadam suarum constitutionum, quas Novellas appellamus, alias victorias recensens, hujus etiam gentis inter primas meminit.

Sed

Sed nihil hic, inquit illi, qui Justinianum Novellas collegisse negant, de compilatione constitutionum legimus. Locus est extantissimus apud Cedrenum pag. 291. *Edit. Venet.* quo & novellae Justiniani constitutiones, adversus eos, qui eunuchos faciunt, & contra impudicos latae, laudibus extolluntur ab historico, & haec deinde superadduntur verba: τὰς δὲ παλαιὰς νόμους πάλαι ἀνενέωσι, ποιήσας μοιότατον, ὃ καὶ Νεαγῶς διαλάξας ἐκάλεσε, ἔξ̄ veteres omnes leges renovavit, fecitque volumen, quod Novellas constitutiones appellavit. At enim vero hoc quoque testimonium apud plerosque parum ponderis habet, partim, quod a scriptore Seculi XI. redditum est, partim, quod de vetustis legibus in usum revocatis, agit. Ad Codicem enim haec tantum pertinere posse, existimant. Et ita forte videbitur etiam iis, qui obiter tantum veterum auctorum loca solent inspicere: alia vero omnia sentient, si, collatis cum Cedreno Justiniani novellis, observaverint, iis, veteres leges & impudicis, & iis, qui eunuchos faciunt, olim oppositas, ab Imperatore renovatas quasi esse. Sed mirantur praeterea, qui novellarum collectionem oppugnant, eam absque praefatione & constitutione confirmatoria in lucem emissam esse. Qua tamen constitutione minime opus fuit, quoniam Justinianus, futura tempora prospiciens, dudum ante Constitutione, *Cordī nobis*, edita, Novellarum congregationem confirmavit. Scio etiam, urgere alios, indigestam hanc collectionem, temporisque rationem nullam observatam esse, leges priore loco positas, derogare posterioribus, & quae sunt alia hujus generis. Sed forte persuadebo nonnullis, non potuisse non Justiniano aevo Novellas colligi. Pugna- bo autem adversus dissentientes primo rationibus; deinde vero auctoritate veterum confirma- bo sententiam. Etenim hoc mihi persuasum est, neminem fore, qui non intelligat, mittendas

fuisse novellas in provincias, promulgandas & πάλιν a iudicibus, five provinciarum rectoribus, & commendandas denique causarum patronis, ut describerent eas, simulque discerent, quo in posterum jure in foro utendum sit. Deinde & hoc extra dubitationem positum est, jus novellum, quia veteri derogat, summam statim in foris obtinuisse auctoritatem. Inde manifestum est, necessitate adactos fuisse iudices causarumque patronos, ut novellas colligerent. Constat praeterea, Quaestorem dictasse leges salutares, quas deinde Magister scriniorum emittebat. Hae vero in scrinio sacro sanctissime conservabantur colligebanturque, ut, si quando ad Principem provocatum esset, inde ea, quae ad dirimendam litem pertinere videbantur, peti possent. Igitur ex his patet, novellas Justiniani tempore, & privatim, & publice, iam colligi debuisse. Imo, si & scriniorum Magistri, & iudices, & causarum patroni, hoc neglexissent facere, putabimusne tam negligentes quoque fuisse Professores utriusque scholae, quibus has novellas leges statim, postquam evulgatae erant, traditas esse, nemo forte dubitabit? Plura non addo: verum ad Leonis Imp. auctoritatem jam provoco, qui prooem. Βασικῶν de Novellis Justiniani haec tradit: ἐπεὶ δὲ ἔτι ὁ ἀνὴρ ἐφιλοσώνησε νεαῖς διατάξεις καὶ ταῦτα ἰδίᾳ ἔτυχε χάρας, rursus novellis constitutionibus, quas idem elaboravit, suum quoque locum dedit. Habuit vero has novellas in manibus Leo, atque ex iis potissima excerptit capita, ut adeo hujus testimonium tanti faciendum sit, quanti est pretii Justiniani, quod de Hadriani edicto perpetuo perhibuit. Nec omittendus est Attaliata, qui in praefat. Synops. pag. 2. disertis testatur verbis, peculiari libro Novellas Justiniani insertas fuisse: Ἐἵτα ἔνεαρὰς πεποίηκεν ἐν ἰδιόζοντι βιβλίῳ διὰ Τριβυανῆς; secundum haec Novellas etiam peculiari libro fecit per Tribunianum. Observandum

dum enim est, Novellas Justiniani, licet editis βασιλικῶν libris, retinuisse tamen in foris auctoritatem, ut adeo, neque Attaliata, neque Judices alii, iis carere potuerint. Habes testes locupletissimos, Novellas non a privatis modo, sed Justiniani auspiciis collectas esse. Atque id perbene potuit fieri, cum Collectio nullam contineat constitutionem, quae annum 559. excederet. Imo secundum illum ordinem, quem hodie servant adhuc, olim jam dispositas eas fuisse, elegantissimus locus docet *Synops. βασιλικ. Lib. XXIII. tit. 3. c. 73. pag. 251.* Legimus enim ibidem: ὑπεξήρηται δὲ τὸ κείμενον ἐν τῇ ρξ νεαροῦ περὶ τῶν τόκων τῶν πολιτικῶν κρημάτων, verum excipitur id, quod positum est in *CLX. novella, de usuris pecuniae municipalis.* Evolve authenticarum collectionem, & invenies loco citato, *exemplum sacrae pragmaticae formae de usuris.* Adde Scholion ad *Synops. βασιλ. Lib. VII. tit. 1. p. 57.* Quod vero Novellae non chronologico ubique ordine servato collectae fuerint, id tribuendum est oscitantiae Adjutorum scrinii sacri. Quam facile enim fieri possit, ut inter colligendum confundantur chartae, quilibet, me ne monente quidem, perspicit. Alium proinde ordinem sibi proposuit Latinus interpres Julianus, Novellas inter se conjungens, quae de causis fere similibus exponunt, nulla quoque ratione chronologiae habita; quod magno iterum indicio est, homines illius aevi de ea parum fuisse sollicitos. R.

** Agathias l. c. id, quod Heineccius vult, non probat, sed tantum scribit, in *quadam* Justiniani *constitutione novella*, Zanorum mentionem factam esse. Malalae fides magni momenti non est, in primis cum Novellas prius, quam Codicem, collectas esse referat. Addo Matthaeum Blastarem in *Praefatione Syntagmatis Alphabet.* qui de Novellis haec habet: Ἀμείψαν δὲ θελήσας ὁ βασιλεὺς Ἰουστινιανὸς καὶ τινὰς τῶν παλαιῶν ἀρχαίων, νεαροῦ ἐξο-

μήκοις, καὶ ἐκείνους ἐφιλοπόνησε ἀφαιρῆσαι, καὶ ἰδίαν ταύ-
 ταις χάριν ἀπένευμε. ἡμεῖς γὰρ τὸ πρὸς τῶν Γαμῶν, καὶ
 τὸ πρὸς Φαλκιδῶν, καὶ τῶν τοικτῶν, καὶ δὲ καὶ τὸ πρὸς νό-
 θων, ὅτε ὁ μέγας πρῶτον ἐδέξατο Κωνσταντίνῳ, συμ-
 παθέσεων πρὸς τὰς τοιαύτας Διατάξεις. ταύτας δὲ ἡμεῖς
 νεώτερος ἀφ' ἑνὸς Τριβευναῖ, δεξιῶς μὲν ἄλλως τῶν φύ-
 σιν, καὶ εἰς ἕκαστον πᾶσαν παιδείαν ἐξησκημάς, φιλοχρη-
 ματία δὲ δαιμονίως ἀλισκομάς. Διὸ καὶ ἐν τῇ ταύτῃ
 συγγραφήν, πολλοὶ τῶν ἐχόντων διὰς χρήμασιν αὐτὸν
 ὑποφθειρόντες, παρέπειθον ἡμῶς μὲν πρὸς τὸ συμφέρον αὐ-
 τοῖς μεταρρυθρίσαι, ἡμεῖς δὲ πρὸς ἀσάφειαν καὶ διχόνοιαν χει-
 ριάζειν. *Imperator autem Justinianus veterum non-
 nullas constitutiones immutare volens, novellas
 septuaginta & centum constitutiones studiose effe-
 cit, & proprium iis locum attribuit. Commuta-
 vit enim leges de matrimoniis, de Falcidia, &
 istiusmodi, ut & de nothis, quam magnus Constan-
 tinus primus admisit, majore commiseratione in
 tales affectus. Has autem Novellas emisit per quen-
 dam Tribunianum, natura quidem aliter idone-
 um, & in omni disciplina summe exercitatum,
 avaritia autem diabolice corruptum. Quapropter
 & dum iis conscribendis incumberebat, multi eo-
 rum, qui causas judicandas habebant, eum pe-
 cunia corrumpentes, haec quidem ipsorum com-
 modo adaptare, ea vero ita tumultuario opere
 congerere, ut obscura essent & duplicis sententiae,
 persuadebant. En! hic numerum novellarum,
 earumque collectionem, a Justiniano factam.
 Sed, quod dolendum, nullam, ea omnia, quae
 monachus ille protulit, fidem mereri videntur.
 Quis enim Graeculum non rideat, qui magna con-
 fidentia ibidem scripsit, Hadrianum Imp. leges
 sapientum, ab Augusti tempore latas, collegisse,
 unumque opus, quinquaginta libris constans, sive
 πανδέκτην fecisse: quaecunque autem Imperatores
 privatim decreverint, in duodecim scripsisse li-
 bris, quos Codices appellaverit: deinde vero Ju-
 stinianum & Digesta & Codicem, retentis tantum*
 iis,

iis, quae tempori suo essent commoda, contraxisse, atque in linguam transtulisse Graecam? Vides igitur, & Graeciam habuisse suos glossatores; quod tanto magis mirandum est, quanto majora in ea orbis parte suppetebant subsidia, quibus uti poterant, qui animum ad scribendum appelabant. R.

- (α) Cum lingua Graeca familiaris omnino fuerit Justiniano, quam & vulgarem vocat *Novella* 28. c. 2. cum, qui Justiniano paruerunt populi, magna ex parte Graeci fuerint, quibus Leges per Magistratus suos publice proponendas misit, cum ipsi denique Magistratus, Praefecti Praetorio, Episcopi alique, quibus Leges missae, Graeci magis quam Latini sermonis gnari plerique fuerint, dubitandum non est, ipsum Graeco sermone Novellas promulgasse, adeo ut optime Hombergk zu Vach in *Praefatione ad Novell.* rationes ita subducatur: *Nobis enim sedet, omnes Novellas Graeca lingua conscriptas esse, nisi exceptio possit evidenter demonstrari, quod in paucissimis fieri poterit.* Aliquas tamen Graece & Latine editas fuisse, ipse testatur Justinianus in *Praef. Nov. 17. & Nov. 66. c. 1. §. 2.* Omnes tamen Novellas, quae Latina solum lingua in vulgatis editionibus hodie exhibentur, ab Imperatore latine etiam editas esse, non admittit Hombergk zu Vach, cum Graecae dictionis vestigia etiam in illis appareant. Non repugnat tamen, si quis Novellas aliquas iis terrarum partibus destinatas, quae Graeci sermonis usum rariorem habuissent, uti v. g. *Novellas 36. & 37.* quae in Africam missae fuerunt, Latine ab Imperatore editas existimaverit, qua in re consentientem omnino habet Hoffmannum *Hist. Jur. L. II. c. 2. §. 10. n. d.* Imo Graecum, quo hodie gaudemus, textum esse ipsum Justiniani authenticum contra Strauchium in *Irner. non errante c. 3.* graviter dubitantem fortiter defendit Hombergk *l. c.* his praecipue rationibus motus, quod

quod Novellae Graecae stylum Justiniani, phrasēs innumeras, totam orationem, ipsumque etiam animum ejus prae se ferant.

§. CCCXCVII.

Earum
collectio
& versio
Latina.

Et volumen sane istud, ipsius Justiniani collectum auspiciis, non diversum videtur ab illo, quod hodie pars corporis juris est, quodque in NOVEM COLLATIONES (α) distinctum esse, animadvertimus, quamvis alicubi laciniis quibusdam auctum, veluti sub finem, ubi eparchica quaedam sub nomine Novellarum occurrunt. Pro textu authentico habemus hodie versionem Latinam (β), antiquam illam quidem, quippe qua jam Gregorius M. Papa usus videtur *Lib. XI. Epist. 54. Edit. Lugdun. Ep. 56. Edit. Paris. & Edit. Benedictin. Lib. XIII. Ep. 45.* * aliquando & satis accuratam: observante Cujacio *VIII. Obs. 40.* sed barbaram tamen, & hinc inde obscurissimam. **

* Provocat Gregorius *l. c.* bis ad *Novellam 123.* ejusque *caput 8. 21. & 22.* At neque indicat, quota sit haec novella numero, neque capitum mentionem facit. Imo, quod mireris, eandem hanc Justiniani constitutionem diversis plane verbis excitat. Scribit enim initio epistolae: *Sicut novella quaedam constitutio manifestat, quae loquitur de sanctissimis ac Deo amabilibus ac reverentissimis episcopis; & deinde post varias adductas e Codice leges, pergit: Sicut novella quaedam traditio, quae de episcopis loquitur, continet.* Inde conjicio, Gregorium haec novellae capita, non ex ipsa earum collectione excerpisse, sed exemplo usum esse, quod servabat archivum ecclesiae

clesiae Romanae. Solebant enim Imperatores Constantinopolitani constitutiones suas, recens editas, Pontificibus Romam transmittere, testante Gregorio ipso *Lib. II. ep. 100. Edit. Lugdun.* Sunt autem tria haec capita iisdem verbis Latinis prolata, quae hodie ipse textus, in foris receptus, servat, paucissimis modo variantibus lectionibus, & iis quidem nullius momenti, apparentibus, atque inscriptione paululum mutata. Cum enim *Novella 123. data dicatur ad Petrum Magistrum Sacrorum officiorum*, Gregorius Pontifex eam, *Petro Praefecto Praetorio*, inscriptam esse, significat. Ex hac tamen Gregorii epistola probare minime possumus, eam authenticarum versionem, qua jam utimur, tunc temporis quoque exstitisse; imo contrarium potius asserendum est. Observamus nimirum, summum hunc Romanae ecclesiae Episcopum, cum ibidem etiam *Novellam 90. de testibus*, ejusque *caput ultimum*, in medium afferret, longissime recessisse a versione vulgata, verbisque sequentibus usum esse: *Verum hoc lege noscendum est: Constitutione novella, quae de testibus loquitur. Hoc quoque saepius agnovimus, quoniam quidam aut apud locorum defensores, aut apud clarissimos provinciarum iudices, aut etiam, ut assolet, hic apud virum clarissimum magistrum census ingrediuntur, & queruntur, tanquam ab alio passi aliquid contra leges, aut aliter laesi, aut damnificati, testes volentes producere. At ne postea objiciatur eis, quia per unam partem gesta confecta sunt: oportet illum in ipsa civitate constitutum, ubi testimonia dantur, admonitum a iudice sive a defensore advenire, & audire attestations. Si enim recusaverit & venire noluerit, sed contempserit, ut ex hoc ab una parte testimonia adversus eum inutilia sint, &c.* Jam si haec conferantur cum versione nostra, statim patebit, Gregorio longe aliam interpretationem ad manus fuisse. Quod ut facilius in oculos

los incurrat, apponere ipsa *capitis 9. novellae* supra memoratae verba volui. Ita autem ibi legimus : *Et hoc vero quia multoties actum scimus, quod quidam aut apud locorum defensores, aut apud clarissimos provinciarum Praesides, aut forte, ut assolet, hic apud virum clarissimum Magistrum census ingrediuntur, & queruntur, tanquam ab aliquo sustinentes aliquid contra leges, aut aliter laesi, aut damnificati, testes volentes producere, ut non impofterum opponantur eis, quae ab una parte gesta sunt : oportet etiam illum in ea civitate constitutum, in qua testationes dantur, admonitum a iudice, sive a defensore, praesentem esse, & audire attestations.* Si vero noluerit advenire, sed respuerit, ut ex hoc ab una parte testimonia dentur, ut secundum hoc ipsum inutilia essent. Ex iis igitur, quae annotavimus, satis apparet, authenticarum versionem male a nonnullis Justiniano tribui. Etenim ab hoc si adornata fuisset, Romanus clerus inter primos eum versasset manibus. Deinde hoc liquet, divisionem in *collationes & capita* esse aetatis recentioris ; id quod & Glossatores fatentur. Intelligimus porro, tempore Gregorii Papae, versionem vulgatam usu receptam nondum fuisse. Observo denique, Novellas a variis Latina versione donatas, unamque aliquando plures nactam esse interpretes, uti Gregorii locus ostendit. Probabile quoque est, Jurisperitos Romanos, restituta per Justinianum Schola, (quod discimus ex *Constit. pro petitione Vigili c. 22.*) in interpretandis Novellis defudasse. Et videtur hanc opinionem confirmare *cap. 11. laudatae Constit. pro petit. Vigili.* Hinc & forte illud est, quod earum nonnullae magnam accurationem prae se ferant. R.

** At quum ipsas constitutiones Graecas jam editas habeamus ab Haloandro, Hervagio, Scrimgero, Russardo : Graecarum litterarum non imperiti inde facile genuinum sensum haurient. Quin notum

tum est, *novam e Graeco textu versionem* adornasse V. C. Jo. Fridr. Homberch zu Vach, quae prodiit *Marp.* MDCCXVII. 4. Sed textum tamen in foro non alium, quam illum semibarbarum, receptum esse, recte observant Alb. Gentil. *de libr. Jur. Civil. Cap. VII.* & Arthur. Duck *de auctoritate Jur. civ. I, 4. 16.* H.

(α) Cum non omnes Novellae, his novem Collationibus comprehensae, sint ipsius Justiniani, uti docent Brunq. *Hist. Jur. L. II. c. 2. §. 16.* cum etiam maxime verosimile sit, non omnes Justiniani Novellas his collationibus includi, sponte sua sequitur, ipsam divisionem in Novem Collationes Justiniano non deberi.

(β) Rationes, quibus Ludewigius in *Justin. c. 8. §. 42.* ipsi Justiniano versionem vulgarem asserere conatur, persuadebunt quidem facile, non leves fuisse Justiniano rationes, ut Novellas suas in Latinum sermonem verti curaret; non tamen evincunt, id revera ab ipso praestitum fuisse, multo minus, hanc ipsam versionem vulgarem Justiniano deberi ostendunt; quam non authenticam Justiniani, sed aliunde ortam esse, argumentis non contemnendis evicit Hombergk zu Vach *Praefat. ad Nov.*

§. CCCXCVIII.

Hoc est praeclarum illud juris civilis corpus, quod per tot saecula gentibus sagacissimis admirationi fuit. Et tamen in illud etiam imperitissimus quisque hodie calamum impune stringit, dum alii ipsorum auctorum imperitiam ac stupiditatem accusant, alii meras antinomias & contradictiones somniant (α), alii in methodum, stilum, & librorum ordinem ac numerum invehuntur: alii ipsam

jus

Naevi,
quos in
hoc corpore Justiniano
observant.

jus Romanum iniquitatis arguunt. Quin sunt, qui & minima in Justiniano non ferunt, veluti quod de perfecto hoc opere gloriatus sit. l. i. §. 2. C. de vet. jur. enucl. quod *Codicem* a suo nomine IVSTINIANE-VM dixerit, quod *Pandectas* in septem ac non plures paucioresve partes, *Institutiones* in quatuor libros, ac non potius in tres, distinxerit: quod nobis reliquerit jus iniquum, incertum, & male cohaerens, & quae sunt hujus generis alia. Longa enim est ea fabula, quam mira industria perpolire studuerunt FRANC. HOTOMANNVS in *Antitriboniano*, FRANC. BALDVINVS in *Justiniano*, FRANC. MAESTERTIVS de *justitia legum Romanarum*, BERN. AVTVMNVS in *Censura Gallica juris Rom.* ut non dicamus de ANT. FABRO, ANT. MATTHAEO, IO. IAC. WISSENBACHIO*, & recentioribus, qui in hoc mustaceo laureolam quaerunt, quam plurimis.

* Juvenis hic scripsit *Emblemata Triboniani*, a praeceptore, Antonio Matthaeo, incredibili Triboniani odio imbutus: eumque libellum homini pauperi & peregrino in Belgio viam ad famam & fortunam munivisse ajunt. Sed recte V. A. Corn. van Bynkersh. praef. ad Observ. Tomum II. Quum & ipse olim in hunc librum incidissem, & miratus, & indignatus sum, quod eo opusculo dicatur auctor sibi viam parasse ad famam: nam nihil quidquam ibi videtur praestitisse, quam, quod, ut est in proverbio, hircum mulgentibus cribrum supposuerit. Exhibuit sesquicentum fere
emblem-

emblemata, sed ex aliis maximam partem descripta, quae enim ex suo ipsius ingenio profecta sunt, vix numerum faciunt. Saepe etiam in libello inseruit *πάρεργα ἔργα μετ' ἑαυτὴν*, ut solent, qui primum quid scriptitant eruditionis ostentandae gratia: sed & ea *πάρεργα* non minus aliis auctoribus debentur, quam ipsa emblemata, ut observabis, si vel eos ipsos locos excutias, quos ipse adducit. Unde laudandus Jo. Wybo JC. Belga, qui singulari libello, hic recuso, causam Triboniani adversus hunc emblematum confarcinatorem erudite egit, *Ultraj. MDCCXXI. H.*

- (a) Qui meras Antinomias & Contradictiones formant, illi sane iniquius cum Jure Justiniano agunt. Qui vero in omnibus, quae vere secum pugnant, conciliandis ingenium misere torquent, illi quidem operose nihil agere videntur. Qui potuit, quaeso, fieri, ut Pandectae, in quas Proculianorum & Sabinianorum discordes sententiae relatae fuerunt, ab omnibus dissidii vestigiis, calamo adeo festinante, purgarentur. In iis itaque veras superesse Antinomias, Viri cordati ingenue fatentur, quarum longum satis indicem exhibet Struvius *Hist. Jur. Cap. 3. §. 5. n. 6.* Unicum exemplum allegasse sufficiat. Constans esse dicitur Juris Regula: *impossibilem conditionem in testamento haberi pro non scripta.* v. Paul. *Recept. Sent. Libr. III. Tit. 4. §. 1. Instit. de Hered. instit. §. 10. L. 14. D. de Condit. Instit.* At eam evertit sane *L. 4. §. 1. D. de Statu liberis*, qua Paulus parum sibi certe constans: *non est statu liber, ait, cui libertas in tam longum tempus collata est, ut eo tempore is, qui manumissus est, vivere non possit; aut si tam difficilem, imo pene IMPOSSIBLEM conditionem adjecerit, ut aliunde ea libertas obtinere non possit, veluti si heredi milies dedisset, aut cum moretetur, liberum esse jussisset; sic enim libertas inutiliter datur; & ita Julianus scribit, quia nec*

animus dandae libertatis est. Ludis, si verba *difficilem imo PENE impossibilem* objicis. Quis enim non videt, conditionem millies dandi servo, nihil proprii habenti, esse *omnino impossibilem*? Nec aliquid singulare in causa libertatis hic constitutum dicere poteris, cum maximus libertatis favor nihil regula communi durius in ipsam statui patiatur. At instas tamen, & regeris, speciem, quam L. 4. sistit, ab usu fori nostri, quod servos ejusmodi & statu liberos ignorat, plane alienam esse, adeoque Legis hujus vi inter nos cessante, regulae communi suum inter nos vigorem restitui. Vicisse te jam credis, ego tamen te nondum missum facio, quin habeo reum confidentem; concedis enim, Antinomiam in Jure Romano inveniri, de quo solo inter nos litigatur; & ita ab ulteriori disputatione abstinere possem. Verum, ut omne tibi dubium eximam, consideres paulisper velim, quod, licet ipsa species, vel, uti loquuntur, casus Legis a nostris foris exulet, ipsa tamen propositio generalis Legisque decisio: *inutiliter datur, quod sub conditione impossibili in testamento datur*, nihil habeat, quod Romano magis, quam nostro foro applicari possit; quodque semper & ubique huic decisioni Legis cum Regula communi: *conditio impossibilis in testamento habetur pro non scripta*, irreconciliabilis pugna sit. Denique Ratio decidendi, qua Julianus & cum eo Paulus utitur, *quia nec animus dandae libertatis est*, nobis non minus, quam Romanis, horum JCtorum hanc sententiam sistit: *uti, qui in conventionem aliquid sub conditione impossibili promittit, nihil agit, cum ne animus quidem promittendi serius ipsi sit, ita, qui heredem instituit, legat, aut aliud quid in testamento jubet sub conditione impossibili, ille nihil agit, quia nec animus instituendi, legandi, jubendi serius ipsi est.* Quae sententia quam graviter Regulae communi obloquatur, nemo non videt.

§. CCCXCIX.

Sed, qui ipse olim in ea haeresi fui, quo Judicium
de illis.
magis in jure profeci, eo magis ab illa ab-
horrere coepi. Credo equidem, ipsum Ju-
stinianum hominem se agnovisse, nihilque
humani a se putasse alienum. Fateor, non
incidisse eum in tempora, quae opus quod-
dam Daedaleum & quovis Phidiae signo per-
fectius producere potuerint. Pleraque ta-
men, quae tanto supercilio notant censores
quidam, vitio creati, proba esse, expertus
sum. Criminationes vero tantum non omnes
a viris harum rerum intelligentibus tam
praeclare dilutas esse animadverti, ut causa
perorata videatur*.

* Prae ceteris commendari merentur VLR. HVBE-
RI *Eunomia Romana*, opus postumum, editum
a filio amplissimo, mihiq; amicissimo, ZACHA-
RIA HVBERO, & recusum Amst. MDCCXXIV, 4.
nec non virorum illustrium HENR. & SAM. DE
COCCEIIS opera pleraque, in quibus haec calu-
mnia non verbis, sed re ipsa, depellitur, dum,
quae aliis desperata visa sunt, felicissima industria
explicarunt, & quae pugnancia habita, ita revo-
carunt in concordiam, ut immortalem inierint
gratiam ab omnibus, quibus solidior jurispru-
dentia cordi est. (α) H.

(α) Operae pretium erit, paucis definire, quae pars
Justiniani Juris praeferenda sit alteri, si cum illa
pugnet. Regula est, quam ratio suggerit, & Jus
Civile agnoscit: *Lex posterior derogat priori*. En
Modestini effatum in *L. ult. D. de Constit. Prin-*
cipum: Constitutiones tempore posteriores, potiores
sunt his, quae ipsas praecesserunt. Legis autem
aetas non ex tempore, quo scripta, sed quo pro-
mulgata

mulgata, quippe quod demum voluntatem Principis cives ad regulam adstringentis declarat, aestimanda erit. Ergo Novellae, quippe quae post Codicem, Pandectas & Institutiones prodierunt, si cum iis pugnant, his omnibus praeferendae sunt. Cum vero Novellarum aliae post alias sint promulgatae, si quae inter illas pugna est, non ea, quae numero, sed quae tempore promulgationis alteram sequitur, huic derogabit. Codex repetitae praelectionis post Pandectas & Institutiones promulgatus est. Ergo non tantum quinque illae Leges, nempe *L. 2. C. de Off. Praef. Praet. Afr. L. 2. C. de Jurej. propter calumn. L. ult. C. de Testam. L. un. C. de Caducis toll. & L. ult. C. de Legit. Hered.* quae Justiniano IV. & Paulino Coss. adeoque post Pandectas editae, non tantum *L. Decisiones*, sed omnes Codicis Leges Pandectis & Institutionibus, si cum his pugna sit, potiores erunt. Institutiones cum Pandectis eadem die vim Legis obtinuerunt. Ergo nulla iis ætatis praerogativa. Cum vero Institutiones e Pandectis, tanquam e fonte manaverint, si ab his differant, ex fonte suo, a quo per oscitantiam autorum suorum aberrare potuerunt, aestimari debent. Quia tamen post Pandectas compositae sunt, & in eo intervallo temporis Imperator sententiam mutare potuit, Institutiones merito praeferendae erunt Pandectis, quotiescunque probari perspicue poterit, Imperatorem de industria a Pandectis recessisse, aut ad recentiores Constitutiones provocasse.

§. CCCC.

Graece
versi li-
bri juris.

Jam vero porro quaeritur, quae fata juris hujus Justiniani tum in Oriente, tum in Occidente fuerint? Et dubitari quidem nequit, quin in Oriente ubique statim receptum sit, tum in foro, tum in Scholis iuridicis.

dicis. Quum vero iudices & antecessores plerique parum gnari essent linguae Latinae *: ipsis Justiniani temporibus libri juris in Graecam linguam transferri paullatim coeperunt.

* Rem praeclare exposuit Car. du Fresne *in praef. Glossar. Lat. §. XII. p. 10.* ubi ostendit, Constantinum M. translata Byzantium imperii sede, Latinam etiam linguam novae Romae servari voluisse, hinc eum locis ac regionibus urbis Latina imposuisse nomina, inscriptiones statuarum, aedificiorum, monetarum Latinas fuisse, constitutiones ejus ac successorum diu eodem conscriptas esse idiomate: quin in schola Byzantina ideo eloquentiam Rom. oratores tres, grammaticos decem docuisse, ut lingua ista in sede imperii Rom. tanto diligentius excoleretur. *l. 3. C. de stud. liber.* Usus ergo istius linguae in Oriente mansisse aliquem, sed curialem fere & palatinum, immo & forenses, donec a Theodosii temporibus contingeret, ut Graeculi, dum utrumque colerent sermonem, neutro recte uterentur, quod deinde exemplo praefatiunculae & versiculorum Theodosii M. temporibus scriptorum, & Antonini *Itinerario* in Codice Regio praemissorum, nec non pentastichi Latini obelisco Constantino-politano inscripti, ostendit, in quibus mera barbaries. Et sane si jam sub Theodosio M. gliscere coepit barbaries, quis de Latinitate Orientalium sub Justiniano meliora speraret? H.

§. CCCCI.

Et INSTITUTIONVM quidem elegantem Paraphrasin debemus THEOPHILO, quem Justiniani temporibus floruisse, docent loca, ubi de Justiniano utitur verbis:

In primis Institutiones.

Mm 3

ipse

Samuel de Epiphanijs Theophrasti in epiphanijs

ἡμετέραν βασιλέα, *Imperatorem nostram*, §. 1. *Inst. de usuc.* Θεοτάτης ἡμῶν δεσπόης, *religiosissimi Imperatoris nostri*, §. 12. *Inst. eod.* ἐφοίτησε τῇ ἡμετέρῃ βασιλείῳ διάταξι, ἣν ἐναρχῶ ἐξεφώνησε. *Exstat & principis nostri constitutio, quam nuper emisit* : itemque εὐσεβείᾳ τῇ ἡμῶν δεσποίνῃ, *religiosissima Domina nostra*, §. ult. *Inst. eod.* Quae quum ex Latino *Institutionum* textu non sint, manifesto probant, auctorem Justiniani temporibus scripsisse. * Gundlingian. P. II. Obs. 2. Nec obscure aetatem suam ipse indicare videtur Theophilus in *Paraphrasi* §. 4. §. 5. *Inst. de SC.* Tertull. & §. 10. *Inst. de except.* Vid. Jo. Henr. Myllii *Historia Theophili* Cap. III. §. 4. (α). Unde nihil prohibet, quo minus eundem dicamus, cum Theophilo, Antecessore Constantinopolitano, cujus in componendo corpore juris opera usus est Justinianus. Prodiit haec *Paraphrasis* post editionem VIGLII ZVICHEMI Basil. 1534. fol. & Lov. 1536. 4. & IAC. CVRTII Lugd. 1581. cum animadversionibus CAR. ANNIB. FABROTI Paris. 1638. & 1657. 4.

* Fallitur ergo Cujacius (β), qui Theophilitzen vocat hunc Paraphrasten, & eum Accursio juniorem facit, in *Recit. ad tit. Inst. de aet.* Falluntur, qui ei multos errores adfingunt, quum pleraque recte se habeant. Illud unum mirandum, vivo Justiniano id sibi summissee Theophilum, ut uberius scriberet *Institutionum paraphrasin*, quum Justinianus versiones tantum κατὰ πόδα (γ) permiserit. l. 2. §. 21. C. de vet. jur. enuch. H. De Theophili aetate pluribus exponet V. Cl. Guil. Otto Reitzius, quem novam accuratissimam

namque hujus JCTi editionem parare audivimus. R.

(α) Ejusdem, quam Heineccius, Gundlingius & Mylius tuentur, sententiae Patroni a Mylio *ibid.* c. 2. laudantur Josephus Maria Suarefius in *Not. Basilic.* Antonius Augustinus de *Nominibus propriis* τὸ Πανδέκτου Florentini c. 1. in f. not. d. *Thef. Jur. Civ. T. I.* Briffonius de *Verb. Signif. voce Antecessor*, Stephanus Riccius in *Vindic. Jur. c. 3. v. Thef. Jur. Civ. T. II.* Guido Pancirollus de *claris LL. Interpr. L. I. c. 80.* Everhardus Otto *Comment. Inst. ad Prooem. & Dissert. de Nupt. Consobr. c. 3.* Brunquell. *Hist. Jur. P. III. c. 2.* quibus jungi merentur Justus Henning. Boehmerus *Dissert. Praelim. de Paraphr. Theoph. §. 9.* & Joh. Petrus de Ludewig. in *Justin. c. 1. §. 7. c. 2. §. 3. & seqq.* Quod Justinianum nostrum dixerit Theophilus, parum probat, cum ne hodie quidem JCTi eum hoc elogio ornare erubescant. Reliqua vero argumenta ab Autore allegata rem satis manifestam reddunt. Quis enim a Justiniano vel aliquot annorum intervallo remotus, si quam ejus Constitutionem alleget, eam ab ipso nuper editam diceret? aut quis, quaeso, Justiniano recentior, Theodoram religiosissimam suam Dominam appellaret? Thalelaci testimonium Theophilum allegantis magnae utique autoritatis esset, si modo inveniri posset, quod tamen negat Ever. Otto l. c. diligens alias rerum scrutator; aut si satis certum esset, Thalelaeum hunc, qui Theophilum citat, eundem esse cum eo, qui inter Pandectarum Auctores laudatur *Constit. Tanta. §. 9. L. 3. §. 9. C. de V. J. E.* de qua re tamen gravissime dubitatur. v. Ever. Otto. l. c. Hoffmann. *Hist. Jur. Lib. III. c. 1. §. 5. n. a.* Giannone *Hist. de Naples L. VII. chap. 2. p. 573.* & ipse Mylius l. c. c. 3. §. 7. Quod vero ipsi Stephano Theophilus Paraphrastes ὁ παραειρς vocetur in *Schol. Basilic. T. III. p. 176. & 180.* id quidem

ambiguum Thalelaei testimonium fortissime adjuvaret, si probatum esset, hunc ipsum Stephanum in scholiis Basilicorum laudatum eum esse, qui & ipse inter Pandectarum Architectos commemoratur *l. c.* quod sine haesitatione affirmat Suaresius in *Notit. Basilic.* & Matthaeus Blastares in *Hist. Jur.* asserere videtur, Stephanum suum *aetate Justiniani Digesta in latitudine interpretatum esse*, dicens. v. Ever. Otto *l. c.* Id quod tamen verominus simile videtur, cum Justinianus Digesta non nisi *κατὰ πόδα* verti permiserit, atque ita Ictus ipsi *συγχρονος* eas *eis πλατος* vertere utique ausus non fuisset.

(β) Idem faciunt, quos ipsius autoritas in errorem traxisse videtur, magni omnino nominis viri Jacobus Gothofredus *Man. Jur. p. 71.* Hugo Grotius *Flor. Spars. ad Prooem. Instit.* Gabriel Trivorius in *Obs. Apolog. c. 32. n. 4. & seqq.* quae in *Thef. Jur. Civ. T. I.* exhibetur.

(γ) Fateor, hoc dubium diu mihi haesisse animo, ut illud inde expellere vix potuerim. Sunt tamen, quae regeri possint. I. enim non contemnenda est explicatio *τὴ κατὰ πόδα*, quam Hombergk zu Vach suggerit *Praef. ad Novell.* qui genus illud interpretandi, quod Graeci *κατὰ πόδα* vocant, non esse id, quod verba adeo sequitur, ut nulli ab eorum serie defleat, (a quo tamen dissentit Haloander in *Praef. ad Novell.*) sed quod opponitur Commentariis, aliisque, ut Constitutio allegata loquitur, *interpretationibus & verbosis perversionibus*, quibus *Leges in diversas sententias distrabuntur*, ut ab antiquis Edicti Perpetui Commentatoribus factum esse ibidem notatur. II. Qui ipsa Constitutionis allegatae verba diligentius perpenderit, ille non difficulter perspiciet, praeceptum, quod ibi de interpretationibus non nisi *κατὰ πόδα* faciendis datur, tantum Pandectarum interpretationibus, & his quidem instar Commentarii faciendis, opponi, non elementaris Institu-

Institutionum libelli versioni paulo tantum liberiori, cui nec tantum periculum ex paraphrasi, uti Pandectis, imminebat, nec tanta explicationis in gratiam tyronum, quorum non pauci in literis Latinis rudes erant, faciendae necessitas fuit. Sed sunt alia adhuc dubia removenda. I. Si idem est Theophilus Paraphrastes, qui inter Autores Institutionum ab Imperatore laudatur in *Prooem. Instit.* cur ejus rei mentionem nullam fecit in Paraphrasi, quo loco id filere sine pudoris subrustici & pene puerilis nota non potuit. Respondet Mylius, contigisse Theophilo, quod multis contingere solet, ut, quae omnibus sui temporis lectoribus nota esse sciunt, ea negligant, seculorum, quae ventura sunt, parum studiosi. Idem Thalelaeus, idem Salvius Julianus, Edicti Perpetui Auctor, fecisse videntur. Objiciunt II. quod Paraphrastes Theophilum Justinianeum elogiis ornet, *Illustrem eum Antecessorem, cujus solertiam & Legum scientiam ac in Principum jussis fidem perspectam* habuerit Imperator, appellans, quibus nemo se ipsum, nisi pudoris vincula ruperit, ornare solet. Verumenimvero, quae sibi cum aliis communia, omnibus nota, vera, & ab aliis data elogia erant, illa Paraphrastes, alias etiam Autorem suum presse sequi solitus, omittere non poterat. Et si laudi suae hic nihil detrahare voluit, genium seculi sui, Triboniani, Justiniani ipsius, sine intempestiva modestiae affectatione, expressit. Imo, quod Ludewigius de Triboniano monet in *Justin. c. 8. §. 15. n. 104.* illud & hic de Theophilo dici potest, quod elogia dignitati data sine offensa Principis omittere non liceat, ibi saltem, ubi quis de se, tanquam de alio, sermonem facit. III. Errorum gravium & frequentium ingentem cumulum Paraphraetae exprobrant, quos autor ipse Institutionum commissurus non fuisset. Huic vero dubio plura obstant. Notum est, quod multa a

librariis commissa ipsi Theophilo imputentur, quodque ejus exemplaria misere corrupta ad nos pervenerint, quod Fabrottus passim docet; quod defensionis caput, licet respuat Mylius, alii tamen, ut Gundlingius *Gundlingian. P. II. Obs. 2.* & Ever. Otto *de Nupt. Consobr. c. 4. §. 3.* & in *Præf. ad Thef. Jur. Civ. T. II.* utique agnoscunt. Sed & multa Theophilo tanquam insignia errorum exempla exprobrari, quae ab omni erroris macula libera, imo elogio digna sint, aliquot exemplis ostendit Mylius. Sint vero etiam aliqui Theophilo errores, aberret quandoque ab ipsis Institutionibus. Illud commune habebit cum Triboniano, imo & Justiniano, qui, licet in errores quandoque incidant, nihilominus Juris Conditores sunt. Hoc vero sibi proprium habebit Theophilus. Verum cum Institutiones aliorum ope & consensu, dicam etiam alterius ex nutu scripserit, Paraphrasin vero ex sui sententia animi elaboraverit, potuit facile in hac ab illis hinc inde recedere, ut genio indulgeret, non tamen ob hanc solam causam Autoris gloria privandus. Denique urgent alii IV. quod multa ex Basilicis in suos usus traxerit Paraphraustes Theophilus, atque ita a Justiniani aetate remotus sit. Verum haec plagii exempla non producantur. Si ex primo titulo Institutionum deprompta sunt, ea Theophilo minus bene adscribuntur, cum primus titulus a Viglio Zuichemo exaratus, inque eum aliqua ex Basilicis translata sint. Si aliunde, tunc videndum, annon potius Basilicorum autores ea Theophilo debeant, quam Theophilus illis. Taceo, quod eorum, qui ex hoc capite contra Theophili aetatem pugnant, omnium acerrimus sit is, qui Graeca omnia despicit, imo Juris Cultoribus dissuadet. Parum ergo in hac causa audiendus.

§. CCCCII.

Eandem operam *Pandectis* praestitit THALELAE.

Itemque
Digesta

LELAEVS (α), & ipse Justiniano, ut vide- & Co-
 tur, σύγχρονος, cujus versio Graeca *Pande-* dex.
clarum saepissime in libris βασιλικῶν laudatur. *
 Quin & versiones STEPHANI εἰς πλάτ, CYRILLI κατ' ἐπιτομὴν, (DOROTHEI καὶ μέ-
 σην τὰ ξιν) laudat Matth. Blastares p. 370. apud
 Fabric. *Bibl. Graec. Tom. XII. p. 370.* & Jos.
 Mar. Suares. *Notit. Basil. §. XIX.* Sed & *Co-*
dicem Graece sive a Thalelaeo, sive ab aliis,
 versum existisse ferunt, eumque sibi visum
 esse adfirmabat Marqu. Freherus. Suares. *ibid.*
 §. XX. **

* Thalelaeum Pandectas Graece reddidisse, fere
 omnes, Suaresium in *Not. Basil.* secuti, sibi per-
 suadent. Sed Suaresius, sola tantummodo fre-
 tus auctoritate doctissimorum virorum, Baldui-
 ni, Suallebergi, Haloandri, Cujacii, Antonii
 Augustini, hanc opinionem orbi literato obtrusit.
 Fateor, magna cum confidentia scripsisse Suallem-
 bergum, Balduinum, & Haloandrum, ab hoc An-
 teceffore Digesta κατὰ πᾶσα in Graecam linguam
 translata esse. At Cujacium male ad partes suas
 vocavit Suaresius. Is enim *Observat. XIII. 33.*
 Thalelaeum quidem laudat; de Pandectis autem
 ab eo Graecitate donatis ne verbum quidem ha-
 bet. Cum igitur nemo veterum hanc versionem
 Thalelaei laudarit; recentiores vero omnes ex
 traditione quadam, & ea quidem incertissima, lo-
 quantur: rectissime hanc opinionem explofit Hoff-
 mannus in *Hist. Juris p. 630.* Bene tamen lau-
 davit Matthaeus Blastares *Stephanum*. Hunc enim
 Digesta convertisse, testantur Scholia βασιλικῶν.
 Imo ex iisdem Scholiis apparet, eandem ope-
 ram praestitisse Codici Thalelaeum. R.

** Matthaeus monachus, sive Blastares, cujus supra jam
 meminimus, scripsit *Syntagma alphabeticum*, quod
 cum

cum versione Latina primus edidit Beveregius in *Pandect. Canon. Tom. II. part. 2. init. Oxon. 1672. in f.* Hic Graeculus, in fine praefationis, quam operi praefixit, postquam narrasset, Justinianum Pandectas atque Codicem redegisse in Epitomen, ita pergit: *Visum est nonnullis multa magni momenti in elaborando compendio praetermitti: quocirca constituta rursus & perfecta sunt παράτιστα, quae in singulis titulis, rerum utilium, quae omissae sunt, supplementa continent. Εξηγηταῖς δὲ ἔὑπεργαῖς ἐκ ὀλίγοις ὁ βασιλεὺς (Ἰουστινιανὸς) εἰς τῶν τε ἐχρήσατο. Στέφανος δὲ τις εἰς πλάτῳ τὰ Δίγιστα ἐξηγήσατο. Θαλέλαιος Κένσωρ τὰς κώδικας εἰς πλάτῳ ἐκδεδωκε. Θεόδωρος Ἑρμυπολίτης συντεταγμένως. ἔτι δὲ συντομώτερον Ἀνατόλιος· ὁ δὲ Ἰσίδωρος γενώτερον μὲν ἔῑ Θαλελαίῳ, πλατύτερον δὲ τῶν λοιπῶν δύο. Non paucis autem interpretibus & subministris ad haec usus est Imperator (Justinianus). Quidam autem Stephanus Digesta in latitudine interpretatus est; Thalelaeus Censor Codices in latitudine edidit: Theodorus Hermupolita contracte; contractius autem & Anatolius: Isidorus vero arctius quidem quam Thalelaeus, latius autem quam reliqui duo. Puto, Codicem Graecum Heidelbergensem Bibliothecam olim servasse, quae Frehero patuit. Ita enim ille in epistol. dedicatoria ad Rudolphum II. Imp. praefixa Juri Graeco-Rom. scribit: *Codicem Graece conversum quidam testantur, quem & ipsi vidimus, ejusque interpretem Κωδικιστὴν dictum legimus.* Suallembergus vero in praefat. ad *Harmenopul.* refert, Codicem Graecum in Creta insula ab aliquo visum esse. Matthaeus Blastares auctorem versionis facit Thalelaeum. Et supra jam monuimus, Scholia Βασιλικῶν, interpretationis ab eo factae, ostendere fragmenta. Idem Blastares, Theodorum Hermupolitam, qui contracte verterit Codicem, laudat, cujus *Synopsis & Ecloga Codicis Justiniani in LXXXII. capita divisa*, videri potest*

potest in Bibliotheca Vindobonensi, teste Lambecio *Lib. VI. Commentar. p. 15. R.*

- (α) Duos Thalelaeos fuisse, alterum quidem inter Pandectarum autores laudatum; alterum vero Basilicarum Constitutionum Interpretem suspicatur Mylius in *Hist. Theophil. c. 3. §. 7.* ex ea ratione, quod Inscriptiones, quibus Scholia Basilicorum ornantur, nomen Thalelaei saepius ferant, quarum ingenuitati quid opponat, ipse nihil habet. Aliam tamen mox conjecturam sane elegantem suggerit Mylius *ibid.* forsan nomina, quae illis interpretum scholiis praefixa sint, Thalelaei Stephanique, non indicare, esse hos illorum scholiorum auctores, sed tantum monere, ex horum operibus sumpta esse, quae in scholiis illis extent.

§. CCCCIII.

Denique vice versa Constitutiones Novellas CXXV. jam tum Graece maximam partem scriptas, circa annum DLXX. resectis praefationibus, in epitomen contraxit, & elegante Latinitate donavit IVLIANVS Patricius, Exconsul & Antecessor (α) Constantino-politanus. Quam epitomen cum saepius, tum cura Francisci Pithoei, *Basil. 1567. fol. & nitidissime iterum Parisiis 1689.* cum aliis Pithoeorum operibus, editam novimus. *

Juliani
Patricii
versio La-
tina No-
vellarum.

- (*) Magnam haec Epitome in Occidente auctoritatem nacta est. Sane Hincmarus Remensis Justiniani leges probandae sententiae causa afferens, ad eam provocat. Ita in *opusculo LV. capitulorum adversus Hincmarum Laudunens. cap. 17. pag. 440. Tom. II. Oper. Sirmond.* excitat *cap. 437. Novellae 115.* ubi legimus: *Sed & leges Romanae a Justiniano Imp. promulgatae, quas probat ecclesia, decernunt de Episcoporum, sine Metro-*

Metropolitani sui auctoritate, professione. Cujus partem constitutionis hic subjunxi, hoc modo: Non liceat Episcopis suas quidem ecclesias relinquere, &c. Ibidem cap. 30. pag. 509. scribit: Proponam tibi legalem sententiam Justiniani catholici Imp. quam probat & servat ecclesia catholica, qua constitutione CXVIII. capitulo CCCCXLI. decrevit, ut nemo Episcopus, nemo Presbyter excommunicet aliquem, antequam causa probetur, &c. Quo loco emendandus est Hincmarus, & rescribendum, constitutione CXV. Similis error occurrit ibid. cap. 51. pag. 587. ubi reponendum, in constitutione CXV. capitulo CCCCLII. constitutionis Justiniani, &c. Male enim expressum est, in constit. CXVII. cap. CCCCLII. Nolo plura loca adducere, ne longior sim. Anton. Contius in praefat. ad Novell. observat, Juliani Epitomen diligenter a veteribus Juris interpretibus, Pileo, Rogerio, Azone, Accursio, lectitatum esse; & Nicolaus Boherius in praefatiuncula ad Julian. Novell. plurima glossae & glossatorum adducit loca, in quibus vestigia hujus interpretationis occurrunt. Pithoeus vero bene longum texuit eorum indicem, quae in jure Pontificio ex Juliano referuntur. Quoniam vero hic Juliani liber καὶ ἐξ ἑκτὸν nomine Novellarum olim venit, factum est postea, ut ab Jctis, vitandae confusionis causa, prolixior illa translatio Novellarum, qua hodie utimur, diceretur Authentica, quasi vera & minime detruncata versio constitutionum ipsius Justiniani. R.

- (α) Julianum Antecessorem fuisse scimus; Patricium & Exconsulem fuisse, nullo idoneo argumento docemur. Julianus enim Consul, cui Prisciani libri inscribuntur, alius a nostro quod fuerit, ex diverso temporum caractere jam ostendit Anton. August. in Praef. ad Juliani Novell.

§. CCCCIV.

Et versionibus quidem illis Graecis, Novellis.

Βασιλικῶν
origo.

vellis.

vellisque, eadem lingua scriptis, in foris
scholisque utebantur saeculis insequentibus
septimo & octavo, donec de eo in com-
pendium mittendo saeculo nono cogitare
inciperent Imperatores Byzantini. Ex his
primum BASILIUS MACEDO anno
DCCCXXXVIII^h ediderat *πρόχειρον τῶν νόμων*,
quod constabat titulis quadraginta (α). Sua-
res. *Notit. Basilic. §. III.* * Deinde LEO (β),
σοφός, patri Basilio succedens, collectionem
illam paternam perfecit, eamque sub titulo
διατάξεων βασιλικῶν promulgavit anno Christi
DCCCLXXXVI. ** Suares. *ibid. §. X.* De-
nique subsequutus Leonem CONSTANTI-
NVS, cognomento Porphyrogeneta, pater-
num opus sub incudem revocavit, & libros
illos ΒΑΣΙΛΙΚΟΝ publicavit sub initium saecu-
li decimi. Suares. *ibid. §. XII. sequ.*

^h) not. post an. 867.
Hingelov

^h) ed. etiam 867
cor. luv. v. 10. 11.
Savileov. quod ex
lat. in Biblioth. C.
Hingelov

^h) conficere p. 11
πρόχειρον τῶν
νόμων. Hingelov
quod reperitur in
Coudavio. Hingelov
Fr. rom.

- (*) Basilius Macedo anno demum 867. Imperator factus est. Aliud igitur est tempus τῷ πρὸ πρόχειρον adsignandum. Cum vero Cedrenus in vita ejus pag. 446. *Ed. Venet.* tradat, statim, postquam imperium esset adeptus, operam ipsum dedisse, ut leges vigerent, putem, hoc Manuale Juris, primis regiminis sui annis, esse ab ipso evulgatum. Nec satis constat hodie, quid Basilius praestiterit, cum legum illa ecloga, diversis sub titulis, modo *Leonis*, modo *Leonis & Constantini*, modo *Basilii*, *Leonis*, & *Constantini*, in Bibliothecis extet, ut testatur Freherus in *Chronolog. praefixa Juri Graeco - Rom.* Idem laudatus vir *Tom. II. Jur. Gr. ἐκλογὴν τῶν νόμων* e schedis Sambuci in lucem protraxit, sed mutilam, & 28. titulis tantum constantem. Et hoc quoque fragmentum praefert nomina *Leonis & Constantini*.

tini. Eadem servant ἐκλογαὶ νόμων MSS. Bibliothecae Senatus Lipsiensis, quae XL. capitibus absol-
vuntur. Leonis Sapientis libros Ἀγρίων βασι-
λικῶν referunt viri docti ad an. 886. non aliam
ob causam, quam quod is eo anno Patri Basilio
successit. De ipso opere haec habet Matth. Bla-
stares in praefat. Τελούται δὲ πάντων ὁ ἐν βασι-
λεῦσιν αἰοδιμῶ. Λέων ὁ σοφός, μίαν τὰ πάντα πεισά-
μην πραγματείαν Ἀγρίων Σαββατίου Πρωτοσπαθα-
ρίου, καὶ τὰ διέχοντα τῇ δέσει συνάψας εἰς ἓν, καὶ τε Δίγες
καὶ τὰς Κώδικας, καὶ πολλὰ τῶν Ἰουστινιανῶν, καὶ αὐτὰς τὰς
Ἰουστινιανῶν νεαράς, ἐν βιβλίοις μὲν ἐξήκοντα, τεύχεσι δὲ
ὡργάνωσεν ἐξ, πᾶν ἐναντίον καὶ τὴν χρῆσιν ὅτι παρεχό-
μενον ἐν τοῖς πράγμασιν ἀπεκρίνας τε καὶ ὑπέξελαν, Ἀγρί-
ον τὸ εἶδος πολλὰ τῶν ἀρχαίων νομοθετημάτων παρεδου-
κισθῆναι τοῖς ὕστερον. *Ultimus vero omnium inclutus*
ille inter Imperatores, Leo Sapiens, cum unum ex
omnibus per quendam Sabbatium Protospatarium
opus fecisset, ὅτι quae loco distabant, in unum
conjunxisset, Digesta ὅτι Codices, ὅτι multa etiam
ex Institutis, ὅτι ipsas Justiniani Novellas, in li-
bris quidem sexaginta, sex autem voluminibus apte
disponebat, omne quod contrarium erat, ὅτι nul-
lius in negotiis usus, rejiciens ὅτι subducens, id-
circo, quod multa veterum institutorum posteris
improbata fore, veri non sit dissimile. R.

** Ejusdem LEONIS Imp. sunt Novellae CXIII.
quas primum Graece ex Stephaniana edidit Henr.
Scringerus, *Paris. MDLVIII. fol.* postea Latine
Henr. Agylaeus, *Paris. 1560. 8.* Unde postea
permultis juris Justiniani editionibus subjectae
sunt. Harum nec apud nos ullam esse auctorita-
tem, nec olim in ipsa Graecia fuisse, existimavit
Cujac. *Obs. XVII, 31. (2)* Contra easdem, & olim
valuisse in Graecia, & ne hodie quidem ibi extra
usum esse, ex Christoph. Angel. *de statu eccles.*
Graecae p. 112. ὅτι 115. docet V. A. Corn. van
Bynkersh. Obs. IV, 1. p. 385. H.

(α) Tria hic notanda, nempe I. Titulos, uti Hei-
neccius

neccius bene monet, tantum fuisse quadraginta; v. Harmenop. *Prompt. in Praef.* male ergo a Cujacio *Obs. L. VI. c. 9.* & Jac. Gothofredo *in Man. Jur. p. 77.* imò & a Frehero *in Chronologia Juris ad annum Chr. 867.* Titulos computari sexaginta. II. Eam Eclogam, quam Jus Graeco-Romanum Leunclavio-Freherianum exhibet, *Tom. II. p. 79.* a Frehero *in Chronol. l. c.* Lambecio *Bibl. Vindob. L. VI.* Hoffmanno *Hist. Jur. L. III. c. 3. §. 11. n. b.* pro Ecloga Basilii haberi, ab aliis vero diversam ab hac & quidem hac paulo juniorem reputari. v. Waechleri *Lit. in Aët. Erud. a. 1715.* & Brunquell. *Hist. Jur. P. III. M. I. c. 4. §. 5.* horum vero sententiam indefatis probabilem reddi, quod ipsa inscriptio non Basilium, sed Leonem & Constantinum loquatur. Cui argumento cum Hoffmannus nil nisi solitam Graecorum confusionem opponat, non videri ea sola confusionis suspitione fidem inscriptionis non dubiae infringi. III. Illud tamen bene moneri ab Hoffmanno *l. c.* quod in Inscriptione hujus Eclogae annotatio anni 6347. qui in annum Christi 839. incideret, corrupta sit, cum eo sane Leonem, imò ne Basilium quidem regnaverit.

- (8) De Leone ejusque in condendo Jure opera praestita justo acrius est atque iniquius Claudii Chiffletii judicium *Disquis. de secundo Cap. Legis Aquilinae in Thes. Jur. Civ. Tom. V.* ubi ita loquitur: *Basilicorum autor Leo, non contentus Justiniani Juris Civilis editione, rapsodiam aliam Legum Romanarum Orienti invexit, a priori illa usque adeo degenerem, ut tantum Justinianus a Leone distet, quantum qui, Parrhasii aut Apellis tabula reperta, pictura jam vetustate semesa & fugiente, delere tamen antiquae & nobilis picturae reliquias mavult, & novam superinducere, ab eo, qui corrupta picturae loca eo, quo potest, modo resarcire ac reparare, & integras divini operis partes conservare potius, quam perdere,*

dere, studet : videtur enim Leonis hoc studium fuisse, ut Romani Juris gloriam majestatemque deleret prorsus & extingueret. Imago, quam finxit Chifletius, nec Justinianum fatis, nec Leonem referre videtur, illum nimis, hunc minus, quam deberet, ornans.

- (v) Cujacio suffragatur etiam Jacobus Gothofredus *Man. Juris* p. 75. Provocat Cujacius ad Graecum interpretem, & ad Pragmaticam Attaliotae. At vero Bynkershoekius eas Novellas quidem in Occidente non valuisse contendit, cum in Latinum sermonem translatae non fuerint, in Oriente vero sub ipso Leone legali eas gavisas esse auctoritate probat 1. quia Leo ipse eas animo condendi Leges edidit, v. *Prooem. Novell. Leonis*. 2. sequentes Imperatores ad eas provocant. 3. Basilicorum Scholiastae eas, tanquam Leges, allegant. Ad loca a Cujacio producta respondet, ea non de Leonis, sed insequentium Imperatorum temporibus, quibus jam Basilicorum Opus aliarum Legum luminibus offecerat, intelligenda, nec ad eas Novellas spectare, quae aliquid novi, nunquam antea decisum, constituerent, aut vetus jus corrigerent. Quod ad hodiernum vero Novellarum Leonis usum attinet, eum non omnino negarem, sed ab allegante tamen probandum esse dicerem, ita ut ad eum provocans non habeat, utiloquuntur, *intentionem fundatam*. Bergerus *Oecon. Jur. L. I. T. III. §. 6.* Novellam 18. & *ibidem* p. 104. Nov. 93. Eybenius *de Territione Tortulari* Novellam 51. allegant. Totam hanc causam egregie discutit Casp. Achatius Beck *de Novellis Leonis earumque usu & auctoritate*. Jenae 1726.

§. CCCC.V.

Quales hi
libri.

Et hi quidem sunt libri illi ΒΑΣΙΛΙΚΩΝ, ex Graeca Institutionum, Pandectarum, Codicis

CAP. VI. DEST. IVR. A IVS. AD HAEC TEMP. 563

dicis versione, Justiniani Novellis & edictis tredecim, nec non ex Jctorum quorundam Orientalium Paratitlis, aliisque libris, quin & patribus & conciliis collecti, ita tamen, ut multa omissa videamus, quae fortassis tum ab usu recesserant, multas etiam leges in compendium contractas, multa denique ex posteriorum principum legibus & constitutionibus addita, animadvertamus. V. A. Corn. van Bynkersh. *Obs. VIII*, 17. p. 519. Opus istud in sexaginta libros divisum, praeter pauca, quae nondum integra reperiri potuerunt, cum glossis Graece & Latine editum est a CAR. ANNIB. FABROTO. (α) *Parif. 1647. fol. Vol. VII. **

C. 19-52 cum glossis
Cujas. 1753 fol.

(*) *Synopsis βασιλικῶν*, quam Jo. Sambucus Tarenti invenerat, sexaginta quoque libris constantem, edidit Joan. Leunclavius *Basileae 1575. in f.* Pertinent huc quoque *Glossae βασιλικῶν*, a Carolo Labbaeo 1606. *Parif. in 8.* & deinde cum Glossariis Philoxeni & aliorum, editae *Parif. 1679. f.* & in Thesauro Juris, cum observationibus Schultingii, ob insignem, quam praestant, utilitatem recusae. R.

(α) Qui Regio jussu, rem curante summo literarum patrono Seguierio, Parisios evocatus, annuoque ad hoc opus perficiendum salario bis mille librarum ornatus, id summo studio perfecit, v. Terrasson *Histoire de la Jurisprudence Romaine P. IV. §. 9. p. 480.*

§. CCCCVI.

Insequentibus etiam saeculis jus Romanum, quale in βασιλικῶν libris reperitur, in Oriente

Ufus hujus juris
Saeculo

XI. quo
Mich. A-
taliota &
Mich.
Pfellus
floruere.

ente floruisse, evincunt tot opera Graecorum
juridica, quae partim separatim prodierunt,
partim ENIMVNDI BONEFIDII *juri Ori-
entali*, edito *Parif. 1573. 8.* & IO. LEVN-
CLAVII *juri Graeco-Romano*, a Marqu. Fre-
hero locupletato editoque *Francof. 1596. fol.*
Tom. II. inserta sunt. Sic saeculo undecimo
A MICH. ATALIOTA, Judex & Procos. scrip-
psit *πρόημα* seu *πραγματικὴν*, * a Leunclavio
sub titulo *σύνοψις ὡσανεὶ συνόψεων* editam, *Tom.*
II. p. I. iisdemque temporibus MICH. PSEL-
LVS junior, vir *πολυγλώττατος*, primum ad
Constantinum Ducam, deinde & Alexium,
ac demum ad Nicephorum, Imp. versibus
politicis edidit *σύνοψιν νόμων*: Leo Allat. *de*
Pfellis, *eorumque script. §. XLVIII.* quam
Graece & Latine edidit Bosquetus *Parif.*
*MDCXXXII. 8. ***

* En! errorem, quem omnes, quos vidi, Histo-
riae Juris Scriptores commiserunt. Laudant bo-
ni viri *Attaliatae πρόημα*, quia ita vitio typogra-
phico apud Suaresium in *Not. Basil.* & Fabricium
Bibl. Gr. est editum, ut facile judicare possis,
ipso Freherum nunquam inspexisse. Et si recte
quoque edidissent *ποίημα*, haec tamen vox sola
posita commodum sensum vix admitteret. Titu-
lus operis est: *Μιχαὴλ Ἀτταλειάτης ποίημα νομικὸν,*
ἢτοι πραγματικὴ, Michaelis Attaliatae opus de jure
sive Pragmatica. Somnia sunt Heineccii, hanc
Pragmaticam a Leunclavio sub titulo, *συνόψις*
ὡσανεὶ συνόψεων, esse editam. Hoc scimus, Micha-
elis librum lucem vidisse *an. Chr. 1073.* Ipse
enim in Epigrammate ad Michaellem Ducam Imp.
cujus jussu hoc opus elaboratum est, scribit, id
se edidisse, *anno tertio imperii Michaelis. R.*

** Sac.

** Saeculo quoque XII. in Oriente, & Constanti-
nopoly maxime juris Romani studia floruisse, vel
inde patet, quod Irnerium jus Constantinopoli
didicisse, nescio quo auctore, docet Innoc. Ci-
ron. *Obs. Jur. Can. V, 5. H.*

§. CCCCVII.

Sequente saeculo XIII. floruit THEODO-
RVS BALSAMON (α), qui PHOTII No-
mocanonem (β) suis commentariis illustravit,
in quibus permulta exstant juris Romani,
ex Basilicis deprompti, vestigia. Ediderunt
eum Guil. Voellus & Henr. Justellus in *Bi-
bliotheca Graeco-Latina Jur. Can. Tom. II. p. 1312.*

Item saec.
XIII. &
XIV. qui-
bus scri-
psere Bal-
samon &
Harme-
nopulus.

sequ. Saeculo XIV. non duodecimo, ut
Suaresio aliisque visum, floruit CONSTAN-
TINUS HARMENOPVLVS (γ), ediditque
πρόχειρον τῶν νόμων, seu *Promptuarium juris*,
quod post Theodorici Adamaei Suallem-
bergi Graecam, aliasque Bernardi a Rey &
Joan. Merceri Latinas editiones Graece &
Latine cum adnotationibus suis edidit Dio-
nyf. Gothofredus. MDLXXXVII. 4. *Intelligitur in Hieronymi Thes. 101. v. 11.*

(α) Hujus Autoris sunt etiam Paratitlorum Libri III.
a Leunclavio, autorem ipsorum, ut videtur,
ignorante editi, quorum verus titulus est: *Col-
lectio Constitutionum Ecclesiasticarum*. Haec *Col-
lectio* cum notis Fabrotti extat in Justelli *Bibli-
oth. Jur. Can. Vet. T. II. p. 1217.*

(β) Aetatem Nomocanonis Photiani contra senten-
tiam Cujacii *Obs. L. VI. 9.* cum Basilicis aequa-
lem statuentis, melius definit Hoffmannus *Hist.
Jur. L. III. c. 3. §. 3. n. b.* argumentis non
contemnendis demonstrans, eum Basilicis esse
antiquiorem, i. quia annus, quo Photius opus se

absolviffe dicit in *calce praef.* indicatus 6391. incidens in annum Christi 883. cum Leo demum tribus postea annis solus imperare coeperit. 2. Photius Leges *non secundum Basilica, sed secundum Pandectas* & *Codicem annotat, ut Theodorus Balsamon demum has citationes Basilicorum ordini adaptaverit, &c.*

(γ) Aetatem hujus Scriptoris ex testimonio Philothei Patriarchae Constantinopolitani anno Chr. 1345. affigit Lambecius *Biblioth. Vindob. Lib. VI.* cui suffragatur Nicolaus Comnenus in *Praenotionibus Mystagogicis.* v. Fabric. *Bibl. Gr. L. V. c. 42.* Natus fuit an. 1320. librum edidit 1345. mortuus 1383. a Graeci Juris Scriptoribus *sapientissimus & peritissimus Legum, ΙCtus κατ' ἐξοχήν*, imo *Thesaurus Nomicus* dictus, v. Fabric. *l. c.* Opus, ut ipse in *Praefatione* dicit, supplendae Eclogae Basilii causa conscripsit, quae Ecloga cum ad nos mutila plane & manca pervenerit, dubium saepe relinquit, quid Harmenopolus ex illa, quidve ex proprio fonte petierit. v. Hoffmanni *Hist. Jur. L. III. c. 6. §. 5. not. a. b. c.*

Multa adhuc Graecorum opera laudari possent, quorum indicem bene longum ex Nicolao Comneno exhibent Fabricius & Hoffmannus *Hist. Jur. l. c. §. 8. in notis.* Aliqua ipsorum nobis servarunt Leunclavius & Freherus in *Jure Graeco-Romano*, aliqua etiam Christophorus & Henricus Justelli, pater & filius, & Guil. Voellius in *Bibliotheca Juris Canonici Veteris.* Praecipua tantum allegare Heineccius operae pretium esse existimavit. Haec Graecorum opera multos juris textus integros atque sinceros sistunt, qui in Justiniano Corpore truncati saepius aut interpolati exhibentur. Multum itaque lucis Justiniano Juri affundunt. Cujacius sane, omnium consensu summis, qui unquam fuerunt, ΙCtis merito accensendus, magnam Juridicae eruditionis partem ex his ipsis Graecis hausisse omnium ore dicitur, &
ipsis

ipsis rerum argumentis probatur. Exemplum plane illustre ! quod omnes, qui sincero genuinae Jurisprudentiae studio tenentur, excitare potest, ut & sibi dictum putent illud Horatii :

Vos exemplaria Graeca

Nocturna versate manu, versate diurna !

§. CCCCVIII.

Saeculum decimum quintum finem attulit orientali Graecorum imperio, capta anno MCCCCLIII. a Turcis Constantinopoli, & toto illo Orientis tractu ab iisdem barbaris oppresso. Iisdem ergo temporibus & jus Romanum in Oriente procul dubio exolevit, at non penitus tamen, si recentioribus quibusdam fides habenda est, quippe qui & apud Turcas, & apud Graecos, aliquem juris Romani usum hodiernum superesse, referunt.

Constantinopoli capta, & Turcae & Graeci usum aliquem juris Rom. conservant.

Secund. de claris Graecis Constantinopoli legatis protest.

* Turcas enim Codicem Justinianum in sua lingua habere, eoque in foris suis uti, primus testis *αὐτοκρατορ & αὐτὸν* confirmavit Leunclav. in Praef. ad libros III. Paratitl. Ex lsm. Bullialdo quoque saepe audivisse se refert Menag. *Annot. Jur. Civ. Cap. XXVI. Turcos pleraque ex legibus Romanorum in suas transfudisse, & praecipue quae ad materiam servitutium spectant.* De usu Novellarum Leonis apud hodiernos Graecos jam supra diximus. (§. CCCCIV. *). H.

§. CCCCIX.

Ex Oriente in OCCIDENTEM revertimur. In eo quaedam provinciae Francis, Burgundionibus, Gothis cesserant, quaedam a Justiniano barbaris felici Marte ereptae erant.

In Occidente major erat Codicis Theo-

dosiani
auctori-
tas.

rant, veluti Italia, Sicilia & Africa. In illis quidem juris Romani usus superfuit, at non Justiniani (α), verum Theodosiani, quocum Caji *Institutiones*, Paulli *Sententias*, & alia quaedam veterum Ictorum fragmenta conjungere solebant. * Demonstrarunt hoc ex instituto Herni. Conring. *de Orig. Jur. Germ. Cap. IV. & V.* Jo. Selden. *in Diss. ad Fletam V, 2. sequ.* Jac. Gothofr. *in Prol. Cod. Theod. Cap. III.* Innoc. Ciron. *Obs. Jur. Can. V, 2.* Sed & nos *Lib. II.* ea de re pluribus agemus.

* Et haec collectio medio aevo κατ' ἐξοχὴν LEGIS ROMANAE nomine veniebat. Pluribus adductis veterum testimoniis, ipsisque codicum MSS. titulis id demonstravit Car. du Fresne *Gloss. Lat. Tom. II. p. 269. H.*

(α) Jus Justinianum per Occidentem, proximis a Justiniano seculis, exiguos & multo minores, quam vulgo creditur, progressus fecit, ita ut non sine ratione *hyperbolem crassissimam in Epigrammate Graeco Florentinis Pandectis praefixo* notet Seldenus *Diss. Hist. ad Fletam c. 5.* quod homines Asiae, Africae, Europae, quasi genus universum humanum, gentes universas, Justiniano *quis quid digestis paruisse* dicit. Gentes, quas barbaras vocare usu vulgari solemus, cum ante Justinianum plerasque Imperii Romani provincias jamjam invalissent, aliae quidem forsitan sine Legibus scriptis vivere maluerunt; nec enim de Legibus Vandalorum, Suevorum, Herulorum aliquid memoriae proditum reliquit antiquitas. v. Conring. *de Orig. Jur. Germ. c. 2.* aliae vero scriptas demum Leges agnoverunt, easque partim ex suo, partim ex Romano fonte petitas, ita ut apud alias plus, apud alias vero minus Legibus Romanis tributum fuerit. Romanas Leges, quas

quas hae gentes agnoverant, non alias fuisse, quam vel Codicum Hermogeniani, & Gregoriani, vel maxime Theodosiani Constitutiones ipsa rerum & temporum ratio evincit. Quantaque Theodosiani Juris apud Ostrogothos Italiae dominos fuerit veneratio, quantum etiam ex eo ad Visigothos aliasque gentes Imperii Occidentalis transierit, infra distinctius explicabitur. Cum Justinianus tandem Legum suarum Corpus ederet, vulgaris opinio est, eas per magnam Occidentalis Imperii partem receptas statim fuisse, cum & Justiniani ea mens fuerit, ut has Leges, ubicunque terrarum posset, observari praeciperet, & res praeclare per Belisarium & Narsetem aliosque strenuos belli duces, in Occidentalibus regionibus, praecipue in Italia contra Gothos, gestae, videantur desiderium hoc Justiniani egregie adjuvisse, ipsique facilem ad hanc metam pertingendi viam aperuisse. Hinc *pragmatica Sanctio* anno XIII. post Conf. Basilii, qui 28vus est Justiniani imperii, promulgata, Capite ejus XI. non tantum testatur, se *jura vel leges Codicibus suis insertas*, per quas non obscure Institutiones, Pandectas, & Codicem innuere videtur, JAM *sub Edictali programme DVDVM misisse*, & nunc etiam, ut obtineant, sancire; sed & eas quas POSTEA promulgaverit Constitutiones, id est, Novellas, jubet *sub Edictali propositione vulgari ex eo tempore, quo sub Edictali programme evulgatae fuerint*, etiam per partes Italiae obtinente, ut hinc Novellae non ex eo demum tempore, quo *pragmatica haec Sanctio promulgabatur*, sed ex ea jam die, ex qua suam quaevis Novella originem duxisset, vires etiam quaeque suas in Italia habuisset, ex Justiniani saltem desiderio, censeridebeat; ut, ita pergit Justinianus, *una, Deo volente, facta Republica, Legum etiam nostrarum prolatetur auctoritas*. Misit ergo Leges suas in Italiam Justinianus eo animo, ut observarentur

a populis Italiae, licet hac de re dubitet Freherus in *Epistola ad Rudolphum II. Juri Graeco-Rom. praefixa*, & Arth. Duck de *Usu & Auctor. Jur. Civ. L. 1. c. 5. n. 1.* idque plane neget Franc. Broeus in *Hist. Jur. Chron. Institutionibus praefixa*. At vero spem auguriis non adeo levibus conceptam mire fefellit rerum eventus. Quo tempore Institutiones, Pandectae & Codex prodierunt, Italia ipsa (ne de aliis regionibus Occidentalis quondam Imperii loquar) Ostrogothorum ditioni subiecta, Legibus Justinianeis introducendis patere non potuit. Horum vero Regibus Theodato & Vitige a Belisario victis, Ilidbaldo & Erarico popularium factione interemtis, Justinianeis per Italiam imperii restituta fuit veneratio. Et hoc quidem temporis intervallo Institutiones, Pandectas & Codicem Edicto, uti in hac pragmatica Sanctione innuit, per Italiam promulgasse videtur Justinianus. Sed mox feliciora sub Totila fortissimo Rege Gothorum tempora, quibus Romanos e provinciis occupatis ipse iterum expulit, non passae sunt, ut radices agerent in Italia Leges Justiniani. Tandem vero etiam Totila & Teja, ultimis Ostrogothorum in Italia Regibus, Narsetis virtute plane extinctis, Justinianus hanc, de qua loquimur, pragmaticam sanctionem edidit, & ea totum Juris a se collecti Corpus in Italia promulgavit. Et nunc quidem Leges Justinianae plenum in Italia saltem obtinuissent vigorem, mox in alias etiam provincias propagandum, si modo, quam introducendis adhibuit, eam iis & contra constantem Theodosiani Codicis auctoritatem firmandis, ac ipso fori usu & tritura quotidiana muniendis curam impendere potuisset Justinianus. At vero mox post subactam Italiam novis versus Orientem turbis immerfus, & frequentibus Hunnorum invasionibus laceratus, senio tandem confectus, corporisque & animi viribus omnino destitutus

non

non potuit satis vigoris addere novis Legibus, quibus inveterata antiquiorum veneratio obstabat. Qui Justiniano in imperio successit Justinus Junior, rebus, quas Justinianus coeperat, perficiendis omnino impar, provincias, quas Justinianus sub ultima fere vitae tempora Gothis eripuerat, nequidem ab invasionibus Longobardorum, qui Narsetis consiliis Italiam mox occuparunt, vindicare potuit; tantum abest, ut Juris Justiniani per Occidentem usum publicum tueri valide potuerit, adeo, ut extra Romam & Exarchatum Ravennatensem Justiniani Juris in judiciis & actibus publicis usum vix ullum proximis a Justiniano seculis deprehendamus; nisi quod id a viris Ecclesiasticis vel Romanos mores imitantibus, vel Justiniano juri ob singularia ejus in Ecclesiam merita apprime faventibus passim allegari videamus. Nam quod de Longobardis dicitur, eos ut, qui vellent, *Lege Romana* in provinciis a se occupatis uterentur, permisisse, id quidem sine dubio de Jure Justinianum praecedente, cujus & ipsos aliqua notitia gavisos esse verosimillimum est, & cujus inveterato usu imbutos provinciarum Italicarum, quas occupaverant, incolas deprehenderunt, intelligendum est. Hinc ubi in Legibus & monumentis publicis ea tempestate *Romanae Legis* extra has, quas excepi-mus, causas occurrit memoria, sub ea tantum non semper Jus Theodosianum, non Justinianum, uti infra latius demonstrabitur, intelligi debet; quod non tantum Isidori, Justiniano sexaginta, & quod excurrit, annis junioris, qui *Originum Lib. V. c. 1.* in recensione autorum Juris Codices Gregorianum, Hermogenianum & Theodosianum laudat, Justinianum autem Jus plane silentio premit, sed & aliis luculentis testimoniis & argumentis docuerunt Seldenus *Diff. Hist. ad Fletam c. 5. & 6.* & Giannone *Histoire de Naples Liv. III. chap. 3. & 4. Liv. IV. chap. 6.* & alibi passim.

§. CCCCX.

Jus, ta-
men Ju-
stiniane-
um in Ita-
lia & Afri-
ca floruit.

Ast in Italia, & in Africa quoque, usus juris Justiniani fuit quotidianus. Ipse enim Justinianus illud ubique in orbe Romano observari, solumque in academia etiam Romana doceri jusserat. l. 2. §. 24. l. 3. §. 24. C. de vet. jur. enucl. Et hoc sibi velle arbitror auctorem Epigrammatis, Pandectis Florentinis praemissi, Justiniano aut parem aetate, aut non multo juniorem, dum inter alia cecinit:

Ἀνθρώποι δὲ Ἀσίης τε Δορυκτῆς τε Λιβύης,
Ἑυρώπης τε πίθωνται ὅλα σημαντοῦσι κόσμος.

*Europae vero, atque Asiae, Libiaeque sub-
actae,*

*Unum omnes populi Regem dominumque tu-
entur.*

Ait enim poëta, *Pandectarum* opus non modo in Oriente, & Africa nuper recepta, sed & in Europa, (Italia nimirum Gothis extorta,) una cum auctore ejus Justiniano regnare. Coler. *Parerg. II, 22, Tom. I. Thes. Jur.* *

* Vide praefationem ad Tom. II. Cod. Theodos. ubi docui, anno demum 554. Jus Justinianum plenum in Italia accepisse robur. Tunc enim Gothicum regnum finem habuit, Justinianusque Pragmaticam Sanctionem, de statu Italiae, evulgavit, & *Tricennalia* celebravit imperii. R.

§. CCCCXI.

Etiam sub
Lango-
bardis &
Francis.

Et quamvis paullo post, circa annum DLXVIII. Italiam invaderent Langobardi, regnumque ibi constituerent potentissimum: tamen

CAP. VI. DE ST. IVR. A IVS. AD HAEC TEMP. 573
tamen non modo in Exarchatu Ravennatenfi
juri Justiniano pretium suum mansit, sed &
ipfi Langobardi Italis sua cuique lege viven-
di facultatem dederunt, ceu ex ipsa *lege Lan-*
gobardica l. 29. 2. ll. 56. i. adparet. Sane
Seculo VII. *Novellam CXXIII.* citat Grego-
rius *Epist. XI. 54. Edit. Lugdun. (56. Edit. Pa-*
ris. & Lib. XIII. Ep. 45. Edit. Benedictin.) & ali-
bitum ad Codicem, tum ad Novellas provo-
cat. Vid. *Lib. III. Ep. 21. 43. Lib. IX. Ep. 22.*
*Edit. Lugd. ** Imo Seculo IX. quo istud
Langobardorum regnum jam destruxerat
Carolus M. (α) saepe jus Romanorum ad par-
tes vocant Hincmarus Remens. *Opuscul. XVI.*
de coërcend. raptu viduar. Cap. V. pag. 228. O-
puscul. XXXIII. Capitulorum LV. adversus Hinc-
mar. Laudunens. Cap. XVII. pag. 440. Cap. XXX.
pag. 509. Cap. LI. pag. 587. Opuscul. XLIV. de
Jure Metropolitanor. Cap. XXXII. pag. 737. Tom.
II. Oper. Sirmond. & Joannes PP. VIII. apud
Ivon. III. 98.

* Gregorius M. dicta *epist. 54. ad Novellam* quoque
90. *de testibus*, (Vid. supra §. 397.) & varias le-
ges Codicis Justiniani provocat. Ex his autem
legibus apparet, Romanum hunc Pontificem con-
sultuisse editionem Codicis integriorem pleniorē-
que, quam eae sunt, quibus hodie utimur. Ad-
ducit enim ibidem l. 10. *de episcop. & cleric. ex*
Codicis libro primo titulo sexto, quae hodie ti-
tulo 3. legitur. Deinde profert in medium l. 2.
de his, qui ad Eccles. confug. eamque libro pri-
mo titulo XV. inveniri, indicat, cum nostra
exemplaria *titulum* praeferant XII. Imo *lex illa* 2.
egregie emendari potest ex Gregorio, quod ad
inscriptio-

inscriptionem & subscriptionem ejus attinet. Male enim in codice vulgato legimus, *Imp. Honor. & Theodos. AA. Jovino PP.* cum rescribendum sit, *Jovio PP.* uti expressit Pontifex. Est hic *Jovius* notus ex *Zosimo*, eique plures leges inscriptae sunt *an. 409.* ut videre est in *Prosopograph. Codicis Theodos.* Eam ob causam etiam delendam censeo subscriptionem, quam lex citata praefert, *Dat. X. Cal. April. Constantin. & Constant. 414.* Sic enim ea emendanda, *Dat. Kal. April. Honorio VIII. & Theodosio III. Coss. 409.* Quam emendationem commendant & suadent tria potissimum momenta; quorum est primum, annus gestae a *Jovio* praefecturae; alterum menda in subscriptione *Codicis Just.* in quo alter Consul male *Constantinus* dicitur; & tertium denique quod apud *Gregorium* legamus, *Dat. Kal. April. Honorio septies & Theodosio tertio consulibus.* Neque hoc praetermittendum est, Romanum Pontificem in epistola laudata *Pandectas* etiam memorare his verbis: *Sicut libro Pandectarum XLVIII. ad legem Julianam majestatis scribit Modestinus, lege famosi, paulo post principium.* Hinc mari testimonia, a *Cl. Heineccio* adducta, ejus sententiam non multum juvant, sed id tantum, quod supra jam observatum est, probant, *Juliani Epitomen Novellarum* in ejus manibus fuisse; ad quam *pag. 440. 509. 587. citat.* lectorem remittit. *Pagina 737.* Justinianae quidem legis mentionem injicit, sed eam ex *Gregorii* decreto profert. *Pag. 228.* per *publicas Romanorum leges*, *Codicem Theodosianum* ab *Alarico* in compendium redactum, sive *legem Romanam*, intelligit, cujus libri erat apud *Francos* summa auctoritas; ad quam pagina quoque *672. 710. 780. 784. 786. & alibi Tom. II. Opp.* provocat. R. (a) Qui *Marculphi formulas*, *Caroli & Ludovici Pii Capit. L. VI. c. 281. & 307. Addit. Ludov. 4. c. 102.* aliaque ejusmodi loca diligenter evoluit

vit atque cum jure Romano accuratius comparat, ille dubius non haerebit, ibi sub *Lege Romana* Jus Theodosianum intelligi. Ultimum, quod citavimus, testimonium prae aliis id, quod asserimus, demonstrat. Provocatur ibi ad *Legem Romanam omnium humanarum matrem Legum*, quod illa iis, qui venerem in aliam formam mutant, ignis poenam statuat. Hoc vero manifeste *Legem* Valentiniani, Theodosii & Arcadii 6. *Cod. Theodos. ad Leg. Jul. de adult.* respicit, quae crimen illud nefandum flammis vindicibus expiandum dicit, atque a Codice Justiniano omnino abest, qui nonnisi Constitutionem Constantii & Constantis, nempe *L. 31. Cod. Just. ad L. Jul. de adult.* in hoc crimen armari jura gladio ultore tantum jubentem exhibet.

§. CCCCXII.

Quamvis vero his temporibus *Codex* magis & *Novellae*, quam *Pandectae*, in manibus hominum fuisse videantur: non tamen ideo existimandum est, eas plane intercidisse (α). Vulgo equidem referunt, *Pandectarum* codicem aliquem primum iterum repertum esse a Lothario III. Imp. in Amalphi urbe, anno MCXXXVII. expugnata, eumque Imperatorem donasse Pisanis, qui illum classe instructissima adjuverint. *Pandectas* vero illas Pisanas, quae jam Florentiae non sine veneratione quadam ostenduntur, occasionem dedisse & Irnerio, praelectiones in hunc librum instituendi Bononiae*, & Lothario, jus Romanum in scholas & fora introducendi. Sigon. *de regn. Ital. Lib. IX. p. 270.* Conf. Henr. Brenem. *de Amalphi a Pisanis*

Vulgaris historia de restitutione juris Rom. sub Lothario III.

Pisanis direpta §. XXIV. p. 65. & Hist. Pandect. Lib. I. Cap. 5. & sequ.

* Addunt, Irnerium initio Latinas litteras docuisse Bononiae, quumque explicaturo illi, quid sit AS, aqua haesisset, *Pandectas* adiiisse, eumque deinde librum publice interpretatum esse Bononiae. Nota sunt illa Cardinalis Hostiensis in c. 1. pr. X. de test. n. 2. *As, id est, duodecim unciae: As ergo quandoque ponitur pro obolo, propter quod verbum venit Bononiam studium civile, sicut audiui a Domino meo (Azone).* Atqui Azo ille Bulgari tempora attigit, isque ipsius Irnerii discipulus fuit, ut rem non diu antea gestam scire omnino potuerit. H.

(a) Eximia sane produci possunt testimonia, quae aliquem Pandectarum usum vulgari epocha, qua inventio illarum Amalphantanae direptioni affingitur, antiquiorem loquuntur. Primus hujus rei testis a Guidone Grandio in *Epistola de Pandectis* edit. secundae not. b. p. 49. sistitur Agobardus, qui ab anno 816. Lugdunensis Archiepiscopus seddit, & Libri de dispensatione Ecclesiast. rerum c. 18. furtum de publico aerario inter majores reatus enumerans ait: *Quod & Leges saeculi sacrilegium vocaverunt*, textum forte designans, qui occurrit in L. 9. D. ad Leg. Juliam Peculatus. Verum enimvero, cum hic textus ex Pauli libro singulari de judiciis publicis derivetur, ut bene monet Baluzius in not. ad d. 1. & ad eum jam respexisse videatur Augustinus in *Tractatu Quinquagesimo in Joannem*, isque etiam laudetur in L. VI. Capitularium c. 302. dubium est, annon potius ex ipsius Pauli fragmentis, quam ex Pandectarum Justinianearum libris eum hauserit Agobardus. Neminem moveant verba Agobardi: *Leges saeculi*, quae magis aliquam laciniam Legis, quam privati alicujus Jcti sententiam innuere videntur. Quis enim nescit, Pauli etiam frag-
menta

imenta in codicem Alaricianum seu Breviarium Aniani, uti loquuntur, transiisse, qui frequenter nomine *Legis Romanae* insignitur, uti prae aliis docet Cangeus *Gloss. medicae* & *inf. Latin. v. Lex Romana*. Vnde Agobardus huc forsan respiciens potuit facile sub vocibus: *Leges saeculi*, innuere sententiam Pauli in Codicem illum relatum. Atque ita ego quidem hoc testimonium satis dubium ad probandum antiquum Pandectarum usum non multum urgerem. Sed supersunt alia certiora. Robertus de Monte Beccensis Coenobii Prior, qui anno 1154. ad Abbatiam S. Michaëlis in periculo maris evehctus est, de Lanfranco, ejusdem coenobii Beccensis Priore, mox Abbate Cadomeni & tandem Cantuariensi Archiepiscopo, cujus Nepotem & ipsum Lanfrancum, in eodem monasterio sub eodem regulari instituto militantem, mox Fontanellensem Abbatem noscere potuit, & ab eo de rebus patruī instrui, in *Accessionibus ad Chronicon Sigeberti Gemblacensis* ad a. 1032. verba faciens: *Lanfrancus Papiensis*, ait, & *Garnerius socius ejus*, repertis apud Bononiam *Legibus Romanis Justiniani Imperatoris*, operam dederunt eas legere & aliis exponere.

Sub his *Legibus Romanis Justiniani Imperatoris* Robertus & ipse Jurisconsultus anno 1154. quo Pandectae, ex vulgari etiam sententia, jam satis notae fuerunt, non potuit non Pandectas etiam cum aliis Justiniani Juris partibus intelligere. Quod si iniquam, quam de hoc Roberto fert, sententiam Bernardus Tanuccius in *Epistola ad Socios Cortonenses* &c. §. 12. p. 67. adjutus aliquantum a Struvio, sequeremur, quod nimirum *sine judicio multa maxime ex libris Anglicis in Auctarium suum congesserit*, praeter res Anglicas & Gallicas alias omnes ignoraverit, paucasque in auctarium retulerit, res maximas subinde relinquens, caetera ineptiarum plenus, qui

O o

laudem

laudem instauratae Jurisprudentiae in suum corpus, cui Lanfrancus adscriptus erat, minus vere contulerit, parum sane ejus testimonium curaremus. At vero cum graves testes alia omnia de hoc Roberto loquantur, uti uberrime ostendit Guido Grandius *Vindiciarum P. III. c. 2. p. 60. & sqq.* cum porro res haec nemini magis, quam Roberto, potuerit esse nota, quod ex supra dictis evincitur, nollem ego sane hac in re Roberto fidem denegare. Sed & Ivo Carnotensis Legibus Pandectarum passim utitur v. P. de Marca *de Concord. Sacerd. & Imp. L. III. c. 6. §. 2. Conring. de Orig. Jur. Germ. C. 20. p. 115. Seldeni Dissert. Hist. ad Fletam c. 6. Guidonis Grandii Epist. §. 8. p. 11. & not. 6. p. 46. J. Vincent. Gravina de Ortu & progressu Jur. Civ. L. I. n. 140. Valseccius de Veteribus Pisanae Civitatis Constitutis &c. & maxime Bern. Tanuccius in addendis ad p. 21. Epist. ad S. C. qui longum indicem locorum exhibet, ubi Ivo Pandectis usus videtur; quem quidem indicem licet maxima sui parte truncet Guido Grandius *Vindiciarum P. III. c. 3. iubens tamen ipse antea Epistolae suae §. 8. & 13. & nota 6. in Epistolis Ivonis 99. & 134. praecipue Leges 7. 11. & 13. ff. de Sponsalibus allegari jam concesserat. Verum & ipse Gratianus non duas tantum Pandectarum Leges, nempe Can. 29. & 30. C. 2. q. 6. uti Valseccius existimat. l. c. sed plures, v. Selden. l. c. & quidem quinque, si G. Grandio l. c. fides est, imo, si Tanuccium l. c. sequimur, §6. allegat. Cum autem hic opus suum, si Trithemio & Arth. Dackio fides est, jam anno 1130. v. Tanucc. §. 5. p. 32, vel saltem sub ipsum direptionis Amalphitanae tempus consacrinare coeperit, atque etiam si Pandectae Pisas ex ea calamitate Amalphitana translatae fuissent, non statim potuerint exemplaria describi Bononiam transferenda, quibus sat mature uti potuisset Gratianus, firmissime
inde**

inde concluditur, eum Pandectis jam ante illam direptionem descriptis usum fuisse. Tandem etiam *Pisana Constituta* suum inter testes antiquioris Pandectarum usus locum suo sibi merito vindicant. Collecta ea sunt anno 1160. vel si mavis Pisanorum more loqui, 1161. cum illi computationem annorum Christi non a nativitate, sed a conceptione inchoantes communem computandi modum novem mensibus praevertant. Collectio autem haec non tum demum nata, sed, ut Prologus ipse indicat, ex antiquioribus derivata; quæ antiquiores non pro arbitrio excogitatae, sed ex ipso forensi usu deductae fuerunt. Ergo sine dubio ea, quae in hac Collectione continentur, antiquiora plane sunt inventione Pandectarum vulgo asserta. Atqui in his *Constitutis* tam clara Pandectarum vestigia inveniuntur, ut ea ad fragmenta Veterum Jctorum, quae in Codicem Alaricianum transferant, aut ad Codicem Theodosianum reduci nullo modo possint. Accedunt Pisanorum *Leges Maris*, quae anno 1075. a Gregorio VII. P. R. approbatae, & anno 1115. vel 1116. Majoricae insulae a Pisanis subactae incolis praescriptae; & anno 1118. Pisis juramento confirmatae, tandem anno 1323. in *Breve Maris*, uti verosimillimum est, relatae fuerunt. Licet enim vel ipse Valseccius, cui, quae de Pisanis Legibus hic scribimus, omnia debemus, nec negare, nec affirmare audeat, *Leges Maris* illas, cum omnibus suis punctis & numeris, in *Constituta* & ex his in *Breve Maris* transiisse, illud tamen ingenue fatetur, Pisanos eo, quo *Constituta* collegerunt, tempore, imo &, quo *Breve Maris* composuerunt, non aliis Legibus Maris, quam illis antiquis usos fuisse. Vnde, quae de integris *Constitutis* diximus, quod ea nimirum ex antiquioribus Collectionibus a. 1160. confarcinata fuerint, ea multo magis de illa ipsorum parte, quae *Leges nauticas* exhibet, intel-

ligenda sunt, atque ita haec praecipue pars, quae, ut Valseccius docet, Titulum Pandectarum ad *Leg. Rhodiam de Jactu* omnino redolet, Pandectarum usum in Legibus Pisanorum direptione Amalphitana antiquiorem ostendit. Ex quibus omnibus nunc tandem colligimus, Pandectarum usum etiam ante direptionis Amalphitanae tempora, tam in Italia quam extra eam, licet non obvium & quotidianum, non tamen fuisse, ut vulgo creditur, omnino nullum.

§. CCCCXIII.

Quid de
ea senti-
endum.

Enimvero ut posterius falsum esse adversus Nihusii & Bononiensium clamores solide demonstravit Herm. Conringius: ita & tota illa historia de repertis Amalphi *Pandectis*, & restituto ea occasione juris Romani studio, admodum suspecta est^(a). Primo enim id veterum nemo tradit, & vir doctissimus, Lud. Ant. Murator. *Script. Rer. Ital. Tom. XI.* ad Fr. Raynerii de Grancis Pisani *Poëma de praeliis Tusciae*, quod e saeculo demum XIV. est, observat, hunc primum fuisse, qui *Lib. IV. Pandectas* memoret in depopulatione urbis Amalphitanae repertas, Pisasque translatas. Deinde nescio, quid Pisanos movere potuerit, ut librum hunc pro navatae operae pretio accipere voluerint, nisi ei jam tum aliquis apud Italos honor fuisset. Denique & IRNERIVS ante repertum illum codicem jus civile Bononiae docuit anno MCXXVIII. ceu ipsi Bononienses in epistola ad Nihusium fatentur, & ante eum, teste Odofredo *ad l. 1. D. de just. & jure*. PEPO leges privata auctoritate professus est.

(a) Operae

(α) Operae pretium facturus mihi videor, si uberiorem eorum, quae de inventione Pandectarum vel bene vel male dicuntur, notitiam Cultoribus Juris, non omnia sane rerum subsidia in numero habentibus, suggeram, non ut eos a meliorum lectione removeam, sed ut potius cupiditatem adeundi ipsos rerum fontes, quantum possim, accendam. Vulgarem de hac re sententiam non melius expositurus sum, quam verbis ejus, qui illam sua auctoritate maxime propagavit, id est, Franc. Taurellii, qui in *Dedicat. Pandect. Florent. a se a. 1553. Florentiae editarum Cosmo Florentinorum Duci* ita scribit: *Pandectarum id, seu Digestorum est antiquum volumen Florentiae nunc, olim Pisis, adservatum, cum Amalphi prius omnem supra memoriam fuisset. Inde acceptum Pisani, quod Innocentium II. Pontificem Maximum & Lotarium Caesarem item II. classe adversus Normannum Rogerium juvissent, egregie navatae operae monumentum retulerunt, diuque penes se habuerunt; donec per Ginum Caponium, aequae nobilem ac strenuum virum, Florentini anno Salutis MCCCXVI. Pisis in potestatem redactis subjectionis symbolum transtulere. Liber itaque illo ex tempore summa cum cura ac religione, tanquam de coelo delapsus, merito est custoditus. Atque haec ex antiquis Pisanorum annalibus apud Plotium Gryphium eorum civem accepimus. Quibus & Raphael Volaterranus per omnia fere adstipulatur. Et illo multo antiquior Raynerius Grachia Pisanus his libris, quos ante ducentos ferme annos de bello Tusco conscripsit, quod opus inter cubiculares tuos libellos aliquando vidimus. Sed & Plotius idem affirmat, antiquum instrumentum domi se habuisse donationis ejus in Pisanos per Lotarium collatae, quod postea contagiosae pestis periculo vitando inter alia scripta igne consumptum sit. Hunc optimum librum jam quadringentos amplius annos in Etru-*

ria habitum nemo satis unquam laudaverit, sive antiquitatem spectemus, sive sinceritatem ac fidem. Quis vero dubitet, jam tum Lotarii saeculo permagni eundem fuisse pretii? neque enim maximus princeps grandi accepto beneficio leve quoddam ac vulgare munus in amicum atque potentem populum contulisset &c. Hanc quidem historiam vel fabulam ad unum omnes postea avide exceperunt, & hodie adhuc plures tuentur. Addunt, quod maximi momenti est, Lotharium hunc II. Caesarem Constitutione promulgata Jus Romanum in scholas & fora Italiae, aliis Juribus omnibus abrogatis, & mox alia Constitutione in fora & scholas Germaniae introduxisse. Ultimae hujus narrationis parti jam intercessit Frid. Lindenbergius in *Praefat. Codici LL. antiquarum prae-missa*. Sed fortius hanc introducti a Lothario Juris Romani fabulam laceffivit Calixtus, & uberrime confutavit Conringius de *Orig. Jur. Germ. Cap. 21. & sqq.* ipsam tamen de Pandectis Amalphi inventis Pisanisque a Lothario dono datis traditionem intactam omnino relinquens. Hanc demum donationem aggressus est Henricus Brenemannus *Histor. Pandect. L. 1. c. 6. & sqq. & Dissert. alt. de Amalphi a Pis. direpta §. 27.* multis argumentis ostendens, Pandectarum exemplar Pisanis non fuisse a Lothario donatum, inventum vero ibidem fuisse & a Pisanis inde ablatum in dubium non vocat. Totam vero fabulam Pandectarum in direptione Amalphitana inventarum & Pisas translatarum, & donationis Lotharianae & introducti a Lothario Juris Romani aperto tandem Marte impugnat D. Guido Grandius in Pisana Academia Mathefeos Professor & S. Michaëlis in Burgo Abbas in *Epistola de Pandectis ad Cl. Virum Job. Averanium in eadem Acad. Jur. interpr. celeb. Florent. 1726. edita & ib. 1727. cum notis variis & appendice veterum monum. recusa*, qua quidem, occasione cujusdam judicati de anno

1193. inter membranas sui monasterii inventi, opinionem H. Brenemannii *de non recepto apud Pisanos ante Saec. XIII. finem Pandectarum jure*, ab illo *Hist. Pand. L. 1. c. 9.* defensam, data opera refellit; hac autem occasione, quicquid ad Pandectarum inventionem & restitutionem facit, sollicitè excutit. Cum vero in hac Epistola Grandius videatur Petro Blaesenfi antiquiorem Pandectarum mentionem adscribere, hanc, quam ejus esse credit, assertionem directè aggreditur, & arrepta occasione ipsius de Pandectarum inventione sententiam evertere conatur Bernardus Tanucci-
us Jctus & Pisanus D. *ad Nobiles Socios Cortonen-
ses, qui Academici Etrusci dicuntur, Epistola, in qua nonnulla refutantur ex Epistola Guidonis Grandi* &c. *Lucae 1728. 12.* cui mox G. Grandius S. T. D. &c. *Vindicias pro sua Epistola de Pandectis* &c. *adversus inanes querelas* & oppugnationes Bernardi Tanucci J. V. D. *Stiensis, in eadem Academia Caes. Juris Interpretis* &c. *Pisis 1728. 4.* opposuit. Cum vero sibi utique deesse nollet Tanuccius, Vindicias has etiam aggressus est, edita *Difesa Seconda dell' uso antico delle Pandette e del ritrovamento del famoso manoscritto di esse in Amalphi* &c. *in Firenze 1729. 4.* Quibus quidem scriptis acrius, quam optandum fuerat, in se invicem invehuntur eruditissimi Viri, totam tamen de Pandectarum inventionem & introductionem doctrinam diligenter evolvunt, hoc sane nomine Historiae Juris Cultoribus omnino commendandi. Posterioribus autem, quos belli hujus continuandi gratia scribunt, libris parum novi, quod ad rem nostram faciat, in medium proferunt. Tandem arbitrium litis sibi sumxisse videtur Bartolus Luccabertius, cujus *Nuova disamina della storia delle Pandette Pisane e di chi prima le rammentasse, come ancora d' altre incidenti questioni* &c. *in Faenza 1730. 4.* prodiit. Quorum quidem operum cum ex ditissimo librorum suorum

thesauro copiam mihi humanissime, uti solet, fecerit Academiae nostrae, imo orbis literarii decus, celeberrimus Schoepfius noster, ea quidem eo lubentius hic commemoravi, quo magis illa, licet in hac quidem historiae parte utramque paginam faciant, ab iis tamen, qui historiam Juris illustrent, plerumque, quod mireris, vel negliguntur, vel ignorantur. Ut autem rationes, quibus auctores allegati totum vulgaris sententiae aedificium destruunt, in compendium contrahamus & uberiori luci exponamus, liceat totam causam in separatas propositiones scindere, iisque potiores, quibus singulae convelluntur, rationes subnectere. I. erit: *Jus Romanum a Lothario non est introductum in scholas Germaniae*. Probat hanc propositionem 1. defectus Constitutionis, qua id Lotharius egisse dicitur. Qui omnes pluteos excusserunt, & ingentia Constitutionum Imperatoriarum volumina orbi obtulerunt, diligentissimi auctores, nullum hujus Constitutionis vestigium invenerunt, inventuri sine dubio, si unquam ejusmodi Constitutio de re tanti momenti extitisset. 2. Nulla ejus rei in scriptoribus ejus temporis, vel levissima quaeque commemorantium, memoria. 3. Nullus ab eo tempore Juris Romani per Germaniam commentator aut interpretes. Ex quo tempore Jus Romanum in Germania doceri coeptum scimus, exercitus commentatorum orbem implevit. Qui fieri ergo potuit, ut, si a Lothario in scholas Germaniae introductum fuisset Jus Romanum, nullus vel sub eo, vel paulo post eum id jus peregrinum, & Germanis plane obscurum aliquot saltem notulis, aetatem sine dubio vel ob rei novitatem laturis, illustrasset. Sed quod 4. rem omnem conficit, nullae tum temporis per Germaniam extiterunt scholae, quibus id opus commendari potuisset, cum vetustissimae, quibus Germania ornatur, Academiae ultra Seculi XV. epocham

vix ascendant, & in scholis trivialibus ejus temporis Jurisprudencia doceri non potuerit. II. *Jus Romanum a Lothario non est introductum in fora Germaniae.* Praeter Constitutionis defectum & scriptorum ejus, vel proximi ab eo, temporis silentium probat hanc propositionem fides historicorum alia omnia loquentium. Abbas Urspergensis ad annum 1171. de Friderico Imperatore & Henrico Leone Saxoniae duce scribens: Imperator, ait, ipsum Ducem frequenter evocat ad Curiam, ad objecta responsurum; ubi quidam Principes & fautores Ducis, more Teutonicorum, QVI SINE LEGE ET RATIONE voluntatem pro jure statuentes, contra Imperatorem hoc Jus tenere voluerunt. Idem de Pace Publica ad annum 1187. loquens: Eo anno, inquit, Fridericus Imperator, jam cruce signatus, conventum Principum apud Nurnberg coadunavit, ubi de pace terrae disposuit & in litteras redigi jussit; quas litteras Alemanni usque in praesens *Siede-Bri. ff/* litteras pacis appellant; NEC ALIIS LEGIBVS VTUNTVR, tanquam gens agrestis & indomita. III. erit propositio: *Jus Romanum a Lothario non in scholas Italiae introductum.* Deficit Constitutio, silent scriptores ejus temporis, imo scriptores alia omnia loquuntur. Henricus Cardinalis Ostiensis Heineccio §. antec. in nota laudatus introductionem Juris Romani in scholam Bononiensem privato studio & controversiae cuidam grammaticae tribuit. Odofredus Azonis, cujus & erat Ostiensis, discipulus, adeoque ab Innerio, quem Bulgarus Azonis praeceptor audivit, non multum remotus, ad *L. quaerebatur 82. ff. ad L. Falcidiam* dicit, Legum studio Ravennae cadente Bononiam translatum fuisse cum corpore Legum, non uno eodemque tempore, sed primo Codicem, Digestum Novum & Vetus atque Institutiones, postea, addens, fuit inventum *Infortiatum sine tribus partibus*: postea fuerunt portati

tres libri, & ultimo Liber Authenticorum inventus est. Si, antequam Bononiam venit, Ravennae jam vixit studium Legum Romanarum, si Pandectae non integrae sed per partes, non uno tempore, sed pluribus intervallis Bononiae innotuerunt, quomodo dici potest, Jus Romanum uno actu in scholas a Lothario introductum? Urspergensis vero Abbas sub finem eorum, quae de Lothario dicit, testatur eo, quo Gratianus Canones & Decreta in unum compilavit, tempore Dominum Wernerium etiam Libros legum ad petitionem Mathildae Comitissae renovasse. Quod in una Bononienſi schola privato Mathildis rogatu receptum, id non in omnibus Italiae scholis publico Lotharii Imperatoris jussu introductum dici potest. Nec satis apparet, cur, si Pisanis donatus fuit Pandectarum Codex, illam eodem tempore docere jussi fuerint Bononienses. Aut Pisas non erat portandus, sed Bononiam, aut Pisani eum docere jubendi erant, non Bononienses.

IV. *Jus Romanum a Lothario non in fora Italiae, abrogatis omnibus aliis juribus, introductum. Defectui Constitutionis & silentio scriptorum ejus temporis addi potest usus aliarum Legum praecipue Longobardicarum, post ea tempora in Italia superstes. Quorsum faciunt insignia Feudalis Juris Feud. L. 2. t. 1. 22. 58. imo & Canonici in Cap. Raynutius 16. X. de Testam. de usu Juris Longobardici testimonia pluresque autores a Conringio citati, & multo magis ea, quae copiose de frequente Longobardicarum Legum per Italiam usu ad Friderici II. usque tempora dicuntur*

• *a Giannone Hist. de Naples passim & maxime T. II. L. XI. Ch. 2. qui plane adhuc tempore Caroli V. non nullum earum in Italia usum fuisse ostendit, ibid. T. II. L. X. ch. 11. vid. etiam G. Grandii Epist. de Pandect. §. 14. & in not. 18. p. 69. & sq. V. Pandectarum Exemplar non fuit Pisanis a Lothario Caesare in praemium praestitae*

in direptione Amalphitana operae donatum. Nemo unquam vel conjecturis assequi potuit, qui factum fuerit, ut Pisani mercaturae & lucro quaerendo unice fere intenti in praemium maximorum & laborum & sumtuum vel petere vel saltem accipere voluerint unius libri peregrini Codicem antiquum; cum, si Jus Romanum jam antea cognitum in Italia fuerat, uti supra probavimus, non tanti potuerit esse Pandectarum Codex, cujus jam plura debebant passim extare exemplaria; si vero nondum introductum fuit, uti vulgo quidem creditur, non nisi divinando assequi potuerint Pisani, hunc quidem Codicem maximi aliquando usus & pretii futurum esse. 2. Non parum auget difficultatem Falco Beneventanus, qui Pisanos ab illa expeditione Amalphitana multis divitiis locupletatos domum rediisse scribit; quorum tamen, si solum praemium fuit Liber ille Pandectarum, loculos non multum ditatos & rationes mercatorias vix aliquo capite auctas fuisse existimarem. 3. Magis adhuc urget, quod Lotharius Imperator in prima expeditione Amalphitana absens, & Pisanis ob Ingelbertum Tusciae Ducem, cum quo ipsi de investitura lis erat, defensum subiratus, nec in secunda expeditione satis ipsis placatus, ne levia quidem cum ipsis liberalitatis commercia habuisse videatur. 4. Incendium autem illud instrumenti Donationis, quod Plotius, referente Taurellio, jactat, uti Brenemann & Grandio, ita sane & nobis merito suspectum videtur. VI. *Pandectae nec in direptione Amalphitana inventae, nec a Pisanis inde domum perlatae fuerunt.* 1. Altum sane scriptorum omnium ejus temporis, diligentissimorum etiam, de hac inventione & ablatione silentium deprehendimus. Chronica Pisana ab Ughellio edita, alia ab anno 688. ad 1136. alia ab anno 971. ad an. 1178. alia denique ab anno 1104. ad an. 1188. deducta, utramque expeditionem

tionem Pisanorum contra Rogerium Siciliae Regem, priorem an. 1135. posteriorem an. 1137. susceptam, & ipsam direptionem Amalphitanam commemorant, nullam tamen Pandectarum mentionem faciunt. Falco Beneventanus S. Palatii Apostolici eo tempore Notarius, Innocentii II. partibus adhaerens, atque ita Pisanorum causae favens, expeditionemque & depopulationem Amalphitanam sollicitè describens, nihil de Pandectarum libris loquitur. Alexander Abbas Telesinus Amalphitanam direptionem narrat, Pandectas fileat. Romualdus Guarna ab an. 1153. Salernitanus Archiepiscopus nullam in *Chronico suo* Pandectarum, sed tamen Amalphitanae direptionis mentionem facit. Qui omnes aut id, quod commemorare debebant, quasi conspiratione facta celarunt, aut, quod sub oculis ipsorum gestum est, ignorarunt, aut, nisi me omnia fallunt, id, quod omittunt, figmentum esse, unanimi silentio probant. Nequicquam Tanuccius minima haec esse & litteraria tantum, ab historicis praetereunda, dicit. Si minora commemorant historici illorum temporum, si levissima quaeque exponunt, cur hanc solummodo rem tanto contemptu omnes exceperint, ut ne uni quidem illorum vel verbulum ejus rei exciderit, equidem non video. Sed quomodo potuit viris, pro genio quidem saeculi sat doctis, adeo leve videri id, quod, si verum est, non potuit non Jurisprudentiae ejus temporis, saltem Pisanae, faciem aliquantum mutare. Unde vero tandem recentioribus, quos Taurellius & nunc Tanuccius laudant, autoribus fides erit, si nullus antiquiorum ejus, quod hi commemorant, auctor est? Ex altera autem parte producuntur testes, illis quidem aliquot plane saeculis recentiores. Primus est saeculi XIV. scriptor, Taurellio Raynerius Grachia, Muratorio autem *Scriptor. Ital. T. XI.* Raynerius de Grancis dictus, qui Poëmatibus de
Prac.

Praelis Tusciae, quod ob rudem & horridum sermonem *caliginosum* in ipso fronte a Muratorio appellari meruit, *Lib. III. versus finem* hujus rei ambiguum & subobscuram mentionem facit. Jun-
gendus est, qui ad idem seculum referendus, au-
ctor Chronici Pisani, quem sub *antiquis Pisano-
rum Annalibus* Taurellius innuit, cujusque ver-
ba Brenemannus inter *Judicia de Pand. Florent.*
p. 410. ex Ludovico Bolognino exhibet. Qui
quidem, licet propius ad direptionis Amalphita-
nae tempora accederet, tamen ob multos errores,
quorum ipsum reum facit Brenemannus *Diff. alt.*
de Amalphi a Pisanis direpta §. 27. quosque ipsi
parum feliciter abstergere conatur Tanuccius
Epist. ad Cortonenses §. 8. non multum pon-
deris vulgari sententiae adderet. Quicquid
autem de illius quidem obscuritate, de hujus
vero levitate dicendum, uterque tamen a re, de
qua quaeritur, duobus seculis remotus in silentio
antiquiorum parum fidei meretur. Reliqui, qui
allegantur his, quos nominavimus, omnes re-
centiores sunt. Audiantur ergo & hic Baronii
verba *Annal. Eccles. T. I. n. 12. Quod a recen-
tiori autore de rebus antiquis sine alicujus vetu-
stioris autoritate profertur, contemnitur; vel quae
Conringii sunt in Praef. ad Libri de O. J. G.
editionem primam: Quicquid de rebus humanis
antiquis, neque illius aetatis, qua sunt gestae,
neque proximorum aliquot saeculorum fide dignis
monumentis traditum est, illud fidem non mere-
tur, utut heri & nudius tertius vulgo credi coe-
perit.*

§. CCCCXIV.

Res itaque, nisi me omnia fallunt, ita se
habet. Juris civilis in foris Italiae jam a Ju-
stiniani temporibus magna fuerat auctoritas.
At quum in scholis, rudibus istis saeculis, vix
quis-

Quomo-
do juris
studium
Bononiae
florere
coeperit.

quisquam reperiretur, qui cupidae legum juventuti viam ad jus civile monstraret: * Bononiae eam artem profiteri coepit primum PEPPO **, ac deinde IRNERIVS (α), Germanus, quem Constantinopoli jus didicisse, scribit Innoc. Ciron. *Obs. Jur. Can.* V, 5. Ex eo quum plures profecissent, iique & ipsi scholas juridicas aperirent: tantus undique Bononiam factus est concursus, ut jus civile plerisque tum primum renasci videretur. Inde & in Gallia PLACENTIVS, in Anglia ROGERIVS, posteaque ACCVRSIVS (β), alibi alii jus Romanum professi sunt, ut brevi in universa Europa id studium propagaretur.

* Regnasse Seculo VII. barbariem, & in Occidente solos fere clericos studia literarum excoluisse, neminem latere potest. At miselli hi homines eruditionem omnem finibus coërcebant angustissimis, ita quidem, ut nefas ipsis videretur, si quis ex eorum numero, profanas vellet attingere litteras. Latine balbutire discebant, putabantque multum se profecisse, si Patres Ecclesiae, Canones, & vulgatam Scripturae S. versionem legere possent. Ipsa Romana curia vetabat longius progredi, quod docet me Gregorii M. *Epistola* 48. *Lib. IX. Edit. Lugdunens.* qua Desiderium, Galliae Episcopum, vehementer increpat, quod artem Grammaticam nonnullos docere ausus esset. *Pervenit ad nos, inquit, quod sine verecundia memorare non possumus, fraternitatem tuam Grammaticam quibusdam exponere. Quam rem ita moleste suscepimus, ac sumus vehementius aspernati, ut ea, quae prius (de vestris studiis) dicta fuerunt, in gemitum & tristitiam verteremus, quia in uno se ore cum Jovis laudibus Christi laudes non capiunt. Unde si post hoc, nec vos nugis & secularibus li-*
teris

teris studere contigerit, Deo nostro gratias agimus. Inde colligitur, quare factum sit, ut paullo post, barbarie magis invalescente, nemo inventus sit, qui latissima Pandectarum scripta interpretari valeret. R.

****** Hunc PEPONEM plerique magnis convitiis proscindunt, sequuti auctoritatem Odofredi *ad l. jus civile 6. D. de just. & jure.* Hic PEPO, inquit Clar. Brenemannus, quem merito peponem dixeris aut fungum, plane nullius nominis fuit. Unde etiam passim, misso eo, primus Irnerius auditorium juris aperuisse dicitur. Vid. *Hist. Pandect. Lib. I. cap. 9. p. 52. H.*

(α) Quod hic Irnerius, qui & ipse quandoque Guarnerius, Warnerius, Wernerus audit, idem sit cum Guarnerio illo Lanfranci socio, cujus ad §. 412. mentionem fecimus, affirmat G. Grandius *Epist. de Pandect. §. 12. negat ibid. not. 14. p. 64.* ideo quidem, sed, ut videtur, immerito reprehensus a Tanuccio, cum rationibus omnibus probe subductis sententiam mutasse, nemini vitio verti possit. Et hanc quidem posteriorem sententiam veriore esse existimamus ob multitudinem testium, qui Irnerium hunc ad tempora Lotharii Saxonis pervenisse affirmant, nec non ob discipulorum, quos habuit, Bulgarum, Martinum, Hugonem & Jacobum, aetatem, qui a Friderico I. in consilium in Roncaliensi conventu 1158. adhibiti dicuntur. Quod vero ad aetatem hujus Irnerii attinet, cum G. Pancirollus, J. Fichardus, Marcus Mantua, Valentinus Forsterus, Bartholdus Nihusius alique anno demum 1190. obiisse dicunt. Verum G. Grandius solide demonstravit *Epist. ad Pandect. §. 12. n. 14.* Irnerium ante annum 1150. decessisse, quod Ugo f. Ugutio Vercellensis, circa annum 1196. in Episcopum electus in *Glossa ad C. post appell. §. forma C. 2. q. 6.* dicat, Librum Decreti docente Jacobo Bononiensi in Legibus & Alexandro in Theo.

Theologia, qui fuerit postea Alexander III. anno 1150. editum esse. Cum vero constet, Irnerio in schola Bononienſi ſucceſſiſſe Jacobum, ipſius praeceptoris morientis ſuffragio commendatum, inde pleniffime convincitur, Irnerium ante annum 1150. defunctum eſſe. Ulterius progreditur Grandius, Irneriumque plane ante annum 1145. fato functum docet, argumentum inde ducens, quod Alexander, qui eodem, quo Jacobus Irnerii ſucceſſor, tempore, teſte Ugone Bononiae docuit, a Ciacconio dicatur eo anno ad Cardinalitiam dignitatem promotus, quod quamvis ad extrema anni 1150. tempora argumentis indubiis Grandius referat, cum tamen is ex Codicis Vaticanis autoritate apud Baronium aliquot annis antea Canonicus Piſanus fuerit, inde eum anno 1145. Bononia diſceſſiſſe, adeoque cum Jacobo Irnerii ſucceſſore docere deſiſſe, & hinc ante illum ſane annum Irnerium deceſſiſſe concludit. Imo ante annum 1140. Irnerium e vivis exceſſiſſe Grandius contendit, quod ex Bartholomaei Brixiensis ſupputatione Pancirollus *de claris LL. Interpr. L. 2. c. 16.* dicat, hunc Jacobum anno 1161. obiſſe, & ex *quadam Conſultatione* Jacobi Torti Papienſis conſtet, eum *plus quam quatuor lustris juris Cathedram moderaffe*, atque ita Irnerio ante annum 1140. jam ſucceſſiſſe. Si anno demum 1190. defunctus eſſet Irnerius, mira quadam fati acerbitate quatuor ſuis diſcipulis, omnibus in aetate provectioni defunctis, 20. aut 30. annorum intervallo ſuperfuiffet; nec facile excogitari poſſet ratio, cur Fridericus Imperator an. 1158. non praeceptorem, ſed diſcipulos, & quidem quatuor, in conſilium adhibuiſſet. Cum autem ex eo, quod Irnerium ad an. 1190. perveſſe fingant, multi Urſpergenſem Abbatem erroris convincere conentur, quod is Irnerium Mathildis Comitiffae, jam an. 1115. defunctae, rogatu Jus Romanum in ſcholam Bononienſem intro-

introducisse dicat, hujus quidem argumenti vis ex iis, quae de Irnerii obitu modo dicta sunt, omnino convellitur, cum absurdum utique non sit, eum qui ante annum 1140. mortuus est, jam ante an. 1115. docuisse.

- (3) Franciscus Accursius, non pater, sed filius ab Eduardo I. Anglorum Rege Bononia in Angliam vocatus fuit, & Vicecomiti Oxoniensi literis Regiis imperatum, ut illi *liberet manerium* (aedes Regias s. Castrum) *Oxonienſe ad inhabitandum una cum uxore ſua & familia.* Discedendi facultatem Bononienses, sub poena publicationis bonorum, ipsi negarunt. Ipse iis illudens, bonis omnibus amico venditis, discessit, atque per aliquod tempus Tolosae subsistens, ibi Jus Civile docuit, & cum audiret, bona tamen publicata esse, Anglia neglecta, Bononiam reversus, bonorum restitutionem impetravit, ibique mortuus est. v. Panciroll. *de Clar. LL. Interpret. L. II. c. 29.* Selden. *Dissert. Histor. ad Fletam c. 8.*

§. CCCCXV.

Hinc jam sub Friderico I. Imp. clari fuerunt primi Irnerii discipuli, MARTINVS GO-
SIAS, Cremonensis, BVLGARVS, HVGO-
LINVS (sive Hugo) a PORTA RAVEN-
NATE, & IACOBVS(α), quos Imperator,
quum anno Christi MCLVIII. comitia ha-
beret in campis Roncaliensibus, in consi-
lium adhibuit. Radevic. *de Gest. Fridr.*
Imp. II, §. Otto & Acerb. Moren. *de Reb.*
Luad. apud. Leibnit. *Script. Rer. Brunſvic.*
Tom. I. p. 818. quibus Bononiae jus docenti-
bus, adeo ibi floruit schola, ut idem lauda-
tissimus princeps, antequam expeditionem

Primi, qui
ibi post
Irnerium
sub Fri-
derico I.
jus do-
cuerunt.

in Palaestinam fusciperet, peregrinos, Bononiam studiorum caussa confluentes, pulcherrimo ornaret privilegio, postea inserto Codici Justiniano in *Auth. Habita. C. ne fil. pro patre.*

(α) Quae fuerit Irnerii de suis his quatuor discipulis sententia, ipse morti proximus ostendit. Ita enim Morena de rebus Laudens. apud Leibnit. Script. Brunsv. T. I. p. 818. Istorum autem quatuor Doctorum & quamplurimorum aliorum fuit Magister Dominus Guarnerius, Doctor antiquus. Ad quem, cum in extremis laboraret, accesserunt sui scolares dicentes: Domine quem vultis post mortem vestrum Doctorem nobis constituere? Quibus ipse respondit per haec duo carmina:

*Bulgarus os aureum, Martinus copia Legum,
Mens Legum est Ugo, Jacobus id quod ego.
Et sic dictus Jacobus fuit Doctor &c.*

§. CCCCXVI.

Eorum
successores.

Praeter quatuor istos inter primos Jctos Bononienfes celebrantur ROGERIVS VACARIVS (α), qui in Angliam jus civile intulit, Jo. Sarisb. Policrat. VIII, 22. Selden. Diss. ad Flet. VII, 2. sequ. OTTO PLACENTINVS (β), qui primus Montispeffuli jura interpretatus est, PYLEVS, qui Bononiae & Mutinae docuit, ALBERICVS A PORTA RAVENNATE, AZO, Jctorum sua aetate princeps, & non minor hoc praeceptore suo ACCVRSIVS (γ), Florentinus, cujus in illis tenebris doctrinam admirabilem ipsi laudant Jac. Cujac. Obs. XII, 16. & Franc. Duaren. apud Mornac. ad l. 2. §. hoc autem 21.

C. de

C. de vet. jur. enucl. * quod eo magis mirandum, quo tardius eum, quippe jam quadragenario majorem, (♂) ad studia se contulisse, scribunt. Obiit anno MCCXXIX. aetatis LXXVIII. Vid. Guid. Pancirol. *de Clar. Leg. Interpr.* 11, 29.

* Et recte quidem laudatur ACCVRSIVS, qui omnes ante se interpretes Graecos & Latinos longe superavit, nullum omnino etiam e posteris parem habiturus, nisi ei saeculum humaniorum litterarum antiquitatisque lumen denegasset. Recte Jan. Vinc. Gravina *de ortu & progr. jur. civ. §. CLV.* *In sensibus vestigandis adeo fuit acutus, & sollers, perspicuus autem in verbis, & sobrius, felixque in abditis sententiis eruendis, ut nisi temporum barbaries antiquitatis ei lucem & sermonis elegantiam ademisset, nullam fortasse laboris partem reliquisset eruditis recentioribus.* Unde merito viro docto stomachum facessit eorum non dicam insolentia, sed immanitas, qui quum ex ACCVRSIO sapiant, tamen sicubi quid nebulae occurrat, statim perstrepunt & cachinnos tollunt, nec naevos condonant homini, qui illi non juris incitia, sed temporum injuriis haeserunt, neque cogitant, tanto magis admirandum esse ACCVRSII ingenium, quod & istis praesidiis destitutum, acutius nonnumquam vidit, quam quisquam posterorum, quibus nihil, quod ad elegantiores litteras & antiquitatem pertinet, defuisse crederes. H.

(α) Cum Theobaldus, Archiepiscopus Cantuariensis, primus per Angliam Legati nati titulo ab Innocentio II. P. R. ornatus, ex itinere Romano, quod pallii petendi gratia susceperat, rediret, ii, qui in comitatu ejus erant, vel ut Sarisberiensis loquitur, *domus ejus*, exemplaria Juris Justiniani tum in Italia maximopere reforescentis, in Angliam attulerunt. Inde Rogerius, quem aliqui &

Frigerium, male *Frigerium* dicunt, gente *Longobardus*, vir *honestus* & *Jurisperitus*, uti *Chron. Norm. ab an. 1139. ad an. 1238.* testatur, tum quidem Prior, postea vero Abbas Beccensis, mox Archiepiscopus Cantuariensis rite electus, consentiente etiam Rege Henrico II. sed, cum dignitatem hanc omnibus modis & viribus a se amoliretur, tandem, licet aegre, *ab electione absolutus*, teste Gervasio Dorobernienti in *Chron.* Vacarius a *vacando*, quod Juris lectioni *vacaret*, uti *Accursus* ab *accurrendo*, quia, ut ipse explicat, *accurrit* & *succurrit contra tenebras Juris Civilis*, nomine appellativo secundum argutias ejus seculi dictus, Jus Justinianum in Anglia publice & cum successu an. 1149. docere coepit. Cum vero Stephanus Rex Theobaldo Cantuariensi, quod injussu suo ad Concilium Remense profectus esset, adeo infensus, ut eum etiam proscriberet, & Henricus Episcopus tunc Wintoniensis, qui magna apud Regem gratia utebatur, Theobaldo rebusque ejus summo conamine adversari solitus fuerit, hoc odio Rex permotus fuisse videtur, ut Jus Justinianum auspiciis Theobaldi in Angliam illatum & ibidem doceri coeptum proscriberet, & Rogerio silentium indiceret. Postquam autem Theobaldus in gratiam cum Rege redierat, mox Edictum Regium vel revocatum fuit vel contrario usu evanuit. Et hinc lucem capiunt ultima Sarisberiensis verba: *Sed Deo faciente eo magis virtus Legis invaluit, quo eam amplius nitebatur impietas infirmare.*

- (c) Acerrimus Rogerii aemulus, gloriae nimium cupidus, & laudis ab aliis acquisitae maxime invidus, nomini Rogerii tenebras se offusurum ipse arrogantius jactans, *Summam* composuit, qua Rogerii *Summam* omnino abolere studuit, & finem sibi propositum ita etiam obtinuit, ut Rogerii *Summa* jam diu fere ignoretur. Ipse tamen aemulum etiam gravem expertus est Azonem

nem, ita ut is aliquando in partem officii, quod Placentinus in schola Montispeffulana exercebat, admissus fuerit, & quod Placentinus composuit trium extremorum Codicis librorum compendium, sub nomine Azonis allegetur. vid. Panciroll. *de clar. LL. interpr. L. II. c. 20. & 25. Selden. Dissert. Histor. ad Flet. cap. 7.*

(v) Laudes quibus hic ornatur Accursius, cave ne ultra, quam vellet ipse Heineccius &, quem ipse sequitur, Cujacius, extendas. Magnus est Accursius, si comparetur cum seculi, quo vixit, & eorum, qui proximis ante & post ipsum seculis Jura exponere aggressi sunt, ruditate, quorum plerosque magno post se intervallo reliquit. Multo judicii acumine nec minori diligentia aliorum Summas & Glossas collegit, & ita in ordinem redegit, ut cuiusvis Juris textui praedecessorum suorum & suas glossas subjungeret, adeo ut post ipsum nemo glossas scribere ausus sit. Illam etiam non raro calamitatem expertus esse videtur, quod, si quid ab aliis perperam dictum, vel aliis, qui in ea glossarum serie junguntur, minus bene respondens conjunxerit, & forsan, ut fieri solet, auctoris nomen, quod litera initiali notare solebat, incuria librariorum exciderit, id quasi ab ipso dictum nunc censeatur, ipsique, tanquam ejus mali auctori, praeter meritum imputetur. Inique etiam cum ipso agi facile crederem, quod tritum illud: *Graeca sunt, legi non possunt*, ipsi nimis dure & contra mentem ipsius adscribatur. Licet enim huic forsan accusationi occasionem dederit, cum ad §. 1. de *Emt. Vend.* verb. *verbis* addiderit: *scilicet Graecis, quae legi non possunt*, id tamen utique non videtur intellexisse, quod Graeca omnia legenda non sint, qui ad L. 6. ff. de *bon. poss.* disertis verbis dicit: *Graecae litterae possunt intelligi & legi*; sed potius, uti acute suspicatur Ill. Boehmerus *Diss. de Scripturis non legibilibus* §. 3. cum forte in exemplum

male conscriptum inciderit, in quo litterae Graecae negligenter pictae vel antiquitate exesae vel obductae erant, respondisse videtur: haec quidem Graeca esse, sed legi non posse, non quod Graeca sint, sed quod litterarum ductus minus bene appareant. Quicquid vero horum sit, licet ipse vicerit collegas omnes, seculi tamen sui tenebris plus quam Cimmeriis immergi, omnibus plane purioris philosophiae, antiquitatum & historiarum subsidiis omnino denudati infelicitatem vincere utique non potuit, atque ita in tanta optimarum litterarum, qua hodie fruimur, luce parcius a nobis consulendus. Nec alia sane mens videtur fuisse Cujacio Accursium eo, quem Heineccius allegat, loco non aliter, quam comparatione cum Bartolo instituta laudanti, ejusque sententias hujus *fictionibus vanis* & aegri somniis praeferenti, in *Observ. L. IV. c. 3.* tamen Accursium in eundem cum aliis Glossatoribus censum *semi-jurisconsultorum* referenti. Duarenum vero, si quid usquam laudis tribuit Accursio, ego sane miror, cum ubivis alias arrepta quacunque occasione, etiam ubi opus non erat, Accursii & Accursianorum coecitatem, *inconstantiam, nugas, somnia, sententias absurdas, ridiculas, perveridiculas*, justo forsan acrius exagitet, eum *vatem, non interpretem*, & *quidem vanum vatem*, ne quid durius dicam, appellans. v. *Opp. edit. Wechel. 1598. p. 67. 85. 153. 154. 166. 319. 588. 589.* Fortem quidem Accursius cum collegis suis defensore nactus est Albericum Gentilem in *Dialogis de Juris Interpretibus*; sed ratio, qua ipse motus videtur, nec Accursio nec sibi laudi cedit, quam Guil. Hieron. Brucknerus in *Progr. Inaug. de Accursianis & Alciateis* 1695. ita reddit: *Scilicet soli ferme Itali celebres fuerant, tanquam perfecti & consummati Jcti. Hanc popularium suorum gloriam elegantiori litteratura invalescente, per extraneos, praesertim Gallos, inanem*
vel

vel minimum dubiam reddi, non sine stomacho ferebat Gentilis. Ut igitur partem Italiam conseruaret dignitatem, pro barbarie, in qua per aliquot secula vixerant, contra amoeniora studia operose differuit & propterea utrique parti Italos dedit Choragos Accursium & Alciatum, dum pro mucore & stribligine pugnantes Accursianos, pro politioribus litteris certantes Alciateos vocavit, ut vel hoc pacto, siue vincerent barbari, siue vincerentur, per Duces, quorum auspiciis dimicaretur, Italiam suam constaret bonos. v. Brunq. *Hist. Jur. P. III. m. 2. c. 5. §. 5.* Qui cum Alciateis, vel, ut alii loquuntur, schola Cuiaciana versari dum possunt, ad Accursianos suos redire malunt, mea quidem pace quantocyus eant & aurum in stercore quaerant. Ego has ipsis delicias utique non invideo, nec in partes venire gestio. Similes quaerant labra lactucas, per me licebit. Bibat ex lacunis, plus quam satis est, qui clarum ex puro fonte liquorem haurire aspernatur.

Dulcius ex ipso fonte bibuntur aquae.

- (d) Alii eum an. aetatis 28. v. Panciroll. *de clar. LL. interpr. L. II. c. 29.* alii 37. v. Popebloquent *Cens. aut. ad annum 1223. p. 406.* Forster. *Hist. Jur. L. III. C. 12.* ad Jurisprudentiam accessisse scribunt. Qui quadragesimum annum assignant, illi tantum dicunt, quod ad Azonem audiendum hoc aetatis anno accefferit, non negantes, quod Juris studio jam ante sub aliis operam dederit, ita forsitan cum prioribus conciliandi. v. Mascov. *in Not. ad Gravina. de orig. & progr. Jur. Civ. §. 155.* Aliud ex Volaterrano de anno mortis & nativitatibus dubium vide in Bayle *Dict. Hist. & Critique v. Accurse Not. F.*

§. CCCCXVII.

Hi & eorum auditores, a Guid. Pancirolo & Gravina recensiti, non modo viva & glossae

ab illis
scriptae.

voce jura publice docuerunt, sed & scriptis suis ista illustrare conati sunt. Eorum vero scribendi labor in eo constitit, ut quidam jus in breviores veluti positiones, vel, uti ipsi vocabant, SVMMAS contraherent, alii in partiendo augendoque corpore juris desudarent, alii Graecorum exemplo breviores GLOSSAS, seu Scholia, singulis juris partibus adjicerent. Inter Summistas, quos vocant, praecipui sunt ROGERIVS & AZO, cujus *Summa aurea* prodiit Lugd. 1596. 4. Glossas vero aliorum, & maxime AZONIS collegit, suasque adjecit ACCVRSIVS, atque ita anno MCCXX. perfecta est illa GLOSSA, quae deinde corpori juris addita, non minorem fere in foro auctoritatem, quam ipsae leges, obtinuit. * (α)

* Nota sunt illa Raphaelis Fulgosit in *l. si in solutum* 6. C. de obl. & act. Nostis, quanta sit auctoritas Glossatoris. Nam heri dixit Cynus, Glossam tinendam, propter praescriptam idololatriam per advocatos, significans, quod sicut antiqui adorabant idola pro Diis, ita advocati adorent Glossatores pro Evangelistis. Volo enim pro me potius Glossatorem, quam textum. Nam si allego textum, dicunt advocati diversae partis, & etiam judices: Credis tu, quod Glossa non ita viderit illum textum, sicut tu, & non ita bene intellexerit, sicut tu? Ego recordor, & sit istud pro novo, quod dum essem scholaris, eram satis acutus, & dum semel essem socii multi in una collatione, ausus fui unum textum allegare contra sententiam doctoris mei: tantam audaciam habui. Dixit unus socius, tu loqueris contra glossam, quae dicit sic. Et ego respondi, etsi glossa dicit sic, ego di-

co sic, ignarus auctoritatis glossatorum. Credebam enim, quod essent speciales apostillae, quae sunt in libris Grammaticae, sicut super Virgilio & Ovidio. Sed tamen non ita est. Fuerunt enim Glossatores maximae scientiae viri & auctoritatis. H.

- (*a*) Quod olim Glossa non minorem in foro, quam ipsae Leges Romanae, acceperit auctoritatem, certissimum est. Sed quaeritur, quid nunc obtineat? Quodsi quis hodie in foro Legem Juris Romani allegaret, ejusque sententiam adhibitis bonae interpretationis regulis in claram lucem deduceret, huic vero sententiae obstaret Glossae auctoritas; an in hac pugna Legis cum Glossa haec illam vincere debebit? Mirandum sane, quod & hodie multi Jcti, inter praestantiores etiam referendi, in hac causa pro Glossa, non pro Lege, victricem sententiam dicturi sint. Argumentum palmarium, imo unicum, quo nituntur, ex principio auctoritatis, qua Jus Romanum in foris Germaniae gaudet, petitur. Nempe Jus Romanum auctoritatem in foris Germanicis accepit, non ex voluntate Legislatores Romanorum, quibus Germania non paruit, sed ex libera voluntate Germanorum, qui illud non uno actu, sed quotidiano temporis & usus progressu receperunt, introduxerunt, firmarunt. Acceperunt id autem ab iis ipsis, qui Glossarum autores, vel saltem Glossarum immodica veneratione imbuti fuerunt. Ergo cum Jure Romano simul Glossae sententia, imo Juris Romani non alia sententia, quam quae & Glossae esset, transiit. Ergo, quam Glossa dicit esse Legis sententiam, ea sive cum Lege vere consentiat, sive non consentiat, recepta tamen est ab iis, quibus liberum erat, quodvis Jus, Romanae etiam Legi contrarium, recipere; atque ita Legi, quae, in quantum a Glossa recedit, non recepta videtur, praeferenda. Hanc argumentandi rationem eo plane extendunt, ut

cum a Glossatoribus 98. tantum Novellae agnoscantur, & numerus earum, quae in corpore Juris Justiniani exhibentur, ad 168. ascendat, non aliam ad decidendas causas forenses allegari posse contendat, quam quae a Glossatoribus agnita sit, secundum tritum illud: *quod non agnoscit Glossa, non agnoscit Curia.* v. Gottfr. Ludov. Menckenii *Diff. de Novellarum Glossatarum & non Glossatarum auctoritate.* Ego vero, si quid hac in parte mei est iudicii, non diffiteor, hanc sententiam olim, primis scilicet recepti Juris in Germania temporibus, in Germania & obtinuisse & obtinere debuisse, non quod Germani tum temporis privati Doctoris cujusvis sententiam Legi praetulerint, sed quod in illa caligine seculi ex nimia veneratione Praeceptorum suorum nihil Legis Romanae esse crediderint, quod hi ejus esse negassent. Ex eo vero tempore, quo plenior lux literis affulsit, atque quid Juris Romani, quid Glossatorum sit, distinctius apparuit, quo Leges Imperii non errores & nugas Glossatorum, sed Jus Justinianum, nec hujus tantum hanc vel illam partem, sed Jus Justinianum integrum, &, uti loquuntur, *in Corpore*, approbarunt & confirmarunt, menti sane Legislatorum Germanicorum Jus Justinianum ita approbantium & confirmantium contrarium omnino videtur, partem Corpore Juris Justiniani comprehensam, non aliam ob causam, quam quod illa quondam Glossatoribus vel displicuerit, vel ignota fuerit, protinus abjicere, aut Legem ipsam Justiniani Juris negligere, ut Accursio aut Accursianis, qualemcunque demum sententiam foventibus, litium omnium arbitrium & illimitatum fori regimen unice permittatur. Liceat Constantini verba in *L. 2. Cod. quae sit longa consuet.* paulum immutata mea facere: Glossae aliqua auctoritas est: verum non usque adeo sui valitura momento, ut aut rationem vincat, aut Legem.

§. CCCCXVIII.

Ad partiendum augendumque corpus juris Quid in Justiniani libris innovarint. pertinet labor eorum, qui Pandectas in DIGESTVM VETVS, INFORTIATVM, & NOVVM diviserunt, quam ineptam partitionem tribuunt BVLGARO. Paulo magis operae pretium fecit sive BVLGARVSO, sive, ut alii malunt, BVRGVNDIO, vel BERGVNTIO, qui Graecos in *Pandectis* & *Codice* textus Latinitate donavit. Pancirol. *de Clar. Leg. Interpr.* II, 15. Laurent. Pignor. *Epist. Symb.* XXXIX quamvis, vitiis haud carere illam versionem, ostenderit Menag. *A-moen. jur. Cap.* XXXIII. Contra minus concinna est partitio *Novellarum* in novem partes, quas *novem authenticarum collationes* barbare vocavit idem BVRGVNDIO.

§. CCCCXIX.

Sed omnium maxime notabiles sunt additiones AVTHENTICARVM, quas vocant, Authenticae Codici insertae. & librorum FEVDALIVM. Confecerant cum Irnerius, tum alii quidam, ex *Novellis* certas positiones (α) juris novissimi, quibus ipsis *Codici* legibus derogatum esse observant (β). Addiderant alii similes quasdam periochas, ex legibus potissimum utriusque Fridrici Imp. (γ) decerptas. Has omnes sub titulo AVTHENTICARVM *Codici* inseruit nescio quis, ut eo facilius reperirent studiosi, quid novis legibus mutatum sit: quamvis

vis nonnumquam a *Novellarum* sensu aberrasse earum auctores, res ipsa loquatur. De Authenticarum auctoribus & erroribus videndus est IO. STRAVCHIVS in *Irnerio non errante*, & inter quos acris ea de re contentio fuit, AL. ARN. PAGENSTECHERS *Sicilim. Manip. III. & Irnerio injuria vapulante*, ac V. A. CORN. VAN BYNKERSHOEK *de auctore auctoribusque Authenticarum*, quod cum aliis opusculis prioribus nuper recusum est *Lugd. MDCCXXX. 4.*

- (α) Non aliam esse Authenticarum ex Novellis excerptarum naturam confirmat Joannes Glossator in *Summa ad Collat. VI. Const. 3. i. e. ad Nov. 72. Illud in summa not. quod ex hac Constitutione duae Glossellae s. auth. in Cod. ponuntur* &c.
- (β) De Authenticarum ex Novellis Justinianeis excerptarum autore tres maxime sunt eruditorum sententiae. Alii Irnerio omnes adscribunt, alii nullas, alii, quos sequitur Heineccius, nec omnes, nec nullas. Irnerio omnes tribuunt Authenticas Jcti Carolo Molinaeo antiquiores tantum non omnes, pauci dubie loquuntur: *Irnerius vel quisquis Authenticarum autor fuerit*, nullo tamen haesitationis momento addito. v. Strauch. *Irner. non errant. c. 2. §. 3.* & Bynckersb. *de auctore auctoribusve Authent. in praef.* Sed non desunt etiam post Molinaeum, qui eandem, quae antiquiorum est, sententiam foveant, inter quos praecipue nominamus Guidonem Pancirollum *de Clar. LL. Interpr. L. II. c. 13.* & Janum Vincentium Gravinam *de Or. & Progr. Juris Civ. L. I. §. 143.* Rationes suae sententiae habent I. famam diuturni temporis v. Strauch *l. c. c. 2. §. 1. II. multitudinem autorum idem sentientium, quorum tot fuisse, quot sufficere dixeris ad indu-*

cendam opinionem, ut ajunt, communem, Bynkershoekius testatur l. c. C. I. III. Autoritatem Azonis, cujus in *Comm. ad Tit. Cod. de SS. Eccl. in Authent.* hoc jus porrectum n. 45. haec verba sunt: Dominus T (sine dubio Irnerius) tanquam vir subtilis posuit quaedam de *Authenticis* illa in istam & ita ex praedictis duabus *Authenticis* hanc compilavit &c. adde etiam ejus *Summam ad Tit. de SS. Eccles.* n. 13. prope finem, & in *Comm. ad Tit. Cod. de L. C.* n. 5. ubi: assignavit hic incidenter Dominus Tr. duas *Authenticas* &c. IV. Testimonium Odofredi in *Comm. ad Auth. Qui res* &c. *Cod. de SS. Eccles.* n. 3. ita loquentis: Or Signori, vos non debetis hic plus habere in ista *authentica*: tamen quidam hic habent plus. Sed ista verba non sunt Justini, (al. Justiniani) quia non sunt in corpore *authenticarum*, sed haec sunt verba Irnerii. Corpori *authenticarum*, per quod intelligit ipsas *Novellarum Collationes*, opponit verba Irnerii, sive *authenticam* ex *Novella* excerptam. V. Accursii & aliorum Glossatorum Irnerium, tanquam *authenticarum* compilatorem laudantium, consensum, quorsum allegant Gloss. ad *Authent. multo magis C. de SS. Eccles. Auth. qui res C. eod. Auth. nunc autem Cod. de Episc. & Cler. Auth. quod fieri Cod. de Dilat. Auth. Si pater Cod. de fundo dot. Auth. in Success.* *Cod. de suis* & *Leg. lib. Auth. Defuncto Cod. ad Scutum Tertull. Auth. item haereditas Cod. de bon. quae lib. Auth. hoc si debitor. C. de Pign. & Hyp.* VI. addunt, quod, cum Irnerius ob totum Jus Romanum in usum, ut creditur, revocatum Restaurator Juris, Lucerna Juris appelletur, & ab ejus maxime temporibus *authenticae* innotuerint, ipse etiam earum autor dicendus videatur.

Secunda sententia nullas Irnerii partes in componendis *authenticis* fuisse asserit. Hujus antesignanus est Carolus Molinæus *Lect. Dolan.* n. 20.

Et sqq. Accedit Johannes Strauchius in *Irnerio non errante* s. *Dissert. ad Auth. quas actiones Cod. de SS. Eccl. & tandem Alexander Arnoldus Pagenstecher in Prohisione ad Irnerium injuria vapulantem* s. *Comm. ad Auth. ut & Siciliment. ad Compend. Schuzio Lauterb. Manip. 4. p. 3. sq.* nec non in *muro abeneo*, atque in *Corollario Respondentis ad Coit. 50.* quibus locis acerrime a Pagenstechero contra Bynckershoekium disputatur. Argumenta hujus sententiae praecipua haec sunt: I. quod unicum est, quo Molinaeus utitur, petitur ex Gregorii M. *L. XI. Epist. 54.* Verba Gregorii, quae etiam exhibentur in *Can. 38. C. XI. q. 1.* haec sunt: *Ne vero obijciatur, quia de Clerico hoc loquitur, non de Presbytero, sciendum est, quia superius in eadem constitutione L. Cod. 1. legitur, appellatione Clericorum etiam Presbyteros Et Diaconos contineri. Verba autem legis ista sunt. Presbyteros autem Et Diaconos Et Subdiaconos, Cantores Et Lectores, quos omnes Clericos appellamus Et c.* Quibus verbis credunt *Authent. Presbyteros Et c. Cod. de Episc. Et Cler. innui*; unde Molinaeus rationes ita subducit: *Ergo liquet, quod jam tempore suo (Gregorii M.) paulo post Justinianum, vix 30. annis ab ejus obitu, authenticae illae e vulgatis nostris sunt, quae sunt in Codice Justiniano, fuerunt ex tunc eidem Codici insertae Et c.* II. Strauchius atque Pagenstecherus addunt, quod *Auth. idem praedium & Auth. Sed Et permutare Et c. Cod. de SS. Eccles.* apud Burchardum & Ivonem, Decretorum ante Gratianum collectores, adeoque Irnerio antiquiores, *Auth. qui vero res Et c. Cod. eod.* apud Ivonem solum extent. III. Quod Gratianus in Decreto, quod vivo Irnerio compositum, quoties authenticas alleget, Irnerii nusquam mentionem faciat, sed inscriptione tantum, *Nova Constitutio* utatur. IV. Quod & Joannes vetus Glossator, in *Com-*
ment.

ment. sup. Novell. ad finem Novellae cujusque, quae inde Authentica desumpta, & quo loco Codici inserta sit, indicans Irnerii nusquam meminerit. V. Quod Albericus Gentilis *de Libr. Jur. Civ. c. 6.* dicat., quod post Accursium denum Irnerium autorem authenticarum fecerit communis Doctorum opinio.

Tertia sententia inter utramque media a Bynkershoekio in *Diatribes de auctore auctoribusve Authenticarum Opusc. T. I.* fortissime asserta Irnerium nec omnium, nec nullarum authenticarum auctorem esse statuit. Evellenda itaque animis opinio, quae altas passim radices egit: *eum, qui unius authenticae autor est, autorem esse omnium, & qui unius non est, esse nullius.* Nec enim Pagenstecheri assertum, ab Imperatore aliquo declinantis seculi sexti aut illius jussu Justinianeas Authenticas in Codicem fuisse insertas, ullo veterum testimonio fulcitur, imo Graeci JCTi, qui hujus rei utique gnari eamque silentio non pressuri fuissent, ne verbulo quidem hujus rei mentionem faciunt. Quod vero Arth. Duck. *de autorit. Jur. Civ. L. I. c. 4. §. 13.* ex testimonio Odofredi asserit, jussu Friderici Imp. authenticas ad JCTos Papienses missas, ab Irnerio Codici fuisse insertas, illud quidem, si quae etiam illi loco fides est, nec de Irnerio dici, nec de his authenticis Justinianeis intelligi potest, quod ipsa verba Odofredi *ad Authent. Cassa. Cod. de SS. Eccl. ab Alvarotto ad proem. feud. n. 12.* allegati satis evincunt: *Ut unum sciatis, authenticum, quod fuit compositum a Justiniano, habet novem Collationes. Postea cum venit Imp. Fridericus Junior, misit has Constitutiones ad civitatem istam Doctoribus LL. ut aptarent eam singulis LL. sub congruentibus Titulis. Et ita fecerunt Doctores, dum convenerunt in S. Petro, qui istam (Auth. Cassa) aptaverunt ad Legem istam &c.* Hinc enim constat 1) haec ad Irnerium

rium non spectare, qui ad Friderici II. tempora non pervenit, sed ad *Doctores Legum ejus civitatis* referri. 2) Sermonem esse de authenticis Fridericorum, cum jam diu antea Authenticae Justinianae, tanquam Codici insertae, allegentur. Plures potius esse authenticarum autores I. evincunt varia Joannis loca, ubi *QUIDAM habent authenticam & ponunt, sumunt QUIDAM authenticam & ponunt*, identidem ingeminatur. Uti & apud Azonem occurrit v. g. in *Comm. ad L. quoniam Cod. de haeret. Habent hic QUIDAM auth. sed Curiales &c.* & apud Accursium ad eandem *L. sub finem: signant hic QUIDAM talem authenticam, sed hodie*, ut plura alia loca a Bynkershoeckio allegata silentio praetereamus: II. Alia authentica Martino adscribitur v. *Gloss. ad L. Fratres 27. C. de Inofficioso Test.* alia Azoni ex fide Alexandri in *Commentariis Azonis ad Cod. L. I. de Const. pec. L. 10. C. de Haeret. L. 17. (vulgo 18.) Cod. de Fide Instrum.* Irnerio vero etiam aliquas deberi authenticas argumenta sententiae primae, non omnes vero deberi argumenta sententiae secundae satis declarant. A Juliano autem antecessore in *Dictato de Consiliar. Collationi LL. Rom. & Jud. subjuncto* jam aliquam authenticam allegari, licet id Bynkershoeckius ipse asserat, ego non facile crederem, cum verosimile non sit, sub ipso Justiniano, desertis ipsius legis verbis, jam allegatam esse hominis privati commentationem; & quam mox dicturus est Bynkershoeckius Gregorii M. loco sententiam, quod is notatiuncula temere auctus sit, eam & huic Juliano dicendam esse, non immerito suspicemur. Multo minus autem Gregorius M. jam, uti Molinaeo ceterisque placet, aliquam allegasse authenticam videtur. Verba sane ipsius bene perpensa ostendunt clarissime, ipsi de Novella 123. ipsa, ejusque c. 21. non de authentica inde excerpta sermonem esse. Provocat enim ad ea, quae in eadem *Constitutione*, &

quidem

quidem *superius in eadem Constitutione* dicuntur, quae cum non occurrant in authentica *Presbyteros*, quae partem nullam verbis, quibus ipsa constat, superiorem habet, a vocabulo *Presbyteros* initium capiens, occurrant autem expressissima superius in Novellae hujus c. 19. Novellam ipsam, non authenticam allegari ostendunt. Accedit, quod verba a Gregorio M. allegata sint: *Presbyteros AVTEM & Diaconos*, vocabulum autem vero se in Novella quidem offerat legentibus, non in authentica; quod iterum allegati Gregoriani proximam originem non authenticam sed Novellam esse fortissime demonstrat. Et hinc notulam *L. Cod. i.* verbis Gregorii insertam esse a nasutuli cujusdam scriptoris, ad marginem annotantis, & oscitantis librarii, notam marginalem textui inferentis, manibus, non conjectura tantum assequimur, sed certis argumentis cum Bykershoekio convincimur. Silentium vero auctorum, eo quo Ilnerus vixit, tempore *novam Constitutionem* tantum, aut Authenticas etiam, sed sine laudatione auctoris allegantium, nihil aliud probat, quam in rebus praesentibus & omnium scientiae facile expositis non omnes adeo solertes esse & posteritatis amantes, ut in hujus tantum gratiam omnia rerum momenta ad finem, quem sibi proponunt, parum facientia, nec in alia etiam, quantum conicere possunt, causa aliquid momenti habitura operose commemorent.

- (2) Sunt Leges in Conventu Italicorum *in campis Roncaliae* super Padum prope Placentiam congregato ab Imperatore a Germanis electo & nunc Romam ad coronam Imperatoriam obtinendam iter faciente, nonnunquam & alia ex causa ibi versante latae, in quo conventu Vasalli Itali Imperatori praesto esse debebant, ni feudum amittere vellent. Convocabantur autem, ut querelas, si quas haberent, ut controversias feudales, si quae ortae essent, proponerent, ut iudicium

subirent, ut Leges ibidem ferendas exciperent &c. Describunt hos Conventus Otto Frisingensis *de Reb. Frid. I. Imp. L. II. c. 12.* Radevicus *de Gestis Frid. I. Imp. L. II. c. 1.* Guntherus in *Ligurin. L. II.* & maxime *L. VIII.* ubi celeberrimum conventum Roncaliensem a Friderico I. convocatum recenset, nec non Sigonius *de Regno Italiae Lib. VII. ad an. 973.* Consule etiam Andreae Rivini *Diatriben de Majumis, Maicampis & Roncaliis c. 8. §. 9. & sqq.* quae in *Syntagmate variarum Dissertationum rariorum a J. G. Graevio Ultraj. 1702. edito*, octavum locum occupat. Constitutiones ejusmodi, quas Friderici I. & II. in his Conventibus Italicis promulgarunt, vel in compendium redactas, vel integras, jussu Friderici II. a Jctis in Codicem Justinianum, suo quamque loco, relatas esse, verba Odo-fredi ex Alvarotto superius allata asserunt; & hae quidem Fridericorum Constitutiones alterum Authenticarum genus constituunt.

De autoritate utriusque generis Authenticarum vulgaris est sententia: *Authenticae Justinianae, ubi cum Novellis consentiunt, tantam, quantam habent in foro auctoritatem. Novellarum auctoritas est ex receptione, ergo & Authenticarum. Authenticae Fridericorum non denuum liberae Germanorum receptioni, sed ipsi autorum legislatoriae potestati auctoritatem suam debent.* Quod ad Authenticas Justinianas attinet, ego quidem cum Strauchio *Irnerii non Errantis §. 7.* & Berlichio *P. 2. Decis. 257. n. 44.* nullus dubitarem iis, licet a Novellis discreparent, auctoritatem in foro contra communem sententiam adscribere, si res uni-ce ex prima receptione Juris Rom. in Germania aestimanda esset. Cum juvenus Germanica ad audiendos Juris interpretes in Italiam evolaret, & ibi a primis Juris Romani restauratoribus vel illorum successoribus, tam Jure Romano, quam errori-

CAP. VI. DE ST. IVR. A IVS. AD HAEC TEMP. 611

erroribus a se in ejus explicatione commissis imbueretur, sine dubio etiam Authenticas ab illis Doctoribus compositas, licet quandoque erroneas, accepit, in Germaniam attulit, forensibus negotiis applicuit, & ipsa tritura fori ita quotidie procedente & tacito Legislatoris consensu firmata, qualescunque accepit Authenticas, licet a fonte suo recedentes, posteritati commendavit. Cum vero sequentibus seculis Leges Imperii Jus Romanum ejusque genuinas partes, non errores primorum interpretum, tanquam jus commune commendent, arbitror utique, ubi inter Novellam & Authenticam inde decerptam dissensus est, illam in foro praeferendam esse, nisi quis probare audeat, aliquam authenticam a se allegatam, licet a Novella discrepantem, vel Lege vel usu approbatam esse. Consulatur hic etiam Er. Mauritius *de Libris Jur. Comm. horumque usu* § 15. Aliud dicendum esse arbitramur de Graeco textu Novellarum, qui licet ad dubium cujusvis Novellae sensum eruendum omnibus commendari mereatur, nec primis tamen recepti Juris Romani in Germania temporibus cognitus fuit, nec unquam sequentibus temporibus contra textum Latinum jam antea, quasi Justiniani esset, receptum approbatus fuit.

De Authenticis Fridericianis ego quidem existimarem, eas Codici insertas, ex receptione libera tantum, non aliunde, suam habere in Germania auctoritatem. Constitutiones enim Imperatorum in Italia & pro Italis latae non aliter obligare possunt Germanos, nisi vel usu ipso vel expressa & Legislatoria voluntate in Germania agnitae. Probant hoc utriusque regni Germanici & Italici diversissima jura. Differunt 1) modo acquirendi imperii, cum Germanicum electione jam tum delatum fuerit. v. Otto Frising. *de reb. gestis Frid. I. L. II. c. 1.* Italicum vero ab electione illa Germanica pependerit

derit v. Gunther. *Ligur. L. I. v. 249.* & *sqq.* cum Italogum in electione nullae partes fuerint. *ib. v. 211. 11)* modo imperandi, qui in Germania ad Leges imperii adstrictus, in Italia vero illimitatus fuit. v. Radev. *L. II. c. 4.* & Gunth. *Ligur. L. III. v. 570.* III. Comitiorum jure. In Germanorum Comitibus Proceres Germaniae jam tum suffragiorum & quidem decidentium jure gavisos esse nemo negat. Quem vero in finem Italiae Proceres ad Comitibus Roncaliensia vocati fuerint, superius jam in hac ipsa nota docuimus. Si ad suffragia dicenda aliquando admissi, ea deliberationis & consilii tantum gratia data fuerunt. Ex his omnibus vero facile colligere possumus, Germanos aegre laturos fuisse, si sibi invitis Constitutio in Campis Roncaliis, adeoque extra Comitibus Imperii lata obtruderetur. Noli objicere, quod Constitutio Friderici I. 2. *Feud. T. 55.* statuatur, *tam in Italia, quam in Alemannia.* Horum enim verborum sensus non alius facile esse poterit, quam quod statuatur, ut hoc, quod ibi jubetur, in posterum observetur ita in Italia, uti id dudum observetur in Alemannia, praecipue cum ibi agatur de re, in cujus exercitio non minores Germanorum quam Italogum partes esse poterant, nempe de expeditione Romana. Quod vero Constitutiones Friderici utriusque, ex quibus Authenticae excerptae sunt, sint in Italia & pro Italis latae, ipse conspectus illarum plerumque docet. Authentica *Sacramenta puerum Cod. si adv. vendit.* excerpta est ex Constitutione *de pace tenenda inter subditos* & *juramento firmanda* &c. 2. *Feud. 53.* quae in Conventu Roncaliensi an. 1158. a Friderico I. congregato lata, in quo ex Consilio quatuor Doctorum Bononiensium & binorum ex singulis Longobardiae Civitatibus Judicum in jura Regalia inquisitum & Italia multis salutaribus Legibus aucta fuit

fuit. Iisdem Comitibus etiam debetur Auth. *Habita Cod. ne filius pro patre*, quae, cum data sit *Sacrarum Legum Professoribus*, quos tunc adhuc Germania ignorabat, ad Italiam sane originarie solam spectavit. Friderici II. Authenticae ex Constitutione Romae an. 1220, ipso, quo coronatus est, die lata descendunt. In qua licet verba *per totum Imperium publicandas* videantur Legem & ipsi Germaniae latam ostendere, ex rationibus tamen antea productis id utique admittere non possumus, & hic *Imperii* vocabulum forsan improprie de sola Italia acceptum, aut Constitutionem quidem exferentis animo universalem futuram, aut hoc saltem indicat, se curaturum, ut ea, quae hic constituuntur, etiam in Germania, cum consensu scilicet eorum, quibus jus consentiendi sit, introducantur. Consuli hic etiam poterit *Dissertatio de Authenticarum Auctoribus & Auctoritate an. 1733. Argentorati publice defensa Cap. 2.*

(d) Authenticas multorum errorum reas faciunt Wissenbachius in *Sylloge errorum Irner.* & Rittershusius in *Promuls. Error. Irner.* Patrocinium earum sibi sumserunt Strauchius & Pagenstecherus II. cc. Media hic etiam via incedendum esse arbitramur. Sunt quidam Authenticarum errores, sed non tot tantique, quot vulgo jactantur. Peccatum in Authenticis deprehendimus, vel quod sententia Novellae male intellecta in alienum a mente Legislatoris sensum detorqueatur, vel quod aliquid ad plenam decisionem faciens omittatur, vel quod aliquid ex cerebro auctoris Novellae addatur, vel quod Authentica loco parum opportuno inseratur. Exempla Authenticarum ex his quatuor Capitibus iuste accusatarum, aliarum vero ab imputatis erroribus merito absolvendarum vide in *Dissert. Argent. alleg. c. 3.*

Libri feudorum
Novellis
juncti.

Quum vero multae in foro quaestiones etiam de feudis inciderent, de quibus nihil fancit jus Justinianum, & in Italia scriptae circumferrentur consuetudines feudorum Langobardicae, a PHILIBERTO (α) Episcopo, GERARDO NIGRO, & OB. AB ORTO, Coss. Mediolanensibus (β), qui ab Ottone Frising. *de gest. Fridr. 11*, 13. memorantur, & ab aliis fortassis collectae: eas constitutionibus Conradi III. & Fridericorum Imp. sub titulo DECIMAE COLLA-TIONIS *Novellis* subjunxit HVGOLINVS, Jctus Bononiensis. (γ) Odofred. *Comment. in Auth. Cassa. C. de SS. Eccles. Schilter. praef. ad Mincucc. §. IV.* Quod postea Fridricum II. Imp. ratum habuisse, ferunt. Engelhus. *Chron. p. 1115*. Pancirol. *Variar. Lect. 1*, 90. Iis postea accessere CAPITVLA EXTRA-ORDINARIA (δ), quae vocant, ab ARDI-ZONE, & ALVAROTO collecta, nec non constitutiones quaedam Principum, quae EXTRAVAGANTIVM nomine veniunt. Horn. *Jur. Feud. 1*, 35.

(α) Epistola Philiberti Episcopi ex Decreto Gratiani allegatur *L. 2. Feud. T. 6. de Forma Fidelitatis*, quem textum, cum sequente *T. 7.* a melioribus libris abesse & ex facili, qua titulus octavus quinto jungi posset, ratione, hos sextum & septimum a recentiore manu libris Feudorum insertos esse Cujacius ad dictos Feudorum textus notat. Exhibetur locus, ad quem Feudorum textus provocat, a Gratiano *Can. de forma. 18. C. 22. q. 5.*
cujus

cujus canonis verba esse ex epistola Fulberti Episcopi idem Gratianus verbis illi textui praemissis indicat; nota autem huic textui mox subjuncta docet, missam esse eam Epistolam e Gallia, descriptam ex vetusto Codice Ecclesiae Belluacensis, cujus titulus, *Glorioso Duci Aquitanorum W. Fulbertus Carnotensis Episcopus orationis suffragium*. Hanc Epistolam etiam apud Ivonem *Part. 12. c. 76. Pan. L. 8. c. 122.* occurrere ibidem in margine notatur. Aliud ab ipso Philiberto vel Fulberto de rebus feudalibus opus compositum non occurrit. Quod Ivoni uno in loco *Silibertus*, in alio vero *Fulbertus* dicatur, Antonius Augustinus de *Emend. Gratiani libri Poster. Dial. 9. p. 436.* jam notavit. A Trithemio de *Scriptoribus Eccles. Fulpertus* dicitur, *Episcopus Carnotensis in scripturis divinis eruditissimus & in secularium litterarum disciplinis omnium suo tempore Doctorum doctissimus, poeta clarus & dialecticus, multis annis scholae publicae praesidens, plurimos doctissimos auditores enutrivit &c. Claruit temporibus Henrici Regis primi Anno Domini 1010.* quem hac in re sequitur Antonius Augustinus *l. c.* Plura de eo habet Cave *Script. Eccles. Hist. Liter. ad annum 1007.* qui eum an. 1028. d. X. Aprilis obisse testatur. Conf. etiam Hornii *Jurispr. Feud. c. 1. §. 21. Senckenberg. Jur. Feud. prim. lin. P. I. c. 3. §. 56. & c. 4. §. 72.*

- (³) Gerardus Niger *Capagisti*, aliis *Gilardus Capias*, aliis *Girardus Capigisti*, aliis *Cagabisti*, aliis *Gherardus Cacapisti* dictus, vid. Schilteri *Praef. ad Ant. Mincucc. §. 2.* & Obertus ab Orto s. *Albertus ab Horto* Consules Mediolanenses, malo suo fato Friderico I. Imperatori innotuisse videntur. Cum enim Imperator in Comitibus Roncaliensibus versaretur, & hi duo Consules Mediolanenses forte eo etiam suarum rerum in illo Conventu agendarum gratia venissent, Cumanorum s. *Laudensium* Consules *lacrymabilem super Me-*

diolanensium superbia faciebant querimoniam. Princeps igitur his de causis superiores Italiae partes aditurus, per Mediolanensium fines transire volens, praedictos Consules, tanquam viae duces futuros, & de idoneis tabernaculorum locis disposituros, secum retinuit &c. Inde in territorio Mediolanensium castra posuit. Dumque a praenominatis Consulibus per arida, ubi nec stipendia inveniri, nec ex mercatu haberi possent, circumduceretur loca; indignatione motus, iussis primo, ut ad propria redirent, Consulibus in Mediolanenses arma convertit &c. Hi non solum damno praesentium sed & metu futurorum stupefacti, Gerardi Consulis, tanquam huius mali auctoris, domum, Principis iram mitigaturi, dirunt. v. Otto-Friling. *de Gestis Frider. I. Imp. L. II. c. 12. in f. c. 13. & 14. & Sigonius de Regno Italiae L. XII.* Hi duo Consules Mediolanenses Res Judicatas, Consuetudines & Constitutiones Feudales collegerunt quidem, sed privata omnino autoritate, cum nulla publici hac de re iussus memoria ullibi supersit, & Obertus ab Orto, quaecunque hac in re scripserit, in gratiam Anselmi, filii sui, collegisse videatur. *L. II. Feud. Tit. I.* Nec sane quod de Frider. I. dicitur a Radevico *L. II. c. 7. & Gunthero Ligur. L. 8. v. 509. sq.* atque a Sigonio *de regno Italiae Lib. XII.* ipsum Leges feudales promulgasse, intelligendum facile erit de laboribus horum Consulum Mediolanensium ab Imperatore publice approbatis, cum & iusta Imperatoris in eos indignatio id non pati videatur, & Legum Feudalium ab eo latarum enumeratio ab his ipsis auctoribus facta clare ostendat, sermonem his autoribus tantum esse de Legibus quibusdam singularibus ab ipso Friderico latis, quod praecepue Radevici verba declarant: *de Jure Feudorum Leges promulgavit, quarum capitula praesenti annotationi subjecimus &c.* non vero de multitudine legum alienarum ipsius iussu in

unum corpus collectarum, multo minus autem de opere quodam ab his ipsis Consulibus Mediolanensibus, sat male ipsi commendatis, composito. v. Bitsch. *Prooem. Comment. in Consuet. Feudorum* p. 8. Schilter. *Praef. ad Ant. Minucc.* §. 2. Horn. *Jurispr. Feud. c. 1.* §. 22. 23. Senckenberg. *Jur. Feud. prim. lin. P. I. c. 4.* §. 81. Illa autem horum Consulum Mediolanensium opera ad nos quidem non pervenerunt integra, sed illorum tantum fragmenta & sententiae, quas auctori hujus collectionis, quae nunc Juri Justiniano subjungitur, suo operi inferere placuit, eo plane modo, quo Collectores Pandectarum veterum Jurisconsultorum sententias ex plenioribus operibus excerptas, suae collectioni inferuerunt. Id quod duo praecipue argumenta ostendunt. Primum est, quod Consulum verba, quasi antiquiorum auctorum a Collectore allegentur ita, ut nunc ipse Collector loquatur, nunc Mediolanenses, nunc alii, uti videre est ex 2. *Feudor. I.* 25. 28. 30. 32. 34. §. 1. 36. 42. §. 1. §. 5. & 6. Alterum vero est, quod plane 1. *Feudor. 13.* ubi de alienatione feudi agitur, *Mediolanenses irrationabiliter considerantes*, totum a Vasallo feudum alienari permisisse dicantur, quae Mediolanensium Consuetudinum paulo acrior censura non a Consulibus Mediolanensibus, minime autem ab his duobus profecta videtur, quos causae patriae nimis, & quidem cum injuria aliorum, imo Principis, fuisse, ex iis, quae dicta sunt, constat. v. Horn. *Jurispr. Feud. c. 1.* §. 22. & sq. H. Cocceji *Jur. Feud. Hypomnem. Tit. I.* §. 10.

(2) Hugolinum Libros Feudorum, quibus nunc utimur, concinnasse & sub nomine *Collationis Decimae* Corpori Juris Justiniani subjecisse communis est Doctorum sententia. Quo tempore vero & qua auctoritate id egerit, disceptatur. Alii enim id sub Friderico I. privata auctoritate, alii

sub Friderico II. hujus Imperatoris jussu factum esse contendunt. Hujus sententiae posterioris praecipui assertores sunt Schilterus in *Praef. ad Mincucc.* §. 4. & Struv. *Hist. Jur. c.* 8. §. 19. In quam partem etiam inclinat Conring. *de Orig. Jur. Germ. cap.* 33. p. 217. suppressio tamen Hugolini nomine. Praecipuum asserti sui argumentum deducunt ex Odofredo *ad Auth. Cassia Cod. de SS. Eccles.* qui verbis, quae ad §. 419. citavimus, haec subjungit: *Postea quid fecerunt Dom. Hugolinus post nonam Collationem posuit librum feudalem & omnes Constitutiones Federici antiqui & junioris & aliquas leges Conradi Imp. & vocatur decima Collatio &c.* ex quibus verbis Baldus in *Prooem. Feud. n.* 5. colligit pluribusque demonstrare contendit, quod liber hic Feudorum sit *authenticus, solennis & servandus*, unde tandem concludit: *ideo pertinaces desinant latrare.* Unde etiam Antonius Monachus *de rectoria feudi interpr. cap.* 3. 46. Odofredo subscribit, *quia quasi de visu & de his, quae suis temporibus gesta sunt, testatur.* Adjungunt testimonia Gobelini Personae Cosmodromii aetate VI. c. 64. dicentis: *Idem Fridericus II. fecit quendam librum de feudis.* Theod. Engelhusii in *Chron. p.* 1115. qui, ipse, ait, *leges optimas pro libertate Ecclesiae contra haereticos edidit, & librum feudorum.* Nec non Pand. Collenutii *Histor. Neap. cap.* 4. p. 183. de Friderico II. ita loquentis: *Librum de usu feudorum optimum & in scholis usitatum conscribi curavit.* Verumenimvero cum Hugolinus Friderico I. in conventu Roncaliensi jamjam a consiliis fuerit, ut testatur Radevicus *de gestis Friderici L. 2. c.* 5. cum jam an. 1168. fato functus sit, vid. Panciroll. *de Clar. LL. Interpr. L. 2. c.* 17. & Gravina *de Ort. & Progr. Jur. Civ. L. I. §.* 147. quod epitaphio ejus apud S. Victorem Bononiae existente luculenter probat Pancirollus, non potuit sane Friderici II. demum tempo-

temporibus Juris Feudalis collectionem aggredi. Accedit, quod nequidem Odofredus (cujus testimonium omnino rejicit Molinaeus *ad Consuet. Paris. Tit. I. pr. §. 103. Vultej. de Feud. L. I. c. 1. n. 7. Bitsch. Prooem. comment. in Consuet. Feud. p. 10.*) Hugolinum hanc operam Juri Feudali jussu Imperatoris praestitisse asserat. Reliqui scriptores, qui Fridericum II. aliquem feudorum librum edidisse testantur, nihil certi sane de collatione decima jussu Imperatoris facta loquuntur, & ab Hugolino nimis remoti sunt, quam ut contra certa de ejus aetate & obitu testimonia fidem facere possint. Vnicum superest, quod non leviter pungit, nempe Jacobi de Ardizone *in Summ. Feud. c. 1.* testimonium, qui se Hugolini & Azonis auditorem fuisse asserit. Cum vero hic sub annum 1300. ut Schilter. *in Praef. ad Mincucc. §. 7.* refert, capitula, quae vocantur, extraordinaria ediderit, praeceptor ejus Hugolinus facile sub Friderico II. minime vero sub Friderico I. docere potuit. At vero, cum duos sub Hugolini nomine claruisse sciamus Ictos, quod & testatur Pancirollus *l. c.* res ipsa nos sponte in eam sententiam ducit, ut Hugolinum Jacobi de Ardizone praeceptorem diversum omnino esse a celebriori illo Hugolino statuamus, & hinc illum, quem communiter sub Hugolini nomine intelligimus, non sub Friderico II. demum Jus Feudale in Collationem decimam rede gisse dicamus. Haec igitur, quae Hugolinus collegisse dicitur, *Capitula ordinaria* appellari solent, & Feudorum Libri II. Tit. 58. finiuntur, atque cum sub *Decimae Collationis* nomine Juri Justiniano adhaereant, in foris Germaniae tanquam partes hujus considerantur, & eadem fere, qua hoc ipsum Jus Justinianicum, autoritate gaudent. Licet enim exiguum usum huic Juri concedere videatur Conring. *de Orig. Jur. Germ. c. 33. p. 218.* magis tamen utique, ex ratione a nobis allegata, dicendum

cendum videtur id eo, quo Jus Justinianicum, modo receptum esse. Atque ita Schilteri sententiae in *Praef. ad Mincucc.* §. 5. maxima ex parte subscribimus: *Ex his jam facile judicari potest, qua autoritate vel Authentia gaudeat Jus Feudale Longobardicum. Videlicet primo habet autoritatem rerum judicatarum partim, partim responso- rum prudentum, partim, quatenus Constitutiones Principum continet, etiam juris scripti seu promulgati; iis scilicet in regionibus, in quibus id promulgatum fuit, adeo ut Constitutiones in Comitibus Roncalicis promulgatae tantum in Italia autoritatem Legalem ex promulgatione sua habuerint.* v. *Conring. de O. J. G. c. 25. Denique postquam autoritate publica (sive privata, id enim hic perinde est) Collatio decima facta fuit, etiam eandem communem autoritatem in Germania adepta, quam obtinuit totum Jus Justinianicum in orbe Europaeo, salvis scilicet Legibus & Consuetudinibus cujusvis Regni atque Reipublicae &c.* conf. *Bitsch. Prooem. Comm. in Consuet. Feud. p. 13. & sq. Horn. Jurispr. Feud. c. 1. §. 26. Thomaf. Select. Feud. §. 69. Struv. Hist. Jur. c. 8. §. 21.* Quo tempore vero usus hujus Juris ad Germanos pervenerit, etiam disputari solet. Plerique *Sec. XV.* id demum factum esse existimant. Quam sententiam praecipue defendit *Conring. de Orig. Jur. Germ. c. 32. p. 205.* Cui subscribit *Hertius de Consult. LL. & Jud. in special. Romano Germ. Imperii Rebus-publ. §. 14. & Struv. Hist. Jur. c. 8. §. 28.* Licet enim *Ludewigius in Praef. Jur. Client. Germ. §. 8.* quod jam sub finem *Sec. XII.* ministeriales se novo libro tueri voluerint, appellato usus feudorum, in vernaculo *das Leben-Recht* ex testimonio Diplomatum plenae fidei asserat, & Glossatorem Juris Saxonici ad illud provocare ipse fateatur *Struvius*, moventur tamen maxime, quod referente *Browero Annal. Trevir. L. 16.*

ad

ad an. 1276. cum Henricus Archiepiscopus Trevirensis quaedam de jure feudorum coram Rudolpho Imperatore referri decernique cuperet, relatione a Bernhardo de Hagiritia facta, *ad Legis ipsius & Principum decretum* ita provocatum fuerit, ut manifeste Juris Feudalis Alemannici c. 15. innueretur, nulla Longobardici Juris mentione facta; imo, quod adhuc sub Sigismundo anno 1417. causa Ducum Bavariae Henrici & Ludovici v. Goldast. *Reichs-Sagungen P. II. p. 99.* ex Jure Germanico decisa fuerit: Nachdem, und wir hie in teutschen Landen zum rechten seßen, als ein Römischer König und Herzog Ludwig und Herzog Heinrich vorgenannt beyde Teutsche Fürsten wären und zum Reich gehörende und die sache teutsch und umb des Reichslehn were, die in teutschen Landen gelegen weren, und wir in beyderseits ein teutsch Recht mit teutschen Fürsten besetzt hetten, und beyde Theil mit teutschen Fürsprechern fürgestanden, und ihr Sach nach teutschen Rechtens Gewohnheit fürgelegt hetten, so sprechen sie zum Rechten: was jeglicher theil fürlegen wollte, es were Briefe, Worte, oder andere redliche Kundschaften, daß er das in teutschen und nach teutschen Rechtens gewohnheit durch seinen Fürsprecher thun und fürtragen solle. Nos vero non quidem usum constantem & perpetuum Juris Longobardici Feudalis Sec. XII. in Germania fuisse asserimus, ex iis tamen, quae ministeriales apud Ludewigium dicunt, patere arbitramur, id jus jam tum Germaniae innotuisse. Eam vero notiam nec Sec. XIII. cessasse ostenditur, cum Stero Altahensis in *Annalibus ad annum 1295. apud Freher. Scriptor. rerum Germ. T. I. p. 576.* ad privilegium antea a Friderico II. Clero Ratisbonensi concessum & nunc ab Adolpho Nassovio renovatum provocet, idque fere de verbo ad verbum in libro *Usus Pheodorum esse expressum* dicat. Seculo XIV. sane ab ipso Carolo IV.

lo IV. an. 1360. non tantum in Italia, sed & in Germania ad Jus feudale Longobardicum provocatum fuisse ex Glaseji *Anecd. T. I.* docet Senckenberg. *Jur. Feud. Prim. Lin. P. I. c. 4. §. 87.* His quidem seculis Jus Feudale Longobardicum cum Germanico non tam de primatu quam de societate certasse videtur. At vero statim sub initia Sec. XV. frequenter in publicis negotiis illud adhibitum deprehendimus. Literae legitimationis Gerlaco Grans a Ruperto Imp. an. 1408. nec non aliae an. 1409. Rudolfo von Zeisenheim, ac iterum aliae an. 1410. Cuntzmanno de Ettendorff datae apud Schilter. *Jur. Feud. Alem. c. 40.* collationem decimam ejusque *Caput, Naturales, in Rubrica: Si de feudo controversia fuerit*, disertis verbis allegant. Succedunt plura sub Sigismundo Imp. testimonia, ejus Juris nunc plane recepti & primum fere in rebus feudalibus locum occupantis usum omnino confirmatum loquentia. Ita litem inter Regem Daniae Ericum VIII. & Holsatiae Duces de Ducatu Slesvicensi motam dirimit, vel potius sententiam Erici Regis confirmat Sigismundus anno 1415. Juris Feudalis Longobardici textus presso pede secutus. v. Joh. Ifaci Pontani *Hist. Rer. Danic. L. IX.* Ad quos etiam in decidenda causa, quae inter Ludovicum & Ernestum, Bavariae Duces, vertebatur an. 1425. oculos intendit, cum commissi lege Imperatori apertas esse dicit provincias, quas *Boici Duces Imperio beneficiariae clientelae nexu devinctas inconsulto Imperatore, contra ac Jura volunt, essent partiti, atque insuper belli calamitatibus insigniter minuisent.* v. Jo. Adlzreiteri *Annal. Boicae Gentis Part. II. Lib. 7. n. 68.* Imo an. 1434. in causa successionis in Electoratu Saxonico modum decidendi ad normam Juris feudalis Longobardici definiens id jam *Jus Commune* appellat. v. Goldast. *Constit. Imper. P. III. p. 440.* Nec in contrarium quenquam moveat sententia a Sigismundo inter Henri-

Henricum & Ludovicum, Bavariae Duces, anno 1417. ex Jure Germanico dicta, quae nostris partibus potius favet. Quodsi enim extranei Juris ea tempestate non jam satis confirmatus fuisset usus, non opus fuisset sententia, ut ajunt, interlocutoria, qua multis rationibus operose conquisitis definiretur, quod nunc quidem in hac causa Juri Germanico locus esse deberet. Res enim omni dubio caruisset. Accedit, quod vox *Teursch* intra paucas ejus sententiae lineas toties & tam anxie repetita, ultimos quasi Juris feudalis Germanici, extremos spiritus aegre ducentis & cum quadam querimonia eructantis conatus non obscure ostendat.

Cum in hac Juris Longobardici, qua utimur, collectione saepius sententiae sibi invicem contrariae seipsas ordine excipiant, nec a collectore addatur, quae alteram vincere debeat, multi ex eo, quod plerumque factum esse observarunt, argumentum ducentes existimant, sententiam primo loco relatam approbari, eam vero, quae sequitur, reprobari, adeo, ut si quandoque ea, quae secundo loco posita est, disertis verbis approbata deprehenderetur, id exceptionem a regula constitueret. v. *Mauritius de Libr. Jur. Comm.* §. 26. Alii meliori jure credunt, eam esse praeferendam, quae menti auctoris, aut, si haec dubia esset, Analogiae Juris magis respondet. Ita menti auctoris magis priorem in 2. *Feud.* 28. in pr. & §. *Si Vassallus &c.* nec non §. *his consequenter &c.* posteriorem vero in 2. *Feud.* 30. & 36. respondere dicit Coccej. *Jur. Feud. Hypomnem. Tit. I. §. 14.* Cum ratione Juris vero magis consentire priorem in 2. *Feud.* 51. §. *Similiter quis &c.* & §. *pen. ibid.* posteriorem vero in 1. *Feud.* 27. in f. 2. *Feud.* 34. §. 1. & 2. *Feud.* 41. in f. idem existimat. Si inter diversos textus pugna appareat, iique ambo sint ex Capitulis ordinariis, is qui Juris Analogiam ma-
gis

gis sequitur, praeferendus erit; si ordinarius ab extraordinario dissentiat, ille omnino vincet, nisi hujus usum prae altero receptum docere quis possit. v. Horn. *Jurispr. Feud. c. 1. §. 51.*

Capitula haec ordinaria idem, quo Jus Justinianum exceptum est, fatum experta fuerunt, ut *Paratitlis*, *Summis* & *Glossis* vel ornarentur vel potius onerarentur. Uti vero caeteris Juris Justiniani Glossatoribus palmam praeripuit Accursius, qui Glossas collegit & in ordinem redegit, ita inter Juris Feudalis Glossatores eminet Jacobus Colombinus s. Jacobus Gufredi, uti a Glossa recentiore in *Rubrica I. Feud. 7.* dicitur, qui etiam Glossas in concinniore ordinem redegit, de quo Jason in *Praelud. feudor. super hoc opere feudorum plerique antiquorum Glossas scripserunt, sed caeteris plenius Jacobus Colombinus de Regio glossas plenas & utiles adjecit, quas nostris cordibus inscriptas vel hodie insculptas habemus, & illis utimur.*

(d) Capitula quae L. II. Feud. Titulum 58. sequuntur, a Jacobo de Ardizone filio Domini de Ardizone de Broilo sub annum 1300. vel ut alii volunt, 1303. collecta ab ipso autore jam dicta sunt extraordinaria *Summae c. 148. & sqq.* Cum Decima Collatio jam ante ipsum composita fuerit, haec Capitula extra eam vagantia, non agnita fuerunt pro parte Juris Justiniani, nec Glossis aucta, nec ab iis, qui Glossatores exceperant, Jctis facile allegata, qui receptum jam allegandi usum turbare religioni sibi duxerunt, ut testatur ipse Jason in *Praelud. Feud.* Quae ratio est, cur non cum ordinariis in usum recepta, nec eandem, quae illis est, auctoritatem nacta fuerint. Non tamen omni ea carere effectu dicerem, cum facere utique possint ad illustranda capitula ordinaria, si quid in iis obscuri aut dubii occurrat; imo & ad ea, ubi deficiunt, supplenda. Ad corrigenda vero utique allegari non poterunt, nisi pro-

probari possit, alicui extraordinario textui, cum ordinariis pugnant, usum fori suffragari. Ita, qui caput ordinarium allegat, habet, uti loquuntur, *fundatam intentionem*, qui extraordinarium producit, non habet.

§. CCCCXXI.

Hic primae istius Jctorum scholae labor fuit, qui per saecula XII. & XIII. ferebunt. Sequente enim XIV. vixerunt BARTOLVS DE SAXOFERRATO, & qui ab eo profecit BALDVS, Perusinus, ALEXANDER TARTAGNVS, BART. SALICETVS, PAVLLVS CASTRENSIS, IASON MAYNVS, CYNVS, RAPHAEL FVLGOSIVS, HIPPOLYTUS RIMINALDVS, & reliqui, quorum vitas Pancirolus alique descripserunt, qui non brevibus glossis & scholiis, sed COMMENTARIIS amplissimis corpus juris illustrarunt. Sunt sane in his aequae, ac in Glossa, quae admireris: sed plura etiam inepte & stolide scripta, qualia proficisci oportuit a viris in illa caligine educatis, omnique litterarum, historiae ac philosophiae lumine destitutis. *

Jctorum
saeculi
XIV. pro-
lixiores
Comen-
tarii.

* Nemo Commentarios horum hominum elegantius descripsit M. Ant. Mureto *Orat. I.*, 17. *Primo* enim ostendit, quam saepe boni illi viri ignoratione antiquitatis & perverso quodam contradicendi studio peccarint. *Deinde*, quam multa ubique tractarint ad rem nihil pertinentia, veluti dum quaerunt, quae sit potestas ablativi, gerundii, relativi, qui, quae, quod, & similia. De ordine porro: *At nostri*, inquit, *qualem nobis*

cujusque generis farraginem reliquerunt? ut si quis rusticus bordeum, triticum, viciam, legumina in unum acervum conserat, non illis acervum horum commentariis existinem perturbationem fore. Et quibusdam interjectis: Apud hos enim, ubi v. c. de auctoritate magistratum agitur, dicetur etiam aliquid de testamentis, ubi de emtione venditione differitur, aliquid de poenis, aut de auctoritate tutorum inseretur: nihil est denique, quod certam sedem ac domicilium habeat, nihil quod non alienissimo aequae facile, ac suo loco pertractatum reperiat. Inde illae crebrae ex uno in alium locum reiectiones, quum te, quod hic agendum & tractandum erat, id jubent ex alio petere, in quo tale quidquam agi, numquam nisi admonitus, divinare potuisses. Prorsus ut si quis paterfamilias vestem non in vestiario, sed in arca panaria, conderet, panem ex puteo hauriret, pisces in nemore, lepores in piscina inclusos haberet. Denique de horrido dicendi genere agens: non unam linguam esse, ait, qua loquantur, sed deterrimum quemdam cinnam ex foedissima barbararum, peregrinarum, inauditarum vocum colluvione, olentem, ut servus ille Plautinus ait, allium, hircum, haram, suem, canem, capram &c. Meretur fane tota oratio legi, qua nihil de Glossatorum barbarie scriptum est elegantius. H.

§. CCCCXXII.

Methodus docendi interpretandique jura.

Manfit ille scribendi mos saeculis decimo quinto & sexto, quo etiam in Germaniae aliarumque provinciarum academias penetravit. Quo tempore quae docendi interpretandique methodus fuerit, optime docuit Guido Pancirol. de Clar. Leg. Interpretibus toto libro II. Nulla quoque circa jurisprudentiam

dentiam his saeculis facta est mutatio, nisi quod libros Feudorum paullo concinniores quidam dare conati sunt.

§. CCCCXXIII.

Ceperat hoc consilium a. MCCCCXXVIII. Quid ANTONIVS MINCVCCIVS (non *Mericutius*) DE PRATO VETERE (α), Jctus Bononiensis, scripseratque auspiciis, ut videtur, Sigismundi Imp. de FEVDIS *libros sex*, quos a Sigismundo & Fridrico III Imp. confirmatos docuit Schilterus, qui hunc MINCVCCII foetum, diu latitantem desideratumque a pluribus, edidit *Argent. 1695. 4.* Nec aliud fuit institutum BARTHOL. BARATERII (β), Placentini, qui privata industria confecit LIBELLVM FEVDORVM REFORMATVM. eumque anno MCCCCXLII. Academiae Papiensi commendavit. Eum codicem cum reliqua Bibliotheca Ticinensi in Galliam transtulerat Ludovicus XII. Rex Franciae, ex quo eum primum edidit Nic. Rigaltius *Parif. MDCXII.* ac postea Jo. Phil. Schmiddius *Arg. MDCXCV. 4.* Neuter tamen libellus juris feudalis Langobardici luminibus offecit. (γ)

Quid Mincuc-
cius &
Barate-
rius circa
feudo-
rum li-
bros mo-
liti?

- (α) Antonius Mincuccius de Prato Veteri, uti seipsum apud Schilterum aliquoties nominat, non *Mericutius*, uti Mauritius de *Libris Jur. Comm.* §. 24. eum seipsum in epistola ad Fridericum Imp. appellasse scribit, nec *Mericutius*, uti in annotatione Capitulorum paulo recentiori eum vocari idem Mauritius testatur, Doctor Bononiensis,

an. 1428. Bononiae, ubi Jus Civile docuit, textum feudalem digessit, uti ex ejus Praefatione ad Bononienses constat. Anno 1431. Florentiae jus docuit, & ibi editionem correctam edidit; postea Patavii jus interpretatus revisam denuo editionem procuravit an. 1442. quae ex duobus ejus epilogis discuntur. v. Schilter. *Praef. ad Mincucc.* §. 10. Textus ipsos feudales non mutavit, sed tantum ex melioribus Codicibus restituit, & in sex partes digessit, atque ideo *sexpartitam ordinationem* appellavit. Opus si non jussu & auspiciis Sigismundi Imp. suscepit, quod tamen innuere videtur inscriptio libri primi apud Schilter. *praef.* §. 9. collata cum epistolae ad Bononienses verbis ultimis, illud tamen compositum *Scholaribus utriusque Universitatis Juristarum Bononiensium* misit, ut si quid in his minus quam bene positum ac relatum invenerint, ad *Sacratissimum Principem Sigismundum, Romanorum Imperatorem*, corrigendum & debito loco ponendum, eaque ita posita & correctâ Imperiali autoritate & ordine confirmanda, quo confirmata in scholis legi possent, sedula prece vellent insistere. v. *Epistolam ad Bononienses s. Praefationem ipsius Mincuccii in f.* An confirmationem impetraverit Mincuccius non constat, quam, licet Schilterus *Praef.* §. 11. obtentam fuisse conjiciat, licebit tamen cum *Mauritio de Libr. Jur. Commun.* §. 25. & *Rhetio Comm. in Jus Feud. comm. Prooem. n. 13.* dubiam reddere, cum non sit verosimile Mincuccium, si jam a Sigismundo Imp. confirmationem sui operis impetrasset, eam demum a Friderico Imp. petiturum fuisse. Certe Mincuccius Epistola ad Fridericum III. Imp. scripta, cujus partem Mauritius exhibet *l. c.* §. 25. opus suum autoritate publica donari petiit, & obtinuit. Cujus rei, contra Rhetii & hanc confirmationem impugnantis rationes, fidem certissimam facit *Jason in Praelud. Feud.* ubi de Mincuccio

cuccio sermonem faciens, & ipse attestatur, ait, quod librum suum destinavit Serenissimo praesenti Imperatori Friderico, & ab eo fuit approbatum & mandatum, quod in publicis studiis legeretur. Quod etiam affirmant Cuspinianus, Haloander, Hottomannus, Goldastus alique. v. *Elogia Mincuccii apud Schilterum*. Nec tamen ille Mincuccii liber postea aut in scholis, extra Bononiam, aut in foris auctoritate publica gavisus est. Cujus rei non ea causa est, quam comminiscitur Goldastus, impedimentis, nescio quibus, a Summo Pontifice obmotis male eam tribuens, quam Goldasti opinionem jam rejecit Schilterus *Praef. §. 15.* sed haec duplex ratio esse videtur, quod non tantum vulgaris feudorum Collectio jam Juri Justiniano juncta atque auctoritatem cum hoc nacta fuerit, sed &, quod Jurisconsulti vulgarem allegandi rationem, a Glossatoribus jam confirmatam, hac nova methodo turbare noluerint, quod disertis verbis docet Jason, qui *Praelud. Feud. Ego artem considero*, inquit, quod renovare praesentem librum esset coniungere glossam utriusque juris, quod utriusque censura Doctores, qui allegant istum librum secundum formam & ordinem, quem habemus, & illum sequenduri duxi. &c. vid. praeter Schilterum *l. c.* Struvius *Hist. Jur. c. 8. §. 26.* Diu latuit hic Mincuccii liber, a multis eruditis anxie expetitus. v. *Elogia Mincuccii apud Schilter.* Inde Haloander ejus editionem meditatus est quidem, v. *Ejus Epist. Nuncupat. Nov. & Feud.* sed res caruit eventu. Postea Ericus Mauritius, ut ipse testatur *de Libr. Jur. Comm. §. 24.* dum Tubingae feuda doceret, Codicem manuscriptum membranaceum optimae notae, ac inauratum a quodam auditorum suorum dono accepit & cum jam Chiloniensis Professoris munere fungeretur, eum edere secum constituit, mox tamen mutato consilio, vel quod negotiorum mole impediretur,

vel quod, ut aliqui arbitrantur, tantæ expectationi hunc auctorem non ex asse responsum auguraretur, nullis precibus rationibusque adduci potuit, ut eum publico donaret v. Hertius in *Praef. ad Mauritiū Dissert. & Opuscula*. Tandem Schilterus noster, conciliatore Illustri Obrechtō obtinuit, ut, qui in Regia Parisina Bibliotheca latebat Codex MSCtus, Joh. Philippo Schmidio nostrati traderetur, qui accuratissimum ejus exemplar confecit, postea a Schiltero cum Codice Jur. Feud. Alemannici, editum & cum Venerandi Senis, Consultissimi Scherzii nostri praefatione an. 1728. in fol. hic recusum. Commendatur Mincuccius non tantum, quod meliorem, quam qui vulgari collectioni est, rerum ordinem servaverit, sed quod textus feudales ex optimis Codicibus restituerit, ex quibus multi, qui etiam in Gothofrediana editione parum accurate exhibentur, & cum tribus antiquissimis Feudalium Librorum editionibus, una sine loco & anno impressionis, alia Basileensi an. 1478. aliaque Veneta 1497. non raro pugnant, v. Mauritius & Rhetius ll. cc. feliciter emendari & illustrari possunt.

(e) Vel uti se ipsum in *Praef.* vocat, Bartholomaeus de Barateriis. Eodem anno, quo Mincuccius librum suum iterum recognitum edidit, 1442. & Baraterius suum publici juris fecit. Non ille Epitomen Mincucciani operis sistit, quod nonnullis visum fuit, sed, uti ipse in *Praef.* loquitur, *novum libellum consuetudinum & legum feudalium composuit, in quo ipsas diversa quidem forma, eodem tamen sensu retento transformavit, & in eo nihil aliud, quam quod ad materiam feudalem pertinet, inseruit.* Aemulatione Mincuccii accensum Baraterium fuisse non sine ratione suspicatur Schilterus *Praef. ad Mincucc.* §. 14. Praestat Baraterio Mincuccius, quod hic Glossam exhibeat, qua Baraterius caret, & hanc quidem, uti & ipsum textum, emendatiorem; quodque
regulas

CAP. VI. DE ST. IVR. A IVS. AD HAEC TEMP. 631

regulas juris feudalis & notabiles observationes ad finem adjecerit. Obtulit Baraterius opus suum Philippo Mariae Duci Mediolani &c. cui praefatio inscribitur, qui illud approbavit atque Universitati Papiensi misit tertio Kal. Nov. 1442. De Baraterio hoc est Jasonis testimonium in Praelud. Feud. Consummatissimus utriusque censurae, D. Baraterius de Placentia, qui in hac alma Universitate (Ticinensi) & Ferrariensi utriusque Principis Ducalis Senator multos annos in utroque jure publice legit, & praesentem librum feudorum utiliter reformavit, & reduxit in brevissimum opusculum, donatum Illustrissimo felicitis recordationis Principi Duci Philippo Mariae & est in Bibliotheca Principis in arce Castri Ticinensis collocatum.

(v) Rationem supra in nota a) ex Jasone indicavimus,

§. CCCCXXIV.

Saeculo XVI. novum jurisprudentiae Schola
splendorem circumdederunt Jcti humaniorum
res, ANDR. ALCIATVS, quem IAC. CV-
IACIVS, ANT. AVGVSTINVS, PITHOEI
fratres, PETRVS FABER, FR. HOTOMANVS,
BARN. BRISSONIVS, VDALR. ZASIVS,
FRANC. DVARENVS, FR. BALDVINVS,
HVGO DONELLVS, alique viri doctissimi in Gallia,
& illustri Bituricensium schola, longo agmine sequuti sunt.
At tantum abest, ut hi debellarint barbariem,
ut ea multis post annis in foro & scholis regnarit,
& quibusdam locis & hodie regnet, imperet, triumphet. *

* Quam altas in animis hominum radices egerit illa Glossatorum barbaries, variis exemplis ostendi

di potest, velut quod Cujacio in cathedra Forcatulus, id est, simia homini praelatus : Papir. Masson. in *Elog. Cujac.* quod Muretus, quia jus novo more Romae profiteretur, illam spartam Seluaghio, hominī barbaro relinquere, & ad elegantioris litteraturae professionem redire coactus est. Muret. *Part. I. Orat. XXI.* Denique quod Lorioto, Lipsiam, lautiore proposito stipendio, invitato & jus non sine maximo juvenum concursu docenti, parum faverant Jcti, qui fruge reperta glandibus vesci malebant (*a*). Vid. Melch. von Ossa *Testam. Cap. VIII. §. 2. p. 385.* H.

- (*a*) Cum optimas quasque scholas haec labes dixit inquinaverit, Argentinensi nostrae nemo facile succensere poterit, si & illa ab hac macula non plane immunis fuisset. Taborem hoc odio non leviter imbutum fuisse affirmarunt quondam Salmasius atque Conringius, viri, si qui unquam, literatissimi, cum quibus acres ipse lites aluit. Et nostra aetate eandem ipsi labem impingunt Gundlingius *Gundlingianorum P. II. c. 2. §. 7.* & Mylius *Hist. Theophili c. 2.* Quorum tamen judicia justo acriora videntur, si quae Boeclerus, testis sane in rebus ad puriores litteras spectantibus omni exceptione major & illi *ὁ δὲ Χρὸν* in Elogio Gregorii Biccii scribit, considerentur, ubi Taborem Jurisconsultorum Papinianum appellat. Cum Boeclerus inter primarios litterarum elegantiorum patronos merito nominandus, operis Grotiani & eorum, qui in illo plena manu sparguntur, elegantiarum omnium flores, amoenitate captus illud commendare & interpretari auderet, & risus & rixas Collegarum, praecipue ordinis Juridici expertus est, adeo ut singulari Programme contra rem adeo novam insurgeret Jo. Rebhanius, Juris D. & P. P. sane non incelebris, de qua re queritur ipse Boeclerus in *Praef. ad Comm. in H. Grotii J. B. & P. v.* etiam Barbeyrac. *Praef. Gall. ad Grotii J. B. & P. & Thomaf.*

maſ. *in paulo plen. hiſt. J. N.* Verum his contra opus Grotii & labores Boecleri conatibus non tam odium optimarum litterarum, quam Juris Naturalis aliunde, quam ex Jure Juſtiniano petiti, cui id unice deberi exiſtimabant ejus temporis Jurisconſulti, novitas anſam praeſuiſſe videtur. Bachovium ob furores belli tricennalis Heidelberga exulem, miſeriarum lenimenta & neceſſaria contra famem praefidia Argentorati quaerentem, admiſſum quidem ſed docere prohibitum fuiſſe, non tam odio erga bonas litteras, quas cum Jurisprudentia egregie conjunxit Bachovius, aut invidiae docentium, cui id adſcribit ipſe *in Praef. ad Comment. Inſt. & Gundling. Otior. P. I. c. 5. §. 7.* nec non Buderus *in not. ad ejus vitam p. 346.* ſed rationibus, ut ita loquar, politico-eccleſiaſticis, ex conditione illorum temporum maxime aeſtimandis, majori ſaltem ex parte imputandum videtur.

§. CCCCXXV.

Et equidem, ut vera fateamur, non parum ſolidiori jurisprudentiae nocuit intempeſtivum quorundam ſtudio, qui quum elegantiores litteras cum jurisprudentia conjunxiſſent, omnem doctrinae laudem in eo poſitam exiſtimabant, ut audaciſſima criſi leges non emendarent, ſed figerent refrigerentque, omniaque Romanorum inſtituta petulantiffime riderent, Juſtinianum omnemque ejus laborem, ludibrio exponerent, merasque antinomias, Tribonianiſmos, & nescio quae alia monſtra, vel larvas potius, venarentur, quin & novum jus, ſi fieri poſſet, conderent, nihilque ſuo loco ſtare per-

Cur hi quoque non omnes fecerint operae pretium?

mitterent (α). Sane ut Bartolistae glandibus; ita hi auditores suos, tamquam Chamaeleontes, vento pascere videntur, non JCTi, sed censores, sine populi suffragio creati, iisque accensendi criticis, quos hordeo & avena pasci vidit Cebes Thebanus in *Tabula*.

(α) Quam necessarium sit JCTo Critices studium, quam prudenter vero & modeste id exerceendum, & quantum licentia Criticorum Jurisprudentiae damnum det, nemo majori acumine docuit quam Bynkershoekius in *Praef. ad Obs. Libros IV. priores*. Ex cujus verbis haec maxime huc facere videntur: *Ut verbo dicam, non est promittendum de emendationibus, nisi sero demum & caute. Ubi par aut potior est causa receptae lectionis, ea semper vincet; ubi nulla ejus tuendae ratio superest, etiam tunc abstinere velim Criticos, nisi sola modestia se commendent & de rebus gravissimis non decernant, nisi prudenter & promissis in errores vocibus. Qui aliter instituunt, certum est, Jurisprudentiae magis obesse, quam prodesse, & artem cum necessariam, tum utilem exponere ludibrio publico.*

FINIS LIBRI PRIMI.



HISTORIA IVRIS.

LIBER II.

DE ORIGINE ET PROGRESSU IVRIS GERMANICI.

CAP. I.

DE IVRE GERMANICO ANTE CAROLI M. IMPERIVM.

§. I.

QUum commune id esset Germanis Germani
cum gentibus reliquis antiquissi- veteres
mis, ut diutissime & saltem ad fae- legibus
culum Christianum quartum litte- scriptis
ris (α) ac scriptura carerent*: facile patet, caru-
eosdem, uti alias gentes, initio legibus quo- erunt.
que ac jure scripto caruisse.

* Eo enim saeculo litteras inter Gothos primus invenit Ulphilas, eorum episcopus, auctor versionis Gothicae sacri codicis. Socrat. *Hist. Eccles.* V, 33. Philostorg. *Hist. Eccles.* II, 5. ubi hic de isto Ulphila: *Και γεγραμμάτων τοῖς Γότθοις οὐκ ἔχοντες ἐν ἑαυτοῖς νοήσαντες, μετέφρασαν εἰς τὴν αὐτῶν φωνὴν τὰς ἁγίας ἀποκάλυψας.* Proprias Gothis litteras excogitavit, & universos sacrae scripturae libros patrio ipsorum sermone interpretatus est. Quo invento non fuisset opus, si jam antea Germani litteras habuissent. Versionem enim illam vere Germanicam esse, res ipsa docet: & vere scripsit Walafridus Strabus *Rer. Eccles.* Cap. VII. *Gothi, qui & Getae, eo tempore, quo ad fidem Christi perducti sunt,*

sunt, in Graecorum provinciis commorantes, nostrum, id est, Theotiscum sermonem habuerunt. Quae ex Tacit. *Annal.* II, 63. § 88. obijciunt de epistolis a Germanis ad Romanos missis, ea de lingua & scriptura Latina intelligenda videntur, quam eorum nonnulli diuturna cum Romanis consuetudine procul dubio addidicerant, quemadmodum Graecas litteras ex consuetudine cum Massiliensibus addidicerant quidam Galli. Strabo *Lib. VI.* Caes. *de Bell. Gall.* VI, 14. § I, 10. Sed &, quae de Runicae litteraturae antiquitate jactantur, plane incerta sunt, multoque incertius, an ea in Germania umquam nota fuerit.

- (*) Si inventio litterarum Gothicarum solo Philostorgii testimonio niteretur, de ejus fide dubitari posset, cum ex communis sectae studio plura, quam par erat, Ulphilae suo, sive, ut ipsi perpetuo dicitur *Urphilae*, adscribat Philostorgius, quod jam monuit ipse Photius sub finem capitis Excerptorum hic allegati & plenius id ostendit Jac. Godofredus in *Prolegom.* p. 28. § in not. ad *Philost. l. c.* multa de Ulphila a Philostorgio dicta, quae ab aliis omnibus ignorantur, recensens. Sed bene Heineccius ipsi socium addit Socratem, qui disertis verbis dicit; *Ulphilas Gothorum Episcopus Gothicas litteras excogitavit.* Cui subscribit etiam Sozomenus *Hist. Eccl. L. VI. c. 37.* de Ulphila distincte testatus, quod apud Gothos is primus litterarum inventor extiterit, quibus duobus posterioribus testibus ea suspicionis ratio non obstat, quam Philostorgio obijci posse diximus. Si ne Gothis quidem literae fuerunt ante Ulphilam, multo minus reliquis Germanicae gentis populis earum ulla esse potuit notitia, cum Gothi sane soli inter gentes Germanicae originis jam olim aliquam eruditionis speciem sibi comparaverint, si fides est Jornandi *de Reb. Get. c. II.* ubi Gothos a Diceneo philosopho, qui ad Sullae fere tempora ascendisse videtur,

in Ethicis, Physicis, Logicis, Astronomicis institutos esse testatur, sub finem addens: *Qualis erat, rogo, voluntas, ut viri fortissimi, quando ab armis quatrimum usque vacassent, doctrinis Philosophicis imbuebantur? Videres unum coeli positionem, alium herbarum frugumque explorare naturas: istum lunae commoda incommodaque, illum solis laborem attendere &c.* Prudenter vero Heineccius in hac causa verba Taciti de *Mor. Germ. c. 19. litterarum secreta viri pariter ac foeminae ignorant*, ad finem, quem sibi proponit, frequenter alias allegari solita & ab ipso Conringio de *Orig. Jur. Germ. C. I. & Bernegg. Quaest. ad Tacit. 99.* in hanc causam citata non adhibet. Jam satis enim alii ostenderunt, & tam ratio, quae Tacitum vel ad scribendum de moribus Germanorum libellum impulisse, vel quam saltem ipse perpetuo in illo servasse videtur, nempe, ut corruptos Romanorum mores opposita puritate Germanorum recte perstringeret, quam ipsi verborum Taciti nexus demonstrant, ibi non de vulgari quodam scribendi genere, sed de qualibuscunque notis clandestinis, quibus secreta animi absenti, fraudis conscio, panduntur, quorumque ministerio Romani in conciliandis praecipue & alendis furtivis amoribus frequenter usi videntur, sermonem esse. Laudat nimirum Tacitus pudicitiam Germanicarum uxorum, *septa pudicitia agunt*, inde, quae pudicitiam corrumpere possint, & Romanarum mulierum mores saepe jam corruperint, a Germanis abesse dicit, *spectacula, convivia, litterarum secreta; nullis spectaculorum illecebris, nullis conviviorum irritationibus corruptae. Litterarum secreta viri pariter ac foeminae ignorant.* Inde statim, quae ex harum rerum ignorantia emergat utilitas, nempe adulteriorum infrequentia, ostendit, *paucissima in tam numerosa gente adulteria*, quae, quia hae corruptorum morum causae Romanis frequentiori

usu

usu adhiberentur, tanquam ipsis quotidiana tacite exprobrare videtur. Mirum fuisset, si huic elogio pudicitiae Germanicae inseruisset mentionem ignorantiae omnium litterarum, nisi dicas, Tacitum innuere, quod qui litteras pingere discunt, facilius corrumpantur, quam alii, ejus artis ignari, quam sane labem Tacito, scriptori literatissimo, impingere nefas est. Et si tam rudi & agresti sententiae addictus fuisset, promiscuum sane scripturae usum non per *litterarum* SECRETA indigitasset. Si necessitas, si utilitas, si amoenioris vitae desiderium ita ingenia acuit, ut media nova ad finem eo facilius perveniendi invenire studeant, ipsa vitae, qua Germani veteres utebantur, ratio ipsos a scribendi arte alienos fuisse docebit. Nulla iis, quae ad litteras invitare solent, studia, sed potius ea, quae a litteris non raro arcere solent, fuerunt. Cultus divinus simplex, nullis dissensibus expositus, nullis ceremoniis ornatus; *lucos ac nemora consecrant, Deorumque nominibus appellant secretum illud, quod sola reverentia vident.* Tacit. de mor. Germ. c. 9. Nullae judiciorum formulae & ambages. Pleraque ante Varum *solita armis discerni.* Vellej. Paterc. L. II. c. 118. & quam fuerint a forensi strepitu alieni Germani, indicat saevitia, qua post Varianam cladem erga Patronos caesarum usi sunt apud Florum L. IV. c. 12. §. 36. Nullus studiorum cultus. De Suevis praecipue testatur Caesar de B. G. L. IV. c. 1. quod *a pueris nullo officio aut disciplina assuesacti fuerint.* Nulla rerum gestarum memoria nisi carminibus, quae *unum apud ipsos memoriae & annalium genus sunt.* Tac. L. c. c. 2. Nulla coelestium siderum observatio, nisi quando *& luna inchoetur & impleatur.* Tacit. L. c. 11. Vestitus modicus nec longe quaesitus. *Tegumen omnibus sagum, fibula, aut, si desit, spina confertum, cetera intacti.* Tac. L. c. c. 17. Gerunt *& ferarum pelles.* Tac. *ibid.*

*ibid. pellibus aut parvis rhenonum tegumentis utuntur, magna corporis parte nuda. v. Caesar de B. G. L. VI. c. 21. Vela texunt jam quidem & transrhenani hostes, nec pulchriorem aliquam vestem eorum foeminae novere. Plin. Hist. Nat. L. 19. c. 1. nec alius foeminis quam viris habitus, nisi quod foeminae saepius lineis amictibus velantur, eosque purpura variant &c. Tacit. l. c. c. 17. Cibus simplex & obviuus. Agrestia poma, recens fera aut lac concretum. Sine apparatu, sine blandimentis expellunt famem. Tac. l. c. c. 23. Major pars victus eorum in lacte, caseo & carne consistit. v. Caesar de Bello Gall. L. VI. c. 22. Potui humor ex hordeo aut frumento in quandam similitudinem vini corruptus. Tac. *ibid.* Non multum frumento, sed maximam partem lacte atque pecore vivunt. Caes. de B. G. L. III. c. 1. Nullum fere mercaturae studium. Interiores simplicius & antiquius permutacione mercium utuntur. Tac. l. c. c. 5. De Nerviiis cisrhenano populo Caesar de B. G. L. II. c. 15. dicit: Nullum aditum ad eos esse mercatoribus, nihil pati vini, reliquarumque rerum ad luxuriam pertinentium inferri, quod his rebus relanguescere animos, eorumque virtutem remitti existimarint. Suevis mercaturae usum aliquem, sed tantum, ut, quae bello ceperint, cui vendant, habeant. Ubiis paulo majorem commerciorum usum concedit, quia propter propinquitatem Gallicis moribus sunt assuesacti. *ibid.* c. 3. Pecuniae non multus usus. Argenti & auri possessione haud perinde afficiuntur. Tac. *ibid.* Foenus agitare & in usuras extendere ignotum, ideoque magis servatur, quam si vetitum esset. Tac. l. c. c. 26. Possent alia addi, quae ostenderent, eam fuisse Germanis vivendirationem, quae litterarum pingendarum usum superfluum reddiderit. Studia vero, quibus unice utebantur, belli fuerunt, & venationis. Vita omnis in venationibus atque in studiis rei militaris consistit. Caes. de B. G. L. VI. c. 21. Latrocinio*

*cinia nullam habent infamiam, quae extra fines
cujusque civitatis sunt, atque ea juventutis exer-
cendae ac desidia minuéndae causa fieri praedi-
cant. ibid. c. 23. adde Melam de Situ Orbis L. 3.
c. 3. Seneca sane de Ira c. 11. armorum unicam
Germanis curam esse, in alia negligentibus dicit.
Exigua agriculturae cura. Agriculturae non stu-
dent. v. Caes. l. c. c. 22. nec arare terram, aut
expectare annum tam facile persuaseris, quam vin-
cere hostes & vulnera mereri, pigrum quinimo &
iners videtur, sudore acquirere, quod possis san-
guine parare. Tac. l. c. c. 14. Delegata domus
& penatium & agrorum cura foeminis senibus-
que & infirmissimo cuique ex familia. Tac. ibid.
c. 15. Quid ipsos juvisset sollicita agrorum cura,
quos ne proprios equidem singuli habebant, sed
a magistratu & principe in singulos annos, quan-
tum eis & quo loco visum fuerit, attributos. v.
Caes. l. c. c. 22. Tac. ib. c. 26. Haec sane uni-
ca & perpetua Germanorum studia ne aptos qui-
dem satis ad figuras literarum ducendas reddere
videbantur. Hieronymo sane mirum omnino vi-
sum, quod Sunniae & Tretelae, virorum Go-
thicorum, dudum callosa tenendo capulum ma-
nus, & digiti tractandis sagittis aptiores ad sti-
lum calamumque mollescant. Opp. Tom. III. p.
53. Illud vero parum videtur probari, quod
cryptographiae studium, quo Graeci Romanique
frequentius utebantur, etiam priscis Germanis
cognitum fuerit, quod ex sortibus virgarum cer-
tis notis distinctarum, quarum Tacitus meminit
de M. G. c. 10. ingeniose quidem, minus tamen
verosimiliter exsculpit Breithaupt. de arte deci-
fratoria Disquis. I. §. 7. Quae hic de moribus &
studiis priscorum Germanorum congeffi veterum
autorum testimonia, si quis loco non satis oppor-
tuno operosius, quam fas esset, collecta crede-
ret, is duabus me motum rationibus, ut hoc
facerem, cogitet. Prima, quam indicavi, &
quae*

quae hujus omnino loci est, eo tendit, ut his ipsis Germanorum moribus ostendam, nullam fuisse ipsis scripturae utilitatem, ac ita nullum studium. Altera vero, ut loco, quo non opportunior in hac tractatione occurrit, qui Juris Germanici origines & progressus discere vult, mores antiquos, ex quibus natae sunt leges, in limine statim ex fontibus indicatos intueatur, faciliorem inde Juris ipsius notitiam sibi comparaturus. Plura huc facientia qui legere cupit, evolvat Hertii *Not. Vet. Germ. pop. L. I.*

§. II.

Nihilominus tamen majoribus nostris fuisse Habuere
erant mores ac consuetudines (α), tum com- tamen
munes omnibus, tum uni vel alteri genti pro- suos mo-
priae, quarum multas cum cura descripse- res &
runt Caesar *de Bello Gallico VI, 21. sequ.* & Ta- consuetu-
citus libello *de moribus Germanorum* singula- dines.
ri, ex quibus locis prolixum recensum in-
stituit Melch. Goldastus *in Collectione Legum &*
consuetudinum Imperii, edita Francof. 1613.
& 1674. Harum vero consuetudinum pa-
triarum eo sanctior ad posteros manebat cu-
stodia, quo minus ipsa natio ullis extero-
rum commerciis connubiisve infecta esset *.
Tacit. de Morib. Germ. Cap. IV.

* Adeo, ut quidam nec aditum exteris ad se concederent, nec vina aliasque merces ad se importari paterentur, ceterum de Nervii & Suevis narrat Caesar *de bell. Gall. Lib. II. Cap. 15. & Lib. IV. Cap. 2.* Tales vero gentes moris patrii servantissimae esse solent, ceterum Hebraeorum, Scytharum & olim Sinensium exemplis luculenter potest demonstrari.

(α) Quod Germani priscis temporibus nullas habuerint Leges literis commendatas, ipse literarum defectus praecedente §. satis probatus, evincit. Cum vero Jus scriptum non ex eo dicatur, quod in scripturam redactum, sed quod sit expressa Legislatoris voluntate promulgatum, sive per scripturam, sive per vocem praeconis, facile patet, quod Germani, licet literis carentes, potuerint utique Jure scripto, Juridica significatione ita dicto, gaudere. Nec quicquam argumento est, quo Leges expresse promulgatas eo jam tempore fuisse negare possimus. Licet Germanos adeo libertati quondam studuisse sciamus, ut Lucanus etiam libertatem, nunquam redituram, ultra Tigrim Rhenumque recessisse & Germanum Scythicumque bonum esse dixerit *Pharsal. L. VII. v. 432.* nemo tamen negabit, singulis Germaniae populis aliquam fuisse civitatis formam, aliis quidem magis popularem, aliis cum optimatum potestate mixtam, aliis denique regiam, multum tamen limitatam. Satis hoc loquitur Tacitus *de M. G. c. 7. Reges ex nobilitate, Duces ex virtute sumunt. Nec Regibus libera ac infinita potestas, & Duces exemplo potius, quam imperio, si prompti, si conspicui, si ante aciem agant, admiratione praesunt.* Idem *c. 11. Rex vel Princeps, prout aetas cuique, prout nobilitas, prout decus bellorum, prout facundia est, audiuntur, autoritate suadendi magis, quam jubendi potestate.* De Gothonibus vero dicit *c. 43. quod regnentur paulo jam addictius, quam caeterae Germanorum gentes, nondum tamen supra libertatem.* Quid quod & de rebus ad civitatem spectantibus consilia ceperint? De minoribus rebus Principes consultant, de majoribus omnes, ita tamen ut ea quoque, quorum penes plebem arbitrium est, apud Principes praetrahantur. *v. Id. c. 11. adeo, ut non tantum, si quid fortuiti acciderit, extra ordinem, sed & statis temporibus coierint. Coeunt, nisi quid*

quid fortuitum aut subitum inciderit, certis diebus, cum aut inchoatur luna, aut impletur. Nam agendis rebus hoc auspiciatissimum initium credunt. v. ibid. Quis crederet, nullam unquam in his conventibus legem, declarato disertis verbis coeuntium consensu, perlatam esse, adeoque nullum plane Jus scriptum, sensu Juridico ita dictum, extitisse? Nollem tamen utique huc referre, quod de Tuiscone *Annal. Boj. L. I.* Aventinus scribit: *Jura dedit, Leges tulit*, quod ad obscura & fabulosa Germanicae gentis initia merito referendum putamus. De Manni vero & Hermionis Legibus, quas ab Aventino commemorari dicit Christ. God. Hoffmannus *Spec. Conject. Polit. &c. de orig. & nat. LL. Germ. Priv. Antiq. &c. c. 2. per. 2. §. 4.* nihil ibidem occurrit. Nec Bellagines Gothorum, quas aliqui huc trahunt, & Leges Civiles fuisse somniant, huc spectare videntur, quas non nisi regulas Diaeteticas esse, & hinc a vocabulo *wolbehaben* vel *welbehaben*/ quo aliquid sanitati conducere dicimus, derivandas alii jam observarunt, v. *Hein. §. 11.* quod ipsa Jornandis de Diceneo Philosopho, Gothorum praeceptore v. *not. ad §. praeced.* loquentis verba indicant. *de reb. Get. c. 11. Physicam tradens naturaliter propriis legibus vivere fecit, quas usque nunc conscriptas Bellagines nuncupant.* Illud tamen & vitae simplicitas & summum libertatis studium & tenax moris patrii observatio v. *Hein. not. ad §. praeced.* omnino suadet, ut ex usu & vivendi consuetudine, quam ex imperio Legislatoris, regulas vivendi accipere maluisse & hinc Juris scripti, i. e. expresse promulgati rariorem, non scripti sive consuetudinarii frequentiore usum habuisse Germani videantur. Parum tamen huc faciunt verba Taciti *de mor. Germ. c. 19. plus apud Germanos valere bonos mores quam alibi bonas Leges*, dicentis, quae tamen a Conringio de *O. J. G. c. 1. Hertio Not. Vet. Germ. Pop. P. I.*

c. 4. §. 6. aliisque passim huc trahi videas. Nec enim hic Tacito sermo est de regula quadam Civili & obligatoria, quae ex Jure Consuetudinario orta sit, & vel invitum stringat, sed hic tantum videtur esse posse verus horum verborum sensus: Germani sponte sua & solo rationis usu ducti melius vivunt & virtutem impensius colunt, quam Romani tot legibus scriptis ad eam invitati. Plane uti de Scythis scribit Justinus *L. II. c. 2. Justitia gentis ingeniis culta, non Legibus*, & de priscis Romanis Sallustius *Bell. Cat. c. 9. Jus bonumque apud eos non legibus magis, quam natura valebat*. Non inanis tamen est conjectura eorum, qui credunt, Germanos morum suorum, qui tandem in juris cujusdam consuetudinarii speciem emerferant, memoriam carminibus, quae *unum apud ipsos memoriae & annalium genus* fuisse Tacitus dicit, conservasse. Ita & Solon leges suas *carminibus illigasse* dicitur a Plutarcho in *Solone*. Ita a plerisque gentibus antiquis factum testatur Aristoteles *Problem. Sect. 19 c. 28. Cur leges pleraeque cantilenae appellantur? An quod homines prius, quam literas scirent, leges cantabant, ne eas oblivioni mandarent, quod etiam nostra aetate Agathyrsis in more est?* Quod apprimè cum rebus Germanicis antiquis consentit. Quorsum & illud facit, quod adhuc nostra aetate, usu forsan ab antiquis ad nos derivato, cantilenarum versiculi aequè ac leges vernaculo sermone *Gesetze* dicantur; quod cum aliis jam observavit Hertius *Not. Vet. Germ. Pop. P. I. c. 4. §. 6.* Egregie huc etiam facit observatio Aventini *Annal. Boj. L. I.* Nos hujusmodi carmina adhuc hodie *Leges* vocare solemus, quemadmodum & Graeci (ut est apud Aristotelem *Stagiritam*) *nomos*. Etiam nunc leges, quas Moyses a Deo immortali recepit, in templis patrio sermone *canimus*.

§. III.

Tales consuetudines sunt quam plurimae. Earum a Tacito, Caesare, & aliis auctoribus veteribus recensitae, veluti, quod longa esset Germanorum pueritia, longa impubertas, & sera juvenum Venus: Caes. *de Bell. Gall.* IV, 21. Pompon. Mela *de Situ Orb.* III, 3. Tacit. *de M. G. Cap.* XX. quod liberi cum matre ministeria domestica obirent: Tacit. *Cap.* XXV. ipsique filii, non nisi acceptis solemniter armis, pars reipublicae haberentur: Tacit. *Cap.* XIII. quod dotem non uxor marito, sed uxori maritus offerret (α), consentientibus parentibus & propinquis: Tacit. *Cap.* XVIII. quod arma aliaeque res expeditoriae ad filios & nepotes transmitterentur: alioquin sui cuique heredes essent liberi, fratres, patrui, avunculi, nullumque ibi testamentum * (β): Tacit. *Cap.* XVIII. quod avunculi fororum liberis loco parentis essent, sanctissimaque ea necessitudo haberetur. Id. *Cap.* XX.

* Verba haec Taciti quidam ita interpretati sunt, ut non in universum testamenta ignorasse Germanos existimarint, sed eo saltim casu, si liberi non essent, testamentis locum non fuisse contenderint. Sed hunc sensum nec verba Taciti, nec mores Germanorum, quippe ἀναλφάβητων admittere, alibi docuimus ex instituto. Vid. *Diss. nostr. de testam. fact. apud Germanos maxime restricta.* §. IX. & in *Elem. jur. Germ. Lib. II. tit. VI.* §. 3. p. 473. Tomo I.

(α) Hanc forte originem esse *Morgengabes*, ex eo

conjicit Hertius *Not. Vet. Germ. Pop. P. I. c. 3. in not.* quod illa *dos* etiam dicta fuerit apud Francos, cum qua eam etiam conjungi a Gregorio Turon. *Hist. Franc. L. IX. c. 20.* monet Beyer. *Jur. Germ. L. II. c. 16. §. 4.* autor vero noster *Antiq. Germ. L. I. Tit. 10. §. 215.* optime ostendit, in eo pacto inter Gundehramnum & Childebertum Reges inito sollicitè dotem a *Morgengaba* distingui, cum Guilesvinda, germana Brunechildis, *civitates Burdegalam, Lemovicum, Cadurcum, Beorno & Begorram tam in DOTE quam in MORGANEGIBA, hoc est, matutinali dono acquisivisse*, dicatur; adeo ut disertis verbis morgengaba doti opponatur, quod etiam fieri in *Lege Ripuar. Tit. 37. §. 2.* ibidem observat.

(^e) Verba Taciti, quae huic disputationi ansam dederunt, ex ejus *c. 20. de M. G.* integra haec sunt: *Heredes tamen successoresque sui cuique liberi, & NVLLVM TESTAMENTVM. Si liberi non sunt, proximus gradus in possessione, (al. successionem) fratres, patrui, avunculi. Quanto plus propinquorum, quo major affinium numerus, tanto gratiosior senectus, nec ulla orbitatis pretia.* Ex his nunc non demum controversia emergit, an scrupulosae illae Romani Juris in condendis testamentis solennitates Germanis placuerint? Quam sane quaestionem otiosam plane esse ostendit summa priscorum Germanorum vivendi simplicitas, acerrimumque omnis formularii Juris odium; quod saevitia erga causarum patronos post Varianam cladem exercita satis docet. Nec, an Germani in scriptis testati fuerint, quaeritur, cum litterarum ignorantia testamentum scriptum omnino excludat. Sed haec tantum quaestio movetur, an Germani veteres nunquam sibi heredem ultima quavis voluntate fecerint, sive propinquos aliquos reliquerint, sive nullos: an vero tunc demum ab herede per ultimam voluntatem designando abstinuerint, cum propinquos relinquerent.

rent. Priorem sententiam praecipue defendunt Schilterus *Exerc. ad Pand. II. §. 14. IX. §. 9. XIV. §. 37.* Beyerus *Posit. ad Pand. XXII. 1. Jur. Germ. L. II. c. 11.* Hertius *Not. Vet. Germ. Pop. P. I. c. 3. §. 16.* & Heinecc. *II. cc.* Posteriorem Stryk-
ius de Succ. ab intest. Diss. 8. c. I. & cum eo exerci-
 citus eorum, qui nimia Romani Juris reverentia cap-
 ti, quod huic placuisse vident, omnibus placuisse
 & placere debuisse statuunt. Prioris sententiae
 hae sunt praecipuae rationes: I. Clara sunt verba
 Taciti, nullam exceptionem admittentia: *Nullum
 Testamentum.* Heredes cuique liberi ex mo-
 ribus assignantur. Si liberi non sint, ad proxi-
 mos gradu *fratres, patruos, avunculos* heredi-
 tas devolvitur, & quod his deficientibus ad pro-
 pinquos quosvis successio transeat, propinquo-
 rum in sequentibus mentio disertis verbis facta
 docet. II. *Nec ulla orbitatis pretia.* Oculos hic in-
 tendit ad miserum genus hominum nempe heredi-
 petarum, Romanis notissimum, qui alienas he-
 reditates blandimentis & malis quibusvis artibus
 captantes, praecipue eos sectabantur, qui libe-
 ris & propinquis orbi ad hereditates in hos adu-
 latores testamentis transferendas faciliiori & pro-
 niori affectu invitabantur. Hi ex blandimentis
 adulantium hereditetarum varia orbitatis solatia,
 imo pretia, accipiebant. Cum vero nulla fuerint
 Germanis testamenta, nulla etiam orbitatis pretia
 ipsis fuisse dicit Tacitus, & hinc solatia senectutis
 non aliunde, quam ex propinquorum ope spe-
 randa innuit. Imo quod ne sequentibus quidem
 seculis, quibus tamen Germanicae gentes in Ro-
 manorum provincias irruentes satis jam Juris Ro-
 mani, adeoque & testamentariae successionis no-
 titia imbutae erant, multus testamentorum usus
 fuerit Germanis, ostendunt Jura Saxonica & Sue-
 vica, ex antiquioribus legibus & moribus con-
 sarcinata, quibus non avitorum tantum, non
 immobilium, sed & mobilium bonorum quorum-

cunque translationes iis fere unice permissae, qui valetudinis adhuc satis firmatae essent, & a mortis instantis cogitatione, quae tamen testamentariorum translationum necessarium fundamentum est, aliquanto longius remoti, limitata maxime illorum facultate, qui, lecto decumbentes, morti propiores aestimabantur. Hinc Jus Prov. Saxon. *L. I. art. 52.* alle fahrende haabe kan der mann ohne der erben erlaubniß aller orten vergeben, und guth verlassen und verleihen, solange er sich dergestalt vermag, daß er mit einem schwerdt umgürtet und mit einem Schilde von einem steine oder stocke, einer ellen hoch, (textus antiquior tamen eyner dum elnen ho, quod einer halben ellen hoch interpretantur) auf ein pferd steigen können, ohne eines menschen beyhülffe, doch daß man das Roß und den Stegreiff halt. Wann er dieses zu thun nicht vermag, so kan er auch nichts vergeben, lassen noch leihen, daß er es dem mit entferne, der es nach seinem tod erwarrend ist. Ad quem textum Glossa haec notat. Ein bürger aber mag nach billigem rechten, sein eigen, welches ihm nicht angestorben ist, vergeben, solang er so vermögend ist, daß er ohne hülff zu weg und strasse gehen, und solang stehen mag, bis er in gehegtem ding dieselbige gab gethan hat. Die fahrende haab aber mag er alle vergeben, so viel er derselbigen bey gesundem leib hinweg antwortet, oder in dem gerichtsding jemand vergiebet, daß sie ihm nach seinem tod folgen solle. Doch sagen etliche, daß er auch auf seinem Siegbette die ding vergeben mög, welche er über das Bettbreith hinweg reichen könne. (Weichbild. *art. 65.* vero dicit, was über 5. schilling werth.) Ein Bauer aber mag dieser ding vergeben, alldieweil er einen umgang verpfügen mag, eines monaths lang. Eine Fraw aber, wann sie zu der kirchen gehen mag, von welcher sie zwanzig ruten geseßen sey. Wann sie das nicht mehr

mehr vermag zu thun, so heist man es darfür, daß sie ihren erben muthwilliglich entfremden wölle. Cui fere respondet Jus Provinciale Suevicum cap. 379. Opponit Strykius I. Germanos non adeo videri stupidos, ut testamentariam successionem, qua omnes gentes usae fuissent, omnino ignoraverint, & maluerint bona sua liberae cujusvis occupationi exponere, quam per ultimam voluntatem in heredes certos transferre.

II. Ex Paulo Aemilio, citante Lehmanno in *Chron. Spir. L. II. c. 20.* constare, quod Germanis devictis ac in servitutem reductis sola intestati successio relicta omneque Jus testandi ademptum, sed a Ludovico Pio restitutum fuerit.

III. Ex LL. Ripuariorum, Anglorum & Werinorum, Capitularibus Regum Francorum & Marculfi formulis innotescere, quod Germanis aliqua, sua per ultimam voluntatem relinquendi, facultas fuerit. Regeritur vero I. quod non tanti stuporis argumentum sit, carere testamentis, cum & alias gentes iis caruisse, autores allegati doceant, & ipse Strykius *Cautel. Testam. c. 1. §. 8. & U. M. P. qui test. fac. §. 1.* fateatur, satis beatas fuisse respublicas, quae illam litium innumerarum materiam penitus sublatam voluerint, nullosque ibi heredes esse permiserint, quam legitimos; & Geldriae suae testamentorum usum rejicienti gratuletur Pontanus *Hist. Gehr. L. I. p. 47.* quod non alterantur subditorum bona litibus de testamentorum internis vel externis vitiis vel suorum heredum de inofficioso testamento ac praeteritione liberorum, non emancipatorum, querelis, nec controversiis de fideicommissis, unde passim alibi patronis forensibus sit optima messis; nec satis appareat, uti Pufendorff. de J. N. & G. L. IV. c. XI. §. 18. judicat, quare tantopere testamentis desiderare debuerit gens, thesauros tunc cumulare nescia, & paupere supellectile contenta, cui ex segete, pecore & venatu vix amplius quaerebatur, quam quod victui quotidianoque eique simpli-

ci sufficeret. II. Quod ea, quae ex Lehmanno & Paulo Aemilio producuntur, parum accurata sint & antiquioribus non respondeant, cum Vetus autor vitae Ludovici Pii ad annum 814. tantum doceat, *quod Saxonibus atque Frisionibus jus patriae haereditatis, quod sub patre ob perfidiam legaliter perdididerant, Imperatoria clementia restituerit Ludovicus Pius*, quodque mira illa benignitas Ludovici multorum reprehensionem incurrit existimantium, gentibus illis rerum novarum studiosissimis subtrahi potius perfidiae instrumenta, quam ultro subministrari oportere. Quae omnia ostendunt non jus testandi, sed succedendi in hereditatem patris, non Germanis omnibus, sed Saxonibus, a Carolo M. ademptum, a Ludovico Pio vero restitutum esse. III. Quod Leges allegatae non tam de testamentis, quam de pactis successoriis loquantur, quod voces *tradere, dare &c.* satis clare ostendunt. Ergo haec erit testamentorum per Germaniam historia. Germania testamenta tempore Taciti ignoravit. Seculo V. & sequentibus gentes Germaniae provincias Imperii Romani invadentes testamentorum usum in provinciis occupatis ex Jure Romano jam introductum vel ipsae receperunt, vel saltem gentibus subactis reliquerunt. In Germaniam magnam is ne tunc quidem penetravit. Tandem Principes quidem eum aliquantulum suo exemplo probarunt, quod ex Henrici Aucupis & Ottonis IV. testamentis constat. Ad privatos tamen is ne tunc quidem pervenit, nisi quod paulatim mos *pro anima judicandi, pro remedio animae relinquendi* non universitatem bonorum, sed singulas res, invaluerit, unde legata ad pias causas *Seelengeräthe, Seelengeschäfte* frequenter satis relicta fuerunt. Inde Juris Saxonici illa capita, quibus testandi facultatem tantopere restringit, Gregorii IX. summi Pontificis decreto reprobata fuerunt, *in quantum eleemosynas, testamenta &*
alia

alia pia opera respiciunt. Speculi Suevici auctor prudens hanc censuram evitavit, faciliorem testamenti viam aperiens. Mox Jure Decretalium plenius per Germaniam introducto testamenta minus solennia, adeoque ultimae voluntates de rerum universitate quidem, sed sine scrupulosa formae externae solennitate disponentes in Germania receptae fuerunt. Tandem vero cum Jure Civili Romano etiam solennia testamenta in usum deducta fuerunt. Quae hic de testamentorum per Germaniam fatis recensemus, docere possunt, quantum lucis historia Juris etiam rebus in foro ventilandis affundere queat.

§. IV.

Ejusdem generis sunt, quae veteres referunt de statu servorum libertinorumque (α): Tacit. *de M. G. Cap. XXV.* de severitate maritorum in sponfas & uxores impudicas: Tacit. *Cap. XIX. Procop. de Bello Goth. Lib. IV.* de consultationibus plerisque inter pocula susceptis (β): Tacit. *Cap. XXII.* de insigni promittentium ac colludentium fide: Tacit. *Cap. XXIV. Annal. XIII,* 54. de inimiciis a tota familia susceptis, Tacit. *Cap. XXI.* & manu potius, quam jure, finitis: Pompon. *Mela de Situ Orb. III,* 3. Vellej. *II,* 118. de homicidiis multa; aliis criminibus morte expiatis: Tacit. *Cap. XII. & XXI.* de multa pro parte regi vel civitati, pro parte ipsi, qui vindicabatur, vel propinquis ejus exsoluta (γ): Tacit. *Cap. XII.* de hospitalitate mira & paene promiscua; Tacit. *Cap. XXI. Caes. de Bello Gall. VI,* 21. Pomp. *Mela III.* 3. de tributis pro munere.

Alia ejusdem generis.

munere datis: Tacit. *Cap. XV.* de numero non dierum, sed noctium computato: Tacit. *Cap. XI.* Caes. *de Bell. Gall. VI*, 18. & quae sunt ejusdem generis alia * (d)

* Quo & feuda refert Ge. Ad. Struvius in *Syntagma. jur. feud. I*, 3, 3. ob ea, quae de principum comitibus eorumque insigni fide refert Tacit. *de Morib. Germ. Cap. XIV.* Quod quamvis ridiculum videatur clarissimo Dietmaro in *not. p. 87.* argumenta tamen, quae ei sententiae opponit, non infringunt hanc Struvii doctrinam, tantum abest, ut ridiculam illam esse demonstrent. An enim apud Germanos viri principes, quia non erant territorii domini, sed in conciliis electi, non potuere habere vasallos? an necessario requiritur superioritas territorialis, ager, & sedes domini fixa, si quis vasallum habere velit? Et quid aliud sunt illi comites, *Gesellen*, *Waeseln*, quam *Vasalli*, maxime quum Tacitus de eorum fide in dominos, & de stipendiis, pro servitio militari datis, diserte testetur? Nihil ergo impedit, quo minus feudorum stamina cum Struvio jam apud Tacitum quaeramus.

(α) Servorum, quorum longe melior, quam apud Romanos fuerat, conditio & libertinorum, qui non multum supra servos erant, v. Tacit. *de M. G. c. 25.* jura apud Germanos eo magis observanda, quo graviora & frequentiora Jurisprudentiae Germanicae capita inde illustrantur. Non tantum enim rusticorum per Germaniam jura inde lucem capiunt, quorum alii homines proprii sunt sive servi, alii vero non proprii sive liberti. Quod Hertius de *Hominibus propriis*, Thomasius de *Hominibus propriis & liberis Germanorum*, Boehmerus de *Jure & statu hominum propriorum &c.* & de *Imperfecta libertate rusticorum in Germania*, nec non Heineccius de *Orig. atque Indole Jurisd. Patrim. &c.* satis docuerunt. Sed &

& ipsa origo Jurisdictionis patrimonialis, fatis alias obscura, ex Jure dominorum in servos, imo & eo, quod ipsis adhuc in libertos competit, uberrime illustratur, quod Thomafius, Boehmerus atque Heineccius fortissime demonstrarunt.

(β) Quod non ad crapulam Germanorum, sed potius ad sinceritatem trahendum existimat Thomaf. *de Hom. propr.* §. 12. his Taciti *de M. G. c.* 22. verbis maxime motus: *Gens non astuta nec callida aperit adhuc secreta pectoris licentia loci. Ergo detecta & nuda omnium mens postera die retractatur. Deliberant, dum fingere nesciunt, constituunt, dum errare non possunt.* Ex eo tamen more prisco deliberandi inter pocula ad nostra usque tempora videtur derivata consuetudo, qua in pagis, vicis & urbibus vix aliqua solennior deliberatio aut conventus plurium, aut quodvis aliud negotium cum aliqua frequentia hominum celebrandum instituitur, quod non aliqua commessatio praecedat, comitetur aut sequatur.

(γ) Quarum illa *freda*, *Friede* / dicebatur, quod paci publicae, qui peccaverat, per eam restitueretur; haec vero *widrigildum*, *wedrigeldum*, *wergildum*, *wergeldum*, *wergilda* appellatur; quam vocem alii a *werra*, quasi esset pecunia pro pugna solvenda, alii vero a *wider* & *gelt*, quasi pecunia pro retributione & satisfactione pendenda, derivant. v. Hert. *Not. Vet. Germ. pop. P. I. c.* 5. §. 4.

(δ) Huc commode etiam referas, quod Germanorum liberi etiam per nuptias a patria potestate liberari videantur. Hinc, quos Jul. Caes. *de B. G. L. VI. c.* 21. *impuberes* appellat, Graecus Interpreter *ἀνύμνος* vocat. Idemque fere innuere videtur vox Germanica *Freien* / quae matrimonium inire, indicat. v. Hertius *Not. Vet. Germ. pop. P. I. c.* 3. §. 3. & *ibid. in not.*

§. V.

Singulae
etiam
gentes
suos mo-
res speci-
ales ha-
bebant.

Sed quemadmodum pleraeque hae consuetudines Germanis omnibus communes erant: ita dubitari nequit, quin & singulae gentes quasdam habuerint, sibi proprias, ac peculiares, quarum vel unicum exemplum adferre juvabit ex Tacito *Cap. XXXII.* ubi de Tenctēris: *Inter familiam & penates, & jura successionum equi traduntur. Excipit filius, non ut cetera maximus natu, sed prout ferox bello & melior.* Quem locum ad consuetudinem res expeditorias * ad filios vel agnatos transmittendi pertinere, interpretes plerique observant (α).

* Equus & hodie inter res expeditorias est, iis locis, ubi illae filiis cedunt. Quemadmodum vero filius natu maximus in Saxonia praecipuum habet gladium; *Jus prov. Sax. Lib. II. Art. 22. Jus prov. Suev. Cap. CCLXIV.* ita Tenctēri praecipuum capi volebant equum, non quidem a filio natu maximo, sed fortissimo.

(α) Antequam periodum antiquissimam Germanici Juris deferamus, operae pretium est, rei judicariae, quae eo tempore fuit, faciem oculis subjicere. Notandum autem utique cum Conringio *de Judic. Imp. Germ. §. 5.* quod eo quidem tempore nullum fuerit totius Germaniae, nondum tunc in unam rempubl. compositae, commune judicium; singulis autem populis sua utique judicia, ad statum libertatis, cujus desiderio maxime tenebantur, praecipue attemperata non defuerint. Haec judicia autem aliam tempore belli, aliam in pace faciem habebant. Ita enim Caesar. *de B. G. L. VI. c. 23. Cum bellum civitas aut illatum defendit, aut infert, magistratus,*
qui

qui ei bello praesint, ut vitae necisque habeant potestatem, deliguntur. In pace nullus communis est magistratus &c. Haec vitae necisque potestas, quam magistratibus militaribus fuisse Caesar dicit, pugnat & cum Taciti verbis & cum summo libertatis studio. Tacitus sane alia omnia dicit de M. G. c. 7. *Duces exemplo potius, quam imperio, si prompti, si conspicui, si ante aciem agant, admiratione praesint.* Caeterum neque animadvertere, neque vincere, neque verberare quidem, nisi sacerdotibus permissum, non quasi in poenam nec Ducis jussu, sed velut Deo imperante, quem adesse bellantibus credunt. Quae sane populi istius ingenium magis quam illa Caesaris verba sapiunt. De Judiciis tempore pacis instituendis ita Caesar. l. c. loquitur: *In pace nullus communis magistratus, sed principes regionum atque pagorum inter suos jus dicunt, controversiasque minuunt.* Nullum communem magistratum fuisse cum Caesar dicit, Conringius l. c. §. 6. optime observat, illud de uno homine, qui toti reipublicae solus praefuerit, intelligendum, cum totum concilium gentis merito etiam communis quidam magistratus dici possit. Non vero credendum est alios fuisse regionum, alios pagorum Principes, cum pagus etiam regionem denotet & Tacitus de M. G. c. 12. non alios agnoscat Principes, quam *qui jus per pagos vicosque reddunt.* Alii ergo Principes in pagis, alii in vicis judicabant, in concilio populi electi. Tacitus *ibid.* *Eliguntur in iisdem conciliis & Principes,* ratione aetatis sine dubio habita, cui magnus apud Germanos honos habebatur. Certe aetati non minus momenti, quam nobilitati, decori bellorum aut facundiae etiam in publicis negotiis fuisse docet Tacitus de M. G. c. II. *Rex vel princeps, prout aetas cuique, prout nobilitas, prout decus bellorum, prout facundia est, audiuntur.* Unde *Germani frequentes omnibus Principibus majoribusque*

busque natu adhibitis ad Caesarem in castra venerunt. v. Caesar de B. G. L. IV. c. 13. & Dio Cass. L. 39. p. 113. Quanta seniorum in consultationibus publicis autoritas fuerit, apud Visigothos testatur Claudianus de Bello Get. v. 481 sqq.

Crinigeri sedere patres, pellita Getarum Curia &c.

Et Sidonius Apollin. in Paneg. Avito Aug. Socero dicto Carm. VII. v. 453.

Luce nova veterum coetus de more Getarum Contrahitur, stat prisca annis, viridisque senectus Consiliis &c.

Quod & apud Ostrogothos observatum ex Procop. de B. G. L. II. § III. probatur. v. Hert. Not. Vet. Germ. pop. P. I. c. 4. §. 7. P. III. c. 7. §. 7. § c. 8. §. 7. Hinc etiam in legibus populorum Germanicae originis *Senior Dominum* significat, unde postea *Seigneur*, *Signore*, apud alios ortum. Inde etiam a canitie his principibus postea *Gravionum* nomen sub Francis praecipue impositum existimamus, quod male Wenzelinus in *Glossario Sal. vocum Atuat.* v. *Graphio* a *γραφω*, scribo, Vultejus *Feud. L. I. c. 4. n. 14.* a *gravitate* derivant. Nostrae sententiae praecipue favet Capitularium antiqua versio, ubi quod in Capitulari dicitur, *per Comitum* Germanico exhibetur *thuruch then Graun.* v. Hert. l. c. P. I. c. 4. §. 7. qui hoc porro illustrat exemplo praefectorum regionum apud Frisios, multum ex prisca moribus retinentes, qui *Grietmänner* s. cani viri dicuntur, suosque, uti hi Principes apud Tacitum, assessores habent. Quorsum etiam non immerito Anglorum *Aldermannos* trahit Brummerus de *Scabinis* c. 3. §. 11. Hi Principes postea, uti videtur, *Graviones* dicti, uti Conringius de O. J. G. c. 7. p. 29. docet, non soli sed cum assessoribus judicabant. *Centeni singulis ex plebe comites, consilium simul* & *autoritas adfunt.* Tacit. de M. G. c. 12. Ubi res ipsa docet,

pro

pro *centeni* legendum esse *certi*. v. Conring. l. c. §. 12. Hertius l. c. Brummerus l. c. c. 2. Cujus erroris a librariis commissi originem Hertius ex c. 13. deducit, ubi *plurimorum comitum*, Brummerus autem verosimilius ex c. 6. ubi centenorum ex singulis pagis juvenum, ad alia tamen ministeria electorum mentio fit. Assesores hi Principum vel Comitum sine dubio sunt, qui vocabulo Germanico in Latinum sermonem inflexo *Scabini* a *Schaffen*, creare, quod eligantur, dicuntur, inde in diplomate Henrici V. ad annum 1112. monasterio S. Maximini dato *Scaviones*, alibi *Scapiones* appellati. v. Hertius l. c. & de Consult. LL. §. Judiciis &c. §. 16. in not. alias tamen vocis derivationes v. apud Brummer. l. c. c. 1. Hi assesores sine dubio ingenui fuerunt, cum *liberti non multum supra servos* fuerint, & raro aliquod momentum in domo, nunquam in civitate habuerint. Tac. l. c. c. 25. Adhibiti autem fuerunt ita, ut non tantum suadendi sed & decidendi autoritate gavisi fuerint. *Consilium simul & auctoritas adjunt*. Tac. c. 12. Conveniebant autem sub dio plerumque; quod luculentis testimoniis probat Hert. de Consult. LL. §. Judic. &c. §. 9. Principis, qui solus toti pago in plures vicos diviso praeerat, & hinc forsitan non omnibus judiciis ipse praeesse semper poterat, vices primus Scabinorum sine dubio gessit, sequentibus temporibus *Scultetus*, *Sculdafius*, *Sculdais*, *Sculdasio*, *Sculdheizo*, *Schoutaet dictus*. v. Conring. de Jud. §. 15. Brummerus de Scab. c. 4. §. 6. Litium dirimendarum ratio simplex nullisque formulis adstricta, quas acerrimo odio prosequabantur, Vellej. L. II. c. 118. adeo ut post Varianam cladem in neminem magis, quam in causarum patronos saevitum fuerit. Florus L. IV. c. 12. §. 36. *nihil illa caede per paludes, perque sylvas cruentius, nihil insultatione barbarorum intolerantius, praecipue tamen in causa-*

rum patronos. Aliis oculos, aliis manus amputabant. Unius os sutum, recisa prius lingua, quam in manu tenens barbarus, tandem, inquit, vipera sibilare desine. Multae etiam lites armis finitae. Unde Germanos jus in viribus habuisse scribit Mela de situ orb. L. III. c. 3. & cum jurisdictionis formam a Varo introductam conspicerent, miratos fuisse, quod injurias justitia finirent, & solita armis discerni jure terminarentur, narrat Vellej. l. c. Judiciorum autem usum Germanis rariorem tum fuisse persuadent simplicitas morum, fides, sinceritas, paupertas, matrimoniorum sanctitas, testamentariae rei ignorantia, & inimicitiarum compositio facilis. v. Conring. de Judic. §. 18. Hertius. not. vet. Germ. pop. P. I. c. 4. §. 7.

§. VI.

Gentium
Germani-
carum
aliae in
Germania
substitue-
runt,
aliae alio
migrave-
runt.

Sed a Taciti temporibus ad seculum usque quintum, magna facta est rerum conversio, migrationeque tot gentium frequentissima effectum est, ut gentes potentissimae, GOTHI, VANDALI, BVRGVNDIONES, SVEVI, FRANCI, ANGLI, praestantissimis Romanorum provinciis infusae, regna ibi amplissima conderent: vacuas vero eorum sedes gentes antea parum notae, ALAMANNI, BOII, SAXONES, THVRINGI occuparent, totamque Germaniam magnam inter se partirentur, nisi quod ad orientem VENEDI, gens Sarmatica *, magnam Germaniae partem inter mare Balthicum & Alpes sub suam redegerunt potestatem.

* Non VANDALI, gens vere Germanica, quamvis vocabuli sono non multum a VENEDIS differant. Hinc jam pridem explosus est Alb. Cranzii error,
Van-

Vandalos & Venedos ubique confundentis. Illi relictâ Germania in Hispaniam, atque inde in Africam, migraverant, regnaque ibi potentissima condiderant. Hi vacuas eorum sedes occupabant, & imperii sui fines paullatim ita proferebant, ut ad Albim & Salam omnia, & in superiore Germaniae parte Silesiam, Moraviam, Boëmiam, partem Austriae, Carinthiae, Stiriae & Carniolae sub suam redigerent potestatem.

Magnam haec gentium migratio Juris mutationem passim induxit. Germani sane dum aliis suos mores commendare voluerunt, peregrini quoque moris contagione paulatim corrupti fuerunt. Illud evenisse, ut, ex quo Germanicae nationes omnem fere Europam invaserint, Germanica etiam instituta passim, uti olim Graeca recepta fuerint, observavit Grotius *de J. B. & P. L. II. c. 8. §. 2.* Hoc vero, quod & ipsi Germanorum mores aliqua accessione juris peregrini inflexi paulisper fuerint, testantur ipsae leges a Germanicis gentibus postea latae, mox uberius recensendae. Quod vero hodierna adhuc Jurisprudentia ex hac confusione Juris Germanici antiquioris cum peregrinis devictarum gentium jurbus multum affligatur, uti aliquanto acerbius queritur Christ. Godofr. Hoffmannus *Specim. Conject. Polit. de origine & nat. LL. Germ. priv. &c. Cap. II. period. 3. §. 2. not. b.* ego quidem non video, cum, qua hodierna Jurisprudentia Germanica laborat, confusio ex mixtura potius Juris Canonici & Civilis Romani cum jure patrio recentiori oriatur, quam ex juribus illis antiquioribus patriis & peregrinis secum invicem commixtis, quæ utique Jurisprudentiæ hodiernæ circulos non multum turbant. Nec Germanos ego, uti viro huic erudito visum est, imprudentiæ ideo reos facerem, quod gentibus subactis legum patriarum usum reliquerint, cum non tantum insigne humanitatis argumentum sit, novi oneris

senſum aliqua imponendi tarditate temperare, ſed & eximium plane prudentiae artificium, ita gentium ſubactarum non corporibus ſed animis imperare, ut nulla vel exigua moris priſtini converſione facta ſe non tam victas quam voluntaria quadam novi imperii electione firmatas & erectas credant, eo aequiori animo laturae novum imperium, quo minus novum eſſe ſentiant; imo & alias ad tam mitis & placidi imperii reverentiam & ejusdem felicitatis conſortium ſuo exemplo invitaturae. Si victoribus & victis peregrina lingua diſcenda eſt, ut vulgaris ſententia docet, quis negabit, quandam cum peregrino more affinitatem non victis tantum, ſed & victoribus contrahendam eſſe?

§. VII.

Illae Jure
ſcripto;
hae non
ſcripto
uſae ſunt.

Quae in vetere patria ſubſtiterant gentes, eae, ſi a Francis diſceſſeris, jure conſuetudinario porro vixerunt, nec de iis ſcribendis, quamdiu ſui juris manſere, cogitarunt*: quum contra populi, qui extra Germaniam ſedes quaefiverant, adquiſita ſibi aliqua Latina loquendi ſcribendique facultate, paullo citius jura ſua litteris conſignarint. Ut adeo ab eo tempore gentium Germanicarum quaedam **IVRE SCRIPTO**, quaedam **NON SCRIPTO** uſae eſſe, animadvertamus.

* Exceptis Francis. Legis enim Salicae patriam in ipſa Germania magna (α) eſſe quaerendam, eamque prius litteris conſignatam quam Franci Rhenum tranſirent, plerique recte exiſtimant, ex eoque colligunt, legem illam antiquiſſimam primum Germanice ſcriptam fuiſſe, cujus authenticici Germanici reliquias eſſe gloſſas Malbergicas (β) exiſtimat Cl. Wachterus in *Gloſſar. Tom. II.*

p. 348. Sed quum Salii jam inde ab antiquissimis usque temporibus notitiam aliquam Latinae linguae habuerint, teste Venantio Fortunato *Lib. VI. Carm. 4.* & de lingua Francica adhuc suae aetatis conqueratur Odfridus Weissenburgensis in *Evang. praef. p. II. edit. Schilt.* eam scribi vix posse: multo profecto verosimilius est, legem quoque Salicam statim initio Latine (r) scriptam esse.

(a) De Patria Legis Salicae multae sunt eruditorum virorum disputationes. In Prologo Legis Salicae, quem Heroldina editio exhibet & Wendelinus, Lindenbrogius atque Eccardus Legi Salicae praefixam sistunt, & quidem Heroldus & Eccardus solam, Wendelinus vero & Lindenbrogius simul cum alia minore, quam ex Pithocana Legis Salicae editione acceperant, loca, quae originem Legi Salicae dederunt, nominantur *Salagheve, Bodogheve & Windogheve*, quasi diceres *Salagoviam, Bodogoviam atque Windogoviam, goviae* s. *gau, canton, pagi, regionis*, vocabulo ipsis nominibus locorum propriis juncto. Sed ubi terrarum haec loca inveniantur, in disceptationem venit. Wendelinus in *Natali solo Legum Salicarum* totus in eo est, ut id Brabantiae vindicet. Conringius de *O. J. G. c. 7. p. 28.* nomina illa omnia circa Moguntiam & Oppenheimium inveniri scribit; ita ut editor hujus operis Conringiani in notula textui Conringiano p. 27. inserta testetur, autorem non tantum disertis verbis margini exemplaris sui adscriptis, sed & in Epistola ad Reverendiss. Episcopum & Principem Paderbornensem VIII. ingenue professum, quod autores, quos pro se laudaverit in disputatione contra Wendelinum, loquantur de *Germania secunda soli Gallici*; quae epistola etiam in *duobus Syntagmatibus Epistolarum Helmst. 1694. editis p. 12.* reperitur. Schilterus noster *Praef. ad Leg. Sal. §. 4. Thes. Antiq. Tent. T. I. P. II.* distinguit in-

ter Legem Salicam primaevam, quam in transrhenana Germania, & auctam, quam in cisrhenana collocat, & quidem inferiore ad Salam fluvium. §. 5. & seq. Leibnitius de Orig. Francor. §. 17. Francos Salios inter Albim & Visurgim & Salageve sitam ad Salam fluvium non Thuringicum sed Franconicum, qui in dextrum Moeni latus prope Gemindam, hinc dictam, influat, ponit ib. §. 26. & sqq. Gundlingius Gundling. P. III. c. 2. §. 19. & sqq. haec loca omnia, quae in Prologo Legis Salicae nominantur in Wormationensi regione quaerit, atque vicos Salheim, vel hodie Saulheim, Bodenheim, Windheim atque Wisenheim, hodie Wisheim esse contendit. Cui Leibnitius respondit Gundlingian. P. VI. c. 4. Gundlingius vero & huic responsioni novam dissertationem opposuit Gundlingian. P. IX. c. 1. Eccardus vero in not. Salageve ad Prol. Legis Salicae plane hoc Legis Salicae natale solum intra fines Thuringiae vel saltem intra Albim & Salam Franconiae collocat. Missa operosiore illorum pagorum investigatione, quae sine multo fructu forsan institueretur, illorum sententiae subscribere liceat, qui patriam Legis Salicae ex ipsius Legis verbis erunt, quae in Tit. 49. de Filtortis, hoc est, qualiter homo furatas res intertiare debet, Edit. Lindenbrog. aut Tit. 50. de Filtortis, qui Salica lege vivunt, Edit. Wendel. ut & Eccardianae occurrunt: Si quis servum aut ancillam, caballum aut bovem, aut jumentum, aut quamlibet rem sub alterius potestate agnoverit, mittat eam in tertiam manum, & ille, apud quem agnoscitur, debet adramire; & si intra LIGERIM aut CARBONARIAM (aut citra mare; quae verba Heroldus, Wendelinus & Eccardus exhibent, Lindenbrogius vero atque Baluzius omittunt) ambo manent, & qui cognoscitur & apud quem cognoscitur, in noctes 40. placitum faciant &c. In fine tandem additur: Quod si trans LIGERIM aut CAR-

CARBONARIAM ambo manent, ille, apud quem res agnoscitur, in notis 80. lex ista custoditur. Carbonariam Belgii sylvam esse, partem Arduennae in Hannoniae atque Brabantiae confiniis sitam, probarunt H. Valesius in *Notitia Galliarum* & Wendelinus in *Natali solo Legum Salicarum* c. 10. quibus subscribit Struvius *Hist. Jur. c. 6. §. 3. in not. 2.* Circa Carbonariam Francos habitasse docent Annales Metenses ad an. 687. *Pipinus filius Ansegisli, nobilissimi quondam Francorum Principis suscepit Principatum Orientalium Francorum: erat ei gloriosa genitrix, cunctis laudibus digna, nomine Begga, filia Pipini praecellentissimi quondam Principis, qui populum inter Carbonariam sylvam & Mosam fluvium & usque ad Frisonum fines vastis limitibus habitantem iustis legibus gubernabat &c.* Quod ad Ligerim fluvium attinet, eum utique non Ligerim Galliae, sed *Leferem* quatuor miliaribus ab *Augusta Trevirorum* fluentem interpretatur Baluzius, quod eum *Ligerim* vocari in praecepto Dagoberti Regis pro Ecclesia Trevirensi deprehendat. Ergo Franci, Salica lege viventes, intra Carbonariam & hanc *Leferem* sedes habuerunt jam tempore latae Legis. Quomodo autem haec, quae de situ terrae Salicae inter Carbonariam sylvam & Ligerim amnem in ipsa lege dicuntur, ad Ripuarios restringi possint, quorsum ea tradit Eccardus in not. ad d. l. ego quidem non video, cum manifesta distinctio inter eos, qui intra *Ligerim* aut *Carbonariam* manent, qui mitius habentur in Lege, & eos, qui *trans Ligerim* aut *Carbonariam* manent, in quos lex durior est, illos quidem indigenas ratione Legis Salicae, hos vero extraneos non obscure designet, praesertim si cum inscriptione, quam ipse Eccardus exhibet, de *Filtortis*, qui SALICA LEGE vivunt, conferatur. Quod vero haec verba a nobis allegata non primaevae illius Legis Salicae sint, sed ex augmen-

tis, quae Francorum Reges postea addiderunt, illi Legi demum accefferint, Schilterus quidem l. c. ingeniose asserit, nullo tamen satis firmo argumento probat.

- (β) *Mallus* s. *Mallum* Wendelino est *Conventus juris dicundi causa* congregatus, *Berg* vero *receptaculum ac tutamen adversus tempestatum injurias*, itaque *Mallobergum*, *Malbergum*, *Malbergium* ipsi est *amplus locus, in quo conventus juris dicundi celebratur* s. *diversorium*, habendo *Mallo*, si illo tempore *coelum sit inclemens*, destinatum. v. *Wendelini Glossar. Salic. vocum Atuat. v. Mallus, Berg, Mallobergum, & Nat. fol. LL. Salic. c. 16.* Schilterus vero *Praef. ad L. Sal. §. 8.* *Mahlberg* non de certo loco, sed de Jure eoque Provinciali, quod & *Landeva*, hodie *Landrecht* vocatur, intelligit, eique *Burgositto*, id est, *Burgsitten* vel *Stattrecht* opponi docet. Per Glossas autem Malbergicas intelligimus voces antiquas Salicas textui Latino Legis Salicae passim & ducentis fere locis insertas, praeposita semper vocula *Malb. Malber. Malberg.* Heroldus, Wendelinus, Schilterus, Eccardus textum cum glossis Malbergicis exhibent, Lindenbrogius atque Baluzius glossas has omittunt. Has itaque Wachterum habuisse pro reliquiis ipsius Legis Salicae patrio sermone primum scriptae, tunc vero paulatim oblivioni mandatae, cum ipsa Lex in Latinum sermonem versa esset, scribit hic Heineccius, cui sententiae jam favet Schilterus l. c. §. 7. Optime vero omnium rem exposuisse videtur Jo. Guil. Hoffmannus; quod nimirum Glossator inseruerit has glossas, tanquam *voces plebejas & communi usu populi jactatas*, quae Latini sermonis rudibus, quid quaque Legis parte comprehendatur, quodammodo indicarent; *Observ. Jur. Germ. L. I. c. 1.* ubi etiam merita eorum, qui Glossas Malbergicas attigerunt, magno acumine discernit, iisque ipse per omnia *Observatio-*

vationum capita uberrimam lucem felicissime affundit.

- (v) Qua lingua primum Lex Salica scripta sit, Francica, an Latina, dubitatur. Dad. *Alteserra Rer. Aquitan. L. III. Schilterus in Praef. ad Jus F. A. §. 13. & in Praef. ad L. Sal. §. 7. Thes. T. I. P. II. Leibnitius de Orig. Franc. §. 29. Christ. God. Hoffmannus Spec. Conj. Pol. &c. C. 2. Period. III. Sect. I. §. 2. not. b.* pro vernacula lingua pugnant, quia 1. Franci tum temporis Romana s. Provinciali lingua nondum videntur usi. 2. licet forsan characteribus & figuris literarum tum adhuc caruerint Franci, non tamen vero videtur simile, eos in illa rerum simplicitate Leges, omnibus scitu necessarias, alio quam patrio omnibusque usitato sermone, notis literarum Latinarum forsan expresse, scripsisse. 3. Odium, quo Franci ferebantur erga Romanos, non videtur illos invitasse, ut horum lingua etiam in publicis negotiis uterentur. 4. Licet viri Ecclesiastici, Latino sermoni maxime affueti, videantur ejus usum passim suis consiliis introduxisse ac promovisse, id tamen usque ad tempora Legis Salicae non videtur ascendere. 5. Multitudo vocum Francicarum Latino textui insertarum videtur ostendere, hunc non esse authenticum ipsius Legis textum, sed ex altero antiquiore & vernaculo translatum & adjectis ex authentico patrii sermonis vocibus illustratum. Quod Lex Salica Latino sermone statim ab autoribus suis scripta sit, defendunt Hertius *Not. Regni Franc. c. 5. §. 31. Conring. de O. J. G. c. 2. Thomaf. Delin. Hist. Jur. §. 82. Beycr. Pos. ad ff. Tit. de O. J. §. 344. Brunquell. Hist. Jur. P. IV. c. 2. §. 3. Struvius Hist. Jur. c. 6. §. 3. n. 5.* Rationes praecipuae hae sunt: 1. Salii in Germania cisRhenana inferiore ante Clodoveum inter Francos eminuerunt peritia Latinae linguae & morum Romanorum, quod Hertius

tius *ib. c. i. §. 10.* probare conatur. 2. Franci-
tum non tantum propriis litterarum characteri-
bus carebant, sed ne suae quidem linguae voces
alienis literis exprimere poterant. Fatemur ul-
tro, nos vocibus illis Francicis in Latino Legis
Salicae textu frequenter occurrentibus praecipue
motos jamjam in partes eorum transituros fuisse,
qui Legem Salicam Francico sermone primum
scriptam fuisse asserunt, nisi nos retinisset ulti-
ma pro Latino sermone allegata ratio, gravissimo
Otfridi testimonio suffulta. Hic sane qui Ludo-
vico Germanico Ludovici Pii filio Quatuor Evan-
geliorum versionem rhythmicam inscripsit, in
Praefatione ad Luitpertum, Archiepiscopum Mo-
guntinum, non tantum queritur de defectu cha-
racterum Theotiscorum, ipse Latinis in illo ope-
re usus, sed quod ejus linguae *barbaries adeo
inculta & indisciplinabilis sit, ut etiam in multis
dictis scriptu sit propter litterarum aut congeriem
aut sonoritatem difficilis.* Ex his, ut & iis, quae
in sequentibus per singula eundo uberius disserit,
sane apparet, linguam Theotiscam circa media
Saec. IX. tam parum adhuc cultam fuisse, ut nec
propriis nec alienis litteris, nisi difficillime, ex-
primi potuerit, adeo, ut *linguam hanc tanquam
agrestem habitam, a propriis nec scriptura, nec
arte aliqua ullis temporibus expolitam, dicat, mox
addens: nec historias suorum antecessorum, ut
multae gentes ceterae, commendant memoriae, nec
eorum gesta vel vitam ornant dignitatis amore.
Quod si raro contigit, aliarum gentium lingua,
id est, Latinorum vel Graecorum potius explanant;
cavent aliarum & deformitatem non verecundant
suarum.* Licet non negemus aliqua Theotiscae
linguae monumenta aetatem Otfridi praecedere,
ea tamen & rarissima sunt, & ultra Saec. VII.
vix ascendunt. Quis ergo jam Saec. V. nondum
longe progressi aetate crederet integrum corpus
Legum eo sermone scribi potuisse?

§. VIII.

Antiquissima tamen omnium videtur LEX Lex Sali-
lica.
SALICA (α), quae Salios, inter Ligerim & Carbonariam postea habitantes, obstrinxit. Eam *dictasse* primum dicuntur proceres gentis, *Wisogastus*, *Bodogastus*, *Salogastus*, & *Windo-gastus* *, emendasse vero postea *Chlodovaeus*, *Childebertus*, *Chlotarius*, *Carolus M.* & *Ludovicus Pius*. Vid. *Praef. Leg. Salic. Lindenbrog. Cod. leg. p. 346. sequ. Baluz. Tom. I. Capit. p. 17. p. 387. 606. Tom. II. p. 1060.* Ergo satis certum videtur, prima ejus stamina in Germania magna ante Chlodovaeum ducta, eamque postea subinde variis additionibus auctam esse. Unde diversissimae hujus legis editiones (β), cum glossa Malbergica, & sine ea, quas accuratissime inter se contulit, & ex antiqua lingua Germanica illustravit Ge. Eccardus, *Hanoverae 1719. fol.*

* Notum est doctorum de his hominibus locisque, unde nomen tulerunt, certamen, quod nostra memoria inter viros illustres Godofr. Guil. Leibnitium & Nic. Hier. Gundlingium aliquamdiu fuit. Sed conjecturae merae sunt, quas uterque profert, nec certius quidquam dici potest, quam Legem Salicam initio saeculi V. circa annum CCCCXXII. uti Sigebert. Gemblac. in *Chron.* ad illum annum statuit, in Germania Magna, & quidem, ut in *praefatione Corpori juris Germanici praemissa* luculenter ostendimus, in tractu, qui nunc Franconiae nomine venit, procerum suffragiis conditam, ac paullo post in scripturam redactam, postremo a Chlodovaeo & successoribus recognitam, variisque additionibus esse amplificatam (γ). (α) In-

(α) Inscribitur apud Lindenbrogium *Tractatus Legis Salicae*, apud Heroldum, Wendelinum, Baluzium, Eccardum *Pactus Legis Salicae*. Vocabulum *pactus* non tam Germanicae a *pacfen*, combinare, uti Hertius *Not. R. F. c. 5. §. 28.* existimavit, quam Latinae originis, ostendit eam Legem per modum conventionis a populo in Comitibus initae latam esse. Quod etiam innuit Prologus Legis, satis quidem antiquus, cum Francorum gentem *nuper* ad Catholicam fidem conversam dicat. Ex hoc itaque discimus, electos fuisse ex pluribus proceribus Gentis, *qui tunc temporis apud eandem erant*, Rectores hos quatuor ab Autore nominatos eosque trina deliberatione publica instituta tandem hoc opus perfecisse. Lata est, uti Prologus dicit, cum Francica gens *adhuc teneretur barbarie*, id est, paganismus, a cujus tamen reliquiis Legem postea purgarunt Reges Christiani. Lata, cum nullos adhuc Reges haberent Franci; Prologus enim, ubi de condenda Lege sermo est, *Procerum* quidem & *Reclorum*, nullam autem Regis mentionem facit. Nomen Legis *Salicae* alii cum Ottone Frisingensi *Chron. L. IV. c. 32.* a Salegasto inter quatuor autores nominato, alii a verbis initialibus multorum ejus Legis capitulorum *si aliquis, si aliqua*, praecipue cum etiam ipsa Lex saepius dicatur *Saliqua*, alii a *salibus* s. Sagacitate, alii a voce, *Gallica*, aliquot litterarum notis corrupta, alii a *Sala* s. *palatio* derivant. Optime Conringius ab ipso nomine populi Francorum, quos omnes aliquando *Salios* dictos fuisse probat, nomen Legis deducit, & in ipso gentis nomine *Salico* eandem, quam in nomine Francico libertatis significationem deprehendit, cum bona immunia & libera *Saalsfrenye Güter*, male quandoque *Sattelsfrenye Güter*, appellari constet.

(β) Duae supersunt Editiones, altera antiquior Heroldina, quam sequitur Wendelinus, & Schilterus,

terus, numero tamen & ordine titulorum ab Heroldo diversus, quae ex Codice MSCto Fuldensi excusa; altera, ut videtur, recentior & repetitae praelectionis, Tili, Pithoei, Lindenbrogii, Baluzii, Eccardi, ita tamen, ut hic etiam glossas Malbergicas inferat, quibus haec tamen repetitae praelectionis editio caret. Differunt haec editiones etiam numero Titulorum, Lindenbrogius tantum 71. titulos exhibet, quibus 72. addidit Baluzius, Heroldus & Wendelinus 80. titulos sistunt, Eccardus totidem titulos etiam computat, ita tamen, ut, ex Codice Guelferbytano Pactum Legis Salicae in plurimis ab Heroldino exemplari diversum subjungens, in eo post numerum 80. adhuc 13. alios numeros tanquam Librum 3. exhibeat, atque ita in universum 93. Schilterus vero plane centum Titulos sistit. Ita & Codex Gothanus, quem Ern. Sal. Cyprianus in *Catal. Cod. MSCtor. n. 54.* recenset, alium ordinem servat. Dissensus hujus ratio partim in eo consistit, quod Lex haec saepius aucta atque emendata fuerit, partim, quod vel negligentia vel audacia librariorum multa vitia irreperierint. Quod vero hic dissensus jam antiquissimus sit, indicat ipse Legis Epilogus: *sciendum est, quod in quibusdam Legibus Salicis inveniuntur Capitula principalia 65. in aliis 70. in nonnullis 80. etiam paulo plus aut minus. Sunt, qui habeant compositiones 358. ac etiam plus minusve.* Plura de hoc dissensu vide apud Struv. *Hist. Juris c. 6. §. 3. n. penult.*

- (2) Lex Salica, quae non una Lex est, sed corpus Legum in suos titulos & hos iterum in capita vel §§. subdivisos distinctum, pauca capita si excipias, in poenis criminum statuendis praecipue occupatur. Quam non ultimam sane Legis Salicae curam fuisse indicat Prologus Pithocanae editionis: *quia ceteris gentibus juxta se positae fortitudinis brachio praeminebant, ita etiam Legum aucta-*

auctoritate praeccellerent, ut juxta qualitatem causarum sumeret actio Criminalis terminum. Poenae etiam majorum delictorum pecuniae tantum aliqua jactura luebantur, sat quidem aliquando gravi, si paupertatem ejus seculi spectes. Quae corpus affligunt poenae, illae quidem nonnisi in servos statutae aut Romanos, qui illis non multo lenius habebantur a Francis. Quaestionis per tormenta, sed tantum contra servos instituendae, vestigia deprehendimus in *Tit. 42. al. 43.* Decreto Childeberti vero homicidii poena tandem capitalis facta; raro tamen observata, quod etiam Schilterus notat *Exerc. ad ff. 49. §. 114. & sq.* Eodem Decreto & suspendii poena introducta, ita tamen ut ea tantum in *debiliores*, quo vocabulo peregrini fere notari videntur, statuta sit. v. Chr. God. Hoffmann. *Spec. Conj. Pol. c. 2. per. 3. sect. I. §. 4.* Aliqua etiam Juris Romani vestigia in *Tit. 14. c. 16.* deprehendimus, ubi pars Interpretationis *L. 3. Cod. Theod. de Incest. Nupt.* occurrit, uti Bignonius ad *L. Sal. b. l.* observavit. Egregie huc faciunt verba Agathiae de *Imp. & R. G. Justin. L. I. p. 7.* dicentis: *Sunt enim Franci non campestres, ut fere plerique barbarorum, sed & politia ut plurimum utuntur Romana & Legibus iisdem, eandem etiam contractuum & nuptiarum rationem & divini Numinis cultum tenent.* Quae, licet paulo liberalius dicta, aliquam tamen Romani Juris consuetudinem Francis fuisse ostendunt.

Communem Legis Salicae usum diu superfuisse plura exempla docent. Et quidem Sec. XI. Sigonius de *R. J. L. 8. p. 183.* Mathildem Comittem professam esse *Legem Salicam* asserit. De Sec. XII. testatur Otto Frising. *Chron. L. IV. c. 32.* Baluzius denique in probationibus Historiae Bressanae *p. 5. & 215.* eam non tantum an. 1185. sed & 1290. adhuc apud Lugdunenses & Friburgios in usu fuisse docet. v. Struv. *Hist. Jur. c. 6. §. 3.*

§. IX.

Non una, sed duabus, legibus usos esse Ripuaria. Francos, jam Eginard. in *Vit. Car. M. Cap. XXIX.* observavit. Id vero non de duabus legis Salicae editionibus (α), quod Hermano Conringio de *Orig. Jur. Germ. Cap. VII.* visum, intelligendum, sed de lege SALICA & RIPVARIORVM, a Ripuariis, qui inter Rhenum, Scaldim & Mosam confederant*, dicta, quae etiamnum exstat apud Bas. Heroldum & Lindenbrogium, & paullo post Salicam (β) condita, & a Theoderico, Chlodovaei filio, in scripturam redacta videtur, aucta postea a Dagoberto Rege. *Praef. Leg. Bajuvar.* apud Lindenbrog. p. 399. Baluz. *Tom. I. p. 989.*

* Multo post tractus terrae haud exiguus ad Ruram nomen pagi Ripuariorum vel Ribuariorum (γ) retinuit, ceu cum ex aliis monumentis, tum ex Traditionibus Werthnensibus a Leibnitio T. I. *Scriptor. Rer. Brunsv.* editis patet. De eo plura Auctor reverendissimus *Prodromi Chronici Gotvicensis Lib. IV. p. 749.*

(α) En verba Eginhardi, dissidii causam suppeditantia: *Franci duas habent Leges plurimis in locis valde diversas.* Horum verborum plerique hunc esse sensum existimant: Hujus populi, qui communi Francorum nomine venit, illa pars, quae Salicam terram incolit, Saliorum nomine ornatur & Salica Lege utitur; quae vero Ripuariam regionem colit, Ripuariorum nomine gaudet & Legem Ripariam agnoscit, quae cum altera non in omnibus suis partibus consentit. Conringius alium plane horum verborum sensum eruit, nempe

pe omnem Francorum populum una tantum *Lege*, nimirum *Salica*, regi. Cumque *Legis Salicae Codex MSCtus Fuldenfis*, quo usus est *Heroldus*, non in omnibus consentiat cum eo, quo usus est *Tilius*, *Pithoeus*, *Lindenbrogius*, verba *Eginhardi* de his diversis ejusdem *Legis Salicae* exemplaribus intelligenda esse contendit. Hujus sententiae *Conringius* has allegat rationes. 1. Cum *Eginhardus* non subjungat, *Carolus* voluisse omnia emendare & *discrepantia unire*, pauca tamen capitula tantum addidisse, illa autem soli *Legi Salicae*, non alii, addita appareant, sequitur *Eginhardum* de *Ripuarie Lege* nequidem cogitasse. Cum 2. *Ripuarii* in *Legibus Salicis* semper a *Francis* distinguantur, 3. disertis verbis *Franci* inter *Ripuarios* advenae dicantur, *Tit. 36. L. 1. 4.* *Franci* in *Ripuario* pago suis *Legibus* judicari jubeantur, *Tit. 31. L. 3.* non poterit *Lex Ripuarie* pro altera *Francorum lege* haberi. Sed ab hac sententia plerique merito divortium faciunt, cum *Eginhardus* disertis verbis duas *Francorum Leges*, non tantum ejusdem *Legis* diversa exemplaria dicat, & quae extant, *Heroldina* atque *Lindenbrogiana* editiones non adeo dissentiant, ut duae plane diversae *Leges* dici possint, e contrario vero collatio *Legis Ripuarie* cum *Salica* clarissime ostendat, duas esse *Leges* secum invicem omnino non confundendas. Dubiis vero *Conringii* respondetur 1. Utique apud *Baluzium* extat *Caroli Capitulare* quartum anni 803. *de Lege Ripuariense* 2. ex eo, quod duarum regionum incolae diversis juribus privatis regantur, non sequitur, eos non ejusdem populi partes esse, & sub communi populi v. g. *Francici* nomine comprehendi; cum praecipue *Legis Salicae Tit. 49. al. 50.* *Francos* distinguat in eos, qui *intra Ligerim & Carbonarium manent*, & eos, qui *trans Ligerim & Carbonarium manent*. Ad 3. & 4. vero regeritur, inde se-

qui

qui tantum, Ripuarios aliis Legibus usos, quam caeteros Francos, minime tamen evinci, eos sub generali nomine Francorum non comprehendi. v. Struv. *Hist. Jur. c. 6. §. 3. n. 8.* Hoffmann. *Spec. Conj. Pol. c. 2. per. 3. sect. 2. §. 1. n. d.*

(^s) Lex Ripuaria saepe non tantum mentem, sed & verba Legis Salicae refert, adeo ut Wendelinus *Nat. Sol. LL. Sal. c. 10.* fateatur, legem Ripuariam a Salica descendere ac plerisque in locis totidem verbis esse exscriptam. Lex Ripuaria paulo tamen asperiores quandoque, quam Salica poenas & quidem capitales statuit, si fides Regi non praestita fuerit *T. 29. c. 1. T. 60. c. 6.* ita & in furto *Tit. 79.* Judicii duellici & probationum vulgarium usus frequentior hac lege redditur. Illud maxime notandum, quod *Tit. 37.* praecipue inter dotem & Morgen- gabam diligentius distinguatur, & hujus jura satis distincte definiantur. Nec hoc sane omittendum, quod Ripuaria Lex Romanis aequior, quam Salica fuerit, adeo ut argumentum inde non vanum deducat Eccardus *in Not. ad Inscript. Legis Ripuar. p. 208.* multo plures Romanos in Ripuariis quam alibi superfuisse & suis Legibus vixisse.

(^v) De situ hujus pagi Ripuarianorum multa egregia congeffit Eccardus *in notis ad Inscript. Legis Rip. p. 207.* & sq. ubi ex verbis annalium Bertinianorum *ad an. 839.* Comitatum Condorusto, inde per cursum Mosae usque in mare Ducatum Ripuarianorum, Wormatzfelda, Sperobgouni, Ducatum Helisatiae &c. concludit, Ripuarios Wormatiensibus & Spirensibus Alsatieque vicinos videri.

§. X.

Initio saeculi sexti Burgundionibus, qui Burgun-
in Alpius Grajis, Viennensi prima, Lug- dionum.
V v dunensi

dunensi prima & quinta, provinciis potissimum confederant, leges ex procerum sententiis dedit Gundobadus Rex, a quo & ipsa lex GVNDOBADAE (α) nomen accepit. Gregor. Turon. *Hist. Franc.* II, 33. *Praef. Leg. Burgund. apud. Lindenbr.* p. 266. Plura tamen adjecisse videtur Sigismundus (β), cui ideo hae leges tribuuntur in Codicibus MSSC. Valuit ea & everso Burgundionum regno. Capit. Caroli M. anno DCCCXIII. Quod odio religionis Arianae adeo momordit Agobardum*, ut singularem librum *adversus legem Gandobadi, & impia certamina, quae per eam geruntur*, scriberet, qui occurrit Tom. II. Op. p. 107.

* At ea in re non erat, quod Burgundionibus exprobrarent Franci, quum hi impia ista certamina non minus, quam Burgundiones probarent (γ). Vid. Capit. Lib. III. Cap. 46. Si vero Agobardus generatim damnavit singularia ista certamina: pie quidem & recte sensit, sed non debuit sibi solos Burgundiones eligere adversarios. Fatendum tamen est, Agobardum inter primos agnovisse certaminum illorum impietatem. Exstat enim ejus libellus *contra judicia Dei* ibid. p. 301.

(α) Gundebaldum Leges Burgundionibus dedisse disertis verbis scribit Gregor. Turon. *Hist. Franc.* L. II. c. 30. Ipsius Legis inscriptio Gundebaldum autorem facit: *Vir gloriosissimus Gundebaldus Rex Burgundionum*, & mox: *In Dei nomine anno secundo Regni Domini nostri Gloriosissimi Gundebaldi Regis*. Inde ipsi Legi nomen Gundebadae in Legibus Longob. L. II. T. 55. §. 22. & Gundobadae apud Agobardum l. c. Hinc Burgundiones ipsi, quando Legum ad eos spectantium

tium mentio in Capitularibus fit, *Gunthbadingi in Cap. an. 704. c. 43. Gundebodangi in Cap. Aquisgr. an. 789. c. 62.* appellantur. Hoc itaque Legis corpus, quod Legis Gundobadae nomine venit, vulgo *Les Gonibettes*, Gundebaldum ipso anno Christi quingentesimo, certe non post hunc annum, promulgasse probabili conjectura assequimur. Constitutio, quae apud Lidenbrogium *Legis Burgund. Tit. 52.* occurrit, atque aliam ejusdem Regis, antea latam, corrigit, dicitur *data sub die IIII. Kalendas Aprilis Agapito consule.* Hic Agapitus a viris doctis & praecipue *Conring. de Orig. Jur. Germ. c. 6.* non sine ratione, cum alius hujus vel affinis nominis circa ea tempora in Fastis non occurrat, creditur esse *Hippatius*, vel *Hypatius*, qui anno quingentesimo Consul in Oriente fuit, cum nullus esset in Occidente Consul, & hinc annus ille Orientalis Consulis nomine etiam apud Occidentales facile notari potuerit. Ipsa Legis Gundobadae Inscriptio eam etiam *IIII. Kal. Aprilis* promulgatam indicat. Ita ut Constitutio, quam Titulo 52. insertam videmus, eodem die, quo totum Corpus Legis Gundobadae promulgatum est, nempe *IIII. Kal. Aprilis A. Chr. 10.* & ipsa lata, illique corpori inserta fuisse videatur. Regeri quidem forsitan posset, quod haec Constitutio aliam ejusdem Gundebaldi Legem antiquiorem emendat, adeoque corpore Legis Gundobadae, cujus partem illa Lex abrogata sine dubio jam fecerit, recentior, & hinc ipsum Juris Burgundici Corpus ante quingentesimum annum necessario editum sit. Augetur haec difficultas eo, quod & *Tit. 42. & 45.* duae Constitutiones, quibus aliae antiquiores emendantur, occurrant, ambae ad ann. vel 501. vel 502. referendae, cum Avieno Consule datae sint, & an. 501. Avienus Senior, an. 502. vero Avienus Junior in Fastis legatur. Ex quo sponte sua sequi videtur, quod hae Con-

stitutiones, post corpus Legis Gundobadae compositae, & in locum aliarum antea ipsi insertarum surrogatae sint. Quod argumento est alteram etiam, quam jam an. 500. latam diximus, Corpore Juris Burgundici etiam recentiore ipsique antea jam composito demum per modum emendationis insertam, illudque ita Corpus ante annum Christi quingentesimum promulgatum esse. Huic quidem sententiae ego sane non multum refragarer, cum ea saltem id, quod praecipuum meae assertionis caput est, nempe Corpus Juris Burgundici saltem non post annum 500. promulgatum esse, fatis superque confirmetur. Verum ne his quidem argumentis evincitur, Legem Gundobadam quingentesimo anno esse antiquiorem. Quamvis enim Constitutio Tit. 52. de an. 500. aliam emendet antiquiorem, haec tamen antiquior sine dubio intelligenda erit de Lege quadam jam ante corpus Juris Burgundici promulgatum in ea gente lata. Et sane ante hoc Corpus compositum jam aliquas inter Burgundiones Leges fuisse tam ab antecessoribus Gundebaldi, quam ab ipso latas, non tantum probat ipsa Inscriptio Legis Gundobadae; qua dicitur *Liber Constitutionum de PRAETERITIS & praesentibus atque in perpetuum conservandis Legibus*, sed & ipsa Lex Tit. I. c. I. §. I. ubi ad praecedentes *dominantium Leges* provocatur, ut & Tit. 43. §. I. ubi Gundebaldus Legem suam *de superioribus temporibus* datam allegat.

(β) Legi Burgundionum s. Gundobadae subjiuntur duo Additamenta, alterum quidem majus 20. titulorum, alterum vero minus 13. §§. quae viri docti a Sigismundo addita esse, & ideo in MSCto Codice ipsum Legis autorem dici conjiciunt. v. Hertius *Not. Vet. Germ. pop. P. II. c. 6. §. 7.* Conring. *de O. J. G. c. 6.* Struv. *Hist. Jur. c. 6. §. 4.*

(γ) Lex Gundebada non in eo magis peccavit, quam Francorum Leges, quod usum judicii duellici

ellici aliquem admiserit, in quo sane consentientes habet Francorum Leges, uti jam praecedente §. de Ripuaria Lege notavimus, quod illa frequentiore duellorum usum reddiderit; adeoque in hoc quidem non magis illi, quam his succensere potuisset Agobardus. Verum Leges Francorum probationem per duellum tantum in subsidium fere deficientium aliarum probationum, adeoque aliqua quasi ex necessitate admittunt, Lex Gundobada vero illam tanquam probationem ordinariam, imo aliis probationibus ordinariis v. g. juramentorum praeferendam agnoscit v. *Leg. Burgund. T. 45.* & hac quidem ratione, propter abusum nempe subsidiariae probationis, etiam Franco bilem movere potuit.

Caeterum Lex Gundobada ideo maxime notanda; quod I. mitior sit in Romanos, quam Leges aliarum gentium ejus temporis, cum eos aequali plane loco cum Burgundionibus habeat. Rationem indicat Gregor. Turonens. qui *Hist. Franc. L. II. c. 33.* de Gundobaldo loquens, sub finem: *Burgundionibus*, ait, *leges mitiores instituit, ne Romanos opprimerent*, quod non tam ex aequitatis studio, quam ex foederis lege, qua Romanis obstringebatur, eum fecisse bene conjicit Hoffm. *Spec. Conj. Pol. C. 2. per. 3. Sect. 5. §. 3.* sub Romanis autem hic non tantum illi, qui ipsa sua origine Romani dicuntur, sed & indigenae Galli, qui eas regiones, quas Burgundiones occupaverant, jam ante horum adventum incolebant, intelliguntur, quippe qui jam per Constitutionem Antonini Caracallae, qua omnibus sub Imperio Romano viventibus jus civitatis Romanae datum est, Romani cives effecti, etiam labentibus Imperii Romani rebus nomen Romanorum conservarunt, & in illis legibus iis, qui nomine honoris, non contumeliae, tum Barbari dicebantur, id est, ipsis populis victoribus opponuntur, quod observarunt jam Schurtzfleisch. *Lenun. Ant. Franc.*

§. 17. Hertius *Not. Vet. Germ. Pop. P. III. c. 6.*
 §. 5. Christ. God. Hoffmann. *Spec. Conj. Pol. c.*
2. per. 3. sect. I. §. 4. n. e. & maxime Celeberrimus Schoepflinus *noster in Burgund. cis- & trans-Jurana. Comment. Hist. & Crit. p. 222.*
 II. Quod illa non tantum in Romanos sed & omnes in universum hospites aequissima sit v. *Tit. 38. c. 1. §. 3.* Nec quenquam in contrarium sensum trahat *Tit. 39. c. 1. quicunque hominem extraneum cujuslibet nationis ad se venientem susceperit, discutiendum judici praesentare jubetur, ut, cujus sit, tormentis adhibitis fateatur,* quod saevitiam magis quam humanitatem in hospites probare videtur, quorsum haec etiam accepisse videtur Hoffm. *l. c. n. a. in f.* Hoc enim nonnisi de servo fugitivo & incerto intelligendum esse, ipsa verba allegata, *cujus sit,* satis probant & c. 2. uberrime ostendit, cum his ipsis verbis antea allegatis haec statim jungantur: *quod qui intra septem dies non fecerit, & a DOMINO agnitus fuerit is apud quem SERVVS inventus, ad triplam solutionem pretii ipsius teneatur &c. conferantur etiam c. 3. 4. §. 5.* III. Quod multa ex Jure Rom. recepisse videatur, quod vel ipsae testamentorum solennitates *Tit. 43. c. 1. admissae testantur. v. Brunquell. Hist. Jur. P. IV. c. 2. §. 14. Hoffmann. l. c. & quae huc etiam de restitutione minorum Tit. 87. c. 3. de manumissione T. 88. c. 2. trahit Heinecc. infra §. 14. quae saltem vestigia quaedam Juris Romani ostendunt.* IV. Quod severiores, quam aliae ejus temporis Leges, poenas statuatur, & quidem capitales homicidis *T. 2. c. 1. 3. 4. adulteris aut maritum malitiose deserentibus Tit. 34. c. 1. sollicitatoribus & furibus Tit. 4. iudicibus & militantibus, id est, advocatis, qui aliquid praemii vel commodi nomine a qualibet parte sperent aut praesumant accipere. v. Constitut. Gundebaldi praefixam Legi Burgund. In eo tamen justo sane durior,*

rrior, quod, *si ingenua puella voluntarie se servo conjunxerit, utrumque occidi jubeat, Tit. 35. c. 2.* quodque furum uxores vel filii 14. annis majores, si mariti aut parentis crimen non detulerint, servituti addicantur.

§. XI.

Ita & OSTROGOTHIS, qui in Italia regnarunt, EDICTVM satis prolixum primus proposuit THEODORICVS (α) Rex, quod etiamnum existat apud Lindenbrog. *in Cod. leg. p. 239. sequ.* quamvis & plura alia ejusdem generis Cassiodorus *in Variis* servavit, quae aequae, ac illud majus, non jus Gothorum sincerum, sed ex Romano jure ubique interpolatum, sistunt*. Paulo plus princeps moris inest LEGIBVS WISIGOTHICIS (β), quas primum Euricus Rex anno erae Hispanicae DIV. id est, an. Chr. CCCCLXVI. scripsit, successores vero, & in primis Legivildus recognovit ac correxit, quum antea tantum moribus & consuetudine tenerentur. Isidor. *in Chron. Goth. ad ann. 504. & 608.* Lex ea primum locum occupat in Codice Lindenbrogiano: quamvis Codicem MSC. multo locupletiore, & aliquando ab editione Lindenbrogiana diversum, servet instructissima Illustris Cancellarii nostri, IO. PETRI A LVDEWIG bibliotheca.

Ostrogothorum & Wisigothorum.

* V. C. Struvius *in Hist. Jur. V, 4. p. 355.* leges antiquissimas Gothorum memorare ait Jornandem *de Reb. Get. Cap. XI.* quarum auctor fuerit Dicceneus aequalis L. Sullae philosophus. *Hic enim*

inquit, *cernens Gothorum animos sibi in omnibus obedire, & naturale eos habere ingenium, omnem paene philosophiam eos instruxit, erat enim hujus rei magister. Nam Ethicam eos erudit, ut barbaricos mores ab iis compesceret: Physicam tradens, naturaliter PROPRIIS LEGIBVS vivere fecit, quas usque nunc conscriptas, BELLAGINES nuncupant. Logicam instruens, eos rationis supra ceteras gentes fecit expertas, cetera. Sed nemo non videt, BELLAGINES istas non fuisse leges politicas, quibus respublica regeretur, sed diaeteticas & phyficas, ad quas Gothi in cibo, potuque & tota vitae ratione sese componerent. Et nescio sane, an non vocabulum istud sit a Germanico *Wohlbehagen*, Belg. *Welbehagen*, quod sanitatem vel commodam valetudinem significat, ad quam tuendam comparatae erant illae bellagines.*

- (a) Theodoricus Theodemiri Ostrogothorum Regis filius, firmandae pacis inter Marcianum Imperatorem & Ostrogothos pignus, Constantinopolin ideo ductus, ibi educatus a Leone, qui Marciano successerat, multis paterni plane affectus testimoniis ornatus, libertatique postea suisque restitutus, susceptoque post Theodemiri mortem paterno regno a Zenone Leonis successore, Constantinopolin ut veniret, invitatus, ab ipso maximis honoribus cumulatus, & plane per arma adoptatus, tandem etiam eo annuente Italiam ingressus, victoque Odoacro Herulorum Rege, regnum Ostrogothorum in Italia adeptus, & in eo ipsius autoritate firmatus non potuit non dignitatem Romani Imperii venerari, ejusque institutis & Legibus, quibus a teneris imbutus & perpetuo usu assuefactus erat, impensius favere. Quod sane Theodoricus annuente, suadente, hortante Zenone Italiam petierit, Odoacrum vicerit, Regnum Italiae sibi acquisiverit, praeter Jornandem & Ennodium, quos studium in gentis suae principem

cipem suspectos reddere posset, disertis etiam
 verbis testantur Procop. *de B. G. L. I.* Agathi-
 as *L. I.* Inde suum erga Romanas Leges studium
 passim impense testatur. *Delectamur Jure Ro-*
mano vivere. v. Cassiodori *Var. L. 3. c. 43.* Plu-
 ra testimonia dabunt Jac. Godofr. *Prolog. ad Cod.*
Theodos. c. 3. Giannone *Hist. de Naples L. 3. ch. 2.*
 Hinc plura ex Constitutionibus Theodosiani Co-
 dicis & Novellis Valentiniani in varia Edicta
 Theodorici, a Cassiodoro conservata, transierunt,
 quorum indicem bene longum ibidem exhibet
 Godofredus. Vnde etiam Gelasius P. R. apud
 Ivonem *Decr. P. 4. c. 180.* de Theodorico testa-
 tur, *quod Leges Romanorum Principum in nego-*
tiis hominum custodiendas esse praeceperit. Qui
 textus etiam apud Gratianum occurrit *Dist. 10.*
can. Certum. 12. Inde ipsum Edictum Theodo-
 rici, quod propter eminentiam prae aliis, no-
 men hoc quasi proprium accepit, & 154. capituli-
 bus constans a Lindenbrogio exhibetur ac inter
 Cassiodori opera extat, Leges Romanas, id est,
 Codicem Theodosianum & Novellas Theodosii
 & Valentiniani omnibus fere capitibus loquitur,
 & si c. 56. § 61. & alia pauca severitatis Gothi-
 cae argumenta excipias, totum fere Romanum
 est. Unde ipse tandem Edicti sui c. 154. id fa-
 tetur: *Nec cujuslibet dignitatis, aut substantiae*
aut potentiae, aut cinguli vel honoris persona con-
tra haec, quae salubriter statuta sunt, quolibet
modo credat esse veniendum, quae ex Novellis
legibus ac veteris juris sanctionibus pro aliqua parte
collegimus. Sane, quod Theodoricus nihil omni-
 no voluerit detrachere auctoritati Juris Romani,
 ipse fatis indicat in *Prooemio Edicti*, ubi se Edi-
 ctum hoc promulgare dicit *salva Juris publici*
reverentia, & legibus omnibus cunctorum devo-
tione servandis. Et ne quis putet, hanc Romani
 Juris observandi necessitatem inculcari tantum
 Romanis sub Theodorici imperio viventibus, Go-

this patrio Juri relictis, nemo melius hoc dubium animis eximit, quam Theodoricus ipse, qui apud Cassiodorum *Var. Lib. 3. c. 13.* Sunhivado (al. Januario) *sublimi correctori cujusdam provinciae ad jurgia finienda* misso, quem praesidem Samnii fuisse contextus Rescripti satis indicat, disertis verbis hanc officii regulam praescribit: *Intra provinciam Samnii, si quod negotium Romano cum Gothis est, aut Gotho emerſerit aliquid cum Romanis, LEGVM consideratione definies, nec permittimus, in discreto jure vivere, quos uno voto volumus vindicare.* Illud tantum Gothis permittit Theodoricus, ut si quae lis oriatur Gothis cum Gothis, illa a iudicibus, quos ipsis per singulas urbes constituerat, ad normam Edictorum suorum, parum tamen a Romano Jure, uti ostendimus, abeuntium definiretur; judiciis omnibus, ubicunque Romanus vel actoris vel rei partes tueretur, Romanorum magistratui unice fere relictis; quam limitationem officii Judicum formulae Comitivarum, a Cassiodoro *Var. Lib. 7. exhibitarum* passim loquuntur, maxime autem ejusdem *Libri c. 3.* probat, ubi in formula Comitivae Gothorum per singulas (al. diversas) provincias, de Comite instituto ad litem inter duos Gothos amputandam dicit, se Comitem destinare, qui secundum Edicta inter duos Gothos litem debeat amputare. Quid quod tantum Theodorico fuerit conservandorum Romanorum morum studium, ut eandem regiminis formam, eosdem fere magistratus, eandem provinciarum divisionem, eadem rerum personarumque jura, quae sub Romanis fuerant, studiose conservaverit, quod luculentis testimoniis probavit Giannone *Hist. de Naples T. I. Liv. 3. chap. 2. p. 214-229.* qui in hac causa apprime consulendus. Studium suum imitandi Imperatores Romanos Anastasio Imperatori ipse Theodoricus luculenter probare conatur, ita Imperatorem allocutus: *Vos estis regno-*

rum omnium pulcherrimum decus, vos totius orbis salutare praesidium, quod caeteri dominantes jure suspiciunt, quasi in vobis singulare aliquid inesse agnoscunt, nos maxime, qui divino auxilio in republica curam didicimus, quemadmodum Romanis aequabiliter imperare possumus. Regnum vestrum, imitatio vestra forma est boni propositi, unici exemplar imperii, qui, quoniam vos sequimur, tantum alias gentes anteimus. Hortamini me frequenter, ut diligam senatum, LEGES PRINCIPVM gratanter amplectar, ut cuncta Italiae membra componam. Quomodo potestis ab Augusta pace dividere, quem non optatis a vestris moribus recedere. Idem studium ipsi ad extrema usque permansit adeo, ut illud & post mortem inter superstites conservaturus, jam morti vicinus Comitibus suis in mandatis dedisse a Jornande de Reb. Get. c. 59. dicatur: ut Senatum populumque Romanum amarent, Principemque Orientalem placatum semper propitiumque haberent. v. Ritterum ad Jac. Godofredi Proleg. Cod. Theod. c. 3. Eadem cura, idem studium, eadem instituta Athalarico successor, quae fuerant Theodorico. Quod fufe probant, quae in Libro Var. 8. & sqq. a Cassiodoro plena manu exhibentur Athalarici R. acta, rescripta, edicta, egregie his studiis ab Amalesventa matre & nutrice imbuti. Communionem sane Juris inter Romanos Gothosque aperte docet Athalarici Regis ad Senatum Urbis Romae epistola apud Cassiod. Var. L. 8. c. 3. in cujus medio haec leguntur: *Justitiam nos & aequabilem clementiam, quae populos nutrit, juvante Domino custodire, & Gothis Romanisque apud nos Jus esse commune, nec aliud inter vos esse divisum, nisi quod illi labores bellicos pro communi utilitate jubent, vos civitatis Romanae habitatio quies multiplicat.* Sequentes Ostrogothorum per Italiam Reges, perpetuis turbis & bellorum motibus im-

mersi,

merſi, de Legibus novis ferendis & Juris communis forma mutanda non videntur cogitaſſe, & quam lentos, imo nullos, in Regno Oſtrogothico progreſſus Corpus Juſtinianearum Legum facere potuerit, ſupra *L. I. §. 409.* ſatis jam a nobis demonſtratum eſt. Nec quenkum moveat, quod modo a nobis aſſertum eſt, Oſtrogothorum Regum in colenda cum Imperatoribus amicitia Legibusque Romanis recipiendis ſtudium, quod & ultimos Oſtrogothorum Reges ad leges Juſtinianearum recipiendas inducere debuiffet. Ad prima Oſtrogothici Regni tempora, quibus mutua amicitia, & tranquilla pace ſe invicem excipiebant Gothi Romanique, referendum, ab ultimis vero his temporibus, quibus perpetua cum Juſtiniano inimicitia in turbas, bella & clades exarſit, omnino alienum eſt.

- (β) Non idem Viſigothis, quod Oſtrogothis fuiſſe diximus, Romanarum, imo quarumcunque Legum, ſtudium fuit. Ipſe Athaulfus Viſigothorum Rex apud Oroſium *L. VII. c. 29.* teſtatur, *Gothos nullo modo parere legibus poſſe propter effrenatam barbariem*, ubi tamen quaſi invitis & reſiſtantibus Gothis leges Romanas obtrudere videtur, *ſine quibus*, ut ait, *reſpublica non eſt reſpublica*, unde dicit ſe elegiſſe ſalutem, ut gloriam ſibi de reſtituendo in integrum augendoque Romano nomine Gothorum viribus quaereret, habereturque apud poſteros Romanae reſtitutionis auctor, poſtquam eſſe non poterat immutator. Imo ſi Arthuro Duckio de uſu & aut. Jur. Civ. Rom. *L. 2. c. 6. n. 14.* credimus, ipſe Athaulfus circa annum 412. Ediſto mandavit ſubditis ſuis, ut Romanas Leges ſimul cum Gothicis ſervarent. Et ſi genuina eſt ejusdem apud Goldaſtum *Conſt. Imp. T. III. p. 586.* *Conſtitutio*, ipſe dicit, ob hoc abſtinere a bello, ob hoc inhiari paci nitimur, praecipue ut religioſarum Legum, quas vel Romani principes ſanciverunt, vel Gothorum conſuetudines habent,

habent, aut nostra Serenitas de novo adinvenit, prudentiumque virorum ad omnia bonarum ordinationum opera persuasum & consilio utrumque populum sub felicitis pacis compositione temperaturi. Nec tamen satis roboris apud Gothos hae Leges accepisse videntur, cum Claudianus satis acerbè queratur ad Rufinum L. II. v. 85.

Moerent captivae pellito iudice Leges.

Uno tamen omnium ore Evarico s. Eurico Theodorici Junioris fratri, occisori, eidemque successor primae apud Visigothos scriptae Leges acceptae feruntur ex testimonio Isidori Hispalensis in *Chron. ad a. 504.* qui sub hoc Rege, inquit, *Gothi Legum instituta scriptis habere coeperunt, nam antea tantum moribus & consuetudine tenebantur.* Unde & Sidonius *L. 8. Ep. 3.* de hoc Rege ad Leonem, qui illi a consiliis erat, scribit: *modo per promotae limitem sortis ut populos sub armis, sic fraenat arma sub Legibus.* Quod, nescio an satis apte, Struvius *Hist. Jur. c. 5. §. 1.* cum superioribus ita conciliat, ut Evaricus Gothorum Leges sparsas in unum Codicem coëgisse censeatur, eo nomine primus Leges scriptas Gothis dedisse, ut ipsi videtur, dicendus. Nulli tamen dubitamus huic Evarico adscribere Leges inter Visigothos celeberrimas Theodoricianas. Alii quidem eas Theodoricis duobus majori & minori s. juniore acceptas ferunt, uti *Baron. Annal. ad an. 468. n. 11.* de quorum tamen legibus vix ulla in monumentis ejus temporis vestigia occurrunt. Alii Theodorico Ostrogothorum Regi deberi volunt, quem tamen totum in conservandis Legibus Romanis fuisse in praecedente nota ostendimus. Hujus etiam temporibus antiquiora sunt fata Sidonii, teste Gregorio Turonensi *Hist. Franc. L. 2. c. 23.* cum tamen ipse Theodoricianarum Legum mentionem faciat *L. 2. Ep. 1.* Alii eas ad aemulationem tantum Theodosianarum Legum Theodoricianas dictas esse existimant.

runt. Haec tamen fatis longe petita videtur allusio. Verum Evarici nomen, qui & ipse Theodoricus dictus fuit, ut erudite probat Savaro *ad Sidon. Apollin. Lib. II. Ep. I.* causam optimam praebet, has Leges *Theodoricianas* appellandi, adeo ut, iudice Grotio, Theodoricus hic tunc demum Evarici elogio ornatus fuerit, cum has leges tulisset, quasi *Legibus pollens* ab Ewa, *Lex*, & rich, *dives* dictus. Hae vero Theodoricianae Leges Romanis inter Visigothos Legibus tenebras obduxerunt, quae magis adhuc auctae fuerunt artibus Seronati, tum quidem Praefecti Praetorio Galliarum, quem *Catilinam seculi sui* appellans Sidonius *l. c.* atris plane coloribus depingit; ex cuius verbis haec maxime huc facere videntur. *Exultans Gothis, insultansque Romanis, illudensque Praefectis, colludensque numerariis, Leges Theodosianas calcans, Theodoricianasque proponens, veteres culpas, nova tributa perquirat.* De quibus omnibus latius agit Giannone *Hist. de Naples T. I. L. 3. ch. 1.* Successit Eurico filius Alaricus, Theodorici Ostrogothorum Regis & insignis Legum Romanarum patroni, ducta in matrimonium ejus filia Theodelusa, gener, qui cum ideo familiari plane & blando sermone alloquitur apud Cassiodorum *Var. L. III. Ep. 1.* & in litteris ad Gundibadum Burgundionum Regem *ib. epist. 2.* nec non aliis ad Luduinum Regem Francorum datis *ib. epist. 4.* filium suum appellat. Hic foci ex exemplo forsan motus, Leges Romanas impense coluit & inde Codicem suum Alaricianum componi curavit, de quo plura *infra §. 15.* Subsequentes tamen Reges studio Legum Gothicarum magis, quam Romanarum accensi videntur, & inter eos Leuvigildus Codicem Eurici correxit & auxit, testante id Isidoro *in Chron. an. 608.* *In Legibus quoque ea, quae ab Evarico incondite constituta videbantur, correxit, plurimas Leges praetermissas adjiciens, plerasque*
super-

superfluas auferens. Successores hujus, qui a. 686. decessit, non paucis Constitutionibus Codicem illum auxerunt, ita ut integrum Corpus Legum Visigothicarum compositum tandem fuerit, quod hodieque apud Lindenbrogium extat, tantaque autoritate donatum est, ut unice ad causas in foro decidendas inter Visigothos admissum fuerit, Legibus aliis, maximeque Romanis omnimodo abrogatis. Chindesvindus sane Edicto in hanc rem promulgato *LL. Visigoth. L. II. T. I. c. 9.* satis acerbe dicit: *Alienae gentis legibus ad exercitium utilitatis imbui & permittimus & optamus, ad negotiorum vero discussionem & resultamus & prohibemus.* Quamvis enim eloquiis polleant, tamen difficultatibus haerent; adeo cum sufficiat ad *Justitiae plenitudinem & praesentatio rationum & competentium ordo verborum, quae Codicis hujus series agnoscitur continere, nolumus, sive Romanis legibus, sive alienis institutionibus a modo amplius convexari.* Qui patri an. 649. defuncto successit filius Recisvindus, patris vestigiis insistent, *LL. Visig. L. II. T. I. c. 10.* omnes alias Leges, quae hoc Codice non comprehenderentur, prohibuit. *Nullus prorsus ex omnibus regni nostri praeter hunc librum, qui nuper est editus atque secundum seriem hujus omnimode transcriptum, alium librum quocunque negotio in judicio offerre pertentet.* Hinc etiam ipsum Chindesvindum hujus Codicis autorem agnoscere nulli dubitamus. Codex hic Visigothicus, licet in odium Legum Romanarum fere compositus, ex Codice tamen Theodosiano & ejus compendio Alariciano non pauca in suos usus traxisse videtur, quod vel ex *Cod. LL. Visigoth. L. 5. Tit. 5. Cap. 9. cum Lege 1. Cod. Theod. de usuris, & LL. Visig. L. 3. Tit. I. c. 1. cum L. un. Cod. de Nupt. collatis* patebit. Alia vide *infra* §. 14. Ipsius Codicis Justiniani imitationem verosimiliter deprehendimus in divisione Codicis Visigothici in XII. Libros facta.

cta. Ex eodem Jure Justiniano etiam graduum consanguinitatis computatio tracta videtur. Quae Leges in hoc Codice Visigothico vocabulo *Antiqua* notantur, eas ex jure Romano petitas aliqui arbitrantur, quod tamen de paucis probari poterit, si ipsae decisiones cum jure Romano conferantur. Propius ad veritatem accedere videntur illi, qui Evarici vel Levigildi Leges ita notari existimant. Illud etiam observarunt multi, quod sermo Latinus, quo conscriptus est hic Codex, comitior plerumque sit, ac purior, quam quo aliarum gentium ejus temporis Leges scriptae sunt. Unde & Cujacius *ad Feud. L. 2. tit. 11.* Visigothorum gentem cultiorem caeteris ejus aevi gentibus vel inde probari posse arbitratur. vid. de his etiam Giannone *Hist. de Napl. T. I. L. 3. ch. 1. §. 3.*

§. XII.

Angliorum
&
Werinorum.

De SVEVORVM, qui in Hispania; nec non VANDALORVM, qui primum in Hispania, ac postea in Africa regnarunt, legibus nihil compertum habemus. At ANGLIORVM, qui in Britannia sibi novas sedes imperiumque quaesiverunt, & WERINORVM (a) Lex antiqua, sed perbrevis, exstat, ab Heroldo, Lindenbrogio & Leibnitio edita, quamque facile patet, ante expeditionem Britannicam scriptam esse, si genuina est inscriptio, in qua Angli & Werini, tamquam vicini, junguntur: quamvis plane dubitare liceat, an hae Angliorum, ac non potius Thuringorum leges sint. Conring. *de Orig. Jur. Germ. Cap. XIII.*

(a) De

(æ) De his Angliorum & Werinorum Legibus, quæ dici possent, omnia fere incerta sunt. Conring. de O. J. G. c. 13. Leibnitius *T. I. Script. Brunsv. in not. ad has L.L.* Struv. *Hist. Jur. c. 6. §. 4.* Christ. God. Hoffmannus *Spec. Conj. Pol. C. II. per. 3. Sect. 7.* de loco originis & autore harum Legum aliqua dicunt, sed quæ dubia augent magis, quam tollunt. Inscriptio harum Legum: *Lex Angliorum & Werinorum, hoc est, Thuringorum*, torquet eruditos. Angli & Varini junguntur apud Tacitum *de M. G. c. 10.* Sed quid hi commune habeant cum Thuringis non satis liquet. Unde Conringius Thuringis tantum hanc legem tribuendam esse, & Angliorum Werinorumque nomina ab imperita librarii manu forsan addita fuisse suspicatur, nihil tamen certi definit. Nec tanti est hæc Lex, ut tricis his enodandis multum immorari debeamus. In ea pauca notari merentur. *Tit. VI. de A'dibz* modum succedendi illustrat aliquot gentibus hodieque familiarem. Hereditas defuncti filio non filiae destinatur, *ibid. c. 1.* si filius deest, filia pecuniam & mancipia, terram proximus paternae generationis consanguineus lucratur, & hæc usque ad quintam generationem observantur. Post hunc filia superstes ex asse succedit. Sequuntur alia, in quibus utique rerum expeditoriarum v. *Speergerwette*, & utensilium v. *aerade* vestigia deprehendimus. Aliud etiam in immobilibus, aliud in mobilibus ibidem obtinere observamus.

§. XIII.

Et hae quidem sunt leges gentium, quæ relicta Germania in cultioribus orbis Romanæ provinciis confederunt. Quum vero plerumque Imperatorum Romanorum majestatem comiter venerarentur, qui eas ibi Cur gentes extra Germaniam jus Romanum non regna-

adsper-
natae
sint ?

regnare suis auspiciis patiebantur , quum expellere non possent * : haut mirum est , non modo ipsas illas gentes nonnulla ex jure Romano adscivisse , sed & provincialibus , quos quibusque locis repererant , leges Romanas permisisse.

* Ita ipsi FRANCI possessionem occupatae a se Galliae non satis stabilem existimabant , antequam tabulis ab Imperatore consignatis confirmaretur. Procop. *de Bell. Goth. III*, 33. auctorque est Gregor. Turon. *Hist. Franc. II*, 38. Chlodoveum ab Anastasio Imperatore Consularia insignia impetrasse. Conf. Eccardi *praef. Orig. Habsburg.* Deinde ipsi Ostrogothorum Regum numi , in quibus Imperatorum Orientalium capita & tituli cusi sunt , satis indicant , Theodoricum , etsi non expectata Zenonis Imp. jussione (-) Regis Gothorum ac Romanorum titulum sumisset , comiter tamen illius majestatem veneratum , regnumque Italiae se clientelari tantum jure tenere , professum esse. Eccard. *Epist. de Num. quibusc. sub Regimine Theodorici Gothor. reg. in honorem Imperatorum Zenonis & Anastasii cufis.* Hanov. 1720. 4to. III. a Ludewig *in Vit. Justin. Cap. VIII.* §. 86. p. 404. Sed & Burgundiones sedes suas , teste Prospero Aquitanico *in Chron. ad ann. CCCCXLIII.* beneficio Valentiniani Imp. obtinuerant , quemadmodum & Wisigothos Honorius Imp. regnare passus erat in Gallia & parte Hispaniae , ea lege , ut sua solatia Romanae reip. ubi usus exigere , non denegarent. Jornand. *de Reb. Get. Cap. XXXII.* Quae quidem clientelarem nexum satis superque arguunt.

(α) Quid sibi hic velit autor , de non expectata Zenonis jussione loquens , non satis assequor. Quod Theodoricus omnia in Italia egerit auctore &

& suafore Zenone supra jam ad §. 11. probavimus. Clara sunt ipsorum Gothorum verba apud Agathiam *L. I. Theodoricus non ipsis nolentibus, sed Zenonis quondam Imperatoris concessu venit in Italiam.* Imo Jornandes testatur Theodoricum Zenonis Imperatoris consulto privatum habitum suaeque gentis vestitum deposuisse, insigne Regii amictus, quasi jam Gothorum Romanorumque regnatorem, adsumsisse. Illud quidem lubentes fatemur, quod post fata Zenonis Imperatoris Theodoricus victo & tandem occiso Odoacro Herulorum Rege juris sibi in Italiam & virtute sua quaesiti & consensu Zenonis olim jam satis confirmati approbationem ab illius successore Anastasio non denuo petierit. Fidem hujus rei facit autor Anonymus, Ammiano Marcellino ab H. Valesio additus, qui, quod Gothi *sibi confirmaverint Theodoricum Regem non expectantes iussio- nem novi Principis* testatur, quod a nemine antea observatum Ant. Pagi *Dissert. Hypat. p. 300. n. 526.* notavit. Sed haec ad Anastasium non ad Zenonem referri debent. His tamen Theodorici & Gothorum conatibus nulla ab Anastasio impedimenta obmota, sed potius assensum & auctoritatem ab Anastasio additam loquuntur ipsae litterae Anastasio a Theodorico scriptae apud Casiodor. *Var. L. I. Ep. 1.* quarum verba superius ad §. 11. exhibemus. Quid quod & ipse Justinianus Pragmaticae sanctionis *pro petitione Vigilii &c. c. 2.* Totilae penultimi Ostrogothorum Regis facta infringens, Amalasventae, quae Theodorici filia erat, & Atalarici, illius ex hac filia nepotis, imo & Theodati, qui huic successerat, gesta confirmans *ib. c. 1.* ipsius Theodorici jura tacite agnovisse videatur.

§. XIV.

Ac primo quidem istas gentes ex di- Leges
uturna illa cum Romanis consuetudine Germa-
Xx 2 ali-

norum
passim
jus Ro-
manum
redolent.

aliquid peregrini etiam circa leges attra-
xisse, tam certum est, quam quod certis-
simum. Quamvis enim de lege Wisigo-
thica non adsentiamur Cujacio *ad 2. Feud.*
II. scribenti, in ea omnia fere esse petita ex ju-
re civili: multa tamen inde originem ha-
bere fatemur, in primis, quae constituta
legimus de testamentis, *Leg. Wisig II, §. 12.*
nec non de peculio filiorum familias.
Lib. IV, §. 5. Ejusdem originis sunt, quae
de testamentis sancit *Lex Burg. XLIII, 1.*
& *Edictum Theoderici §. XXVIII. seq.* itemque,
quae eodem *Edicto §. CXXXII.* de posses-
sore nec titulum edente nec probante,
§. CXXXIII. de muliere fidejubente,
§. CXXXVIII. de re a duobus emta &
uni tradita, nec non in *Lege Burgundica,*
tit. LXXXVII, 3. de restitutione minorum
ante annum aetatis XXX, & *tit. LXXXVIII,*
2. de manumissionibus praecipiuntur. Ut
jam non adcumulemus hujus generis alia (α).

(α) Consulantur hic ea, quae de singulis hisce Le-
gibus, suo quaque loco observavimus.

§. XV.

Germani- Deinde probe observandum est, eas-
cae gen- dem gentes provincialibus quasque suis le-
tes pro- gum Romanarum usum concessisse. Fece-
vinciali- runt id sane WISIGOTHI, quorum Rex,
bus jus ALARICVS junior anno Christi DVI. per
Roma- Anianum Gothum, aliosque Ecclesiae ac
num con- reip. procures, ex Codicibus Gregoriano,
cesse- runt, ve- Her-

Hermogeniano, & Theodosiano, nec non Paulli *Sententiis* & Caji *Institutionibus* conficiendum curavit corpus juris Romani, sed ubique fere interpolatum. Unde *Anianismos* innumeros in his fragmentis deprehenderunt eruditi. Cujac. *Not. prior. ad* §. 34. *Inst. de rer. divis* Jac. Gothofr. *Proleg. Cod. Theod. Cap. VI.* Baptista a Jesu Christo *nov. vel vindic. jur. civil. Art. II* Corn. van Bykersh. *Obs. V.* 13. Id passim vocatur CORPVS THEODOSIANVM, Baluz. *Tom. II.* p. 474. LEX ROMANA, Idem *Not. ad Capit. Tom. II.* p. 995. Car. du Fresne *Glossar. med. & inf. Lat. voce Lex Romana*, itemque BREVIARIUM ANIANI, c. 21. *causs. 2. qu. 6.* Historiam hujus corporis Alariciani dedit Jac. Gothofr. *in Proleg. Cod. Theod. Cap. V.* * cui addendum, usum hunc juris Romani saeculo septimo in regno Gothico sustulisse Childeswindum Regem, cujus severa ea de re constitutio exstat in *Leg. Wisig. II, I, 9.*

* Ubi etiam recte observavit, Anianum non esse auctorem (α) & compilatorem corporis istius Alariciani, sed tantum auctoritati vel constitutioni Alarici regis, qua illud opus ratum habuit, idque in foris observari iussit, subscripsisse, tamquam scriniorum magistrum, vel cancellarium. Unde procul dubio injuria fit bono viro, dum, omnes juris Romani corruptelae *Anianismorum* nomine traducuntur, uti emblemata Juris Justiniani Tribonianismos ab omnibus vocari animadvertimus.

(α) Merentur legi ipsa verba, quae exemplar *Au-*
X x 3 *stori-*

floritis, quam Alaricus R. compilationi Legum suarum praefixit, in fronte exhibent: *In hoc corpore continentur Leges s. species Juris de Theodosiano & diversis libris electae, & sicut praeceptum est, explanatae, anno XXII. regnante Domino Alarico Rege, ORDINANTE VIRO ILLUSTRIO GOIARICO COMITE &c.* Quaeque in medio hujus Auctoritatis. occurrunt: *Et ideo subscriptum librum, qui in tabulis habetur collectus, GOIARICO COMITI pro distringendis negotiis nostra iussit clementia destinari, ut juxta ejus seriem universa causarum sopiatur intentio: nec aliud cuilibet aut de legibus, aut de jure liceat in disputationem proponere, nisi quod directi libri & SVBSCRIPTI viri spectabilis ANIANI MANV, sicut iussimus, ordo complectitur &c.* & quae sub finem adjiciuntur: *ANIANVS, vir spectabilis ex praeceptione D. N. Gloriosiss. Alarici Regis hunc Codicem de Theodosiani legibus atque sententiis juris vel diversis libris electum, Aduris anno XXII eo regnante EDIDI ATQVE SVBSCRIPTI. Recognovimus &c.* Imo subscriptio Aniani, verbis adhuc clarioribus expressa ex MSCto Regio a Godofredo haec producitur: *ANIANVS V. S. hunc Codicem legum juris secundum Authenticum subscriptum & in thesauris editum, SVBSCRIPTI ET EDIDI die 3. Nonas Februarii A. 22. regnante Domino nostro Alarico Rege; ex praeceptione domini nostri gloriosissimi Regis Alarici, ORDINANTE viro magnifico & illustri GOIARICO COMITE.* Ex verbis *edidi* atque *subscripti*, & testimonio Sigeberti Gemblacensis de Script. Eccles. c. 70. *Anianus, Vir spectabilis, jubente Alarico Rege, volumen unum de legibus Theodosii edidit, Schultingius in Praef. ad Jurispr. Ante-Justin, colligit, Anianum id praestitisse huic Codici, quod Tribonianus Justiniano, cujus sententiae etiam subscribit Struvius Hist. Jur. Cap. 5. §. 2. Verum cum edere dicatur, qui*

qui aliquid publici juris facit, qui confirmat & commendat iudicibus, licet non ipse autor sit, & Sigeberti alio quidem forsan sensu, quam qui in subscriptione est, vocabulum *edere* ex errore adhibentis testimonium nimis ab Alarici temporibus remotum sit, quam ut errori inde aliqua possit accedere auctoritas, Aniani non alias, quam Referendarii subscriptionem Regiis literis apponentis, partes in hoc negotio fuisse, Gojaricum vero, tanquam Comitem Palatii, totum opus ordinasse, cum Jac. Godofredo & Heineccio etiam Brunq. *Hist. Jur. P. I. c. 15. §. 12. & sq.* Ritterus in *Notis ad Godofredi Proleg. c. 3.* Giannone *Hist. de Naples T. I. Liv. 3. ch. 1. §. 1.* Terrasson *Hist. de la Jurispr. Rom. P. III. §. 9. p. 294.* aliique merito agnoscunt.

§. XVI.

Idem institutum multo magis servabant Ostrogothi. Ipse enim Theodoricus Rex in praefatione edictum suum valere jubet, *salva juris publici reverentia, & legibus omnibus cunctorum devotione servandis (a)*, Et apud Cassiod. *Varior. III, 43.* usum juris Romani diserte confirmat. Quin tanta erat regum illorum humanitas, ut arbitrium facerent subditis, qua quisque lege vivere vellet. Greg. Turon. *Hist. Franc. II, 33.* Cassiod. *Varior. I, 1. III, 4.*

(a) Videantur, quae notavimus ad §. II.

§. XVII.

Eo exemplo BVRGVNDIONES quoque Romanos, in regno suo viventes, iure suo uti patiebantur. Gundebald. in *Praef.*

Leg. Burg. apud Lindenbr. p. 267. Inter Romanos vero, sicuti a parentibus nostris statutum est, ROMA IS LEGIBUS praecipimus judicari. Hinc PAPIANVS quidam Aniani exemplo librum RESPONSORVM ex Codice Theodosiano (α), Novellisque Theodosii & successorum, quin & JCTORUM libris quibusdam compilavit, ut provincialibus, qui lege Romana, quam Gundobada, vivere malent, pro norma esset. In eo Responsorum libro, quem V. C. Ant. Schultingius recusum dedit, eundem ordinem esse servatum, ac in lege Burgundica, observant Lindenbrog. in Praef. Cod. leg. Alem. & Jac. Gothofr. in Manual. Jur. Cap. II. §. II.*

* Addo, librum illum *Responsorum* a Papiano ipse, us Gundebaldi Regis jussu (β) ac auspiciis videri confectum. Quum enim Rex ille Romanos Romanis legibus jussisset judicari: statim subjicit in dicta praef. p. 267. Qui (Romani) FORMAM ET EXPOSITIONEM LEGVM conscriptam, qualiter judicent, se noverint ACCEPTVROS, ut per ignorantiam se nullus excuset. Ubi manifesto promittit Corpus aliquod legum Romanarum, quod quidem non aliud esse videtur, quam PAPIANI *Responsorum liber*.

(α) Multa tamen ab ipso allegari ex eo Codice, quae hodie in eo non reperiuntur, sive quod minus diligenter allegata, sive, quod verosimilius, quod injuria temporum perierint, testantur *Respons. Tit. 3. 18. sub f. 30. 34. 36. 37. 44.* Consulantur ibidem Schultingii Notae.

(β) Si conjectura, qua cum Conringio, Hertio, Struvio *supra ad §. 10. n. β.* Sigismundo Gundebaldi filio additamenta duo Legis Burgundionum

num asseruimus, sustinetur, quam nec ipse Hein-
neccius ibidem aspernari videtur, sane Papianus
Responsa sua sub Gundebaldo non composuit,
aut saltem non perfecit, quippe qui pleraque *Ti-
tuli* 18. ex additamento primo Legis Burgundio-
num hausisse videtur.

§. XVIII.

Denique & FRANCI, quamvis jure mo- Franci
ribusque patriis viverent, optionem tamen tum sub
& ipsi dabant provincialibus, suisne, an Chlodo-
Romanis legibus, vivere vellent, quippe vaeo &
quas tum in Gallia universa viguisse, testa- Theodo-
tur Agathias *de Bello Goth. Lib. I. p. 7.* Ita rico.
Chlotarius apud Baluz. *Tom. I. Capit. p. 7.*
*causas inter Romanos controversas Romanis ter-
minari legibus*, jussit. Sed & Theodoricus II.
Rex juris Romani tam studiosus fuit, ut
Baronius *ad ann. CCCCLXVIII.* per *leges*
Theodoricianas, quarum meminit Sidon. A-
pollin. *Epist. II, 1.* intellexit codicem quem-
dam legum Romanarum ab hoc rege exem-
plo Gothorum confectum. Quod quamvis
falsum esse docuerit M. Ant. Dominicus
de praerog. allod. Cap. VI, 2. * idem tamen e-
jus amorem erga jus Romanum aliunde so-
lide probat, in primis ex illis Sidon. *Carm.*
VII. v. 495. ubi Avitum alloquitur Theo-
doricus :

———— *Mihi Romula dudum*

Per te jura placent.

* Immo Jac. Sirmond. *ad Sidon. p. 25.* ostendit,
non intelligendas esse leges a Theodorico, Rege
Francorum, sed a Theodorico, Gotho, latas,

ac proinde refellit eos, qui ante Euricum (α) nullas existisse Gothorum leges, existimant. Sed & alterum locum non ad Theodoricum Francum, sed Gothum (β) pertinere facile lector intelligit.

(α) Ex eo, quod Legum Theodorianarum auctor sit Theodoricus non Francus sed Gothus, non sequi, ante Euricum jam fuisse aliquas Visigothorum Leges, satis apparet ex iis, quae *ad* §. 11. n. β. diximus de Eurico s. Evarico etiam Theodorici nomine insignito.

(β) Sidonius ibi inducit Theodoricum Juniorem, Visigothorum Regem, cum Avito, tunc nondum Imperatore, colloquentem, fatentemque his verbis, Romana jura sibi non tantum innotuisse, sed & grata reddita fuisse consiliis Aviti, cujus notatu Romana jura olim Tolosae didicerat. Nihil hic, quod Theodoricum Francum prodatur, omnia Theodoricum Jun. Visigothum loquuntur.

§. XIX.

Tum sub
sequenti-
bus regi-
bus.

Denique sub Dagoberto adhuc jus secundum leges Romanas dictum esse, testis est Aimon. *in Hist. Dagob. IV*, 25. Exstant etiam testamenta, tum ad normam juris Rom. facta, quale est non modo S. Remigii (α) apud Flodoard. *Hist. Rom. Eccles. I*, 18. & Hadoindi (β) Cenomanensis Ep. apud *eundem II*, 5. (γ) sed & Alredi, Abbatis, factum anno DLXXI. apud Mabillon. *Analect. Tom. II*. p. 48. qui & alibi *Annal. Bened. Tom. II*. p. 702. adfert diploma Murbacense Everardi Comitum, in quo mentionem facit *donationis, a se nequaquam civiliter gestis municipalibus alligatae*, id est, ad acta non insinuatae. Quamvis vero non haberent peculiare aliquod juris Roma-

Romani syntagma, sequebantur tamen Codicem Theodosianum, cujus non ignari erant Francorum proceres, veluti Celsus patricius, quem *juris lectione peritum*, & Andarchius, quem *legis Theodosianae libris eruditum* celebrat Gregor. Turon. *Hist. Franc. IV*, 24. & 47. itemque Bonitus Arvernensis Episcopus, quem circa annum DCL. *Theodosii edoctum fuisse decretis*, ex MSCta ejus vita docet Jac. Gothofred. *Proleg. Cod. Theod. Cap. VII. p. 196 ** (d).

* Quin in universum testatur Sidon. Apollin. *Epist. II*, 1. juventutem Gallicanam, imperante Chlotario, Francorum Rege, *Codicis Theodosiani studio fuisse initiatam*. A multo enim tempore inoleverat ibi mos, ut Romam confluerent, qui juri civili dabant operam: ejusque rei exempla sunt apud Constantium *in vita S. Germani Cap. I.* & Rutil. Numat. *Itin. I. v. 209*. Celebrabatur enim tum Roma, tamquam *domicilium legum*, Sidon. Apoll. *Epist. I*, 6. ac proinde juris civilis cultum inde petebant, quotquot ex provincialibus ad sapientiae istius laudem adspirabant. Fr. Juret. *ad Symmach. Epist. IX*, 83.

(α) Quod Jure Praetorio conditum & codicillari clausula munitum indicat ipsum prooemium: *Ego Remigius, Episcopus Civitatis Remorum, Sacerdotii compos, Testamentum meum condidit Jure Praetorio, atque id CODICILLORVM VI-CE valere praecepi, si juris aliquid videbitur defuisse &c.* Juris Romani formulas etiam exhibent verba Testamenti: *Haec ita do, ita lego, ita testor. Ceteri omnes exheredes estote, suntote. Huic autem Testamento meo dolus malus abest, aberitque: in quo si qua litura vel caratura fuerit inventa, facta est a me praesente, dum a*

me relegitur & emendatur &c. Subscribunt Vedastus, Genebaudus, Medardus, Lupus, Benedictus, Eulogius, Episcopi, Agricola, Theodoricus, Cesarius, Presbyteri, hac singuli formula usi: Cui pater meus Renigius maledixit, maledixi, & cui benedixit, benedixi, interfui quoque atque subscripsi. Hos sequuntur Papolus, Eulodius, Eusebius, qui nulla officii aut dignitatis nota addita formulam simplicem adhibent: interfui atque subscripsi. Hos alii tres excipiunt, Rusticohus, Eutropius, Darreus, hac formula scribentes; interfui & signavi.

- (β) Quod etiam ad Juris Romani normam conditum & clausula codicillari suffultum indicant testamenti ipsius verba: *Quod Testamentum meum si quo casu Jure Civili aut Praetorio, vel alicujus novae Legis interventu valere nequiverit, ac si ab intestato AD VICEM CODICILLORVM valere id volo & valeat.* Exhibentur haec duo testamenta etiam a Brissonio de Form. solenn. L. VII. & Terrasson. Hist. de la Jurispr. Rom. in appendice monumentorum p. 90. & sqq. ubi & aliud testamentum Ermentrudis ex Mabillonii Append. Suppl. de re Diplom. ficit, ubi formula adhibetur: *Ita do, ita lego, ita testor, ita vos mihi Quiritis, testimonium perhibetote, ceteri ceteraque, proximi, proximaeque exheredis mihi estote, proculque habetote. Si quae Liturae vel caraxaturae in hoc testamento meo sunt, ego feci fierique praecepi, dum mihi saepius volui recenseri &c.*
- (γ) Adde & Caesarii Archiepiscopi Arelatensis testamentum apud Baronium Annal. Ecclesiast. ad an. 508. n. 23. ubi haec leguntur: *Et ideo juxta hanc Epistolam, quam manus nostrae subscriptione roboravimus, cuique diem & consulent subitus adjecimus, Deo dispensante hoc testamentum meum condidi, vel manu propria subscripsi, atque Jure Praetorio vel Jure Civili & AD VICEM ILLORVM CODICILLO FIRMAVI &c.*
- Aliud

Aliud etiam Arcadii Lemoviensis Episcopi testamentum, clausula Codicillari munitum, refert Dad. Alteserra *Rer. Aquitan. L. III. c. 8.*

(d) Addi his praecipue merentur, quae in formulis antiquis ab Hieronymo Bignonio, Sirmondo atque Baluzio editis occurrunt: *Lex Romana exposcit, quod secundum Legem Romanam actum, ut nullatenus revocetur.* Iis autem, quae a Gothofredo locis ab Autore citatis dicuntur, omnino jungi debent, quae in notis observat eruditissimus Ritterus.

§. XX.

Quid? quod & ANGLOS, quamvis An & An-Britanniam, jam a Romanis desertam, occupassent, legum tamen Romanarum usum, cui adsueta fuerint, Britannis provincialibus relinquere non dubitasse, existimat V. C. Jo. Sam. Brunquell. *Hist. Jur. l. 15, 19.* Auctor enim est Beda Venerab. *Hist. Angl. II, 5.* Ethilbertum, Cantii Regem, inter cetera bona, quae genti suae consulendo contulerit, etiam decreta judiciorum juxta exempla Romanorum cum consilio sapientum constituisse, quae conscripta Anglorum sermone hactenus habeantur, & observentur ab ea. Enimvero non leges Romanas recepit Ethilbertus, quas tunc ex Britannia plane exfulasse, observat Selden. in *Diff. ad Flet. Cap. VII. §. 1.* sed sensus est, primum illum regem Christianum proprias Anglis leges tulisse *, & tanta quidem cum cura, ut exemplo Romanorum viros sapientissimos in consilium adhibuerit.

* Exstant permultae Ethilberti istius leges etiam nunc in G. Lambardi *Archaeonomia*, edita London.

din. 1568. Sed eae nihil Romani redolent. Quin ipse Beda statim subjicit, Ethilbertum in his legibus primitus posuisse, qualiter is emendare deberet, qui aliquid rerum vel Ecclesiae, vel Episcopi, vel reliquorum ordinum furto auferret: observatque Selden. in Jano Angl. Lib. I. §. 34. fures ex ea lege delictum numis luisse, si qui vero manum sacris essent admoliti, iis manum praecisam esse. Id quod sane cum jure Romano nihil commune habet, magisque juri Germanico concinnum videtur.

§. XXI.

Gentes,
quae in
Germania substi-
terunt,
legibus
scriptis
uti coe-
perunt
tum ante
Carolus
M.

Talis erat status apud eas gentes, quae in provinciis Romanis nova regna condiderant. Quod ad eas attinet, quae in Germania substituerant: eae pleraeque tum demum, quum in Francorum potestatem pervenissent, jus scriptum habere coeperunt. Theodoricus enim Rex Francorum, quum esset Catalaunis, elegit viros sapientes, qui in regno suo legibus antiquis eruditi erant. Ipso autem dictante, iussit conscribere legem Francorum, & Alamannorum, & Bajuvariorum, unicuique genti, quae in ejus potestate erat, secundum consuetudinem suam. Addidit, quae addenda erant, & improvisa & incomposita renovavit, & quae erant secundum consuetudinem paganorum, mutavit secundum legem Christianorum. Et quidquid Theodericus Rex propter vetustissimam paganorum consuetudinem emendare non potuit, posthaec Childeburtus, Rex, inchoavit, sed Chlotarius Rex perfecit. Haec omnia Dagobertus, Rex gloriosissimus, per viros illustres Claudium, Chadum,

Chadum, Indomagum & Angilulfum * renovavit, & omnia vetera legum in melius transtulit, & unicuique genti scripta tradidit, quae usque hodie perseverant. Ita habet Praef. Leg. Bajuvar. apud Lindenbr. p. 399 (a).

* Qui inter hos viros illustres est AGILVLFS, procul dubio Bojovarius fuit, & fortassis ipse Bojorum Dux, qui & postea semper debuit esse ex Agilolfingicis. *Lex Baju. tit. II. §. 20.* Ergo probabile est Dagobertum ex singulis gentibus, quibus leges praescribebat, viros illustres, & iuris patrii gnaros in consilium adhibuisse.

(a) Non omittenda sunt, quae statim subiiciuntur, verba: *Hoc decretum est apud Regem & Principes ejus, & apud cunctum populum Christianum, qui infra Regnum Merovingorum consistunt.*

§. XXII.

Similia de Carolo M. memoria prodidit Eginardus in *vita Car. Cap. XXIX. eum mirum omnium nationum, quae sub ejus dominatu erant, jura, quae scripta non erant, describi ac litteris mandari fecisse.* Poëta vetus apud Leibnit. *Script. Brunsv. Tom. I. p. 168.* Tum sub eo.

*Cunctorumque sui regni leges populorum,
Collegit, plures inde libros faciens.*

Talia etiam in *Annal. Francor.* apud Lambec. *Bibl. Vindob. II, §.* legimus, ex iisque simul observamus, factum id a Carolo esse circa annum DCCCIV *.

* Hinc tot harum legum editiones diversissimae, quarum aliae prolixiores, aliae adstrictiores sunt. Immo quam sui dissimiles sint, argumento sunt tot variae lectiones, quas codici suo subjunxit Linden-

Lindenbrogius, quarumque multo plures colligi posse, Ge. Eccardus legis Salicae & Ripuariorum; Lud. Ant. Muratorius Langobardicae exemplis docuerunt.

§. XXIII.

Lex Alamannorum.

Jam itaque facile patet, quae sit origo LEGIS ALAMANNORVM*. Ea enim in Codicibus MSC. hunc titulum praefert; *Incipit LEX ALAMANNORVM, quae temporibus Chlotarii Regis una cum principibus suis, id sunt XXXIII. Episcopis, & XXXIV. Ducibus, & LXXII. Comitibus, vel cetero populo, constituta est.* Herold. p. 17. Lindenbrog. p. 363. Est ergo haec lex a Chlotario, & quidem, ut P. Daniel *Hist. Franc. Tom. I. p. 306.* recte suspicatur, Secundo, quia tum Alamanni jam Ducibus suis paruerunt. Lex Alam. tit. XXXI. Interim facile largimur, Theodericum, Chlodovaei filium (α), prima ejus stamina duxisse. Nec dubium est, quin successores plura addiderint, eaque causa sit tantae exemplarium varietatis, de qua Lindenbrog. p. 1330. *sequ.* & Conring. *de Orig. Jur. Germ. Cap. IX. p. 42.*

* Doctissimus Nic. Hier. Gundlingius *Part. III. Gundling. Diff. II. §. 16.* statuit, Alamannorum a Chlodovaeo oppressorum provinciam occupasse Francos victores, iisque datam esse *Legem Salicam*, cui postea demum lex Alamannica successerit, quum a Francis paullo mitius haberentur. Sed veterum auctoritate destituitur haec sententia, nec aliud habet fundamentum, quam quod vir doctus quatuor pagos, *Salheim, Windheim,*

heim, Bodenheim, & Wissenheim, qui Salogasto, Windogasto, Bodagasto & Wisogasto, legis Salicae auctoribus, nomina dare potuerint, in tractu Wormaltensi, adeoque in Alemannia invenisse sibi visus est. Conf. quae huic conjecturae opposuit Leibnit. in *Responsione sua* §. 45. sequ. quam ipse Gundl. edidit *Part. VI. Gundling. p. 77. sequ.*

- (α) Cum Theodorici, Childeberti, Chlotarii atque Dagoberti nomina non singulis tantum Regibus, sed pluribus in historia illorum temporum tribuantur, & de harum legum autoribus nulla, nisi in hoc Prologo, apud veteres occurrat mentio, non facile definire possumus, cui inter plures ejusdem nominis Reges, harum legum vel origo, vel emendatio adscribenda sit. Confringius, qui bene omnia perpendit, dubius tamen haeret, nec quicquam certi definire audet. Goldastus *Alem. Rer. T. II. p. 1.* Theodoricum I. Childebertum II. Chlotarium II. & Dagobertum Magnum intelligit. Nec argumenta satis gravia in contrarium prostant. Qui sint illi viri illustres *Claudius, Chadoindus, Magnus & Agilolfus*, uti apud Goldastum leguntur *l. c. p. 25.* vel *Claudius, Chadus, Indomagus & Agilhulfus*, uti apud Lindenbrogium, vel *Claudio, Chadoin, Domagno & Agilloso*, uti apud Eccardum in *Prol. L. Sal. p. 8.* per quos Dagobertus leges renovasse dicitur, multa etiam est disputatio. Eccardus tres tantum fuisse non sine ratione suspicatur, cum secundi & tertii nominis tam varia, uti videmus, lectio occurrat. Claudium Eccardus credit esse eum, qui Major domus Burgundiae sub Theodorico II. anno 606. factus, ad tranquilliores postea vitam forsitan rediit, Ducis titulo contentus, & ad Dagoberti usque tempora non adeo difficulter pervenire potuit. Impellit eum in hanc sententiam elogium, quod Claudio illi a Fredegario *c. 28.* datur, ratione satis probabili
- Y y
- Clau-

Claudio, legum auctori, tribuendum. Verba haec sunt: *Anno XI. regni TheudERICI subrogatur Major domus Claudius, genere Romanus* (id est, qui non ex Francis est, sed ex veteribus Galliae incolis, olim per Constitutionem Caracallae civitate Romana donatis) *homo prudens, jucundus in fabulis, strenuus in cunctis, patientiae deditus, plenitudine consilii abundans, literarum studiis eruditus, fide pius, amicitiam cum omnibus sectans. Priorum exempla metuens, lenem se & patientem hujus gradus ascensu ostendit. Sed hoc tantum impedimentum habebat, quod sagina esset corporis adgravatus.* Nomina, quae sequuntur, secundo & tertio loco posita, ex uno in duo per errorem divisa existimat Eccardus, adeo, ut legi potius debeat *Chaindomannus*, diminutivo Chadoindi, blandientium in morem, substituto. Chadoindum autem eundem suspicatur, qui an. 613. quo Theodoricus II. obiit, ex proceribus Alemannorum legatus ad Chlotarium a Brunehilde Regina missus fuit, de quo Fredegarius c. 40. *Cumque* (Chlotarius) *Antornacum accessisset, & Brunehildis cum filiis TheudERICI Warmaciae resideret, legatos his nominibus, Chadoindum & Herponem ad Chlotarium direxit, contestans ei, ut se de regno TheudERICI, quod filiis reliquerat, removeret.* Distantia temporum tanta non est, ut Chadoindus, jam sub excessum Theodorici clarus, non potuerit ad Dagoberti tempora pervenire, & sub eo operam renovandis Alemannorum legibus impendere. Agilulfus Bavariae Dux fuisse Eccardo videtur, non levi tantum conjectura, sed legis Bajuvariorum suffragiis subnixo. Agilolfingi enim de genere ducali dicuntur *Leg. Baju. T. II. c. 20. §. 1. summi principes inter Bajuvarios ibid. §. 2. ipseque dux semper de genere Agilolfingorum esse jubetur, cum reges concesserint eis, ut qui de genere illorum fidelis Regi esset, & prudens,*

dens, ipsum constituerit ducem ad regendum populum illum. *ibid.* §. 3. Cum itaque Agilulfus vel Dux vel ex Ducali saltem genere Bajuvariorum fuisse certis argumentis probetur, eademque inter Alemannos dignitas *Claudio*, conjectura satis probabili, asseratur, & hi tres legis Alemanicae renovatores aequali honoris titulo, eoque tum tempori non nisi primae post Reges dignitatis viris competente, *viri illustres* dicantur, non sine ratione concludit Eccardus, & ipsum *Chadoindum* Ducali dignitate vel inter Alemannos, vel inter Bajuvarios, ornatum fuisse.

Quod autem ad ipsam legem attinet, in illa eadem, quae in aliis antiquis Germanicae gentis legibus, deprehenditur poenarum in delinquentes, praecipue homicidas, statutarum lenitas, quam multis quidem, non tamen satis stringentibus argumentis, excusare conatur Chr. God. Hoffmannus *Spec. Conj. Pol. c. 2. per. 3. sect. 4. §. 2. not. a.* De caetero magnus hujus legis in res & personas Ecclesiasticas favor, praecipue etiam in adjuvandis & conservandis donationibus, quae ecclesiis factae, deprehenditur *c. 1. & 2.* Jus asyli iis, qui ad ecclesias confugiunt, fortissime assertum *c. 3.* & 4. sabbathi sanctitas severis poenis munita *c. 38.* De rebus matrimonialibus, de hereditate, de servorum conditione, multa, quorum adhuc hodie certa passim vestigia supersunt, eadem lege constituta cernimus. Ita in dissolvendis sponsalibus multa dissensui parentum non obscure tribuuntur *c. 53.* Consensus parentum ad nuptias liberorum necessarius asseritur *c. 54.* De hereditate materna a filio post matrem defuncto in patrem transferenda notari meretur *c. 92.* *Si qua mulier, quae hereditatem paternam habet, post nuptum praegrans peperit puerum, & in ipsa hora mortua fuerit, & infans vivus remanserit aliquanto spatio, vel unius horae, ut possit aperire oculos; & videre culmen domus,*

domus, & quatuor parietes, & postea defunctus fuerit, hereditas materna ad patrem ejus pertineat. Et tamen, si testes habet pater ejus, quod vidissent illum infantem oculos aperire, & potuisset culmen domus videre & quatuor parietes, tunc pater ejus habeat licentiam cum lege ipsas res defendere. Si autem aliter, cujus est proprietas, ipse conquirit. De servis ecclesiae & quae ipsi ecclesiae pendere debeant, ita sancit c. 22. Servi ecclesiae tributa sua legitime reddant, 15. siclas de cervisa, porcum valentem tremisse uno, panem, modia duo, pullos 5. ova 20. Ancillae autem opera imposita sine neglecto faciant. Servi dimidium sibi & dimidium in dominico arativum reddant. Et si super haec est, sicut servi ecclesiastici, ita faciant, tres dies sibi & tres in dominico. Quae sane conditionem hominum priorum magis definiunt, quam quaecunque de servis ex Jure Romano parum apte ad illam trahuntur. v. Hoffm. Spec. conj. polit. c. 2. per. 3. sect. 3. §. 2. not. g.

Bajuvari-
orum.

§. XXIV.

Certior est LEGIS BAIUVVARIORVM(*a*) aetas. Quum enim Bojoarii, Alamannorum clade perterriti primum Theodorico, Ostrogothorum in Italia Regi, eoque mortuo, Francis se dedissent: leges eorum in scripturam redactas firmarunt primum Theodoricus, deinde Childebertus & Chlotarius, ac demum Dagobertus, Reges. *Praef. Leg. Bajuvar. p. 399.* At quum non armis victi, sed spontanea deditione in Francorum potestatem venissent, adeoque magna adhuc dum e gente Agilolfingica esset auctoritas: non mirum profecto est, eos quoque leges tulisse subditis, in quibus est DECRE-
TVM

TVM TASSILONIS* (β), legi isti Bajuvariorum subjunctum apud Lindenbrog. p. 439. & haut paullo auctius apud Gewold. *ad Hund. Metrop. Salisb. Tom. I. p. 310. sequ.*

* Sunt, qui Thassilonem sibi id jus statuendi, vel novas condendi leges ob regum Merovingicae stirpis impotentiam sumsisse existimant. Conring. *de orig. jur. Germ. Cap. IX.* Sed quantacumque fuerit regum impotentia, hanc audaciam saltem non tulissent majores Domus, tanto potentiores. Probabilius ergo est, Ducatus Bojorum eam fuisse formulam, ut Duces pleraque jura, quae hodie ad superioritatem territorialem referuntur, jure suo in provinciis explicarent, ac proinde & novas leges, quas exigere videbatur reip. salus, civibus praescriberent.

(α) Unde certior fiat hujus, quam praecedentis Legis origo, equidem non video, cum de autoribus utriusque Legis non alia nobis occurrat memoria, quam in Prologo Legis Bajuvariorum, qui communem originem huic & praecedenti Legi fuisse disertis verbis prodit, atque ita etiam nobis in excutiendis Legis originibus, de quibus §. praecedente actum est, otium facit. Dagobertum Legis Bajuvariorum autorem praecipue laudat Otto Frising. *Chron. L. V. c. 9.* his verbis: *Dagobertus ergo totius regni principatum tenens Bojariis legem dedit.* Ad eandem Legem sub Henrico II. Sec. XI. ineunte adhuc provocatum fuisse ex testimonio Adelboldi, qui vitam ejus conscripsit, apud Leibnit. *Script. Rer. Brunsv. T. I. p. 423.* colligunt, ubi cum Hezelo, Bertholdi filius per legatos ab Henrico Ducatum Bauariae peteret, legatis ita ab Henrico responsum esse scribit: *Quos semper praecipuos inter omnes gentes habui, quosque semper toto mentis affectu amavi, hos adepta benedictione Regali, in*

LEGE sua nec deteriorare volo, nec deteriorari patiar, dum vixero. LEGEM habent, & Ducem eligendi potestatem ex LEGE tenent. Hanc nedum ego frangam, quicumque frangere tentaverit, me inimicum habebit. Verum cum Henricus hic ad Legem, quae Bojoariis jus eligendi Ducem concedit, provocet, nihil autem ejusmodi vel in Lege Bajuvariorum, de qua hic loquimur, quae potius Ducatum jam tum in gente Agilolfingica hereditarium aliquatenus fuisse ostendit, Tit. II. C. 20. §. 3. vel in decreto Thassilonis occurrat, eandem Henrico in animo fuisse, dubitari potest, praecipue, cum post Thassilonem victum & ducatu a Carolo M. multatum atque monasterio inclusum magna rerum Bavariarum, praesertim publicarum, mutatio contigerit.

Lex ipsa satis cum aliis Germanicarum gentium Legibus consentit, maximopere autem cum Alemannica, quae communes cum hac autores agnoscit. Inde eadem in delinquentes, praecipue homicidas, huic, quae illi, lenitas. Idem in res, personasque Ecclesiasticas favor. Asylus jus adhuc fortius, quam in illa, assertum, adeo ut Tituli I. Cap. 7. §. 3. dicat: *Nulla sit culpa tam gravis, ut vita non concedatur propter timorem Dei & reverentiam sanctorum; quia Dominus dixit: qui dimiserit, dimittetur ei, qui non dimiserit, nec dimittetur ei.* Aliqua ex Codice Theodosiano in hanc Legem transiisse docemur, si quae Legis Bajuvariorum Tit. I. c. 13. §. 2. occurrunt, conferantur cum L. 44. Cod. Theod. de Episcop. Eccles. & Cler. ubi eadem fere verba exhibentur. Et in genere notamus, Legem Bajuvariorum unice fere Legibus scriptis inhaerere, & hinc *Librum Legis* in judiciis semper praesto esse jubere. Ita enim Tit. II. c. 15. §. 2. Comes vero secum habeat judicem, qui ibi constitutus est judicare, & librum legis, ut semper rectum iudicium judicet. Singularis etiam hujus Legis in

con-

constituendis iudicibus aequitas laudari solet, quae ex *Tit. II. c. 7.* elucet: *Judex autem talis ordinetur, qui veritatem secundum hoc edictum judicet. Non sit personarum acceptor, neque cupidus pecuniae. Perit Lex cupiditatis amore. Premia & dona legibus vires tulerunt. Impunita manet male vivendi licentia. Propterea talis constituatur iudex, qui plus diligit justitiam, quam pecuniam.* Vocis *Alode* veram significationem, qua hereditaria & vere patrimonialis res, quaecunque sit, sive mobilis, sive immobilis, denotatur, ex Legis hujus *Tit. XVII. c. 2.* erui-
mus. Vide plura apud Hoffm. *Spec. Conj. Pol. c. 2. per. 3. Sect. 4. §. 2.*

- (3) Regiam fere Thassilonis dignitatem Conringius de *O. J. G. c. 9.* ex verbis Decreti, in anno 22. REGNI religiosissimi ducis Thassilonis, & similibus eruit. Struvius *Hist. Jur. c. 6. §. 6.* majorem Bojovariis, quam Alemannis, libertatem sub Francorum Regibus fuisse inde etiam evincere conatur, quod Bajuvariorum Duces Legislatoria potestate uli fuerint, id quod Decreto Thassilonis demonstrat, Alemannis autem Leges datae fuerint a Francis. Quaecunque tandem ejus fuerit vel dignitas, vel potestas, certe ipse Decreti Prologus ostendit, illud cum consensu Procerum & totius multitudinis conditum esse. Hoc ipsum, ut & alia plura ad Historiam Decreti facientia, verba Prologi docent: *Regnante in perpetuum Domino nostro Jesu Christo, in anno vero XXII. regni religiosissimi Ducis Thassilonis gentis Bajoariorum, sub die consulum, quod erat II. Id. Octobr. atque anno ab incarnatione Dominica DCCLXXII. Indiēt. X. divina perfatus inspiratione, ut omne regni sui praenotatus Princeps collegium procerum coadunaret, in villam publicam Dingolwingam nuncupatam, ut ibidem tam regulare ordinaret in sancto habitu coenobium virorum & puellarum, quam Episcopa-*

les moderaretur obsequias; insuper gentis suae institutiones legum per primates imperii, universa consentiente multitudine, quae reperit diuturnitate vitiata & quae videbantur abstrahenda, evelleret, & quae decretis placerent componenda, institueret &c.

§. XXV.

Frisiorū.

Incertae aetatis est LEX FRISICA, quippe quam alii a Theodorico; alii a Chlotario; alii a Dagoberto; alii denique a Carolo M latam existimant. (2) Conring. *de Orig. Jur. Germ. Cap. XIII.* Sed quum Theodorico nondum paruerunt Frisii, leges ipsae autem rudiores atque horridiores sint, quam quales felicius Caroli M. saeculum ferebat, quin in ipsis, quae postea accesserunt, additionibus sapientum, VVLEMARI & SAXMVNDI *Tit. XII, 1.* adhuc pagana legislatorum superstitione pelluceat: mihi quidem certissimum videtur, leges has scriptas esse, antequam gens Frisica Sacra Christiana fusciperet *, quamvis deinde quaedam ad Christianum ritum detorsa videantur. Vid. *Addit. Vulemari Tit. 1. §. 1.* Praeter Heroldum, & Lindenbrogium hanc legem non modo edidit, sed & notis utilissimis illustravit SIB. TEDARDVS SIC-CAMA, cujus libellum eleganter recusum debemus viro clarissimo, Car. Guil. Gaertnero, *Lips. 1730. 4to.*

* Id demum factum, quum a Carolo Martello victi in Francorum potestatem venissent. Sed quam aegre suave istud Christi jugum subierint, vel ex
S. Laid-

S. Ludgeri *vita Lib. I. Cap. 1. sequ.* & S. Bonifacii certaminibus ac martyrio satis intelligitur. Non mirum igitur, tam cito non potuisse omnia superstitionis veteris vestigia tolli ex lege Frisica.

(^a) Sunt &, qui Haraldo Dano adscribant, moti testimonio duplici Alberti Stadenfis & Helmoldi, quorum ille quidem de Haraldo Rege *ad annum* 984. *ipseque*, inquit, *Transalbianis & Fresonum genti leges & jura constituit*, quae adhuc *pro tanti autoritate viri servare contendunt*, hic vero *Chron. Slav. L. I. c. 15.* de Haraldo loquens: *hujus viri industria*, ait, *in Divinis rebus fuit eximia, nihilominus tamen etiam in mundana sapientia, in his videlicet, quae ad regni gubernationem pertinere videntur, adeo claruit, ut Leges & jura statuerit, quae pro autoritate viri, non solum Dani sed & Saxones adhuc hodie servare contendunt.* Ubi, licet Danorum & Saxonum tantum mentionem faciat, tamen cum eadem pene verba, quibus Albertus Stadenfis utitur, sub finem adhibeat, & Frisionum sane aliqui Saxonibus vicini fuerint; (vide, quae de Frisionum situ *ad Addit. Sapientum Tit. III. §. 28.* optime omnium differit Sib. Siccama *in not. edit. Gaertn. p. 121.* & *sequ.* & Menso Altingius *Not. Germ. Inf. P. II. p. 62.* Frisios certe non exclusisse videtur. Eadem de Haraldo VI. refert Meursius *Hist. Dan. L. III. p. 50.* Verum cum Codicum antiquitas Legem Frisionum Haraldi temporibus, ad finem Sec. X. vergentibus, vetustiore ostendat, v. Lindenbrog. in *Proleg. ad Cod. LL. antiquar. & Struv. Hist. Jur. c. 6. §. 4.* cum Witichindus Corbejensis Monachus *Annal. L. I. apud Meibom. Script. R. G. T. I. p. 634.* gentem Saxonicam *triformi genere ac lege dividi, ipsamque legem diligenter descriptam inveniri testetur*; cum quaedam etiam in ipsa lege, nempe *Tit. V. §. 1. sub finem* & in additionibus Saxmundi *Tit. XII. §. 1.* quae tamen ipsa lege Fre-

sonum recentiores sunt, paganismi vestigia occurrant, non negamus quidem Haraldum Saxonibus & Frisiis leges aliquas dedisse, illas autem, de quibus nobis sermo est, & quas Heroldus, Lindenbrogius atque Siccama exhibent, his Haraldinis omnino antiquiores esse, merito existimamus. Ex verbis vero Eginhardi *in vita Caroli M. c. 29. Omnium nationum, quae sub ejus ditione erant, jura, quae scripta non erant, describi ac litteris mandari fecit*, etiam consensu veteris Poëtae v. Heinecc. *supra* §. 22. munitis, ego quidem nunquam cum Conringio concluderem, Carolum M. harum Legum Frificarum, quas Heroldus, Lindenbrogius atque Siccama producant, autorem esse. Quid enim aliud dicit Eginhardus, quam Carolum omnibus gentibus, suo imperio subjectis, & Jure scripto carentibus, Leges describi, & litteris mandari curasse? non dicit, Leges demum tulisse, sed leges memoria magis, quam scriptura conservatas in scripturam redigi jussisse. Multo minus autem negat, jam ante Carolum M. Frisiorum leges litteris mandatas fuisse. Et si ex his tantum verbis Carolum autorem harum Legum assereremus, necessario aliquid admittendum esset, quod vel ipse Conringius nolle concedere. Fatendum enim esset, Carolum, si harum Legum, horum tantum verborum fide, asseritur auctor, etiam Legum, quas hactenus recensuimus, auctorem esse; quod ne ipse quidem Conringius affirmare vellet, cum tamen ad eas non minus, quam ad Frificas argumentum, ex verbis Eginhardi petatum, referri possit. Imo vitiosum argumentandi circulum iniremus, si, quando quaeritur; an Leges Frificae ante Carolum scriptae sint, responderemus, eas ante ipsum scriptas non fuisse, quia ipse omnibus, quibus scriptae non erant leges, eas scribi curaverit. Ita enim in decisionem inferremus, quod in quaestione est. Ergo parum sane ex his verbis pro-

senten-

sententia Conringii, Carolum M. Legum Frisicarum primum autorem, asserentis concluditur. Verum si & sermonis, qui quandoque purior & comstior, praecipue in reliquiis paganismi, quandoque rudior ac durior est; & ipsius moris, nunc ad paganismi superstitionem, nunc ad Christianismi puritatem accedentis, differentiam consideramus, firmissime inde concludimus, eas non eodem tempore, nec ab eodem auctore collectas esse; cumque in ipsis non tantum legibus, sed & additionibus sapientum superstitionis paganae vestigia occurrant, & additiones ipsis legibus, omnium consensu, recentiores sint, porro inferimus, has Leges longo ante Carolum M. tempore extitisse. Quis enim crederet, Carolum M. si his Legibus manum admovisset, superstitiosa illa gentium placita vel iis inserturum, vel in iis inventa servaturum fuisse? Cumque in confesso sit, Carolum Martellum jam Frisios subegisse, eosque ad Christiana sacra perduxisse, quis inde non concluderet, harum legum, si non omnes, saltem aliquas partes, etiam Carolo Martello antiquiores esse. Unde non veremur accedere conjecturae Hoffmanni *Spec. Conject. Pol. c. 2. per. 3. Sect. 6. §. 2.* legem antiquissimam successu temporis, forsan privati cujusdam opera collectam, & alterius privati cura auctam fuisse, suspicantis, adeo ut tempus hujus Legis nec unum sit, nec omnino certum, Carolo M. tamen omnino antiquius. Quae in his Legibus dicuntur de fortibus, de poenis pecuniariis, maxime vero pecuariis, de inimicitia propinquorum, de duello, de litis, de mulctarum partitione, ea, uti jam Siiccama observavit in *Praef. ad LL. Fris.* antiquitatem plane ad Romanorum tempora accedentem, non obscure loquuntur. Conferantur, quae superius ad §. 1. & 5. observavimus. Addita his antiquioribus alia Christianam fidem saltem virefcentem, aliqua etiam satis confirmatam

tam loquuntur. Forſan aliqua jam a Friſiis gen-
 tilibus collecta, alia non ſub Theodorico quidem,
 cui cum Friſiis aliquid commune fuiſſe historia
 fere ignorat, ſed tamen ſub Chlotario vel potius
 Dagoberto, cum quo Friſii pro finibus & antiqua
 ſuperſtitione ſaepius certarunt, alia denique ſub
 Carolo Martello addita fuerunt. Leges hae in
 duas, ut ita cum Siccama loquamur, Tabulas
 dividuntur, quarum prior ipſas Friſiorum Leges,
 altera Additiones ſapientum Saxmundi & Vulema-
 ri, quae quaſi veterum Legum interpretationes ſunt,
 & ipſas incertae aetatis, complectitur. Adjecit Sic-
 cama Statuta Obſtalbomica, his omnibus multo
 recentiora, a loco Oſtfrisiae prope Auricam (v. Con-
 ring. de O. J. G. c. 28.) nominata, ad an. 1323.
 referenda, quo a *Grietmannis*, *Judicibus*, *Prae-*
latis, & *Clero terrarum Oſtergoe & Weſtergoe*,
cum caeteris Zelandiis Friſiae ad concordiam
& reformationem constitutionum Obſtalbaem
ordinata fuerunt, v. *Praef. LL. Obſtalb.* in qui-
 bus multa antiquiſſimi ritus veſtigia, quae ad
 antiquarum Legum intellectum haud raro ducere
 poſſunt, deprehenduntur. De quibus illud tan-
 quam in tranſitu monemus, quod licet furtum,
 rebus furtivis etiam vero domino reſtitutis, ſu-
 ſpendio puniatur, v. §. 2. ſimplex tamen homici-
 dium & mutilatio membrorum Laici aequali, ſed
 pecuniaria tantum ſeptupli §. 11. clericorum ve-
 ro homicidia, laeſiones & aliae injuriae iterum
 aequali pecuniae jactura, nempe decupli, coër-
 ceantur §. 12. Obiter notamus, quod in Legi-
 bus Germanicarum gentium antiquis pro fredo
 & werigildo leviorum delictorum certa ſumma,
 quaſi ordinaria poena definiatur, quae in gravi-
 oribus ad duplum, triplum & ſic deinceps aſcen-
 dit; unde intelligi poteſt, quid per *ſeptupli*, *de-*
cupli poenam intelligatur. v. etiam Siccama *not.*
b. ad Friſ. LL. T. I. inſcriptionem. In Legibus
 Friſiſis autem illud maxime notandum videtur,
 quod

quod, licet in definienda homicidii poena eandem, quae reliquis Germanicarum gentium legibus est, lenitatem profiteantur, in eo tamen aliquid proprii habere videantur, quod poenam secundum conditionem hominum, *nobilium, liberorum, litorum, servorum*, aestimare soleant, de quorum diversa conditione sollicitè agit Siccama l. c. not. c. Aliqui impune occidi his Frisiorum LL. possunt. v. *Tit. V. §. 1.* Ita *campio*, id est, qui vel pro sua vel pro aliena innocentia defendenda, vel alterius innocentia impugnanda pugnam cum altero fuscipit, ab adversario in duello impune occiditur. Ita *adulter*, qui a patre, fratre, curatore, marito, in cuius potestate fuerit mulier, in flagranti crimine comprehensus fuerit; ita *fur*, si in fossa, qua domum alterius effodere conatur, fuerit repertus; ita is, qui domum alterius incendere volens, facem manu tenet, ita ut ignis telum vel parietem domus tangat, ita qui sanum effregit, ita infans ab utero sublatu impune occiditur. Quae de infante dicuntur, ea de infante adhuc rubente & materna ubera nondum sugente, ex more gentis nondum Christi sacris addictae, forsan Diis immolando, intelligi debent, quod luculento exemplo ex S. Ludgeri vita probat Siccama, ex capite 6. haec verba producens: *Memorata Liassburg/ cum nata esset, habebat aviam gentilem, matrem videlicet patris sui, abrenunciantem omnino fidei catholicae, quae non nominanda in furorem conversa, eo quod praenominata conjux filias tactum genuisset, & filium non haberet, misit lictores, qui raperent eandem filiam, tunc natam de sinu matris: quia sic mos erat paganorum, ut si filium aut filiam necare voluissent, absque cibo terreno necarentur.* Et ex capite 7. *In hac igitur colluctatione mirabili, juxta misericordis domini dispositionem, supervenit vicina mulier, & misericordia mota eripuit puellam de manu praefati mancipii, cucurritque* cum

cum ea ad domum, & claudens post se ostium, pervenit ad cubiculum; in quo erat mel, & misit ex melle illo in os juvenculae, quae statim sorbuit illud. Venerunt interea praedicti carnifices, iussu dominae suae expleturi: dominabatur enim illa furibunda in tota domo filii sui. Mulier autem, quae infantem rapuerat, occurrit licitoribus, dixitque, mel comedisse puellam, & simul ostendit eis illam adhuc labia sua lingentem, & propter hoc illicitum erat juxta morem gentilium illam necare. Homicidiorum vindicandorum cura, ex more jam Taciti temporibus familiari, propinquis unice commissa, ita ut nihil iudex sponte sua & ex officio, uti loquuntur, hac in causa agere potuerit. De qua re notatu digna sunt, quae refert Siccama ad Tit. II. §. 2. not. o. Haeredes & propinqui, id est, agnati proximi occisi, inimicitias homicidae suscipiebant, & primo ultionis & inimicitiae testandae causa, cum defunctus sepeliretur, ad ipsum sepulchrum praesentibus, qui funus duxerant, unus ex propinquis evaginato gladio ter tumulum feriebat, cuncti superindicto: *wraeð / wraeð / wraeð* / id est, ultio, ultio, ultio. Nec ipsum corpus sepelire jus erat, priusquam iudici territorii vel Greetmanno esset praesentatum, nec Greetmanno homicidam persequi aut punire licebat, nisi haeredes proximi & propinqui, *van das swyds syde* / id est, ex mascula linea, justitiam peterent. Brevem Legis Frisicae conspectum, & modum leges ferendi, ex antiquioribus temporibus ad Imperatorum tempora transmissum, sistit Ubbo Emmius *Rer. Frisic. L. V. ad ann. 810.* Legibus ferendis hic mos est habitus, ut prudentissimi duodecim ex populo lecti, qui consuetudines & instituta majorum nossent, eas conciperent, Imperator vero ratas, ac in perpetuum sanctas esse juberet. Quapropter pleraeque electiones aut placita, aliae jura provincialia, appellantur. Hisce autem Legibus opti-

optimum jus Frisiorum libertasque integra sancitur: ut liber sit populus sui que juris in perpetuum; ut rebus suis, uti velint, singuli utantur, fruantur. Imperio tantum, in cujus clientela gens est, census modicum solvant, nemini prae-terea obnoxii, a vi mutua abstineant, pacate se-ctandum Leges sua possideant, vindicentque: Ju-dices controversis finiendis habeant liberis suffra-giis lectos, atque Imperatori sacramento obligatos, qui ex patriis legibus causas disceptent & lites fi-niant: Sacerdotes sacraque omnia sancta sint; Matronarum virginumque honos conservetur; omnium delictorum multa sit, quam pe-cunia, pecore, reliquis fortunis solvant: Poena capitis, nisi parricidis, proditoribus, latronibus, incendiariis, nocturnis grassatoribus, incestis, ne-mini irrogetur: Duello, ferro ignito, aqua fer-vente, sanctissimo jurejurando, criminum pur-gatus habeatur: Suam cuique causam coram ju-dice voce sua agere liceat. Tum de successionebus familiaeque heriscunda, de dotibus, de crimini-bus plura decernuntur, quae privati juris sunt. Quae licet ad Carolum M. Imperatorem omnia vulgo referunt, mihi tamen cuncta consideranti haud dubium sit, quin altius principium a Mar-tello pleraque habeant. Hic enim conditor religio-nis in Frisia, victo Radbodo, populum rudem le-gibus excolere & proposita libertate in Christi cultu & obsequio continere, quod legum autorem spectasse ex verbis satis liquet, necesse habuit. Sed coepta a Martello, atque a Danis penitus abolita, Carolus M. restauravit, audioraque fecit &c. Leges has decem capitibus a Rudolpho Habs-purgico auctas, & haec augmenta postea inepte rythmis inclusa & corrupta idem narrat *ibid.* L. VI. in f.

§. XXVI.

Interea LONGOBARDI quoque Italiam, Longo-
Gothis bardord.

Gothis vix a Justiniano Imp. ereptam, circa annum Christi DLXVIII. occupaverant, ibique regnum constituerant potentissimum, quod praeter Exarchatum Ravennatensem universam paene Italiam complexum est. Itaque & hic populus leges suas^(α) non modo in scripturam, verum etiam in justum corpus redigere^(β) coepit, etiam post Caroli M. tempora, & extincto licet regno Langobardico, diutissime apud Italos valiturum: Sigon. *de Regno Ital. Lib. VIII. ad ann. MVII. p. 188.* quin etiam nunc valens in quibusdam Italiae urbibus*, si fides habenda Jac. Spiegelio & Melch. Goldasto *apud Conring. de Orig. jur. Germ. Cap. XXII.*

* Hinc leges Langobardicas passim citant glossatores, Accursius, Pileus, Conradus, Joannes Teutonicus, quoties jus suorum temporum describunt. Observavit hoc Franc. Curtius junior, ex eoque Goldastus in *prolegom. collection. consuet. & legum Imperial.*

(α) Gens Longobardorum naturae faventis impulsu ad leges ferendas, colendas & augendas proclivis, earum studio prae aliis gentibus eminebat. Hinc a Gunthero *Ligurini Lib. II. v. 131.* hoc nomine impense laudatur:

Gens astuta, sagax, prudens, industria,
solers,
Provida consilio, LEGUM IVRISQUE PE-
RITA &c.

& mox v. 155.

Illa tamen LEGVM PRVDENS ET JVRIS
AMORI

DEDITA GENS &c.

Moribus tamen magis, quam legibus scriptis, tam ante invasionem Italiae, quam post eam usque

que ad Rotharim Regem vixisse eos testatur Paulus Diac. *de gestis Longobard. L. IV. c. 44. Rotharis R. Longobardorum LL. quas sola memoria & usu retinebant, scriptorum serie composuit &c.* Cujus rei fidem etiam facit Sigonius *de R. J. L. II. p. 39. ad an. 643.* qui Longobardos ita ad Rotharim usque vixisse scribit, *ut Legibus nullis scriptis, verum veteribus scitis, usu quotidiano & repetita memoria conservatis obtemperarent.* Quodsi tamen prooemium edicto Rotharis praefixum, quod Sigonius *ibidem* exhibet, consideremus, ubi necessarium se perpexisse dicit, **PRAESENTEM CORRIGERE** & componere legem, quae **PRIORES** omnes removeat & emendet, & Epilogum ejusdem, ubi: *antiquas leges patrum nostrorum, quae scriptae non erant, condidimus &c.* & paulo post: *per subtilem inquisitionem de antiquis legibus Longobardorum tam per nosmet ipsos, quam per antiquos homines memorare poterimus, videri posset, non moribus tantum, sed legibus scriptis Longobardos jam ante Rotharim gavisos esse.* Verum, quaeso, si bene perpendatur, nec Paulum Diaconum, nec Rotharini Regem, nec Sigonium voluisse sermonem suum ad artis vocabula, Jurisconsultis Romanis maxime usitata, adeo religiose hic componere, ut non ausi fuerint sub *legibus* aliud intelligere, quam quod expresse promulgatum esset; aut id, quod *sola memoria & usu retentum* dicerent, non modo de *moribus*, sed & de *legibus* expresse quidem promulgatis, non tamen in scripturam redactis, intelligendum praebere. Fuerint itaque mores diuturni in populo, fuerint ab antecessoribus Rotharis expresse quidem, voce tamen praeconis, non scriptis promulgatae, & memoriae mandatae leges. Illud certum, ante Rotharim nulli Longobardorum Regum in mentem venisse, has Leges sub examen vocare, & ex his fontibus ad suas componendas aliqua

forſan haurire, & ita vel ex antiquioribus petitas, vel ex ſuo ingenio inventas Leges in unum Codicem colligere. Invenerunt quidem, cum Italiam ingrederentur, Longobardi Leges Romanas, nec eas ſane expulerunt, ſed potius, etiam poſt Codicem ſuum compoſitum, adhuc conſervarunt; verum non ipſi tamen eas ſibi latas exiſtimarunt, ſed potius moribus ſuis & antiquis Scitis, uti jam vidimus, vixerunt. Per Leges autem Romanas, quas Longobardi, Italiam ingreſſi, ibidem invenerant, utique non tam Juſtinianeas, quam Theodoſianas, quae altas in Italia, & extra eam, paſſim radices egerant, intelligimus, quod jam ſupra *ad L. I. c. 6. §. 9.* monuimus. Leges Theodoſianas ab Oſtrogothis agnitas fuiſſe etiam hujus *Libri II. §. II.* oſtendimus. Ab horum exitio ad Longobardorum in Italiam ingreſſum, quod computatur, aliquot admodum annorum intervallum, novis legibus contra inveteratas firmandis ſufficere non poterat, praecipue cum turbae novae alias Juſtiniani curas expoſcerent, cum ingenii corporisque vires quotidie decreſcentes Juſtiniano vigorem ad firmandas leges neceſſarium negarent, & qui ſucceſſit, Juſtinus Junior & regionibus & legibus tuendis omnino impar eſſet. Longobardi vero, ex quo Italiam ingreſſi, perpetuis bellis Graecorum fatigati, acerrimum contra eos odium conceperunt, & licet aliorum mores lubentes tolerarent, non potuerunt tam facile leges hoſtium ſuorum venerari. Itaque leges Theodoſianas, & uſu perpetuo confirmatas, & ſibi non inimicas, ſuper-eſſe non inviti patiebantur, Juſtinianeas omnino aſpernantes, aliarum etiam gentium, qui vel Romanas plane non venerabantur, vel Romanarum ſub nomine Theodoſianas tantum agnoſcebant, exemplo contra Juſtinianearum Legum obſequium fortiffime muniti. v. Jac. Gothofr. *Proleg. Cod. Theod. c. 3. & 7.* Giannone *Hiſt. de Naples T. I. L. 4. chap. 6.*

(β) Mo-

(8) Modum, quo in condendis legibus suis usi sunt Reges Longobardorum, impense laudat & Romanorum etiam Imperatorum Constitutionibus has Leges hac ex parte praefert Grotius *Proleg. Hist. Goth.* quem hic sequitur Giannone *l. c. & Liv. V. Ch. 5.* quod nempe maturo consilio & adhibito consensu procerum, qui totius populi studia, desideria, & commoda optime omnium noverant, & quid e re futurum esset, longo usu didicerant, in comitiis propositae & promulgatae fuerint. Testantur hoc ipsa edicta Regum. Ita Rotharis R. in prologo Edicti sui apud Sigonium *de R. I. Libro II. ad annum 643. p. 39.* dicit: *Incipit Edictum, quod renovavi cum primatibus meis iudicibus &c. & in Epilogo ibid. p. 40. cum primatibus, principibus, cunctoque felicissimo exercitu augentes constituimus.* Ita Grimoaldus R. in prooemio apud Sigonium *ibid. p. 46. per suggestionem iudicum, omniumque consensum &c.* Ita Luitprandus R. apud Sigonium *l. c. L. III. p. 58. una cum omnibus iudicibus de Austriae & Neustriae partibus & de Tusciae finibus cum reliquis fidelibus meis Longobardis & cuncto populo assistente &c.* Eodem modo & Rachis R. apud Sigonium *l. c. Lib. III. p. 72. cum gentis nostrae, id est, Longobardorum iudicibus, tam de Austriae, quam de Tusciae vel Neustriae finibus &c.* Et tandem etiam Aistulphus R. *ibid. L. III. p. 77. convocatis ex diversis partibus regni nostri pertinentibus iudicibus, communi consilio &c.* Modestiam etiam horum regum, praecipue Rotharis, laudant, ad quam sequentes Reges, quicumque aliquid in emendandis vel augendis Longobardorum legibus tentarunt, uno ore omnes provocant, & hoc argumento operam, quam ipsi praestant, vel excusant, vel commendant. Grimoaldus quidem in prologo Edicti sui aliquando obscurius loquitur: *Superiore pagina huius edicti legitur, quod adhuc, annuente Domino, memorare poterimus,*

de singulis causis, quae praesenti non essent afflictae, in hoc Edicto adungere debeamus. Clarius id asserit Luitprandus in Prooemio: Rothar Rex, sicut ipse est in scriptis effatus suis superius, in Longobardis edictum renovavit, atque instituit. ubi & prudenter inserere curavit, dicens, ut quisque Longobardorum Princeps ejus successor, superfluum quid ibi reperiret, ex eo sapienter auferret, & quod minus inveniret, Deo adspirante, adjiceret. Eadem de Rothari Rege Rachis R. loquitur: & quidem statuit, ut cuncti successores ejus, quae sibi, inspirante Deo, aspera & dura cognoscerent, illa ad mollitiem, & pietatis adducerent gratiam.

§. XXVII.

Legum
Lango-
bardica-
rum col-
lectio &
glossae.

Diximus has leges in corpus aliquod redactas. Nam quamvis non unum agnoscant auctorem, sed partim a Rothare Rege anno DCXXXVII. (α) partim a Grimoaldo, Luitprando, Ratchiso, Aistulpho, quin & a Francicis ac Germanicis Imperatoribus, latae sint: editiones tamen Lindenbrogiana, & pleraeque omnes, has leges sistunt libris tribus, in certos titulos distributis. Quod a PETRO (β), Diacono Cassinensi, factum esse, plerique existimant, quem Lotharii III. Imp. Logothetam, exceptorem & chartularium fuisse, ex *Chron. Cassin. IV, 125.* patet. Glossas (γ) juridicas in leges has Langobardicas scripserunt CAROLVS COTTVS, ANDR. DE BARVTO, & IO. BAPT. NENNA. Duorum priorum nec non NIC. BOERII glossae* habentur in *Corpore juris glossato Lugd. Sequan. apud Gabr. Carter. anno 1600. 4. Tom. ult.*

* Eae

* Eae quoque glossae argumento sunt, eorum auctorum temporibus extra usum non fuisse jus Langobardicum. Ex his vero juris Langobardici interpretibus CAROLVS quidem COTTVS antiquissimus est, quem Pithoeus in *praef. ad Capitular.* annis CCCLXXX. ante se vixisse ait: de IO. BAPT. de NENNA aetate non constat. ANDR. vero DE BARUTI & NIC. BOERIVS seculo XVI. vixerunt.

(a) Primus itaque Rotharis Rex ab introitu gentis in Italiam septimus, vel, uti se ipsum in prooemio Edicti appellat, *septimus decimus Rex gentis Longobardorum*, ab eo scilicet tempore, quo Longobardi Reges habuerunt, anno regni sui octavo, aetatis tricesimo octavo, *indictione secunda* & post adventum in provinciam Italiae Longobardorum, ex quo Alboinus tunc temporis Rex, procedente divina clementia, advenit, anno septuagesimo sexto, Ticini corpus quoddam legum in scripturam redactum, promulgavit 386. vel 390. ex editione Muratorii *Script. Rer. Ital. T. I. P. II.* capitibus seu legibus, quae tamen non omnes in vulgarem editionem transferunt. Hermannus Contractus & cum eo autor noster id contigisse anno 637. affirmant, quibus accedit Struvius *Hist. Jur. c. 5. §. 5.* Sigonius *de R. J. Lib. II.* id refert ad annum 643. Giannone *Hist. de Napl. T. I. Liv. 4. ch. 6.* ad annum 644. cumque ingressus Longobardorum in Italiam communi fere omnium consensu ad annum 568. referatur, ex ipsa computatione Rotharis, qui ab hac epocha ad edictum suum promulgatum 76. annos numerat, Edicti promulgatio ad annum 644. referenda sine dubio erit. Merito tamen, monente Giannone *ibid. Liv. 4. ch. 1.* hic observamus, quod duae regni Longobardici Epochae confundendae non sint, altera nempe ab ingressu Longobardorum in Italiam, qui in 2. Aprilis anni 568. incidit, altera vero ab initio regni

regni Alboini, quod ad 29. Decembris ejusdem anni referendum, quae observatio forsan conciliare poterit eos, qui Edictum Rotharis ad annum 643. referunt, cum iis, qui id demum anno 644. promulgatum scribunt, cum *indictio secunda*, quae legem tulisse dicit Rotharis, a mense Septembre anni 643. initium capiat. Nec silentio praetereundum est, quod conjectura Pagii *Crit. Baron. ad ann. 638.* qua pro VIII. Rotharis in Prologo Edicti ab eo promulgati restituendum credit annum XIII. merito rejiciatur a Muratorio in *Praef. ad LL. Longob. p. 8.* cum constans omnium codicum consensus annum VIII. exhibeat. Cum Rotharis leges non omnibus causis decidendis sufficerent, aliqua etiam in illis *dura & impia* viderentur, animis Longobardorum, coeli Italici clementia & quotidiana cum Romanis consuetudine, paulatim mitescentibus, aliqua mutavit, aliqua addidit Grimoaldus, Edictumque anno 668. Regni sui sexto promulgavit, in XI. Capita divisum, quorum tamen non nisi septem Autor vulgaris Collectionis LL. Longobardicarum tribus, quos exhibet, earum Legum Libris inseruit; v. Giannone *l. c. chap. 10. §. 3.* Muratorii vero Editio novem capita sistit. Mox Luitprandus anno Regni sui I. qui ex computatione Sigonii, Muratorii & Giannone in annum Chr. 713. incidit, etiam Edictum promulgavit, sex capitibus distinctum, cui singulis fere regiminis annis aliud atque aliud addidit, ita ut numerus Legum Luitprandi in universum ad 152. excreverit, additis adhuc Titulis singularibus septem I. *de Mercede Magistrum II. de Muro. III. de Annona. IV. de Opera. V. de Caminata. VI. de Furno VII. de Puteo.* v. Giannone *l. c. Liv. V. §. 1.* Ex quibus legibus omnibus nonnisi 137. vulgari collectioni insertas numeramus. Muratorius tamen sex Libris 157. plane Luitprandi Leges exhibet. Rachis
tan-

tandem anno regni sui secundo, quem Sigonius & Giannone annum Chr. 745. Muratorius 746. putant, Edictum XI. capitibus constans proposuit, v. Giannone *l. c. cb. 1.* quorum novem tantum Collectio vulgaris, nec non ipse Muratorius exhibent. Denique Aistulphus secundum Sigonium & Giannone anno Regni V. Christi 754. secundum Muratorium vero an. R. I. Chr. 750. ad Leges promulgandas etiam accessit. Primo vero regni anno id contigisse non immerito in dubium vocatur, cum primis regiminis annis adeo gravibus acerrimorum bellorum turbis immersus fuerit, ut regno Legibus firmando vix vacare potuisse videatur. Edictum ejus 22. capitibus constat, v. *Id. l. c. cb. 2. §. 3.* quorum 19. inserta Collectioni vulgari, a Muratorio vero non nisi 14. exhibita videmus. His varia postea adjecterunt capita, Carolus M. Ludovicus Pius, Lotharius, Pipinus, Ludovicus II. Guido, Henricus I. Conradus I. Henricus II. Lotharius II. vel Imperatores & simul Reges Italiae, vel Reges Italiae tantum, quo maxime nomine haec Capitularia LL. Longobardicis junxisse videntur. Ubi illud monendum occurrit, quod Baluzius & post eum Hoffmannus tres species Capitularium, ad LL. Longobardicas spectantium, sollicite distinguendas doceant, nempe Capitula Legibus Longobardicis mixta, Capitula iis addita & subjuncta, & alia ex Legibus Longobardicis excerpta. Caroli IV. vero Constitutio, quae ad Italiam plane non spectat, quomodo in Collectionem hanc irrepperit, non satis constat. Quae hic ex Giannonio de numero & ordine Edictorum Longobardicorum aliquoties notavimus, ea non ingenio illius, aut vanis divinationibus, sed diligentiae & curae debentur, qui vetustum Codicem MSCtum, quem Cavense SS. Trinitatis Monasterium, Regulae Sti Benedicti, in suis tabulariis servat, suis oculis vidit & diligenter excu-

fit, & ex ejus Codicis fide haec omnia narrat; quem Codicem non consuluisse videtur Muratorius, ad Mutinenses & Ambrosianae Bibliothecae Codices unice provocans, hujus autem Codicis Cavenfis mentionem nullam plane faciens.

- (β) Aliam antiquiorem Collectionem harum LL. ad initia Seculi XI. ideo, quod Principum Beneventanorum & Capuanorum Comitum usque ad finem Sec. X. nec ultra, mentionem faciat, referendam, ab incerto quodam Capuano in charta membranacea, literis Longobardicis conscriptam, nondum editam, fervari in Tabulariis monasterii Cavenfis, scribit Giannone *Hist. de Napl. T. II. Liv. 10. chap. 211.* quae in eo a vulgari recedit, quod non, uti haec, per Titulos varios, ad modum Codicum Theodosiani & Justiniani, Leges singulorum Regum disjiciat atque dispergat, sed uniuscujusque Regis Leges, perpetua serie junctas, exhibeat, quod etiam Muratoriana Editio facit. Exhibet praeter Leges Regum Longobardicorum etiam Capitularia Imperatorum & Regum Italiae, imo & quorundam Principum Beneventanorum. Jungit ejus Autor etiam explicationem quarundam Legum Beneventanarum & Capuanarum; nec non alia quaedam Opuscula a se composita, ex quorum titulis, tanquam ex ungue leonem, noscere possumus. Entibi aliquos: *Quantas causas debet esse judicata sine sacramentum. Item, quantas causas fieri debet per pugna judicata. Memoratorium pro quibus causis filii ab hereditate patris exheredati fieri debet.*

Quod ad vulgarem Collectionem attinet, eam non adeo recentem esse jam Lindenbrogius in *Prolegom. ad Cod. LL. antiq.* duplici argumento ostendit; nempe I. quod jam Libri Feudorum Leges Longobardicas, secundum distributionem & seriem earum, in collectione vulgari servatam, allegent. v. *I. Feud. 10. II. Feud. 22. II. Feud. 28.* II. quod jam Carolus Cottus Siculus, qui Placen-

Placentinum JCtum, de quo *ad L. I. c. 6. §. 416.* egimus, ipse praeceptorem suum appellat, hanc Collectionem commentariis illustraverit. An vero Petrus Cassinensis ejus autor sit, in utramque partem disputatur. En tibi utriusque sententiae rationes: Pro affirmantibus militant 1. Dignitas *Logothetae, Exceptoris & Chartularii* Petro Cassinensi a Lothario Saxone tributa, huic operi suscipiendo maxime conveniens. 2. Nullae Principum, Lothario recentiorum, Constitutiones huic Collectioni insertae. 3. Nomen Petri Cassinensis aliquibus hujus Collectionis Codicibus praefixum. Negantium causae favet. 1. Quod Petrus, famae suae non parum studiosus, in indice operum suorum, quem Chronico Cassinensi inseruit, minima quaeque opuscula, praefationes, hymnos, sermones, aliaque sollicitè commemorans, hujus tamen Collectionis nullo verbo mentionem faciat; facturus sine dubio, si suam esse dicere potuisset. 2. Quod Carolus Toccatus, a Lotharii temporibus parum remotus, in praefatione Glossarum, quas huic Collectioni adjecit, neget, potuisse auctoris nomen inveniri propter antiquitatem. Quae negantium argumenta affirmantibus graviora omnino videntur.

- (2) De Caroli Cotti aetate locuti sumus *in not. β.* An hic, quod suspicor, idem sit cum Carolo Toccato s. *de Tocco*, a loco originis, qui in Beneventanis est, ita dicto, qui & ipse Placentinum praeceptorem agnoscit, nec non Joannem, Ottonem Papiensem & Bagarottum, ego quidem affirmare non audeo. Hic sub Guilielmo I. Siculo an. fere 1162. Majoris Curiae Judex creatus, cum Jus Romanum paulatim majores vires capere cerneret, Longobardici Juris decrementa metuens, atque id ab interitu vindicaturus, primus Glossas, easque uberiores, in id conscripsit. v. *Giannone Hist. de Naples T. II. Liv. X. chap. 11. §. 1.* Qui hic Autori dicitur *Andreas de Baruto*, ille

melius aliis *de Barulo*, *de Barlette*, vel plenius *Andreas Bonellus de Barulo* appellatur, non sec. XVI. uti Heineccius hic scribit, Jurisconsultus, sed sub Friderico II. Advocatus Fisci Neapolitani constitutus, cum videret Leges Longobardicas a Doctoribus, studio Romanarum maxime captis, negligi, Commentarios ampliores composuit, quibus praecipue utriusque Juris dissensum monstravit, opere eo majoris tum utilitatis futuro, quo magis in scholis regnare inciperet Jus Romanum, ita ut eo unice fere imbuti causarum Patroni, & Juris Longobardici, quod tamen forensi auctoritate gaudebat, minus periti, cum magno eruditionis peregrinae apparatu, & non minori juris patrii contemptu, in forum procedentes, ab indoctioribus saepius, qui tamen patrii juris copiam haberent, vincerentur, quod exemplis ipse illustrat. Nominandus etiam fuisset *Blasius de Morcona*, Roberto Siculo a consiliis, qui & ipse differentias Juris Romani & Longobardici conscripsit. Johannes Baptista Nenna vero, cujus aetatem incertam Heineccius dicit, tempore Caroli V. scripsit, cujus Commentarius LL. Longob. ideo maxime notandus, quod ordine alphabetico vocabula Juris Longobardici obscuriora explicet; Venetiisan. 1537. prodiit. v. Giannone *Hist. de Naples. Tom. II. Liv. X. chap. 11. §. 1.*

§. XXVIII.

Nova
Murato-
rii colle-
ctio lau-
data.

Sed omnium industriam in restituendo illustrandoque Codice LEGVM LANGOBARDICARVM superarunt Socii Palatini, & in his Lud. Ant. Muratorius, qui inter *Script. Rer. Ital. Tom. I. Part. II.* leges Langobardicas ex duobus codicibus Mutinensibus* edit, non in titulos, secundum ordinem argumen-

gumentorum distributas, sed secundum Regum, a quibus profectae, seriem digestas, suisque prooemiis (α), quae in editis omnibus defunt, instructas; interjectis passim formulis, quibus prudentes Langobardorum tum agendo, tum excipiendo in foro usi sunt, additisque praefationibus, notis, indicibusque praestantissimis, ut nihil hac quidem collectione reperiri possit perfectius (β).

- * Alterum ex his codicibus Eurardus quidam per Lupum describendum curavit. Id enim docet praemissum carmen heroicum, cujus initium est:

*Hunc heros librum legum conscribere fecit
EVRARDVS prudens.*

Eurardum istum Muratorius non alium esse suspicatur, quam Ducem Forojuliensem sub Ludovico II. Imp. Addo ego, eundem forsan esse hunc codicem, cujus ipse Everardus meminit in Testamento suo apud Aub. Miraeum *Cod. Donat. Pirar. Cap. XV. p. 21.* ubi Unrocho filio primogenito legat *librum de lege Francorum, & Ripuariorum, & Langobardorum & Alamannorum & Bajuvariorum.* Et in hoc Codice Mutinensi, eadem leges uno fasciculo conjunctae fuerunt, teste ipso Muratorio.

- (α) Et quidem integris & castigatioribus, cum ea quidem a Sigonio exhibeantur, sed per particulas tantum, hasque saepe corruptas. Sunt autem eo magis notanda haec prooemia, quo plura non tantum ad Juris, sed totius regni Longobardici Historiam facientia continent. Ita v. g. Prooemium R. Rotharis successionem & nomina Regum sedecim, qui ab ipsis Longobardici Regni initiis ipsum praecefferant, perpetua serie sistit.
- (β) De collectione vulgari, & ipsarum Legum vel dotibus vel vitiis aliqua adhuc monenda sunt. In illa multi temporis & rerum ordinem magis concinnum

cinnum desiderant. Eam multis additionibus
 successu temporis interpolatam aliqui suspicantur
 ex eo, quod connexio hinc inde interrupta sit
 & consequentia praecedentibus, licet connecten-
 di particulis juncta, minus respondeant. Ita
Lib. I. Tit. IX. c. 23. per particulam enim jun-
 ctum quidem est capiti praecedenti, & *caput 24.*
 per voculam *item* huic *c. 23.* jungitur, causarum
 autem ibi expositarum nullus est nexus interior.
 Aliena etiam a rebus Longobardorum huic Col-
 lectioni inserta queruntur. Ita mirantur *L. III.*
Tit. 31. insertam Caroli M. Legem, qua, ut *capitula,*
quae praeterito anno Legi Salicae addenda censu-
erat, jam non ulterius capitula, sed tantum Leges
dicantur, & pro lege Salica teneantur, statuit.
 Quid enim Legi Salicae cum Longobardis com-
 mercii est? Sigonius quidem tres ea aetate
 in Italia Leges obtinuisse, *Romanam, Longobardi-*
cam, Salicam asserit, alii *Salicam* ex Italia pro-
 scribunt. Ego, cum post subactam a Carolo M.
 Italiam multi Franci, vel belli vel pacis artibus
 operam dantes, in Italia sine dubio versarentur,
 non pauci etiam sedem perpetuam ibi figerent,
 quod quidem hos Legis Salicae usu Carolus
 privare noluerit, sed potius ipsis libertatem ea
 fruendi, licet solum verterint, omnino conce-
 dere voluerit, arbitror. Inde, quod generaliter
 de Capitulis Legi Salicae additis Carolus sta-
 tuerat, id in horum praecipue Francorum, in Ita-
 lia commorantium, gratiam Collector Legi Lon-
 gobardicae, tanquam in Italia magis usitatae, in-
 ferere non dubitavit, v. Hoffmanni *Spec. Conj.*
Pol. c. 2. per. 4. sect. 4. §. 2. not. a. Ipsarum ve-
 ro Legum Longobardicarum aequitas & pruden-
 tia impense laudatur a Grotio *Proleg. Hist. Goth.*
 & Giannone *Hist. de Naples. T. I. Liv. 5. chap. 5.*
 aliisque; praecipue autem matrimoniorum non-
 nisi inter ejusdem ordinis personas contrahendo-
 rum, & in certis propinquitatis gradibus prohi-
 bito-

bitorum, nec non doni matutinalis s. *Morgengabae*, intra certos limites coërciti, poenarumque adulterii severiorum, aequitas maximopere ab iisdem autoribus commendatur. Iustitiam Legislatorum Longobardicorum etiam in eo deprehendimus, quod homicidii graviolem, quam quae alibi statuitur, poenam sanxerint, nempe bonorum omnium jacturam, v. *L. I. Tit. 9. c. 21.* quae tamen in LL. sequentibus varia ratione mitigatur. Quod vero inter laudes Legis Longobardicae Hoffmannus *l. c.* etiam referat concubinatus prohibitionem, in eo quidem Legis sensum non satis affecutus videtur. Ipsa, quam allegat, Lex septima *L. II. Tit. 13.* nihil aliud prohibet, quam polygamiam, siye ea cum duabus uxoribus, solenni matrimonio junctis, siye cum uxore solenni & concubina exerceatur. At ne Legibus quidem Romanis licebat, uxorem & concubinam simul sibi jungere. Licebat autem vel uxorem, solennibus nuptiis acceptam, vel, si quis hanc non haberet, concubinam, vero quidem matrimonio, legibus etiam permissa, v. *L. Si qua illustr. 5. Cod. ad Sclum Orfit.* at solennibus ritibus carente, atque ita & aliquibus solennis matrimonii effectibus destituto, junctam habere. Id quidem hac Lege Longobardica tantum abest, ut prohibeatur, ut potius non obscure permittatur, & hinc a multis inter Juris Longobardici vitia connumeretur. Cum vero idem Jure Romano statuatur, cum ejus rei usus diu duraverit, adeo ut ejusmodi aliquid suo adhuc tempore inter Vascos & Pyreneos superfuisset Cujacius in *Parat. Pandect. de Concup.* disertis verbis scribat, cur hoc, quod cum aliis commune fuit, praecipue Legi Longobardicae vitio versum fuerit, ego quidem non video. Ita in Tutelis, Contractibus, Successionibus ab intestato, Judiciorum ambagibus & impensis imminutis, aliisque aequitatem harum Legum multis elogiis extollunt autores.

Ini.

Iniquitatem tamen maximam deprehendit Hoffmannus *ibid. not. e.* in calamitate leprosi per *Lib. II. T. 18. c. 1.* uti quidem ipse arbitratur, gravissime aucta, qua non tantum casa, imo civitate expellitur, ut solus habitet, sed & *res suas alienare aut thingare cuilibet personae prohibetur*, addita ratione: *quia in eodem die, quando a domo expulsus est, tanquam mortuus habetur.* Verum nescio, an non hoc potius aequitati & prudentiae Legislatoris debeatur, qui hominem a caeterorum commerciis remotum, & ita viribus & occasione acquirendi carentem, prohibere voluisse videtur, ne, qui sibi superessent, perpetuorum alimentorum fontes, mali forsan impatiens, temeraria alienatione exhauriret. In hanc sententiam me fere trahunt ultima Legis verba: *tamen, dum vixerit, de rebus, quas dereliquerit, pro mercedis intuitu nutriatur.* Duelli porro usum, hac Lege conservatum, ipsi acerbius multi exprobrant. Sed fuit haec communis huic cum aliis Germanicarum gentium Legibus labes, eo magis Longobardorum Legislatoribus condonanda, quod iniquitatem rei senserint, sed nimis alte infixam mentibus evellere non potuerint. Ita enim Luitprandus *L. I. T. 9. c. 23.* *Incerti sumus de Judicio Dei, & multos audivimus per pugnam, sine justa causa, causam suam perdere. Sed, propter consuetudinem gentis nostrae Longobardorum Legem impiam vetare non possumus.* Imo, quod fide Cujacii *ad I. Feud. I. §.* *Si autem controversiae &c.* asserimus, ejusmodi probationum vulgarium usus primum in Longobardia exolevit. Plura vide apud Hoffmannum & Giannone *ll. cc.*

§. XXIX.

Capitula-
ria Regū

Et hae quidem sunt leges gentium Germanicae originis, a saeculo V. ad Caroli M. impe-

imperium in scripturam redactae ac edictae. Francorū
 Quum vero Franci hoc temporis intervallo, ad tem-
 Burgundiones, Frisios, & Alamannos per- pora Ca-
 domuissent, Gothos Gallia submovissent, roli M.

Bajuvarios in deditionem accepissent: non
 mirum est, praevaluisse reliquis LEGES
 FRANCICAS, non modo SALICAM &
 RIPVARIORVM, sed & edicta, quae singuli
 Reges in Comitibus vel placitis publicis, &
 consentientibus regni ordinibus, sub CAPI-
 TVLARIVM * nomine edere solebant. Su-
 persunt sane ejusmodi capitularia CHIL-
 DEBERTI anni DLIV. CHLOTARII
 anni DLX. GVNTCHRAMMI anni
 DLXXXV. CHILDEBERTI junioris anni
 DXCV. CHLOTARII II. anni DCXV.
 CAROLOMANNI, anni DCCXLII. seq.
 PIPINI item capitularia Sueffionense anni
 DCCXLIV. Vermeriense anni DCCLII.
 Vernense anni DCCLV. denique Metense
 & Compendiense anni DCCLVII. apud Ba-
 luz. *Tom. I. Capit. p. 1. sequ.*

* CAPITVLVM & CAPITVLARE jam ante Francos
 erant vocabula satis nota, sed alio plane sensu
 usurpata pro oneribus, quae alias personalia vo-
 cantur *l. 14. l. 15. l. 18. C. Theod. de extraord.*
muner. ubi temonaria functio eo nomine venit.
Vet. Glossarium: Tributum CAPITVLARE, *ἐπι-*
καταλίσ φέρε. At quum tamen & leges capitula
 dici coepissent, *l. 27. §. 4. & l. 30. §. 3. D. ad*
leg. Aquill. non mirum profecto, Francos leges
 suas κατ' ἐσχλὴν vocasse CAPITVLA & CAPITV-
 LARIA.

§. XXX.

Leges
Germani-
cae ple-
rosque
mores
patrios
a Tacito
descri-
ptos fir-
marunt.

Quamvis ergo hae leges omnes passim a-
liquid ex jure Romano traxerint, (§. XIV.)
multa etiam ex pristina barbarie paullatim
deterferit Christiana religio, qua interea hae
gentes omnes imbuebantur: res ipsa tamen
docet, consuetudines tantum non omnes,
quas Julius Caesar, Tacitus, alique vete-
res scriptores in Germanis notaverant,
(§. III. & IV.) in istis Germanorum legibus
etiam nunc reperiri: Unde facile adparet,
majores nostros prisca & aviti moris tenacis-
simos fuisse.

§. XXXI.

Id quod
exemplis
demon-
stratur.

Hinc expressissima in legibus his vestigia
deprehendimus longae pueritiae, *Leg. Wi-*
sig. IV, 3. 1. Langob. II, 29, 1. dotis uxori a
marito oblatae, Leg. Wisig. III, 1, 5. & 6.
Burg. LXII, 2. Alam. LVI, 1. seq. Ripuar.
XXXVII, 1. & 2. Langob. II, 4, 1. seqq. re-
rum expeditoriarum & geradae, Leg. Burg.
LI, 3. & 4. Angl. VI, 5 & 6. inimicitarum a
tota familia susceptarum, Leg. Fris. II, 2. ad-
dit. Vulem. I, 1. Leg. Sal. LXIII, 2. & seq.
Angl. VI, 5. Langob. I, 7, 15. 1, 37. 1. sequ.
controversiarum non jure, sed ferro decisa-
rum, Leg. Burg. LXXX, 1. sequ. Alam. I, 3.
LXXXIV, 1. Bajuvar. XVI, 1. Ripuar.
XXXII, 4. Fris. XI, 3. XIV, 4. Langob.
XXXII, 3. homicidii non morte,
sed multa, expiati, Leg. Sal. XXVI, 1.
Ripuar.

*Ripuar. VII. & XXXVI, 1. Angl. 1, 1. Fris. 1, 1. sequ. Alamann. XLIX, 1. sequ. LXVIII, 1. sequ. Bajuvar. XIII, 1. sequ. Langob. 1, 9, 3. & 6. hospitalitatis legibus praeceptae, Leg. Burg. XXXVIII, 6. 7. 9. numeri denique non dierum, sed noctium, initi * : Leg. Sal. XXVI, 49. Ripuar. XV, 9, 6. Langob. 1, 13, 23.*

* Immo eadem computandi ratio etiam multo post in Speculis Saxonico & Suevico observatur, notaque est loquentio: *uber vierzeben Nächte. Jus Prov. Sax. Lib. I. Art. 2. & art. 67.* Et hinc nata est dilatio Saxonica, quam vocant, sex hebdomadum & trium dierum. Quin enim ter citandus esset reus, & quidem singulis vicibus, ut post quatuordecim noctes adesset: his connumeratis prodibant sex hebdomades, additisque tribus diebus juridicis dilatio Saxonica. Vid. *Gloss. ad Jus prov. Sax. L. I. art. 67.*

§. XXXII.

Sed haec quidem de legibus ipsis horum Formulae temporum sufficiant, forenses Unum addimus, ad eorum earum aequae ac juris Romani, tum apud tempo- provinciales recepti illustrationem, rum. ususque forensis intelligentiam non parum conferre tot FORMVLARVM (α) collectiones, quae ex istis saeculis supersunt. Habemus enim MARCVLFI *Formulas*, quales tum ab Hier. Bignonio, tum a Lindenbrogio, datae sunt, apud Steph. Baluzium; aliasque, secundum LEGEM ROMANAM, vel SIRMONDICAS, nec non alias BIGNONIANAS, ab eodem Baluzio; alias ANDEGAVENSES, a Mabillonio tum *Analect.*

Tom. IV. p. 234. tum in *Operis de Re Diplom. Adpendice Tomo II.* editas, & quas paullo ante laudavimus (§. XXVIII.) LANGOBARDICAS, a Lud. Ant. Muratorio *Tom. I. Script. Rer. Ital. Part. II.* ex vetere Codice Mutinensi descriptas *, quas utut barbaro dicendi genere scriptas, maximam tamen adferre utilitatem, unusquisque re ipsa experietur.

* Merito addimus *formulas* ALAMANNICAS, a Melch. Goldatto *Tom. II. Rer. Alam. Part. I.* nec non ALSATICAS, itidem a Mabillonio primum, ac deinde a Ge. Eccardo sub finem *Legis Salicae p. 232. sequ.* editas: quas tamen non minus, quam Goldastinas, esse *Alamannicas* & in monasterio S. Galli scriptas, res ipsa docet.

(a) Per *formulas* hic utique non intelliguntur solennes illae & quadam necessitate legali munitae conceptiones verborum, quibus non tantum in forensibus, sed & in aliis, quaecunque alicujus momenti erant, negotiis ita utebantur veteres Romani, ut negotii celebrandi robur & virtus ex formulae solennis usu unice fere penderet; quales opere insigni & eruditissimo *de formulis & solennibus Populi Romani verbis* collegit Barnabas Brissonius, quarumque usus, qui jam maxima ex parte aevo Justiniani exoleverat, ab eo postea penitus proscriptus est; ac a gentibus Germanicis, simpliciiori vitae assuetis, odio potius quam imitatione exceptus. Intelligimus vero hic exempla rerum agendarum & negotiorum in scriptis perficiendorum a viris rerum peritis eum in finem proposita vel collecta, ut, qui negotium ejusmodi celebrare vellet, haberet normam prae oculis positam, quam cum spe felicis successus, sive in judicio sive extra illud sequi secure posset. Non tamen sunt ejusdem generis omnes formulae, quas hodie prostant. Aliae enim videntur publica

blica auctoritate compositae, ut non tantum laborem eorum, qui in scriniis militabant, sublevarent, sed & contra errores facile alias instrumentis, si norma perpetua abesset, obrepturos, eos munire possent. Ita formulae, quae a Casiodoro *Var. Lib. VII.* exhibentur, sunt exempla literarum Imperatoris nomine iis, quibus officia & dignitates majores, sive togatae, sive militares conferebantur, mittendarum, quibus officiorum jura & obligationes continebantur, quae casu contingente describenda, & nominum priorum ac temporum notis implenda erant. Aliae vero formulae privata auctoritate compositae & collectae in duas iterum classes distinguuntur; quorum illa quidem continet instrumenta negotiorum non imaginarie, sed vere, celebratorum, ab hominibus, posteritatis instruendae curam habentibus, ideo collectae, ut vel memoriam rei gestae conservarent, vel genium seculi & mores, ipsis rerum gestarum documentis propositis, docerent. Haec vero complectitur exempla negotiorum non vere gestorum, sed tantum ex ingenio fictorum, a peritis rerum proposita iis, qui rerum agendarum formam non tantum ex regulis, sed & ex ipsis negotiorum imaginibus felicius addiscere cuperent.

C A P. II.

DE PROGRESSU IVR. GERMANICI
A CAROLI M. TEMPORIBUS AD
LOTHARIVM III. IMP.

§. XXXIII.

PROgredimur ad tempora CAROLI M. Carolus M. legislator Saxonum.
quem si emendandis barbarorum moribus, legibusque aequioribus ferendis na-

tum dixerimus, neminem nos habituros contradicentem speramus. Eum omnium, quae sibi parebant, gentium leges in scripturam redigi jussisse, jam supra vidimus (§ XXII.) Quum ergo tum gentes omnes jam leges scriptas haberent, praeter SAXONES, quos ipse primus diuturno bello perdomuerat: dubitari nequit, quin iis praeter ceteris hanc operam navarit *. Non tamen novas illis obtrusit leges, sed, ut *Poëta Anonymus ad ann. DCCCIII.* loquitur:

*Tam sub iudicibus, quos Rex imponeret ipsis,
Legatisque suis, permissi LEGIBUS uti
Saxones PATRIS, & libertatis honore.*

* Conjicit quidem V. C. Burc. Gotth. Struvius in *Hist. Jur. VI.* 7. p. 425. 426. jam ante Carol. M. eam extitisse, cum is in *Capit. de part. Sax. C. XXXIII.* ad legem Saxonum, & in *Capit. Sax. Aquisgr. anni DCCLXXXVII.* nec non *Capit. IV. app. II. Cap. 35.* ad eorum euvam provocet. Sed uti *lex & euvā πολιτείας* sunt vocabula: ita & jus non scriptum significare possunt.

§. XXXIV.

Lex Saxonum
quando
scripta.

Et haec procul dubio est LEX illa SAXONVM, ab Heroldo, Lindenbrogio, Leibnitio, & nuper a V. C. Car. Guil. Gaertnero, edita. Quamvis enim Lindenbrogius eam legem vel ideo Caroli saeculum antiquitate superare existimet, quod in membranis, quas nactus sit, litterarum ductus vetustatem majorem arguant, & codex ille ante Caroli tempora scriptus videatur: tamen

tamen, quum ista Lex Saxonum Christianis vocabulis e. g. *ecclesia* utatur *, *Tit. III, 5.* & praeterea regni ac Regis Francorum diserte meminerit, *Tit. III, 1. XVII, 5.* fieri sane non potest, ut eam vel Caroli M. (α) aevo antiquiorem, vel ab Haroldo, Danorum Rege, profectam esse existimemus. Conring. *de Orig. Jur. Germ. Cap. XII.*

* Quamvis enim ante bella Caroli M. cum Saxonibus gesta, Christianae religionis scintillae quaedam in Saxonia emicuisent, ceu patet ex Venant. Fortun. *Lib. III. Carm. 9.* & *vita S. Faronis Episcopi Meldensis MSC. Cap. LXXVI.* ex qua excerpta edidit Leibnit. *Script. rer. Brunsvic. Tom. I. p. 63.* id tamen de paucis hominibus, qui in Gallicano littore piratae caussa confederant, intelligendum videtur, non de universa gente, quae ad Caroli M. tempora avitam superstitionem & armis tuebatur, neque adeo patiebatur ecclesias vel templa Christianorum apud sese existare.

(α) Tres ergo sunt sententiae de origine Legis Saxonum. Lindenbrogius *Proleg. ad Cod. LL. antiq.* Struvius *Hist. Jur. cap. 6. §. 7.* Brunquell. *Hist. Jur. P. IV. c. 2. §. 17.* alique Legem Saxonum antiquiorem Carolo M. statuunt. Conring. *de O. J. G. cap. 13.* Hachenbergius *Germ. Med. Diff. 3. §. 8.* Gaertnerus *Not. ad L. Sax. inscript.* Hoffmannus *Spec. Conj. Polit. c. 2. per. 3. sect. 8. §. 2.* & alii ipsi Carolo M. eam tribuunt. Alii, e quibus praecipue nominandus Speelmannus *Glossar. v. Lex Saxonum* eam Carolo M. recentiorem esse dicunt, Haraldo Daniae Regi tribuentes *v. supra ad §. 25. not. α)* quam opinionem nunc amplius non moramur, ibidem jam excussam & ad Saxones Transalbinos cum Meibomio *in Introd. ad Saxo-*

niae infer. historiam p. 79. & seq. atque Hoffmanno l. c. merito restringendam. Pro prima vero sententia militat 1) antiquitas Codicum & sermonis, antiquius Carolo M. tempus, ut videtur, redolens. 2) Testimonia Poëtae Anonymi, v. §. 33. qui Saxones patriis Legibus uti permisso a Carolo M. dicit. 3) Capitularia Caroli ad ipsam Legem Saxonum, tanquam ad antiquiorem, provocantia: v. §. 33. in n. Secundae sententiae favent 1) Linguae Latinae, Saxonibus ante Carolum M. parum notae, usus in hac lege adhibitus. 2) Veneratio Regum & quidem Francorum, Saxonibus inculcata c. 3. §. 1. c. 14. §. 2. 3) Ecclesiarum favor & cultus Christianus graviter & frequenter assertus c. 2. §. 8. & 9. c. 14. §. 2. Quis autem, ut cum Conringio loquamur c. 13. p. 55. usus Latinae vel linguae vel scripturae saltem apud Saxones fuit ante Carolum? Quis Christianae religionis? Quae auctoritas Regni Francorum? Quae quidem rationes Conringianae, licet ad Frisorum Leges, ad quas tamen illas non minus, quam ad Saxonicas, refert Conringius, parum vel nihil faciant v. supra §. 25. n. a) in definienda tamen Saxonicarum Legum aetate multum omnino ponderis habent. Ad praecipuas autem primae sententiae rationes respondet Heineccius §. 33. in n. adde quod ea, quae de perjuriis secundum Legem Saxonum puniendis in Capitulari de partibus Saxoniae c. 33. dicuntur, in ipsa hac Lege, de qua loquimur, inveniantur; v. Heinecc. §. 35. in not. adeoque a Carolo M. ibidem non ad aliam, sed ad hanc tantum, de qua quaeritur, legem provocetur. Quod vero Saxones, adhuc gentilium superstitionibus inhaerentes, adeoque conversione cultus a Carolo M. instituta antiquiores, moribus & consuetudinibus salutaribus gavisi fuerint, satis superque probat Adamus Bremensis Hist. Eccles. L. I. c. 5. Legibus (latiori nimirum sensu, qui & jus non scriptum complectitur, ita dictis)
etiam

etiam ad vindictam malefactorum optimis utebantur. Et multa utilia atque secundum Legem Naturae honesta, in MORVM probitate studuerunt habere, quae eis ad veram beatitudinem promovendam proficere potuissent, si ignorantiam Creatoris sui non haberent, & a veritate culturae illius non essent alieni. Quorsum omnino etiam faciunt verba Bothonis in Chron. Brunsvic. p. 281. apud Leibnitium Rer. Brunsv. T. III. De Sassen de leveden so redelicken na der er in der Natur, heden se Christen Wesen, se weren falsch geworden ohne schelde, wann dat se oeren Schöpfer nicht erkändten.

§. XXXV.

Videtur tamen non nisi fragmentum istius legis ad nos pervenisse. Multa enim, quae veteres ex lege Saxonum citant, in hac nostra desiderantur, v. g. lex de matrimonio impari nobilis & plebejæ sub mortis supplicio vetito, Eginard. apud Adam. Brem. I, 5. (α) de traditionibus digito firmandis, Diplom. Liemari apud Lindenbrog. Script. Rer. Septentr. p. 147. de eo, qui fines alienos invaserit, capitis damnando. Lamb. Schaffnab. Chron. p. 196. (β) Accedit, quod quum cradelisimam Saxonum legem vocet Wippo in vita Conradi p. 430. (γ) in hac superstite nihil crudelitatis reperiatur, nisi crudelē etiam dicere velis Nemefin Carolinam, quae aequae, ac lex Saxonica, fures capite plecti jubet. Esse tamen in illa fragmenta genuina ac vetusta, aliis sane argumentis satis demonstrari potest *. (δ)

An integra ad nos pervenerit.

* Provocat enim ad legem nostram ipse Carolus M. Capitul. de partib. Sax. §. XXXII. ubi ait: *De perjuriis secundum legem Saxonum sit. Atqui hoc caput hodiernum habemus in lege Sax. II, 8. Et 9. qui sciens pejeraverit, capite puniatur, qui nesciens pejeraverit, manum suam redimat auctor sacramenti.*

(α) Merentur verba, ut hic exhibeantur: *Quatuor igitur differentiis gens illa consistit, nobilium scilicet Et liberorum, libertorumque atque servorum. Et id Legibus, (forasan moribus potius, quam Legibus, strictiori sensu ita dictis) firmatum, ut nulla pars in copulandis conjugiiis propriae sortis terminos transferat; sed nobilis nobilem ducat uxorem, Et liber liberam, libertus conjungatur libertae, Et servus ancillae. Si vero quispiam horum sibi non congruentem Et genere praestantiorē duxerit uxorem, cum vitae suae damno componat.*

(β) Potuissent merito huc etiam referri, quae ex Bonifacii Moguntinensis Archiepiscopi & Romanae sedis per Germaniam Legati Epistola ad Aetebaldum passim allegantur: *In antiqua Saxonia, si virgo paternam domum cum adulterio maculaverit, vel si mulier maritata perduto foedere matrimonii adulterium perpetraverit, aliquando cogunt eam propria manu per laqueum suspensam vitam finire, Et super bustum illius incensae Et concrematae, corruptorem ejus suspendunt: aliquando congregato exercitu foemineo, flagellatam eam mulieres per pagos circumquaque ducunt, virgis caedentes Et vestimenta ejus abscindentes juxta cingulum, Et cultellis suis totum corpus secantes Et purgantes, minutis vulneribus cruentatam Et laceratam de villa in villam mittunt. Quae verba sane, cum duas fistant poenarum species, electioni privatae permissas, ad mores magis quam Legem scriptam referenda erunt. Altera vero poena morem priscum, Taciti jam aevo familia-*

miliarem, v. Tacit. *de M. G. c.* 19. iisdem fere verbis sistit.

(2) En verba Wipponis de Conradi Salici *itinere per regna* loquentis : *Reversus Rex de Ribuariis ad Saxoniam venit; ibi Legem crudelissimam Saxonum, secundum voluntatem eorum, constanti auctoritate roboravit.* Quae haec sit, *Lex crudelissima Saxonum*, quaeritur. Quidam, uti v. g. Autor noster, eam hac Lege Saxonum, de qua nos hic loquimur, antiquiorem faciunt. Plerique eam eandem cum hac nostra esse existimant. Sunt, qui eam aliquanto recentiore, ab ipso tamen Carolo etiam latam, & quidem illam esse arbitrantur, quae sub nomine *Capitulationis de partibus Saxoniae* extat; quam sententiam tuentur Dattius *de Pace Publ. L. IV. c. 2. §. 53.* & Mullerus *Reichs-Tags-Theatr. P. I. c. 9. §. 4.* Prima sententia itaque hac ratione nititur, quod Lex Saxonum nihil habeat, quod ipsi *crudelissimae* nomen inurere possit, nisi mortis poenam in furta hac Lege statutam aliquis huc trahat, ob quam tamen solam illa *crudelissimae* nomen meritura non videretur, cum nec Constitutio Criminalis Caroli V. crudelitatis ideo accusetur, quod & ipsa mortis poenam furibus dictaverit. Cui tamen rationi secundae sententiae patroni facile respondere possunt; quod, si fures vita mulctare crudele non sit, & hinc Constitutio Carolina mortis poenam furibus eo tempore irrogans, quo capitales poenae jam frequentiores & ne in furti quidem reos ignotae erant, a crudelitatis nota immunis merito habeatur, facilius tamen *Lex Saxonum* ad ea tempora ascendens, quibus capitis poenae in universum rariores, maxime autem contra fures fuerunt, comparatione cum aliis ejusdem temporis Legibus instituta, quarum pleraeque hac in parte mitiores fuerunt, potuerit vel ob solam hanc causam, crudelitatis convictio, ab hominibus hujus severitatis impatientibus,

bus, conspurcari. Quod autem ad tertiam sententiam attinet, illam ideo *Capitulationem de partibus Saxoniae* a Wippone indicari dicit, quod haec durior atque severior videatur, quam ipsa *Lex Saxonum*, adeoque facilius, quam haec, *crudelissimae* macula conspergi potuerit. Nec sane diffitendum est, capitalem poenam satis frequenter hac *Capitulatione* irrogari, ita ut inter alia hoc maxime durum, & non nisi necessitate continendae in officio gentis contumacis, & ad pristinos errores, nisi severius coërceretur, protinus reversurae excusandum videatur Stephano Baluzio *T. II. in notis ad Capit. p. 1039.* quod Capitulationis illius *Cap. 3.* statuitur, ut qui *sanctum quadragesimale jejunium, pro despectu Christianitatis, contempserit, & carnem comederit, morte moriatur.* Ex qua ratione etiam aevo Ditmari, Episcopi Merseburgensis, servatam fuisse inter Polonos consuetudinem ait, ut, qui carnem post septuagesimam manducasset, dentium evulsione puniretur, quod ipsis Ditmari *L. VIII. ab init.* verbis, rationem eandem diserte exprimentibus, probat: *Quicumque post septuagesimam carnem manducasse invenitur, abscissis dentibus graviter punitur. Lex namque divina, in his regionibus noviter exorta, potestate tali melius, quam jejunio ab Episcopis instituto, corroboratur.* Verum, cum *Capitulatio de partibus Saxoniae* ad extirpandum in Saxonia paganismum a Carolo M. unice composita videatur, quod vel ipsa ejus inspectio probat, & Christianismi sacra tempore Conradi Salici in Saxonia jam satis fuerint firmata, non apparet facile ratio, qua moti Saxones, eam a Conrado renovari, petere debuerint. v. Struvii *Hist. Jur. c. 6. §. 8. in notis.* Atque ita Wipponem nomine *Legis durissimae Saxonum* magis ad ipsam *Legem Saxonum*, etiam causas quasvis seculares definientem, quam ad *Capitulationem* illam, Christianismo

nismo tuendo unice destinata, digitum intendisse merito asseritur.

(d) De *Lege Saxonum* notandum maxime videtur, quod & illa primario ad Saxones in fide Christiana, paulo ante agnita, continendos lata videatur, quod ex iis, quae Poëta Saxo *ad annum DCCCIII. Indict. X.* apud Leibnit. *Rerum Brunsv. T. I. p. 153.* de ea tum in conventu Salzensi, ut videtur, renovata dicit, fere elucescit:

*Augustus Pius ad sedem Salz nomine dictam
Venerat. Huc omni Saxonum nobilitate
Collecta, simul has pacis leges inierunt:
Ut toto penitus cultu rituque relicto
Gentili, quem Daemonica prius arte colebant
Decepti, posthaec fidei se subdere vellent
Catholicae, Christoque Deo servire per aevum.
At vero censum Francorum Regibus ullum
Solvere nec penitus deberent, atque tributum,
Cunctorum pariter statuit sententia concors.
Sed tantum decimas divina lege statutas
Offerrent, ac Praesulibus parere studerent,
Ipsumque simul Clero, qui dogmata sacra
Quique fidem Domino placitam vitamque do-*
cerent.

Caeterum, quae in lege hac brevissima, & XVIII. Capitulis tantum absoluta, Viri eruditi tanquam singularia & eidem quasi propria notant, ea quidem ego tantum non omnia, cum aliis Germanicae gentis legibus communia, deprehendo. Tutela perpetua foeminarum Longobardicis etiam legibus constituta. v. Giannone *Hist. de Naples T. I. L. V. ch. 5.* Potiores in hereditate filiorum quam filiarum partes esse Lex etiam Werinorum jubet. Differentiam dignitatis in aestimatione homicidii observari Lex Frisiorum etiam praecipit. Dotem uxori non marito constitui, mores Germanorum Taciti jam aevo v. *de M. G. c. 18.* voluerunt, idemque Ripuariorum Bajuvariorumque Legibus observatur. v. Gaertner. *ad*
L. Sax.

L. Sax. Tit. VIII. §. 1. n. X. Homicidii reatum pecunia luendum, & *Weregildi compositionem*, omnes fere Germanorum Leges antiquae loquuntur. Id vero unice proprium huic Legi fuisse videtur, quod frequentiores in ea, quam in ulla alia, statuuntur capitis poenae, maxime in fures rerum etiam levissimarum. Unde sane improbanda non videtur Leibnitii annotatio ad *L. Sax. c. 4. §. 1.* *Quid incongruum magis, quam caballii* (adde alvearii apum, imo rei cujuscunque trium solidorum) *furtum capite puniri, nobilissimi viri caedem pecunia lui? Eant nunc & veteres Germanorum Leges revocent, explosis Romanis, hoc est, a fruge ad glandes revertantur &c.* Cui quidem judicio licet multa objiciat Hoffmannus, ea tamen tanti non videntur, ut aliquem facile a Leibnitii partibus dimotura sint. Non opus est, prolixam instituere disputationem; an homicidio capitis poena Jure Naturali irrogetur. Quicquid horum sit, illud certe semper cum ratione maxime pugnabit, quod vita hominis, etiam nobilissimi, occisi, auro sane omni contra carior, unica *Weregildi compositione* aestimetur; rei vero cujusvis facili negotio aestimandae, imo vel ab ipsa Lege aestimatae, furtum, capite, nulla certe pecunia aestimando, unice luatur. Nec porro Legibus Romanis capitalem furti poenam deberi dicit Leibnitius, id tantum innuens, si qua pecuniaria aestimatione lui deberent delicta graviora, aequiores fore Leges Romanas, vitae humanae jacturam, nullo pretio aestimandam, capite puniri jubentes; rerum vero furto ablatarum aestimationem admittentes; quam Saxonicas, vitam hominis, rem inaeestimabilem, pretio aestimantes, rerum vero jacturam, aestimatu facillimam, vitae, rei inaeestimabilis, amissione punientes. Multo minus Leibnitio nimis erga leges Romanas favor jure exprobrari poterit, qui, quam alienus ab hac multorum labe fuerit,

fuerit, passim in operibus suis docet. Illud vero minime omnium est verosimile, adeo infrequentia fuisse inter Saxones homicidia, ut poenae exasperationem, quam frequentia furtorum provocasset, non meruisse viderentur. Quis enim unquam crederet, in gente, in qua ex vetusto Germanorum omnium more *inimicitias & patris & propinqui suscipere necesse erat*, in qua *crebrae rixae saepius caede & vulneribus transigebantur*, v. Tac. de M. G. c. 21. & 22. quamque frequentia bella, & ad cujusvis rei probationem suscipienda duella, sanguini humano fundendo sponte assuefecerant, tam raras & adeo a gentis genio alienas fuisse hominum caedes, ut lenioribus etiam poenis propositis facile potuerint vel evitari vel coerceri? Non omne tamen homicidium, hac etiam Lege, a poena capitis immune esse, indicat Legis hujus c. 3. §. 1. 2. 3. 4. vel *Tit. III. c. 1. 2. 3. 4.* Capitis poenam in fures, non aliis omnibus antiquorum Legibus incognitam, licet non adeo, uti huic, frequentem fuisse docet Lex Frisiorum. vide *supra* §. 25.

§. XXXVI.

Nec in eo adquievit Caroli M. sollicitudo. Quum enim gens Saxonum, quamvis publica professione Christianis accessisset, adhuc tamen avitas superstitiones privatim mordicus teneret*: legi illi patriae nonnulla adstruit; quae rudem istam gentem saltem poenarum metu in officio continerent. Eo enim pertinent CAPITVLATIO DE PARTIBVS SAXONIAE (a) incerti anni, CAPITVLARE SAXONVM anno erae Christianae DCCXCVII. in Comitibus Aquisgranensibus promulgatum, quae inventa in

Capitularia Caroli M. de Saxonibus.

bibli-

bibliotheca Vaticana a literatissimo principe, Ferdinando Furstenbergio, (vid. *Monim. Paderborn. p. 324.*) primum a Luca Holstenio Romae, deinde ab Hermanno Conringio Helmstadii, demum a Steph. Baluzio *Capitul. Tom. I. p. 250.* Herm. Adolph. Meinders *de statu relig. & reip. sub Car. Magn. p. 23. seq.* & novissime a viro doctissimo, Car. Guil. Gaertnero, edita sunt *Lips. MDCCXXX. 4to. (β).*

- * Argumento esse potest *Indiculus superstitionum & paganiarum*, quem eidem debemus Principi Ferdinando, Paderbornensi Episc. in *Monim. Paderborn. p. 308.* Et notum est, in iis illustrandis multum operae insumsisse Casp. Calvoer, Herm. Adolph. Meinders, & Georg. Eccardum. Adeo vere cecinit poëta:

*Quo semel est imbuta recens, servabit odorem
Testa diu.*

- (α) Capitulationis hujus aetatem, autoritate Ditmari & duorum praeceptorum, quorum alterum est pro *Trutmanno Comite*, alterum vero de *Institutione Episcopatum per Saxoniam*, motus Baluzius, probabili conjectura, ad annum 788. refert. v. *notas ipsius ad Capitularium T. I. p. 250.* Capitulationis nomine inscribitur haec Lex, quod nulli alii ejus temporis constitutioni tributum invenitur, *Capitularis* nomine tantum in usum tracto. Eadem tamen hujus vocis, quae *Capitularis*, significatio videtur fuisse, nec quicquam vel ratione formae, vel ratione eorum, quae in *Capitularibus* decidi solent, ab aliorum *Capitularium* natura alienum hic deprehendimus. Numerus capitulorum in Baluziana hujus *Capitulationis* editione uno major est, quam in reliquis editionibus, cum Baluzius Prooemium *Primum de majoribus &c.* tanquam primum capitulum

lum sistat, quod alibi extra capitulorum numerum est. In Praefatione ad *Diploma Caroli M. Imp. Osnabrugensi Ecclesiae datum &c. v. Monument. Paderborn. p. 316.* de hac Capitulatione tanquam notatu maxime dignum observatur, quod in ea triplex Saxoniae divisio in Westfaliam, Angariam & Ostfaliam occurrat, interfuerintque a Carolo evocati ex his provinciis proceres. Quarum rerum tamen in ipsa *Capitulatione de partibus Saxoniae* nulla omnino mentio fit, sed tantum in *Prooemio Capitularis Saxonum*, quod *congregatis Saxonibus de diversis pagis, tam de Westphalis & Angariis, quam & de Oostfalabis* factum ibidem asseritur. Quae distinctio tamen jam ante hanc *Capitulationem* in ipsa *Lege Saxonum* deprehenditur *Tit. VIII. §. 1. & 4. Tit. IX.* Qua occasione Gaertnerus ad *L. Sax. l. c. not. u.* observat, quod vel ex ipsa *Lege certum reddi videatur, Ostphalos & Angarios communes servasse consuetudines, diverso autem jure in quibusdam morum apicibus Westphaliae incolae usos fuisse, ejusque antinomiae exempla circa dotem & bonorum communionem his Titulis suggeri.* Prodiit haec *Capitul.* etiam Argent. a. 1664. inter *Miscell. ant. Lection. &c.* a Sim. Paulli edita.

- (8) Commemorandum hic adhuc fuisset *Diploma de fundatione Episcopatus Verdensis*, quod Maderus in *Sylloge veterum aliquot diplomatum &c.* exhibet, sed, uti Baluzius *Capitul. T. I. p. 246.* judicat, corruptum & interpolatum in aliquot locis. Ipsa ejus subscriptio id ad annum Dominicae incarnationis 786. *Indict. XII.* refert; ut & *Praeceptum de Institutione Episcopatum per Saxoniam*, nec non *Praeceptum pro Trutmanno Comite*, quae a Baluzio *Capitul. l. c. p. 246. & 250.* exhibentur, & auctoritate subscriptionum ad annum 789. referuntur, & eundem plane, quem sibi leges, hoc §. recensitae, proponunt, nempe Christianismi per Saxoniam firmandi, finem,

nem, & ipsa disertis verbis ubique loquuntur. Forſan Heineccius ea omiſit, quod fides eorum a multis v.g. Gryphiandro, Winckelmanno, Cruſio atque Meinderſio, imo & Cointio, Mabillonio aliisque in dubium vocetur, & ab aliis mitioribus in medio relinquatur. Cauſa ſuſpicionis eſt epocha horum instrumentorum *ab Incarnatione Dominica* deducta, cum tamen alia Caroli M. diplomata ſincerae & indubiae fidei nonniſi annis regni & imperii Carolini ſignata conſpiciantur, & Carolo Craſſo imperante demum mos, uti credunt, invaluerit, Annis Chriſti tabulas ſignandi. Nunc quidem ego meam hanc cauſam non faciam, nec repetam, quae operoſe Schatenius *Hiſtor. Weſtpbal. L. 9.* pro defendendis his diplomatibus producit, ad Teſtamentum Caroli apud Eginhardum, ad diploma Werthinenſe, nec non ad aliud ex tabulario Alutinenſi apud Sigonium provocans, quae omnia annos *ab Incarnatione Dominica* computant. Multa enim & his regeri poſſe, alii oſtenderunt. Duo tantum notare ſufficiat. Primum eſt, quod ſi unico argumento ab hac annorum computandorum ratione deducto, omnium instrumentorum Carolingicorum, ita ſignatorum, fides convelleretur, ea etiam Capitulari Saxonum utique deneganda foret, eandem computandi formulam exhibenti, cui tamen ſtatus controverſiam hucusque motam eſſe ignoramus. Alterum eſt, quod Capitularium quidem, non eadem omnium, multo minus autem cum aliis ſemper diplomatibus conſpirans forma ſit; cujus rei rationem Mabillonius *de Re Diplom. L. II. C. 3. §. 11.* hanc reddit: *Cur vero tantopere diſcrepent Capitularium formulae tum a ſe ipsis tum a formulis Diplomatum, hae vero magis fixae ſint ac uniformes, illud in cauſa eſſe puto, quod Capitularium ſcriptores erant Epifcopi vel Abbates, qui praefentes aderant conventui, in quo haec Capitularia condebantur, Diplomata autem*

Et praecepta, ab iisdem Cancellariis & Notariis edita, vulgarem sequerentur stilum Cancellariae, sub unoquoque principe ab exordio institutum. Consulantur hic etiam, quae Gaertnerus notat ad *Capitulare Saxonum not. c.*

§. XXXVII.

Sed aliarum quoque gentium legibus, Nec non ad Leges quas a Theoderico Rege Francorum ejusque successoribus in scripturam redactas diximus, nova quaedam additamenta (a) sub Carolo M. ejusque filio, Ludovico Pio accesserunt. Ipsius enim Francorum legibus illum *paucula capitula, & ea imperfecta addidisse, testatur Eginardus in vita Caroli cap. XXIX. taliaque capitula ad LEGEM SALICAM existant apud Baluz. Capitul. Tom. I. p. 17. 387. 606. Tom. II. p. 1060. ** Ejusdem generis sunt capitula, LEGI BAIUVVARIORVM anno DCCLXXXVIII. adjecta apud eundem *Tom. I. p. 207. Denique quod ad legem LANGOBARDORVM attinet, non modo illi insertas videmus plures Caroli M. & successorum constitutiones, verum etiam Capitula, addita ad Legem Langobardicam, nec non Capitula, excerpta ex lege Langobardorum reperimus apud Baluz. Tom. I. p. 327.*

* Fortassis & plura perierunt. Exstat sane charta Monasterii Honaugienfis apud Mabillon. *Annal. Benedict. Tom. II. p. 697.* in qua Carolus Rex Francorum, vir illuster proficitur, res peregrinorum secundum legem Francorum proprias esse Regis: ab eoque jure excipit peregrinos Scotos. Quod est ipsum jus Albinagii, cujus alioquin

vix vestigium in legibus Francicis reperiās, ut non potuerint non quaedam earum capita perisse, nisi & hic per *legem Francorum* jus eorum non scriptum intelligere malis.

(α) Maxime huc faciunt verba Poëtae Anonymi *Libr. V. ad ann. DCCCXIV. Indict. VI. apud Leibnit. Rer. Brunsvic. T. I. p. 168.*

*Ipse decem posthaec & ternos circiter annos
Augusto laetus vixit in Imperio.*

*In quibus antiquas leges correxit, in ipsis
Uniri mandans, dissona quae fuerant.*

*Addidit his etiam noviter quae congrua duxit
Pauca quidem numero, valde sed utilia.
Cunctorumque sui regni leges populorum
Collegit, plures inde libros faciens.*

§. XXXVIII.

Capitula-
ria Re-
gum
Franco-
rum uni-
versalia.

In primis vero notanda sunt ipsa CAROLI M. CAPITVLARIA (α), universis civibus praescripta*, id est, sanctiones, vel in conciliis & synodis, vel in comitiis regni, de ecclesia & republica factae, quarum plurimas ex variis Codicibus MSC. integras edidit Steph. Baluz. *Tom. I. p. 189. sequ.* Talia deinde & Ludovicus Pius, Pippinus, Italiae Rex, Carolus Calvus, & alii Francorum Orientalium & Occidentalium Reges plura publicarunt, quae laudatus Baluzius eadem industria undiquaque collegit ediditque *Tom. I. p. 533. 541. 551. sequ.* Ad-dat. Brower. *Annal. Trev. Protopasc. Cap. X.* Mabillon. *Analect. Tom. I. p. 299.*

* Quemadmodum enim communi populi consensu huiusmodi Capitularia fiebant: ita & omnes iis subscribere, eoque chirographo se ad eorum observan-

servantiam obstringere cogeantur. *Capitul. III. an. DCCCIII. Cap. XIX. Capitul. II. an. DCCCXIII. in prooem. Capitul. Caroli Calvi, tit. I.* Ex quo patet, unde mos super sit in imperio nostro, ut leges communes & communibus Electorum, Principum ac Ordinum suffragiis ferantur & capitularibus istis seu *recessibus* praeter Imp. & Electores & Principes quidam, nec non ex Comitibus, Praelatis & civitatum legatis quidam subscribant.

- (*) Capitulare dicitur omne scriptum in varia capita divisum. v. Cangeus *Gloss. med. & inf. Lat.* voce *Capitulare*. *Mastricht. Histor. Jur. Eccles. n. 214.* Baluzius *Praef. ad Capit. Regum Franc. §. 2.* qui ad tria praecipue testimonia provocat, nempe ad S. Gregorii *L. I. Epist. 40. ad Anthemium Subdiaconum*, ad Hadriani I. *Epistolam ad Carolum M.* quae *Capitulare de non adorandis imaginibus* impugnat, & tandem ad Codicem *Lctionum & Evangeliorum*, quae in Ecclesiis olim cantabantur, cujus inscriptio est: *Capitulare Evangeliorum de circulo anni*. Maxime autem decretis & constitutionibus, in capita divisis, hoc nomen datum observatur, ita ut hoc sensu secundum Sirmondum & Baluzium *ibidem §. 3.* Capitulare sit *Decretum Capitulis digestum atque distinctum*. Non tamen hoc ita accipiendum est, ac si ab eo tempore, quo *Capitularis* nomen innotuit, omne Decretum, omnisque Constitutio, si pluribus capitulis constabat, semper *Capitularis* nomen acceperit; si quae vero constitutio uno capite absolvebatur, ea *Capitularis* nomine insigniri non potuerit. Imo contrarium exemplis luculentis docemur. Leges Gentium Germanicarum antiquae, quae supersunt, pluribus capitulis constare nemo nescit, & tamen eas *Leges*, non *Capitularia*, vocari omnibus notum est, licet eo, quo pleraeque ferebantur, tempore *Ca-*

B b b 2

pitula-

pitularis nomen jam innotuerit, quod Capitularia Regum Francorum primae stirpis, Childeberti, Chlotarii, Dagoberti, Carolomanni, Pipini abunde docent. *Leges* verò, uno capite absolutas, quandoque *Capitularium* nomine insignitas fuisse, exemplis *Decretalis precum*, quod an. 779. constitutum, *Capitularis* nomen accepit, Legum quarundam Constantini & Valentiniani, Codici Theodosiano insertarum, ex *Capitularibus Constantini*, ex *Capitulo Valentiniani*, Theodosii & Arcadii allegatarum in vetustissimo Codice MSC. S. Arnulfi Metensis, nec non plurium Legum Luitprandi, *Capitularium* nomine passim citatarum, satis superque probat Baluzius *ibidem* §. 3. Quod si tamen ex eo, quod plerumque fiebat, argumentum ducamus, Decreta, capitulis distincta, plerumque *Capitularia* appellata fuisse docebimur. Ecclesiasticis etiam sanctionibus, sive illae generales, sive speciales fuerint, *Capitulorum* nomen imponi solitum fuisse, pluribus exemplis ostendit Baluzius §. 4. quod hodierno adhuc usu servari notissimum est. Ex his omnibus optime colligit Baluzius §. 5. *Capitularium* nomen generale esse, & Capitulorum vocabulo *Leges* intelligi. Occurrunt tamen aliquot ex antiquitate testimonia, quae discrimen inter *Leges* & *Capitula* maximum fuisse, imo *Leges Capitulorum* nomine insigniri plane non potuisse, facile persuasura videntur. Sic *Leges* a *Capitulis* non obscure distinguit Ludovicus Pius in Prologo *Capitularis de an. 816.* apud Baluz. T. I. p. 563. *Quid etiam in mundanis LEGIBUS, quid quoque in CAPITVLIS inferendum foret*, annotaverimus. Idem in *Capitulis datis apud Theodonis villam an. 820. in generali populi conventu* §. 5. apud Baluz. T. I. p. 622. *generaliter omnes admonemus, ut Capitula, quae praeterito anno Legi Salicae per omnium consensum addenda esse consuevimus, jam non ulterius CAPITVLA, sed tantum*

tum LEX dicantur, inio pro LEGE teneantur. Quae verba Legi Longobardicae L. III. T. 31. a Collectore vulgari inserta fuisse, & Carolo M. adscripta, jam *supra* ad §. 28. n. β. monuimus. Hoc autem inter *Leges* & *Capitularia* discrimen ulterius probari videtur multis Hincmari Remensis sententiis, quas Struvius *Hist. Jur. Cap. 6. §. 9.* in *notis* hunc in finem producit, e quibus tamen illa, cui praecipue Baluzius *praef. §. 5.* insistit, quaeque ex Hincmari epistola ad Episcopos Regni petita est, omnium maxime notatu digna videtur, ubi de iudicibus male agentibus ita loquitur: *Quando sperant aliquid lucrari, ad LEGEM se convertunt. Quando vero per LEGEM non aestimant acquirere, ad CAPITVLA confugiunt. Sicque interdum fit, ut nec CAPITVLA pleniter conserventur, sed pro nihilo habeantur, nec LEX.* Unde & auctores multi sollicitè disquirunt, qua nota characteristica *Legem a Capitulari* distinguere possint. v. Brunquell. *Hist. Jur. P. IV. c. 3. §. 4.* Struv. *Hist. Jur. c. 6. §. 9. in not.* Gaertnerus ad *Caroli M. Capitulationem de partibus Saxoniae, nota a.* alique. Quorum illi quidem in eo discrimen unice ponunt, quod *Leges* sint primaria juris, quod cuius genti est, pars, *Capitularia* autem sint, quasi ejus partes accessoriae, appendices & supplementa; hic vero, praeter hanc differentiae rationem, aliam in eo quaerit, quod *Leges* de rebus saecularibus, *Capitularia* vero de rebus ecclesiasticis agant, quam rationem praecipue ex verbis Ludovici Pii de an. 816. paulo superius productis & exemplo quorundam *Capitularium*, Ecclesiasticas res unice definientium, eruit. Verum, cum alia quidem *Capitularia* Legibus hujus vel illius gentis, jussu Legislatorum, illarum nempe suppleandarum causa, addita & subjuncta sint, alia vero cum Legibus singularibus cujusvis gentis nihil commune habentia, universo potius regno

regno data, nec unquam aut Legislatoris jussu, aut privati cujusvis autoris ausu, Legibus alicujus gentis, per modum appendicis juncta sint, sed sine illis subsistant, non video, quomodo Capitularia in universum dici possint appendices *Legum*, singulis Germaniae gentibus latarum. Quod ad alteram differentiae rationem attinet, non negamus, multa quidem Ecclesiastica *Capitularibus* definiri, imo ultro concedimus, quod tamen Conringius *de O. J. G. c. 14.* in dubium vocat, multa, quae in Conciliis & Synodis Episcopalibus constituta erant, postea in *Capitularia* ipsorum Principum jussu transiisse, uti exemplis & argumentis probant Anton. Augustinus *de Emend. Gratiani L. II. Dial. 10.* Petrus de Marca *de Concord. Sacerd. & Imp. L. VI. c. 25.* Baluzius *Praef. §. 9. & in not. ad Ant. August. l. c. p. 708.* & Struv. *Hist. Jur. c. 6. nota ult.* adeo ut etiam *Capitularia* in Concilio Troslejano *c. 3.* uti jam Ant. August. *l. c.* observavit, dicantur *Conciliorum pedissequa*. Verum & res seculares ecclesiasticis mixtas exhibent saepe *Capitularia*, imo quaedam plane rebus saecularibus definiendis destinata fuerunt. Ita ipse Ansegisus in Praefatione suae Capitularium Collectioni praefixa testatur se, quae *Domnus Karolus in diversis fecit temporibus AD MVNDANAM PERTINENTIA LEGEM* in tertio libro adunasse; ipsa vero, quae *Domnus Hludovicus, praeclarus Imperator, fecit AD AVGMENTVM MVNDANAE PERTINENTIA LEGIS* in quarto congeisse. Quis porro nescit, in ipsis *Legibus* Germanicarum gentium antiquis, multa etiam ad rei Ecclesiasticae incrementum spectantia constitui? Et quis tandem, his ita bene pensatis, res Ecclesiasticas unice, vel saltem primario, *Capitularibus*, res saeculares vero unice *Legibus* definitas assereret, & in hoc maxime notam characteristicam discriminis inter *Leges* & *Capitularia* statueret? Quae cum

cum ita sint, Baluzius plane *Praef.* §. 6. omne verum, & in natura rei quaerendum, discrimen inter *Leges* & *Capitularia* abfuisse asserit, pluribus testimoniis praecipue ex Hincmari *Epist.* 14. c. 8. ut & ex Capitulorum e Lege Longobardica excerptorum *cap.* 22. collato cum *Capitular.* *L. III. c.* 11. ex Capitulor. illorum *c.* 23. collato cum *Capitular.* *L. III. c.* 10. §. 52. aliisque pluribus prolatis, quibus ipsa *Capitularia* Legum nomine insigniuntur. Quod si tamen mei quid esset in hac causa iudicii, putarem, *Legem* quidem, sensu generaliori acceptam, a *Capitulari* non differre, significatione vero strictiori tum temporis, *Legem* dici consuevisse integrum Corpus consuetudinum antiquarum, iussu Principis collectarum, ab eodem aliquot forte constitutionibus, ex suo tamen arbitrio, auctum, & confirmatum; ita ut, si quando etiam aliquae Leges in Conventibus populi propositae fuerint, id magis promulgandae quam condendae *legis* causa factum videatur. Aliam plane formam vero in condendis *Capitularibus* observatam fuisse deprehendimus. Haec proponebantur in generali conventu & placito Regio. v. *Capitular.* Caroli M. *L. VI. c.* 371. Ludovici Pii an. 823. *L. II. c.* 22. & *L. V. c.* 272. Caroli Calvi an. 873. *Baluz. Tom. II. p.* 231. c. 8. & an. 877. *Baluz. T. II. p.* 269. c. 2. aliaque loca a Baluzio *Praef.* §. 7. & Struvio *Hist. Jur. c.* 6. §. 10. ubertim congesta. Requiebat consensus *omnium fidelium*, imo *populi*. Quo nomine quidem Baluzius & Struvius *ll. cc.* procures tantum & optimates, Episcopos nempe, Abbates, Duces, Comites, intelligi existimant, cum horum mentio in multis *Capitularibus*, v. g. Capit. de an. 779. Capit. secundo an. 813. disertis verbis fiat. Verum ipsa haec, quae allegantur, testimonia, ostendunt, praeter Episcopos, Abbates, Duces, Comites, aliorum etiam consensum requisitum fuisse. Capitulare sec. de an. 813. fa-

ne clarissimis verbis enumeratis his proceribus omnes fideles adjungit, quod sane factum non fuisset, si hi proceres soli totam *fidelium omnium* nomenclaturam impleverent. En verba: *Cum Episcopis, Abbatibus, Comitibus, Ducibus OMNIBVSQVE FIDELIBVS Christianae Ecclesiae.* Adde Capitulare Caroli Calvi Tit. 34. *Karolus gratia Dei Rex, & Episcopi, Abbates quoque & Comites ac CETERI IN CHRISTO RENATI FIDELIS.* Capit. 3. anni 803. c. 19. vult: *VT POPVLVS interrogetur de Capitulis.* Consensus autem hic adhibitus videtur tantum per modum consilii, & ut populus, si consenserit, promptius atque lubentius huic constitutioni morem gereret. Sane consilium consensui jungitur in Capitul. sec. de an. 813. *cum consensu consilioque.* Adde Cap. Caroli Calvi an. 877. *consilio & consensu.* In Capit. Ludovici Pii de an. 816. nec non ejusdem de an. 823. Capit. Lib. II. c. 22. & ibid. L. V. c. 272. & alibi dicitur *consultis fidelium.* Omnia potius arbitrio fere Principis acta fuisse luculentis testimoniis docet Struvius Hist. Jur. c. 6. §. 10. in not. & Syntagm. Hist. Germ. Dissert. 6. §. 13. Capitula ita in conventu proposita, a Principe constituta populo praelegebantur, consensu ejus agnoscebantur, ac inde omnium subscriptione confirmabantur. Vnde Capitulare III. anni 803. c. 19, disertis verbis vult: *ut populus interrogetur de Capitulis, quae in lege noviter addita sunt. Et postquam omnes consenserint, subscriptiones & manusfirmationes suas in ipsis Capitulis faciant.* Capitulare II. anni 813. *ut omnes fideles manu roborare studuissent.* Alia testimonia vide apud Baluz. Praef. §. 8. Capitularia ita ad ulteriorem promulgationem mittebantur Episcopis, Comitibus ac Missis Dominicis. Et ut mora omnis evitaretur, Ludovicus an. 823. constituit, ut Archiepiscopi & Comites (maiores intelligit Baluzius Praef. §. 15.) ea a Cancell.

Cancellario Palatii acciperent, & eorum postea copiam facerent Episcopis, Comitibus (minoribus nempe) aliisque magistratibus, quod & Missis Dominicis ibidem injungit. Maxime haec cura commendata fuit Missis his Dominicis s. Regiis, qui & ipsi Capitularia a Cancellario Palatii accepta, in suo quisque Missatico, id est, tractu & regione suae curae commissa, promulgare & executioni mandare jubebantur, quod pluribus Capitularium testimoniis probat Baluzius *ibid.* §. 16. & praecipue Franciscus de Roye, Antecessor olim Andegavensis in opusculo Liphiae an. 1744. recuso, de *Missis Dominicis*, eorum officio & potestate, ubi Titulo de *Missis Dominicis ad disciplinam publicam* c. 14. hanc rem latius persequitur. De Missis Dominicis vide etiam quae in compendio dicunt Cangeus in *Gloss. Med. & inf. Latin. v. Missus*, & Hertius *Notit. Regni Franc. veter. L. V.* §. 27. ut & Brummerus de *Scabinis* c. 6. Inde plura etiam Capitularium exemplaria fieri curaverunt Principes, ut ita melius conservari & in publicum emitti possent. v. Baluz. §. 17. Hac solenni forma vestitae Constitutiones iis temporibus Capitularium nomine insigniri solebant, & haec fere unica inter *Leges & Capitularia* eo tempore differentia fuisse videtur.

§. XXXIX.

Ne vero tot speciales leges conquirendae essent Francis: fuerunt, qui capitularia illa colligerent, & in certum ordinem redigerent. Collectionum illarum notissima est ANSEGISI, Abbatis sive Lobienfis, sive Fontanellenfis, sive alius monasterii, tamen non Archiepiscopi Senoniensis *. Baluz. *proleg. Capit.* §. XXXIX. qui omnia Caroli M. & Ludovici Pii Capitularia eo ordine disposuit.

Eorum collectio ab Ansegiso facta.

fuit, ut *liber primus* Caroli M. constitutiones ad rem ecclesiasticam pertinentes : *secundus* ejusdem leges civiles ; *tertius* Ludovici leges ecclesiasticas ; *quartus* ejusdem leges civiles, vel, ut auctor vocat, *mundanas* completatur. Addidit Auctor *appendices tres*, quibus varia collegit Caroli M. Ludovici Pii, & Lotharii I. Imp. capitularia, quae vel ex superioribus *memoriae caussa scripta*, vel non *plenum explere sensum*, vel *geminata*, vel *cum aliis mixta* videbantur. Ediderunt hanc collectionem, quae anno Christi DCCCXXVII. Ind. V. & XIII. imperii Ludovici Pii & Lotharii primum prodierat in lucem, (vid. Ansegis. *praefat.*) B. Rhenanus, Vitus Amerbachius, Joach. Vadianus, Heroldus, P. Pithoeus, Jac. Sirmondus & novissime Steph. Baluzius.

* Ansegiso, Abbati Lobienfi, hanc collectionem tribuit Sigeib. Gemblac. in *Chronic. ad an. DCCCXXVII.* (α) Ansegiso, Archiep. Senonienfi, Odorann. in *Chron. ad an. DCCCLXXXII.* (β) Ansegiso, Abbati Fontanellenfi Baluz. in *Proleg. §. XXXIX.* (γ) Sed uti manifesto errant, qui auctorem faciunt Ansegisum Archiep. Senonensem : ita sunt, qui Ansegisum Abbatem Lobiensem, postea Fontanellenfi monasterio praefectum, contendunt. Quae si probari possent, Baluzium Sigeberto facile conciliaremus. At quid opus est verbis, quum de hoc Ansegiso manifestum exstet auctoris veteris testimonium, puta Adsonis de *miraculis S. Waldaberti*, ubi inter alia refert, Ludovicum Pium abbatem Fontanellensem *Ansegisum* praefecisse *Luxonienfi* monasterio, hunc vero CAPITULA regum Francorum, quae diversis

sis fuerint acta conciliis, excepisse & uno volumine contineri fecisse. En Ansegisum, auctorem collectionis non Lobienſum, ſed Luxonienſium & Fontanellenſium abbatem. Facilis vero fuit Luxonii & Lobii confuſio.

(α) Sigeberti Gemblacenſis, cujus autoritate haec aſſertio nititur, verba huc facientia haec ſunt: *Anſegisus, Abbas Lobienſis, dicta Imperatoris Caroli M. & Ludovici, filii ejus, ad Eccleſiaſticam Legem pertinentia in duobus digeſſit. Idem ediſta eorundem, ad mundanam Legem pertinentia, in duobus aequae libellis digeſſit.* Nemo autem Sigeberto antiquior Lobienſi hoc opus tribuit, & ne quidem rerum Lobienſium ſcriptores, Fulcuinus & Aegidius Waulde hujus rei mentionem faciunt. v. Baluzii *Praef. ad Capit. §. 39.* Sequitur Sigebertum Trithemius *de Scriptoribus Eccleſiaſticis*, ita tamen, ut eam Anſegifo dignitatem tribuat, quae alios deinde in ſimilem errorem induxit. En verba iplius: *Anſegisus Abbas Lobienſis Coenobii, ordinis S. Benediſti, & POSTEA SENONENSIS ARCHIEPISCOPVS, vir in divinis ſcripturis eruditus, & in ſecularibus literis nobiliter doctus, ſermone & ingenio clarus, diſtinxit & comportavit ad utilitatem eccleſiae Catholicae Imperatorum Caroli M. & Ludovici Leges, quas vidi &c.*

(β) Non Odorannus hoc tribuit Anſegifo ſuo, ſed illi id demum auſi ſunt, qui ex ipſo, ſine ulla ejus culpa, fontem erroris derivarunt. Nihil omnino de Collectione Capitularium inter ea, quae de Anſegifo Senonenſi commemorat, loquitur Odorannus. En verba iplius: *Anno ab incarnatione Chriſti 882. obiit Anſegisus, venerabilis Senonum Archiepiſcopus totius Galliae & Germaniae Papa ſecundus feliciter, VII. Kalend. Decembr. & ſepultus eſt in monaſterio S. Petri. Hic Karolum Calvum unxit in Regem, & poſtquam primatum totius Galliae obtinuit, & ſuper-*
perna

perna moderatione secundus Papa appellari meruit, in synodo habita in loco, qui dicitur Pontigonis XVI. Kal. August. ann. DCCCLXXVI. Indict. IX. Judaeos certi causa & moniales ab urbe Senonica expulit, & ne ulterius in ea habitaculum manendi haberent, sub anathematis jugulo interdixit. Mortuo Epitaphium hoc scriptum est:

*Antistes Senonum, reverentia magna potentum,
Ansegisus in hoc conditus est tumulo.*

*Ut primus fieret Gallorum Papa Joannes
Instituit, meritis hoc tribuendo suis.*

*Karli Romana cinxit caput iste corona,
Et dedit in cunctos imperium populos.*

*Gregorii Papae secum caput abstulit inde,
Hic locus ossa fovet, spiritus astra tenet.*

Altum in his omnibus de Capitularium Collectione silentium. Cum vero ad idem seculum relatos viderint Ansegisum Abbatem Lobiensem & Ansegisum Archiepiscopum Senonensem, utrumque eruditionis praestantia clarum, & Senonensis, antequam ad Archiepiscopatum pervenisset, abbatis etiam dignitate functus perhibeatur, sequentium seculorum scriptores non dubitarunt, ex duobus unum componere, & Abbatem Lobiensem postea Archiepiscopum Senonensem factum asserere, huicque Senonensi adeo & Capitularium Collectionem affingere. Ita sane Trithemius, ut vidimus ad §. praeced. ita postea Antonius Augustinus, qui L. II. de emend. Gratiani Dial. X. scribit: *Ansegisus Abbas Lobienfis, qui postea Senonensis Archiepiscopus fuit*, quem alii secuti sunt. Sed Collectionem Capitularium Senonensi Archiepiscopo non deberi, optime omnium docent verba Jacobi Sirmondi in epistola ejus ad Domnum Constantinum Cajetanum, Abbatem Sancti Baronti, apud Labbeum de scriptoribus Eccles. T. II. p. 692. Par fuit in Ansegiso, qui Caroli & Ludovici Regum capitula colle-

git

git, quorundam hallucinatio. Cum enim Ansegisum hunc Lobiensem in Cameracensem dioecesim Abbatem fuisse ex Sigeberto constet, longeque diversum ab Ansegiso Senonum Archiepiscopo, quamquam is etiam abbas ante Episcopatum fuerat, sed alterius in Bellovacis monasterii, cui a S. Michaële nomen, non defuerunt tamen, qui utrumque Ansegisum confunderent, & digestorum in libros capitulorum laudem Archiepiscopo perperam tribuerent. Quibus verbis etiam subscribit Baluzius Praef. §. 39. vide etiam Mastricht. in not. ad Ant. Aug. de emend. Grat. p. 444. lin. 7. & in addend. ad Histor. Jur. Eccl. p. 207. & 211. nec non Conring. de O. J. G. cap. 15. p. 71.

- (v) Ratione maxime probabili inductus Baluzius fuit, ut Ansegisum Fontanellensem Collectionis Capitularium autorem assereret. Cum enim de Ansegiso Lobienfi vix quicquam ipsi in antiquitate occurreret, nec ante Sigebertum quisquam Collectorem Capitularium fere Lobiensem dixisset, ipse autem in Chronico Fontanellenfi reperiret, Ansegisum, Abbatem Fontanellensem constitutum a Ludovico Pio, virum fuisse doctum ac librorum amatorem, quorum magnam copiam reliquerit in monasterio Fontanellenfi, & in Flaviacensi, cujus etiam Abbatem fuisse doceret auctor ejusdem Chronici, facili via deductus fuit in sententiam, ut Ansegisum, Capitularium Collectorem, non Lobiensem, sed Fontanellensem Abbatem diceret, jam anno 834. mortuum, qui annus mortis melius etiam Collectori huic, nulla Capitularia anno 827. recentiora producenti, convenit, quam annus 882. qui Senonensi Episcopo ultimus fuit. v. Baluz. Praef. §. 40. Ansegisianam vero hanc Collectionem, magna statim auctoritate gavisam, & ab ipso Ludovico Pio agnitam esse, ostendunt frequentia testimonia Ludovici Pii in suis post annum 827. editis Capitularibus ad Capitularia antiquiora, secundum
Libros

Libros & capita, Ansegisiana Collectioni respondentia, provocantis. Ita enim ille in Capitulari Wormatiensi anni 829. *Tit. I. c. 5. Ita enim continetur in Capitulari bonae memoriae genitoris nostri in Libro I. c. 157. Et paulo post: Item in Capitulare nostro in Libro 2. cap. 21. de eadem re. In ejusdem Capitularis cap. 9. Quicumque de rebus Ecclesiarum, quas in beneficium habent, restorationes earum facere neglexerint, juxta Capitulatam anteriorem, in quo de operibus ac nonis & decimis constitutum est, sic de illis adimpleatur, id est, in Libro 4. Capitulo 38. De opere & restoratione Ecclesiarum &c.* De hoc numero 38. autem, qui in aliis editionibus aliter quandoque legitur, omnino videndus est Baluzius in not. ad Capit. T. II. p. 1190. Ex eodem Capitulari Wormatiensi huc spectant *Tit. 2. c. 1. & 8. Tit. 3. c. 1. 5. & 8.* Imo & a Carolo Calvo ad hanc Collectionem provocatur *Tit. 36. c. 1. 4. 8. 18. 19. 20. 22. 25. 27. 28. 34. Tit. 40. c. 9. Tit. 45. c. 1. & 3.* vid. Baluzii Praef. §. 41. & 42. Illud autem porro de Ansegisiana Collectione notandum, quod, licet Ansegisus tantum Caroli M. Capitula se Libro primo exhibere in Praefatione, quam suae Collectioni praemisit, profiteatur, ipse tamen ex Capitulari Ludovici an. 816. sua capitula depromserit a Capitulo 79. usque ad cap. 104. & post hoc iterum Caroli M. capitula exhibeat. Fontem erroris in eo deprehendisse sibi videtur Baluzius Praef. §. 43. & notis ad Cap. T. II. p. 1059. quod in fronte Capitularis Ludoviciani de an. 816. duo capitula Caroli M. se offerant, & hinc Ansegisus forte reliqua ejusdem Capitularis capita Carolo etiam deberi existimaverit. Nec illud silentio praetereundum, quod vulgares Capitularium editiones in Ansegisiana Collectione non tantum Caroli M. & Ludovici Pii, sed & Lotharii capitula contineri, in fronte loquantur, cum tamen in quatuor

quatuor Ansegisi libris nihil occurrat, quod Lothario tribui possit. Errorem jam notavit, ejusque fontem probabili ratione detexit Petrus Pithoeus in *Praefatione ad Capitularia* his verbis: *Sane quod in Ansegisi praefationibus Lotharii nomen adjectum est, datum id scias exemplarium quorundam antiquitati, quae sub ejus ditione, ut verosimile est, primum descripta, non hoc solum ipsius honori tribuerant, sed & ex versibus &c.* vide hac de re Baluz. *Praef. §. 43. not. ad Capitul. T. II. p. 1171. & not. ad Ant. August. de Emend. Gratiani p. 444. lin. 5.* Hanc porro Collectionem Ansegisi paulo post in sermonem Germanicum translatam fuisse Conringius de *O. J. G. c. 15. p. 72.* optime probat ex veteri illa versione *Libri 4. c. 19.* quam inter specimina linguae priscae in suis *annalibus Trevirensibus* exhibet Browerus, & inter *Miscella antiquae lectionis n. 3.* sistit Simon Paulli *Argent. 1664.*

§. XL.

Postea anno DCCCXLV. novam collectionem Otgarii, Archiepiscopi Moguntini, auspiciis adornavit BENEDICTVS, Levita Moguntinus, quam Ansegisiana collectionis veluti auctarium (α) esse voluit. Constitat illa tribus libris (β), in quibus nec delectu, nec ordine usus est bonus ille Levita (γ). His deinde, nescio, quo auctore, accesserunt *Additionum Libri IV. (δ)* Utraque Collectio in foris Francicis, haec Germaniae, illa Galliae, maximi usus fuit (ε): Ansegisiana tamen etiam Ludovici Pii & Caroli Calvi auctoritate firmata. Vid. Steph. Baluz. *Proleg. §. XLVII. seq. Conring. de Orig. Jur. Germ. Cap. XV. Ant.*

Nec non
a Bene-
dicto Le-
vita &
Lothario.

Ant. Pagii *Critic. Baron. ad ann. 845. n. 17. p. 598. Tom. III.* Quin ipse **LOTHARIUS** Imp. novam collectionem in usum Itatorum confecit *, *Baron. Annal. Eccles. ad annum DCCCXLVII. n. 12.* quam edidit Melch. Goldastus in *Collect. Leg. & Consuet. Germ. p. 102.*

* Erravit tamen Baronius, dum collectionem hanc Italis ex decreto *Synodi Meldensis Cap. LXXVIII.* promulgatam existimat; quo anno DCCCXLV. cautum fuerit, *ut Capitula ecclesiastica a Carolo M. Imp. & Ludovico Aug. promulgata obnixè observari praeciperentur.* Sed non meminit Baronius, id concilium in regno Caroli Calvi habitum, ac proinde nec Lotharium obstrinxisse, nec ad Italos pertinuisse. Vid. Petr. de Marca *de Concord. sacerdot. & imperii Lib. II. Cap. 12. §. 5.* Ant. Pagium *Crit. Baron. ad ann. 847. n. 13. p. 604. (5).*

(a) Ratio, qua motus Benedictus ad hoc opus suscipiendum accessit, id, quod autor noster de hac Collectione dicit, omnino confirmat. Nempe quod, quae Ansegisus aut invenire nequivit, aut inserere fortasse noluit, & illa, quae postmodum a fidelibus sanctae ecclesiae & Pippini ac Karoli atque Hludovici didicit in jam dictis libellis minime esse inserta, ea hic supplere voluerit, ipse indicat in Praefatione, quam suis libris praefigit. v. Baluz. *Cap. T. I. p. 802.*

(b) Tres hi libri ita plerumque junguntur Ansegianis quatuor, ut quintum, sextum, septimum Collectionis ita ex duabus compositae Librum constituent, & his numeris etiam plerumque allegentur. Quod tamen perpetuum non esse, sed Collectionem Benedicti saepius a veteribus separatim allegari numeris Librorum primo, secundo, tertio, pluribus testimoniis ex Hincmaro & Concilio Troslejano ac aliunde petitis ostendit Baluzius *Praef. §. 47.*

(v) Ordinem in eo meliorem jam desideravit Antonius Augustinus *de Emend. Gratiani L. II. Dial. 10.* qui ipsi etiam inscriptionum defectum objicit. Utrumque & ordinem & delectum abesse queritur Pithoeus *in Praef. ad Capit.* Addatur Conring. *de O. J. G. c. 15.* Struvius *Hist. Jur. c. 6. §. 12.* Brunquell. *Hist. Jur. P. IV. c. 3. §. 14.* Hoffman. *Spec. Conj. Polit. c. 2. per. 4. §. 7.* Immiscet enim his Capitularium libris Zachariae Papae epistolam, & alia multa ex Canonibus Conciliorum, ex Synodalibus Episcoporum Constitutionibus, ex Codice Theodosiano, imo ex aliis veterum Legibus excerpta. Malae tamen fidei suspensionem, qua ipsum onerant Blondellus *Proleg. ad Pseudo-Isid. c. 19. p. 108.* & Conring. *de O. J. G. c. 15. p. 75.* ab ipso erudite amovet Baluzius *Praef. ad Capit. §. 45.*

(b) Autorem nec Conringius, nec Baluzius, nec Struvius nominare audet. Illud tamen fatetur Conringius, eum ejusdem, cujus & Benedictus fuerat, ingenii fuisse. Sirmondi tamen sententiam, editiones hasce ipsi Benedicto tribuentis, omnino refellit Baluzius *Praef. §. 48.* I. quod nullam harum additionum mentionem faciat Benedictus in Praefatione suae Collectionis, in qua tamen omnium, quae in hac causa praestiterat, rationes reddit. II. Quod in vetustissimis Petri Pithoei & Jacobi Sirmondi exemplaribus, in quibus nihil est, quod Benedicto Levitae adscribendum sit, hae quatuor additiones statim subjungantur Ansegisi quatuor Libris, adeoque exhibeantur tanquam opera a Benedicti Libris plane aliena. III. Quod in Codicibus MSCtis, Capitularium Bellovacensi & Palatino Additio prima partem faciat Libri Capitularium Septimi, atque ita, cum Libri VII. capita sint 478. adjectis his primae additionis capitibus 80. computentur Libri illius VII. capita 558. Ita Ivo allegans caput 16. Additionis primae id hac nota indicat: *ex*

Capitularium, Libro VII. c. 494. Ita & Patres Concilii Troslejani de an. 909. referentes primum caput Capitularis de an. 817. quod Additionem primam constituit, illud ex *Capitularibus* allegant, quo nomine alias ipsi septem Ansegisi & Benedicti Libri indicari solent. Quae omnia probabili ratione ostendunt, Additiones has non esse ipsius Benedicti, qui ordinem earum alias certiori regula definiturus fuisset, sed esse Benedicti temporibus recentiores, forsan non ejusdem temporis, sed primam ante secundam & tertiam prodixisse, adeoque ita solam existentem, & unius Conventus Aquisgranensis decreta exhibentem, potuisse, facili errore, pro parte Libri Capitularium Septimi computari.

- (*) Existimat Autor noster, quod Ansegisiana Collectio in foris Galliae, Benedictina in foris Germaniae maxime obtinuerit. Ansegisianam non Galliae tantum, sed & Germaniae foris usitatam fuisse, vel inde colligitur, quod Ludovicus Pius, & Germaniae & Galliae imperans, eam sua auctoritate firmaverit. Accedit, quod Capitularia, illa Collectione comprehensa, in Conciliis Germanicis Moguntino c. 16. sub Rabano Mauro, Archiepiscopo, & Colonienfi sub Carolo Crasso c. 3. alioque Moguntino c. 21. & 23. sub Arnulpho de an. 888. allegentur. v. Conring. de O. J. G. c. 17. p. 94. Struv. Hist. Jur. c. 6. §. 11. in notis. Quod autem & Benedicti collectio, licet in Germania confarcinata, tamen in Gallia auctoritatem obtinuerit, & quidem jam ante annum 858. ex eo maxime demonstrat Baluzius, §. 46. quod Herardus Archiepiscopus Turonensis ea aetate sua capitula edens, & multa ex iis, quae in Benedicti Collectione sunt, in compendium contrahens, ea usus fuisse manifeste probetur. Continuata fuit haec Benedictinae Collectionis per Galliam auctoritas sequentibus etiam temporibus, ita ut & Isaac, Episcopus Lingonensis, sua

sua *Capitula* unice ex tribus Benedicti Libris collegerit, hujusque Collectionis Capitula frequenter tam in Conciliis apud sanctam Macram, & Troslejano, quam a celeberrimis Galliae viris Hincmaro, Fulberto, Ivone laudentur.

(§) Addatur etiam Conringius *de O. J. G. c. 15. p. 74. & c. 17. p. 91. 92. 93.* & Struvius *Hist. Jur. c. 6. §. 12.* quod eam collectionem non alio, quam Autcarii vel Otgarii, Archiepiscopi Moguntini, jussu fecerit Benedictus, indicant versiculi, qui in fronte hujus Collectionis conspiciuntur:

*Quattuor explicitis, lector venerande, libellis,
Qui Canonum recitant Jura tenenda satis,
Quosque pater quondam collegit nobilis apte
Ansegisus ovans, ductus amore Dei;*
AVTCARIO denum, quem tunc Moguntia
summu

*Pontificem tenuit, PRAECIPIENTE pio,
Post BENEDICTVS EGO, TERNOS LEVITA
LIBELLOS*

ADNEXI, legis quis recitatur opus.

*Quos patet inventos, praefatio pandit ut ipsa,
Distinctim titulis sub positisque suis.*

*Hos igitur relegens devoto pectore biblos,
Gratanter studeas fundere, posco, preces:*

*Quatinus aeterno donentur munere coelo,
Haec pia sanxerunt, qui quoque jura pie.*

Indicat porro Benedictus in Praefatione sua, unde haec maxime ceperit, nempe in sanctae Moguntiacensis metropolis Ecclesiae scrinio a Riculfo ejusdem sanctae sedis Metropolitanano recondita & denum ab Autcario secundo ejus successore atque consanguineo inventa. De his Riculfo & Autcario, vel potius Otgario, eorumque in colligendis & scrutandis canonibus, studio & curis aliqua, lectu dignissima, suggerit Conring. *l. c. p. 37.*

§. XLI.

A Carolo M. ad finem stirpis ejus in Germania leges patriae adhuc valuerunt.

Jam ex his facile patet, quatenus fuerit juris Germanici facies a Carolo M. usque dum ejus stirps apud Germanos defecit, id est, ad ann. DCCCCXI. Primo enim adhuc singulae gentes legibus suis propriis utebantur. Id quod vel inde patet, quod multo post ad Legem Bajuvariorum ipse provocat Henricus II. Rex: Adelbold. *Vit. S. Henrici Cap. X.* apud Leibnit. *Tom. I. p. 423.* quodque idem Imperator ejusque successor, Conradus Salicus, Saxonum leges confirmasse dicuntur. *Ditm. Merseb. V. p. 386. edit. Leibnit.* Wippo *in vita Conradi p. 430.* quin & Lex Alamannica pro norma fuit Conrado I. Regi Germ. in ferenda anno DCCCCXIV. sententia. *Ekkehard. de Cas. Mon. S. Galli Cap. I.* ut taceam, manumissionem per jactum denarii secundum legem Salicam factam esse sub Zuenteboldo, Lotharingiae Rege, cujus charta ea de re exstat apud Buchel. *ad Hedam de Episc. Ultraject. p. 70.*

§. XLII.

Nec non capitularia regum.

Deinde maxime auctoritatis hoc temporis intervallo erant CAPITVLARIA (α) Caroli M. & Ludovici Pii, quod solide demonstravit Herm. Conring. *de Orig. Jur. Germ. Cap. XVII. p. 94. sequ.* Ad ea enim provocant patres Concilii Moguntini anno DCCCLII. *Cap. XVI.* itemque Synodi Colonien-
ensis

ensis sub Carolo Craſſo habitae *Cap. III. Concilii Moguntini anno DCCCLXXXVIII. Cap. XXI. & XXIII.* indicio ſatis luculento, toto illo tempore ſancta adhuc Germanis fuiſſe illa Regum Francorum capitularia *.

* Patres enim concilii Moguntini anno 852. urgent, *pauperes liberos non eſſe ſaepeius banniendos ad placita, niſi ſicut in DOMINICO CAPITVLARI, olim facto praecipiat.* Non ergo ſolum citant CAPITVLARIA, tamquam leges quafdam veteres, ſed & eas non obſervari, & pauperes contra illas leges publicas opprimi, conqueruntur. Quo vero, quaefo, colore id feciſſent, ſi eorum capitularium, tamquam legum obſoletarum, nulla ſuperſuiſſet auctoritas.

(æ) Capitularium autoritas etiam extra Germaniam Galliamque ſat magna quod fuerit, luculenta teſtimonia probant. Lotharius Imperator ſane Longobardicarum Legum *Lib. III. Tit. 37.* ita edixerat: *Placuit nobis, ut capitula, quae excerptiſimus de Capitulari bonae memoriae avi noſtri Karoli ac genitoris noſtri Hludoici Imperatoris, ab omnibus ſanctae Dei Eccleſiae ſeu fidelibus noſtris, in regno Italiae conſiſtentibus, pro lege teneantur & ſeruentur. Et quicumque horum Capitulorum contemptor extiterit, LX. ſolid. componat.* Non hic quidem ad Benedicti Collectionem provocari, ſed, cum de excerptis capitulis Lotharius loquatur, potius innui *Epitomen Capitularium*, quam cum Hincmari epistoſis Joannes Buſaeus ſub titulo: *Conſtitutionum Caroli M. Epitome a Lothario ejus nepote evulgata*, edidit, quamque Goldaſtus ſub titulo: *Capitulare Lotharii Imperatoris*, ſuae Collectioni *Conſuetudinum & Legum Imperialium* inferuit, docet Conringius de O. J. G. c. 17. p. 92. Hanc Lotharii Legem non ſatis aequo ab omnibus per Italiam ani-

mo exceptam esse, ex iis, quae sequuntur, facile intelligitur. Plerique forsan Legibus Longobardicis & Romanis unice & constanter inhaesuri, sibi etiam Capitularia obtrudi aegre ferebant. Leo IV. P. R. certe rem tanti esse existimavit, ut nihil impedimenti a se quidem huic Legi, vel obmotum esse, vel obmotum iri, literis ad Imperatorem datis testatus fuerit. Ita sane rem explicat Bartholomaeus Brixienfis *in Glossa in cap. de Capitulis 9. distinct. 10.* Ex quo hanc rem illustrat Baluzius *in Praef. ad Capitularia §. 23.* Verba literarum ab Ivone, Carnotensi Episcopo, in Decretorum Collectione *Part. 4. c. 176. in Panorm. L. 2. c. 149.* a Gratiano vero *Distinct. 10. C. de Capitulis 9.* conservata sunt. In ipsis autem literarum verbis, prout vulgariter exhibentur, mendum esse, & Correctores Romani & Baluzius & alii agnoverunt, in correctionis modo autem a se invicem dissenserunt. Baluzius *l. c. §. 21.* ita legenda verba existimat: *De Capitulis vel praeceptis Imperialibus vestris vestrorumque praedecessorum irrefragabiliter custodiendis & conservandis, quantum valuimus & valeamus, Christo propitio & nunc & in aeternum nos conservaturos, modis omnibus prostemur. Et si fortasse quilibet aliter vobis dixerit, vel dicturus fuerit, sciatis eum pro certo mendacem.* Quicquid sit de hac lectione, illud sane, quod modo asseruimus, nempe ad hanc Legem Lotharii digitum intendi a Leone IV. Correctores Romani ingenue fatentur: *Omnino haec, quae a Leone scribuntur, spectare videntur ad Capitula Caroli & Ludovici, quae Lotharius in universa Italia servari mandaverat.* Addunt etiam, quod Lex Lotharii populo Romano, qui jure antiquo Romanorum uti prohiberetur, valde displicuerit, quodque disseminatus fuerit rumor, eandem esse Pontificis ac Populi sententiam, quodque Leo hac epistola se purgare voluisse videatur. His utique non contradicit,

tradicit, quod idem Leo IV. P. R. apud Ivonem P. 4. c. 181. & Gratianum *Distinct.* 10. c. *vestram* 13. Legem Romanam servari a Lothario petierit: *Vestram flagitantus clementiam, ut sicut haecenus Romana Lex viguit absque universis procellis, & pro nullius persona hominis reminiscitur esse corrupta, ita nunc suum robur, propriumque vigorem obtineat.* Nec enim Legis Romanae, cujus praecipuam apud Romanos auctoritatem fuisse supra ostendimus, vigor, omne Capitularibus robur adimere potuit, cum ipse Lotharius jus eligendi, quo quisque jure vivere vellet, Italis concefferit *Leg. Longob. Lib. II. Tit. 57.* adeoque apud eos saltem, qui professionem Juris Francorum fecerant, Capitularium sancta debuerit esse auctoritas, imo ne a reliquis quidem negligenda; quum si Legem, quam de Capitularium observatione tulerat Lotharius, cum hac, qua juris electionem concedit, conferamus, non aliam possimus Lothario esse sententiam augurari, quam, quod juris quidem pristini usum cuilibet, qui eum profiteretur, liberum velit concedere, in quantum scilicet illi juri prisco per novas Capitularium Constitutiones non fuerit derogatum. Verba hujus Legis haec sunt: *Volumus, ut cunctus populus Romanus interrogetur, quali lege vult vivere: ut tali lege, quali professi sunt, vivant &c.* Hanc Legem elicitam esse precibus Leonis IV. quarum mentionem modo fecimus, Correctores Romani, Baronius, Conringius, multique alii existimant, & naturalis rei utriusque nexus videtur aliquem inter illas preces & hanc Legem consensum innuere. Sed & huic sententiae graviter iterum intercedit Baluzius *Praef. §. 24.* ex fide Codicis MSCti Thuanaci & Collectionis Canonum Cardinalis Deusdedit, ex qua Capitulare, quod hanc Legem continet, Holstenius Romae edidit, asserens, hanc Legem jam ante Leonis IV. tempora, & quidem Eugeni

nii II. P. R. aetate latam esse. Sed ut ad Capitularia revertamur, eorum per Italiam auctoritas multum iterum confirmatur Concilii Ravennatensis post initia Sec. X. sub Johanne IX. P. R. celebrati verbis in *Can. 1. Et s. Si quis Sanctorum Patrum regulas Et gloriosissimorum Imperatorum, Karoli videlicet Magni Imperatoris Et Ludovici atque Lotharii, nec non Et filii ejus Ludovici, quae de Ecclesiasticis decimis in eorum Capitularibus statuta atque sancita sunt, non observaverit, Et qui dat, Et qui recipit, autoritate sanctae sedis Apostolicae Et sanctione Synodi excommunicationi subjaceat.* Licet enim canon hic tantum de capitularibus, decimarum necessitatem imponentibus, adeoque non de omnibus loquatur, quod jam observavit Muratorius *Praef. ad T. I. P. II. Script. Rer. Ital.* nihilominus inde tamen Capitularium autoritas ea aetate etiam extra Germaniam Galliamque satis elucescit. Quae ulterius vel inde asseritur, quod veteres Canonum Collectores Regino, Burchardus, Ivo & Gratianus plura eorum capita suis collectionibus inseruerint. De Burchardo quidem Wormatiensi Baluzius in *Praefat. §. 20. Et in not. ad Cap. passim*, ut & in *Praefat. ad Reginon. §. 22.* aliique graviter queruntur, quod multa ex Capitularibus quidem hauserit, fontem autem ipsum non nisi unico in loco, nempe *L. I. c. 218.* laudaverit, ne tunc quidem id forsan facturum, uti suspicatur Baluzius, nisi in margine addere potuisset, de *Episcopis Aquisgrani collaudatum.* Quae ex Capitularibus a Gratiano adoptata fuerint, optime evoluit Ant. Augustinus de *Emend. Gratiani L. II. Dial. 10. Et 11.* Paucis adhuc notandum erit, quod, licet Capitularium per Germaniam autoritas Carolingorum tempore maxima atque firmissima fuerit, judicia tamen in causis privatis, praecipue secundum leges scriptas singularum provinciarum, imo secundum mores singulorum pagorum, a Gravionibus atque Scabinis

Scabinis instituta fuerint, adeo ut jam tum magna jurium multitudo, & varietas deprehensa fuerit; quod jam, tanquam grave malum illorum temporum, observavit Agobardus *adversus Legem Gundob. c. 4.* cujus verba notatu digna sunt: *Si non huic tantae divinae operationis unitati aliquid obsistat tanta diversitas Legum, quanta non solum in singulis Regionibus, aut Civitatibus, sed etiam in multis domibus habetur. Nam plerumque contingit, ut simul eant aut sedent quinque homines, & nullus eorum communem Legem habeat cum altero.* De Judiciorum ejus temporis forma optime agit Conringius *de German. Imper. Judiciis* §. 25. & *seqq.* Imaginem Judiciorum antiquorum sistit *Cent. Chartar. & Instrum. vet. Alam. Tit. 99.* vid. etiam *Tradit. Fuldenf. L. I. n. 100. & L. II. n. 152.* ubi praecipue notentur verba: *secundum legem eorum*, quae singularem ejus comitatus vel pagi legem aut morem innuere videntur. Adde *ibid. L. II. n. 158.*

§. XLIII.

Praeterea nullum est dubium, quin novas subinde leges tulerint Ludovicus Germanicus, ejusque posterī: quamvis eae, quas edidit Goldastus *Tomo I. Constit. Imp. p. 274.* non ex Chartis authenticis, sed ex Aventini annalibus, Legibusque Langobardicis, desumptae videantur (α). Omnium celeberrima tamen est constitutio de expeditione Romana, CAROLO Crasso vulgo tributa, a multis rejecta, criticisque stricturis confossa. Sed quum, qui plurimum illi constitutioni tribuunt, eam non a Carolo Crasso, sed Conrado Salico, profectam existiment*, non est sane, quod hic illi immoremur (β).

Et si quas alias novas leges tulerunt Caroli successores.

* Videnda, quae de ea disputarunt Marqu. Freherus, Rittershusius, Schurzfleischius, Ill. de Ludewig, Gebauerus, nec non etiam olim Conring. *de Orig. Jur. Germ. Cap. XVII. p. 89.* Retulit mihi nuper amicissimus, & discipulorum meorum optimus, Jo. Guil. Hoffmannus, in manus suas incidisse ipsam chartam authenticam, quam olim cum Rittershusio communicavit Marcus Velferus, & se illius opè plura, quae editores praeterviderint, quaeque ad constitutionis istius veram aetatem atque originem pertineant, observasse, adfirmavit, quae se una cum aliis observationibus suis editurum promittebat. Sed cheu! vitae brevis vetuit ingenii paene stupendi virum spes inchoare longas. Evanuit illa spes, Hoffmanno meo sub finem superioris anni properantibus fatis extincto.

(a) Cautè itaque legendae sunt Goldastinae illae Constitutiones, cum multae ex ingenio Goldasti prodiisse videantur, quod etiam observavit Conringius *de O. J. G. c. 17. p. 90.* Vide etiam Brunquell. *Hist. Jur. P. IV. c. 4. §. 3. not. a.*

(b) Quod Conradus Salicus hujus Constitutionis auctor sit, multis adhuc dubiis involutum est. Hanc quaestionem hic moveri, alia adhuc ratio vetat, nempe quod illa ad Jus privatum, de quo tamen hic maxime agitur, parum vel nihil faciat.

§. XLIV.

An & juris Romani aliquis usus fuerit.

Quaeri posset, an non & juri Romano in Germania tum locus fuerit? Responsum cape. Quum Franci iis tantum juris Romani usum concederent, qui illi jam antea adsueverant: (§. XVIII.) toto hoc tempore in Gallia non exolevisse juris Rom. usum, fatis adparet ex Hincmar. *Opusc. XVI, §. Tom. II. p. 225. Opusc. LV. T. II. p. 440. 509.*

587. 739. ut jam non dicamus de conciliis Gallicanis & Ivonis Carnutenfis Decreto, in quibus ad leges Romanas, etiam Justinianeas, & e *Pandectis* depromptas, saepissime provocatur. Add. Strauch. *Amoen. Jur. Can. ecl. II. Cap. VII. p. 33.* Id vero de Germanis dici non potest, quippe quos nunquam Romani in provinciae formam ita redegerant, ut stabile ibi esset eorum imperium. Hinc consequens est, ut juris Romani usum nec desiderarint unquam, nec habuerint. Interim quum Capitularia apud eos maximae fuisse auctoritatis, fassi simus, (§. XLII.) in iis vero paucula ex jure Romano deprompta sint*: eatenus dici potest, aliqua ex eo jure profecta tum quoque in Germania locum habuisse.

* In ipsis Ludovici Pii *Capitularibus addit. IV. §. 102.* jus Romanum vocatur *omnium humanarum mater legum*, adeoque non mirum est, quaedam ex illo in usus suos convertisse Francorum Reges. Pauca tamen illa esse, & vix alicujus momenti, ipsorum Capitularium lectio unumquemque convincet, ut paullo latius scripisse videatur V. C. Burc. Gotth. Struvius *Hist. Jur. VI, II. p. 435.* *Fontes horum capitularium ipsas fuisse leges Romanas, ex eo potissimum patet, quod lex Romana omnium humanarum legum mater dicatur.* Neque enim id elogium nos convincit, omnia vel pleraque ex jure Romano depromsisse Francorum Reges.

§. XLV.

Eadem omnia ab extincta apud Germanos stirpe Carolingica, usque ad Saxonicam

Sub Saxonicis
Imp. legi-

bus patriis adhuc vixerunt gentes Germanicae familiae interitum, obtinuisse videtur. Nam tunc quoque singulos Germaniae populos veteres suas leges, quas Reges Francici scriptas promulgarant, sequutos esse, ex iis, quae supra (§. XLI.) observavimus, & observabimus paullo post, colligitur *: idque innuere videtur Wित्ति. *Annal. II. p. 21. seq.* dum leges divinas & humanas auctorali vigore Ottonis M. polluisse, & conjuratos secundum leges meritis luisse poenas scribit. Vid. Hert. *de Consult. Legib. & judic. in spec. Rom. Germ. Imp. rebus* §. XII. p. 419. Accedit, quod ad LEGEM SAXONICAM in chartis suis se referunt anno DCCCCCLII. Otto M. apud Stangefol. *Annal. Westph. II. p. 185.* multoque post anno DCCCCXCVII. Otto III. apud eundem p. 203. (α).

* Idem & inde patet, quod Legem Salicam Langobardicamque suis additionibus auxerunt Otto I. & Henricus II. Imperatores, quas edidit ex vetusto codice Ge. Eccardus *ad Leg. Salic. p. 198. sequ.* Quin in his ipsis additionibus Otto I. Imp. anno DCCCCCLII. se refert ad *capitularium praece-dentium regum instituta*, in comitiis Francofurtanis coram posita. Vid. Eccard. *ibid. p. 198.*

(α) De Henrico II. refert Ditmarus Merseburgensis *Chron. L. V.* apud Leibnit. *Rer. Brunsp. T. I. p. 368.* quod is Bernhardo Duci aliisque proceribus Saxoniae responderit: LEGEM igitur VESTRAM non in aliquo corrumpere, sed vita comite malo clementer in omnibus adimplere, & vestrae rationabili, in quantum valeo, ubique animum adhibere. Quae verba ego quidem de Lege Saxonum, de qua ad §. 34. actum est, utique intelligenda esse arbitror, quorsum ea etiam refert

refert Leibnizius *ibid. in notis*; nec est, cur cum Koppio *Hist. Jur. P. V. Tb. 3. not. g.* de moribus potius, quam Lege scripta ea explicanda iudicem.

§. XLVI.

Quod tamen ad LEGEM SAXONICAM & FRISICAM* (α) attinet, eam OTTONIS II. temporibus non parum vel immutaverat vel auxerat HARALDVS, Rex Daniae, qui tum transalbinas proximasque regiones invaserat, & tum his, tum Fresonum genti, leges & jura constituere coeperat. Referrunt hoc Adam. Brem. *Hist. II, 19.* Hel-mold. *Chron. Slav. I, 15.* qui addunt, gentes istas leges Haraldinas *pro tanti auctoritate viri adhuc hodie servare contendere.* Sed harum additionum hodie nihil existat.

Lex Sax.
tamen
aucta ab
Haraldo
Rege Da-
niae.

* Sane & Frisonibus leges datas esse ab Haraldo, refert Alb. Stadenf. *ad ann. 984.* Sed id intelligendum videtur de Frisiis vel Fresonibus transalbinis, qui & hodie chersonesi Cimbricae littora adcolunt. Ad reliquos enim Frisios ejus pertigisse imperium, nemo veterum observavit. Immo ne Pontanus quidem in *Hist. Dan. Lib. V. p. 196.* ubi locum Alberti Stadenfis adducit, quidquam de ejus imperio in Frisios dixit.

(α) Videantur, quae de Lege Frisiorum *ad §. 25.* & Saxonum *ad §. 34.* diximus.

§. XLVII.

Quid? quod ne CAPITVLARIVM quidem usus circa haec tempora exolevisse in Germania videatur. Auctorem enim habemus

Capitula-
rium et-
iam usus
aliquis.

mus Continuatore Regionis ad ann. DCCCCLII. constitutum esse in Francofurt a Rege gloriosissimo, Ottone, anno illius XV. consentientibus Episcopis, comitibus, aliisque fidelibus compluribus, canonum sanctorumque patrum auctoritate, nec non CAPITVLARIVM praecedentium institutis coram positis *. His ipsis tamen temporibus paullatim ab usu recessisse illa regum Francorum capitularia, suspicatur Baluz. in proleg. §. I. (α).

* Eadem verba in ipsis illis additionibus legis Salicae, a Ge. Eccardo p. 198. editis, reperiuntur, ut adeo illas tum in manu illius Continuatoris fuisse verosimile sit. Quod insigne est γνωρισμος harum additionum argumentum (β).

(α) Qui omnia mala, omnes calamitates, quae postea Germaniam prefferunt, huic Capitularium neglectui imputare non dubitavit l. c. Quae vera sit ratio, ob quam Capitularium per Germaniam vigor post Carolingorum tempora paulatim evanuerit, disquirunt viri docti; quam plerique optimo jure tribuunt, ab una quidem parte studiis Procerum ad liberiolem potestatem, eamque hereditariam, & plane Legislatoriam tum aspirantium, & Capitularium vincula, quibus hi conatus comprimebantur, rumpere omnibus viribus tentantium; ab altera vero parte populis, qui ex his Procerum studiis opportunam occasionem avidus captabat, antiquata Capitularium auctoritate, usum Legum & morum antiquorum, plus licentiae & ferociae, quam illa, spirantium, aliquantum saltem per illa restrictum, plenius reducendi. Ad has res uberius illustrandas apprime faciunt Hertius de Superiorit. Territor. Opusc. T. II. Thomafius de Statuum Imperii potestate Legislatoria contra Jus Commune. Lude-

Ludewigii *Germania Princeps PostCarolingica sub Conrado I. Opusc. Miscell. T. II.* & Gundlingius *de statu Reipubl. German. sub Conrado I.* Qui duo posteriores, non eadem quidem omnino via incedentes, ad eundem tamen finem tendunt. (8) Cum in Concilio Triburiensi an. 896. vel 895. secundum Reginonem *Chron. L. II.* celebrato inter ea, quae tanquam vitae regulae proponuntur, longo ordine ibi commemorata, Capitularium nulla amplius mentio fiat, & verborum hic ex *Cap. 21. Additionum*, quae ex Codice MSCto Moguntino Libris Reginonis de disciplina ecclesiastica subjunguntur, exhibitorum autor utique non sit ipse Regino, ad prima Sec. X. vel saltem, uti quidem Conringius credit *de O. J. G. c. 18. in f.* ad Conradi I. tempora potius referendus, qui nec Chronici Libros ultra annum 906. perduxit, unde & in *Libro II. Chronici* ejusdem ante annum 907. dicitur: *Huc usque Regino. Haec vero quae sequuntur addita fortasse sunt, ab alio quodam monacho*, atque ita verba haec potius sint incerti alicujus Continuatoris, fidem aliqui omnem iis prorsus denegant. vid. Struvii *Hist. Jur. c. 6. §. 4. in n.* Verum hoc Heineccii argumento fides Continuatori fere asseritur. Quae vero ex Concilio Triburiensi producuntur, ea quidem senescentem paulatim Capitularium auctoritatem loquuntur, studia vero Imperatorum, Capitularia, utpote suae potestati faventia, conservare nitentium utique non excludunt.

§. XLVIII.

Accesserunt & hoc temporis intervallo variae leges novae, a Regibus & Imperatoribus, vel missis in suffragia ordinibus, vel commissis campionibus, quos vocabant, latae. Ita sane in comitiis Stelensibus Ot-

Leges novae sub Ottonibus latae.

to

to M. interpretatione authentica decidit quaestionem juris Germanici, *num nepotes cum filiis ad hereditatem simul admittendi sint, nec ne** (α)? Rem enim Otto M. inter gladiatores discerni iussit, vicitque pars, quae filios filiorum computabat inter filios, & hinc lege perpetua firmatum, ut aequaliter cum patruis vel avunculis hereditatem dividerent. Wittich. Saxo *Annal.* 11. p. 644 Sigeb. Gemblac. ad ann. DCCCCXLII Plures alias Ottonum (β) leges collegit Goldast. *Constit. Imp.* Tomo uno p. 215. sequ. p. 225. sequ. Tom. III. p. 303. sequ. & p. 309. sequ.

* Quum de jure repraesentationis nepotibus concedendo tum ambigerent Romani: eo minus mirandum, Saxones illud numquam concedere voluisse fratrum sororumve liberis, quin sibi jus patrium reservasse, quum in comitiis aliud lege publica statueretur. Qua de re alibi. Jam id observo, in Geldria id jus repraesentationis anno demum DLX. inVectum esse. Pontan. *Hist. Geldr. Lib. XIV.* p. 882.

(α) Rudis & crassae, si quae unquam fuit, Juris prudentiae, vel plane Legislatoriae artis specimen, obscurius a Sigeberto, clarius a Witichindo & Autore Magni Chron. Belgici ad annum Ottonis M. quartum refertur. Factorum veritatem duello decidi, seculi ferociam sapit atque superstitionem, sed moris recepti autoritate utcunque excusatur. Controversias Juris vero armis decidendas ab ipso Legislatore exponi, & ita nodum Gordium non solvi, sed gladio dirumpi, portentum rei est, & monstro simile, cujus vix aliud exemplum in tota antiquitate occurrit. Verba Witichindi ipsa de hac re legi merentur: *De legum quoque varietate facta est contentio,*

tentio, fuereque, qui dicerent, quia filii filiorum non deberent computari inter filios, hereditatemque legitime cum filiis sortiri, si forte patres eorum obissent avis superstitibus. Unde exiit edictum a Rege, ut universalis populi conventio fieret apud villam, quae dicitur Stela, factumque est, ut causa inter arbitros judicaretur debere examinari. Rex autem meliori consilio usus, noluit viros nobiles & senes populi inhoneste tractari, sed magis rem inter gladiatores discerni iussit. Vicit igitur pars, qui filios filiorum computabant inter filios: & firmatum est, ut aequaliter cum patribus hereditatem dividerent pacto sempiterno. Ubi cum dicat, Ottonem noluisse viros nobiles & senes populi, forsan antiquo mori, quo nepotes inter filios in hereditate non computabantur, pertinacius inhaerentes, inhoneste tractari, vel ruborem ipsis, si disceptatione iuridice instituta & rationum pondere utrinque bene supputato à contrariae sententiae patronis aequo iudicio vincerentur, suffundi, rationem iudicii duellici de quaestione iuris dirimenda instituti reddit, & Ottonem aliquantulum, si fieri potest, excusat.

(s) Earundem Additionum Moguntinarum, ex quibus Francofurtana Constitutio Ottonis M. §. praecedente allegatur, caput 22. aliam Ottonis M. Legem exhibet his verbis: *Inventum est etiam coram praefato Rege, ut nulla Abbatia, quae per se electionem habet, ad monasterium, nec alicui in privatum possit donari. Illae vero, quae electione carent, Regis donatione & privilegio ad illud monasterium, quod sub eius mundiburdio consistit, surrogari possint.* Ottonis II. Lex de duobus reis stipulandi vel promittendi, & Ottonis III. de mancipiorum proprietate a Goldasto quidem exhibentur, plerisque autem dubiae & suspectae videntur.

§. XLIX.

An & juris
Romani
usus?

Juris Romani hoc saeculo in Germania nec vola nec vestigium adparet: quamvis eo subinde uterentur Reges & Imperatores, si quando Italii, & maxime Langobardis, leges praescriberent. Exstat sane in *Leg. Langob. II, 47, 11*. Henrici Imp. constitutio, de jurejurando calumniae clericis remittendo, in qua constitutio D. Marci, (vel Marciani potius, *l. 25. C. de episc.*) Justiniani sanctio, & legis periti, ab Imperatore in consilium adhibiti, memorantur.

§. L.

Origo juris
Canonici
in
Germania.

At certius est, his temporibus paullatim juris Canonici auctoritatem permagnam esse coepisse in Germania. Quemadmodum enim paullo ante haec tempora circa annum DCCCCVI. Regino Prumiensis (α) in Regno Lotharingico jussu Ratbodi Archiep. Treverensis, *de disciplina ecclesiastica libros II.* ex Canonibus antiquis decretisque pontificum compilaverat, quos post Joach. Hildebrandum Helmstadiensem iterum edidit Steph. Baluzius 1671. ita paullo post sub initium saeculi XI. scripto *magno canonum volumine*, ex iisdem, at inquinatioribus aliquanto fontibus, jus ecclesiasticum derivavit BVRCHARDVS (β), Wormatiensis episcopus. Sigeb. Gembl. *de script. eccles. Cap. CXLI. & sequ.* & in *Chron. ad ann. M VIII.* Chron.

Chron. Wormat. Cap. XIII. apud Illustr. de Ludewig Reliqu. MSSC. Tom. II. p. 55. Prodiit hoc opus Col. anno MDXLVIII. & Paris. MDL. fol. tantamque sensim auctoritatem obtinuit, ut non modo Sigebo. Gemblac. d. Cap. CXXI. ex eo adhuc suo tempore omnium conciliorum decreta auctorizari, scribat, sed & apud vulgus canonistarum multo post mos invaluerit, ut regulas juris, omni exceptione majores, & usu fori probatas, BROCARDICA, quasi *Burchardica* appellarent*.

* Talia *Brocardica* primus scripsit DAMASVS, vetus juris canonici Doctor, quae deinde recognita, & ex MSTIS exemplaribus edita sunt Colon. 1564. Ex praefatione haec decerpit Strauch. *Amoenit. jur. Can. ecl. I. cap. I. p. II.* BURCHARDICA inscribuntur, a Burchardo Episcopo Wormatiensi, qui primus ea tempestate coepit jus pontificium ad generales quasdam theses revocare. Ex Gallis atque Italis plerique, originem verbi ignorantes, corrupte Brocardum & Brocardicum adpellant. Nescio ergo, quid sibi velit Alciat. ad l. 99. D. de verb. oblig. scribens, BROCARDICA dici materiam, quae sit contrariarum opinionum rationibus involuta.

(*) Gente Teutonicus, Abbas Prumiensis electus fuit anno 892. in locum Faraberti, qui curam pastorem suam sponte per concessum Regis deposuit, uti ipse Regino refert Chron. Lib. II. ad an. 892. ubi simul fatetur, se ea dignitate non diu gavisum esse, cum aemulis agentibus Richarium, fratrem Gerhardi & Matfridi, invidiosum sui negotii successorem sustinuerit. Promittit ibidem plenior rei narrationem, quae tamen non reperitur, siue quod citiore, quam speraverat, fato abreptus eam absolvere non potuerit, siue

quod eam suis quidem numeris absolutam inde forsan abstulerint illi, quorum intererat, famam ejus rei non divulgari, nec ad posteros transmitti. Prolixiorem tamen eam fuisse colligimus ex eo, quod ipse tam anxie veniam a lectore petat, *quod verbosus in hac relatione, ultra quam decuit, extiterit.* Abbatis officio decessit an. 899. uti ipse testatur in *Chron. L. II. ad eundem annum*; addatur Trithemius *Chron. Hirsaug. ad ann. 899.* Chronicorum libros duos, non, uti in praefatione ad Adalberonem Episcopum Treverensem dicit, ad annum 908. sed tantum ad annum 906. perduxit, v. *supra ad §. 47. n. β.* ita & *Libros de disciplina Ecclesiastica* eodem anno edidisse ab omnibus perhibetur. Qua auctoritate freti huic anno maxime hujus operis natales adscribant viri docti, ego quidem non satis perspectum habeo. Videntur uno ore omnes secuti Hildebrandum, primum hujus operis editorem, vel Joh. Morinum in *append. Libri de poenit. p. 39.* qui Epistola Formata Ratbodi, ad Rotbertum Metensis Ecclesiae Antistitem, qua huic Giffemarum Presbyterum commendat, & altera Dadonis Virdunensis Episcopi ad Ratbodem, qua huic Adruinum Presbyterum commendat, utraque de an. 906. quae ab ipso Reginone de *disciplina Eccl. L. I. num. 426. edit. Hildebrandinae, §. 437. edit. Baluzianae* exhibentur, unice moti videntur, ut ipsam hujus operis editionem huic anno adscriberent. Verum ipsa Hildebrandina editio ejus epistolae Ratbodi annum 904. (ex errore tamen typographico forsan) exhibet; & si vel ipsum annum 906. Epistola illa Formata ostenderet, ego tamen vim argumenti non caperem: Ratbodus alicui Clerico dedit Epistolam Formatam an. 906. & eodem anno aliam Dado ad Ratbodem. Ratbodi jussu editum est opus Reginonis. Ergo hoc opus prodiit an. 906. Haec sane nihil probant, nisi quis simul ostendat,

ostendat, Ratbodum non nisi unico illo anno Ecclesiae Trevirensi praefuisse, quod tamen fidei historicae omni contradicit, quae Ratbodum diu ante & post hunc annum Ecclesiam Trevirensensem gubernasse testatur. Annus mortis Reginonis etiam incertus. Hildebrandus ejus mortem refert ad annum 909. Trithemius tamen eum adhuc anno 910. claruisse tam in *Libro de scriptoribus Ecclesiasticis*, quam in *Catalogo Viror. Illustr.* affirmat. Conringius plane eum ad Conradi I. tempora pervenisse scribit, quod etiam asserit Vossius de *Histor. Lat. L. II.* Illud certum est, eum deposito Abbatis Prumiensis officio per plures adhuc annos in Trevirensi monasterio S. Maximini superfuisset. Scripsit Libros hos de *disciplinis Ecclesiasticis*, uti inscriptio antiqua titulum prae se fert, in usum praecipue Ecclesiae Trevirensis, quod *Lib. II. c. 3.* ostendit, ubi praecipitur, ut causae Synodales celari non debeant *Episcopo de Treveris aut ejus misso*; nam cum editio Hildebrandina de Episcopo simpliciter loquatur, Baluziana ex veteri MSCto Parisiensi Patrum Oratorii addit *de Treveris*. Fontes, ex quibus sua hausit Regino, sunt Canones Conciliorum, Decreta Pontificum Romanorum, dicta SS. Patrum, Leges quaedam ex Codice Theodosiano, vel potius, ex Codice Alariciano, Capitularia Regum Francorum, Leges Burgundionum & Ripuariorum. v. Baluzii *Praef. ad Regin. §. 8.* Cujus etiam verba in *Praef. ad Ant. August. de Emend. Gratiani §. 17.* praecipue huc faciunt. Regino Abbas monasterii Prumiensis, cum hinc pulsus se recepisset in monasterium S. Maximini Trevirensis, illic privatam vitam agens libros duos de Ecclesiasticis disciplinis & religione Christiana scripsit circa annum 906. jussu Rathbodi Archiepiscopi Trevirensis, in quibus condendis usus est praecipue canonibus antiquis & sinceris, Romanorum Pontificum Decretis, tum etiam, quam

quam non admodum frequenter, pseudepigraphis epistolis ab Isidoro collectis, Capitularibus Regum Francorum, & dictis Sanctorum Patrum &c. De Epistolis Pontificum Romanorum quae hic dicit Baluzius, ea is etiam in Praef. ad Regin. l. c. observavit. Primus fere videtur Regino fuisse eorum, qui Canones Conciliorum & Epistolas Pontificum non integras, sed in titulos & capita distributas ediderunt. De Reginone & ejus libris praeter ipsum Reginonem ll. cc. agunt praecipue Sigebertus Gemblacensis de Scriptoribus Ecclesiasticis cap. 112. Trithemius in Chron. Hirsaug. ad ann. 892. & 899. nec non Libro de Scriptoribus Eccles. ut & Catalogo Virorum Illustrium, Bellarminus de Scriptoribus Ecclesiasticis, qui tamen ejus Libros de disciplinis Ecclesiasticis non extare putavit, Vossius l. c. Morinus l. c. Hildebrandus in Praef. ad Regin. Baluzius etiam in Praef. ad eundem, nec non in Praef. ad Anton. Augustinum de emend. Gratiani §. 17. Strauchius Amoen. Juris Canon. Eccl. I. c. 6. Conringius de O. I. G. c. 17. & 18. in f. Mastricht addend. ad Hist. Jur. Eccles. p. 280. l. 12. Boebmerus Jur. Eccl. L. I. T. II. §. 11. Espenius Operum P. V. Scoliorum in omnes Can. Concil. P. V. cap. 1. §. 1. & 2. Utilitatem librorum de disciplinis ecclesiasticis impense laudant Hildebrandus, Baluzius, Espenius, ll. cc. Hildebrandinae editioni de an. 1659. in 4. praestat Baluzii editio Parisina in 8vo non tantum chartae nitore & literarum elegantia, sed multis aliis majoris momenti commodis. I. enim collata est cum Codice MSCto vetustissimo, quem Morinus & Baluzius ipsi Reginoni supparem judicarunt, cujusque ab illo jam laudati Carolus Cointius, Congregationis Oratorii, ut ille, eruditissimus Presbyter, ex bibliotheca ejus congregationis copiam fecit Baluzio. II. in margine sollicite annotatur, non tantum ex quo fonte singula capita hausta sint, sed & quid ex quovis capite

pite in suos usus retulerint, Burchardus, Ivo, Gratianus. III. subjunguntur notae Baluzii eruditissimae. IV. additur Appendix Actorum veterum, quorum in notis mentio facta est.

(8) Burchardus, Hassus, parentibus non infimae dignitatis prognatus, prima educationis elementa ad Confluentes accepit, inde variis in locis literarum studiis vacavit, tandem Willigoso s. Willigiso, Archiepiscopo Moguntino se adjunxit, ab ipso morum sanctitate imbutus, atque per singulos ordinum gradus ad Diaconatum usque evectus, *loco cuidam pauperrimo* ab ipso praepositus, hunc illo adjuvante maximopere auxit atque ornavit, ita ut Willigisus, perspecta ejus diligentia atque probitate, eum *sibi familiarissimum eligeret, & camerae suae magistrum ac civitatis primatem* constitueret. Tandem crescente nominis fama in Ottonis III. Imperatoris notitiam pervenit, ab eo & successore Henrico Sancto non tantum multis beneficiis ornatus, sed & ab hoc maxime consiliis frequenter adhibitus & negotiis maximi momenti peragendis saepius admotus, adeo, ut ea etiam inter rationes, quae festinationi operis sui obicem posuerunt, ipse alleget *in Prolog. operis*. Tandem Franconi fratri suo, Episcopo Wormatiensi defuncto, post Erphonem & Raizonem, brevissimo dierum intervallo extinctos, successor datus, dignitatem oblatam, quamvis renitens, ex consilio Archiepiscopi Moguntini accepit, Conradi Salici Imperatoris gratiam postea etiam expertus, quem antea juvenem *quasi adoptivum nutrit, &c.*, quia stabilitatem animi in eo intellexit, *multum dilexit.* vid. *Vita Beati Burchardi Ep. Worm.* ab Anonymo, qui ipsum *beatum patrem & charissimum seniore suum* appellat, v. *Prologus in vitam B. Burchardi Ep. Worm.* ab initio, & *inter milites ejus atque clientes nec non alios, qui aderant* vid.

Vita B. Burchardi vers. fin. ejus graviter aegrotantis & diei ultimae vicini suprema jussa excepit, conscripta. Decessit, uti post vitam ejus ab alia, quam Biographi, manu notatur *Anno Domini MXXIII. vel V.* A Baronio vero mors Burchardi ad annum 1026. refertur, quod cum Biographo melius conspirat, *qui post biennium, quam Rex Conradus in regni solium est sublimatus*, morbum & mortem Burchardi recenset. Cum autem mors Henrici & electio Conradi ad annum 1024. ab omnibus referatur, mors Burchardi necessario in annum 1026. incidit. Scripsit *Decretorum Libros XX.* qui titulus fronti operis praefixus est. *Collectarium Canonum* id opus vocat Autor *Vitae Burchardi.* Sigebertus Gemblacensis *de Script. Eccles.* c. 141. & 142. nec non in *Chron.* ad an. 1008. illud *magnum Canonum Volumen* appellat, quo nomine id etiam ornat Autor *Gestorum Gemblac.* in D'Acherii *Spicil. T. II. p. 763. edit. nov.* Trithemius in *Catal. Viror. Illustr.* illud *magnum volumen* & *insigne opus* vocat. A nomine Autoris id Decretorum opus etiam *Burchardus* quandoque nominatum fuit, quod testatur Sigebertus *de Script. Eccles.* c. 141. Cum autem, qui extra Germaniam id allegabant, auctores nomen Burchardi saepius corrumpere, adeo ut vel ipse Raymundus in Codicibus MSctis *caput. 2. X. de sponsa duorum* sub hac inscriptione: *ex Brocardo L. 30. citet*, quod ex *Burchardo L. 19. c. 5. restituendum esse* nota illi capiti subjuncta bene monet, hinc non tantum regulae Juris, uti Damasi exemplo Strauchius & Heineccius docent, *Brocardica*, quasi *Burchardica*, appellantur, sed & ipsum Burchardi opus *Brocardici* nomine passim allegatur, uti cum Boetio Epone, apud Duacenses quondam Canonum antecessore primario *L. 2. de Jure Sacro* observat Espenius *Scol. in omnes Can. Conc. P. V. c. 2. §. 3. in f. Sane cap. 1. X. de frigidis* & *maleficiatis* allega-

allegatur ex *Brocardico Lib. 18. atque cap. 8. X. de Accus.* plane ex *Brocardico Lib. 43. citatur*, ubi nota iterum ex *Burchardo Lib. 19. legendum contendit*. Per abusum hodie hoc opus, ad exemplum forsitan Decreti Gratiani, etiam *Decretum* dici scribit *Espenius l. c. c. 2. §. 1.* Suscepit hoc opus Burchardus hortante Brunichone Praeposito Ecclesiae Wormatiensis, quod ipse in *Prologo Operis*, quem huic Brunichoni inscribit, disertis verbis fatetur, & Biographus ipsius confirmat. Rationes componendi operis allegat, quod *Canonum jura atque poenitentium formae in sua quidem dioecesi adeo confusa sint atque inter se discrepantia, ut aut ex toto neglecta, aut omni pene auctoritate destituta fuerint.* Adjutorem in hoc opere habuisse *Walterium Episcopum Spirenses* Burchardus dicitur a Biographo. Alii, ut *Sigebertus*, & *Autor Gestorum Gemblacensium*, *Olberti f. Alberti*, quondam Monachi Lobienfis, postea Abbatis Gemblacensis, operam, quam Burchardo in hoc opere perficiendo praestitit, tamquam adeo gravem & utilem describunt, ut *Autorum recentiorum aliqui*, praecipue autem *Baluzius in Praef. ad Ant. August. de Emend. Gratiani §. 18. atque Strauchius Amoenit. Jur. Can. Ecl. 1. c. 6.* eorum verbis inducti maluerint *Olberto* potius, quam Burchardo, gloriam compositi operis vindicare. Verum, licet ipse utique non exiguas in hoc opere partes *Alberti* fuisse existimem, non tantas tamen eas merito diccrem, quae Burchardo plane auctoris nomen denegare deberent. *Autor Gestorum Gemblacensium*, cujus praecipue verbis movetur *Baluzius atque Strauchius*, licet laudibus *Olberti*, Abbatis Gemblacensis, canendis unice ibidem intentus, quippe qui gesta Gemblacensia scribens, pro more ejusmodi Scriptorum, omnia suorum gesta maximis elogiis extollit, nihil gravius tamen dicit, quam quod *Olberto dictante*

Et magistrante magnum illud canonum volumen
 centonifaverit Burchardus. Sigebertus vero de
Script. Eccl. c. 142. ubi & ipse Olberti laudes
 congerit, Burchardum utique Olberti magisterio
 ad hoc provectum dicit, ut ejus studio, ore,
 manu illud magnum canonum volumen ederet;
 quod tamen modestius efferre & ad veritatis men-
 suram redigere videtur in *Chron. ad an. 1008.*
 dicens, quod Burchardus magnum illud Canonum
 volumen ediderit, collaborante sibi in hoc magistro
 suo Olberto Abbate. Omnia fane haec verba
 compositionis & editionis gloriam Burchardo tri-
 buunt. Trithemius vero *l. c.* plane eundem infi-
 gnis Operis Decretorum autorem laudat, nulla
 opis ipsi in eo latae mentione facta, antea saltem
 ipsum Olberti auditorem & discipulum quondam
 fuisse commemorans. Accedit *Vitae Burchardi*
 testimonium, Olbertum silentio plane praeter-
 euntis, Burchardum vero tamquam autorem hu-
 jus operis impense laudantis. Suffragantur De-
 cretaliū Collectores subsequentes, illam De-
 cretorum Collectionem, expresso semper Bur-
 chardi, tanquam auctoris, nomine allegantes;
 adeo ut, si horum argumentorum computus bene
 ineatur, opus illud Decretorum Burchardo jure
 meritoque vindicetur. Quae vero de opera ab
 Olberto in erudiendo adjuvandoque Burchardo
 praestita a veteribus dicuntur, ea recentiorum
 aliquos, magni etiam nominis viros, in eam
 forte opinionem deduxerunt, ut, quasi fide illo-
 rum, Burchardum Lobiensem monachum fuisse,
 & tunc quidem Olberto etiam Lobienfi tum mo-
 nacho praeceptore & magistro usum esse, minus
 caute assererent. Ita fane Bartholomaeus Fisen
 in *Floribus Eccles. Leod. p. 328.* scribit, Bur-
 chardum, cum Lobii hoc tempore monachus
 Olbertique auditor esset, tantam literarum co-
 gnitionem attigisse, ut incredibili Christianae
 reipublicae bono descriptum in viginti libros de-
 cretorum

cretorum volumen luci dederit. Hujus verba
 allegat ipsisque subscribit Baluzius in *Praef.*
ad not. in Ant. August. & Grat. §. 18.
 Hunc sequitur Gerhardus von Mastricht, qui
 in *Hist. Jur. Eccles. p. 280. n. 248.* Burchar-
 dum primum Lobii monachum & discipulum
 Olberti, monachi Lobiensis, & postea Abbatis
 Gemblacensis disertis verbis appellat. Accedit
 Espenius l. 2. c. 2. §. 1. qui, quasi ex fide Trithe-
 mii, Burchardum ex Monacho Lobiensis Mo-
 nasterii, Ordinis Sti Benedicti, Episcopum Wor-
 matiensem in Germania, Alberti, Gemblacensis
 Abbatis, apud Lobias quondam auditorem at-
 que discipulum vocat. Verum Burchardum un-
 quam Lobienfi monasterio adscriptum fuisse,
 nullus veterum, etiam eorum, qui eum ab
 Olberto institutum dicunt, asserit. Sigebertus
 sane tribus illis locis, quae allegavimus, Bur-
 chardum ejusque opus, & in horum duobus etiam
 Olberti opem laudans, nusquam tamen Bur-
 chardum Lobiensem monachum & in Lobienfi
 monasterio ab Olberto institutum fuisse com-
 memorat. Nihil horum omnino Autor *Gestorum*
Gemblacensium. Trithemius vero in *Catologo*
Vir. Illustr. Burchardum quidem monachum
 ordinis S. Benedicti & Alberti quondam au-
 ditorem & discipulum fuisse scribit, sed de
 Lobienfi monasterio ne verbum quidem addit.
 Autor vero *Vitae B. Burchardi*, qui tamen
 hunc per omnes vitae epochas pressò pede se-
 quitur, eum Lobiensem monachum unquam
 fuisse alto silentio premit, imo de ipso alia
 omnia dicit, quod apud Confluentiam canoni-
 ce primum nutritus, deinde per loca diversa
 causa studii directus, postea vero Willigoso Mo-
 guntinensis sedis venerabili Archiepiscopo se ad-
 junxerit, illiusque salutarì sapientia repletus &
 secundum suos nobiles mores imbutus, per sin-
 gulas graduum scanfiones ad diaconatus ordinem
 ab

ab Archiepiscopo sublatus & loco cuidam pauperrimo praepositus fuerit; quod Willigofus eum sibi familiarissimum elegerit & suae camerae magistrum ac civitatis primatem constituerit, a quo tempore ipse, uti & antea, lateri Archiepiscopi perpetuus fere comes adhaesit, quae omnia Lobiensem eum monachum fuisse non obscure negant. Nec ex eo, quod Lobienfis monachi discipulus fuerit, probatur, & ipsum Lobiensem monachum fuisse & in Lobienfi monasterio studiis incubuisse literarum. Rem enim totam satis distincte explicat Autor Gestorum Gemblacensium his verbis: *Ea tempestate Burchardus quidam in Wormacensi civitate datus erat Episcopus, vir cum Episcopali honore non indignus, tum pro juvenilis aetatis fervore literarum studiis opportune intentus. Is Baldrico juniori Tungrensium Episcopo fiducialiter mandat (ejus nempe contubernalis & amicus in palatio Regis fuerat) ut sibi aliquem literali scientia praeditum dirigat, cujus ope & doctrina ipse in eruditione Scripturarum proficere valeat. Quis tanto viro mitti dignus esset, diligenter quaeritur, & tandem ad hoc nullus Olberto magis idoneus invenitur, & bona omnium de eo aestimatione ad urbem Vangionum dirigitur: honorifice ab Episcopo susceptus, magnam cum eo familiaritatis gratiam est adeptus. Episcopus nobilis & potens non dedignatur se submittere ad formam discipuli: monachus humilis & peregrinus non timet tanto viro operam exhibere magistri: & revera necessarium illi erat, ut politus esset ad unguem multiplicis doctrinae artificio, cujus laus & aestimatio pendebat a tam sapientis discipuli subtili judicio. Quantum autem vir tantae autoritatis ex Olberti doctrina profecerit ex actibus ejus aestimandus erit, de quo satis constabit, quod illa aetate in Scripturarum eruditione unice claruerit, quod vel in*
hoc

hoc satis probari poterit, quod opus sanctae Ecclesiae nimis utile elaboravit, dum Olberto dictante & magistrante magnum illud canonum volumen centonisavit, & quasi collectis floribus omniformis generis de praeclaris scripturarum coronam pretiosiore auro & topasio in edito Ecclesiae collocavit. Ex his omnibus colligimus 1) Burchardum non fuisse Monachum Lobiensem, 2) ab Olberto Lobienfi monacho quidem, non tamen in Lobienfi monasterio, sed, cum ipse jam Episcopus esset, in suo Wormatiensi Episcopatu eruditum fuisse, 3) ipsum ab Olberto quidem adjectum, operis tamen Decretorum autorem esse, 4) id ipsum, cum jam Episcopus esset, conscripsisse; quod ultimum disertis etiam verbis testatur Autor *Vitae B. Burchardi*, qui eum in sylva, (quam ipse *Forestum* sylvam nominat, quaeque in privilegio Conradi Regis huic Vitae subjuncto *Forestus in Forebebe* dicitur) duobus miliaribus a Wormacia distante, ubi cellam sibi extrui curaverat, post Concilia Regiaeque colloquia, & post curam Synodalem diversosque mundi strepitus, negotiis secularibus post tergum projectis, totis viribus in obsequio Dei studuisse & eodem tempore in *Collectario Canonum* non modicum laborasse observat. Opus suum Burchardus libris viginti distinxit, quorum quilibet in sua iterum Capita seu Canones distinguitur, ita tamen, ut singula Capita seu Canones singularibus suis titulis ornentur. v. Gerh. von Mastricht *Hist. Jur. Eccles.* p. 282. n. 250. Ex quibus autem fontibus omnia petita sint, ipse Burchardus nos docere vult in syllabo, quem Prologo sui Operis subjecit: *Ex Canonibus, qui Corpus Canonum vocantur. Ex Apostolorum Canone. Ex transmarinis Conciliis. Ex Conciliis in Germania, Gallia, Hispania celebratis. Ex Romanorum Pontificum Decretis. Ex Evangelicis Apostolicisque scripturis. Ex Veteri*

Veteri Testamento. Ex libris Sancti Gregorii. Ex Hieronymo, Augustino, Ambrosio, Benedicto, Basilio Magno, Isidoro. Ex Poenitentiali Romano. Ex Poenitentiali Theodori. Ex Poenitentiali Bedae. Non tamen omnes omnino fontes, ex quibus aliquid in opus suum derivavit Burchardus, ipse indicasse videtur. Ex Capitularibus enim quod multa hauserit Burchardus, eorum autem mentionem non nisi uno in loco fecerit, sed potius ea, quae inde hausit, aliis fontibus adscripserit, passim notant viri docti. Ipsi id observant Correctores Romani. Maximopere autem de hac re queritur Baluzius in *Praef. ad Capitularia* §. 20. & in *notis ad ea passim*; in *Praef. ad Reginonem* §. 22. ibique iterum *passim in notis*; nec non in *notis ad Gratianum* pluribus etiam locis, praecipue p. 825. in f. 826. 837. 839. & sqq. 844. v. etiam, quae supra notavimus ad §. 42. nota (α) p. 776. Rationem, qua motus Burchardus Capitularium nullam fere mentionem fecerit, licet ea frequenter in suos usus verterit, hanc fere fuisse suspicatur Espenius l. c. c. 2. §. 3. quod in *Germania versatus sit eo tempore, quo Francorum nomen parum ibi gratum erat*, quam jam indicaverat fere Baluzius in *Praef. ad Cap.* §. 20. & ad *Reginonem* §. 22. Ea etiam, quae ad fontes a Burchardo indicatos originarie referri possunt, plerumque ipsum non ex ipsis fontibus hausisse, sed aliis jam Collectionibus, a se tamen non laudatis, inserta in suos usus traxisse passim notatur. Sane hoc ipsi jam exprobravit Antonius Augustinus de *Collect. Canonum* c. 27. Addatur Baluzius ll. cc. Strauchius *Amoenitat. Jur. Can. Ecl.* l. c. 6. Gerhard von Mastricht l. c. Espenius l. c. Boehmerus *Jur. Eccl. L. 1. T. 2.* §. 12. Reginonis praecipue opera, ejus tamen nomine non laudato, ita usus est frequenter, ut & errata ipsius imitatus sit, quod praecipue luculentis exemplis ostendunt Baluzius *Praef. ad Regin.* l. c. & Espenius l. c. §. 2. Ex Pseudo-

Pseudo-Isidori Epistolis supposititiis multa eum in suos usus transtulisse notant Autores allegati, cuius rei exempla bene multa producant Blondellus *Pseudo-Isid. Prol. c. 18.* & Gerh. von Mästricht *l. c. p. 287.* & *Sqq. num. 254.* Nec tamen ego malam Burchardi fidem cum Baluzio *ll. cc.* accusarem. Omnia sane Veterum de Burchardo testimonia pietatem singularem morumque puritatem in eo impense laudant, & quaecunque ipse posteritatis reliquit monumenta, eam etiam non obscuris indicibus loquuntur. Eum adhuc aetatis robore florentem insigni hoc elogio ornat Biographus: *Post primaevum juventutis florem omni bonitate refulsit praeclarus, in iusto stabilis, in commisso fidelis, in consilio providus, in prosperis non elatus, in adversis non turbatus, sublimioribus obediens, egenis compatiens, miseris affabilis, misericors subditis, multum largus, moribus honestissimus, atque in omni opere strenuus.* Quanto pietatis studio, cum huic ipsi operi colligendo incumberet, in sylvam secesserit, ex iis, quae supra ex Biographo allegata sunt, verbis abunde constat. Hinc errores, quos in sua Collectione commisit Burchardus, seculi magis infelicitati, quam ipsius fraudi, imputarem, lubens Espenii iudicio hac in parte subscripturus, qui *l. c. §. 1. in f. & §. 2. ab init.* Hoc unum dolendum, inquit, Burchardum pro seculi sui obscuritate & incuria, nullum pene habuisse scriptorum delectum, sed omnia, quae suo scopo videbat congruere, in unum congeisse; opusque suum multis apocryphis & falsis inscriptionibus implevisse. Ea erat seculi, quo floruit Burchardus, miseria, ut authenticum crederetur fere, quicquid in Canonum, aut aliorum monumentorum Collectionibus inveniebatur. Hinc in more positum erat, non ad ipsos fontes recurrere, sed solas Canonum Collectiones revolvere; & quidquid in iis pro materia,

materia, quam tractare volebant, opportunum videbant, tanquam authenticum arripiebant: uti recte notavit Antonius Augustinus. Cum Burchardus opus suum in Dioecesis suae tantum usum confarcinaverit, uti ipse in sua ad Brunichonem epistola testatur, adeo ut si suae provinciae limites non exiturus sit, nihil omnino aegre se laturum dicat, modo suorum ministrorum manibus teratur, nec constet, illud unquam vim Legum publicarum sive per Papam sive per Caesarem accepisse, hinc id inter libros Legum Germanicarum universalium computari posse merito negat Conringius de Or. Jur. Germ. c. 19. p. 193. alios tamen sine dubio lecto hoc libro propter auctoritatem eorum, unde haec Burchardus collegit, res Ecclesiasticas secundum banc normam instituisse, adeoque hactenus opus hoc ad Jus Germaniae ejus aevi pertinere, non sine ratione existimans. Ea sane auctoritate id Sigeberti jam aevo ex eadem ratione gavisum esse ipse de Script. Eccles. c. 141. non obscure his verbis indicat, de Burchardo dicens, quod is opus suum testimoniis omnium authenticorum conciliorum & decretis Romanorum Pontificum, & sententiis omnium pene Patrum Catholicorum auctorizaverit, atque ex hoc adhuc omnium conciliorum decreta auctorizentur.

§. LI.

Sub Imperatoribus
Franconicis leges
patriae in
usu.

Supereſt, ut qualis ab Henrici II. Regis ac Imp. obitu ad Lotharium Saxonem usque juris Romani fuerit facies, paucis ostendamus. Leges patrias SAXONVM, ALAMAN-
NORVM, BAIUVVARIORVM, etiam sub his constanter viguisse, dubio videtur care-
re. Leges enim SAXONVM firmasse Con-
radum Salicum, supra ex Wippone osten-
dimus.

dimus. (§.XLI.) Ad legem etiam SALICAM (α) in regno Burgundico anno MIX. vivere se profitetur Otho Comes, Arduini, Regis Italiae filius, apud Guichenon. *Biblioth. Sebus. Cent. II. n. 3. p. 188.* Ut jam non dicam Guilielmum Marchionem in alia charta anno MCLVI. profiteri, se vivere lege Salica, quemadmodum ejus conjux, Julita, Leopoldi Austriaci filia se lege *Alamannorum* vivere ait. *Ibid. Cent. I. n. 99. p. 170.* Quae charta, quamvis ad Burgundiam pertineat, fatis tamen evincit, illo tempore Austriam *legem Alamannicam* coluisse, & Julitam more istorum temporum, nuptam quoque eam retinuisse*.

* Aliquando tamen feminae nuptae se legibus, quibus mariti vivebant, ultro subicere non dubitabant. Mathildis Dux, initio vivebat lege Langobardica, at in gratiam mariti, Gottfridi Lotharingici, transierat ad legem Salicam. Franc. Mar. Florentin. *Memor. Mathild. Lib. III. p. 105.* ubi in diplomate Lucensi Episcopo dato ita loquitur: *Quia ego, qui supra MATILDA, marchionissa, professsa sum ex natione mea LEGEM vivere videor LANTGOBARDORVM: sed nunc modo pro parte superscripti Gottifredi, qui fuit viro meo, LEGEM vivere videor SALIGAM.*

(α) De aliquo Salicae Legis usu adhuc temporibus Saeculi XII. imo XIII. & quidem inclinantis, superflite vide, quae notavimus *supra* §. 8. n. (γ) *in f. p. 670.*

§. LII.

Quemadmodum vero hoc temporis intervallo nulla amplius fit mentio Capitularium Regum Francorum; ita tanto frequentius no-

Multae etiam leges novae

conditae a Conrado Salico. novas leges tulerunt Imperatores & Reges. De Conrado sane II. Martinus Polonus in *Chronico* Cap. XCIV. Hic, inquit, multas leges condidit. Et exstant quaedam ejus constitutiones non modo in *Leg. Langob. III, 8. 4. fed & II. F. 9. §. ult. & II. F. 34. & 40.* (quamvis eae ad Italiae Regnum potius, quam ad Germaniam, pertinere videantur) & apud Goldast. *Const. Imp. Tom. III. p. 312.* Eidem celeberrimam constitutionem de expeditione Romana (α) vindicant Schilterus ad *Jus Feud. Alam. VIII, 11.* Schurzfleischius *Diff. de Conrado Imp. Aug. ejusque dipl. quod de exped. Rom. inscribitur. Wittenb. MDCCII.* & novissime V. C. Ge. Christ. Gebauerus in *Adpend. ad Schilt. Inst. Jur. Feud. Lips. 1728. 8.* Attamen ne sic quidem suspicione omni carere videtur constitutio illa, quae tot aliorum virorum doctorum censuras, ex quo lucem vidit, experta est *. Editiones ejus recenset laudatus Gebauer. in *Praef. p. 196. seq.*

* Quum enim omnes, qui illam adhuc vindicare Conrado II. conati sunt, fateantur, eam solius Velferianae membranae fide niti, in hac autem initium & finem a mala manu esse: ecquis fide sua nos jubebit credere, reliqua omnia integra, ac sincera esse? Qui nobis titulo & subscriptione illudit, an eum in reliquis bona fide agere voluisse credibile est?

(α) Videatur superius §. 43.

§. LIII.

Sic & Henrici III. constitutionem de veneficiis protulit Goldastus *Const. Imp. Tom. III.*

p. 312.

Ejusque
successo-
ribus.

p. 312. qui *ibidem* & Tomo unico p. 252. etiam Henrici IV. & V. quasdam edidit. Sed quum non ubique satis *αυριβώς* genuina a falsis distinxerit vir ceteroquin diligentissimus *: de his similibusque jurisprudentiae publicae privataeque monumentis, quae ex Goldasti scriniis prodierunt, paullo amplius videtur deliberandum.

* Dissimulare id non potuit ejus encomiastes Io. Christ. Senckenberg in *vita Goldasti*, ejus scriptoribus rerum Alam. praemissa §. XL. ubi: *Iusto confidentior*, inquit, *noster erat, si quid verosimile habebat, sua aliis pro veritatibus, immo pro antiquorum sententiis obtrudens. Sca-* tent id genus rebus scripta ejus, nec solus ei Gretserus id objecit. . . . Sane nonnullos id ei exprobrantes apud Jo. Alb. Fabric. *Biblioth.* p. 252. videas: id ipsum legas in τὸ πρῶτον Conringii de *Orig. Jur. Germ.* Cap. XVIII. p. 99. & saepius: nec non in Wendelini legibus *Salicis inter Opuscula Chifletiana* p. 61. & *alibi*. Haec tenus Senckenbergius.

§. LIV.

Juris Romani ne hoc quidem tempore ullam inter Germanos mentionem fieri animadvertimus, quamvis ejus vestigia nobis videamur anxie quaesivisse. Video quidem, in ferali illo certamine, quod inter Gregorium P. P. VII. & Henricum IV. intercessit, aliquando ad jus Romanum esse provocatum, sed ab Italo, Venerico nimirum Vercellensi, in libro de *unitate Eccles.* conserv. p. 16. edit. Schardii: at in Germanorum scriptis, inter

An & Juris Romani aliquis usus?

quae Leodiensium *Epistolam apologeticam*, Walrami Numburgensis Episcopi *librum de investitura*, aliaque eorum temporum opuscula a Goldasto in *Apol.* pro Henrico IV. edita evolvi, tale quid reperire me nondum potuisse, fateor.

C A P. III.

DE STATV JVRIS GERMANICI A
LOTHARIO IMP. AD TEMPORA,
QVIBVS IN GERMANIA ACA-
DEMIAE INSTITVTAE.

§. LV.

A Lotharii III. Imp. temporibus magna juris in Germania commutatio facta est.

Quamvis fabulam, quae circumfertur de jure Romano, jussu Lotharii III. Imp. in foris & academiis recepto *, adeo profligari Herm. Conringius *de Orig. Jur. German. Cap. XXI. sequ.* ut verbum addere pigeat: verissimum tamen est, ex eo tempore aliam paullatim factam esse juris Germanici faciem, & jus Romanum, quod in universa paene Europa adeo invaluerat, ut miraretur orbis, se tam cito factum esse Romanum, etiam in Germania lacertos movere coepisse.

* Semper enim & ante Lotharium usum aliquem juris Romani superfuisse in Italia, pluribus potest testimoniis demonstrari. Nos unicum conficiemus. Imperio Lotharius potitus est anno MCXXV. mense Septembre ejus anni coronatus a Fridrico Archiep. Colonienfi; Alberic. *in Chron. ad ann. 1125.* res vero Italicæ demum ab anno MCXXXII. constituere coepit.

CAP. III. DE ORIG. ET PROGR. IVR. GERM. 805

coepit, Chron. Bigang. *ad ann.* 1133. Codex porro Pandectarum Amalphi repertus fertur anno MCXXXVII. Jam vero anno MXCVII. Umbertus comes Sabaudiae apud Ughell. *Ital. Sacr. Tom. IV. p.* 1458. *vivere se* proficitur LEGE ROMANA (α).

(α) Ad ea, quae hoc & proxime sequentibus §§. dicuntur, illustranda plurimum faciunt, quae superius L. 1. §§. 409. & *seqq.* & *ibidem* in notis dicuntur.

§. LVI.

Quum enim ab eo tempore, ut supra ostendimus, juris Justiniani studium Bononiae quam maxime ferveret *, & ex universo cultiore orbe juvenes, tamquam ad mercatum sapientiae civilis, eo confluerent: reduces in suam quique patriam, & summis in toga dignitatibus aucti, tantum juri Romano auctoritatis conciliarunt, ut illo passim tamquam subsidario uterentur, ipsaque instrumenta sua ad ejus juris regulas anxia diligentia componerent.

Ab eo tempore in universam fere Europam cultiorem jus Rom. penetrauit.

* Observavit hoc Conradus Abb. Urspergens. in Chron. p. 291. *Eisdem*, inquit, *temporibus dominus Wernerius libros legum, qui dudum neglecti fuerant, nec quisquam in iis studuerat, ad petitionem Mathildae comitissae renovavit.* Si ergo non privata, sed publica auctoritate jus professus est Irnerius, id saltem non jussu Lotharii, sed Mathildae auspiciis factum est. Atqui Mathilda jam anno MCXV. decesserat, decem annos ante, quam ad imperium adspirasset Lotharius. Ergo prius floruit Bononiae jurisprudentiae Rom. studium, quam Lotharius imperavit.

§. LVII.

Veluti in Angliam. Sane Seldenus in *Diff. ad Flet. Cap. VII.* §. II. sequ. praeclare ostendit, eodem tempore, quo Bononiae reflorescere coeperint studia juris, non modo *Codicem Theodosianum*, sed mutilum, una cum *Novellis Theodosii*, *Caji Institutionibus* & *Pauli Sententiis* in Anglia edidisse Guilielmum Malmesburiensem: sed & non multo post regnante Stephano, Theobaldum, primatem, *Justinianum corpus* eo transvehendum curasse. Joann. Sarisb. in *Policrat. VIII, 22.* Id deinde publice ibi cum applausu exposuit Rogerius Vacarius (α), gente Langobardus, coaevus Irnerio, Martino, Bulgaro Jctis, & postea Abbas Beccensis, sed edicto demum regio Stephani, teste eodem Jo. Sarisb. & Rog. Baconio, prohibitus. Nihilominus tamen *Deo faciente*, ut Sarisburiensis verbis utamur, *eo magis virtus legis invaluit, quo eam amplius nitebatur impietas infirmare* *.

* A Stephani Regis temporibus, qui anno MCLIV. decessit, diutissime juris Romani usum in Anglia viguisse, & sub Eduardi demum III. Regis initia, id est, circa annum MCCCXXVII. evanuisse, toto Capite VIII. Dissertationis ad Fletam solide demonstrat Seldenus, p. 1093. *Vol. II. Op.* ut dici possit, prius, quam plerasque alias gentes Europaeas, & recepissee jus Romanum Anglos, & eidem nuncium misisse.

(α) De Rogerio Vacario & Juris Justiniani per Angliam restaurati fatis v. *L. I. §. 416. n.* (α)

§. LVIII.

§. LVIII.

Paullo post & in Galliam penetravit Ro- In Gal-
mana jurisprudentia. PLACENTINUM liam.

(a) in Monte Pessulano jus docuisse, testis est Pancirol. *de Clar. Leg. Interpr.* II, 20. Et hinc jam a saeculo duodecimo haut pauca, in Aquitania saltem & Narbonensi provincia, exstant juris Romani vestigia, quae accurate suo more confectatus est vir doctissimus, M. Ant. Dominicus *de praerog. allod.* XX, 1. Circa ea sane tempora Petrus, Comes Melgoriensis, in charta profitetur: *Si quis autem heredum aut successorum meorum contra hanc donationis & confirmationis auctoritatem insurgere praesumptuose, & obviare, quod absit, attentaverit, non valeat vindicare, quod injuste repetit, & persolvat mulctam, quam SANCTA LEX ROMANA per Theodosium, Arcadium & Honorium promulgata decrevit.* Ubi donatorem in animo habuisse, l. 34. C. *Theod. de Episcop. & Cler.* res ipsa docet. Et apud Guil. Briton. *Philippid.* II. v. 45. sequ. anno MCLXXXIV. ita inter se, allegatis juris Romani rationibus, contendunt Philippus Rex Franciae & Flandriae Comes*, ut ad v. 55. notet Barthius v. 91. *Vides juris civilis non ignaros, quod tum per scholas jam regnabat.*

* Sunt sane memorabilia haec utriusque argumenta, quae, quia Guillelmus ille non est in omnium manibus, paucis excerpere juvabit. Comes primo urget, patrem sibi castra donasse, quae jam Rex repetat, atque inde

colligit, se in iis jus in re consequutum.
Hinc v. 40.

*His veris titulis mihi jus acquiritur in re,
Quam repetis.*

Deinde addit, se possessorem ne edere quidem
titulum teneri, tamdiu rem habiturum, quam-
diu Rex illam suam esse, nondum probaverit.

§. 4. *Inst. de interd.* Eo pertinent v. 45. *sequ.*

*Esto, quod nullum jus sit mihi rebus in istis,
Ut loquar absque meae praejudicio rationis:*

POSSIDEO tamen haec per teque tuumque
parentem.

Jusque mihi defendit in his possessio sola.

Nam possessorem compelli dicere, quo rem

Possideat titulo, nimis incivile videtur.

Praeterea se jam res illas ufucepisse, contendit,
v. 52. & *sequ.*

Quum res a dominis licite data sit mihi veris.

Sic BONA nempe FIDES, TITULUS sic
IUSTUS ab omni

Excusat culpa nostri fundamina juris.

Denique nec id omittit, neminem sine facto &
culpa sua dominium amittere debere, v. 55. *sequ.*

Nec tibi jus nescire licet, quo nemo sibi rem,

Iuste collatam, sine culpa amittere debet.

Sic & rex comiti ex jure Romano obvertit ex-
ceptiones varias e. g. possidere comitem pre-
cario: v. 60. *sequ.* se quidem illi diploma de-
disse, sed adhuc minorem: v. 63. *sequ.*

Quin enarrata postea ipsius Comitum, rem dona-
tam donatario propter donatoris minorenitatem
abjudicantis, sententia, ad partes vocat edi-
ctum: QVOD QVISQVE IVRIS IN ALTE-
RVM. v. 78. *sequ.*

Vis aliis aliud, aliud tibi dicere juris?

Absit: quam tuleris, legem patiaris, oportet.

Quis sibi audire videatur regem & comitem,
ac non potius binos causidicos, ex jure Ro-
mano inter se disceptantes? Ad idem edictum
trien-

trienn io ante provocare videmus Matth. Paris.
ad ann. 1181. *Quod quisque juris in alterum
statuerit, uti debet eodem.* Adeo jam eo tem-
pore aulae curiaeque personabant hujusmodi
juris civilis Romani regulis.

(α) De Placentino vide, quae dicta sunt L. I.
§. 415. n. (β)

§. LIX.

Ex Gallia facile id jus in Burgundiam, ju-
ris Germanici regnum, penetravit. Id quod
maxime patet ex Guichenonii *Bibliotheca Se-
busiana*, in qua jam hoc saeculo occurrunt di-
plomata, juris civilis Justiniani gemmulis di-
stincta. Quale est illud Cent. I. n. 81. Fri-
drici I. Imp. anno MCLVH. conscriptum,
in quo mentio fit *meri & mixti imperii, condi-
torum testamentorum, heredum institutorum, do-
ris constitutae, legati facti, & similium*, quae
ex jure Romano esse, nemo non videt.
Quin & Hispanis eodem tempore innotuisse
videntur leges Romanae *, quippe saeculo
insequente XIII. iis tam familiares, ut Al-
phonso X. Castiliae Rex, conficiens legum
Corpus, quod PARTITAS Hispani vocant,
permulta ex jure Romano desumerit. Arth.
Duck. *de usu & auctor. jur. Rom.* II, 7.

In Bur-
gundiam
& Hispa-
niam.

* Immo multo prius ipso saeculo XI. si fides Hi-
spanis scriptoribus. Nam de Sanctio IV. Arra-
gonensium Rege, qui Ramiro I. anno MLXVII.
successit, scribit Mariana *de reb. Hisp. Lib. IX.*
Cap. 7. *Sanctium Ramiri successorem memorant
Gothicas leges abrogasse, Barcinonis exemplo scili-
cet: sanxisse CAESAREAS, & secundum eas popu-
lis jura dari.* Add. Herm. Conring. *de Orig. Jur.*
Germ. Cap. III.

§. LX.

Cur &
Germanis
adriserit?

Non mirum ergo, si sensim etiam in Germaniam nostram viam sibi munivit (α) jus Romanum, tanto ubique plausu receptum. Nam & in ea legum Doctores & juris periti ad summas in ecclesia, aulis & foris dignitates adspirabant, & Imperatores ac Reges ipsi, a pontificibus Romanis exagitati, favebant jureconsultis, in quibus sibi haut parum praesidii positum existimabant, adversus Pontificum injurias: & ipsa denique consilia Pontificum Rom. jus canonicum obtrudentium regnis ac rebusp. Christianis, non felicius turbari posse videbantur, quam si jura Romana civilia in foris ac gymnasiis dominarentur*.

* Quanti tum fieri coeperint jurisperiti, vel inde patet, quod in Henrici VI. Imp. laudibus poneretur, *quod fuerit dotibus insignitus scientiae liberalis, & floribus eloquentiae redimitus, & eruditus Apostolicis institutis & legibus Imperatoriae majestatis.* Alberic. Monach. in Chron. ad ann. MCLXXXV. quodque Bertholdo anno MCLXXIX ad Archiepiscopatum Bremensem evecto, praecipue profuerit *decretorum legumque peritia*: Anonym. Hist. Episc. Brem. p. 94. Fridricum porro Imp. sibi quam maxime conciliare studuisse Jctos, satis patet ex illius Imp. oratione apud Radevic. in vita Friderici I. L. II, 3. & ex iis, quae de dominio mundi cum Bulgaro & Martino colloquutus est apud Ottonem & Acerbum Moren. de Reb. Laudens. ad ann. MCLVIII. apud Leibnit. Script. Rer. Brunsvic. T. I. p. 818. ubi etiam in jura regalia Imperatorem per magistros Bononienses & judices universarum Lombardiae civitatum inquisivisse, legimus.

(α) Pru-

(*a*) Prudenter sane A. N. dicit, quod Jus Romanum hoc tempore (Sec. XII.) *sensim viam sibi in Germaniam muniverit*, non vero, quod integrum uno actu jam tum a Germanis receptum atque legali per Germaniam autoritate donatum fuerit. Quae enim de Lothario II. Imperatore, Jus Romanum in scholas & fora Germaniae introducente, vulgo jactari solent, ea jam supra *L. I. §. 413. n. (a) p. 584. Et sq.* a nobis discussa sunt. Ipsa vero Juris Romani in foris Germaniae receptio his fere mediis & gradibus processisse videtur. Cum Jus Romanum ante medium saeculi XII. in Italia cum magna sui & docentium fama explicari coepisset, atque Germanorum studiosa juvenus, rei novitate excitata, certatim in Italiam ad audiendos Juris Antecessores convolasset, illa Juris Romani placitis tandem probe imbuta, reduxque in patriam, ob eruditionis Juridicae, qua nunc pollebat, praestantiam, antea inter Germanorum juvenes plane inauditam, negotiis judicialibus (quod olim juventuti Germanicae negatum fuerat) admota, litibus in foro decidendis, prout ex penuria & ambiguitate Juris patrii opportuna adsciscendi peregrini occasio nascebatur, nunc has, nunc illas Juris Romani regulas sparsim, nec tam sub legis jubentis cogen-tisque, quam aequitatis & *Rationis scriptae*, suadentis tantum & aliquando convincentis, specie adhibuit, indoctorumque Judicum, quibus tum Germania adhuc ubique utebatur, nequicquam obnitentium conatus facile repressit. Primis hisce Juris Romani studiosis Germanis ex Italia discedentibus cum alii semper atque alii succederent, hi quidem ad patrios lares tandem etiam reversi, officiisque publicis & ipsi admoti, in tribunali-bus Germaniae, Juri peregrino jam satis assuetis, integram nunc Juris Romani compagem liberius sane atque frequentius allegare coeperunt, non-dum tamen autoritate legali munitam. Tandem
vero

vero Jus Romanum ab ipsis Imperatoribus, ejus receptioni apprime faventibus, tanquam Jus commune Germaniae agnitum, & hoc nomine in decidendis causis adhibitum & adhiberi praeceptum est; cujus tamen rei publica testimonia, Ludovico Bavaro antiquiora, invenire nobis, quod fatemur, nondum licuit. Vt vero haec omnia clariori luci exponantur, operae pretium est, in causas, quae Juri Romano, in Germaniae fora sensim irrepenti, faciliorem viam aperuerunt, altius inquirere.

Prima earum fuisse videtur ipsa rei novitas, non tantum quod sua virtute animos hominum in sui contemplationem & usum facile rapiat, sed & quod rei judicariae Germanorum, quae ea tempestate fuerat, mutandae opportunam plane occasionem praebuerit. Laborabat eo tempore Germania penuria Legum. Capitularia Regum & Imperatorum ex gente Francorum jam pridem ex foris Germaniae discesserant. v. *supra* L. II. §. 47. & *ibi notam* (β). Leges antiquae Germanorum post Capitularium e foris discessum, quasi postliminio in liberiores usum revocatae, vel jam consenuerant, vel saltem hac tempestate consenscere incipiebant, & quod maxime notandum est, nunquam Legum universalium auctoritatem assecutae erant. Rariora sane illarum in monumentis saeculi XII. ultra sui medium progressi vestigia deprehenduntur, facie rerum tam publicarum, quam privatarum in Germania multum omnino jam tum mutata ab ea, quae fuerat, cum Leges illae conderentur. Quid multa? Germanos anno 1175. SINE LEGE voluntatem PRO JURE statuere solitos fuisse, & 1187. Pacem Publicam in Conventu Norimbergensi a Friderico I. sancitam atque in literas redactam, Friede-Brief; literas pacis appellasse, NEC ALIIS LEGIBVS VTI, tanquam gentem agrestem & indomitam Conradus a Lichtenau, Abbas Vrspergensis

genſis diſertis verbis teſtatur. Neque tamen ego om-
 nem Legum antiquarum virtutem jam ſaeculo XII.
 plane exaruiſſe dicerem. Contrarium docent vel
 ea, quae de Lege Salica diximus v. *ſupra* L. II. §. 8.
not. (v) p. 670. in ſ. add. A. N. L. II. §. 51. Et quae
 in Specula Saxonico & Suevico poſtea tranſie-
 runt, Legum antiquarum capita, ſaneſſillarum non
 nullum in Germania uſum ad tempora uſque,
 quibus haec ſpecula nata ſunt, fuiſſe loquuntur.
 Verum, licet non negemus aliquem Legis Salicae
 uſum pluribus gentibus communem his tempo-
 ribus ſuperfuiſſe, probe tamen conſiderandum
 utique videtur, quod ex iis, quae ſupra produ-
 cuntur, exemplis, vix unum ad Germaniam,
 de qua nos tamen hic unice loquimur, ſpectet,
 & quod reliquiae quaedam Legum uſu adhuc ſer-
 vatae plenum earundem Legum vigorem in foris
 non doceant. Quis nescit, & hodie in re ma-
 ximi momenti ad aliquod Legis Salicae caput pro-
 vocari ſolere, cum tamen totam ejus Legis com-
 pagem hodierno fori uſu gaudere nemo ſanus aſ-
 ſerat. Ita nec ex eo, quod aliquae Legum an-
 tiquarum reliquiae in Speculis Saxonico & Sue-
 vico deprehendantur, facile probari poterit,
 eo, quo hae Collectiones condebantur, tempore
 adhuc plenum Legum illarum antiquarum uſum
 viguiſſe, cum illa, quae in Speculis iſtis occur-
 runt, Legum illarum capita non tam ſub *Legis*
ſcriptae, quam *moris antiqui* ſpecie ad horum
 Speculorum aetatem pervenerint, & hoc potius,
 quam illo nomine, iis ſine dubio inſerta fuerint.
 Quid quaero profeciſſent privatae Juris Saxonici
 & Suevici Collectiones, ſi integri Legum ſcri-
 ptarum Codices expreſſa Legislatoris autoritate
 muniti in tribunalibus Germaniae promiſcuae ſu-
 peruiſſent. Expertae fere videntur Leges Ger-
 manorum antiquae fatum non multum diſſimile
 illi, quod Legibus Regiis Romanorum poſt Re-
 ges exactos incubuit, quarum aliquae reliquiae
 in

in illo Legum silentio sub nomine moris antiqui conservatae usum interea in foro obtinuerunt, donec Legibus XII. Tabularum sub eodem nomine infererentur. Hanc Legum penuriam cum minori molestia forsan ferre potuisset Germania, si pristina simplicitate adhuc vixisset. Verum illa, accessione aliarum Gentium aucta, aliarum commerciis mixta, peregrini moris jam tum satis appetens, ab antiqua morum sanctimonia jam non parum defecerat. Internecina, quae nascebantur, Guelphorum Gibellinorumque odia, frequentes in terram sanctam expeditiones, rebus domesticis semper graves, frequentiam litium, & ita majorem judiciorum necessitatem producebant. Accedebat, quod Juris manuarii, quo omnium litium nodi gladio dirimebantur, licentia per Pacis Publicae Constitutiones aliquantum repressâ plus negotii, quam antea, Judicibus nunc permetteret. Fortiorem horum incommodorum sensum Germaniae incussit summa Juris patrii, si quod fuit, & arbitrarii, quod fori regimen tum maxime obtinuisse videtur, addiscendi difficultas, scholis Juris per Germaniam nullis, ante erectas ibidem saeculo XIV. Academiâs, institutis, ita ut non nisi longo rerum usu & experientia ad Juris scientiam, senioribus unice servatam, adscendere datum esset. In tanta igitur negotiorum forensium multitudine, Legumque inopia, cum ne Juris quidem patrii addiscendi copia junioribus fieret, ad peregrini vero Juris scientiam sibi comparandam facilis omnibus in vicinia aditus panderetur, quis non sponte sua crederet, Germanos praecipue juvenes opportunam ad ea perveniendi, quae sibi in patria negata erant, occasionem avidè arripuisse, viamque ad Jurisprudentiam & conjungendas mox cum illa, ut sperabant, dignitates togatas sibi nunc ubique patentem propere incesse, suaeque ita ignorantiae & ignominiae patriâ-

patriarumque Legum paupertati studio & exercitio peregrini Juris commode consuluisse.

Altera, quae Romani Juris in Germania progressus vehementer adjuvit, causa quaerenda est in insigni Imperatorum studio, huic Juri, rebus suis augendis apprime idoneo, impense faventium, quos fere omnes a Friderico I. in fovendo pleniusque introducendo Juris Romani usu multum defudasse deprehendimus. Fridericus I. sane acutissimi princeps ingenii, rebusque suis augendis studiose intentus, & altiores omnino spiritus agens, cum insignem ex hujus Juris principiis, pro absoluto Imperio Imperatoribus afferendo fortissime pugnantibus, Jurisconsultorumque consiliis, iidem unice addictis, utilitatem se capturum probe perspiceret, in id operose incubuit, ut non tantum Juri Romano plenum in Italia vigorem restitueret, omniaque ibi ad hujus Juris normam & Jurisconsultorum consilia componeret, sed & Germanorum ingenia ad frequentiore Juris Romani usum adhibendum omnino inflecteret, aut, uti Ludewigius *Sing. Jur. Publ. Praef. §. 5. p. 36.* loquitur, *ut optima allicerentur ingenia ad implendum animos LEGIBVS ROMANIS, MAJESTATIS CAESARAE SVSTENTACVLIS.* Cujus quidem Ludewigii §. 6. *ibid.* & maxime *Praef. ad Consil. Hallens. §. 25. & sqq.* ad ea, quae hic dicuntur, illustranda multum faciunt. Quantas res ope Juris Romani & Jurisconsultorum in Italia gesserit Fridericus I. testatur historia *Curiae generalis*, a Radevico *de Gest. Frid. I. Imp. L. II. c. 1. & sqq.* diligentissime conscripta, cui fere in omnibus subscribit Guntherus *Ligur. L. VIII. v. 380. & sqq.* Addatur Otto de S. Blasio *Append. c. 14.* & Otho Morena *de Rebus Laudensibus* apud Leibnit. *Script. Rer. Brunsvic. T. 1. p. 818.* Quam curiam generalem Imperator omnibus Italis Civitatibus, & primoribus
apud

apud Roncalias in festo beati Martini (an. 1158.)
indixit, eo nimirum animo, ut ibi *Leges pacis*
promulgaret, & de *justitia regni*, quae multo
jam tempore apud illos obumbrata in *desuetudi-*
nem abierat, **PERNECESSARIA SAPIENTVM**
COLLATIONE (Jurisconsultos suos quatuor fi-
bi, ut mox videbimus, devotissimos hoc no-
mine designans) *differreret*, diuque *obsoletam*
elucubraret. v. Radevic. ib. L. I. c. 46. In his
comitiis praeter Italiae *Duces*, *Marchiones*,
Comites & *Proceres*, *Consules* & *Civitatum Ju-*
dictes, nec non plures Italiae *Praelatos*, v. Ra-
dev. L. II. C. 1. & 3. aderant etiam *Proceres*
Germaniae plurimi, & quidem ex *Ecclesiasticis*
Fridericus Archiepiscopus Colonienfis, *Eberhar-*
dus Babenbergensis Episcopus, *Conradus Eiste-*
tensis, *Daniel Pragensis*, *Gebehardus Herbipo-*
lensis, *Hermannus Verdensis* v. Radev. L. II.
C. 3. & ex saecularibus non pauci. Licet enim
Imperator, antequam haec comitia initium ca-
perent, *magnam partem exercitus cum suis Op-*
timatibus ad propria redire permiserit, v. Ra-
dev. L. I. C. 44. tamen si horum, quibus in pa-
triam redire permiffum fuit, nomina conferantur
cum iis, qui ipsum in Italiam euntem comitati
dicuntur a Radev. L. I. C. 25. multos adhuc
in ejus comitatu superfuisse facile deprehendi-
mus. Antequam Imperator solenni oratione
Comitia auspicaretur, de rebus ibi agendis de-
liberationem cum *Episcopis* & *paucis admodum*
Principibus instituit, cui deliberationi etiam Ju-
ris Romani celeberrimos eo tempore *Doctores*,
Bulgarum, *Martinum*, *Jacobum* & *Hugonem*
adfuiffe docemur ex iis, quae commemorantur
ab Othone Morena *de rebus Laudens.* p. 818.
Ottone de S. Blasio *Append. c. 14.* & Gunthe-
ro Ligur. L. VIII. v. 456. & *sqq.* cujus prae-
cipue verba id clarissime docent;

Ergo sacros tantum Patres, JURISQVE PERITOS

*Et de Principibus paucos, quibus ipse timorem
Norat inesse Dei, tacitis Fridericus adaptans
Colloquiis, triduo secreta negotia toto
Rimatur, JURISQVE VICES, LEGVMQVE
TENOREM*

Consultit &c.

Licet itaque Radevicus hujus deliberationis, Comititalia negotia praeparantis, mentionem faciens hos Juris Doctores illi adhibitos fuisse disertis quidem verbis non doceat, ex iis tamen, quae ipse *L. I. c. 46. II. c. 5.* dicit, facile omnino colligitur, nihil in illis Comitibus, quod alicujus momenti esset, sine illorum vel opera vel consilio gestum fuisse. Agebatur autem praecipue in illa deliberatione de tribus capitibus, quae in ipsis Comitibus mox agitanda erant, nempe I. *de antiquis Legibus renovandis novisque promulgandis*, v. Otto de S. Blasio c. 14. quarum illae quidem eo tempore in Italia vix alias, quam Romanas, denotare poterant, hae vero Feudalem alteram, alteram de pace servanda, in iisdem Comitibus mox ferendas sine dubio indigitabant; II. *de Pace Publica constituenda*, sive, *ut Ecclesiae Dei pacis tranquillitate gaudeant* v. Radev. *L. II. c. 3.* & III. *de Jure Imperatoris in Italiam plenius asserendo atque Regalibus omnibus Imperatori vindicandis*; sive *ut jus regale decusque Imperii debito probebatur honore* v. Radev. *ib. c. 3.* vel, *quo juris genere Civitates Italicae subjacerent Imperio*, v. Otto de S. Blasio c. 14. vel tandem, *ut judicarent sibi omnia Jura Regalia, quae ratione Imperii in Lombardia ad ipsum spectarent, & sua esse deberent*, v. Otto Morena de Rebus Laud. p. 818. Consiliis itaque per triduum integrum sollicitè captis, cum omnia nunc ad desiderium Imperatoris, ope praecipue Jurisconsultorum,

F f f

probe

probe disposita essent, quarta tandem die Imperator in publicum procedens, oratione ex verbis & mente Legum Romanarum, ab ipsis forsitan Jurisconsultis composita, & ad universum coetum per Interpretem habita, animi sui sensu aperuit, eaque aures auditorum sub insigni, quam spirabat, aequitatis specie demulcere, atque, ut moderationem animi sui admirarentur, hoc maxime argumento inducere voluit, quod cum ipse *Legibus solutus* esset, v. Günther. *Ligur. L. VIII. v. 475.* Legibus tamen vivere, (ubi sine dubio ad *L. 31. D. de LL. & Scitis, L. 23. D. de Legat. 3. L. 4. Cod. de LL. & Constit. L. 3. Cod. de Testam.* digitum intendit) & non tam ad arbitrium, quam ad Legum normam omnia componere secum constituerit. Inde, cum eos, quos consiliis adhibuerat, Leges, quas rogare vel renovare volebat, aliis etiam suafuros, hosque vel rationum pondere victos, vel reverentia erga Principem motos, sua sponte in assensum ruituros esse confideret, tum vero se ex totius coetus consilio Leges & restitutum & laturum esse, promisit, ac, ut de his rebus omnes consilia inirent, imperavit, apud Güntherum *Ligur. L. VIII. v. 485.* ita loquens:

*Consulite in medium, quas me vel ferre recentes
Vel senium passas Leges renovare velitis.*

Inter singularia autem beneficia, quae a se Italiae jam praestita dicit, maxime refert ea, quae ad promovendum Juris Romani in Italia usum jam ipse molitus esset, inde *Nostris*, inquit, quod *JVRA CIVILIA nostris beneficiis in summum proventa, firmata ac moribus utentium approbata satis habent roboris.* De aliis vero Legibus, quas nunc in Comitibus renovare meditabatur, ipsa Justiniani verba in *Prooem. Instit. §. 5.* sua faciens, dicit, id quod in iis antea obtinebat & postea desuetudine inumbratum est, imperiali remedio, ipsorumque (quod mode

ste addit) *providentia necesse habere illuminari* v. Radev. L. II. c. 3. De Juribus Imperii autem restituendis quae meditabatur, sat clare innuit his verbis: *sed nec per nostram desidiam quenuquam ejus gloriam & excellentiam imminuere patiemur.* Cum Imperatoris prudentia atque facundia omnes in admirationem & stuporem raperet, eamque omnes immensis laudibus certatim extollerent, praecipue Archiepiscopus Mediolanensis, quem Vbertum nominat Morena, expectationi & voto Imperatoris ex asse respondens, eum impense laudat, quod de rebus non ex arbitrio, sed secundum Leges, gerendis salutaria consilia iniisset; & ut Imperatoris gratiam eo certius sibi conciliaret, orationem suam ipsis Juris Romani flosculis diligenter exornans ex ejusdem Juris principiis absolutissimum ipsi Imperium in Italiam verbis Vlpiani in L. 1. pr. & §. 1. D. de Constit. Princ. & Justiniani Instit. de J. N. G. & C. §. 6. vindicat, Legumque ferendarum omnes partes uni Imperatori asserit. *Scias itaque omne jus populi in condendis Legibus tibi concessum. Tua voluntas Jus est, sicuti dicitur: quod Principi placuit, Legis habet vigorem, cum populus ei & in eum omne suum imperium & potestatem concesserit. Quodcunque enim Imperator per epistolam constituerit, vel cognoscens decreverit, vel edicto praeceperit, legem esse constat.* Utque etiam ad Regalia reddenda, de quibus vindicandis Imperatorem jam consilia iniisse sciebat, animos reliquorum praepararet, rem totam ex regula Juris Romani, adhibitis ipsis Pauli verbis in L. 10. D. de Reg. Jur. decedit: *Secundum naturam est, commoda cujusque rei eum sequi, quem sequuntur incommoda.* v. Radev. L. II. c. 4. Cum autem nunc de Regalibus definiendis & vindicandis ageretur, quatuor illi Bononienses Jurisconsulti, accitis, ut invidiam hujus rei ex

parte a se amolirentur, duobus ex quavis Lombardiae Civitate Judicibus, numerum 28. complentibus, v. Otho Morena l. c. p. 818. & sqq. ipsis etiam Mediolanensibus consentientibus & exemplo praeceuntibus, Imperatori adjudicavit Ducatus, Marchias, Comitatus, Consulatus, monetas, telonia, fodrum, vectigalia, portus, pedatica, molendina, piscarias, omnemque utilitatem ex decursu fluminum provenientem, nec de terra tantum, verum etiam de suis propriis capitibus census annui redditionem. v. Radev. ib. c. 5. Quantum ex hac sententia Jurisconsultorum rebus fiscalibus Imperatoris incrementum accesserit, res ipsa docet. Ex his enim, qui nullo Jure, sed sola praesumptione (praescriptione) de Regalibus se introniserant, XXX. millia talentorum plus minusve redditibus publicis per singulos annos accessere, v. Radev. ibid. Accesserunt & alia Jura, tanquam necessariae absoluti Imperii sequelae, Jus constituendi in singulis Italiae Civitatibus, potestates, Consules, ceterosque magistratus. v. Radev. ib. c. 6. Immo omnem omnium Jurisdictionem omnesque magistratus Principe in Italiam veniente cessare, & ex iis, quae unusquisque haberet, bonis, quicquid usui esse posset exercitui, id praestandum esse Imperatori, jam ad annum 1154. docet Otto Frisingensis de Gestis Frider. I. Imp. L. II. c. 12. p. 454. edit. Wechel. Verba sunt notatu dignissima: *Alia itidem ex antiqua consuetudine (potius ex Jure Romano) mansisse traditur justitia, ut Principe Italiam intrante, cunctae vasare debeant dignitates & magistratus, ac ad ipsius nutum SECVNDVM SCITA LEGVM, IVRISQVE PERITORVM JVDICIUM universa tractari. Tantam etiam judices terrae ei recognoscere dicuntur jurisdictionem, ut ex omnibus, quae terra producere solet, usui necessariis, exceptis vix lumbus & seminibus ad ex-*
colen-

colendam terram idoneis, de caeteris, quantum necesse fuerit, militi profuturis, ad Regios usus suppeditare aequum arbitrentur. Inde ad Leges ferendas Imperator accessit, atque una quidem Constitutione, quae *Feudorum L. II. T. 55.* occurrit, omnem Feudi alienationem sine Domini consensu fieri prohibuit, ita ut, cum Lotharius Imperator eam, si post Legem a se latam fieret, nullam declaraverit, ipse Fridericus etiam eas alienationes feudi, quae ante hanc Legem, nunc in his Comitibus promulgatam, factae essent, irritas fecerit, *nulla temporis praescriptione impediante.* Altera vero Constitutione, quam Radevicus *L. II. c. 7.* cum praecedente exhibet, pacem inter omnes suo subjectos imperio servari praecepit. Haec omnia ope & consilio Jurisconsultorum suorum, & autoritate Juris Romani gesta & illis & huic maximum Imperatoris favorem sine dubio conciliarunt. Sed accedebant majora adhuc merita. Imperator suae semper dignitati potestatique tuendae & augendae intentus, omnes Juris Romani sententias, huic fini obtinendo apprime idoneas, in suos usus convertit. Inde quaestionem, *an Imperator sit Dominus mundi*, vel, *an rerum omnium dominium Caesar haberet*, quae ejus indulgentia, velut precario Jure a possessoribus tenebantur, a Jurisconsultis suis agitari praecepit. Hanc Martinus affirmando, forsan *L. 9. D. de Lege Rhodia de jactu* auctoritate motus, Bulgarus negando, reliqui nutando excepiſſe ex testimonio Glossae & Odofredi ad *L. 3. Cod. de Quadr. Praescri.* dicuntur a Panzirolo de *Clar. LL. Interpr. L. II. c. 14.* Rem paulo aliter narrat Otho Morena de *Reb. Laud. p. 818.* his verbis: *Post ista cum Dominus Imperator semel equitaret super quodam suo palafreno in medio DD. Bulgari & Martini, exquisivit ab eis: utrum de Jure esset Dominus mundi? &*

dictus Dominus Bulgarus respondit, quod non erat Dominus quantum ad proprietatem; Dominus vero Martinus dixit, quod erat Dominus, & tunc Imperator, cum descendisset de palafreno, super quo sedebat, fecit eum praesentari dicto Martino. Bulgarus autem hoc audiens dixit haec elegantia verba: Amisi equum, qui dixi aequum, quod non fuit aequum. Obiter tantum notare lubet, quod alia, huic fere similis, de Azone & Lothario sub Henrico VI. historia ex auctoritate ipsius Azonis & Odofredi referatur a Panzirolo de Clar. LL. Interpr. L. II. c. 25. En verba ipsius: Semel autem cum (Imperator) inter eos (Azonem & Lotharium) medius per urbem equo veberetur, ab illis quaesivit: cuiam merum imperium competeret? Tum Azo ad Lotharium conversus annuit, ut prior ille responderet, ibi Lotharius: quandoquidem, inquit, Azo me primum jubet dicere, te solum, Caesar, Jus gladii habere arbitror. Tum Henricus Azonem interpellavit, ut suam sententiam proferret. Et ille etiam provinciarum praesidibus jure animadvertendi potestatem tributam, sed non minus Augustum, velut omnium supremum Principem, eandem auctoritatem retinuisse asserit. Ad palatium deducto Caesare cum discessissent, Henricus Azone dimisso, Lothario velut rectius sentienti equum dono misit. Quare Azo Leges de hoc loquentes postea interpretatus & in pristina, verioreque sententia permanens, se aequum quidem dixisse, sed Lotharium equum duxisse querebatur. Tot & tanta Juris Romani & Jurisconsultorum in se merita Fridericus non intra Italiae fines coercere, sed ad Germanos etiam propagare consilium duxit. Inde ut hujus doctrinae contagio facilius ad eos serperet, haec omnia sub oculis Procerum Germaniae, quos in comitatu suo habebat, tractari, imo eos etiam consiliis adhiberi,

beri, ut iis eo promptius assuescerent, studuit. Verum his majora etiam ausus aliqua, quae in his Comitibus acta, & ex iisdem, quibus caetera, fontibus hausta erant, duas nimirum Constitutiones in his Comitibus promulgatas, Germanis palam obtrudere conatus est. Vnde in prior quidem Constitutione se ea, quae ibi jubentur, statuere *tam in Italia, quam Alemannia* disertis verbis dicit. In posteriore vero non tantum *omnes suo subjectos imperio* salutatur, sed & ut *omnes suo subjecti imperio pacem hac lege edictali* sancitam observent, severe jubet. Licet enim Constitutiones in Italia latae utique Germanos non obligaverint, nec eas sibi obtrudi Germani facile passi sint, v. *supra* L. I. §. 419. not. γ. p. 611. Et *sqq.* tamen haec, quae dicta sunt, Imperatoris desideria & conatus, Jurisconsultorum labores etiam Germaniae maxime commendare studentis, satis clare ostendunt. Nec tamen hi Imperatoris conatus adeo inanes & irriti fuerunt, ut non aliquem etiam inter Germanos effectum produxerint. Sane Germani secum mitius quam cum Italis agi, nec ipsos *Ducatus, Marchias, Comitatusque* in Germania, uti in Italia factum esse vidimus, Caesari adjudicari gaudentes, in eam tamen opinionem paulatim inducti sunt, ut Regalia sua ab Imperatore in feudum se accipere debere tandem putaverint. Vnde mox in Germania invaluit opinio, frequenter a scriptoribus postea defensa: *Principum Germaniae ipsa territoria illorum quidem esse, verum Regalia Caesaris, quae acceperint, teneantque ab eo, nexu beneficiario.* vid. hac de re Ludewigius *Praef. ad Sing. Jur. Publ.* §. 6. p. 42. qui etiam *ibidem* p. 44. in nota producit diploma de an. 1329. quo Ludovicus Bavarus Henricum de Reusze Voigtlandiae territorio inaugurans, Regalia ipsi per modum Feudi, imo Regalia & Feuda eodem

sensu accepta, his verbis confert: *Vobis conferimus vestra Jura REGALIA SEV FEVDA, quae a nobis & Imperio habere consuevistis, sive sint bona Feudalia seu vasallatus hominum, judicia & Jurisdictiones, thelonia, monetae, conductus stratarum, ferarum venationes, piscariae, minerae.* Quae omnia in Feudum vobis concedimus &c. Imo alte adeo haec mentibus infixae sit opinio, ut & post renatam literarum lucem Regalium scriptores Sixtinus, Pruckmannus, Bocerus, Finckelthausius, Arumaeus, Einsiedelius, Carpzovius, alique plures passim eam lectoribus inculcare non dubitaverint.

Cum Pridericus I. omnia, non ad privatum tantum, sed & ad publicum Italiae statum definiendum facientia ex Jure Justiniano & maxime ultimis Codicis Justiniani libris, nec non ex consuetudinibus & Legibus, quibus tunc res Feudales per Italiam regebantur, ope Jurisconsultorum suorum, alia omnia pro ea, quae fuit saeculi labes, ignorantium unice hauriret, nemo sane facile mirabitur, quod liberrimam sibi in Italia regnandi potestatem fortiter vindicaverit; quod Jura fisci omnia sibi soli asseruerit; quod Duces, Marchiones, Comites, Capitaneos, Valvasores, Civitatum Rectores in classem magistratuum, suorumque, uti loquuntur, *Officialium* protinus conjecerit; praecipue cum laxiorem in Italia, quam Germania, regnandi potestatem suo sibi jure competere non ignoraverit. Haec vero Jura suis rebus augendis adeo idonea suisque desideriiis tam blande faventia ipse ulterius in usus suos conversurus, ut ea Germanis etiam magis familiaria magisque grata redderet, omni studio & arte annisus est. Non alio magis opportuno medio id adsecuturus sibi videbatur, quam si Germanos ad audientes Juris Romani Professores in Italiam alliceret; ubi eos hujus Juris doctrinae ita profunde immersum

merfum iri sperabat, ut, quales iis maxime saeculis esse solebant, principiorum semel haustorum tenacissimi acerrimique defensores, & Praeceptorum suorum admiratores plane superstitioni, huic doctrinae pertinaciter inhaesuri, eamque, in quascunque deferrentur oras, in quibuscunque unquam possent causis, adhibitori, iisdemque tribunalia, aulas Procerum & curias implaturi viderentur. Inde in Germanicorum praecipue Juris cultorum gratiam celeberrimam illam Constitutionem, quam Authenticam *Habita* &c. appellare solemus, promulgavit, Codicisque Justiniani Titulo: *Ne filius pro patre* &c. ideo inferi iussit, ut illa hoc modo facilius innotesceret, fideliusque custodiretur. Qua quidem Constitutione ipse praecipue Legum Professoribus atque Cultoribus, & his quidem studiorum causa peregrinantibus impense laudatis, immunitates concedit, iisque singulari & severissima erga omnes violatores sanctione munitis proprium magistratum & iudicem constituit. Quo medio ita etiam finem suum assecutus est, ut certatim omnium nationum juvenes, praecipue autem Germani, Germaniaeque vicini in Italiam confluerent, ita ut mox in Patavina Academia Joh. Baptista Pasquatus *Tr. de Archigymnasio Patavino* viginti duas nationes, *Landemansschafften*, suis syndicis & tribunis distinctas, earumque primas *Alemannam*, *Boëmam*, *Vngaram*, *Poloniam* numeraverit. Germanos praesertim singularibus plane in Academia Bononiensi, iisque maximis, gavisos esse privilegiis, Jacobus Middendorpius *de privil. Acad. L. IV. p. 11.* testatur. vid. etiam Brunquel. *Hist. Jur. P. III. membr. II. c. 10. §. 9.* & qui ibi copiose allegantur. Quam, dum in Italia versaretur, Fridericus Juris Justiniani Jurisconsultorumque auctoritati dignitatique augendae & extra Italiam etiam promovendae impendit curam, eam

in Germaniam reversus adeo non deposuit, ut potius Jurisconsultorum copiam lateri suo semper adhaerere voluerit, eorum consiliis & opera, quandocunque occasio daretur, in rebus Germanorum etiam usus. Luculentum hujus rei exemplum nobis sistit historia litis inter *Volcmarrum* & *Rhudolfum* de Archiepiscopatu Trevirensi sub Friderico decertantes agitatae; quorum ille quidem summi Pontificis, hic Imperatoris patrocinio victoriam obtenturus sibi videbatur. *Rhudolfus* autem, dum apud Imperatorem verfaretur, a Pontifice Romam, ut *Volcmari* querelis ibi responderet, citatus, ab Imperatore, id aegre quidem ferente, Romam ire jubetur, ne contumaciae nota & poenis obruatur. Imperator tamen, ut *Rhudolfum*, quantum posset, adjuvaret, Jurisconsultos non quidem e longinquo accitos, nec fortuito sibi casu oblatos, sed e praesentibus secumque, horum ministeriorum obeundorum gratia, versantibus lectos *Rhudolfo* adjunxisse videtur, *mittens secum DVOS DECRETISTAS, ET DVOS LEGISTAS: Decretistas quidem, ut pro Rhudolfo esset justitia Canonum, Legistas vero, ut pro parte sua starent iura Legum.* v. Arnold. Lubec. Chron. Slavorum L. III. c. 10. §. 6. Non pauca adhuc in promptu essent, quae Friderici I. summum, Juris Romani Jurisconsultorumque auctoritatem, etiam inter Germanos, promovendi studium docerent, nisi haec, quae dicta sunt, abunde sufficerent.

Qui ipsi successit filius Henricus VI. quanti aestimaverit Jus Romanum non alio magis docemur argumento, quam quod inter ipsius laudes non ultimo loco referatur, quod eruditus fuerit *Legibus Imperatoriae Majestatis.* v. A. N. hoc §. in nota. Quanto is Jurisconsultos honore profecutus, quamque frequenter eorum consiliis usus sit, vel solum Azonis exemplum satis probat, qui *Henrico Caesari admodum familiaris,*
Et Jac.

Et saepius de jure ab eo interrogatus omni adulatione posthabita libere, ut sentiebat, respondisse dicitur a Panzirolo de Clar. LL. Interpr. L. II. c. 25. Quibus addi possunt, quae de Azonis & Lotharii familiaribus cum Imperatore sermonibus, hujusque erga Lotharium liberalitate ex eodem Panzirolo paulo superius retulimus. His Juris Justiniani principii probe imbutus, Jurisconsultorumque consiliis in rebus maximi momenti, & jura imperii laxioris spirantibus, studio potestatis liberioris sibi asserendae, frequenter usus, animum facile appulisse videtur non tantum ad fortius Jus Imperii sibi vindicandum, sed & ad successores ex sua gente, hereditario plane jure, devolvendum. Res ipsa multis antiquorum testimoniis munita constantem adeo omnium consensum meruit, ut, qui ab aliquot saeculis res Imperii illustrarunt scriptores, ab ejus rei fide recedere religioni sibi duxerint, uno omnes ore hos Henrici VI. conatus ad nostra usque tempora transmittentes. Exercitum plane auctorum celeberrimorum, eadem asserentium, producere facile possemus, si res non omnibus notissima esset. Intercessit tamen huic sententiae novissime demum elegantissimus auctor dissertationis hac de re conscriptae & Commentariis novis Academiae Regiae Berolinensis insertae, Illustrissimus Comes Keyserlingius. v. *Histoire de l'Academie Royale des sciences & belles lettres, année 1748. à Berlin 1750. p. 465. & sqq.* ubi magna ingenii sagacitate & singulari eruditionis praestantia totus in eo est, ut sententiam hanc, tantum non omnium calculo firmatam, conquistis summo studio & non minori acumine argumentis omnino convellat, Meibomium praecipue & Gundlingium reprehendens, quod ille in *Apol. pro Otzone IV. Imp. Rer. Germ. T. III. p. 115.* hic vero *Gundlingian. P. 17. art. 2. §. 20.* huic rei asserendae confidentius, quam par esset, insistat.

Licet

Licet ego egregiam plane, quam Illustrissimus Autor in argumento tam gravi praestitit, operam & vim persuadendi felicissimam summo, quod jure optimo meretur, elogio venerer, a me tamen impetrare nondum potui, ut a recepta sententia protinus recederem. Operae pretium erit huic rei, a nostro scopo non plane alienae, paululum immorari. Testimonia veterum, quae sententiam receptam confirmant, haec maxime sunt. Gervasius Tilberienfis *Otiorum Imperial. ad Otton. IV. Imp. Decis. II. c. 19. in Leibn. Script. Rer. Brunsv. T. I. p. 943.* de Henrico VI. ita loquitur: *Hic Legem instituit apud Teutones, ut militiae, more Gallorum & Anglorum, successionis Jure devoluerentur ad proximiores cognationis gradus; cum antea magis penderent ex principis gratia. Ideoque ad suum refundens commodum, quod aliis impertitus est beneficium, impetravit a subditis, ut CESSANTE PRISTINA PALATINORVM ELECTIONE, imperium in ipsius posteritatem, distincta proximorum successione transfret, & sic IN IPSO TERMINVS ESSET ELECTIONIS, PRINCIPIVMQVE SVCESSIVAE DIGNITATIS.* Huic proxime jungo Chronicon Halberstadiense *in Leibn. Script. Rer. Brunsv. T. II. p. 15.* quod rem his verbis refert: *Conradus Moguntinus Archiepiscopus cum Principibus Saxoniae conspiraverat adversus Imperatorem Henricum VI. quia idem petierat ab eisdem, VT SVCCESSIO IMPERII AD HEREDES SVOS transfret. Erat tum Episcopus Halverstadenfis electus Gardolfus, cujus ordinatio hanc ob causam est aliquandiu dilata, sed idem Gardolfus nuncium, qui conspirationis litteras inter Principes tulit, cum iisdem litteris captivavit. Quibus Imperatori ostensis, ipse, sicut vir sapiens & discretus, petitionem Principibus porrectam relaxavit.* Addo Innocentium III. *Registr. super negotio Imperii Epist. 29. Epistolar. T. I. p. 697.* de Friderico II.

verba

verba facientem, cujus electionem dicit primo intuitu videri validam, cum juramento sit confirmata, quod, licet metu extortum sit, tamen non statim infringi possit. His addit: *Praeterea etsi a principio sic fuerit extortum, postmodum tamen pater ejus intelligens, se perperam processisse, juramentum relaxavit Principibus, & literas super ipsius electione remisit; qui postmodum puerum ipsum, patre absente, sponte ac concorditer elegerunt, fidelitatem ei pene penitus omnes & quidam hominum exhibentes.* Haec sunt, quae ex antiquioribus scriptoribus, ad ipsa Henrici VI. tempora accedentibus, produci possunt, hujus rei, de qua agimus, testimonia. His nunc subjicimus alia, ab illa Henrici VI. aetate aliquot saeculis remota, quorum primum est ex Magno Chronico Belgico, ad Saec. XV. referendo, inter Pistorii Scriptores VI. seu Rer. Germ. T. III. ubi Auctor Chronici p. 224. verbis cujusdam Johannis Monachi ibidem relatis dicit: Henricus VI. ordinavit, ut amplius ELECTIO NON FIERET, sed PER solam sanguinis SVCCESIONEM IMPERIUM CONFERRETUR, ita ut, qui propinquior Imperatori esset, HEREDITARIE FIERET IMPERATOR. Quod ut a Friderico filio initium caperet, tres conditiones, quae Principes ad id, quod optabat, inducerent, Henricus adjecisse dicitur, nempe 1) Regnum Siciliae & Calabriae, & Ducatum Apuliae, & Principatum Capuae, quae filius ejus ab avis haeres acceperat, Romano Imperio univit &c. 2) Ordinavit, ut mulieres, masculis deficientibus, succederent in haereditatem; & tandem 3) ne Imperator mortuas manus Ecclesiasticarum personarum ultra expostularet. Addit, quod maximopere notandum, quod huc Constitutioni Curia Romana assensum praeberit. Secundum est Gobelinij Personae, ejusdem Saec. XV. scriptoris in Cosmodr. aet. VI. c. 61. apud Meibom. Rer. Germ. T. I.

T. I. p. 275. cujus haec verba sunt: *Hic Henricus Imperator concordavit cum Principibus Regni, quod liberi sui post eum HAEREDITARIO JURE Regnum obtinerent: sed contradictum est a Principibus Saxoniae. Quare ipse Imperator Principes illos a promisso absolvit, & juramenta ea occasione praestita relaxavit.* Tertium est Chronici Monasterii Reinersbrunnensis, Caroli IV. vel Sigismundi Imp. aetate conscripti, cujus verba a Goettingensibus eruditis, qui *Delineationem nuperrimi status eruditionis* ediderunt, ejus P. II. primum vulgata ipse Illustrissimus Auctor Dissertationis antea allegatae producit §. 25. hisque sententiam vulgarem de Henrico VI. conatibus omnino adstrui sincere fatetur §. 26. Auctor enim hujus Chronici totum hujus negotii, ab Henrico VI. tentati nexum diligenter exponens dicit: „quod Imperator in Comitibus Moguntinis „voluerit Principibus expeditioni sanctae se accin- „gentibus jus dare, ut, quibus filii ex justis nu- „ptiis non essent, ii possent hereditatem omnem „relinquere filiabus, aut heredi cuique sui sangui- „nis proximo. Quod pauci, qui iis Comitibus ad- „fuerint, Imperatori promiserint, se fidem ipsius „posteris servaturos, ut JURE HEREDITARIO „ipsi in Imperio succederent. Quod metu carce- „ris aliorumque malorum ad hoc inducti fidem „dederint, se in Comitibus Herbipoli proxime con- „gregandis eo adnifuros esse, ut reliquos Proce- „res ad consensum huic negotio dandum indu- „cant. Quod in his alii metu majoris mali, alii „vi adacti consenserint, multi vero consensum „negaverint. Quod postea Imperator in Italiam „negotiorum causa vocatus inde Burchardum Bur- „gravium Querfurtensem ad hoc negotium Prin- „cipibus commendandum miserit, datis ipsi lite- „ris, quibus ipse successionem ad Imperium suae „genti hereditariam, Constitutione Imperii perpe- „tua decernendam, petierit. Quod odio horum

„ contra-

„ conatum Principes multum a studio suo erga
 „ Imperatorem remiserint. Quod postea Impe-
 „ rator tot impedimentis, quae Principes huic
 „ negotio objecerint, motus, consiliumque su-
 „ um animo premens, & illud temporibus ma-
 „ gis opportunis servaturus, juri suo sibi jam
 „ ab aliquibus concesso renunciaverit, & ita
 „ Principes ad sua erga Imperatorem studia re-
 „ vocati in Comitibus Francofurtanis filium ipsius
 „ Constantinum (Fridericum) ejus in Imperio
 „ successorem sua sponte elegerint, atque ita
 „ dissidium, quod Imperatorem & Principes eo
 „ usque diviserit, felicissimo eventu composi-
 „ tum fuerit. „ His testimoniis nititur assertio
 vulgaris, quod Henricus VI. Imperium ex Ele-
 ctivo successivum reddere voluerit. Quae his
 opponit Illustrissimus Auctor *Dissert. alleg.* ad se-
 quentia fere capita reduci possunt, quorum sin-
 gulis ea, quae nobis in seria rationum, quibus
 nova sententia fulcitur, meditatione contra eas
 subnata sunt, dubia, non alio quam veritatis
 eruendae studio ducti, modeste jungemus. I-
 urget, quod pleraque testimonia sint adeo ab
 Henrici VI. temporibus remota, ut parum fidei
 mereantur. In hanc classem conjicit Chronica
 Belgicum & Reinersbrunnense atque Gobelinum
 Personam. Liceat his regere, quod scripto-
 res recentiores, si cum antiquioribus consenti-
 ant, fidem facile, si non ex sua, saltem ex ho-
 rum autoritate, consequantur. Cum itaque hi
 conatus Henrici non ab his tantum recentiori-
 bus, sed & a scriptoribus illi aetati vel paribus
 vel proximis commemorentur, non licebit scri-
 ptorum utriusque generis in negotio principali
 consensum facile contemnere. Potuerunt scri-
 ptoribus Sec. XIV. & XV. cognita esse plura
 antiquioris aevi monumenta, vel injuria tem-
 porum interea extincta, vel adhuc in tenebris
 latentia, quae forsan melior aliquando dies in
 lucem

lucem ex iis protractura est, ex quibus, quae ipsi hauserunt, non facile sine aliqua antiquitatis veneratione ad nos transmittuntur. Provocat sane Chronicon Belgicum ad quendam Johannem Monachum, testem antiquiorem, ejusque plane verba exhibet. Hic, si nobis ignotus est, ideo tamen pro conficto haberi non debet. Forſan jam periit, forſan aliquando, cum minus ſperatur, proditurus eſt. Quis probabit, quod Saeculi XII. Scriptor Johannes, nec is, cujus aliqua a d'Acherio ſervari ipſe fatetur Illuſtriſſimus Auctor, nec alter, quem Muratorius exhibet, plura, quam quae exſtant, ſcripſerit, hodie ignota, in iisque hujus rei mentionem fecerit. Quicquid horum ſit, ſcriptor, cujus ipſa verba ante aliquot ſaecula tanquam ſatis nota exhibentur, eo ſolo argumento, quod nobis nunc ignotus ſit, non probatur, omnibus & olim ignotus fuiſſe, imo nunquam inter vivos extitiſſe. II. objicit ſilentium celeberrimorum ejus ætatis vel proximaſcriptorum, v. g. Conradi Urſpergenſis, Arnoldi Lubecenſis, Ottonis de S. Blaſio &c. Reſpondemus, quod, ex regula ab Illuſtriſſimo Auctore ipſo §. 14. agnita, ſilentium aliquorum auctorum fidem facti, ab aliis aſſerti, non infringat, ſed ad hunc effectum univerſale omnium ejusdem vel proximi temporis auctorum ſilentium requiratur. Cum autem hæc aſſertio, quam nos defendimus, auctoritate plurium ejus ætatis ſcriptorum nitatur, ſilentium caeterorum ipſi non nocebit. Si omnia facta omnium auctorum, eadem ætate viventium, narratione aſſerenda eſſent, ingens factorum numerus, de quibus nemo amplius dubitat, fide hiſtorica cariturus eſſet. Nec mirum hoc, de quo agimus, negotium non ab omnibus commemorari. Cum illud ad effectum deductum non fuerit, ſed intra inanes Imperatoris & aliquorum Principum conatus ſubiſtiterit, facile utique potuit aliquorum ſcienti-

scientiam & curam effugere; immo multi, quibus non vacat omnia consilia, quantumvis irrita, referre, sed ea, quae in ipsis rerum obtinent argumentis, tantum commemorare satius videtur, potuerunt id, quamvis sibi non ignotum, prorsus negligere. Quidam etiam hoc negotium prudenti silentio & oblivioni involvere forsitan maluerunt, quam ejus exemplo alios, quibus opportunior arrideret occasio, ad idem audendum excitare. III. Illorum praecipue silentium allegatur, qui rem ita gestam nec ignorare, nec eam, in negotio affini versantes, quod commemoratione illius multum adjuvaretur, supina plane negligentia oblivisci poterant. Unde Innocentius III. *Regist. super negotio Imperii Epist. 29. T. I. p. 698.* ostensurus, quod non expediat Fridericum II. Imperium obtinere, rationemque hujus exclusionis allegans, quod per hoc regnum Siciliae uniretur Imperio &c. non solum metum uniendae Siciliae objecturus, sed ab Henrico VI. Siciliam eo fine, ut Friderico filio suo hereditarium acquireret Imperium, antea jam unitam, majori argumentorum pondere, allegaturus fuisset, si revera Henricus id, quod dicitur, unquam ausus esset. Sic idem *Epist. 21. p. 695.* quae contra Philippi electionem ab aliis allegabantur, commemorans, & *Epist. 29. p. 699.* ea, quibus ipse illam impugnabat, exponens non tantum ipsi objecturus fuisset: quod, si, pro ut olim patri (Friderico I.) filius (Henricus VI.) sic nunc immediate succederet frater (Philippus) fratri (Henrico VI.), videretur Imperium ei non ex electione conferri, sed ex successionem deberi, & sic efficeretur hereditarium, quod deberet esse gratuitum &c. nec metum tantum formae Imperii, si electio ita saepius in eadem gente repeteretur, aliquando mutandae, sed ipsam potius mutationem, jam olim ab Henrico decretam, tanquam fortius periculi, quod allegabatur, argumentum,

in memoriam revocaturus fuisset, si, quae de Henrici conatibus dicuntur, veritate niterentur. Sic Auctor *Gestorum Innocentii III.* §. 19. partibus Henrici VI. & Hohenstauffiorum parum favens, non tantum Henrico exprobraturus fuisset, quod *effecerit apud Principes, ut filium suum Federicum, infantem nondum duorum annorum, necdum etiam baptizatum, in Regem Romanorum eligerent* &c. sed potius ipsi vitio verisus fuisset, quod suis artibus eligendi jus Principibus extorquere, & suam gentem Germaniae, jure hereditario imperaturam, obtrudere conatus fuerit, si modo haec veritatis umbram habuissent. Sic, si unquam hujus rei vestigia extitissent, Archiepiscopus Coloniensis in *Regist. Innoc. III. de negotio Imp. Epist. 9.* & Principes ac Barones Alamanniae Clerici & Laici *ibid. Epist. 10. p. 689.* Ottonem IV. laudantes, quod juribus spoliis renunciaverit, Henrici VI. etiam, hac renunciatione hereditarium olim Imperium suae genti inferentis, mentionem omnino facturi fuissent. Fatemur ultro gravia plane videri deducta ex hoc silentio argumenta. Verum, si res propius consideretur, rationem hujus silentii facillima conjectura assequemur. Translationem Imperii hereditariam in totam Henrici VI. gentem, sub conditione Siciliae &c. cum Imperio perpetuo nexu uniendae, ab Henrico VI. & aliquot Principibus Germaniae decretam, suo assensu approbavit Curia Romana, teste Johanne Monacho, cujus verba exhibet M. Chronicon Belgicum. Nunc eadem non successionem, sed tantum electionem, aliquoties in eadem gente repetitam, impugnat ideo, quod illa imaginem Imperii hereditarii habitura & forsan aliquando uniendae cum Imperio Siciliae occasionem suggestura sit. An igitur Curia Romana, cum hanc electionem ex his rationibus impugnaret, potuit memoriam renovare facti, idque plane in argumentum suae impugna-

impugnationis trahere, quod simul in memoriam revocaret juris hereditarii introductionem & unionem Siciliae cum Imperio a Curia Romana jam olim approbatam? Prudenter itaque Innocentius III. ejusque Gestorum Auctor, cum electionem impugnat, facti, suae nunc causae parum faventis, memoriam supprimit. Tunc vero demum ejus mentionem, brevi sermone, ne diutius, quam vellet, in ejus meditatione lectores haereant, facit *Epist. 29. p. 697. in f.* cum expediret inculcare, quod Henricus VI. intellexerit, *se perperam processisse*, atque ita juri suo renunciaverit, & libertatem eligendi Principibus restituerit. Quod ad Archiepiscopum Coloniensem & Principes Germaniae, Ottonis IV. electionem defendentes, attinet, illi vero negotii ab Henrico VI. celebrati mentionem facere commode non poterant, cum ejus commemoratio ad causam Ottonis nec deprimendam, nec adjuvandam, aliquid conferre potuerit. IV. Opponit Auctorum de negotio Henrici VI. loquentium in causis & conditionibus ejus definiendis dissensum. Huic tamen argumento facile respondemus, quod Auctorum in rebus, quae negotio principali accedunt, dissensus negotii ipsius fidei nihil detrahat, dummodo in ipso negotio principali recensendo secum, uti in hac causa contigisse testimonia allegata docent, consentiant. Causae verae & praecipuae saepe ab auctoribus negotii non exprimuntur, accessoriae plerumque tantum allegantur, illae conjecturis aliorum saepe supplentur, non raro etiam ex ingenio confinguntur. Conditiones negotii, quod effectum, uti hoc Henrici negotium, caruit, saepius igno- rantur, nonnunquam etiam cum variae sint, huic una, alteri alia innotescit, adeoque diversa illarum allegatio pro dissensu vero haberi nequit. V. Ipsas negotii ab Henrico gesti conditiones, prout illae a scriptoribus, vulgari sen-

tentiae faventibus; referuntur, aliquando secum invicem, imo & cum aliis ejus temporis testimoniis pugnare, adeoque suspectas, imo falsas esse, arbitratur. Ita i.) cum Johannes Monachus verbis a Chronico Magno Belgico relatis dicat, quod Henricus VI. *ordinaverit, ut amplius electio non fieret, sed per solam sanguinis successionem Imperium conferretur* &c. id quidem Illustrissimus Auctor omnino contrarium esse asserit iis, quae ab aliis scriptoribus ad Henrici VI. tempora accedentibus dicuntur, quod nempe is operam tantum dederit, ut Principes filium suum Fridericum se vivente sibi successorem in Imperio eligerent. Verum salva res est. Duo fuerunt negotia & rei natura & temporis intervallo a se invicem separata. Henricus VI. Imperium suae genti hereditarium acquirere conatus est, consensumque Principum certis conditionibus obtinuit. Hoc Gervasius Tilberiensis, Chronicon Halberstadiense, Innocentius III. Johannes Monachus referente Magno Chronico Belgico, Gobelinus Persona, Chronicon Reinersbrunnense asserunt. Cum tamen Principes non pauci his conatibus resisterent & graves turbas excitarent, Imperator juri suo, per Principum consensum quaesito, renunciavit, Principesque, qui consenserunt, ab obligatione sua liberavit. Hoc Chronicon Halberstadiense, Innocentius III. Gobelinus Persona, Chronicon Reinersbrunnense disertis verbis docent, reliqui non negant; sed tantum, tanquam a suo instituto alienum, omittunt. Inde Imperator operam tamen dedit, ut Principes filium suum, se superstitem, successorem Imperii libera electione designarent, quod etiam obtinuit. Hoc Innocentius III. & Chronicon Reinersbrunnense testantur, & cum iis multi saeculorum XII. & XIII. Scriptores, prius negotium, tanquam irritum & effectum omni destitutum, aut suis, quas tunc agebant,

agebant, rebus non fatis opportunum, silentio praetereuntes, non tamen negantes, cum, ut Philosophorum sermone utamur, *unius positio non sit alterius negatio* 2) Cum Johannes Monachus & ex eo Magnum Chronicon Belgicum dicat, quod Henricus VI. *Regnum Siciliae & Calabriae, & Ducatum Apuliae & Principatum Capuae, quae filius ejus ab avis haeres acceperat, Romano Imperio univerit, ut perpetuo terrarum istarum unus Dominus esset*, id cum iis, quae in ipsis rerum argumentis postea obtinuerunt, pugnare asserit Illustrissimus Auctor, cum nulla hujus rei vestigia sequentibus temporibus inveniuntur, nec Innocentius III. *Regist. p. 698.* ejus rei mentionem ullam faciat. Ad id vero, quod ex silentio Innocentii III. eo in loco deducitur, argumentum jam supra respondimus. Quod vero nulla ejus rei supersint vestigia, rationem habet fatis manifestam, nempe quod totum illud negotium in cassum abierit, & ab ipso Imperatore irritum redditum fuerit. Cadente itaque toto negotio, conditiones illi appositae necessario etiam conciderunt, nullumque sui vestigium reliquerunt. Cum Henricus VI. in eam Siciliae cum Imperio uniendae conditionem consenserit, eum tantum in finem, ut hereditaria gentis suae in Imperium successio a filio suo *Friderico sumeret exordium, & ut perpetuo terrarum istarum* (id est, Imperii & Siciliae &c.) *unus Dominus esset*, facile patet, quod corruente hereditaria gentis Henricianae in Imperium successionem etiam unio Siciliae &c. cum Imperio simul corruere, & nulla postea hujus unionis vestigia inveniri debuerint. Quis crederet, Henricum VI. quamvis votis suis, hereditariae successionis suae genti acquirendae, exciderit, conditionem tamen suae genti, post restitutam Principibus eligendi Imperatoris potestatem, maximo oneri futuram nihilominus superesse passum esse, quippe quā fu-

perstite, si aliquando suffragia in Principem, qui non ex gente Henrici esset, conspirarent, gens Henriciana maxima & pulcherrima patrimonii sui parte mulctaretur. Ipsa igitur conventionis natura utique non patiebatur, ut toto negotio evanescente conditiones tamen, ejus tantum obtinendi gratia additae, conservarentur. 3.) Cum inter conditiones conventionis cum Principibus initae etiam referatur, *ne Imperator mortuas manus Ecclesiasticarum personarum ultra exposculet*, id quidem aperte contrarium esse iis arbitrat^{ur} Illustrissimus Auctor, quae Archiepiscopus Colonien^{sis} in *Regist. Innoc. III. de neg. Imp. Epist. 9. p. 689.* dicit, quod Otto IV. sibi aliisque Episcopis *pravam illam consuetudinem aliorum Imperatorum, qui decedentibus Episcopis & Abbatibus Principibus in mobilibus rebus seseque moventibus succedebant, LIBERALITER remis-* rit; & quae Principes & Barones Alamanniae, Clerici & Laici, *Epist. 10. ib.* repetunt, quod Otto IV. *pravam illam consuetudinem, quam IMPERATORES antecessores sui in occupandis rebus mobilibus vel sese moventibus decedentium Episcoporum vel Abbatum Principum HVCVSQVE SERVAVERANT, penitus extirpans, Ecclesiasticos Principes ab hac indebita vexatione REGALI BENEVOLENTIA liberos dimiserit & decedentium bona suis successoribus servanda LIBERALITER statuerit.* Quomodo Otto IV. primus consuetudinem ab Imperatoribus, suis antecessoribus, *hucusque* servatam fustulisse dici, quomodo id ipsi in *liberalitatis & Regalis benevolentiae* laudem computari potuisset, si Henricus VI. illi juri jam renunciasset. Verum ad hoc caput idem, quod ad proxime praecedens, respondemus; quod conventionem, quam Henricus VI. cum Principibus inierat, rescissa & omnino collapsa, cum reliquis conditionibus, illi inhaerentibus, etiam haec renunciatio manus mortuae vel spoliū corruerit, suoque jure Imperator postea iterum usus, atque

atque ita ea consuetudo ad Ottonem usque conservata fuerit, isque adeo primus eam cum effectu abrogasse merito dici potuerit. Tandem 4.) etiam hoc cum aliis eorum temporum monumentis pugnare Illustrissimus Auctor contendit, quod Johannes Monachus & Gervasius Tilberiensis de Henrico VI. dicunt, ipsum ordinasse, *ut mulieres, masculis deficientibus, succederent in hereditatem*, aut, *ut militiae more Gallorum & Anglorum successionis jure devoluerentur ad proximiores cognationis gradus*, cum id jam antea obtinuisset luculentis, quae §. 21. & 22. producuntur, testimoniis probetur, adeoque tantquam novum, & ad captandam Principum benevolentiam & eliciendum ipsorum de hereditaria Imperii successionem consensum efficax & satis idoneum argumentum allegari non possit. Probe autem hic observari velim, quod ea, quae allegantur, testimonia vel singulare tantum privilegium, a communi regula exemptum, & ad alios non extendendum, exhibeant, cujusmodi illud est, quod ex Continuatore Reginonis producitur de Utone Comite, beneficio Ottonis M. suas res inter filios dividente; vel, si etiam ex jure communi profisciscuntur, eo tamen non progrediantur, quo usque haec Henrici VI. Constitutio, si eventum obtinuisset, successionem in Feuda Imperii extensura fuisset, nempe *ut mulieres, masculis deficientibus, succederent*, aut, ut Gervasius loquitur, *militiae more Gallorum & Anglorum devoluerentur*: adeo, ut inter eruditos hominesque tantum quaeratur: an feuda Imperii foeminea reddere, an vero, quod alii malunt, plane in allodia convertere voluerit Henricus VI. v. Struv. ad Chron. Magn. Belg. l. c. in Pistorii Script. VI. vel Rerum Germ. T. III. p. 224. not. a. Hinc novum utique est hoc Henrici consilium & ad finem, quem sibi proposuit, nempe jus hereditariae successionis in Imperium suae

genti asserendum, apprime idoneum. Denique VI. Illustrissimus Auctor ostendere vult, quod testimoniorum, quae pro sententia vulgari produci solent, aliqua quidem nihil, quod ipsi fa-
 veat, aliqua vero nonnihil, quod ipsi noceat, loquantur, utriusque vero generis testimonia in sensum plane innoxium sponte sua inclinent. Ita, cum Chronici Halberstadiensis verba Electionis in Germania abolitae mentionem non faciant, & vocabulum *heredes*, quod ibidem occurrit, ad suspicionem abolitae Electionis suggerendam solum non sufficiat, & non raro, sensu non tam juridico, quam vulgari, liberos, imo quoscunque proximo sanguinis gradu alicui junctos denotet, hinc non aliam hujus Chronici mentem esse arbitratur, quam quod Henricus VI. id, quod multos antecessorum suorum prospero successu ausos esse scivisset, & ipse tentaverit, Principes Imperii inducturus, ut vel se adhuc supersisteret filium, quem haberet vel habiturus esset, vel proximum, qui ipsi tum futurus esset, consanguineum, sibi successorem in Imperio, libera tamen electione, designarent, vel saltem fidem suam nunc adstringerent, se eundem, cum sedes Imperatoria vacatura esset, Imperatorem electuros esse. Ita porro asserit, nec ex verbis Innocentii III. *Reg. Ep. 29. p. 698.* nec Gestorum Innocentii III. *c. 19.* Friderici II. electionem impugnantibus, nec ex verbis Innocentii III. *ibid. Ep. 21. p. 695. & Ep. 29. p. 699.* electionem Philippi dissuadentibus, quicquam, quod receptam, de jure Imperii hereditario Henrici VI. familiae acquisito, opinionem fulciat, erui posse; ex verbis vero Innocentii III. *Ep. 29. p. 697.* plane contrarium illucescere contendit, cum juramentum, quod ibi Henricus *Principibus relaxasse* dicitur, Friderici electionem tantum spectasse, ipseque Henricus disertis verbis *litteras super ipsius (Friderici) ELECTIONE* remisisse

remisſe dicatur, adeo ut, quem & Chronico Halberſtadienſi adſcripſerat, cum & horum, quae ultimo loco allegavimus, Innocentii III. verborum verum omnino ſenſum eſſe, Illuſtriſſimus Auctor ſerio affirmet. Nos quidem lubentes concedimus, Innocentii III. p. 695. 698. 699. & Geſtorum Innocentii c. 19. verba nihil, quod vulgarem de introducto jure hereditario Imperii ſententiam muniat, exhibere; unde & rationem, cur nulla in his locis juris hereditarii introducti mentio fiat, paulo ſuperius indicavimus, eaque inter teſtimonia pro aſſerenda vulgari opinione producta ſtudioſe omiſimus. Nec vocabulo *heredes*, cujus ſignificationem quandoque laxiorem eſſe ipſi agnoſcimus, operoſe inhaerebimus. Quod tamen ea ſit vera Chronici Halberſtadienſis & Innocentii p. 697. ſententia, quam modo ipſis adſcribi diximus, id quidem nobis perſuadere nondum poſſumus. Quod ad Chronicon Halberſtadienſe attinet, illud ſane, cum Henricum VI. a Principibus petiſſe dicat, *ut SVCESSIONE IMPERII ad heredes ſuos tranſiret*, aliquid fortius innuere videtur, quam ſolum ſuffragiorum in Friderico ELIGENDO conſenſum, praecipue, ſi haec verba cum aliis eorum temporum teſtimoniis conferantur. Si quis ea compareret cum verbis Gervafii Tilberienſis de Henrico VI. dicentis: *impetravit a ſubditis, ut CESANTE priſtina Palatinorum ELECTIONE, IMPERIVM in ipſius poſteritatem, diſtincta proximorum SVCESSIONE TRANSIRET, & ſic in ipſo terminus eſſet electionis, principiumque ſucceſſivae dignitatis*, haec illis commentarii loco eſſe exiſtimabit, de vero illorum ſenſu non amplius haſitaturus. Accedit, quod Chronicon Halberſtadienſe ſollicite obſervet, quod *Conradus Archiepiſcopus Moguntinus conſpiraverit cum Principibus Saxoniae contra Imperatorem Henricum VI. propter id, quod ipſe petierat ab*

eisdem. Si non aliud petiisset ab eisdem, quam ut suffragiis suis Fridericum *eligerent*, mirum sane videretur, eos ideo contra ipsum conspirasse, & ita pertinaciter huic conspirationi promovendae incubuisse, ut literis & nunciis missis etiam alios ad idem audendum excitare studuissent. Potuissent suffragia negare, potuissent dissuadere aliis, alios dehortari, terrorem illis, his odium rei incutere, sed in perniciem Principis ideo conspirare cum aliqua aequitatis specie, quam omnes conjuratores affectare solent, utique non potuissent. Propter rem nec adeo reprehendendam, nec gravem satis, aut novam, sed ab antecessoribus, imo ab ipsis Saxoniae Principibus, frequenter plane & feliciter tentatam, conjurationem cum Moguntino Archiepiscopo a Principibus Saxoniae iniri, novum est & adeo inauditum, ut Auctori veteri, si quid horum serio & de industria & disertis ac perspicuis verbis diceret, fides vix haberetur. Nec illud silentio praeterire possumus, quod Chronicon Halberstadiense dicit, quod Imperator, *sicut vir sapiens & discretus petitionem Principibus porrectam relaxaverit.* Quam itaque *Principibus* Henricus *relaxavit*, petitio non utique nudum promovendae electionis Friderici negotium denotat, quod nunquam deseruit, sed in eo perficiendo potius, quicquid potuit, studii & operae pertinaciter collocavit, donec id ad finem perduceret, cuius rei, praeter alios ejus aetatis scriptores, luculentus testis est Auctor *Gest. Innoc. III. c. 19.* Nec, si id deseruisset Henricus, innoxium plane & nullis periculis expositum, *viri sapientis & discreti* elogio a Chronico Halberstadiensi ornandus fuisse videretur, tum demum illud meritum, cum ab introducendae successionis hereditariae negotio, sibi licet gratissimo, suaeque genti maxime utili, sed aspero tamen, multisque impedimentis involuto, turbasque graves excita-

excitatur, imo jam experto, desisteret. Ut vero tandem progrediamur ad Innocentii verba *Reg. Ep. 29. p. 697.* in iis sane etiam non pauca deprehendimus, quae aliquid gravius, quam solum procurandae electionis Friderici negotium spirant. Innocentius dicit, *juramentum, quod Henricus Principibus relaxavit*, antea ab ipsis EXTORTVM fuisse. Electionem Friderici persuasionibus, artibus, largitionibus obtentam fuisse, sunt qui dicant, & inter hos maxime Auctor *Gestorum Innoc. III. c. 19.* Eam vero vi extortam esse, qui dicat, nullus est, quod sciam, nec hic Gestorum Auctor, nec Innoc. III. ipse *pag. 698.* cum tamen hoc ex iis utique sit, quae neuter horum, dum Friderici electionem impugnet, alia licet prudenter suppressurus, omittere sine gravi causae suae iactura potuisset. Constitutionem vero hereditariae in Imperio successionis Principibus extortam fuisse, sunt utique, qui dicant. Ergo de hac potius, quam de illa Innocentius III. intelligendus erit, quod cuius non difficulter illucescet, qui ejus verba cum aliis, quae produximus, testimoniis sollicitè comparaturus est. Unicum superest, quod graviter obstare videtur, argumentum. Negotium, de quo ibi Innocentius III. loquitur, non aliud, quam ELECTIONIS negotium fuisse videtur, quia ipse disertis verbis dicit, quod Henricus VI. *litteras super ELECTIONE remisit.* Verum Electionis vocabulum non adeo certae & perpetuae significationis est, ut communi semper sensu accipiatur, nec aliquando & tunc quidem adhibeatur, cum jus succedendi extra omnem dubitationis aleam positum est, uti luculentis exemplis demonstrarunt Baluzius *Capit. T. II. p. 1081.* & Gundlingius *Gundlingian. T. IV. P. 17. c. 2. §. 5.* Et qui hoc vocabulum ab Innoc. III. *l. c.* proprio etiam sensu adhibitum dixerit, is utique non erraverit. Quandocunque Imperium

um aliquod ex Electivo, voluntate eorum, quibus hac de re constituendi jus est, in Successivum mutatur, ex pluribus familiis eo fastigio dignis illa eligitur, quae iis, quorum est de hac re statuere, maxime omnium placeat. Primus itaque ejus familiae, in quam jus succedendi ita transfertur, vere *eligitur*, reliqui ejus familiae, vel qui jam vivunt, vel per annorum decursum victuri sunt, jure sibi ex prima illa translatione acquisito, secundum ordinem in ea definitum, *succedunt*. Fridericus II. itaque vere *electus* fuit, reliqui Hohenstauffiae gentis Principes, si haec Constitutio effectum obtinuisset, suo quisque ordine *successuri* fuissent. Itaque cum Henricus authentica hujus Constitutionis, qua jus succedendi ipsius familiae concedebatur, instrumenta Principibus Imperii, qui consenserant, restitueret, *litteras super electione Friderici remississe* vere dici poterat, ut tamen inde veritati introductae & mox iterum abolitae successionis hereditariae nihil omnino decederet. Haec sunt, quae nobis in perlectione Dissertationis ab Illustrissimo Auctore elegantissime conscriptae subnata sunt dubia, quibus illud saltem evicisse nobis videmur, vulgarem de Henrici VI. conatibus sententiam, magno quidem studio & ingenio impugnata, nondum tamen everfam esse. Plura adderemus, si mensura hujus Annotationis, quae jam ultra modum excrevit, ea omnia caperet. Ex omnibus autem, quae de Friderico I & Henrico VI. diximus, abunde constat, quantos illi ex Juris Justiniani principis fructus collegerint, quantoque studio ea Germanis etiam commendare tentaverint.

Non minorem huic rei curam impendisse videtur Fridericus II. & ipse eruditionis laude apprime clarus, quam sine Juris Justiniani cognitione, quae ea tempestate praecipuas eruditionis partes absolvebat, assequi vix poterat. Quantum

tum ipse Jurisconsultos coluerit, ex eo maxime colligimus, quod, Collenutio *Hist. Neapol. L. IV. p. 346.* teste, Roffredi consiliis frequenter, & Petri de Vineis, Cancellarii, opera tantum non in omnibus negotiis usus sit, quo praecipue adjuvante, si Suffrido Presb. *Chron. L. II.* fides est, Constitutiones Siculas, multum ex Jure Romano trahentes, collegisse & promulgasse dicitur.

Tertia denique progressuum Juris Justinianei in Germania causa merito censetur, quametiam Heineccius noster *b. §. in f.* indicat, Odium, quo Juris Canonici usum, tum temporis in Germania increbescentem, excipiebant Imperatores. Cum circa medium Sec. XII. Decretum Gratiani in lucem prodiret, illud mox a Germanis, ad ejus usum per Collectiones Isidori, Reginonis & Burchardi jamjam praeparatis, avide exceptum fuisse videtur. Omnia ad illud Germaniae commendandum concurrere videbantur, Pontificum Romanorum auctoritas, Guelphorum studia, ipsa fontium, ex quibus Gratianus opus suum hauserat, locorum Scripturae Sacrae, dictorum Patrum Ecclesiae, Ecclesiasticorum Canonum, Decretorum Pontificiorum, veneratio, aequitatisque, qua omnes illud Gratiani Decretum ornabant, laus insignis. Imperatores, qui illud suis rebus non aequae ac Jus Justinianum favere existimabant, & Juris, quod non ex sua voluntate penderet, introductionem aegre ferebant, ipsi Jus Justinianum opponere omni studio annisi sunt, nec tamen obtinere potuerunt, ut non Juris Canonici studium, ob rationes modo indicatas, velocius in Germania progressus, quam Jus Justinianum, faceret; quod ex iis, quae paulo post dicentur, uberius innotescet.

§. LXI.

Gliscente enim juris Romani usu, DECRE- Decreti
TVM, seu CONCORDIAM DISCOR- origo.
DAN-

DANTIVM CANONVM, circa annum MCLI. ex Dionysio Exiguo, Isidoro, Ivone, Burchardo (α), aliisque canonum collectoribus, compilavit GRATIANVS (β), patria Clusinus, non Romanae ecclesiae Cardinalis (γ), quod visum Alberico Monacho in *Chron. ad ann. MCLVI.* sed monachus Benedictinus Clastensis (δ), qui, ut eo commodius hunc laborem exantlaret, Bononiam in monasterium S. Felicis secesserat *. Chifflet. *Diff. apolog. Cap. V, 4.* Pancirol. *de Clar. Leg. Interpr. III, 2.* Ger. Mastricht. *Hist. Jur. Eccles. n. 318. sequ.* Huic Canonum corpori accessere variae additiones, quae PALEAE (ϵ) canonistis vocantur, quas diversis temporibus primum exemplarium adscriptas marginibus, postea in ipsum textum migrasse, codicum MSC. fide probarunt Pithoei fratres in *praefatione editioni suae praemissa.*

* Ibi & mortuus dicitur. Exstat sane ibi ad sacellum S. Sebastiani monumentum, cum ab aliis, tum a Val. Forstero in *Hist. jur. civ. Lib. III. Cap. 7.* editum, recentius illud quidem, & a Jo. Franc. Aldravando anno MCCCCXCVIII. positum, sed ideo non contemnendum, quod ex vetere carie ruderibusque obruto descriptum sit. In eo dicitur *Clusinus, Caesarei juris & Pontificii enucleator prope divinus, monachus in martyrum Felicis & Naboris aede, ubi absolutissimum opus decretorum anno gratiae MCLI. compilavit* (ζ).

(α) Ivonem & Burchardum Gratiano ne visos quidem, multo minus in usum ab ipso tractos esse, Panzirolus *de Clar. LL. Interpr. L. III. c. 2.* nescio, qua ratione motus, contendit. Contrarium

um fere suadere videtur saeculi, quo Gratianus scripsit, vel ignorantia, vel negligentia, quae aditum ad primos fontes vel negabat, vel dissuadebat, ita ut, qui ea aetate ad aliquid scribendum accedebant, neglectis illis fontibus, circa proximos quosque collectores, qui sua ex illis vel bene vel male hausta successoribus propinauerant, haerere, quam ex limpidis fontibus derivare maluerint. Quod etiam a Gratiano factum esse, ipsa operis ab ipso compositi cum antiquioribus ejus generis scriptoribus, atque ita etiam Ivone & Burchardo, collatio pluribus in locis docet, & viri eruditi, opus Gratiani illustrantes, luculentis exemplis demonstrarunt, praecipue Antonius Augustinus, & post ipsum Espenius atque Boehmerus.

- (β) Quae ad Gratiani & Operis ab ipso compositi historiam spectant, ea omnia hic commemorare, nec vacat, nec juvat, cum omnia satis prolixè referant non tantum Auctores hic allegati, sed praeter hos multi, qui vel Juris generatim, vel saltem Canonici historiam suis lucubrationibus illustrarunt. Quae non tam ad vitam Gratiani, quam ad opus ab ipso compositum illustrandum faciunt, post eruditos Gallos Antonium Democharem & Antonium Contium diligentissime excussit Antonius Augustinus, Archiepiscopus Tarraconensis eruditissimus, duobus Dialogorum *de emendatione Gratiani Libris*, quos Stephanus Baluzius & Gerhardus von Maltricht notis exquisitissimis exornarunt. Multa huc etiam egregie facientia sistit Espenius *Scolior. in omnes Canones Conciliorum P. V. c. 3. §. 3.* & praecipue *P. VI. c. 1. 2. 3. sive Operum P. V. p. 158. sqq.* Non parum etiam lucis operi huic affundit Diomedis Bravae *Dissertatio Critica de interpolatione Gratiani*, quam Bononiae an. 1694. editam, Corpori Juris Canonici a se edito praefixit Boehmerus; qui & ipse non tantum Gratiani Opus sed &

& vitam optime illustravit singulari Dissertatione *de varia Decreti Gratiani fortuna* s. *Introductione ad novam Editionem Corporis Juris Canonici de an. 1747.* qua multa ab aliis vel omissa vel minus accurate exposita ita supplet & corrigit, ut aliis otium hac in re omnino fecisse videatur. Ex his Boehmerianis observationibus, quae, uti omnia celeberrimi Viri opera, omnes lectu dignissimae sunt, aliquas tantum, quae finem, quem nobis hic proponimus, prae aliis adjuvant, praecipue indicabimus. Causam suscepti a Gratiano Operis Correctores Romani in *Admonitione ad Lectorem*, & qui ipsorum sententiam amplectuntur, Gerh. von Maastricht *Hist. Jur. Eccl. n. 307.* atque Zieglerus *Diff. de Origine & Incrementis Juris Canonici §. 36.* invenisse se arbitrantur in Ivonis *Praefatione Decreti*, ubi aliquas regulas praescribit, secundum quas conciliari possunt canones discordantes. v. Ziegler. *l. c.* Poterant forsan hae Ivonis regulae Gratiano occasionem praebere Titulum praefigendi Operi suo: *Concordia discordantium Canonum*. Verum quod hac sola, vel saltem primaria causa, motus ad hoc opus, suo quidem tempore arduum plane & difficillimum, suscipiendum accesserit, id quidem non satis videtur verosimile. Gratianus potius, cum Jus Civile Romanum tanto ardore Bononiae doceri, Juris Canonici studia vero negligentius tractari observaret, non tantum, quod illius recenter in scholas reducti fama omnium animos in se converteret, sed &, quod huic in scholis cum fructu docendo liber idonea methodo conscriptus deesset, ne illius increbescens usus hujus luminibus officeret, animum ad hujus studia appulisse videtur. Maxime vero Gratiani studia excitata fuisse monitis & consiliis S. Bernhadi, Abbatis Claraevallensis, cum Manriquio *Anal. Cisterc. T. II. ad an. 1151. c. §. n. 6.* contendit Boehmerus

merus *Dissert. alleg. §. 10. & ibid. not. (p)*
 Quod quidem eo magis redditur verosimile,
 quo certius est, Bernhardum, Juri Civili parum
 faventem, ejus progressus, rei Ecclesiasticae
 perniciem, uti credebat, allaturos, aegerrime
 tulisse, & hinc ad eos deprimendos Eugenii III.
 summi Pontificis diligentiam provocasse, ita ut
 familiari prorsus sermone, quo erga discipulum
 quondam & alumnum, quem, ut ipse loquitur,
 per Evangelium *quondam modo* genuerat, ute-
 batur, *Lib. II. ad Eugenium* scripserit: *Quo-*
tidie perstrepunt in tuo palatio Leges: sed Justi-
niani, non Domini. Rectius etiam? Istud tu
videris. Nam Lex Domini immaculata, con-
vertens animas: eae autem non tam Leges, quam
lites sunt & cavillationes. Quapropter etiam
 ipse gravibus plane jam tum querelis monachos,
 qui Jurisprudentiae Civili operam darent, exagi-
 tavit, *in Lib. de Considerat. ad Eugen. Papam.*
 Quod ipsum virorum Ecclesiasticorum & maxime
 Monachorum excolendae Jurisprudentiae Civi-
 lis studium Bernhardi fervorem adeo excitasse
 videtur, ut suasu, hortatu, ope & consiliis & Eu-
 genii III. P. R. diligentiam in fovendo Jure
 Canonico incenderet, & Gratiani conatus ad
 scribendum Opus huic Juri promovendo idone-
 um protinus impelleret. Licet vero non pau-
 cae jam tum extarent Canonum & Decretorum
 Collectiones, nulla tamen erat, quae methodum
 Praelectionibus Academicis aptam sequeretur.
 Inde Gratianus, ne progressibus Juris Canonici
 vel ex hoc vitio mora injiceretur, veterum,
 quas collegerat, sententias ordine, ut loquun-
 tur, systematico disposuit, suisque dictis oppor-
 tuno, ut sibi videbatur, loco insertis ita secum in-
 vicem ligare studuit, ut perpetuo filo junctae
 una quali oratione procederent, nec tantum
 Distinctiones & Causae cum sequentibus, sed &
 ipsae cum suis quaeque partibus optime, ex Au-

ctoris saltem iudicio, cohaerent, totumque ita opus methodo Praelectionibus Academicis adaptata, & ad genium maxime saeculi, quo edebatur, attemperata docentium discentiumque operam egregie levaret, eorumque ita studia fortius excitaret. Hoc Gratiano consilium, hanc disponendi operis regulam fuisse, scita Distinctionis I. & II. analysi probat Boehmerus *Dissert. alleg.* §. 11. & ibidem *in notis*, praecipue *not. (d)*. Cum quo conveniunt pleraque, quae de hoc Gratiani labore dicit Caesar Egassius Bulaeus in *Hist. Universit. Paris. T. II. Sec. IV. p. 255*. Omnibus ita numeris, ut sibi persuadebat, absolutum Opus Gratianus examini Academiae Bononiensis subiecit, ut ea illud, si ita visum fuerit, ita diligenter examinatum, Eugenio III. Pontificia auctoritate confirmandum offerret, quibus votis quomodo felix eventus responderit, mox dicemus ad §. seq.

(2) Fontem erroris jam indicavit Chiffletius *l. c.* & post ipsum Gerh. von Mastricht *Hist. Juris Eccl. n. 332*. ac Struv. *Hist. Jur. c. 7. §. 17*. atque Boehmerus *Diss. alleg. §. 9. not. (l)* & §. 10. *not. (s)* in f. Nemp *Alexander III. Pisanum quendam*, cui Gratiano nomen fuit, ex Subdiacono & Scriptore Apostolico Cardinalem creavit, & suorum omnium consiliorum participem atque adiutorem esse voluit Anno salutis 1177. Unde forte orta Alberici opinio in eam historiae speciem coaluit, quam bona fide literis consignavit. Miratur Boehmerus, Gratianum, licet suo tempore nominis celebritate meritisque in rem Ecclesiasticam aliis praestiterit, ad altiore gradum in Ecclesia haud esse evectum. Nec tamen eum nulla plane dignitate conspicuum historica monumenta sistunt. Magistri Decretorum, & sacrorum Canonum publici Professoris titulo, non levis ea aetate honoris & auctoritatis nomine, ipsum ornat

nat Kalendarium Archigymnasii Bononiensis vetustissimum *ad diem 21. Martii* quem titulum repetit *ad diem 4. Nov.* Cui iungenda Glossa in c. 2. *Distinct.* 68. Imo ipsum ab Eugenio III. Ecclesiae Clusinae in praemium operae in colligendo Decreto egregie praestitae, praefectum fuisse ex fide Martini *in Chron.* & Alberici *in Diction.* refert Mastricht *Hist. Jur. Eccles.* n. 301. quibus Auctoribus idem jam antea testatus erat Panzirollus *de Clar. LL. Interpr. L. III. c. 2.*

(d) An Clastensis, vel; ut alii, Classensis monachus fuerit, incertum plane est, ita ut de eo merito dubitaverit Baronius *Annal. Eccles. ad ann. 1151. n. 6.* & cum ipso Mastricht *Hist. Jur. Eccl. n. 295.* alique plures. Vetustissima monumenta, nempe Inscriptio Codicis Vaticani, quam Baronius allegat, lapidis etiam ad ostium cubi- culi, quod olim Gratiani in Monasterio S. Felicis Bononiensis fuit, positi & inde in sacrum translati ligatae orationis inscriptio, nec non ipsum Gratiani Epitaphium eum monasterio S. Felicis adscribunt, nulla Classensis monasterii mentione facta.

(e) Quae huius nominis, quo quidam Decreti textus notantur, origo sit atque significatio, eorum, qui Juris Canonici historiam vel leviter tangunt, nemo est, qui non disquirat, variasque aliorum de hoc nomine conjecturas recenscat, vel suas etiam suggerat. Quatuor opiniones fi- stunt Correctores Romani *in Admonit. ad Lect.* vel 1.) quod capita, in quibus res inanes ac le- ves continerentur, hoc nomine appellarentur, vel 2.) quasi τα παλαιά f. antiqua, vel 3.) quasi additiones quaedam, derivata & depravata voce ab adverbio πάλιν, vel denique 4.) a quodam Proto- palea vel Procopalea, quem Jafon Cardinalem di- xerit,

xerit, quique haec capita Gratiani Collectioni adjunxerit. Alii alias conjecturas addunt v. g. 5.) quod, cum quidam Cardinalis, cui Opus suum ad Eugenium III. P. R. deferendum Gratianus obtulerat, gloriam ex alieno labore captaturus, ii quaedam a Gratiano omissa adjecisset, idque ita auctum pro suo venditasset, Gratianus ipse fraude hominis intellecta eas additiones *paleas* per contentum dixerit, vel 6.) quod capita quaedam a Gratiani discipulo, *Palea* dicto, qui diversas ejus libri inscriptiones, quandoque etiam improbatas, fecerit, vel 7.) quod Decreta novissime adjecta, velut suspecta ac fide carentia ita appellata fuerint, vel tandem 8.) quod Eugenius III. capita quaedam, nulla auctoritate valitura, asterisco notaverit, & hinc ea *paleis*, pondere carentibus, exaequata fuerint. Quas opiniones omnes refert & suis quasque auctoribus vindicat Mastricht *Hist. Jur. Eccles. n. 314*. Quae verior sit harum opinionum omnium, operose disquirere operae pretium non est. Illud tantum notamus, eos maximopere falli, qui vel ab uno homine, vel ab uno actu, hoc, quicquid est nominis, derivandum esse statuunt, cum vetustissimi Codices MSCti alii quidem nullos horum textuum, qui *Paleae* nomine nunc signantur, exhibeant, alii aliquos, sed margini adscriptos, vel in fine cujusvis distinctionis aut quaestionis annotatos, hosque iterum vel *Paleae* nomine signatos, vel hoc nomine carentes, sistant, & in Joannis Teutonicus scholiis raro ad verba eorum capitum aliquid adscribi observet Ant. Augustinus de Emend. Grat. L. I. Dial. 2. p. 24. manifesto argumento, nec Gratiani, nec unius, quicumque demum ille fuerit, auctoris esse hos textus, sed esse Gratiano nunc hos, nunc illos diversis temporibus, non unius tantum auctoris manu additos. Quae sententia etiam est Pithoeorum fratrum in Praefatione

fatione Corpori Juris Canonici a se edito praefixa. Codices MSCti Bibliothecae Regiae Berolinensis Imus & Illius eorum, quibus Boehmerus se usum esse scribit *Dissert. allegat.* §. 23. uterque Saeculi XIII. nec non Codex MSCtus Bibliothecae Monasterii Sti Blasii apud Vefontionem, quem Diomedes Brava in dijudicandis Gratiani interpolationibus unice secutum se testatur in *Disquis. Critica de Interpol. Gratiani*, vel plane textus, *Palearum* nomine nunc insignitos, ignorant, vel si quos eorum exhibent, a *Palearum* nomine tamen omnino abstinere. Tempus autem, quo haec additamenta Gratiano accesserunt, ex historia Codicum MSCtorum Operis Gratiani felicissima conjectura erui potest. Diomedes Brava inter viginti, quibus usus est, Codices MSCtos aliquem jam anno 1256. adeoque uno, & quod paulisper excurrit, saeculo a Gratiani Operis editione exaratum, & *Bibliothecae Barchionensis cujusdam coenobii quondam additum*, praecipue laudat, *iisdem tamen additamentis*, quae *Paleae* appellari solent, *infartum*; certo inde argumento futurum, additamenta illa Gratiano ante hunc annum jam inserta fuisse. Unde Boehmerus in *Admonitione Editoris Prima* optima ratione suspicatur, ex Bernardi Circae, Papiensis, Collectione, quam ante annum 1191. prodiisse optime conjicit *Mastricht Hist. Jur. Eccl. n. 338.* quaeque ab iis, quae Gratianus collegerat, *sedulo abstinuit*, quaedam autem ab hoc *neglecta* exhibet, aliqua a quopiam excerpta & bono consilio ad marginem Gratiani Operis notata esse; ita & Juris Civilis capita a Gratiano vel plane omissa, vel tantum ex Codice, ut Brava docet, Theodosiano, vel potius Alariciano derivata, ab Interpretum aliquibus, Gratiano textui forte ex Justiniano Corpore addita fuisse; utriusque vero generis additamenta a librariis postea in ipsam textum fer-

em, vel errore, vel opera male sedula, conjecta, ab aliquibus postea minorem his, quam Gratiano, auctoritatem tribuentibus *Palearum*, tanquam minoris momenti capitum, nomine indicata fuisse. Quod enim eo tempore ea, quae non omnibus probarentur, vel minoris, quam alia, auctoritatis essent, *Paleae* dici consueverint, insignis locus Humberti de Romanis, ejusdem, quo Barchionensis Codex exaratus est, saeculi, id est, XIII. scriptoris, a Boehmero *Dissert. alleg. §. 18. not. (n)* productus, peropportune ostendit, ubi Auctor *de eruditione praedicatorum L. II. Tit. 69. ad studentes in Jure Canonico* de insigni hujus utilitate locutus sic pergit: *Notandum iterum, quod in hujusmodi scientia Juris sunt multa, quae pertinent ad animarum salutem. Alii vero, quae pertinent ad causas litigiosas. Sed sunt quidam infelices, qui primum vocant paleam, & non curant de illo, tanquam de palea; cum e contrario secundum sit palea. Quicquid enim temporale est, palea est, cum sit transitorium, sicut dicitur super illo verbo Exodi quinto: Dispersus est populus in omnem terram Aegypti ad colligendas paleas: imo etiam illi, qui ista sequuntur, sunt palea secundum Augustinum, dicentem: Dum paleam sequeris, palea efficeris. Et ideo tales comburentur igne inextinguibili. Haec igitur, quae ad causas temporalium pertinent, reputanda sunt palea: quae vero ad salutem animarum, granum, quod melius est. Ita & in ista scientia istud, quod ad salutem animarum pertinet, diligentius est colligendum, sicut granum diligentius colligitur, quam palea &c. His Paleis alii multam, alii nullam, nonnulli aliquam, non tantam tamen, quantam Gratianeis textibus, auctoritatem tribuunt. Tertia sententia temporibus Gratiano proximis non male convenire videtur, quibus differentiae inter textus a Gratiano agnitos & alios,*
ipsi

ipsi ab aliena manu affutos, memoria adhuc recens hos cum illis paris auctoritatis esse, nec pati potuit, nec passa est. Non pati potuit, quia Constitutio Eugenii III. summi Pontificis, qua Gratiani textus ipsos, non alios ipsi clandestino ausu mox addendos, approbaverat, obstabat. Non passa est, quod datum his *Palearum* nomen, cuius significationem ex ejusdem temporis usu jam ostendimus, non obscure docet, adeo, ut textus *Palearum* nomine inscripti, non aliam eo tempore auctoritatem habuisse videantur, quam qua suo quisque merito gavisurus fuisset, si extra omnem Canonum Collectionem perpetuo vagatus fuisset. Temporibus vero a Gratiano remotioribus, quibus memoria illius differentiae non tantum ob lapsum annorum, sed & saeculorum infelicitatem, paulatim animis exciderat, & Gratiani Decretum accessionibus alienis auctum, e scholis in forum progressum fecerat, & jam tantum non ubique receptum erat, *Paleae* non multo minorem, quam Gratiani Decretum ipsum, auctoritatem ex receptione consecutae sunt, donec literis melioribus restitutis & aditu ad historiarum monumenta patefacto, memoria illius differentiae etiam restituta fuerit, & ita de *Palearum* auctoritate denuo dubitari coeperit, ita, ut ad Gratiani textus suo consensu firmandos, non vero, ubi ab iis dissentiant, infringendos; ubi vero aliquid iis non decisum continent, plena auctoritate ex receptionis Jure allegari possint, nisi recentioribus Constitutionibus iis derogatum fuerit.

- (?) Verba haec partem faciunt monumenti, quod integrum, sed mendis inquinatum, exhibent Panzirol. *de Claris LL. Interpret. L. III. c. 2.* Forsterus *l. c.* & Gerh. von Mastricht *Hist. Jur. Eccl. n. 329.* Potuisset huic etiam jungi altera sermonis ligati inscriptio, quam iidem Auctores,

& ipsam nonnihil corruptam sistunt, cujus mentionem jam fecimus hoc §. *not.* (d) quae in Monasterio S. Felicis Bononiensis reperitur, atque docet, locum eum veneratione dignum esse, quod Gratianus ibi Decretorum opus perfecit, quodque lapis ipsius memoriae ibi antea positus, ubi operi perficiendo incubuerat, propter vetustatem illuc, nempe in sacrum, translatus sit auspiciis Abbatis Bartholomaei a. 1321. Utramque Mabillonius praefens ipse inspexit, atque vitiis purgatam fidelissime exhibuit *Itin. Ital.* p. 197. & sq. ex quo utramque sistit Boehmerus *Dissert. alleg.* illam quidem §. 9. n. (k) hanc vero §. 10. n. (q).

§. LXII.

Illud &
Germanis
& aliis
gentibus
obtrudere
volebant
Pontifices.

Quamvis vero privatum hoc monachi opus non eo iudicio ac cura (a) confectum sit, ut nomen *concordiae discordantium canonum* sine rubore sustineat, Ziegl. *Diss. Praelim. ad Lancell.* §. XXXVIII. nec a Pontifice aliquo (β) umquam juris robur acceperit: nihil tamen reliqui fecerunt (γ) Pontifices, ut illud gentibus omnibus obtruderent, licet irritum aliquamdiu conatu, quum tot experimentis moniti Reges & Principes non possent non subolsacere, quid ea legislatione adfectet aula Romana*. Maluerunt ergo juris Justiniani studia evehere, quam collum submittere jugo illi Pontificis Romani durissimo. Selden. in *Diss. ad Fletam.* VI, §. p. 1078.

*Probavit hoc laudatus Seldenus insigni loco Orderici Vitalis *Hist. Eccles. Lib. XIII.* p. 919. qui verba faciens de concilio generali ab Innocentio II. Papa anno MCXXXIX. Romae habito, illisque

que, qui illuc confluxerant: *Multa eis, inquit, Papa de priscis Codicibus propalavit, insignemque SACRORVM DECRETORVM TEXTVM congeffit. Sed nimis abundans per universum orbem nequitia terrigenarum, corda contra ecclesiastica scita obduravit. Unde remeantibus ad sua Magistris apostolica decreta passim per regna divulgata sunt. Sed nihil, ut manifeste patet, oppressis & opem desiderantibus profuerunt, quoniam a PRINCIPIBUS & OPTIMATIBUS REGNORVM cum subjectis plebibus parvipensa sunt.* Quum vero eo tempore in lucem nondum prodisset decretum Gratiani: intelligenda est alia Decretorum collectio, ipsius Innocentii Papae II. jussu confecta, nisi cum Bellarmino suspicari malis, Gratianum jam ab anno MCXXVII. in adornando eo opere defudasse (d). Potuit ergo Innocentius hoc ipsum opus, licet nondum suis numeris absolutum, concilii patribus commendasse.

(a) Multum de erroribus a Gratiano commissis queruntur passim viri eruditi, adeo, ut illis antea probe pensitatis Espenius tandem *Scolior. in omnes Canon. Part. VI. c. 3. §. 2. ab init.* in haec verba prorumpat: *Mirandum alicui non immerito videri posset, quomodo opus privati monachi, qualis fuit Gratianus, tanta confusione compactum, tot erratorum congerie refertum, ad eam auctoritatem & venerationem, de qua in §. praecedenti, pervenire potuerit, tantoque Doctorum, tam Theologorum, quam Jurisperitorum, consensu & applausu suscipi & laudari meruerit.* Antonius Augustinus, Archiepiscopus Tarraconensis, vir summae eruditionis & judicii acutissimi, qui insignem in emendando Gratiano operam praestitit, antequam ipsos errores evolvendos speciatim aggrediatur, summa eorum capita de *Emend. Gratiani L. I. Dial. I. p. 8. edit. Gerb. v. Mastricht* his verbis indicat: *Ita multa sunt, ut non facile omnia uno die expli-*

cari possint. Sed genera tibi errorum quorundam proponam, ut postea, de quibus magis placebit, agamus. Saepe erratum esse video in nominibus hominum, urbium, provinciarum, Conciliorum, & aliarum rerum, quae postea exemplis apertiora fient. Saepe falsae sunt inscriptiones, & quae Conciliorum sunt, Pontificum Maximorum esse dicuntur; & quae sunt unius Episcopi inferioris, Romano Pontifici, aut Concilio generali, vel provinciali tribuuntur. Ex hoc genere sunt illa, quae ex Concilio Martini Papae, aut Hadriani Papae sumpta esse feruntur, quae vel Martino Bracarensi, & Graecis Conciliis, vel Engelramo Episcopo, vel Hadriano ad Engelramum inscribi debuerunt. Multa Gregorii, Ambrosii, Augustini, vel Hieronymi verba esse dicuntur, quae aut nusquam exstant, aut aliena sunt. Illa quoque, quae inscriptiones habent veras, non recte referuntur. Saepe enim contrarias sententias referri scimus, saepe valde praecisas. Jam vero, quae ex Graecis fontibus manant, ex variis interpretationibus afferuntur, quasi sint aliorum scriptorum: ac saepe aliud Graece, quam Latine significant. His mox Interlocutor Dialogorum Libri I. secundus paucis interjectis ibi. p. 9. haec subjungit: non is sum, qui operae pretium esse existimem, tam multa de solo Gratiano dici. Hic enim, ut nosti, & ut facile omnes concedunt, compiler insignis, nihil fere habet valde utile, quod proprium dicere possis: sed corniculæ illi similis, ut est in fabulis, risum scientibus, admirationem ignorantibus movet. Si verba consideres, nihil illo tritius; si artem requiras, & ordinem dicendi, frustra laborabis. Ita multa refert alieno loco ponenda, ita pro certis incerta constituit, ut malis illa eadem in ipsis libris non solum Conciliorum, sed etiam Burcharði & Ivonis, & aliorum Collectorum requirere. Itaque, dum tu, quid apud Gratianum mutan-

mutandum sit, dices, in veteri me confirmabis opinione, qui frustra hunc scriptorem mendis purgari putem &c. Quicquid horum sit, multa, quae Gratiano exprobrantur, infelicitati saeculi magis, quam ipsi imputanda esse existimarem, eumque laude, quam meretur, Auctoris in illa caligine temporum plane egregii non privarem.

(β) Cum Auctor Vitae Eugenii III. nec non Trithemius atque Sigonius, & alii horum auctoritate ducti, asserant, Decretum Gratiani ab Eugenio III. summo Pontifice approbatum fuisse, nec tamen vel ipsum diploma approbationis, vel testem saltem aliquem ejus saeculi in suae assertionis argumentum producant, multi hanc approbationem vel plane negant, vel saltem multis dubiis involvunt. His etiam accesserat Boehmerus *J. E. L. I. T. 2. §. 18.* qui tamen postea, meliora doctus, non tantum Decretum ab Eugenio III. approbatum asserit, sed luculento etiam testimonio probat *Dissert. alleg. §. 12.* ibique *in notis.* Alius nimirum est Decreti usus *doctrinalis*, uti loquuntur, & Academicus, alius *legalis* atque forensis. Illum Decreto disertis verbis concessit Eugenius III. hunc vero Pontificum nullus, nisi tacite. Scilicet postquam ultimam manum suo tandem Operi addidisset Gratianus, illud mox censurae Academiae Bononiensis obtulit, precibus additis, ut ea id postea Eugenio III. Papae mitteret, Pontificia auctoritate confirmandum, & usibus Academicis ab ipso commendandum. Annuit his precibus, nomine Academiae, Archidiaconus Bononiensis, ejus Cancellarius, atque Gratiani Opus summo Pontifici obtulit, & quam petiit ab eo confirmationem, mox etiam obtinuit. Testimonium hujus rei insigne praebet Kalendarium Archigymnasii Bononiensis vetustissimum, cujus verba ab Alexandro Machiavello *in notis ad Sigonii Hist. Bononiens. L. III. ad ann. 1151. p. 128.* producta Boehme-

rus *Diff. alleg. §. 12. not. (g)* sistit, quae ad d. 21. Martii haec sunt: *Hac die Gratianus monachus celeberr. S. Felicis, cognomento magister decretorum, & a plur. annis sac. canon. in hoc lyceo pub. prof. obtulit de a. 1151. univ. J. consultis pub. nostris interp. & scolar. dantibus hic operam legibus, insigne opus suum a plur. annis retro sub magno labore congestum & modo absolutum, concordiae discord. canonum, quod appell. est decretum, rogans eos dimisse, ut sibi compatiendo dignarentur illud examinare & corrigere & postea offerre D. Apostolico Eugenio III. ut de sua venia posset publice legi & explicari, prout laudato solertiss. Authore, R. D. Archid. nomine Academiae sponndit facere, & onus assumpsit, ac porro etiam obtinuit cum magna satisfactione d. D. papae de A. 1152. Quod Gratianus jam a. 1151. dicatur sacrorum canonum in hoc lyceo publicus professor, id quasi per prolepsin dictum utique videtur Boehmero, cum licet jam antea ibidem fuerit publicus professor, forsan liberalium artium & philosophiae, annodemum 1152. publicus Juris Canonici Professor creatus fuerit; quod, ut alia quaedam notatu dignissima, quae promulgationem Bullae confirmatoriae comitabantur, idem Kalendarium ad d. 4. Nov. refert: *hac die de anno 1152. R. D. archid. Bonon. tamquam major hujus stud. gen. cancell. convocatis, omn. pub. jur. interp. & cap. nat. scholarium legist. in S. Petri, promulgavit lteras apost. D. Eugenii papae III. ad ipsum dat. Romae 21. Oct. praeteriti, per quas dabat suum PLACET super hoc, quod compilat. magistri Gratiani superiori A. per eum huic lycaeo oblata, & a d. D. archid. Romam missa, ut sana & canonica pub. posset legi & explicari, commendans insuper summo opere, & maxime clericis, hoc studium sacrorum canonum, spem denique dando, fore se magnis honor. atque dignit. cumulaturum*
eos,*

eos, qui proficiscunt in hac facultate. Et proinde
 hac eadem die fuerunt assumpti duo pub. jur. in-
 terp. qui d. decretum legere incoeperunt, & fue-
 runt idem mag. Gratianus mon. S. Bened. &
 mag. Raynerius Bellapeccora ex canon. regular.
 usque ad exitum vitae suae &c. Hae itaque pri-
 mae sunt Juris Canonici cathedrae Academicae,
 quae ejus Juris studia promptissimo successu pro-
 moverunt. Ut vero nihil omitteret Eugenius III.
 quo progressus Juris Canonici adjuvarentur, mox
 anno 1153. alia Constitutione promulgata, nova
 media invenit, quibus animi ad Juris Canonici
 studia magno ardore prosequenda protinus incen-
 derentur. Gradus quippe Academicos Bacca-
 laureatus, Licentiae, & Doctoratus, antea jam
 in Jure Civili & Artibus conferri solitos, Juri
 Canonico etiam, & quidem cum aliqua honoris
 praerogativa, indulgit, & quinquennium, quod
 Juri Civili addiscendo olim Justinianus destina-
 verat, & hic observari praecepit, idque ita di-
 visit, ut non nisi triennio absoluto ad baccalau-
 reatum, & si huic annus adderetur, ad Licenti-
 am, atque tandem absoluto plane quinquennio
 demum ad Doctoris honores aditus pateret, ita
 ut etiam divisio Decreti in tres partes his tribus
 honorum gradibus, per intervalla temporum de-
 mum acquirendis, accurate respondere, & a Gra-
 tiano in eum finem facta esse, non immerito vi-
 deatur Boehmero *Dissert. Alleg. §. 13. not. (n)*.
 Haec, si excipias, quae de ratione divisi in tres
 partes Decreti modo dicta sunt, Kalendarium
 Bononiense ad d. 7. Martii sollicitè omnia com-
 memorat: *Hac die, ait, de A. 1153. in gen. con-*
ventu pub. jur. interp. & scholar. dantium ope-
ram legibus in utroque jure habito de ordine R.
D. archid. tanquam maj. cancell. hujus stud.
gen. in Sancti Petri edita est constitutio D. apo-
stolici Eugenii papae III. dat. Laterani 14. Febr.
hujus anni, & per eum transmiss. ad d. R. ar-
chid.

*chid. super facultate ipsi collata constituendi baccalaureos & licentiatos, atque eosdem creandi distinctim a gradu vel censura in jure civili, doctores sive magistros in jure canonico, cum iisdem honor. dignitat. praerogativis &c. quibus fruuntur baccal. & licentiati & creati doctores Bonon. in jure caesar. & artibus per d. D. archid. ita quod in omnibus & per omnia, qui creati erunt doctores sive magistri in jure canon. posthac Bononiae per d. D. archidiacon. sint, habeantur ad instar & aequiparentur, sine ullo discrimine doct. ita creatis, vel in jure caes. vel in artibus, immo hi tanquam digniores propter divinum jus, quod pertractant, praeferrī debeant, & praecedant in quacunque alia facultate doctoratos. Baccalaureus vero constitui nullus poterit, nisi postquam bene studuerit per tres annos, & pub. disputaverit cum schol. in jure hoc; item neque postea poterit quispiam baccalau. licentiarī, nisi bene studuerit altero anno a baccalaureatu & pub. disput. cum aliis baccalaureis in hoc jure, & demum doctor nullus creari in jure canonico poterit, nisi qui altero rursus anno, postquam fuit licentiatu in d. hoc jure, optime in eo se habuerit, atque rigorosum subierit sub aliis doctoribus examen sub poena nullitatis actus. Ex quibus verbis praeter alia & hoc maxime discimus, gradus Academicos non nunc demum in gratiam Juris Canonici inventos & institutos esse, uti Caesar Egassius Bulaeus *Hist. Univ. Paris. Sec. IV. T. V. p. 255.* existimavit, sed in Jure Civili & artibus jam antea conferri solitos, nunc etiam Juris Canonici cultoribus concedi coepisse, quod aliis etiam ejusdem Kalendarii verbis, quibus mors & funus Gratiani recensetur, iterum inculcatur: *Septembris 19. funus cl. Gratiani, cognomento magistri decretorum, monachi S. Benedicti ad S. Felicem Bononiae, ubi per plurimos annos fuit pub. sac. canon. interpret & conges-*
sit*

fit suam concordant. discord. canonum vulgo appellat. decretum, quod opus huic Archigymnasio obtulit, ut supra ad diem 21. Martii & de venia B. Eugenii III. coepit publice legi & exponi, delectis eodem mag. Gratiano & mag. Raynerio Belapecora, ut pariter supra sub die 4. Novembris, cum incomparab. decore & honorif. stud. gen. Bonon. in quo ob id quoque instituti sunt baccalaurei, licentiati & doctores, sive magistri etiam in jure canonico, ut fiebat in jure civili & artibus, quare memoria tanti viri erit apud nos in laude perpetua & sancta benedictione. Obiit autem ipse hac die A. S. 1158. & sepultus est in S. Felice. Verba haec omnia Kalendarii Bononiensis, licet satis prolixa & jam ab Alexandro Machiavello l. c. & Boehmero Dissert. alleg. §. 12. nott. (g. i. l.) edita, hic omittenda non videbantur, cum iis & multa, antea satis ambigua multisque litibus ansam praebentia, certa & perspicua reddantur, & praecipuae causae promtorum, quos Decretum vix natum fecit, progressuum indicentur, adeoque ea omnibus, qui historiam Juris sibi cognitam reddere gestiunt, iterum iterumque inculcari mereantur. Nec fidem horum verborum aliquis facile in dubium vocare poterit, cum illud Kalendarium, cujus authenticum vidit, vetustissimum appellet Machiavellus, & ipsae narrationes hujus Kalendarii omnibus dierum, annorum, personarum, aliarumque circumstantiarum notis ita sollicitae sint circumscriptae, ut auctorem, qui vel ipse rebus, quas commemorat, praesens adfuit, vel saltem eas ex monumentis ejus temporis fidelissimis hausit & diligentissime literis consignavit, certis indiciis prodant. Nec fidei hujus Kalendarii ideo aliquid decedit, quod Constitutiones quasdam laudet, quae nusquam inveniuntur, cum gravis, quae Academiam Bononiensem anno 1313. afflixit calamitas, ferale nimirum incendium, quo secretior pars

Archivi absumta est, harum Constitutionum authentica sine dubio etiam consumserit. Rem ex fide Baldi *in prima constit. D. §. haec autem tria* refert Alexander Machiavellus *in Augustalis Theodosiani diplomatis apologia pro archigymnasio §. 9.* & ex eo Boehmerus *Dissert. alleg. §. 10. not. (a)*

(v) Quod Eugenius III. summus Pontifex multum operae impenderit, ut Decretum Gratiani omnibus commendaret, ex iis, quae dicta sunt, facile innotescit. Quod successores ipsius illud non neglexerint, paulo inferius docebitur. Cum vero haec Canonum Collectio fuerit earum, quae tum maxime cognitae erant, omnium absolutissima, & ad usum Academicum, pro ratione illorum temporum, maximopere attemperata, mirum non est, quod usum ejus multo studio adjuverit Eugenius III. Nec satis perspicio, quid causae sit, ut id ipsi ejusque successoribus vitio vertat A. N. Si Imperatores potuerunt Juris Justiniani studia non tantum per Italiam promovere, sed & in Germaniam transferre, a qua tamen illud tanto locorum & temporum intervallo remotum erat, jus certe Germanis plane peregrinum, & ab ipsorum moribus immane quantum abhorrens; multo minus sane dubitandum est, Pontifices Romanos, quorum quod esset de rebus ecclesiasticis statuere, nemo tum facile dubitabat, potuisse omnibus, maxime autem Clericis, commendare usum Juris, cujus fontes tum omnium veneratione excipiebantur, cujus capita nihil spirabant, quod tum quidem novum & inauditum, & a principiis & moribus populorum, qui tum temporis orbem Christianum implebant, alienum videri poterat, sed quae potius in negotiis Ecclesiasticis quotidie agnoscebantur, adeoque in orbe Christiano tum plane domestica erant. Nec inane fuit studium, quod in promovendo Decreti usu posuerunt Pontifices. Hinc is non in Italia tantum haesit, sed mox
etiam

etiam in alias terras diffusus est. Ita mox eum in Galliam transiisse & in Parisiensi Universitate sedem sibi quaesivisse Bulaeus *Hist. Univ. Paris. T. II. ad Sec. IV. p. 580.* observat. Ita postquam Arnoldus Lubecensis *Chron. Slav. L. III. c. 5. §. 2.* Danos laudasset, quod nobiliores juvenes Parisios mittere soliti essent, ut ibi linguae & literarum studiis imbuerentur, mox addit: *Si quidem propter naturalem linguae celeritatem, non solum in argumentis Dialecticis subtiles inveniuntur, sed etiam in negotiis Ecclesiasticis tractandis boni Decretistae sive Legistae comprobantur.* In Germania vero quod mox etiam increbuerit Decreti usus, illud maxime argumento est, quod vel ipse Fridericus I. Imp. licet Juris Civilis magis, quam Canonici studiis favens, adeo tamen Decretistarum necessitatem agnovit, ut ipsos non minus, quam Legistas, quos solos tamen sine dubio sibi adjungere maluisset, in suo plane comitatu habuerit, eorumque opera in gravissimis negotiis usus sit. v. *supra ad §. 60. n. (a) p. 826.* imo plane filium Henricum his studiis imbui curaverit, quod ex Alberici verbis *supra ab A. N. §. 60. in not.* relatis colligitur; quodque ejus tempore inter merita Bertholdi, quibus sibi ad Archiepiscopatum Bremensem aditum quaesiverat, *Decretorum etiam peritia* relata fuerit. v. *ibid.*

- (d) Quia Gratianus ad Decretum colligendum tum demum accessit, cum Juris Civilis studium jamjam Bononiae increbuisse v. *supr. §. 61. n. (β) p. 848.* non poterit facile initium laboris a Gratiano suscepti ad hunc annum jam referri, multo minus Innocentius II. illud opus, quod demum anno 1151. prodiit, & de quo, quale quantumque futurum esset, tunc nondum constare potuit, jam 1139. praesenti usui, de quo Ordericus Vitalis disertis verbis loquitur, commendasse censerit.

§. LXIII.

Hinc juri
Romano
pretium
statutum.

Inde factum, ut jam saeculo XII. multoque magis insequente in Germania passim provocetur ad jus civile Justinianum, quamvis, quum in Episcoporum curiis & Decreto aliquis (α) locus esset, simul jus canonicum non exigui usus (β) haberetur. Collegere ex variis diplomatibus & scriptoribus rerum Germanicarum ejusmodi formulas Hertius *de Consult. Leg. & Judic.* §. XIV. Ill. Boehmerus in *Jur. Eccles. Protest.* 1, 2, 48. Struv. *Hist. Jur.* VI, 39. p. 529. sequ. ex quibus patet, Germanos a saec. XII. actus suos civiles ad utriusque juris normam componere coepisse. Quum vero & nobis, quantum per negotia licuit, inquirentibus talia quaedam in manus inciderint; ea cum reliquis secundum temporis seriem disponere non pigebit, ita tamen, ut & Burgundici regni, quod tum Germanico unitum erat, simul habeamus rationem.

(α) Imo multus. Duas praecipue causas, quae Decreti auctoritatem ubique promoverint, allegat Franc. de Roye *Instit. Jur. Can. Prooem.* §. 6. & Espenius *Scol. in omnes Can. Concil. P. VI. c. 3. §. 2.* quarum prima est methodus, qua Gratianus in Decreto usus est, discentibus facilior & iis maxime temporibus grata. Scilicet methodo quadam systematica usum esse Gratianum ostendimus *supra* §. 61. n. (β) p. 849. Haec praelectionibus Academicis aptior merito videbatur, quam qua aliae Collectiones Canonum antiquiores, nullo rerum ordinis & interno ne-

xu servato, consarcinatae erant. Accedebat,
 quod ea methodus ad normam scholasticam, quae
 tum Petro Lombardo vel auctore vel promotore
 passim regnare coeperat, attemperata erat. Avi-
 de itaque eam juvenes excipiebant & ita etiam
 Decreti ipsius capita & eorum sensum facilius
 addiscebant. Jura, quae studiosae juventuti
 in scholis, & quidem per modum alicujus sy-
 stematis, inculcantur, altius omnino haerent ani-
 mis & fortiores radices agunt, ac certiora in-
 crementa capiunt felicioresque omnino progres-
 sus faciunt, quam quae solo usu addiscuntur.
 Justinianus certe novum, quod promulgaverat,
 Legum Corpus, non credidit, certius & prom-
 tius in usum deduci posse, quam si Institutio-
 num libello in usum scholasticum composito,
 ejus saltem principia methodo quodammodo sy-
 stematica in Academiis commode praelegi & ex-
 plicari curaret: Gratianus totam Canonum do-
 ctrinam hac methodo proponens & Academicis
 praelectionibus eam offerens, feliciores, quam
 quivis ante ipsum Canonum & Decretorum Col-
 lector progressus fecit, adeo ut Franciscus de
 Roye l. c. merito dicat: *Cum studiosi a suis Ca-
 nonici Juris Professoribus nihil aliud domum su-
 am exportarent, quam Glossas & Commentarios
 in Decretum Gratiani, hoc ei magnam existima-
 tionem apud omnes peraeque gentes conciliare po-
 tuit.* In eo sane Jus Canonicum ejus temporis
 ipso Jure Civili felicius fuit, quod, cum hujus
 partes pleraeque nullo rerum interno nexu co-
 haerent, si brevissimum Juris compendium,
 quod aliquam methodi speciem prae se fert, ex-
 cipias, e contrario Juris Canonici, quod tum
 fuit, integrum Corpus methodo Academica &
 ea quidem, quae illi saeculo maxime placebat,
 compositum esset. Unde etiam Decretum, licet
 Jure Civili jam fere adulto natum, mox aequo
 cum illo pede processit, & cum vix lucem vi-

diffet, ubique penetravit, ita ut statim, ubi Civilis, ibi & Canonici Juris, non raro vero hujus, sed nulla illius, vestigia se proderent. Secunda, quae allegatur causa, est fama, quae tum Academiae Bononiensis erat, maxima, ad quam tunc ex omnibus Europae partibus juvenes certatim convolabant, adeo ut illa jam ipsis Decreti nascentis temporibus in multas nationes, suis capitibus & magistratibus distinctas, divisa fuerit, quod vel ipsum Bononiense Kalendarium supra allegatum, *ad d. 4. Nov.* jam de *capitibus nationum scholarium* loquens ostendit. De qua Academiae Bononiensis fama & juventutis ad eam confluxu jam supra *ad §. 60. n. (a) p. 811. & 825.* aliqua diximus. Tertia causa a Boehmero *J. E. L. I. T. II. §. 19.* additur, cujus tamen mentionem jam facit Espenius *l. c. in f. nempe ruditas seculi, ob quam sine delectu quaevis inculta & horrida in pretio habebantur, modo speciem quandam eruditionis saperent.* Haec methodum a Gratiano observatam, licet multis incommodis laborantem, tanquam egregiam & elegantissimam agnosci suavit, reliquosque, quos passim eruditi carpunt, Gratiani errores densis tenebris involvit, Decretique Doctores, tanquam eruditionis & sapientiae quaedam oracula, omnibus commendavit. Accedit IV. approbatio Eugenii III. summi Pontificis, quae multum auctoritatis Decreto accessit. Licet enim illa non ita sit intelligenda, ut singula Decreti capita singulatim sub examen vocata & per eam approbata dici possent, quod, ut bene monet Boehmerus *Diss. alleg. §. 12. n. (g)* genius ejus saeculi praestare non poterat, tota tamen compages hujus operis usui Academico ea Constitutione commendata ita est, *ut compilatio magistri Gratiani, VT SANA ET CANONICA, publice posset legi & explicari,* uti Kalendarium Bononiense *ad d. 4. Nov.* loquitur, adeo ut non potuerit

tuerit non inde magna Decreto dignitas accedere. V. huc multum facit seria commonitio, qua Eugenius III. uti iterum Kalendarium Bononiense *ibidem* testatur, *maxime Clericis hoc studium sacrarum Canonum*, & quidem ex hac Gratiani Collectione addiscendum, commendat, quae sane non potuit non usum hujus Collectionis in ipsa tribunalia Ecclesiastica transferre. Jura, quae addisci jubentur, sane non nudae contemplationis gratia commendari videntur, sed ut in ipsis rerum argumentis eo facilius adhiberi possint; adeo ut, nisi me omnia fallunt, haec fere mens fuerit Eugenii III. Audite, legite, discite Jura in Decreto congesta, ut ea aliquando in ipsis negotiis occurrentibus in usum eo promptius, eo certius, eo facilius, eo uberius, eo felicius deducere possitis. VI. addita spes acquirendarum per haec studia dignitatum. Disertis enim verbis Kalendarium .l. c. testatur, Eugenium III. ea Constitutione, qua Decretum approbavit, spem fecisse, *fore se magnis honoribus atque dignitatibus cumulaturum eos, qui proficiscant in hac facultate*; quod etiam postea usu observatum esse, exemplum Bertholdi Bremensis, supra ad §. 62. n. (7) relatum, docet. VII. Multum etiam Decreti fortunam auxerunt honores strenuis ipsius cultoribus in ipsis Academicis ex praecepto Eugenii III. jam conferendi; & quidem, quod VIII. est, cum praerogativa dignitatis prae iis, qui vel in Jure Civili vel in artibus eisdem honores acquirerent,tribuendi. Imo IX. ratio hujus praerogativae concessae, quod *hi tanquam digniores propter divinum Jus, quod pertrahant, praeserri debeant*, v. Kalend. Bon. ad d. 7. Martii, multum sine dubio hujus Juris progressus adjuvit. Accedit X. quod praecipue Germaniam tangit, quod Decretum Gratiani, ex Isidori Mercatoris, Reginonis & Burchardi Collectionibus, quae in Germania jus do-

micilii habebant, magna ex parte conflatum, viam in Germania sibi jam per illas praeparatam Invenit. Ex quibus omnibus facile colligitur, in curiis Episcoporum non aliquem tantum Decreto locum, quem ipsi A. N. concedit, sed magnum utique & eximium fuisse.

(β) Quod si quis ea, quae superius ad §. 60. not.

(α) pag. 845. de causis, quae Juris Canonici usum commendare poterant, nec non ea, quae in notis hanc proxime praecedentibus de Decreto ejusque progressibus dicta sunt, omnia colligat & accuratius perpendat, non poterit non inde concludere, Juris Canonici usum saeculis his XII. & XIII. adeo non fuisse exiguum, ut potius e scholis in fora pedem statim promoverit, & a juventute Academica eo probe imbuta & post reditum in patriam officiis publicis admota non potuerit non ad decidendas causas adhiberi. Qua in sententia eo magis quisque confirmabitur, qui praecipue considerabit, quo loco Jus Canonicum his etiam saeculis habitum & quantita illud prae Jure Civili dignitatis existimatione gavisum fuerit. Testimonium luculentum dignitatis, qua Decretum, cum vix natum esset, exceptum est, jam ex Calendario Bononiensi ad d. 7. Martii supra ad §. 62. n. (β) produximus, quo de his, qui honores Academicos in Decreto adepturi sunt, dicitur, quod *tanquam* DIGNIORES PROPTER DIVINUM JVS, QVOD PERTRACTANT, PRAEFERRI DEBEANT, ET PRAECEDANT *in quacunque alia facultate doctoratos*. Aliud saeculi XIII. testimonium ex verbis Humberti de Romanis ea, quae a nobis ad §. 61. n. (ε) producta sunt, sine intervallo praecedentibus, producimus, quod quidem sub Juribus Canoniciis jamjam etiam Decretalium Collectionem, jussu Gregorii IX. S. P. editam, complecti potuit, Decretum tamen utique non excludit, ad quod elogia Juribus Canoniciis ibidem

dem concessa non minus referri possunt, quam ad illam, cum in eo minorem partem capiant negotia *temporalia*, quam in ipsa Decretalium Collectione. Imo ipsa enumeratio eorum, ex quibus Jura Canonica desumta esse Humbertus scribit, fere innuere videtur, eum primario ad Decretum Gratiani digitum intendere. *Notandum autem*, ait, *quod ista jura Canonica commendabilia sunt a tribus, scilicet materia, & hoc scilicet, quia VERSANTVR CIRCA SPIRITUALIA, & ideo TANTO EXCEDIT, QUANTO SPIRITUALIA EXCELLANT OMNIA TEMPORALIA.* Item ab auctoritate: *sunt enim edicta partim a jure naturali, partim a jure divino, partim a dictis sanctorum, partim a sententiis Romanorum Pontificum, partim a conciliis, partim a legibus, QVAE OMNIA SVNT MAGNAE AVCTORITATIS.* Item ab utilitate. Haec enim sunt, quasi sepes circa vineam Domini, de qua habetur Mathaei 20. Nisi enim haec essent, multa & varia vitia irruerent in Ecclesiam Dei, quae ipsam omnimode dissiparent. Sunt iterum *superaedificatio super fundamentum Apostolorum & prophetarum, quia super doctrinam ab eis traditam haec superaddita sunt ad completionem aedificationis Ecclesiae.* Item sunt quasi quaedam colligatio totius boni christianitatis, quod effunderetur, nisi per ista restringeretur, sicut vinum dolii sine colligatione effunditur. Patet igitur, quod triplex est utilitas hujus juris canonici, scilicet defensio a vitiis multis, consummatio aedificii ecclesiastici, conservatio honorum spiritualium. Notandum iterum, quod in hujusmodi scientia Juris sunt multa, quae pertinent ad animarum salutem. Alia vero, quae pertinent ad causas litigiosas. Haec, quibus Decretum vel solum, vel Decretalibus junctum, ornatur, dignitatis & auctoritatis elogia, ejusdem usum non scholasticum tantum, nec contemplationi unice servien-

tem, sed negotiis discutiendis omnino destinatum & forensem plane, non obscure ostendunt. Imo tandem, quicumque eorum, quae hic & in Notis allegatis dicuntur, calculum bene inierit, ille non difficili negotio inde deducet: I. Quod Eugenius III. S. P. Decretum Gratiani disertis verbis approbaverit, ut in scholis publica auctoritate doceretur, ea tamen mente, ut docendo non omnis ejus usus absolveretur, sed potius, ut per hunc usum Academicum usus ejus forensis eo felicius promoveretur. Studia, quae sua natura *practica* dicere solemus, cujusmodi est sine dubio Jurisprudentia quaevis, si a superiore approbantur, non sane ad usum tantum *theoreticum* destinari, sed ad eum, quem sua natura sibi proponunt, finem, nempe *practicum* approbati merito censentur. v. *supra* ad h. §. not. (α) num. V. II. Quod *Compilatio Magistri Gratiani, sana & canonica* a Summo Pontifice judicata, atque *summopere* omnibus, & *maxime clericis commendata* non potuerit non eo tempore *judicis Ecclesiastici* conscientiam ita adstringere, ut in causis ecclesiasticis dijudicandis ejus rationem serio habere debuerit. Collectio capitum ad vitae regulas & actionum ac judiciorum normam tendentium ex iis fontibus profecta, qui suavirtute *magnae auctoritatis* aestimantur, si ab eo, qui jubendi potestatem habet, iis, qui ejus imperio subesse censentur, & in negotiorum ejus generis discutiendorum & regulae alicujus quarendae & observandae necessitate versantur, opere commendatur, non potest non eos, quibus commendatur, necessitate quadam, ejus in negotiis a se dijudicandis studiose observandae, afficere. III. Quod Decretum Gratiani non longo, postquam editum erat, tempore, ad causas etiam saeculares decidendas a Germanis recipi coeperit. Rationes fere eadem, quae receptionem Juris Romani Germanis eo tempore commenda-

mendabant, Decreti etiam usum suasisse videntur. Ex confluxu Germanorum in Academia Bononiensi Jurisprudentiae operam dantium, quae pro receptione Juris Civilis Romani *supra ad §. 60. n. (α) p. 811.* colliguntur argumenta, ea non minus pro recipiendo a Germanis Decreti usu militant. Quae ex rei novitate & Legum Germanicarum penuria deducuntur *ibid. p. 812.* Et *sqq.* ea fere omnia pro Decreto Germanis commendando non minus pugnant. Si Imperatores, & qui ipsorum partibus adhaerebant, Juri Civili Romano introducendo studebant, *v. ibid. p. 815. sqq.* sane Juri Canonico promovendo favebant Pontifices, Viri Ecclesiastici, & quicumque fere a Guelphorum partibus stabant: quod patrocinium, quanti eo tempore fuerit, quilibet rerum ejus temporis gnarus, vel metacente, facile intellecturus est. Sed sunt quaedam, eaque non levia, quae hujus prae illo receptionem Germanis suasisse videntur. Illud, si loca, si tempora originis, si auctores, mores & decidendi rationes perpendas, in Germania omnino peregrinum; hoc omnibus, qui tunc orbem Christianum incolebant, fere domesticum, *v. supra §. 62. n. (γ)* maxime autem Germaniae *v. supra §. 63. n. (α) num. X.* Illud dignitate, quae multos movet, inferius, hoc superius habitum, uti jam ex Kalendario Bononiensi & Humberto de Romanis ostendimus. Illud non tam suo merito, quod in iis tenebris vix satis agnosci poterat, nisi in quantum id Imperatoribus favebat, quam rei novitate & patriarum Legum penuria se Germanis commendabat, atque ita liberrima voluntate vel recipi vel rejici poterat; hoc his rationibus adjungebat merita, quae ipsi accedebant ex dignitate fontium, ex quibus petitum erat, quique, si etiam in Decretum collecti non fuissent, tamen *magnae auctoritatis* aestimati fuissent, ita ut non plane ex arbitrio, sed quadam

dam necessitate & fere ex conscientiae motu tum receptum fuisse videatur Cum omnia itaque auctoritatem Decreti loquantur, facile nunc intelligi poterit Albericus Monachus in *Chron. ad an. 1156.* qui post Collectionem, quam a Magistro Omnibono confarcinatum dicit, non sine suspitione erroris v. Boehm. *Diff. alleg.* §. 10. & ibid. *n. (s)* laudatam, Gratiani etiam mentionem faciens, tandem subjungit: *per ipsum (Gratianum) ista doctrina magis facta est AUTHENTICA.* Quae verba satis apte explicat J. Chiffletius de *Jur. Utr. Architectis c. 5. §. 5. & 6.* Plura non addo, nec superius dicta repeto. Unum silentio praeterire non possum, nempe Joannem Semecam Teutonicum jam Saec. XIII. ineunte, vel saltem parum adulto, in Germania Glossas quorundam extra Germaniam ante se editas reformasse, & paucis additis suas fecisse, atque ita inter Germanos primum Decreti Glossatorem, quantum scimus, fuisse; non utique, ut ejus usum tantum in scholis promoveret, quod tum non ita commode in Germania, Academicis nondum constitutis, fieri poterat, sed, quod viri est Germaniae commoda sollicitè promoventis, qualem ipsum fuisse perhibent, ut regulae in ipsis rerum argumentis jam observari solitae lucem, quam posset, affunderet. Ex hoc tamen Semecae labore & illud discimus, Gratiani Decretum jam ita in Germania ea tempestate notum fuisse, ut & Germani illud justis jam Commentariis illustrare e re sua esse duxerint, longissimo annorum intervallo, antequam de Jure Civili vel unica notula ornando in Germania quisquam cogitasset; non levi argumento, usum Juris Canonici citius in Germania, quam Juris Civilis increbuisse. De Decreti enim, quae hoc & sequentibus saeculis non alibi tantum, sed & in Germania fuerit, auctoritate paulo inferius, ubi de Decretalium Collectione agendum erit, aliqua dicentur.

Cum

Cum vero rerum ordo nos ad Johannem Semecam Teutonicum deduxerit, ejusque memoria multis dubiorum nubibus obducta sit, operae pretium facturi nobis videmur, si eas, quantum fieri possit, discutere tentemus. Statim tamen in limine monemus, non unum tantum eo tempore inter Germanos fuisse Johannem, cui meritorum suorum in patria inclarescentium fama *Teutonici* nomen pepererit. Videntur potius ea, quae uni Semecae tribuuntur, inter duos ad minimum viros *Johannis Teutonici* nomine claros dividenda. Nos *Johanni Semecae Teutonico* tribuimus, quae ipsi propria esse suspicamur, relaturi ad alterum *Johannem Teutonicum*, Semecae nomine non insignitum, quae in *Semecam* cadere non posse videntur; addituri singulis vitae utriusque momentis auctorum, quibus relatio nititur, consensum. Johannes Semeca Teutonicus, in agro Halberstadiensi patre sutore natus esse dicitur a Meibomio *Chron. Marienthal. Rer. Germ. T. III. p. 261.* & Joh. Mich. Heineccio *Antiq. Goslariens. L. III. ad ann. 1237. & 1238. Script. Rer. Germ. p. 253.* Qua fide is hac patria, hoc patre, ortus dicatur, nec hi auctores indicant, nec ego usquam invenio. Certe Semeca Friburgensis non fuit, quam patriam tamen Johanni Teutonico, *Glossae in Decretum & Summae Confessionis* Auctori, tribuit Possevinus *Apparat. T. II. p. 254.* cum tamen ea, quae Johanni Teutonico Friburgensi propria sunt, in *Semecam & Glossae & Summae* auctorem non cadere, ea, quae inferius dicentur, probare possint. Semecam etiam obscuris natalibus ortum fuisse probat invidia, qua ipse a quibusdam Canonicis Halberstadiensibus, omne meritum in splendore natalium quaerentibus, exceptus fuisse passim commemoratur. Diu Juri utrique operam dedit, Azone praeceptore usus, quod fide *Glossae in c. quando* *Ec. 4. D. 86.* asserit

asserit Panzirolus *de Clar. LL. Interpr. L. III. c. 6.* Caveus *Hist. Lit. Eccles. ad ann. 1250. p. 633.* Mastricht *H. I. E. n. 334.* In Canonum vero scientia parum utique profecisset, si solo Azone praeceptore usus fuisset, quem non satis in ea versatum fuisse, indicat infelix disceptationis, quae ipsi cum Boatino Mantuano fuit, eventus, quem ex Joh. Andreae *Comm. ad C. Relatum &c. 19. X. de off. & pot. Jud. deleg.* refert Panzir. *de Clar. LL. Interpr. L. II. c. 25.* Sive itaque alii adhuc Praeceptorum se adjunxerit, sive proprio studio Juris Canonici praecepta didicerit, adeo felices in eo tamen progressus fecit, ut mox ad dignitatem *Magistri & Doctoris Decretorum* pervenerit, qua ipsum Monachus Hamerslebiensis *de Basil. Goslariensi in Leibn. Script. Rer. Brunsvic. T. II. ornat,* cum Krantzius *Saxon. L. VIII. c. 27. & Auctor Paralipom. ad Abb. Ursp. Chron. ante ann. 1254.* ipsum *Juris Doctorem* brevi sermone appellent. In Goslariensium Praepositorum Ecclesiae SS. Simonis & Judae numerum eum refert Heineccius *l. c.* non tantum Monachi Hamerslebiensis & Emseri testimonio fretus, sed & in hac sententia fide membranae vetustae, quae circa eadem tempora testem negotii cujusdam exhibet Johannem Praepositum Goslariensem, confirmatus. A Praepositura Goslariensi ad dignitatem Praepositi Ecclesiae S. Stephani Cathedralis Halberstadiensis transiit; qua dignitate quidem ipsum uno fere ore omnes scriptores ornavunt Krantzius *l. c.* Auctor *Paralip. ad Abb. Ursp. Chron. l. c.* Hamerslebiensis Monachus *l. c.* Langius *Chron. Citiz. n. 812. in Pist. Script. R. Germ. T. I. p. 1185.* Wolffius *Lect. Mem. T. I. Cent. 13. ad annum 1269.* Panzirolus *l. c.* Conring. *de O. I. G. c. 26. p. 156.* Mastricht *l. c.* Adamus *Vit. Istor. n. 1.* Struvius *Hist. Jur. c. 7. §. 21.* Meibomius atque Heineccius *ll. cc.*

Transi-

Transitum hunc contigisse anno demum 1240. ex eo probat Heineccius, quod hoc anno jam meritio in membranis Goslariensibus fiat Ludolphi Praepositi. Parum ergo accurate versantur illi, qui jam sub initio saec. XIII. eum ad hoc fastigium pervenisse scribunt Panzirolus, Mastricht alique, quorum error eo minus verosimilitudinis habet, quod eum, qui non ex commendatione natalium, sed proprio merito, adeoque per gradus & quidem tardius ad honores illos ascendit, demum anno 1269. decessisse scribant, adeo, ut ipsum humanae vitae mensuram fere excessisse necessario fateri cogantur. Qui ipsius dignitatem magna invidia persecuti sunt, inter Canonicos Halberstadienses praecipue nominantur Cono Depholdius, Volradus Kirchbergius, Conradus Cranichfeldius, Wiggerus Bilstenius, Henricus Reinsteinius, Bartholdus Klettenbergius, Christianus Stolbergius, viri generis nobilitate illustres, sed nobilitatem omnem ex sanguine aestimantes. Ipse virtutis suae conscientia & eruditionis fiducia confirmatus, arrogantiam illorum, sua sibi ignorantia & discordia unice placentium, fortiter repressit. A Meinhardo Transfeldio, Episcopo Halberstadiensi, cui a Praepositi dignitate ad Episcopalem elato in illa successor datus fuerat, anno 1242. cum Burchardo Vice-Domino & aliis quibusdam Canonicis negotiorum quorundam causa in vallem Divae Mariae ablegatus esse dicitur a Meibomio *ibid.* Obiit anno 1245. quem annum jam Conringius Semecae ultimum fuisse asserit, Meibomius autem atque Heineccius hoc maxime argumento probant, quod in Catalogo Praepositorum Halberstadiensium mox anno 1246. occurrat Hermannus Anhaltinus; Meibomius huic argumento adhuc addit testimonium Chronici MSCti Johannis Winnistedii. Plerique eum a Clemente IV. S. P. Praepositura exutum & vel a.

1267. vel 1269. defunctum esse scribunt. Verum cujus successor statim post annum 1245. inter Praepositos Halberstadienses legitur, ille non potuit a Clemente IV. ad cathedram Summorum Pontificum viginti annis postea demum evecto, Praepositura privari; praecipue cum in multis tabulis & instrumentis tempore Clementis IV. non Semeca, sed Hermannus Anhaltinus ejus successor, teste Meibomio, inveniatur. Totam itaque illam litis cum Clemente IV. historiam, & quaecunque inde pendent rerum momenta, quae Krantzius, Auctor Paralipomenorum, alique cum ipsis certatim commemorant, protinus concidunt. Multo magis etiam corruunt eorum commenta, qui de ipso tanquam anno 1271. adhuc superstite loquuntur, uti Bodinus *Daemonom. L. II. c. 4. in f.* cujus dicta, etiamsi hoc errore non convellerentur, parum tamen fidei inter viros emunctioris naris inventura essent. Corruit Freheri assertio, qui Semecae mortem ad annum 1272. plane refert in *Chronologia Juri Graeco-Romano praefixa*. Sepultus est Halberstadii in Ecclesia Cathedrali prope chorum ad Austrum sub alto caelatoque mausoleo ac epitaphio glorioso, quod se anno 1516. dum eandem antiquitatum amore lustraret urbem, vidisse testatur Langius *Chron. Citiz. l. c.* Cum quo consentit descriptio, quam Meibomius exhibet: *Mausoleum ejus adhuc visitur ad latus meridionale presbyterii sive chori, in quo imago ejus habitu Canonici incisa inspicitur.* Cum quibus fere conspirant, quae habet Heineccius. Uterque versus huic Mausoleo inscriptos sequentes exhibet:

*Est, erit, atque fuit, qui desit esse Johannes.
Dogma viget, viguit, florebit in omnibus annis.
Lux Decretorum, Dux Doctorum, via morum,
Hic jacet, & placet, ut vacet a poemis miserorum.*
Eosdem etiam sistit Adamus *l. c.* qui & alios iidem adscribi testatur; quos tamen, cum lapidibus sepul-

sepulchrali incisi non sint, uti praecedentes, nec quidquam cum his commune, nec quod Semecae proprium esset, & non in plurimos caderet, habeant, ad ipsum referendos non existimamus. Splendor ipse monumenti sepulchralis in loco Ecclesiae, in qua eminentiori dignitate gavisus erat, plane honorifico, Johanni Semecae Teutonico positi, nec non elogia prorsus eximia illi ibidem adscripta satis jam sua sponte indicarent, eum dignitate sua adhuc ornatum decessisse, si vel ipse temporum ordo, ut paulo ante monuimus, ea omnia, quae de diffidio inter Clementem IV. S. P. & Semecam agitato sparguntur, non omnino convelleret. Unde & Langius *l. c.* traditioni illi confictae adhuc insistens, haec elogia cum illa aliter conciliare non potuit, quam ut ipsum Semecam *reconciliatum* fuisse diceret; qua reconciliatione tamen opus non fuit illi, qui, ut temporum ordo satis indicat, a Clemente IV. viginti demum annis postea ad Summi Pontificis cathedram elato nihil finistri experiri potuit. Eadem monumenti decora & elogia, uti bene Meibomius atque Heineccius ostendunt, refellunt etiam ea, quae de Semecae occasu violento spargebantur figmenta. Opera, quibus Semecae fama inclaruit, duo sunt. Primum est Collectio Glossarum, quibus alii, quos Panzirolus *l. c. c. 3. 4. 5.* recenset, ante ipsum Decretum illustraverant, suis Glossis aucta, quam postea Bartholomaeus Brixienensis emendavit & denuo auxit. v. Panzir. *l. c. c. 7.* & Meibomius *l. c.* Ex quo etiam erroris convincuntur illi, qui eum primum omnium Decreti Glossatorem fuisse asserunt Kranzius, Auctor Paraphrasenorum, Langius, H. Pantaleon, Freherus, Conringius, Adamus; cum primus quidem Germanorum, non vero omnium ubique, qui Glossas in Decretum scripserant, dici possit. Alterum ejus opus *Summa Confessionis* laudatur ab Albe-
rico

rico de Rosata *in Prooem. Dictionarii Juris* in f. quod compendium primum inter epitomes locum obtinere, adeo ut, ubi *Summa* alio non adjecto allegetur, haec *Summa Semecae* intelligatur, cum hoc Alberico asserunt Panzirolus & Mastricht *ll. cc.* Judicia de eo varia fuerunt eruditorum. Laurentius Cremensis, Glossator Decreti, id, quod Cajus Caligula in Senecam olim coniecisse dicitur a Suetonio *in vita Caji Cal. c. 53.* huic Semecae levibus argumentis suas opinioniones quandoque firmanti, etiam objecisse convitium, eum arenam sine caemento ligare, dicitur a Glossa *in c. facientis §c. 3. Dist. 86. & Barth. Caepolla de Servit. Praed. Urb. c. 40. §. 1.* atque Panzirolo *l. c. c. 3. §. 6.* aliisque. Langius *l. c.* licet ipsum *in sua facultate id est, Juris scientia peritissimum* & *Juristarum antesignanum* vocet, tamen eum ob Graecanicarum literarum inscitiam complures in suis Glossis commisisse ineptias, maxime in *Dist. 9. c. Ut veterum librorum §c. 6.* monet, & Erasmi, Prologum Hieronymi in Pentateuchum explicantis, acre in Semecam, suppresso tamen ejus nomine, judicium allegat. Alii impense eum laudant, & Herculeam ejus in Decreto illustrando audaciam extollunt. Media via incedit Panzirolus, cujus haec de ipso sententia est: *Etsi quandoque ineptis, ut illa aetas ferebat, vocibus utitur, non modicam tamen Gratiani operi lucem affert* §c.

Urstifius *Chron. Basil. L. II. c. 17.* inter Generales Ordinis Praedicatorum Magistros quartum fittit Johannem Friburgensem, in Capitulo Generali Parisiensi a. 1242. electum, mortuum in Monasterio Praedicatorum Argentoratensi a. 1253. Volaterranus *Comment. Urban. Lib. XXI. f. 240. Edit. Basil. de a. 1530.* etiam quartum inter Generales Praedicatorum refert Johannem, Germanum natione, quodque officium aegre ac Gregorio VIII. impulsore vix subierit, cum paulo ante

ante Praesul Bosnensis fuisset, ac ut sanctius ageret & quietus, Praesulatu se abdicaverit, recenset, Possëvinus Appar. T. II. quendam Johannem Teutonicum, Friburgensem, Episcopum Bessinensem, auctorem commentariorum MSCtorum super quatuor libros Magistri sententiarum, aliorumque operum laudat, ex quibus aliqua Johanni Semecae Teutonico merito restituimus. Consentiant hi omnes in nomine Johannis, consentiant in patria, ita ut Urstisius & Possëvinus nomen civitatis, Volaterranus tantum nationis exprimat, cujus verba Germanus natione ab agnomine Teutonici, quod Possëvinus tribuit, non multum abludunt. Consentit Volaterranus cum Possëvino in dignitate Episcopali Johanni suo adscribenda, consentit etiam cum Urstisio in Magisterio Generali Ordinis Praedicatorum assignando; imo viam Volaterranus indicat, qua Johannes, antea Episcopus, potuerit ad regimen Ordinis sui pervenire, cum eum desiderio sanctioris & quietioris vitae Episcopatu se abdicasse, ad Magisterium Ordinis vero suscipiendum a summo Pontifice compulsum fuisse dicat. Huc igitur malle referre, quod Albericus de Rosata Prooem. Diction. Juris in f. & cum eo Panzirolus & Mastricht ll. cc. Semecae ex errore forsan tribuunt, quod Ordinis Praedicatorum fuerit. Haec itaque, quae ex Urstisio, Volaterrano, Possëvino, de Johanne Friburgensi, Episcopo & post abdicationem Generali Ordinis Praedicatorum Magistro produximus, alium plane nobis Johannem, forsan etiam aliquibus ob nominis inter Germanos celebritatem Teutonicum, uti Possëvino, dictum, cum illo Johanne Semecae Teutonico, Glossae & Summae auctore non confundendum sistunt. Nec sane alienum ab istis temporibus videtur, non unum tantum Johannem Teutonici nomine insignitum dicere, cum quoscunque viros in suo populo claros, nomine

illius ornare tum frequentius soliti fuerint, adeo ut & tertium Johannem Teutonicum, Cameracensis Monasterii Canonicum Regularem, multorum ad vitae religiosae incrementa spectantium librorum auctorem ibidem producat Posselinus. *Johannis Friburgensis* autem (non illius *Semeae*) arbitramur esse Epitaphium, quod apud nos in extremo versus Orientem angulo Brabeuterii, olim Chori Praedicatorum, hodieque superest; cujus imaginem & inscriptionem accurate depictam, notisque eruditis illustratam, & cum authentico suo in omnibus punctulis (uti ipsa lapidis inspectio sollicitè a me instituta docuit) mire consentientem mihi pro ea, qua solet, humanitate liberaliter concessit Celeberrimus Schertzius noster, Vir non annis magis & dignitatibus, quam meritis vere venerandus. Lapis ipse oblongus sepulchro, duorum forte pedum altitudine super terram elato, incumbens hanc Inscriptionem, per quatuor laterum margines divisam, & antiquioribus literarum ductibus exaratam, salvam tamen, & plane incorruptam, ostendit:

✠ FRATER JOHANNES DEI GRACIA EPS
ET MAGR ORDINIS FRM PDICATOR
✠ ANNO DNI M^o CC^o LII^o III^o NONAS
NOUEMBRIS REQUIESCAT IN PACE AMEN

Mediae lapidis parti incisa est pedi pastoralis figura. Ipsa Inscriptio cum iis, quae modo laudati Auctores produnt, satis amice conspirat. Sistit enim Johannem Episcopum, nomine Diocesis non addito, ut indicet, eum dignitate quidem, non vero officio Episcopi tum quidem gavisum esse, adeoque eo se antea abdicasse, qua in parte Volaterrani dicta confirmat. Addit al-

teram

teram dignitatem Magistri Ordinis Praedicatorum, atque ita Urstifii & Volaterrani narrationi fidem facit. Unica huic lapidi lis est cum Urstifio in anno mortis signando, quem lapis 1252. Urstifius 1253. indicat. Verum, ubi pugna inter monumentum publicum, ad conservandam viri in eminentiori loco constituti memoriam, abiis, qui illam recentem adhuc, imo plane praesentem impense colunt, fideliter & cum cura erectum, ex una parte, & scriptorem privatum, aliquot ab illo saeculis remotum, ex altera versatur, ego sane nullus unquam dubitarem, monumenti causam tueri, & scriptoris narrata, illi contraria, erroris damnare. Quod eo magis hic obtinere debet, quo levior, & hinc obreptu facilior est error Urstifii, aliquot saltem mensium adjectione peccantis. Antequam autem causam hanc omnino deferamus, age, colligamus etiam ex Urstifio, Volaterrano, Possevino, Epitaphio Argentinensi potiora capita, quibus ulterius demonstramus, *Johannem* hunc, his testibus laudatum, diversum plane esse ab illo *Johanne Semeca*, *Glossae & Summae* Auctore. *Johannes* noster Urstifio & Possevino Friburgensis dicitur; ille *Johannes Semeca*, in agro Halberstadiensi natus perhibetur; quod eo probabilius redditur, quo minus ea, quae de Friburgensi dicuntur, in illum *Semecam* cadere possunt. *Johannes Friburgensis* anno 1242. in Magistrum Ordinis Praedicatorum electus est, *Johannes Semeca* & ante & post illum annum Praepositus Halberstadiensis fuit, eoque ipso anno ab Episcopo Halberstadiensi negotiorum causa in vallem Mariae missus. *Johannes Friburgensis* Episcopalem dignitatem obtinuit; *Johannes Semeca* ab anno 1240. ad annum 1245. Praepositura Halberstadiensi functus, nec ante nec post hoc quinquennium ad Episcopalem dignitatem evectus facile dici poterit. Non ante illud; siquidem an-

tequam ad Praeposituram Halberstadiensem perveniret, Goslariensi Praepositura functus est. Diceretur, antequam Goslariensem Praeposituram suscipere, Episcopum electum fuisse, & hac dignitate se mox iterum abdicasse. At vero is abdicatione sua quietem quaesivit, & desiderio vitae monasticæ, uti Volaterranus innuit, Episcopatum deposuit, non ut rursus negotiis immergeretur, & ad alias dignitates transfiret, atque Praeposituram Goslariensem suscipere, mox per eam ad Halberstadiensem ascenderet, atque ita sibi viam proximam ad alium Episcopatum sterneret. Nec post illud quinquennium ad Episcopalem dignitatem evehi potuit. Nam aut anno 1245. decessit, ut supra evicimus, & tunc sane cessat omnis de Episcopali dignitate postea acquisita disputatio. Aut eo anno depositus est, & tunc mirum videretur, eum, qui Praepositura indignus a Summo Pontifice judicatus esset, mox plane sublimi Episcopatus honore ornatum fuisse. Cum vero omnia, quae de ejus depositione dicuntur, ex iis, quae inter Clementem IV. & ipsum exarasse finguntur, odiis pendeant, haec autem temporum ratione refellantur, ut supra ostendimus, hinc haec Episcopalis dignitatis post annum 1245. acquisitio, quae non nisi commentitia illa depositione niti posset, protinus corruit. *Johannes Friburgensis* itaque his Episcopi & Magistri Ordinis Praedicatorum dignitatibus gavissus est, illaeque ipsi etiam in Monumento Argentinensi tribuuntur. Si illae ad *Johannem Semecam* referendae essent, cur inter elogia & ornamenta Monumenti Halberstadiensis nulla harum dignitatum insignia, nulla vestigia occurrunt? Si quis forsitan haec quovis modo conciliaturus crederet, Halberstadiense monumentum vivo adhuc Semecae, ad nomen ejus, cum inde discederet, celebrandum positum esse, illi graviter obloquerentur verba ejus monumenti, quae

quae id tum positum esse dicunt, cum *fuit*, ac *desiit esse Johannes*. Si hae dignitates *Semecae* fuissent, cur Monachus Hamerslebenensis, qui alias sollicitè notat, ad quas quisque Praepositorum Goslariensium dignitates postea pervenerit, *Semecae* nullam, quam Praepositi Halberstadiensis adscribit; cur Langius, Kranzius, Auctor Paralipomenorum, omnia, quae *Semecam* ornare possunt, itudiose congerentes, has dignitates alto silentio premunt? Denique *Johannes Friburgensis* obiit & sepultus est Argentorati. Lapidis situs & figura, Inscriptio nominis & dignitatum, Anni & diei obitus, cum voto: *Requiescat in Pace. Amen.* monumentum non nisi sepulchrale loquuntur. *Johannes Semeca* sepultus est Halberstadii. Nec enim monumentum Halberstadiense coenotaphium tantum est, sed verum sepulchrum, quod verba ultimi versus satis indicant: *Hic jacet.* Plures in Johannis Semecae rebus referendis non satis accurate versatos esse observavimus, vel quod temporum ordinem minus bene secuti sint, vel quod *Johanni Friburgensi* debita parum caute ad *Johannem Semecam* retulerint. Utroque modo errasse etiam videtur Mornaeus *Hist. Pap. p. 370. edit. Gorich. 1662.* qui primo in eo fallitur, quod *Semecam* primum omnium Decreti Glossatorem scribat; secundo, quod vulgarem de Clementis IV. S. .P. in *Semecam* iris fabulam adoptaverit, quam temporum tamen distantia refellit; & demum tertio, quod *Semecam*, citato etiam Volaterrani testimonio, in *Sanctorum Canonem relatum* scribat; cum tamen Volaterranus de *Johanne*, Episcopo & mox Magistro Ordinis Praedicatorum, adeoque non de *Semeca*, loquens subjungat: *relatus & ipse inter beatos.* Ipsum tamen sanctis adscriptum esse non invenio in Justi Fontanini *Codice Constitutionum de Canonizatione Sanctorum Romae 1729.*

§. LXIV.

Probatur
id de sae-
culo XII.

Ex saeculo XII. non nisi pauca adferre li-
cet, sed insignia. Anno enim MCL. apud
Guichenon. *Bibl. Sebus. Cent. II*, 54. contra-
hentes renunciant exceptioni non numeratae pe-
cuniae, & non habitae, & omni LEGVM &
CANONVM auxilio, super hoc competenti, vel
competituro. Paulo post, anno MCLVII. in
diplomate Fridrici I. Imp. mentionem fieri
meri & mixti imperii, conditi testamenti, here-
dis instituti, facti legati, jam supra (§. LIX.)
ex ejusdem Guichenonii *Bibliotheca Sebusiana*
Cent. I, 81. ostendimus. Anno MCLXXIX.
in dissidio Volcmari & Rudolphi, divisus sus-
fragiis ad Archiepiscopatum Treverensem
evektorum, Volcmarus sequebatur curiam Ro-
manam, pro eoque esse videbatur justitia CANO-
NVM, quum LEGISTAE pro parte Rudolphi
legum jura stare, contenderent. Arnold. Lu-
bec. *Chron. Slav. III*, 10. Anno MCLXXIX.
Bertholdum Archiep. Bremensem; ac de-
mum anno MCLXXXV. Henricum VI.
Imp. a decretorum legumque peritia com-
mendatos esse, jam supra monuimus *.
(§. LX. *.)

* Addi potest testamentum vel instrumentum Co-
mitis Homburgensis Mathildis, scriptum anno
MCXCV. in quo monasterio Salivallensi palam,
publice & expresse, pure & libere & simpliciter
donatione pura, mera, valida & irrevocabili,
quae dicitur INTER VIVOS, pagum nomine Bour-
mont, tradit. Addit sub finem, se adhibuisse No-
tarium publicum & testes ad praemissa vocatos
speciali-

ſpecialiter atque rogatos. Calmet. *Hiſt. Lotharing. Tom. II. p. 407. Probat.* Quae omnia juris Romani cautiones ſapere, nemo negaverit.

§. LXV.

Inſequens vero ſaeculum XIII. hujusmodi Itemque de ſaeculi XIII. initio. testimoniorum inſignem dat proventum. Anno enim MCCIX Capitulum Lugdunenſe ab eccleſia Cluniacenſi ſibi ſtipulatur ſervitutem non altius tollendi. Guichen. *Bibl. Sebuſ. Cent. II, 15* Anno MCCXXIV. apud Schatenium *Annal. Paderborn. Lib. X.* occurrit ſententia, quae plane hodiernum litigandi modum redolet *. Anno MCCXXXV. apud Guichen. *Cent. II, 96.* reperimus contractum venditionis, in quo praeter alia de pretio in rem verſo reperimus formulam: *Renunciantes certa ſcientia exceptioni minoris pretii, non numeratae pecuniae, & non habitae, & privilegio fori, & exceptioni doli, & errori in factum, & omni auxilio LEGVM & CANONVM, & omni juri ſcripto & non ſcripto.* Qualis renunciatio, *exceptionum doli, in factum, reſtitutionis in integrum,* etiam anno MCCXLVI. occurrit *Cent. II, 98.* quemadmodum anno MCCXLIV. apud eundem *Cent. I, 98.* permutatio quaedam fit *de conſilio IVRISPEDITORVM (a), & amicorum.* Et apud Leibnit. *Cod. Jur. Gent. P. I. p. 16.* habetur eodem anno conditum teſtamentum Joannae, Comitissae Flandriae & Hannoniae, in quo *clauſula codicillaris, conſtitutio teſtamentariorum, teſtium ſubſcriptio & ſubſignatio.*

* Sic & anno MCCXXXI. Henricus, Comes Barrensis, in pactis dotalibus cum Margaretha Luceburgica initis, quaedam *decernenda* esse monet per duos DOCTORES, ad sensu utriusque partis ad hoc electos. Calmet. *Hist. Lothar. Tom. II. p. 445. Probat.*

(*a*) Ita in charta anni 1243. apud Reverendiss. Koppium *Vindic. Actor. Murenf. P. II. c. 9. p. 299.* Albertus Comes de Habsburg, JURISPERTORVM VSVS CONSILIO, omni actioni, quae ipsi competere posset, renunciat; & praeterea omni JURIS CIVILIS subsidio, vel ECCLESIASTICI, omni etiam Instrumento, seu beneficio in integrum restitutionis, juri minoris, sive cujuslibet aliae occasionis vel industriae, quae renunciationem ante dictam rescindere possent.

§. LXVI.

Ejusque
fine.

Talia verò & adultum jam saeculum XIII. ad finem ejusdem complura reliquit. In charta enim anni MCCLII. Rudolphus Landgravius Alsatie, apud Guillimann. *Habsb. VI, 4.* renunciat omni juris subsidio CANONICI & CIVILIS, consuetudinibus, constitutionibus editis & edendis, & anno MCCLIX. donationis propter nuptias, suaeque ad evictionem obligationis meminit in charta apud eundem VI, 2. (*a*) Anno MCCLXVI. Simon, Episcopus Paderb. apud Schaten. *Lib. XI. p. 112.* provocat ad constitutiones LEGALES & CANONICAS*, & anno insequente Rudolphus, Comes Tubingensis, renunciat omni juri CANONICO seu CIVILI, in *Monim. Wurtemb. de monast. Blaubeuren n. III.* Similes renunciationes infertas reperimus anno MCCLXXVI. diplomati

mati Ducum Slavorum & Episcopi Camin.
 apud Rangon. in *Pomeran. Dipl.* p. 265. anno
 MCCLXXVIII chartae Hermanni Comitis
 de Sulze, in *Monim. Wurtemb. P. 1.* p. 255.
 anno MCCLXXX. litteris Rudolphi Regis
 Rom. apud Gewold. in *Antith. ad Marq. Freher.*
lit. B. anno MCCLXXXI. ejusdem diplo-
 mati apud Tolner in *Cod. Dipl. Pal. n. 112.*
 p. 78. anno MCCLXXXIII. tabulis Capituli
 Ratisponensis apud Hund. *Metrop. Salisb. Tom.*
I. p. 178. anno MCCXC. & MCCXCII.
 chartis, productis in *Deduct. Stolb. n. VII.*
 anno MCCXCVI. foederi inter Eduardum
 Regem Angliae & Guidonem, Flandriae Co-
 mitem, inito, apud Leibnit. *Cod. Jur. Gent.*
*T. I. p. 39. *** & denique anno MCCXCVIII.
 chartae apud Ill. Cancell. de Ludewig *Reli-*
quiar. Tom. V. p. 445.

* Eodem anno Robertus Episcopus Verdunensis
 apud Foppens in *Supplem. Mir.* p. 863. renun-
 ciat privilegio clericatus & fori, consuetudini &
statuto, beneficio restitutionis in integrum, &
omnibus exceptionibus generalibus & specialibus.

** Anno MCCXCVII. Fridricus Lotharingiae Dux
 condidit testamentum, plane ex juris Romani
 formula, adeo ut ne septem quidem testium ro-
 gationem & sigilla omiserit. Exstat illud apud
 Calmet. *Hist. Lotharing. Tomo. II. p. 546. Probat.*

(*α*) Idem instrumentum venditionis praediorum
 in Dietigkon & Slieron, quae inter Comitem
 de Habisburch & Monasterium de Wettingen
 intercessit, etiam apud Hergott. *Orig. Habsp.*
T. II. n. 431. occurrit & multa alia Juris Civilis
 usum probantia continet. Praecipue autem notari
 merentur verba: *promittentes, quod universos*

Et singulos defectus, si qui praesenti instrumento a Jurisperitis de cetero notari poterunt inesse, emendari, corrigi & suppleri promptissime faciemus: attendentes, quod in contractibus plena; in testamentis plenior; in beneficiis plenissima interpretatio & fides debeat adhiberi.

§. LXVII.

Jam ergo
his saeculis
jus
Rom. una
cum ca-
nonico
invaluit.

Et haec quidem testimonia, quorum multo plura, si otium esset, accumulare facile potuissimus, satis superque indicant, jam ab ipsis Lotharii temporibus utrumque jus canonicum & civile etiam in Germaniam paulatim penetrasse, adeoque non parum falli, qui saeculo demum XV. illud in academias primum, ac postea in forum irrupisse existimant cum doctissimo Conringio de Orig. Jur. Germ. Cap. XXXII. Nec tenuia tum ejus rei initia fuerunt, ut sibi persuadet vir doctissimus: sed certis argumentis constat, jam illis temporibus in ipso foro rationem utriusque juris esse habitam*.

* Ill. enim Cancell. a Ludewig in Programm. von Verbesserung des Teutschen Lehn-Rechts p. 14. chartam edidit, ex qua adparet, Comitem Schwartzburgicum, judicem Austregalem inter Electorem Brandenburgicum & Archiep. Magdeb. electum, auditis partibus, cognitaque causa, noluisse tamen sententiam ferre, nisi advocatis prius Romani juris peritis.

§. LXVIII.

Multo-
que ma-
gis saecu-
lo XIV.

Unde non mirandum, maxima incrementa juris studium saeculo XIV. cepisse in universa Germania. Tunc enim inter domesticos

sticos & Palatinos Balduini Archiep. Treverensis, quem anno MCCCVIII. electum constat, primo statim loco recensentur LEGISTAE & CANONISTAE. *Auct. Gest. Balduini* 1, 12. Biennio ante mentio fit *actionum personalium, realium & mixtarum* (α), apud Leibnit. *Cod. Jur. Gent. T. I. p. 113*. Anno MCCCXXXIII. celebratur Udalricus de Augusta, Imperatoris scriba secretus, homo in utroque Jure peritus. *Trithem. Chron. Hirsang.* ad ann. MCCCXXXIII. Anno sequente chartae Humberti, Delphini Vienneensis, subscribit Amblardus de Bellomonte, JVRIS CIVILIS PROFESSOR, Protonotarius Delphinatus. *Guichenon. Biblioth. Sebus. Cent. II, 18* In decreto Rensensi anno MCCCXXXVIII. de juribus Electorum dicitur: *Haec verissima esse, convenit inter omnes Annalium, rerum humanarum divinarumque peritos, atque jam saepius VTRIVSQVE JVRIS, CAESAREI atque PONTIFICII, coelestis thesauri testimoniis comprobatum est.* Goldast. *Tom. III. Const. Imp. p. 409*. Testamentum Henrici Ep. Lubec. anno MCCCXL. plane ad juris Rom. formulas conditum ex chartulario Lubecensi eruit *Illustr. Boehmer. Jur. Eccl. I, 2. 47. p. 115.* (β) In charta de anno MCCCXLIII. memorantur substitutio testamentaria, stipulatio sollemnis, donatio inter vivos, apud *Guichenon. Biblioth. Sebus. II, 22. Emancipationis sollemnis Philippi, Ducis Burgundiae, exemplum est apud Leibnit.*

nit. *Cod. Jur. Gent. Dipl. T. I. p. 221.* In Academia Viennensi anno MCCCLXV. fuere *Professores juris CANONICI & CIVILIS.* Lambec. *Bibl. Vindeb. II, 5. p. 85. 164. seq.* Ut jam non accumulemus innumeras formulas, quibus juris utriusque beneficiis annis fere singulis hujus saeculi nuncium miserunt Germani nostri.*

* Tales formulas hic tantum per lancem saturam indicabimus. Occurrunt ejusmodi renunciationes, factae anno MCCCVI. *in der Waldeckischen Ehren - Rettung. n. 36. p. 3.* anno MCCCXI. & MCCCXVIII. *in Chartulario Lubecensi,* de quo Ill. Boehmer. *I, 2. 47. p. 115.* anno MCCCXIX. apud Ill. a Ludewig *Reliqu. MSC. T. VI. p. 4. 6.* anno MCCCXXIV. apud Schaten. *Annal. Paderb. Lib. XIII. p. 260.* anno MCCCXXVIII. apud Leibn. *l. c. T. I. p. 131.* anno MCCCXXX. & MCCCXXXI. apud Ludewig. *l. c. T. V. p. 553. & 622.* anno MCCCXXXVIII. & sequente apud Eumdem *T. V. p. 546. 548. 630. 637. 639.* anno MCCCXLI. apud Leibnit. *l. c. Tom. I. p. 154.* anno MCCCLVI. apud Ludewig. *l. c. Tom. V. p. 518.* anno MCCCLXVII. in *Monim. Würtemb. Part. I. p. 917.* Nos speciminis loco adferemus renunciationem talem Stephani Palatini Com. Rheni & Ducis Bavariae, ex diplomate anno MCCCXXXVIII. scripto editoque a Gewaldo *Antith. ad Marqu. Freber. edito p. 20.* quia & Germanica est, & maxime singularis: *Ob wir oder der debeiner, dez Got nicht engeb, als kbranck weren, daz wir oder ihr debeiner dawider teten, oder thuen wolden, uns dawider nit behelffen mit debeiner dispensation, absolution, relaxation, abolition, in integrum restitution, debeinerlay beneficio, wie daz genant sey, etz khomn xanne oder wie etz khom, etz geschech umb*

umb unser oder ander leut beth, oder daz man nemmet ze Latein ex officio. Ubi quaedam ad jus civile, alia ad jus canonicum pertinere, unusquisque intelligit.

(α) Vix alia mihi renunciationis formula usquam occurrit, quae tot capita Juris Civilis & Canonici exhibeat, atque tam uberem Juris utriusque usum iis temporibus fuisse ostendat, quam charta venditionis nondum edita, quae Conradi Abbatis Murbacensis est de an. 1313. atque in chartulario Murbacensi servatur: *Renunciantes, nibilominus expresse & de certa scientia pro nobis & nostris successoribus exceptioni doli mali non solute non tradite non numerate pecunie non ponderati argenti deceptionis ultra dimidium justipretii beneficio restitutionis in integrum Constitutioni hoc jus porrectum literis & privilegiis & quibuscunque libertatibus a sede Apostolica aut aliunde ubilibet concessis aut concedendis ac omni jure & juris auxilio & beneficio Canonici Civilis consuetudinarii & municipalis scripti & non scripti universisque exceptionibus actionibus tam juris quam facti & specialiter juri dicenti generalem renunciationem non valere quibus vel quorum ope dictus contractus in toto vel in parte cassari posset aut quomodolibet in irritum revocari.*

(β) Formulae beneficiis e Jure Romano derivatis renunciantes hujus Juris usum forensem abunde probant, inanes plane & ridiculae futurae, si juri inusitatis renunciarent. Nec quis objiciat, quod & hodie nihil frequentius sit, quam contractuum aut aliorum negotiorum instrumentis inferi clausulas vel renunciationum vel alias, inutiles plane & alienas, imo saepe absonas, idque scribentium vel oscitantia & inscitia, vel cupiditate lucri, ut paginarum numerus, atque ita mercedis quantitas crescat, fieri, nec tamen inde doceri, harum clausularum aliquem in negotiis, quibus adjiciuntur, usum esse. Verum
ne nos

ne nos quidem probare volumus, renunciaciones illas antiquas, de quibus loquimur, iis negotiis, quibus adjectae fuerunt, semper aptas fuisse; sed hoc tamen inde merito deducimus, mentionem beneficiorum ex Jure Romano derivatorum ostendere, illud Jus familiariter plane cognitum tunc fuisse, imo renunciantes credidisse, se his beneficiis Juris Romani, nisi iis renunciarent, in judiciis adjuvari posse; quo ipso usum Juris Romani quotidianum satis ostenderunt. Renunciatio, quam *not. (α)* produximus, per varios Pandectarum & Codicis titulos diffusa, horum, nec non eorum, qui cum his arcto vinculo junguntur, aliae, quarum copia hic & alibi prostat, aliorum titulorum usum perspicue probant, ita ut inde non temere inferamus, totam Juris Romani compagem quotidiano judiciorum usu jam tum receptam & inveteratam fuisse. Nondum tamen extabat Constitutio Imperatoris, usum hujus Juris disertis verbis aut confirmans, aut jam introductum agnoscens. Tandem Ludovicus Bavarus singulari Constitutione in hunc finem unice promulgata an. 1342. cum consensu Statuum, de quo fidem faciunt Electoris Moguntini literae, Constitutioni ipsi insertae, edixit: *Daß man an unserm Hofgericht fürbas allerhöchlichst rechtten sol nach unser Vorvorn Kunigen und Keisern Gesezen, und geschriben rechten ic. v. Rec. Imp. edit. noviss. P. I. p. 44. & sq.* Sub his Regum & Imperatorum, suorum antecessorum, Legibus, & Juribus scriptis quod non solas Imperatorum Germanicorum, qui praecesserant, Constitutiones, sed, si non solum, saltem cum illis, etiam intellexerit Jus Justinianum, multa perspicue probant. I. Quod Jus Justinianum jam antea in negotiis perpetuam & constantem auctoritatem, uti ex praecedentibus uberrime apparet, consecutum fuerit. II. Quod ipse Ludovicus Bavarus magna reverentia Jus Justinianum prosecutus

secutus sit, adeo ut inter *cælestis thesauri testimonia* id quadriennio ante hanc Constitutionem retulerit. v. A. N. b. §. III. Quod eo quidem tempore nondum tot promulgatae fuerint Imperatorum Germanicorum de controversiis privatorum civilibus Constitutiones, quae solae sufficere potuissent regulae communi constituendae, quae omnibus negotiis a Judicio Aulico decidendis par esse posset, cujus rei gratia tamen Constitutio illa unice promulgata fuit. IV. Quod ex opinione, quae diu mentibus Imperatorum Germanicorum inhaesit: Imperium nempe illud Romanum antiquum adhuc superesse & a se continuari, atque Imperatores Romanos, etiam eos, qui Constantinopoli sedem Imperii fixissent, esse suos in eodem Imperio antecessores; facile potuerit & debuerit iis etiam nasci opinio, imo & nata sit, quod Imperatorum illorum, tanquam suorum Antecessorum, Leges non ex libera voluntate tantum recipiendae, sed tanquam ab Imperatoribus latae Imperii civibus ex necessitate quadam legali essent observandae. Primi, qui Jus Justinianum Germaniae commendarunt & in usum ejus deduxerunt Juris Cultores, Judices, Imperatores, sine dubio rationibus illis suasoriis, quas ad §. 60. n. (α) recensuimus, usi fuerunt: alii, qui proximis ab eo tempore saeculis Juris illius usum jam introductum invenerunt, bona fide id Jus tanquam ab Imperatoribus datum, ex opinione illis temporibus familiari, Imperio proprium & quasi domesticum reputarunt. Hujus opinionis etiam fuisse videtur Ludovicus Bavarus. Si ea tempestate, qua renascentem literarum lucem jam salutare licuit; Maximilianus I. eadem adhuc opinione imbutus, potuit Juris Justiniani servandi necessitatem ex hac ratione asserere, quod Justinianus ex suis in Imperio antecessoribus fuerit, uti ipse disertis verbis in *Constit. Wormat. contra blasphemos Res. Imp. P. II. p. 28.* dicit:

dicat: demnach, zu mehrer Nachfolg und Ehr Gottes, und der Menschen Heyl, weyland Kayser Justinianus, unser Vorfahr am Reich, löblicher Gedechtnuß, männiglich zu halten, ernstlich ermahnet, und strenglich gebotten hat 2c. & exposita magna Novellae 77. parte, pergens his verbis adhuc uberius declarat: dazu alle 2c. in des Reichs Ungnad und Straff gefallen seyn sollen, wie dann solches des gemelten unsers Vorfahren Satzung klärlich ausweist 2c. Und aber dieselbe Gottes Gebott, und des ehgenannten unsers Vorfahren Satzung, Ermahnung und Gebott und Peen, jetzt leider in vergessen und Verachtung von vielen Menschen überfahren worden 2c. quis non ultro crederet, Ludovicum Bavarum, cujus aetate adhuc spissae ignorantiae tenebrae orbem involvebant, potuisse sub Legibus Antecessorum suorum Romanas etiam intelligere, & revera intellexisse? Quod vero is sub hoc Jure de quo loquitur, non intellexerit antiquas Germaniae consuetudines, satis ipse ostendit, cum in eadem Constitutione illud his e diametro opponat: So haben wir 2c. geheizen und gesprochen, daß die geschriben recht und gesetzt 2c. nicht schaden sullen an irn rechten, freyheiten, und gut Gewohnheiten 2c. Hac de re praeter alios legi merentur *Vindiciae Historico-Juridicae Juris Romani* & *Jeforum in Germania contra Reformationem de an. 1441. Friderico III. Imperatori adscribi solitam Argent. d. 17. Junii 1748. solenniter assertae a Job. Reinh. Kugler, Argent. viro juvene, eximiae plane eruditionis, nunc J. V. Lto. dignissimo, Sect. I. c. 2. §. not. 3. (x) & Sect. II. c. 1. §. 1. not. (m) §. 4. & 6.*

§. LXIX.

Quo magis vero fervebant his saeculis juris civilis studia: eo magis de ecclesiastici incrementis sollicitus erat Pontifex Romanus.
Hinc

Pontifex
Decretales
publicat.

Hinc post varias ISIDORI MERCATORIS (α), IARLANDI (β), ipforumque Pontificum collectiones Gregorius PP. IX. circa annum MCCXXX. per RAYMVNDVM DE PENNA FORTI (γ), Capellanum suum, compilavit DECRETALIVM libros quinque (δ): Matth. Paris. *ad ann. MCCXXXV*. Jo. Chifflet. *de Jur. Architect. Cap. VI*. Ziegl. in *Diss. praelim. ad Lancell. §. LI. sequ.* cui postea (ϵ) anno MCCXCVIII. librum VI. eodem modo in libros V. divisum adjecit Bonifacius Papa VIII. Henr. Stero in *Annal. ad ann. MCCXCVII.* eumque cum superioribus in fora & academias introduci jussit, quamvis in Gallia auctoritatem minime obtinuerit (ζ). Franc. Duaren. *praef. libri de Sac. Eccles. minist* (η). Iis saeculi sequentis anno XIII. accessere CLEMENTINARVM (θ) itidem libri V. a Clemente PP. V. ita adpellatae. Baluz. *Vit. Pap. Avenion. Tom. I. p. 60.* & EXTRAVAGANTES tum IOANNIS PP. XXII. anno MCCCXL. tum COMMVNES (ι), exeunte saeculo XV. collectae *. Ziegl. *Diss. praelim. ad Lancell. §. LVIII.*

* Librum sextum Decretalium jussu Bonifacii PP. VIII. collegerunt Guil. de Mandagoto, Archiep. Ebrodunensis, Berengarius Fredo, Biterensis Episc. & Magister Richardus de Senis S. R. E. Vicecancellarius. CLEMENTINAS mortuo demum Clemente PP. V. promulgavit anno MCCCXIII. Joannes PP. XXII. Idem Pontifex anno MCCCXXV. Extravagantes edidit, nec tamen eas speciali rescripto ad universitates misso confirmavit. Communes privati hominis studio

collectas esse post annum MCCCCLXXXIII. ex
c. 2. de reliqu. & vener. sanct. colligitur. Vid.
Nic. Frerotii *Paratitla sexti Decret. Clementinar.*
Extravagant. & extrav. commun.

(a) Aliqui Isidoro Hispalensi eam collectionem ac-
ceptam ferunt, quos refellit Baronius, erudi-
tione non minus, quam dignitate Eminentissi-
mus, Ecclesiae Romanae Cardinalis, *Martyrol.*
ad d. 4. April. in n. Isidori episc. his verbis: *Id*
quidem in primis refellitur, quod Braulius &
Ildefonsus, qui illis vixere temporibus, catalo-
gum texentes scriptorum ipsius, nullam prorsus
mentionem de eo opere habuerunt. Insuper o-
mnis de ea re dubitatio tollitur, dum autor ope-
ris, ibidem agens de ordine celebrandi concilii,
recitat verba primi canonis undecimi Concilii
Toletani, atque etiam in Praefatione meminit
Agathonis Papae: porro longe ante ejus Synodi
ac Papae Agathonis tempora Isidorus Hispalensis
ex humanis desierat. Consentiant alii, ex qui-
bus duos instar omnium allegasse sufficiat Petrum
de Marca de Conc. Sac. & Imp. L. III. c. 5.
§. 2. & Espenium Scol. ad omnes Can. P. IV.
c. 1. §. 1. Multi Peccatoris nomen huic compi-
latori tribuunt. De qua re iterum audiendus
Baronius ibid. cujus haec sunt verba jam allega-
tis mox subjuncta: In antiquis manuscript. codic.
bunc Isidorum collectorem Conciliorum MERCA-
TOREM cognomento dictum invenimus, ut in
his, quos in nostra bibliotheca habemus: at in
nuper impressis non MERCATOR, sed PECCA-
TOR inscriptus reperitur; secundum morem non-
nullorum antiquorum Patrum, qui humilitatis
ergo se sic inscribere & subscribere consueverunt,
irrepsit puto error, ut MERCATOR, pro PEC-
CATOR, sit scriptus. Exempla eorum, qui sibi
Peccatoris nomen adscripserunt, allegat Maastricht
Hist. Jur. Eccl. n. 225. Sic in Concilio sexto
Toletano Silva; in septimo Basconius, Gotoma-
rus,

rus, Farus, Sona; duodecimo Julianus & Liuba, alii in aliis subscripserunt, quos forte imitari voluit. Quibus alia exempla addi possunt, quae ex Conciliis Turonensi primo, Parisiensi tertio, Turonensi secundo, Matisconensi primo allegat Petrus de Marca de Concord. Sacerd. & Imp. L. III. c. 5. §. 2. De nomine hoc Correctores Romani in admon. ad Lect. haec notant: In Codice apertem Dominicanae Bibliothecae initio Praefactionis ita legitur: Isidorus mercator servus Christi lectori conservo suo &c. nec multo secus in Vaticanis, quo loco in impressis est: Isidorus Peccator, servus Christi &c. Petrus de Marca tamen nomen Peccatoris mavult eligere. Etenim, ait, etsi fateamur in quibusdam Codicibus eam lectionem extare, in plerisque tamen & melioris notae libris compilerator iste Isidorus PECCATOR dicitur, unde manavit vitio amanuensium MERCATORIS dictio. Alii alios auctores hujus Collectionis fuisse suspicantur. Praecipue Blondellus Pseudo-Isid. Proleg. c. 5. p. 23. sqq. Benedictum Levitam in suspensionem trahit, quem tamen alii ab ea accusatione absolvunt, praecipue Baluzius Praef. ad Capit. §. 12. & Boehmerus Dissert. de Decretalium Pontif. Roman. variis Collectionibus & fortuna §. 9. n. 59. Quisquis demum hujus Collectionis auctor sit, illud tamen certum est, quod Hincmarus, Rhemensium Archiepiscopus, post annum 870. in Opusc. adv. Hincmarum Laudunensem Episcopum c. 24. eam per Riculfum Moguntinum Episcopum (qui Synodo Moguntinensi an. 813. adhuc adfuit) in iis Germaniae regionibus primum innotuisse scribat: Si vero talia, quae tibi visa sunt de praefatis sententiis (nimirum Ingelramni Metensis) ac saepe memoratis epistolis, detruncando & praeposterando atque disordinando collegisti, quin forte putasti, neminem alium easdem sententias vel ipsas epistolas praeter te habere, idcirco talia

libere existimasti posse colligere, res mira est, cum de ipsis sententiis plena sit ista terra, sicut & de libro collectarum epistolarum ab Isidoro, quem de Hispania allatum Riculfo, Moguntinus episcopus, in hujusmodi, sicut & in capitulis regiis studiosius (studiosus melius legunt Blondellus, Petrus de Marca, Espenius, aliique,) obtinuit, & istas regiones ex illo repleti fecit. Ostendit tamen Blondellus *ibid.* p. 22. & *sq.* quod in hac Collectione occurrant Capitula Riculfo quatuordecim, & quod excurrit, annis recentiora, atque ita eam vel per Riculfum plane non innotuisse, vel saltem post Riculfi mortem aliquot capitulis demum auctam fuisse, probat. Vix haec a Riculfo per illas Germaniae oras sparsa erat Collectio, Decreta Pontificum Siricio antiquiorum & ad Apostolica tempora propius accedentium exhibens, cum passim avide exciperetur, ita ut prima; quantum scimus, ejus Collectionis vestigia deprehendantur in Concilio Aquisgranensi de anno 836. v. Conring. *de Orig. Jur. Germ.* c. 16. p. 80. *in. f.* Dubitarunt tamen postea de illarum Epistolarum Decretalium auctoritate Episcopi Gallicani & maxime Hincmarus Rhemensis Archiepiscopus, quorum tamen quod mentibus haerebat dubium eximere voluit Nicolaus I. Summus Pontifex, edita Epistola, cujus partem sistit Gratianus *C. Si Romanorum &c.* 1. *Distinct.* 19. quam integram autem exhibet Baronius *Annal. Eccles.* T. X. ad ann. 865. §. 8. Non tamen tunc quaerebatur, an hae Decretales genuini essent eorum partus, quibus adscriberentur, quam disquisitionem saeculi illius ruditas vix admittebat, sed illud tantum in controversiam deducebatur, an Decretales Epistolae, Codice Canonum Ecclesiasticorum non comprehensae, multa tamen cum illis pugnancia exhibentes, auctoritate legali gauderent? quod Episcopi Gallicani in dubium vocabant, Nicolaus autem graviter affirmabat, ea maxime

maxime ratione motus, quia *ita nec sancti Gregorii, nec ullius alterius, qui ante vel post illum fuit, est aliquod institutum vel scriptum recipiendum, eo quod in Codice Canonum non habeatur adscriptum.* Imo ex eodem argumento sequi judicabat, nec Sacras Scripturas, recipiendas esse, mox antea dictis subjungens: *Sed quare multum immoramur, cum nec ipsas divinas scripturas veteris & novi testamenti recipimus, si istos duxerimus audiendos? Etenim neutrum horum in Codice Canonum Ecclesiasticorum habetur insertum.* Cum nulla itaque

tunc de legitimis harum Decretalium natalibus verteretur quaestio, in alias mox Collectiones impetum fecerunt hae Decretales; a Capitularium Auctoribus & Decretorum Collectoribus, Reginone, ab hoc tamen parcius, a Burchardo vero, Ivone & Gratiano liberalissime receptae, & post hos etiam diuturna auctoritatis possessione gavissae. Tranquillitatem hujus possessionis primus iterum turbasse dicitur, qui circa annum 1324. scriptis suis inclaruit, Marsilius Patavinus *Defens. pacis, de re Imper. & Pontif. P. 2. c. 27.* Mox etiam Gobelinus *Persona Cosmodr. aet. 6. c. 7.* dubia contra aliquot illarum Epistolarum movet. Successit, qui circa annum 1432. scripsisse videtur, Nicolaus de Cusa, Cardinalis, *Concord. Cathol. L. 2. c. 34. & Lib. 3. c. 2.* Jungendus huic proxime est ejusdem saeculi scriptor, qui anno ejus 65. decessisse dicitur, Henricus Kaltheyßen in *Tr. An Imperium sit unquam a Romanis in Graecos translatum?* qui primum *S. Palatii Magister, deinde Nidrosiensis & Caesariensis Archiepiscopatu auctus, Inquisitor haereticae pravitatis, Professor Sacrae Theologiae in celeberrima Colonienſi Academia* dicitur. v. *Maſtricht Hiſt. Jur. Eccl. n. 236. p. 267.* Eodem etiam saeculo Johannes de Turrecremata *Summ. de Eccl. L. 2. c. 101.* praecipue Clementis Epistolam

istolam primam suspectam reddit. Et licet saeculo XVI. Franciscus Turrianus Collectionem Isidori Mercatoris contra Centuriatores Magdeburgenses singulari opere defendendam suscepit, non impedire tamen potuit, quo minus postea multi in Ecclesia Romana viri, omnes eruditione, multi etiam sublimiori dignitate illustres omnes, quae Siricio Papa antiquiores essent, Decretales vel plane rejecerint, vel saltem fidem ipsarum dubiam esse fassi sint. Certe Robertus Bellarminus, Cardinalis, *de Pontif. Rom. L. II. c. 14.* suam de illis sententiam his verbis declarat: *Aliquos errores in has Epistolas irrepsisse non negaverim, nec indubitatas esse affirmare audeam.* Caesar Baronius, Cardinalis, *Annal. Eccl. T. II.* passim Epistolas Pontificum ejus saeculi suspicionem onerat, maxime autem *T. X. ad an 865. §. 5. & sqq.* de integra Isidori Mercatoris Collectione ita loquitur, ut eam plane suspectam sibi fuisse non obscure ostendat. Eodem loco eam habuisse videtur Antonius Augustinus, Archiepiscopus Tarraconensis, qui, licet *de Emendatione Gratiani Lib. I. dial. 6. & L. II. dial. 14.* integram Collectionem non omnino & uno actu rejiciat, *in notis ad Capitula Adriani* tamen *c. 7. 8. 16. 22. 23. 31. 34. 36. 47. 53. 63.* gravissima contra plures Epistolas dubia movet. Clementis Epistolas praecipue in dubium etiam vocat Joh. Carolus Bovius, Ostunensis Episcopus, *in Praef. ad Constit. Apostol.* Integram vero Collectionem stylo satis acri persequuntur, Antonius Continus *in Praef. ad Corp. Jur. Can.* quam suppresserunt Censores Belgae, relictis tamen notis ad Decretum, in quibus hanc Collectionem rejicit, & ad Praefationem provocat, praecipue *in Not. ad C. septuaginta & c. 12. Dist. 16. C. Provinciae & c. 1. Dist. 99. C. Aliter & c. 1. Caus. 30. Quaest. 5.* Gregorius Cassander *in Defens. libelli de offic. viri pii §. Quod autem & c.* Franciscus Florens *de Orig. arte*

arte & *Aut. Jur. Can.* Papenbrochius in *Propylaeo Maji s. conatu Chron. Hist. ad Catal. Pontif. Rom. P. I. p. 4. n. 15.* Natalis Alexander *Hist. Eccl. T. 3. p. 213.* Petrus de Marca, Archiepiscopus Parilinus, *de Concord. Sac. & Imp. L. III. c. 5. L. VII. c. 20. & de Primat. §. 8.* Johannes Bona, Cardinalis, *Rer. Liturg. L. I. c. 3. §. 1.* Emundus Richerius *de Eccles. & Pol. Pot. T. I. c. 8. p. 36. & ibid. Demonstrat. §. 4. p. 40. & alibi passim.* Philippus Labbeus *T. I. Concil. p. 78. & passim in notis marginalibus* ad singulas epistolas. Carolus Cointius in *Ann. Eccl. Franc. T. VI. ad ann. 785.* Emanuel Schellstrate in *Antiq. Illustr. Diss. 3. c. 5.* Stephanus Baluzius *Praef. ad Ant. August. de Emend. Gratiani §. 1. & sqq. & Praef. ad Reginon. §. 3. & sqq.* Johannes Launojus *Epist. pagg. 9. 439. 485. 522. 526. 531. 539. 708. Edit. Cantabr. de an. 1689.* Christianus Lupus *P. IV. Schol. p. 362. & 479.* Ludovicus Ellies du Pin *de Ant. Eccl. Discipl. Dissert. II. p. 154. & sqq.* Espenius *Scol. in omnes Can. Conc. P. IV. c. 1.* Petrus Coustantius in *Praef. ad T. I. Epist. Rom. Pontificum*, Justus Fontaninus, Archiepiscopus Ancyranus, in *Praef. ad Decretum Gratiani nova methodo concinnatum a Job. a Tur-recremata §. 3.* Claudius Fleuryus *T. XIII. Hist. Eccl. Diss. Praelim. & Instit. au Droit Eccles. T. I. ch. 1. p. 8.* Auctor *de l'Histoire du Droit Canonique chap. 6.* Hunoldus Plettenbergius *Introd. ad Jus Canon. §. 7. & sq.* Plures alii facile allegari possent, qui vel in totam illam Collectionem Isidori Mercatoris, vel in aliquot saltem ejus epistolas calamum stringunt, adeo ut communi fere sententia nunc illa Collectio rejiciatur, & hinc natus sit jocus eruditissimi Sirmondi, quem refert Auctor libri, qui sub titulo: *Histoire du Droit Canonique & du Gouvernement de l'Eglise Parisiis* prodiit, *c. 6. p. 31.* ubi de Collectione Isidori communi consensu rejecta loquens tandem

hanc epicrifin addit: *Presentement on en doute si peu, que le Pere Sirmond dit du gros volume, que Blondel a fait, pour en faire voir l'imposture, qu'il a fait de terribles efforts pour enfoncer une porte ouverte.* Cum vero Turriani, quod pro defendenda illa Collectione scripsit, opus non adeo omni specie destitutum esset, ut non meruerit data opera refutari, eamque refutationem Blondellus omni eruditionis apparatu muniverit atque ornaverit, potuisset ejus Opus non adeo superfluum & inutile judicari. Rationes praecipuas, quibus illa Collectio impugnatur, in Compendio allegat Plettenbergius l. c. §. 8. *Quod attinet ad auctoritatem Epistolarum illarum Decretalium, quae in hac Collectione proferuntur, defendunt nonnulli, quos inter praecipue sunt Franciscus Turrianus & Severinus Binnius, genuinas esse illorum Pontificum, quorum nomina praefereunt. Alii eruditissimi scriptores Catholici, ut Baronius, Bellarminus, Peronius, Sirmondus, Petavius, Philippus Labbe rectius eas, velut indubitatas, non admittunt, vel ut confictas plane rejiciunt. Ad hoc moventur variis inducti rationibus. I. Quod elegantiam & nitorem secundi saeculi, quo datae dicuntur, non referant. II. Quod in omnibus epistolis idem stylus eademque scribendi norma servetur, ut non a pluribus, sed ab uno conscriptae esse videantur. III. Quod ex usu vulgatae Scripturarum versionis frequentissimo arguatur, post S. Hieronymi aetatem exaratas esse. IV. Quod S. Hieronymus earum non meminisset in Catalogo scriptorum Ecclesiasticorum, adeoque ipsi incognitae fuerint. V. Quod Dionysius Exiguus, qui veterum Pontificum Epistolas summa diligentia collegit, illas tamen in sua compilatione omiserit. VI. Denique, ut primus observavit Antonius Augustinus in Notis ad Capitula Hadriani, quod in epistolis illis reperiuntur ipsa Legum Imperatorum verba & scholia quaedam, quae sub Aniani*

Aniani nomine extant ad Codicem Theodosianum, cum tamen Pontifices, quibus adscribuntur epistolae, duobus & tribus etiam seculis editionem Codicis illius praecefferint. Alii prolixius has causas recensent, ut Centuriatores Magdeburgenses Cent. II. c. 7. Maastricht Hist. Jur. Eccl. n. 220. & sqq. Espenius Scol. in omnes Can. Conc. P. V. c. 1. §. 5. Eorum, qui ab Ecclesia Romana secedunt, Auctorum magnus etiam numerus in illas Decretales invehitur, ex quibus praeter Centuriatores Magdeburgenses & Maastrichtium, mox allegatos, praecipue indicasse sufficiat Blondellum in Pseudo-Isidoro & Turriano vapulantibus, Conringium de Orig. Jur. Germ. c. 16. p. 79. & sqq. Struvium Hist. Jur. c. 7. §. 15. Boehmerum Dissert. de varia Decreti Gratiani fortuna §. 14. n. (g) & §. 15. n. (h) & sqq. & Dissert. de Decretal. Pontif. Roman. variis Collection. & fortuna §. 9. ibique in notis.

(β) Chrysopolitani, *cujus opus tamen, quod inscribitur, Candela, in MSCto adhuc latet. v. Struv. Hist. Jur. c. 7. §. 16. Plura ergo de ipso dicere non juvat.*

(γ) Raymundus Catalano-Barcinonensis, *ex nobili familia de Pennafort originem ducit, uti Clemens VIII. S. P. in Constitutione Canonizationis ejusdem, quam Justus Fontaninus in Codice Canonizationum p. 260. integram exhibet, loquitur; quod ideo notandum maxime arbitramur, quia Boehmerus in Dissert. de Decretalium Pontif. Rom. variis Collection. & fortuna §. 15. & ibid. n. gg. hoc nomen potius Penia fort legendum esse dicit, atque ad Bullam Clementis VIII. (non VII. uti ibidem ex errore typographi citatur) qua catalogo Sanctorum inscriptus est Raymundus, provocat. Andreas Schottus Bibl. Hispan. T. II. p. 186. ipsum vocat Penna fuerte, quasi dicas a Rupe forti. Originem Raymundus retulisse dicitur ad Arragonum Reges, si fides*

est iis, quae ex Leandro Alberto in vita Raymundi refert Chiffletius de *Juris utriusque Architectis* c. 6. §. 3. quem secutus videtur Mastricht *Hist. Jur. Eccl.* n. 355. cujus tamen originis Regiae non meminit Clemens VIII. in *Constit. alleg.* nihil tamen facile omittens, quod ad commendandam Raymundi dignitatem faciat. Humanioribus literis in patria operam dedit, in iisque ita mox profecit, ut eas *summa cum laude plurimos Barcinone gratis docuerit.* Inde Bononiam profectus Pontificio Civilique Juri toto *pectore incubuit*, ac tandem Doctoris laurea, ceterisque doctrinae insignibus decoratus, sacros *Canones publice*, magna cum hominum admiratione, absque ullo stipendio est interpretatus, ita ut ipsi postea *Senatus Bononiensis honorarium ex aere publico decreverit.* Post aliquot annos Berengarius, *Barcinonensis Episcopus*, Roma ad suam Ecclesiam rediens, Bononiam iter instituit, ubi Raymundum, multis ultro citroque cum ipso sermonibus habitis, admiratus, vehementer instituit, ut secum ad Ecclesiam Barcinonensem reverteretur; cumque hoc tandem magnis ab ipso precibus obtinuisset, eum aliquanto post ejusdem Ecclesiae *Canonicatu & quadam Praepositura ornavit.* Cum postea *Fratres Ordinis Praedicatorum Barcinonem venissent*, Raymundus annum circiter quintum supra quadragesimum agens, abdicatis honoribus, illorum consortio se addixit. Postea Johannes Cardinalis Episcopus Sabinensis a Gregorio IX. S. P. in Hispaniam ad crucem adversus Saracenos praedicandam, aliaque negotia pertractanda legatus de latere missus, eum sibi legationis cepit adiutorem; atque perfunctus legatione ad Urbem rediens, cum Raymundum una secum adducere decrevisset, nunquam id tamen ab eo potuit impetrare. Tandem hujus Johannis Cardinalis consiliis a Gregorio IX. S. P. Romam evocatus, *Capellani sui officio*, quod tunc temporis

poris idem erat, quod nunc est causarum Palatii Apostolici Auditorum, & Poenitentiarii dignitate ornatus, sibi que a sacris confessionibus esse iussus est. Ibi, cum Decreta Romanorum Pontificum, quo quaeque tempore condita erant, diversis in Epistolis & Conciliis sparsa, quae obscuritatem & incertitudinem inducere videbantur, ad communem omnium & maxime studentium utilitatem in ordinem & compendium redigi jamdiu omnibus fere placuisset, Gregorius IX. S. P. Raymundum huic muneri aptissimum esse ratus, id oneris ei imposuit, quod is trium annorum spatio absolvit. Archiepiscopatum Tarraconensem sibi a Gregorio IX. decretum non nisi adhibitis multorum precibus & quorundam Cardinalium auctoritate, a se amoliri potuit. Tandem in tam gravem morbum incidens, ut illi certam mortem medici denunciarent, nisi patrium solum repeteret, dimisso Confessarii munere & obtenta abundi facultate Barcinonem rediit. Poenitentiarii tamen potestatem & absens adhuc, volente ita Summo Pontifice, exercuit, qua postea se etiam abdicavit, otiumque nactus Summam Causam Conscientiae, qui solent in foro conscientiae frequenter occurrere, conscripsit. Tandem post mortem Jordani, secundi Praedicatorum Magistri Generalis, Raymundus in Capitulo Generali Ordinis, Bononiae congregato, absens in ejus locum suffectus est, quod munus aegre susceptum post biennium iterum deposuit. Jacobo Arragoniae Regi, ejus nominis primo, tamen & postea a confessionibus fuit. Denique annos fere centum natus in lethalem morbum incidit, & ipso Epiphaniae die decessit an. 1275. Inter Sanctos relatus est a Clemente VIII. S. P. anno 1601. cujus ea de re Constitutio III. Kal. Maji ejus anni promulgata extat in Justi Fontanini Codice Canonizationum P. 260-279. ex qua pleraque excerptimus, multaque

taque ipsis Clementis verbis, alio literarum characterē notatis, exhibemus, cum aliis, quos consuluimus, auctoribus consentientia. Vitam Raymundi Hispanico sermone scripsit Salvator Pons, quae in Germanicum ab Aegidio Albertino translata Monachii an. 1602. prodiit. Eam etiam a Joh. Baptista Spatio, de Frenzuola, Placentino, Ordinis Praedicatorum, scriptam esse, fidem faciunt Leo Allatius in *Apibus Urbanis* p. 152. & Struvius *Hist. Jur. c. 7. §. 24. in not. ago*, ut & a Mastricht, qui ipse *Hist. Jur. Eccles. n. 353-365.* prolixè de Raymundo agit, praecipue n. 355. plures allegantur scriptores Raymundi vitam illustrantes. Quem supra allegavimus, Leander Albertinus, Bononiensis, Ordinis Praedicatorum, de *Viris Illustribus Ordinis Praedicatorum Libros VI.* partim a se, partim ab aliis compositos collegit, qui cum Praefatione Ludovici Rhodigini *Bononiae an. 1517. in fol.* prodierunt, in quibus vita Raymundi, superius allegata occurrit.

(d) Decretalium Collectio anno 1230. decreta, anno vero 1234. demum absoluta fuisse videtur. Si illud ad finem anni, hoc ad initium referatur, inter illud tempus, quod intercessit inter finem anni 1230. & initium anni 1234. satis respondet triennio, quod Clemens VIII. huic operi perficiendo, a Raymundo impensum esse dicit *l. c.* Ab operis consummatione ad ipsius promulgationem iterum aliquod temporis spatium, examini ejus impendendum, sine dubio effluxit. Unde id opus demum *Nonis Septembris* anni 1234. promulgatum fuisse docet *Epistola 218. Lib. 8. Registri* ad Parisienses Ecclesiae Doctores eo die *Spoleti* scripta. v. Boehmer. *Dissert. de Decret. Pontif. Rom. var. Coll. 63 fort. §. 15.* Non tamen eodem, sed demum 1235. anno hanc Gregorii IX. Collectionem Bononiae promulgata, atque Constitutionem *Rex Pacificus* &c. quae

quae Decretalibus praefigi solet, *Doct̃oribus & Scholaribus universis, Bononiae commorantibus* missam esse, probatur ex eo, quod Alexander Machiavellus *ad Sigon. Histor. Bonon. Lib. V. T. III. Oper. n. 104. p. 257.* postquam Decretalium Collectionem Raymundo anno 1230. commendatam, anno 1234. absolutam dixerat, mox addit: *ad hoc receptus liber duntaxat est anno 1235. Octaviano Ubaldini, nomine Archigymnasii recipiente, qui in locum Tancredi interea vita functi, fuerat Archidiaconus successus, & porro, anno 1241. tantum, decreta peculiaris cathedra, ad illum Scholaribus exponendum, ut aperte constat ex vetustissimo Kalendario Archigymnasii in Majo d. 21.* Cum enim Archidiaconus Bononiensis, uti *supra ad §. 62. n. (β)* in historia Decreti observavimus, ejusdem Archigymnasii Cancellarius fuerit, & hic missas ad illud Constitutiones acceptare & promulgare debuerit, feliciter conjicit Boehmerus *Dissert. de Decret. P. R. var. Coll. & fort. §. 15. n. 100.* obitum Tancredi impedisse, quo ntinus praecedente anno potuerit rescriptum recipi nomine Archigymnasii, hocque demum ab ejus successore Ubaldini anno 1235. factum esse; unde & prudenter & candide monet, quod non aliae Decretales, quam quae ante annum 1234. vel saltem paulo post hujus anni initium exaratae fuerint, huic Collectioni inseri potuerint, atque ita anni 1235. & 1236. quos ipse in sua editione Juris Canonici aliquot capitulis eadem nota allegatis, adscripserit, corrigendi sint. Licet itaque Romae & alibi, uti ex Epistola ad Parisienses Doctores scripta constat, jam anno 1234. haec Collectio Decretalium extaret, ea tamen demum anno 1235. post missam ad Bononienses Epistolam *Rex Pacificus &c.* plenius innotuisse videtur; qua ex causa forsan etiam Matthaeus Parisiensis *in Hist. Angl. ad annum 1235.* demum ejus mentionem fecit. Optime

me Gregorius IX. hanc spartam Collectionis novae Decretalium curandae sibi sumsisse videtur, quod ipse Juris Canonici peritissimus esset, utpote Bononiae in Archigymnasio publicus aliquando Decreti interpres; quod officium ipsi vindicat Alexander Machiavellus *ad Sigonii Hist. Bonon. L. V. p. 233. Tom. III. Oper. n. 46.* ubi ex pervetusto *Kalendario Bononienfi* haec refert: 20. Mart. vacat propter electionem in summum pontificem CLXXX. D. Hugolini Anicii ex comm. Anagnia, QVONDAM ARCHIGYM. PVBL. DECRET. INTERPRET. *Libri decretalium eisdem Archigymnasio per eum inscripti & Angelicae ter per diem recitandae orationis piissimi auctoris, ASSVMTO NOMINE GREGORII IX. quae inauguratio contigit hac die A. MCCXXVII. quibus deinde not. 105. p. 258. ex Kalendario addit diem obitus Pontificis: 22. (in Sextili) anno. fun. sanctissimi GREGORII IX. papae civ. Bonon. & qui HVJVS LYCEI PVBL. PROF. ad quod etiam misit suam insignem compilationem decretalium, de qua supra, ac quod accidit Romae A. S. MCCXLI. Rationes, quae necessitatem novae collectionis faciendae imponere videbantur, ipse Pontifex allegat in Epistola Rex Pacificus &c. Decretalium Collectioni praefigisoluta, nempe, quod Decretales Epistolae praecessorum suorum in diversa dispersae volumina fuerint, quod quaedam propter nimiam similitudinem, quaedam propter contrarietatem, quaedam propter sui prolixitatem confusionem inducere viderentur, quaedam vagarentur extra volumina supra dicta. His rationibus motus illas se in unum volumen (rescatis superfluis) providisse redigendas, & adjecisse Constitutiones & Decretales Epistolas suas dicit. Cum verbis Gregorii IX. rescatis superfluis notulam adjecisset Contius, quae in editionibus sequentibus servata fuit, & adhuc dum huic Constitutioni subjici solet: *Interdum**

& VTILIBVS, quod & de Triboniano dicitur, qui fuit Raymundo isto doctior; ea stomachum graviter movit Johanni Chiffetio, qui de Jur. utriusque Archib. c. 6. §. 2. id iudicium ineptum & puerile dicit. Gravius tamen aliquid ausus est Contius, qui in sua Decretalium editione Antwerpensi de anno 1570. primus adjunxit ea, quae a Raymundo resecta erant, & quandoque pauca verba, a Raymundo omissa, ipsi textui, sed diversis typis, inseruit, ut capitulorum verba in pleniorē lucem restitueret, saepe turbata ex paucorum verborum mutilatione. v. Boehmer. Diss. de Decretal. P. R. var. Coll. & fort. §. 15. n. 98. Instituti sui rationem Contius reddit in Praef. ad Decretales, & se consiliis aliorum, maxime autem Johannis Quintini, usum esse, huncque sibi non solum totius laboris suscipiendi auctorem, sed in plerisque observandis & fidelem monitorem & benignum adiutorem fuisse docet. Antonius Augustinus in Praef. ad antiq. Decret. laudat horum virorum ingenium, ejusque fructus non aspernatur, eos etiam, praeclare notas addidisse, quibus sua ab alienis distinguantur, fatetur, sed tamen audacius eos egisse, idque malo exemplo factum, remque esse pleni periculi existimat, si quod publica auctoritate acceperimus, liceat nobis privata voluntate interpolare. Idem tamen, quod Contius ausus est, facere non dubitavit Franciscus Pegna, qui ipse ex Correctoribus Romanis fuit, quique, uti observat Franciscus Florens in Praefatione de meth. & auct. Coll. Gratiani, quod Contius inchoaverat, praestitit accuratius & annotavit initio cujusque Decretalis. Male tamen & hic, sine dubio ob hanc tantum rationem, audit Antonio Augustino, qui sub finem Libri I. de Emend. Gratiani seriem Correctorum Romanorum, mancam tamen, exhibens, ultimum eorum sistit Franciscum Pegnam, Hispanum, ipsiusque nomini haec addit:

cujus

cujus sunt additiones Decretalium sine nomine, quia templum Dianae incendiſſe viſus eſt. Hanc cenſuram aegre fert Baluzius in notis ad *Ant. Auguſt. l. c. p. 695.* eo praecipue argumento eam refellens, quod Pegna, & ſuo & ſequentibus ſaeculis ob eruditionem ſatis laudatus, non opus habuerit, ut factò quodam illicito, uti He-roſtratus incendio templi, famam ſibi quaereret; nec hoc modo unquam quaefiverit, cum plane ne nomen quidem ſuum iis addiderit, adeo, ut illas notas marginales Decretalium *Franciſci Pegnae eſſe nullus ferme ſciat*, quod ultimum etiam Maſtrichtio ob ea, quae *Hiſt. Jur. Eccl. n. 364.* dicit, exprobrat Boehmer. *Diſſert. all. l. c.* qui de Contii & Pegnae labore & hic & in *Diſſert. de varia Decr. Grat. fort. §. 17. n. (i)* omnino conſulendus. Gravis haec cenſura impedire tamē non potuit Gonzaleſium Telleſium, quo minus Decretales, quantum fieri poterat, integras ex Collectionibus Gregoriana antiquioribus reſtitueret, & tam Gregoriana editionis, quam antiquiorum Collectionum verba, perpetuo ſermonis filo ſibi juncta, iisdemque literarum figuris ubique adhibitis ederet. Illud certe viri eruditi ſaepius obſervarunt, Decretalium Collectionem Raymundianam ita eſſe comparatam, ut, qui verum alicujus capitis ſenſum eruere vult, non facile eum aſſecuturus ſit, niſi eum ex fontibus, ex quibus ſuam Collectionem Raymundus derivavit, hauriat. Unde ipſe *Ant. Auguſt. in Praef. ad antiq. Collect.* dicit: *Multa ſunt a Raymundo detracta, quae niſi legantur, vix re-ſcriptorum ſententiam deprehendimus; & Franciſcus Florens de recta Juris Canonici diſcendi ratione auditores ſuos ſerio monet, ut in Gregorii Collectione legenda antiquas Collectiones ſemper adhibeant, quod in iis Conſtitutiones Pontificum integriorē reperturi ſint, quas, ait, Raymundus a Penna forti Barcinonenſis, Gregorii IX. Tribu-*

Tribonianus, passim interpolavit, rescidit & immutavit. Eandem consulendi antiquas Decretalium Collectiones necessitatem data opera demonstrat *Espenius Scol. ad omnes Can. Conc. P. VIII. c. 1. §. 4. & 5.* Ostendit enim 1.) ob rescissa aut omissa a Raymundo verba, alium vel obscurum Decretalis sensum reddi, ex ipsius integrae Decretalis lectione eruendum; cujus rei exempla allegat *Cap. 9. X. de Consuet. & Cap. 3. X. de Appell. 2.)* quandoque unicam voculam a Raymundo omissam aut immutatam dubium sensum facere, ut in *c. 2. X. de Judic. & c. 6. X. de Probat. 3.)* saepe aliquam Decretalem integram quidem a Raymundo exhiberi, sed tenebris tamen involutam ideo, quod quae in antiquis Collectionibus hanc praecedebant vel sequebantur Epistolae Decretales & huic lucem affundere poterant, in Collectione Raymundiana omissae sint; quod exemplo *Cap. 3. X. de Constit. probat. 4.)* Saepe unam Decretalem a Raymundo in plures partes scissam & per varios titulos disiectam esse, adeo ut nisi integra colligatur, ea intelligi nequeat; ita *C. 10. X. de Constit. C. 3. & 4. X. ut lite pend. nihil innov.* partes unius Constitutionis & difficilis explicationis esse, nisi jungantur. 5.) nonnunquam aliquas Decretales, aliquot laciniis ex ingenio Raymundi auctas, vel alienum a suo authentico vel saltem incertum sensum habere, ejusque rei exempla reperiri in *Cap. 2. X. de Elect. & Electi Pot. & Cap. 1. X. de Judiciis.* Sed ulterius progreditur *Espenius & ibid. §. 6.* ostendit pluribus exemplis, non semper sufficere ad explicationem Decretalium, ut ad antiquas Collectiones confugiamus, sed non raro & harum fontes adeundos esse, ut verus Decretalis Epistolae sensus eruatur. Caeterum *Gregorius IX.* non tantum antecessorum Constitutiones colligi curavit, sed & suas addidit, & has quidem vel precibus supplicum & consulentium respondentes, quas strictiori signi-

ficatione Decretales Epistolas appellare solemus,
 vel proprio motu, nullo rogante, promulgatas.
 Ad hanc classem referas Capita plurima per va-
 rios Collectionis Gregorianae titulos sparsa, quae
 solum constituentis Gregorii IX. nomen, nul-
 lum supplicantis & consulentis, in fronte gerunt,
 uti jam observavit Cujacius *ad Capp. penult. §*
ult. X. de Sent. § Re Jud. ubi & illud notat,
 quod haec capita praecipue ex Jure Civili petita
 sint. Scilicet cum Jus Canonicum Collectione
 Gregoriana antiquius non omnium causarum in
 foro ventilandarum decisioni sufficeret, & hinc
 saepius necessitas confugiendi ad Jus Justiniane-
 um subnasceretur, atque hoc inde plenior-
 usum & auctoritatem indies sibi acquireret, ar-
 bitrantur Viri eruditi, Gregorium IX. S. P. pe-
 nuriae huic Juris Canonici succurrere voluisse,
 & hoc animo multas Constitutiones novas, etiam
 non rogatum, suae Collectioni inferendas pro-
 mulgasse, ut Juris Canonici usum uberiores red-
 deret, eamque necessitatem, decisiones causa-
 rum multarum ex alio Jure petendi, vel tolle-
 ret vel saltem minueret. Illud sane Viri docti
 subinde observant, Gregorium IX. Justiniani
 operam, in suo Codice componendo adhibitam,
 studiose imitatum esse. Ita, uti Justinianus ex
 Codicibus Gregoriano, Hermogeniano, & Theo-
 dosiano, ac Constitutionibus Imperatorum Theo-
 dosio recentiorum unum, opera praecipue Tri-
 boniani usus, colligi curavit, suisque Constitu-
 tionibus auxit, ita & Gregorius IX. ex praece-
 dentibus Decretalium Collectionibus atque Epi-
 stolis Pontificum *extra haec volumina vagantibus*,
 opera Raymundi, quem ideo Gregorii IX. Tri-
 bonianum appellavit Franciscus Florens l. c. u-
 num corpus componi jussit, suisque Constitutio-
 nibus additis locupletius reddidit. Ita &, si ul-
 timos Codicis Justiniani Libros, ad publica jura
 maxime spectantes, exceperis, Gregorius IX.
 eundem

eundem fere rerum ordinem sequi visus est, quem in suo Codice servavit Justinianus; quod instituta Collectionis Gregoriana cum illo Codice comparatione, ostendere conantur Franciscus Florens de Meth. & Auct. Coll. Gratiani, & Espenius l. c. §. 3. Quod ad auctoritatem Collectionis Gregoriana attinet, ipse Gregorius IX. S. P. in Epistola Rex Pacificus &c. vult, ut hac tantum compilatione universi utantur IN JUDICIIS ET IN SCHOLIS. Sane quod haec Collectio postea, magnam in foris auctoritatem obtinuerit, sequentium saeculorum historia uberrime docet.

Nec tamen ideo Decreti usus sublatus est, sed portus ex Gregoriana Collectione fortissimum alagumentum ducimus, magnam Decreto & ante illam Collectionem in foro auctoritatem fuisse, & per eam non debuisse reddi minorem. Ab ipsis enim Pontificibus non raro id in usum deductum fuisse, ex Epistolis Decretalibus Gregoriana Collectionis discimus, cujus rei aliqua tantum exempla allegasse sufficiat. In Cap. 19. X. de Elect. & El. pot. verba Apostoli 1. Tim. c. 5. v. 22. Nemini cito manum imponas &c. ita allegantur, ut ad eorum explicationem a Leone factam in C. 5. Dist. 61. & C. 3. Dist. 78. digitus intendi videatur. In C. 20. X. de Elect. & El. pot. si integrum legatur, ad Canones 1. 2. 3. 5. 6. 8. 11. 12. 13. Distinct. 56. provocari apparebit. In C. 13. X. de Restitut. Spol. ad B. Gregorii dispensationem provocatur, quae in c. 20. C. 35. q. 2. & 3. occurrit. In C. 7. X. de his, quae sunt a Prael. controversia agitur, in cujus ventilatione ex una parte allegatur Epistola Hieronymi ad Damasum, incerta quidem, quae servatur in c. 68. C. 16. q. 1. ex altera vero parte Leonis P. R. epistola, quam exhibet c. 52. C. 12. q. 2. Decisionem autem ex c. 39. C. 16. q. 7. petitam esse docet Boehmerus ad C. alleg. n. 69. & 81. In C. 6. X. de Despons. Impub. disertis

M m m 2

verbis

verbis ad Decretum Gratiani provocatur: *cum in Decretis habeatur expressum &c.* Jam autem ostendit Ant. August. de *Emend. Gratiani* L. I. *Dial. I. p. 3.* quod opus Gratiani male *Decretum*, melius *Decreta* inscribatur, quod pluribus etiam probat Baluzius in *notis ad Ant. August. l. c. p. 655. & sq.* Quod vero illud opus propter eminentiam *Decretorum* nomine insigniatur, & quod in *C. alleg.* sine dubio ad c. 3. C. 33. q. 1. provocetur, docet Boehmerus in n. 25. ad C. 6. *alleg.* In C. 5. X. de eo, qui duxit in matr. allegatur Leonis Papae decisio, quae iisdem verbis occurrit in c. 1. C. 31. q. 1. qui canon, licet magis videatur Concilii Triburiensis fuisse, quam Leonis, huic tamen a Gratiano ibidem adscribitur. In C. 1. X. de Cognat. Spirit. Alexander III. allegat duos Canones, quorum primo natos post compaternitatem ad invicem copulari prohibitos, altero, posterius edito, primum corrigi dicit. Per hos Canones generali nomine allegatos Decretum Gratiani indigitari eo facilius demonstrari potest, quo clarius digitum intendit ad c. 4. § 5. C. 30. q. 3. licet ordinem eorum inverterit, sine dubio ex vitio Codicis, quo usus est, v. Boehmer. not. 53. ad Cap. 1. *alleg.* In C. 30. § 31. X. de Sent. Excomm. citatur Gregorii Papae Capitulum: Quoniam multos &c. pro more illorum temporum, quibus textus Gratiani per verba initialia allegari solebant. Idem autem Capitulum: Quoniam multos &c. iisdem verbis occurrit in c. 103. C. 11. q. 3. v. iterum Boehmerus n. 20. ad C. 30. *alleg.* In C. 40. X. de Sent. Excomm. Sardicensis Concilii decisio refertur, quam ex ejus c. 17. sistit c. 4. C. 11. q. 3. Imo, ubi & Gratianus aliquid humani passus est, id tamen aliquando receptum esse in Decretalibus exemplo C. 11. X. de Renunc. & C. 13. X. de Judic. probare tentarunt Espenius *Scol. ad omn. can. Conc. P. VI. c. 3. §. 1.*

§. 1. & Boehmerus *J. E. Tit. de Constit. §. 24. ubi pro translat. legendum Renunc.* quod ipse Boehmerus indicat *Diss. de varia Decreti Grat. fort. §. 18. n. (q)* quem de his allegationibus Decreti vide *ibid. §. 14. not. c. §. d. & in Dissert. de Decret. P. R. variis Collect. §. fort. §. 15. n. 95. in f.* Hic tam certus, tamque frequens Decreti Gratiani usus, ab ipsis Summis Pontificibus in suis Constitutionibus ad causarum judicialium decisionem argumentorum pondere firmandam adhibitus, clare ostendit, Auctores harum Decretalium ipsum Decretum usu forensi jamjam comprobatum invenisse, & agnovisse, imo illud in usum suum deducentes posteris exemplo fuisse, ut illud, tanquam Juris Canonici partem, & judiciorum regulam, & ipsi agnoscerent. Sane, quod ad Germaniam maxime attinet, Fridericus II. in sua Constitutione Moguntina de anno 1235. vel, ut aliis placet, 1236. c. 15. Schilterianae Editionis, uti illa cum MSCto Senckenbergiano collata novissimae Rec. Imp. editionis *P. I. p. 19.* exhibetur, dicit: *Wir gepieten auch vestiglich das man in allem Römischen reich an gaistlichen Dingen (judiciis Ecclesiasticis) nach gepot und nach ratt der Erzbischoff sich halt, und der Bischoff und der Erzpriester nach gaistlichem recht und wer dawider ist den sol man haben für unglawbig.* Quo tempore sane Fridericus sub voce, *gaistlichem recht*, vix aliud, quam Decretum Gratiani intelligere potuit, quod Germanis jamdiu per Bononienses Professores innotuerat, cum Collectio Gregoriana ad Bononienses hoc demum anno 1235. & anno 1234. ad Parisienses missa Germaniae nondum ita cognita fuisse videatur, ut inter constantes judiciorum regulas recipi potuerit. Hanc sanctionem repetit Rudolphus I. in Confirmatione Fridericianae Constitutionis, Moguntiae anno 1281. promulgata. v. *R. I. P. I. p. 31.* *Wir gebeten vestlinliche, das man in*

allem romeschen riche an geistlichen Dingen nach ge-
 bote und nach rate der erzbischofe sich halbe, und
 der Bisschofe, und der erceprester nach geistliche-
 me rechte. Und siver darwider ist, den sol man
 haben vor einen unaeloubigen. Haec verba fere
 eadem sunt, quae Friderici II. sed hic sub iis
 non nisi Decretum intelligere potuit, Rudolphus
 autem simul cum Decreto Decretales forsan in-
 tellexit, quae eo tempore Germanis jam satis no-
 tae esse potuerunt. Sic etiam Speculi Suevici Au-
 ctor dicit: und als die Bapst und die Kayser zu
 Concilien und zu hofe haben gesetzt und gebotten
 auß dem Decret und Decretal, dann auß den
 zweyen Büchern nimbt man alle die Recht, der
 geistlichen und weltlichen Gericht bedarff. v. Cap. 5.
Ed. Meichsr. vel, uti in Schilteri *Thef.* T. II.
 legitur, *Introitus* §. 31. & 32. Haec vero De-
 creti auctoritas, usu & receptione firmata majores
 indies vires cepit. Nollem tamen ego af-
 firmare, omnia ejus capita aequalibus in foro vi-
 ribus gaudere. Quaedam enim, facie rerum
 per temporum seriem mutata, ab usu paulatim
 recefferunt; quaedam per Constitutionem recen-
 tiorum, & maxime per Collectionem Gregorianam
 vel tota vel ex aliqua sui parte abrogata fue-
 runt; ita ut de Decreto fere idem dicendum vi-
 deatur, quod de Jure Justiniano & Feudali
 Longobardico dici solet, illud non per singula
 capita auctoritatem habere, sed in genere vel,
 uti Jcti loquuntur, per *aversionem*. Saeculo XVI.
 tanti & tam certi usus aestimatum fuit Decre-
 tum, ut, quo hic usus felicius esset, illud a
 mendis, quibus scatebat, publica auctoritate
 purgandum videretur. Mandavit hanc spartam
 Pius IV. S. P. viris selectis, pluribus eminenti-
 ori dignitate, omnibus eruditionis praestantia
 illustribus. Continuum est hoc opus sub Pio
 V. S. P. & tandem perfectum sub Gregorio XIII.
 S. P. ita ut, si omnes, qui tribus vicibus, huic

Corre-

Correctorum Romanorum consortio additi fuerunt, conjunctim computentur, ad triginta quinque socios numerus illorum excrescat, quorum nomina exhibet Justus Fontaninus / Archiepiscopus Ancyranus, in *Praefatione ad Gratiani Decretorum Libros quinque, secundum Gregorianos Decretalium libros titulosque distinctos per Johannem a Turrecremata Ordinis Praedicatorum S. R. E. Episcopum Cardinalem Sabinum*, a se Romae 1727. editos, & ex eo Boehmerus *Dissert. de varia Decreti Gratiani fortuna* §. 17. n. (e) Hinc quam mancus sit catalogus horum Correctorum, quem Antonius Augustinus sub finem *L. I. Dial. de Emend. Gratiani* & ex eo Mastricht *Hist. Jur. Eccl. n. 393.* & Struvius *Hist. Jur. c. 7. §. 32.* sistit, quique 24. Correctores tantum exhibet, satis intelligitur. Ex hoc consortio Correctorum Romanorum prodierunt duo Summi Pontifices, nempe ipse Gregorius XIII. & Sixtus V. eruditione & rerum Ecclesiasticarum peritia praestantissimi. Quid hi Correctores in Decreto emendando praestiterint, satis ipsi docent in *Admonitione ad Lectorem* editionibus Decreti vel praefigi vel subjungi solita. Decretum ita a multis mendis purgatum Gregorius XIII. partem facere Juris Canonici cum Decretalibus Gregorii IX. Libro sexto Bonifacii VIII. Clementinis & Extravagantibus agnovit edita Constitutione a. 1580. d. 1. Julii, & quod in hac Constitutione de integro Jure Canonico statuerat, id postea nempe d. 2. Jun. 1582. in Decreto emendato speciatim fieri jussit, nempe *ut, quae emendata & reposta sunt, omnia quam diligentissime retineantur, ita ut nihil addatur, mutetur aut imminuatur.* Inde colligo, Gregorium XIII. non quidem tum demum huic Decreto auctoritatem legalem dedisse, sed eam ex usu & receptione ipsi jam dudum inhaerentem agnovisse, &, ut id eo felicius in posterum ad usum utrum-

que, scholasticum nimirum atque forensem, adhiberi posset, id emendari curasse. Unde Boehmerus (qui hanc sententiam *J. E. L. I. T. II. §. 25.* contra Espenium, & in *Dissert. de var. Decr. Grat. fort. §. 18. n. (o)* & *sqq.* contra Oddonem Scharzium, Prof. Salisb. qui in *Diss. prooem. ad Comm. in Decretal. n. 28.* & *sqq.* eam aggressus erat, defendit) rationes *l. c. n. (p)* ita subducit: Qui perspectum cognitumque usum Juris cujusdam in foro habet; qui tantos labores ejusdem emendationi impendit; qui Corpori authentico Juris illud addendum esse decernit; qui denique severe prohibet, ne quid in posterum ei addatur & detrahatur, sed ut semper & perpetuo integrum & incorruptum in eo statu, in quo post correctionem constitutum est, conservetur, ita ut conjunctim haec omnia concurrant, ille auctoritatem ejus authenticam agnoscere debuit, ad minimum per aversionem. Atqui Gregorius XIII. ut optimus Juris Canonici Interpret, & in rebus Ecclesiasticis versatissimus, usum Decreti suo tempore cognitum perspectumque habuit, & in eo innutritus fuit, praeterea vero reliqua, quae dixi, praestitit. Non ergo necesse fuit, expresse & explicite auctoritatem de novo Decreto tribuere, quam jam longe ante ejus tempore habuit in foris, cujusque intuitu correctionem perficiendam curavit Pontifex. Infantissimus foret, qui sibi aliisque persuadere vellet, ob solum theoreticum, & non potius ob genuinum usum practicum, tot eruditissimis viris hunc Herculeum laborem demandatum, totque vigiliis tandem ad exitum perductum fuisse.

- (*) Qui historiam Juris Canonici scribunt, tantum non omnes inter Gregorianam & Bonifacianam Collectiones prodiisse aliam negant, cum Gregorius IX. aliam fieri omnino prohibuerit in *Const. Rex Pacificus &c.* Quem errorem etiam a Struvio *Hist. Jur. c. 7. §. 26.* & Mastrichtio *Hist.*

Hist. J. E. n. 366. commissum monet Boehmerus *Diff. de Decr. P. R. var. Coll. & fort. §. 16. ibique in notis*, docetque, Collectiones tantum privatas a Gregorio IX. prohiberi, & post ipsum cessasse, duas autem in intervallo illo prodiisse, alteram quidem Innocentii IV. ex Canonibus Concilii generalis Lugdunensis, anno 1245. celebrati, compositam ad methodum Decretalium Gregorii IX. & ad Bononienses missam, ut in Judiciis & Scholis usum praestaret; quam ipse nondum editam ex Codice MSCto Berolinensi primus exhibet in Corporis Juris Canonici, a se editi, *Appendice sub N. III. p. 348.* Alteram vero Gregorii X. in Concilio generali Lugdunensi II. compositam, & ipsam ad Bononienses missam, ex qua, jam in Collectionibus Conciliorum edita, variantes ipse collegit lectiones in *Append. sub N. IV.* Debebant illae inferi Gregoriana Collectioni ita, ut earum capita sub suis quaeque titulis exhiberentur. *Hoc tamen factum fuisse non liquet, sed separatim hae compilationes glossis illustratae fuerunt.* v. Boehmerus *l. c.* Postea in Librum VI. translatae sunt.

- (§) Ratio hujus rei est dissidium gravissimum inter Philippum Pulchrum Franciae Regem, & Bonifacium VIII. S. P. acerrime agitatum; cujus Acta publica exhibentur in Libro, qui tertia vice multis accessionibus auctus prodiit Parisiis anno 1655. in f. sub titulo: *Histoire du differend d'entre le Pape Boniface VIII. & Philippes le Bel Roy de France*; in quo quae Gallico & Latino sermone scripta reperitur ejus litis historia, Simoni Vigorio adscribitur, collectio autem Actorum Petro Puteano, collectio processus contra Episcopum Apameensem vero Jacobo Puteano vindicatur. v. *Job. Christoph. Mylij Bibliotheca Anon. Gall. n. 506. & ibid. n. (a)* Eandem litem recenset Bailletus singulari libro in forma duodecima Parisiis 1718. edito, cui titulus: *Histoire*

stoire des Demeles du Pape Boniface VIII. avec Philippe le Bel, Roi de France. Aliqua de hac re, certe non vulgaria, occurrunt apud Petrum de Marca de Conc. Sacerd. & Imp. &c. passim, maxime autem L. II. c. 3. §. 8. & ibidem apud Baluzium, qui etiam Orationem Bonifacii VIII. pro confirmando Rege Romanorum Alberto, duram sane & certissimis regni Francici juribus vehementer inimicam, ex Codice Colbertino exhibet; & apud eundem P. de Marca L. IV. c. 16. Succincte historiam ejus litis etiam sistit Mastricht Hist. J. E. n. 369. & alii passim. Videantur etiam Bochelli Decreta Ecclesiae Gall. L. II. Tit. 16. c. 2. p. 321. & sqq.

- (ⁿ) Auctoritatem Libro VI. in Gallia etiam dene-
gant Fleury Introd. au Droit Eccl. T. I. cb. 1.
p. 14. & Auctor de l'histoire du Droit Canonique
& du Gouvernement de l'Eglise chap. 10. p.
50. Maxime notatu digna sunt, quae dicit Histo-
ria Latina Magni dissidii &c. quae in libro nota
(^z) allegato: Histoire du differend &c. occur-
rit, ubi p. 37. haec leguntur verba: Regi tamen
placuit per totum regnum ipsius memoriam extin-
gui & aboleri, sextumque Decretalium librum a
Bonifacio collectum allegari vetitum: adeoque
hocce Regium jussu viguit, ut ne nunc quidem
ullus apud Judices rationem, ex illo libro peti-
tam, allegare audeat. Quod etiam ad Cap. Ge-
nerali constitutione de Electionibus in sexto glos-
sae auctor his verbis in editione Romana deletis
adnotavit, „ Ideo secundum aliquos Constitu-
„ tiones istius Compilationis (scilicet 6. libri)
„ non fuerunt receptae in hoc regno propter
„ istam, de jure nempe regaliae, controversiam. „
- (³) Clemens V. anno 1313. in castro de Monti-
liis prope Carpentoratem civitatem, in qua tunc
Curia morabatur, fecit coram se in Consistorio
publicari Constitutiones, quas prius fecerat ordi-
nari, ex quibus decreverat fieri librum unum,
quae

*quae dicuntur Constitutiones Clementinae. v. vita Clementis V. scripta Auctore Bernardo Guidonis Episcopo Lodovensi in Baluzii Vitis Pap. Avenion. T. I. p. 60. & 80. ejusdemque vita scripta Auctore Amalrico Augerii de Biterris &c. ibid. p. 110. Ad studia generalia autem eam Collectionem non ipse Clemens V. sed demum Johannes XXII. an. 1317. non vero, uti apud A. N. b. l. in nota legitur, 1313. misit, quod Joannes Canonicus S. Victoris, Bernardus Guidonis, Ptolemaeus Lucensis, Amalricus, in vita Joannis XXII. apud Baluzium l. c. p. 119. 137. 174. 190. testantur. Rationem, quae promulgationem Clementinae Collectionis differri jussit, Johannes XXII. in Constitutione, qua hanc Collectionem Doctores & Scholaribus universis Bononiae commorantibus commendat, ita reddit: *adsidua tamen occupatio circa magna, ac sortis humanae conditio, quae ipsum de medio sustulit, in causa fuerunt, quare suum in hac parte propositum non implevit.* Consentiunt Vitae Clementis V. scriptores allegati & ipse *Venetus coaetaneus*, qui inter scriptores vitae Clementis V. apud Baluzium *ibid. pag. 86.* reperitur. Omnes uno ore morbum & mortem Clementis V. S. P. quibus ipsum paulo post oppressum esse dicunt, tanquam impedimenta, quae promulgationi obstiterint, accusant. Contradicit his omnibus Aventinus *Annal. Boic. L. VII. c. 15.* qui Clementem V. hujus Collectionis poenituisse, adeo, ut eam non promulgari curaverit, sed potius morti vicinus aboleri jussit, seque id a Wilhelmo Occamensi didicisse asserit. Illis omnibus consentientibus, quorum aliqui tamen ad ipsa Clementis tempora accedunt, unicum Aventini, qui XVI. saeculo demum scripsit, testimonium, quo ad Guilielmum Occamensem, ejus quidem saeculi scriptorem, sed memoriae Clementis V. quantum poterat, lubentur detrahentem, sermo-
ne fat*

ne sat vago & incerto provocatur, opponere ego quidem non audeo. Ne tamen quid dissimulem, sunt quaedam, quibus Aventini dicta aliquantum adjuvari possent. 1.) Joannes Canonicus S. Victoris *l. c.* rationem morae promulgationi Clementinarum injectae non in casu praeter spem contingente, sed in consilio cum seria deliberatione capto quaerit; nempe quod Clemens in promulgatione capitum a se collectorum moram fecerit, *sperans, quod ad limam iterum devenirent.* 2.) Clemens V. Collectioni suae in Consistorio publicatae per anni, & quod excurrit, spatium superfuit, licet aliter computet Bernardus Guidonis *l. c.* qui tamen hic aliorum testimoniis, suisque ipsis verbis refellitur. 3.) Ipse Clemens V. satis temporis in eo, quod a publicatione Collectionis Consistoriali ad mortem ejus intercesserat, intervallo invenit, quo eam ad *studium generale Aurelianense* mitteret, cui initia & ornamenta dederat, & Regiam confirmationem impetraverat, cuique, tanquam suo, impense favebat. Epistolam Clementis V. ad Aurelianenses hac de re scriptam ex Codice Clementinarum membranaceo Hasso-Cassellano producit dignissimus magno patre filius, Georgius Ludovicus Boehmerus in *Diatr. de Clementinis* §. 9. Verba Epistolae haec sunt: *Clemens Episcopus, servus servorum Dei, magistris & scholaribus, Aurelianis commorantibus, salutem & Apostolicam benedictionem. Cum nuper in generali Consilio Vienenensi & ante & post quasdam Constitutiones super certis articulis duxerimus promulgandas; vobis per apostolica scripta mandamus, quatenus eis, quas sub bulla nostra vobis transmittimus, utamini a modo tam in judiciis, quam in scholis. Vid. etiam Boehmerus pater, meritis & filiis illustris, in Dissert. de Decretal. P. R. var. Coll. & fort. §. 17. n. 105. & sqq. Clementinas aliquando nomine Libri Septimi allegari solitas fuisse,*

fuisse, probat vita Clementis *Auctore quodam Veneto coaetaneo* scripta apud Baluzium l. c. p. 86. & Vita Johannis XXII. *ex appendice Ptolemaei Lucensis* *ibid.* p. 174. Alia exempla allegat Baluzius *ibid. in notis ad Vitas Pap. Avenionens.* p. 682.

- (.) Utraque Collectio privata auctoritate prodiit, auctoribus incertis. Novissima inter Extravagantes Communes Constitutio est ea, quam A. N. b. l. in n. allegat, ut inde argumentum ducat, integram Collectionem post annum 1483. demum prodiisse, cum Constitutio allegata sit a Sixto IV. eo anno promulgata. Extravagantes Johannis & Communes partem Corporis Juris esse agnoscit & vult Gregorius XIII. in Constitutione de anno 1580. unde eas & ante ipsum auctoritate per usum & receptionem gavisas esse, & post ipsum ex ipsius voluntate gaudere debere, concludimus.

§. LXX.

At non tamen ideo nuncium juribus patriis mittebant Germani, sed juribus his peregrinis tantum utebantur, tamquam illorum supplemento. Quin erant, qui aegre ferrent, has lacinias juri Germanico adfui, ac proinde illud conservare omni ope niterentur. Quo factum, ut ipsi Reges Germaniaeque Ordines leges veteres in usum revocare, consuetudinesque litteris mandare studerent, & subinde novas conderent, quibus obex quodammodo poneretur peregrinis istis juribus.

Germani de conservando jure patrio laborare incipiunt.

§. LXXI.

Imperatores & Reges ipsos cum imperii Ordinibus de conservando jure patrio fuisse sollicitos, primo inde patet, quod his saeculis

Hinc veteres leges ac ju-

lis

sa servari
judent
Impp.

lis non semel publica lege caverunt, ut juri antiquo patrio sua constaret auctoritas. Sub Ottone enim IV. Imp. anno MCCVIII. in comitiis Francofurtanis sancitum, *ut omnia jura a Carolo M. instituta, observarentur, tene- renturque* *. Godofred. Monach. in Chron. ad ann. MCCVIII. Anno MCCXXXV. in comitiis Moguntinis celeberrimis, teste eodem Godofredo, *pax jurata, vetera jura stabilita, nova statuta, & Teutonico sermone in membrana scripta omnibus publicata*. Quod vetustissimum legis, patria lingua scriptae, monumentum edidit Goldast. P. II. *Reichs Satzung*. p. 17. seq. (α) Eodem fervore legum patriarum usum firmatum animadvertimus a Rudolpho Habsburgico, in comitiis non solum Herbipolitaniis, anno MCCLXXXVII. sed & Spirensibus anno MCCXCI. apud Lehmann. in Chron. Spir. V, 108.

* Nec tamen hic intelligenda videntur capitularia, sed leges Saxonibus, aliisque gentibus Germanicis a Carolo M. latae. Et jam fere in consuetudinem res abierat apud Germanos, ut quaevis paene gens mores suos ac privilegia Carolo M. tribueret. Exempla in jure tum provinciali Saxonico, tum Weichbildico, itemque apud Frisios, aliasque gentes ubique occurrunt. Conring. de Orig. Jur. Germ. Cap. XIII. Gryphander de Weichbild. Cap. LIV.

(α) Ubi sub hoc titulo occurrit, *Kenser Friedrichs des andern Recht, gesetzt und bestätigt mit der Fürsten Rade, und mit andern grossen Herrn, und Wyßen zu dem grossen Hoff zu Wauzanke, und geschah nach unsers Herrn Christi gewurd, zwelff*.

zwelfshundert und sechs und drossig ja e, in
 Sand Marien im dritten Augste. Quam Con-
 stitutionem tamen scriptores tantum non omnes
 ad annum 1235. referunt. Eadem confirmata a
 Rudolpho I. in Comitii Moguntinis de a. 1281.
 Constitutione, Germanico etiam sermone, exa-
 rata, quae extat in *Rec. Imp. ed. nov. P. I.*
p. 31. nec non in Comitii Herbipolensibus de
 an. 1287. quae Constitutio & ipsa Germanico
 idiomate conscripta exhibetur a Lehmanno *Chron.*
Spir. L. V. c. 108. & Rec. Imp. ed. nov. P. I.
p. 34. Quando vero Conringius de O. J. G.
 c. 27. p. 163. quandam Constitutionem Rudol-
 phi Germanicam Spirae anno 1291. latam a Leh-
 manno l. c. produci asserit, id ita intelligendum
 est: Rudolphus Constitutionem Friderici II. jam
 antea anno 1281. repetitam, nunc denuo anno
 1287. in Comitii Herbipolensibus Germanico
 sermone renovat, quae Constitutio renovata
 a Lehmanno *ibid.* exhibetur, & tantum in Ru-
 brica ejus capitis simul indicatur, eam postea de-
 nuo an. 1291. Spirae renovatam esse, ita tamen
 ut ipsa Constitutio Spirensis *ibidem* non produca-
 tur, quae ne in *Rec. Imp.* editione novissima
 quidem, etsi magno studio curata, occurrit.
 Quod autem Aventinus *Annal. Boic. L. VII. c. 9.*
 & Mart. Crusius *Annal. Suevic. L. III. P. III. c. 1.*
 asserunt, quod Rudolphus I. Constitutione edita
 jussit, ut *Principum & Pontificum Edicta,*
privilegia &c. Teutonum lingua ederentur, vel,
ne amplius literas contractuum Notarii Latine
scriberent, sed Germanice, id defectu Constitu-
 tionis, quae nusquam extat; (eam enim, quam
 Goldastus sistit, oppido falsam esse jam docuit
 Schurtzfl. *Epist. P. I. p. 29.*) silentio scripto-
 rum ejus temporis, & actuum publicorum priva-
 torumque, Latino sermone post ea adhuc tempo-
 ra conscriptorum, frequentibus exemplis fere
 in dubium vocatur. v. Lehmanni *Chron. Spir.*
L. V.

L. V. c. 107. Conring. de O. J. G. c. 27. p. 162. Struv. Hist. Jur. c. 6. §. 19. Einleitung in die Geschichte der L. R. N. Rec. Imp. editioni novissimae praefixa c. 7. §. 2.

§. LXXII.

Imperato-
res & or-
dines no-
vas leges
condunt.

Deinde ipsos Imperatores Principum consilio a Lotharii temporibus frequentius tulisse leges novas, easque scriptas promulgasse in Imperio, satis constat. Tales fuere leges Fridrici I. feudales, de quibus Radevic. *de Gest. Fridrici I. Imp. II, 7.* tales ejusdem constitutiones apud Goldast. *Constit. Imp. T. III. p. 330.* Talis ejus pax publica, in comitiis Noribergensibus anno MCLXXXVII. publicata, de qua Abb. Vrsp. *ad ann. MCLXXXVII. & Datt. de pace publ. Cap. III. §. 69. p. 19.* Superfunt & aliquot leges Ottonis IV. apud Goldast. *Tom. III. Constit. p. 371.* Fridrici II. de quibus Pfeffing. *in Vitriar. Illustr. I, 2. p. 67.* Ut alia hujus generis omittamus. Mirandum enim profecto, collectiones Recessuum imperii antiquiorem nullam exhibere, quam ex saeculo XV. (a) in cujus rei causas inquit. III. Cancell. a Ludewig. *in Aur. Bullam. Tom. I p. 15.*

* In primis huc pertinet libellus de BENEFICIIS, quem dudum a Jo. Havichorstio Col. 1569. editum, tamquam *ἀνέκδοτον* edidit celeb. Thomafius in *Selectis Feudalibus*. De hujus vero libri aetate, quae dicenda erant, jam in praefatione priori editioni praemissa p. XXII. diximus.

(a) Nonnullas tamen praecedentium saeculorum Constitutiones sistit novissima Recessuum Imperii editio Francof. 1747.

§. LXXIII.

§. LXXIII.

Denique tam certum, quam quod certissimum est, non aliam ob causam ab his temporibus scribi coepisse tot leges provinciales ac statuta, quam ut irruentibus in forum iuribus istis peregrinis obicem ponerent Principes ac civitates. Jac. Frid. Ludov. *Prooem. Spec. Sax. §. XII. sequ.* Nec alio pertinent illa Repkovii *Lib. I. art. 3. Der Bapst mag kein Recht setzen, da er unser Landrecht oder Lehen-Recht mit aendern oder kraencken moege**. Eo consilio saeculo XIII. ad scribendum Speculum Saxonicum (α) EPKONEM DEREPKAV excitavit HOYERVS A FALKENSTEIN: eodem scriptum est SPECVLVM SVEVICVM, totque ex eo tempore condita sunt iura provincialia & municipalia statuta, ut taedium esset, eorum numerum inire.

Juraque
patria in
scriptu-
ram redi-
gunt.

* Paulo ante enim innotescere in hoc terrarum tractu coeperant Pontificum Decretales, iisque Monachi Montis Sereni prope Halam nostram primum usi sunt circa annum MCCV. ad quem in *Chronico Montis Sereni p. 79. edit. Maderi* haec legimus: *Ad hoc primum tempus fratres Sereni Montis adpellationis & verborum Decretalium, eis adhuc ignotorum usum habere coeperunt, quarum rerum praesati Tiderici electores a Bertholdo Merseburgensi praeposito & Henrico, ejus fratre, informati auctores fuerunt. Qui sane locus, notatu dignissimus, hic non fuit praetermittendus.*

(α) Speculi Saxonici nomen, quod aliquando laxiori significatione Jus Provinciale Saxonium, Jus Feudale Saxonium & Jus Weichbildicum Magdeburgense comprehendit, nos hic strictiori

& magis proprio sensu accipimus, & cum A. N. soli Juri Provinciali Saxonico vindicamus. Ejus originem olim communis opinio Carolo M. adscripsit. Ipse Auctor Prooemii Speculi Saxonici, ejusdemque Glossator hanc opinionem introduxisse, imo Constantinum Carolo in condendo hoc Jure socium dedisse videntur. Ita enim ille quidem in *Prooemio solutae orationis* loquitur; Nun wir aber bekert sind, und Gott uns wieder eingeladen hatt; so halten wir sein Gesetze und Geboth, welche uns seine Weissagungen und gute geistliche Leute gelehret, auch die Christliche Könige Constantin und Carl gesetzt haben, woran sich auch Sachsenland noch seines Rechtes halber hält. Hic vero statim ad initium hujus Prooemii ita commentatur: Sie hebet der Eck von Nebkam an, in Teutsch zu bringen das Lateinische Privilegium, das Constantinus und Carolus beyde Römische Keyser, auf eine Zeit gaben den Sachsen vor Recht, auff daß sie sich zum Christen glauben bekärten &c. Hic porro ad *Jur. Prov. L. I. Art. 14.* de Carolo M. praecipue idem affirmat: darum auch aus diesem wol zu schliessen were, daß das Landrecht diesesfalls billich nichts mehr gelten solt, weil es elter ist, als das Lehnrecht. Dann der edle König Carol der Grosse hat es uns geben. Adde *L. III. Art. 82. gloss. n. 5.* Dieses der Sachsen Privilegium ist gegeben worden auf der Sachsenburg von König Carolo, nach Christi geburt im achthundertten und zehenden jahr, und seines Reichs im zehenden, den zehenden tag des Hornungs. Quorsum etiam facit Glossa ad *Weichb. Art. 7.* Quod vero Glossator per *Privilegium* designet totum *Speculum* & haec ipsa loca, quae produximus, interque ea maxime omnium primus, satis innuunt, & alia luculenter confirmant, uti ad *L. I. Art. 19.* Dieses alles aber, so in diesem Artikel stehet, gehört nicht zu dem Privilegio der Sachsen,

Sachsen, sondern ist allein zu einer gleichniß eingeführt, und sind Eifers worte des rechtfertigen Mannes. Ita ad *L. I. Art. 30.* zum ersten darumb, daß das Privilegium dem Lande gegeben ist, und nicht den Leuten oder den Personen. *Sententia Glossatoris itaque, si omnia colligimus, haec est: Constantinus & Carolus M. hoc Jus, quod ego glossis illustro, eodem tempore Latino sermone Saxonibus dederunt, Epko Repkovius autem postea id in Germanicum sermonem transtulit & aliqua hinc inde addidit. At vero nullus Constantinorum est, qui simul cum Carolo Leges Saxonibus ferre potuerit, nec ulla hujus Juris Saxonici pars est, quae ad Constantinum referri possit, nisi illi tribuere velis, quod extat Jur. Prov. Saxon. L. III. Art. 63. Quod autem ad Carolum M. attinet, ipsi post Glossam plures originem Juris, hoc Speculo comprehensi, acceptam ferunt. Primus tamen huic sententiae se opposuit Krantzius Saxon. L. II. c. 21. quem secutus Heigius L. I. Quaest. 8. n. 20. & sqq. Gryphiander de Weichbild. Saxon. c. 37. Conringius de O. J. G. c. 13. c. 25. 39. & ex eo tempore plurimi. Rationes, quae opinionem olim receptam destruunt, praecipue hae sunt. 1.) nulla prostant Carolingici temporis testimonia, quae hujus Speculi mentionem faciant, 2.) Epko & Glossator nimis a Carolo M. remoti, quam ut de ejus rebus fidem facere possint. 3.) Uterque in rerum historicarum cognitione omnino coecus, ita ut relationes illorum fabulis crassioribus mixtae & omnino suspectae sint: 4.) Communis eorum temporum mos, omnia, auctoritatis conciliandae gratia, Constantino & Carolo, tanquam auctoribus (sicte an vere nil interest) facile tribuit. 5.) multa ad statum vel publicum vel privatum spectantia, Caroli aetate omnino recentiora, hoc Speculo exhibentur, quae ejus aetatem Carolo posteriorem ostendunt,*

6.) Ottonum Magni & Ruffi five Ildi Constitutiones occurrunt in ipso Speculo, si Glossae fides est, & quidem illius *Libro III. c. 83. v. ibid. Gloss. n. 4.* hujus vero *ibidem c. 85. v. etiam Gloss. ibid. n. 2.* 7.) Ipse Speculator provocat ad tempora Wichmanni, Episcopi Magdeburgensis *Lib. III. c. 73.* quem tamen ab Episcopatu Citizenensi ad Magdeburgicum anno 1153. transisse testis est Otto Frisingensis *de Gest. Frider. L. II. c. 6. & sqq.* cui cum per vicennium praefuerit, & Speculator de ejus temporibus, tanquam praeteritis loquatur, non facile ante annum 1180. prodiisse Speculum dici poterit. Alia ad sequentem §. ubi de Epkone agetur, commemorabuntur. Est vero etiam, qui ad saeculum X. originem hujus speculi referat, Auctor *Schreibens von dem Alterthume des Sachsenspiegels. vid. Ergehungen der vernünftigen Seele. T. IV. P. 3. p. 232. & sqq.* Is enim fidem sequitur eorum, quae Glossator Jur. Weichbild. *Artic. 10.* dicit: „Ottonem M. Magdeburgum Jure Municipali dotasse, filium ejus Ottonem Ruffum id confirmasse, & aliqua ex Jure Provinciali, quod Speculum Saxonicum vocaretur, extrahendo addidisse, & quae in Speculo Saxonum obscure haberentur, clarius enodasse, praefecisse huic operi sequestratorem sacri sui Palatii Burchardum de Manphelt (al. Mangelfeld) Professore Sacrae Theologiae, ac utriusque Juris Doctorem. Hunc etiam ex mandato Imperatoris in Jus Provinciale, seu Speculum Saxonum Commentarium fecisse, legibusque id & canonibus adornasse, praesens etiam Privilegium (nempe Jus Municipale Magdeburgicum) Glossis & interpretationibus declarasse, Processum Juris (Nichtsteig) compilasse. Inde Auctor modo laudatus conjicit, Epkonem Repkovium sub Ottone I. opus inchoasse, Mangelfeldium sub Ottone II. idem emendasse, & demum

demum Repkovium sub finem saeculi X. Latini textus, jamjam aucti, versionem Germanicam curasse. Hinc duobus dubiis respondere conatur. Primum est, quod Comes Hoyerus Falkensteinius, cujus precibus motus Repkovius versionem Speculi Germanicam elaboravit, saeculo XIII. adscribatur. Hoc dubium tollere studet recensendo Falkensteinios, quos Munsterus e temporibus saeculo XIII. antiquioribus praecipue ex indicibus eorum, qui ludos equestres, vulgo torneamenta dictos, frequentarunt, producit, v. g. an. 948. Friedrich Frenherr zu Falkenstein, an. 1080. Rudolph Graf zu Falkenstein, an. 1165. Frenherr Hugo, Herr zu Falkenstein &c. Et licet inter hos nemo Hoyeri nomine insignitus occurrat, sufficere arbitratur ostendisse, Falkensteiniorum gentem jam ea aetate fuisse celeberrimam, & facile aliquem eo tempore, Hoyeri nomine insignem, vivere potuisse, qui tamen in ludis equestribus iis, quorum catalogi sibi visi sint, non notatus sit, cum necis, qui saeculi XIII. initio celebratur Hoyerus Falkensteinius in ullo ludorum equestrium indice sibi visus sit. Alterum dubium, sibi ex linguae, qua Speculum Saxonicum scriptum prostat, genio, male sermoni saeculi X. respondenti, natum ita solvere credit, quod sermo, quo utitur Speculum, non sit authenticus, sed ad genium sui saeculi a Glossatoribus inflexus. Verum haec assertio sola Glossae auctoritate nixa facile corrui, si consideretur 1.) quod hujus Glossae in rebus historicis antiquioribus levis vel nulla sit auctoritas; 2.) quod eam fabulis scatere a multis jam observatum sit; 3.) quod ipsa haec Glossae narratio, de qua hic sermo est, multa a vero aliena, multa absona sistat, jam ab aliis satis profligata; 4.) quod Mangelfeldius, quisquis demum ille sit, si Glossator Juris Saxonici est, Epikone multo sit recentior, quippe qui de ejus temporibus, quasi de antiquis & jam dudum

praeteritis loquitur: Zu Herr Ecken Zeit *ic. v. Spec. Sax. Gloss. ad. L. III. Art. 75.* quod jam observavit Gryphander *de Weichb. Sax. c. 53. n. 2. 5.)* Quod inter Cancellarios, quorum dignitati comparari solet Sequestratoris sacri Palatii minus, Mangelfeldio a Glossa tributum, Ottonum tempore nullus usquam occurrat Mangelfeldius, v. iterum Gryphander *l. c. c. 52. 6.)* quod Doctoris Juris utriusque titulus, Mangelfeldio a Glossa adscriptus, tempore Ottonum sit inauditus. 7.) quod, quae hic ex Glossa allegantur, sint Zobelii saec. XVI. scriptoris potius, quam Glossae verba, cum notam additio, quae omnia Zobeliana distingui Praefatio editionis de anno 1560. docet, adscriptam habeant, atque ita a saeculo X. tanto intervallo remota sint, ut parum fidei in rebus ejus saeculi habitura sint, nisi antiquiori auctoritate firmientur. Alia, quae vel hanc Glossae de Mangelfeldio narrationem erroris convincunt, vel Speculi Saxonici aetatem multo Ottonibus recentiorē ostendunt, paulo inferius adhuc producturi sumus. Praecipue etiam Speculi hujus natales Ottonibus longe posteriores pluribus, ex ipso ejus textu petitis, argumentis demonstrat Auctor der Untersuchung des Alterthums des Sachsenspiegels. v. *Ergebnissen der vernünft. Seele. T. IV. P. 3. p. 239. & sqq.*

§. LXXIV.

Speculi

Sax. auct.
tor &
aetas.

Quod ad Speculum Saxonicum attinet, auctoris utriusque aetatem (α) nos ignorare haut patiuntur tot chartae ac diplomata, in quibus commemorantur. Testis enim citatur HOYERVS COMES A VALKENSTEIN (β) anno MCCXV. apud Beckmann. *Hist. Anhalt. P. III. Lib. II. p. 313.* & anno MCCXIX. in

in Charta alia Henrici Comitis de Aschersleve apud Leukfeld. *Antiquit. Pold.* p. 288. eique jungitur HECCO vel EICO de REPKAV vel REPECHOVE. Idemque HOYERVS laudatur anno MCCXXX. & sequentibus in diplomatibus quibusdam apud Ketner. in *Antiq. Quedl.* p. 219. 254. 256. 257. 260. 261. 264. 266. 267. 276. 279. 333. adeoque nulum est dubium, quin iisdem circiter temporibus compilatum a Repkovio SPECVLUM seu IVS PROVINCIALE SAXONICVM*.

* Et quidem inter annum MCCXV(7). & MCCXXXV. Nam *Lib. I. Jur. Prop. Sax. art. 3.* mentio fit *Cap. non debet X. de consangu.* & *adfin.* quod anno MCCXV. ab Innocentio PP. III. in concilio generali latum est. Ergo post illum annum perpolitum esse oportet hoc Speculum. Deinde *Lib. III. art. 62.* enumerantur feuda imperii vexillaria, in quibus locum non invenit Ducatus Brunsv. & Luneburgicus: qui quum anno MCCXXXV. institutus sit a Friderico II. consequens est, ut ante hunc annum opus suum absolverit. *Conring. de Orig. Jur. Germ. Cap. XXX.*

(α) Non otiosa est quaestio, sed utique examine digna, cui temporis origo hujus Speculi adscribenda sit. Multa enim id continet, ad publicum Imperii statum facientia. Licet itaque in his saepius nugetur ejus Speculi Auctor, & hinc parum auctoritatis mereatur, tamen, si quae ibi tanquam eo jam tempore nota allegantur, aetas illorum Juris publici capitum auctoritate hujus Speculi, in rebus saltem sui temporis fidem merentis, certius definiri poterit. vid. *Untersuchun-*

gen des Alterthums des Sachsenspiegels. in Ergeh.
der vern. S. T. IV. P. 3. p. 239. Es sqq.

(ß) Hujus enim precibus Epko de Repkow Speculum hoc non tam conscripsit, uti A. N. §. 73. innuere videtur, quam antea a se Latino sermone conscriptum in linguam Germanicam transtulit, uti ipse fatetur, sub finem Praefationis rhythmicæ, ex antiquissimi Codicis Lipiensis stylo ita locutus :

Nu dancet algemeyne,
Deme von Balkensteine
Der grebe Hoyer ist genant.
Daz an dusch ist gewant
Diz buch durch sine bete.
Enke von Repgowe iz tete.
Ungerne erz aber an quam.
Da her aber vernam,
So groz darzu des Herren gere,
Da en hatte he nich eine gewere.
Des Herren libe in gar verwan
Daz he des buches began.
Des ime was vil ungedacht,
Daz ers an Latin hatte bracht,
Ane helfe und ane lere.
Da duchte in daz zu swere,
Daz erz an dusch wante.
Zu lest her doch genante
Des arbentes und tete
Grevē Hoyerēs bete.

Repkovium Imperialis Camerae Magdeburgensis, assessorem, nescio qua auctoritate ductus, Goldastus in Rubr. Spec. Sax. vocat, & in Praefatione der Reichsaktionen observat, eum aliquando Latine Eccardum nominari, atque inde opinionem quibusdam natam esse, proverbium Germanicum, der treue Eckart warnt jedermann, ab ipso originem ducere, cum tamen D. Johannes Eisleben id de Eckardo Landgravio Alsatiae interpretatus sit, de quo adhuc vetus cantilena-
rythmi-

rythmica, Herr Ecken auffahrt, in vulgo celebratur; haec omnia tamen Conringio merito non videntur verosimilia. v. *de O. J. G. c. 30. p. 181.* Forſan opinio, hoc proverbium ad Repkovium referens, occasionem cepit ex eo, quod Glossa ad *L. I. art. 19.* Repkovium nostrum, quasi per eminentiam, nominet den rechtfertigen Mann.

(v) Spangenbergius quidem *Chron. Saxon. c. 247.* & *Querfurt. Lib. IV. c. 4.* asserit, Fridericum II. in Comitibus Mersburgensibus anno 1213. Saxonum Jus Feudale & Speculum Saxonicum confirmasse. Verum qua fide id asseratur, non constat. Ex iis, quae hic ab A. N. ex Conringio dicuntur, certa fide colligitur, hoc Speculum saltem post annum 1215. conditum esse, quomodo ergo id jam a. 1213. a Friderico II. confirmari potuit. Auctor der Untersuchung des Alterthums des Sachsenspiegels in *Erg. der vern. S. T. IV. P. 3. p. 239. & sqq.* ut & idem in *Abhandlung von Ursprung und erblichen Alterthume der Churfürstlichen Erbkämter v. Ergezungen 1c. T. III. P. 3. p. 213. & sqq.* multis quidem argumentis, magna cura & eruditione ex ipso Speculo conquisitis, ostendere conatur, hoc Speculum anno 1180. proximum esse. Verum luculento Conringii argumento, quod & A. N. hic producit, quoque id Speculum saltem anno 1215. recentius esse uberrime probatur, nusquam satisfecit, adeo ut ejus ne mentionem quidem ullam fecerit. Cum vero Speculator loco, quem A. N. citat, vexillarium feudorum mentionem faciens Ducatum Brunsvicensem & Luneburgicum omittat, a Friderico II. anno 1235. demum institutum, in prima vero Praefatione solutae orationis, quae incipit: *Nu vernemet umme der herren gebürt von dem Lande zu Sachsen 1c.* disertis verbis Luneburgici Ducis mentionem faciat: *Der Herzoge von Lineburch und sin geslechte. Die sin geborne Sachsen 1c.* inter Francos vero refe-

rat die lantgreven von Durinaen, atque ita eo tempore scripsisse videatur, quo Thuringia adhuc suos sibi proprios Landgravios habuit, anno 1247. cum Henrico Raspone extinctos. inde Gaertnerus in Praefatione suae Speculi Saxonici editioni praefixa §. 4. scite conjicit, Speculatorem jam ante annum 1235. suo operi incubuisse, illud autem demum post illum annum perfecisse, hancque ipsi tum Praefationem addidisse, adeoque Speculum suum Germanico idiomate conscriptum in eo, quod inter annos 1235. & 1247. medium est, intervallo tandem edidisse.

§. LXXV.

De eo judicium.

Quamvis vero multi hujus Speculi (α) naevi (β) sint, multae nugae ac naeniae (γ), maxime ubi aut philosophatur auctor, aut historicum agit, aut jus publicum Germanicum exponere conatur: fatendum tamen est, Repkovium laudabili industria collegisse juris privati patrii, per universam Germaniam inferiorem recepti, reliquias*. Unde huic Epkonis industriae reliquos ejus naevos, saeculo, quo scripsit, proprios, facile condonamus. Quod vero & ex jure Canonico & civili Romano quaedam immiscuit, (Vid. *Jus Prov. Sax. I, 37. II, 56. II, 63.*) novo argumento est, jura illa peregrina jam tum Germanis haut ignota fuisse.

* Testis est ipse Repkovius in praef. *rythm.*

*Dies Recht hab ich nicht erdacht,
Es habens vor Alten auf uns bracht,
Unsere gute Vorsabren.*

Et pleraque sane, quae in hoc Speculo traduntur, legibus veterum Saxonum, Frisiorum, Anglorum,

giorum, Francorum, quin & Normannorum pae-
ne gemina esse Ill. Gaertnerus (d) in *edit. LL. Sa-
xonicae*. & *Frisiorum* multis exemplis ostendit.
Quin & nos postea multo plura ac luculentiora
hujus consensus specimina dedisse videmur in
Elementis juris Germ.

(a) Nomen Speculi se huic Collectioni dedisse
ipse indicat & rationem hujus denominationis
addit Repkovius in *Praef. rythmica*:

Spiegel der Sachsen

Sai diß buch sin genant,

Wen Sachsen recht ist hie anbekant.

Als in ehme spiegele sich die vrowen

Beginnen schowen.

Observant tamen Viri eruditi, quod ex more il-
lorum temporum multa opera, quae farraginem
rerum plurimarum continerent, Speculorum no-
mine insignita fuerint, ut Speculum Vincentii
Bellovacensis, Speculum Durandi, & alia. Unde
& hujus Collectionis, quae consuetudines & le-
ges varias Saxonum complectitur, denominatio
fluxisse videtur.

(b) Felicius forsan & praestantius hoc Opus prodi-
isset, si pluribus auctoritate publica selectis viris
hoc negotium datum fuisset; sed id privata &
quidem solius Repkovii opera compositum esse,
ipse indicat, cum de Latino ejus textu dicat in
Praef. rythmica vers. fin. quod eum composuerit:

Ane helfe und ane lere.

Uti & Germanicam versionem a se ad preces Co-
mitis Falkensteinii elaboratam esse fatetur versi-
bus *ad §. praeced.* citatis. Ita sibi & quidem soli
hoc opus vindicat versibus allegatos proxime
praecedentibus:

Wer Gote her si verbluchet

Swer unrecht gerne sterke,

Oder misse tu zu diesem werke,

Dar umme ich lange han gedacht

Und durch Got zusamme bracht.

Unde

Unde & ipse auctor est iis, qui hoc libro usuri sunt,
ut si dubium ipsis subnascatur, alios consulant:

Wer in diseme buche
Brage rede suche,
Dib ime daran icht misse hage,
Des tu her zu hant keine clage.
Und wege die sache in sine sinne/
Nach deme ende und deme beginne.
Und erbrage sich mit wisen luten,
Die di wahrheit kunnen beduten,
Und auch habe die site,
Daz sie recht sin da mete.
Und ab her dan
Ein rechter erbragen kan,
Ich rate om balde
Daz er sich daran halbe.
Wanne wise lute leren,
Ist bezzer den myn eynes sie.

Graviter tamen imprecatur iis, qui aliquid addere ausi fuerint, uti non tantum versus mox citati, sed & alii ejusdem Praefationis ostendunt:

Alle die unrechte varen,
Und werben an diseme buche,
Deme sende ich dise vluche.
Und die valsch hiez u schriben,
Die miselsucht muze on beclieben,
Als i jexi tete,
Von Elizens bete.

Eadem imprecandi licentia & in alios, qui huic operi manus ministras attulerunt, contagione quadam transiisse videtur. Ita Ludewigio de *Jure Suffragii Regis Bohemiae* c. 3. §. 1. in n. (c). stomachum movit librarius Codicis MSCti Spec. Sax. quem ejus bibliotheca servavit, quippe qui Codici hanc addidit imprecationem:

Wer das buch schende;
Der blybe ein hurenson an sein ende
Und wer dem schriber übil spricht:
Der habe mit dem tufel psicht.

(2) Erro-

(7) Errores aliquot historicos exagitat Krantzius *Saxon. L. II. c. 21.* praecipue ex *Lib. III. art. 44.* ubi originem regnorum & Saxonum operose quidem, sed & miserrime evolvit Speculator. Plures errores notat Ludewigius *Diss. alleg. passim*, & praecipue *l. c. in notis*, adeo, ut & singularem de *naeniis Speculi Saxonici, Codicis LL. nugacissimi*, commentarium meditatus sit. v. *Dissert. alleg. c. 2. §. 13. n. (uu).* Varios etiam naevos indicat Aug. Leyserus in *Collat. pri- sci Jur. Saxon. cum Jure Rom. & moribus hod.* praecipue *Dissert. I.* Omnium fere Articulorum nugacissimum esse *L. I. Art. 3.* optime judicat Christian. Godofr. Hoffmannus *Specim. Conject. Polit. de Or. & Nat. LL. German. &c. Per. V. Sect. I. §. 4.* qui omnia vitia hujus Speculi breviter ita colligit: *Certe Codex iste Speculi Saxonici continet multa obsoleta, durissima saepius & iniquitati vicina, multae occurrunt geminationes, nulla observata fuit methodus nullusque ordo, saepius ad allotria dilabitur, aliquando Jus Romanum cum Jure Saxonico confundit, & ut plurimum ad nimis speciales casus descendit, ita etiam aliquando nimia angustia laborat, & adeo parum prudentiae continet, & superfluis solennitatibus abundat, in historicis autem aequae, ut inepti Glossatores, fabulas & figmenta inmiscet, saepeque ineptissimis derivationibus utitur &c.* Quae omnia in notis abunde probat.

(8) Goldastus in *Praefat. der Reichs. Satzungen* plane Speculatorem sua ex ipsis fontibus, atque ita ipsis antiquarum Legum Codicibus hausisse arbitrat. Verum id Gaertnero in *Praef. ad Spec. Sax. §. 5.* merito non videtur verosimile; cum nec ea aetate facile Repkovius harum Legum omnium Codices antiquos in sua librorum supellectile collectos habere potuerit, nec, si iis gavissus fuisset, nullam eorum mentionem fecisset, praecipue cum eos allegando metum, quem ipsi novitas rei in-

cutie-

cutiebat, depellere facile potuisset. Poterant Legum illarum, jamdiu oblivioni mandatarum, aliqua vestigia superesse in moribus Saxonum, ita ut hos diligenter colligens facile potuerit aliquam cum illis Legibus antiquis similitudinem illorum oculis subjicere, quibus hae Leges hodie sine dubio magis, quam ipsi olim erant, nunc cognitae sunt. Ita & Gaertnerus ibidem Heigium refellit, qui *Quaest. 8. n. 49.* Repkovio nihil tribuit, quam quod Jus Provinciale Saxonicum, jam tum antiqua Saxonum lingua conscriptum, invenerit, & ex ea in Latinum sermonem transtulerit; quod sine omni auctoritate asseritur.

§. LXXVI.

Ejus editiones.

Ipsè Repkovius fatetur, initio se hoc opus Latine (α) scripsisse, posteaque non sine difficultate illud in linguam vernaculam transtulisse. *Praef. rhythmica Spec. Sax.* Exstat & hodie Latinum exemplar, quod tamen non est a Repkovio (β), sed ab homine peregrino, & fortassis Polono, nescio quo, siquidem hic interpretes, quisquis sit, ne intellexisse quidem satis videtur linguam Germanicam. Schilter. *Exerc. XVI, 35* Authenticum hoc exemplar lingua Saxonica antiqua, qualis in Ducatu Magdeb. & universa inferiori Saxonia (γ) tum fuit, scriptum est, ceu & tot codices MSScti, & editiones veteres, testantur. At demum in dialectum Misnicam illud transtulerunt WOLFGANGVS LOSS, civis Fribergensis, & CHRISTOPH. ZOBEL*. Codices MSSC. qui passim reperiuntur, variasque operis editiones cum cura recensuere Gryphiander, Lambecius,

becius, Werlhoffius, Hertius, Struvius, Ludovici, Gaertnerus, quas repetere hic brevis vetat & instituti ratio (d).

* Sed sicuti Latinus Germanicam: ita Zobelius Saxoniam dialectum non satis intellexisse videtur. Hinc saepe Saxonum *leven*, vita, verti videmus *leib*, corpus. Sic cum equus asthmaticus auctori sit *hartschlegig*, Zobelius id vertit *hartschlechtig*, quasi de equo scabioso loquatur. Talia passim observabit, qui varios codices Saxonicos cum illa versione, maxime Zobeliana contulerit.

(a) Multorum animis haeret sententia, Repkovicum quidem Speculum suum Latino sermone scribere coepisse, sed difficultate operis deterritum a labore coepto manum abstinuisse, atque integrum mox Speculum Germanico tantum sermone edidisse. Sententiae huic subscribunt Schilterus *Exerc. ad ff. XXIII. §. 63. 64.* Conradus Sincerus vel potius Kulpisius *Dissert. Epistol. §. 16.* Thomafius *in Select. Cap. Hist. Jur. Feud. §. 58. p. 62.* qui tamen Repkovicio Latinum Speculum nulla limitatione addita, tribuit *in Delin. Hist. Jur. §. 101.* Struvius *Hist. Jur. c. 6. §. 22. & ib. in n. 8.* Chr. God. Hoffmannus *Specim. Conj. Polit. &c. Per. V. Sect. I. §. 2. n. c.* Integrum vero Speculum Latino sermone compositum esse a Repkovicio defendunt Conringius *de O. I. G. C. 30. p. 181.* Brunnquell. *Hist. Jur. P. IV. c. 6. §. 6.* & Gaertnerus *Praef. ad Spec. Sax. §. 8.* Rationes horum majoris, quam illorum, ponderis nobis videntur. Primo enim Latino sermone id opus se composuisse ipse dicit Repkovicus. Quid enim aliud volunt ejus verba?

Des ime was vil ungedacht
Da erz an latin hatte bracht,
Ane helse und ane lere.

Nonne turpissimae jactantiae praecipue a Comite Falken-

Falkensteinio, omnium, quae Repkovius hac in parte egerat, apprime gnaro, accusari potuisset, si hoc opus, quod nunc Germanice ederet, olim Latino sermone se confarcinasse publice gloriaretur, cuius tamen periculum tantum ab ipso factum esse Falkensteinio optime constare debuisset? Porro Repkovius in *Praefatione rythmica*, cum nunc demum opus suum Germanice ederet, gravissime passim queritur de nasutulis censoribus, a quibus se acerrime undique petatum scribit: Praecipue huc faciunt verba:

Ich ste zu rame sam ein wilt,
Daz die Hunde bellen an.

Speculum Germanicum, quod nunc, cum hoc scriberet, editurus erat, invidiae & iniquis censoris nondum ipsum exponere potuit, antequam ederetur. Ergo de alio jam edito Speculo sermo ipsi est. Ergo Speculum Latinum non tentavit tantum antea scribere, sed scripsit & edidit & mordaces aliorum censuras eo excitavit. Egregium vero est, quod hic in transitu observat Gaertnerus, verba ich ste zu rame zc. ridiculo multorum errori ansam dedisse, atque a Zobelio inepte efferri, ich stehe zu Rom zc. quasi a Repkovio fata, quae librum suum Romae aliquando expectarent, praesentiente prolata essent; quorum ea etiam a multis tracta sunt, ex quibus Gryphiandrum de *Weichb. Saxon. c. 47.* & Struvium *Hist. Jur. c. 6. §. 23. in nota p. 473.* & Ludovici *Praef. Spec. Sax. §. 13.* allegasse sufficiat. Cum tamen ramen significet collineare, aspici, videri, & Codex Lipsiensis secundus saeculi XIII. ideo exhibeat: Ich ste zu rame sam ein wilt. s. ich stehe zum Ziele, wie ein Bild, aut, uti ipse Gaertnerus reddit: Ich bin anzusehen, wie ein wild, zc. manifestum inde redditur, verba haec de invidis & mordacibus inimicorum calumniis, de quibus ibi jam satis questus erat, in genere intelligenda esse, ipsique de
fatis

fatis libri sui Romanis ne per somnium quidem quidquam visum fuisse; adeo, ut spiritus ille, quem Repkovio hic multi affingunt, propheticus facile ita evanescat.

(^β) Qui Speculum Saxonicum Latino idiomate a Repkovio integrum unquam scriptum esse negant, illi necessario in eam sententiam propelluntur, ut, quod extat, Speculum Latinum, Repkovii esse negent. Qui vero a Repkovio Speculum ali- quod Latino idiomate scriptum esse concedunt, illi tamen, si de eo, quod nunc extat, Latino Speculo quaestio movetur, in duas iterum partes scinduntur. Alii id Repkovii esse negant, alii affirmant. Horum ego sententiae subscribere nullus dubito. En paucis rationes, quibus ea fulcitur. Repkovium scripsisse Speculum Latinum certum est ex iis, quae dixi. Extat ali- quod Speculum Latinum, sermonem Seculi Rep- koviani tantum non ubique referens, antiquis literarum ductibus elaboratum, antiquis Codici- bus inscriptum, jam diu etiam typis expressum. Repkoviani Speculi authenticum Latinum, ab ipso auctore in Germanicum sermonem transla- tum quis unquam iterum in Latinum verterit, & an quis verterit, aequaliter ab omnibus igno- ratur. Cur ego malletm hoc, quod extat, illi tribuere, de quo an fuerit, & quis fuerit, & ubi scripserit & quando, aequaliter incerta sunt om- nia, quam illi, quem scripsisse, & hoc sermo- ne, quo hodieque prostat, scripsisse certa scien- tia affirmare possum? Cur ego in tanta Germani- corum exemplarium copia calamitatem solis La- tinis Repkovii Codicibus pertinaciter incubuisse, & omnes una strage sustulisse dicerem? Cur ego Latinum Repkovii, quod extitisse certus scio, periisse penitus affirmarem, tantum ut hoc, quod extat, illi adscribere possem, quem unquam in- ter homines fuisse, confirmato animo asserere nemo unquam ausus est. At vero (objiciunt

000

negan-

negantis sententiae patroni) Speculi Latini stilus adeo impeditus est & hians, ut magis versionem quandam ineptam, quam sincerum veri Auctoris opus referat. Respondent vero alii simili accusatione contra Germanicam versionem instituta, & eam saepius obscuram & incertam esse asserunt. Utrumque verum est, utrumque opus defectibus non paucis laborat, sed inde non sequitur, Latinum ex Germanico manasse. Manifeste iniquus esset, qui in spissis illis obscuri ejus saeculi tenebris claram lucem, in barbarie elegantiam, inter fyrtes & scopulos aequo semper & placido alveo fluentem orationem quaereret. At (pergunt priores) Latini tamen Codices Germanicis rariores, imo & recentiores sunt. Regerunt alii: rariores & recentiores esse Latinos Codices negari nequit; inde vero hoc tantum docetur, quod, postquam Repkovius Germanicam versionem ediderat, minus necessarium, minusque gratum coeperit fieri Latinum exemplar, praecipue in ea temporum ruditate, quibus fere, si Clericos exceperis, Latini sermonis usus e Germania exulabat. Inde Latini Codices Repkoviani neglecti penitus cum blattis & tineis pugnarunt, memoriam sui vix relicturi, nisi ab uno aut altero librario, Latini sermonis ultra saeculi genium cupido, hinc inde aliquis Codex descriptus esset. Extat tamen in bibliotheca Lipsiensis Universitatis Codex Latinus non adeo recens, quippe jam anno 1431. exaratus. Addunt tamen, qui Latinum, quod extat, Speculum Repkovio denegant; Latinum exemplar, si Repkovii esset, cujus & est Germanicum, huic in omnibus responderet, aequalem ubique stilum, genioque saeculi XIII. ubique respondentem ostenderet. At vero textus Latinus *L. 2. Art. 43.* non respondet Germanico. Ibi enim ex stilo antiquissimi Codicis Lipsiensis haec verba occurrunt: *sprechen si ez mit glicher gewere an ic.* quod verendum

tendum fuisset: *si aequalibus probationibus utantur* &c. cum tamen Latinum exemplar inepte dicat: *si aequaliter possideant* &c. atque ita non sententiam ejus, qui Latini & Germanici auctor est, sed putidum, quem non nisi interpretes imperitus committere potuit, errorem sistere videatur. Aliquando etiam Latinus textus aliquot, minus aliquanto incultas, quam saeculi XIII. ruditas ferret, orationis formulas ostentat, quae operis ejus longe recentiore Repkovio auctorem subindicare videntur. At haec vero aliud non docent, quam Latinum Repkovii opus non sincerum & incorruptum ad nos quidem pervenisse, sed a librariis non uno in loco mutatum vel interpolatum. Ipsa sermonis inaequalitas interpolationem satis docet. Quae rudiora sunt, uti sunt pleraque, ea sine dubio Repkovii sunt, quae vero minus horrida sunt, ea forsan recentiorum librariorum manibus debentur, quae, ut multa veterum opera inquinarent, facile etiam Repkovium, cum corrigere & ornare vellent, corruperunt, cum sanare cuperent, vulnerarunt. Non vanas conjecturas in chartam projicimus, sed quae ipsis rerum argumentis probari possunt, loquimur. Ostendit enim variantium Lectionum collatio, quae ex Codice Paulinae Lipsiensium Bibliothecae Latino antiquissimo, ex prima omnium editione, quae an. 1474. Basileae prodit, atque ex Samoscienfi editione copiose a Gaertnero collectae sunt, vel jam a Zobelio productae, quod, quo antiquiores sint Codices atque editiones Latini textus, eo magis sibi ubique similes, eoque rudiores quidem sint, sed & ideo saeculo Repkovii, imo & menti ejusdem magis ubique respondeant. Quod vel sola exempli, antea in contrariae sententiae argumentum prolati, inspectio probat, ubi recentiora quidem exemplaria lectionem a mente auctoris alienam exhibent, *si aequaliter possideant*, antiquiora vero,

teste Zobelio, verba cum authentico magis consentientia, *si eorum probationes fuerint aequipollentes*, sistunt. Consulendus hic maxime Gaertnerus in *Praef. ad Spec. Sax.* §. 8. cui plurima eorum, quae hic dicta sunt, debemus.

- (2) Sententia A. N. quod Repkovius sermone inferioris Saxoniae usus sit, multorum assensu fulcitur. Ita Editor Zobelianus de anno 1614. textum idiomate inferioris Saxoniae exaratum pro norma habet, & sententiam, cui A. N. subscribit, in *Notitia*, quam suae editioni praefigit, defendit. Eandem Gryphander de *Weichb. Saxon.* c. 39. n. 3. & §. 99. fovet, cui & Ludovici in *Praef. ad Spec. Saxon.* §. 26. adhaeret. Schilterus vero *Exerc. ad ff. XXIII.* §. 64. textum sermone superioris Saxoniae conscriptum pro authentico habet, quem alii sequuntur, cujus sententiae & nos subscribimus, his maxime rationibus ducti: 1.) monumenta antiqua, quae Repkovii mentionem faciunt, eum vel in finibus Principatus Anhaltini, vel in Electoratu Saxonico, atque ita in Saxonia superiori collocant. 2.) MSCti Codices vetustissimi sermonem Saxoniae superioris, non hodiernum quidem, multum ex eo tempore mutatum, sed antiquum exhibent, uti recensio Codicum sedula & sincera, quam Gaertnerus *Praef. ad Spec. Sax.* §. 10. instituit, abunde docet. 3.) Editiones antiquissimae, quas Gaertnerus *ibid.* §. 11. sollicitè recenset, ut prima omnium, quae Basileae an. 1474. typis Bernardi Richelii (non Rietzelii, uti nomen id Hertius, Burgermeisterus & Ludovici corrumpunt) prodiit, prima Augustana anni 1482. prima Lipsiensis anni 1490. secunda & tertia Augustana, illa de anno 1495. haec de anno 1501. omnes sermonem Saxoniae superioris loquuntur; ita ut prima omnium, quae Saxoniae inferioris idiomate utuntur, sit Augustana demum an. 1516. exarata editio.

(d) Duo tantum notamus. 1.) Quedlinburgensis Codex, ad annum vel 1260. vel 1270. iudice Gaertnero referendus, alio plane, quam qui in reliquis Codicibus & Editionibus servatur, ordine procedit, non Jus Provinciale a Feudali separans, nec illud in tres libros, horumque articulos, dividens, sed utrumque una serie 287. articulis conjungens, ita ut priores 168. articuli Jus Provinciale Saxonicum, reliqui Jus Feudale amplectantur. 2.) Prima Zobeliana editio non ea demum est, quam pro prima tantum non omnes venditant, quae post mortem demum Zobelii, quam ad annum 1559. omnes referunt, curante Georgio Menio, illius quondam famulo Lipsiae an. 1560. coepta, anno vero 1561. demum perfecta est, cujus alia quidem exemplaria annum 1560. alia vero annum 1561. in fronte ostentant. Prodiit vero prima Zobelii editio Lipsiae anno 1535. suppresso tamen editoris nomine, in cujus Praefatione editor anonymus proxime proditurum Jus Feudale & Weichbildicum promittit. Anno 1537. haec Jura typis expressa prodierant, in cujus Operis Dedicatione, Alberto Electori Moguntino inscripta, Editor Editionem Juris Provincialis anni 1535. tanquam suam disertis verbis agnoscens, Dedicationi nomen suum Christoph Zobel subscribit. v. Gaertnerus *ibid.* §. II. n. 10.

Glossa Speculi Saxonici alia Germanica, alia Latina est, illa satis inepta, haec multo ineptior, & post editiones saeculi XV. demum exarata. Glossa Germanica non unius hominis opus esse videtur, cum in aliquot Codicibus hinc inde articuli sine glossa occurrant, addita ratione, quod hic Articulus jam superius expositus sit, cui tamen Articulo aliqua Glossa in aliis Codicibus adjungitur. Adde, quod Glossa antiquiorum exemplarium parcius, recentiorum plenius occurrat. Goldastus in *Praefat. der Reichs-Sa-
O o o 3
gungen*

Bungen Glossatores laudat Burchardum Archiepiscopum Magdeburgensem, Ottonem Comitem de Falkenstein, Volradum a Dreyenleben, Conradum a Rosslau, Henricum a Bottesleben *al. Bertesleben*, Thiedericum a Lemwender, Gerckonem a Kertaw. Alii addunt Nicolaum von Bock, cujus nomen quandoque Nicolaus von Bock, nonnunquam & Claus Bock scribitur. Tammoni von Bocksdorff plerumque historica Glossae capita asseruntur. Illorum, quos Goldastus laudat, mentionem ipsa Glossa facit *ad Lib. I. Art. 9. L. III. Art. 6. 65. 76.* sed historice tantum commemorans, quod alius huic, alius alii opinioni in explicando Speculo addictus fuerit, ita ut veri Glossae, quae extat, auctores fuisse non videntur, sed qui Glossam editam consarcinarunt, illis juniores Conringio *de O. I. G. c. 30. p. 184.* merito dicantur; non tamen ad saec. XV. demum, uti cum illo plures contendunt, referendi, cum Codex Lipsiensis III. ad confinia saeculorum XIII. & XIV. referendus Glossam jam exhibeat, certoque ita argumento evincat, quod aetas Glossae vera vulgarem, cui affigi solet, epocham integri, vel quod excurrit, saeculi spatium praecedat. v. Gaertnerus *Praef. all. §. 10. 22. 3. & §. 13.*

§. LXXVII.

Jus feudale Saxonicum.

Accessit & IVS FEVDALE SAXONICVM, quod in Codicibus MSSC. juri provinciali plerumque, tamquam liber quartus, adjungitur, & eidem auctori EPKONI DE REPKAV tribuitur. Ejusdem sane illud aetatis videtur, eundemque stilum & methodum praefert, quam in Jure provinciali observamus, ut nihil prohibeat, quo minus EPKONI tribuatur (α). De eo plura dixit Jac. Frid.

Frid. Ludovici in *Proleg. Jur. Feud. Sax.* Struv.
Hist. Jur. VIII, 16. Thomas. *Select. Feudal.*
 §. IX. *sequ.*

(a) Glossatores Saxonici auctorem hujus Juris Feudalis Saxonici laudant Fridericum *Stauffensem* Imperatorem. Ita Glossa *Speculi Saxonici L. I. Art. 14.* Kenser Friederich von Stauffen hat das Lehenrecht gesetzt *ic. & Prooemium Juris Feud. Saxon.* Darumb so hat der Hochgelobt und Hochgebohren (des Gott ewiglich gedend) dieses gegenwärtigen Buchs ausgeber, Kenser Friederich von Stauffen (das da Lehnrecht genandt ist) wohl erkant *ic.* Hinc Goldastus id nunc Friderico I. nunc Friderico II. Imperatoribus, parum sibi constans, tribuit. Spangenbergius *Chron. Saxon. c. 247.* id Friderico II. adscribit, eandemque Saxoniorum Glossatorum sententiam esse inde probatur, quod illi, ubi de Friderico Stauffensi loquuntur, tantum non semper Fridericum II. intelligant. Ita *Chronicon Juri Weichbildico praefixum* cum dicit: Nachdem war Kenser Friederich von Stauffen zum Kenser gekoren an. 1213. & Glossa *Spec. Sax. Lib. III. Art. 57.* quae scribit: Hierumb ist Kenser Friederich von Stauffen abgesetzt worden *ic.* non alium, quam Fridericum II. intelligere possunt. Hinc etiam Gryphiander *de Weichb. Saxon. c. 50. §. 5.* hunc Juris Feudalis Saxonici auctorem, sine haesitatione, agnoscit. Conringius *de O. I. G. c. 30. p. 184. & sqq.* omnia in incerto relinquit, in eam tamen sententiam inclinat, quod id privati hominis opus sit, ad saec. XIII. referendi. Cum vero de integro Juris Feudalis Saxonici corpore jussu Friderici II. collecto nihil in fide dignis historiarum monumentis inveniatur, nec Friderici II. Constitutio illud approbans usquam occurrat, Glossatorum vero istorum exigua in rebus historicis fides sit, inde sententiam eorum,

integrum Juris Feudalis Saxonici corpus Frid-
rico II. vindicantem inanibus illorum nugis pas-
sim adscribunt viri eruditi. In eo tamen omnes
fere consentiunt, id non diu post Speculum Sax-
onicum, & quidem privata auctoritate, cum
docentis non jubentis sermone scriptum sit, pro-
diisse. Hinc ob rationes ab A. N. allegatas,
quibus accedit sermonis cum Speculi illius stilo
consensus, verosimillimum redditur, Jus illud
Feudale ipsius etiam Repkovii curis deberi. Stili
quidem in Speculo & Jure Feudali similitudinem
negat, & hujus sermonem magis esse perspicu-
um, quam illius, asserit Leuberus in *Gründlichen
und Historienmäßigen Discurs über eylichen der
Stadt Magdeburg in Sachsen berühmten Alten
Privilegiis &c. Cap. 2. n. 30.* Verum hoc dubi-
um facile evanescet, si quis serio consideret, sti-
lum authenticum operis, uti est Germanicus Juris
Feudalis Saxonici stilus, faciliorem plerumque
esse & magis perspicuum, quam sermonem Ope-
ris e Latino in Germanicum translatis, cujusmo-
di est Germanicum Speculi Saxonici exemplar.
Ab eodem vero Leubero *l. c. Cap. 5. n. 6-19.*
privati hominis id opus esse operose probatur.
Quod vero, uti Thomasius contendit *Select. Cap.
Hist. Jur. Feud. §. 59.* hoc Jus Feudale Saxoni-
cum non aliter considerari debeat, quam ut ver-
sio quaedam Germanica Veteris Auctoris *de Bene-
ficiis*, de quo v. A. N. *Praefatio primae editioni*
hujus historiae praemissa, id quidem ego certus
affirmare non audeo; illud tamen ex collatione
unius cum altero, quam diligenter instituit Tho-
masius, singulis illius Auctoris paragraphis articu-
los Juris Saxonici illis respondentes praefigens,
abunde patet, illum in hoc, si non integrum,
saltem ex maxima sui parte transisse. Goldasti
vero Latinum opus, quod sub titulo: *Libri Ju-
ris Feudalis Saxonum* edidit, quicquid ipse glo-
rietur, non est Liber Veteris illius Auctoris *de
Beneficiis*,

Beneficiis, quod iterum docet collatio unius cum altero instituenda, & praecipue vocis *feudum* usus, qui apud Goldastum, non vero apud Veterem Auctorem, *beneficii* vocabulo semper utentem, invenitur. Quod vero edidit Goldastus, opus feudale a plerisque habetur pro Juris Feudalis Saxonici versione Cracoviensi. Vid. Schilterus in *Praef. ad Mincucc.* §. 1. Thomafius l. c. §. 41. & *sqq.* & in *Dissert. de Auctore*, *fato*, *vetust.* & *rarity.* *Lib. Vet. de Benef.* §. 12.

§. LXXVIII.

Recentius est jus municipale Magdeburgicum, seu WEICHBILDICVM (a), quod vel exeunte decimo tertio, vel sequente demum saeculo ineunte Magdeburgi videtur compilatum*, & consuetudines istius civitatis, sed juris civilis laciniis passim deformatas, complectitur, Weichb. Art. CXIX. CXXI. CXXVIII. non tamen ita, ut Aen. Sylv. in *Europ. Cap. XXXI.* id jure vocet *jus civile abbreviatum*, & *Saxonica lingua conscriptum*. De hujus quoque juris Weichbildici editionibus plura observarunt scriptores paullo ante laudati, in primis Jac. Frid. Ludovici in *Proleg. Weichb.* §. XVI. *seq.*

Jus
Weich-
bildicum.

* In Vindebonensi enim bibliotheca codices quadringentorum annorum jam superiore saeculo reperit Lambec. *de Biblioth. Vindeb.* II, 8. p. 831. Et ita in medium saeculum XIII. incideret hujus libri origo. Sed vereor, ut tantam antiquitatem tueatur jus municipale multo inquinatius, quam reliqua jura Saxonica, eo tempore scripta.

(a) Ad Nimrodi usque tempora in inquirenda Juris Weichbildici Magdeburgensis origine ineptissime ascendit Auctor *Weichb. Saxon. Art. 9. inf.*

Denn Weichbildrecht (von alter Zeit her lang gestanden und geweret hat) von König Remrothszeiten, bis sich die Stadt Rom des Reichs unterwand, und stehet noch bis daher heut an diesen tag (unverwandelt). Ad Caroli M. tempora id refert Aeneas Sylvius *Europ. c. 31.* cui etiam primam originem hujus Juris adscribit Auctor *Chronici Juri Weichbildico praemissi.* Glossa ad *Juris Weichb. Art. 10.* Ottoni M. originem, Ottoni II. f. Rubeo confirmationem hujus Juris tribuit: Keyser Otto stiftet die Stadt Magdeburg, und bestättigt da den Stätten, die aus Magdeburg gestiftet wurden, Weichbildsrecht. Nach diesem ward zum Koning gekoren der Rote Koning Otto, der bestättiget zu Magdeburg das Weichbilds Recht mit der Weisseste, rath, nach ihrer selbst wilkühr, und hieß dasselb Recht, aus dem Sachsen Spiegel nehmen und ausziehen, und setzte dazu das in dem Sachsenpiegel so lauterlich nit gesetzt was. Ottoni II. hoc Jus etiam tribuit ipse Auctor *Juris Weichb. Art. 42.* non satis sibi constans. Ipsi etiam Magdeburgenses anno 1636. exhibito libello supplice, qui apud Londorpium T. 6. c. 51. extat, ad privilegium sibi ab Ottone M. 7. Junii 940. concessum, cuius authenticum injuria temporum periisse dicebant, provocarunt, idque sibi conservari petierunt, & in Pace Osnabrugensi *Art. XI. §. 8.* obtinuerunt, adeo, ut & in Comitibus an. 1654. ea de re actum fuerit, v. Pfannerus *Hist. Com. Lib. VII. §. 15.* Quod privilegium tamen effectum esse multis, iisque gravibus, rationibus demonstravit Leuberus, non tantum in *Tr. de Stapula Saxonica*, sed & singulari Opere, quod ad Augustum, Saxoniae Ducem & Administratorem Magdeburgicum an. 1648. scriptum sub titulo: Gründlicher und Historien-mäßiger Discurs über eylichen der Stadt Magdeburg in Sachsen gerühmten alten Privilegiis &c. insertum invenitur

tur Johann Gottfried von Meiern *Actis Pacis Westphalicae Publicis* &c. Tom. III. num. Vorbericht Beyl. 2. ubi de Juribus Saxonice Provinciali & Feudali, Weichbildico & hujus Chronico multa egregia dicuntur, & praecipue Cap. IV. ab initio usque ad n. 69. operose demonstratur, Weichbildicum Jus Ottonibus esse posterius; errores vero hujus, & Glossae & Chronici longo ordine multoque apparatu *ibidem* a n. 69-138. notantur & refelluntur. Quod vero ad originem Juris hujus Weichbildici singulatim attinet, luculentis argumentis jam Gryphander *de Weichbildis Saxonice* c. 51. & Conringius *de O. I. G.* c. 18. § 29 atque post hos plures alii demonstrarunt, illud Speculo Saxonico multo recentius esse, 1.) quod Glossator Juris Weichb. l. c. ipse fateatur, id ex Speculo Saxonico haustum esse, ut 2.) vel ipsa inspectio probat, cum passim Auctor Juris Weichbildici ea, quae a Speculo Saxonico etiam fabulose dicta sunt, sollicitè repetat, uti praecipue ea, quae Speculum Saxon. L. III. Art. 44. de origineregnorum & jurium nugatur, iterum sistuntur Weichbild. Art. 6. § 7. quod 3.) ita Auctor hujus Juris videatur de Ottonibus loqui, ut eos sub nomine der Alten fürsten tanquam dudum defunctos commemoret Weichb. Art. 3. atque Art. 12. disertis verbis Ottonem jam a longo tempore constituisse referat: Kaysar Otto vor langer Zeit ic. in allegato vero Art. 3. plane post Ottones adhuc Friderici I. & Henrici VI. illius vero etiam Art. 28. mentionem faciat, imo & Ottonis IV. constitutionem exhibeat Art. 55. quod quidem argumentum, licet Jus Weichbildicum non disertis verbis Repkovo recentius ostendat, fidem tamen omnem iis, qui nimiam ejus antiquitatem jactant, penitus adimit. 4.) quod Jura, quibus Magdeburgenses ante Collectionem Weichbildicam utebantur, ipso Auctore hujus

hujus Collectionis fatente, cum ipse hanc editionem ederet, jam late diffusa fuerint per Misniam, Lusatiam, Bohemiam, imo Poloniam, in hac autem ante annum 1287. nihil Magdeburgici Juris receptum ex communi sententia inveniatur, atque ita haec quidem Collectio non possit ultra saeculi XIII. & XIV. confinia facile ascendere. Alia argumenta, quae ex Weichbildici Juris & Chronici similitudine, ex Consulum Proconsulumque Magdeburgensium, Scabinis, ut Gryphiander arbitratur, recentiorum allegatione & aliunde deducuntur, brevitatis causa omitto. De Burchardo Mangelfeldio supra jam egimus. Unum nunc addimus, nempe diligentissimum in indaganda Cancellariorum historia Bernardum a Mallinckrot *de Archi-Cancellariis S. R. I. ac Cancellariis Imperialis Aulae &c. Part. alt. p. 300. & sq. edit. Wenck.* dum Ottonis II. Cancellarios evolvit, Willigisum quidem, Folgmarum, Egbertum, Hugonem, Hildebaldum commemorare, Burchardum de Mangelfeld autem inter eos usquam reperire non potuisse, atque ita, cum videret, eum tamen primum *Saxonici Juris Glossatorem*, & Ottonis II. Imperatoris Cancellarium a multis laudari, & in eam sententiam etiam prolapsum esse Kirchner. *de Offic. & dignit. Cancell. L. I. c. 2. n. 63.* haec tantum modeste addere: *Fuisse hunc Burchardum Othonis Consiliarium non negaverim; de Cancellariatu ejus amplius deliberandum censeo: maxime, cum praedictus Auctor & alios in istum ordinem adoptet, citra aliorum mentem & tradita.*

§. LXXIX.

Juris Saxonici auctoritas.

Quamvis vero Pontifici minime omnium placeret illud juris Saxonici corpus, adeo ut plures ejus articulos damnarint Gregorius PP. IX. anno MCCCLXXI (α). & postea Eugenius

genius PP. IV. Vid. *Bull. ad Archiep. Rigenf. post Spec. Sax. p. 485.* tanto tamen plausu receptum est non modo per archiepiscopatum Magdeburgicum & terras Anhaltinas, ubi genuina hujus juris patria est(2), verum etiam per Misniam & Thuringiam, Marchiam Brandenburgicam, Lusatiam, Boëmiam, Silesiam, Ducatum Magdeburgicum, Holsatiam, terras Brunsvicenses, quin & Borussia, Poloniam, Daniam, Transylvaniam*, ut veluti jus commune (2) harum aliarumque gentium haberetur, & hinc frequentissime exteri, sententiis gravati, ad Scabinatum Magdeburgicum provocarent(3). Leuberi *Stapul. Sax. n. DXL.*

* In omnibus his provinciis vivebatur jure Saxonico, quamvis alibi *jus provinciale* ac *feudale*, alibi *jus Weichbildicum*, majore polleret auctoritate. Fusius hoc probavit Struvius *Hist. Jur. VI, 23.* qui & p. 475. de terris Meclenburgicis, & Brunsvicensibus ostendit, ibi abrogatum esse jus Saxonicum, adeoque eo ipso ejus usum veterem in his provinciis confirmavit. Sed quod ad terras Brunsvicenses attinet, usus juris Saxonici in illis clarissime demonstratur ex usu Geradae, vel *Frauen-Radae*, de qua Io. Andr. Schmid. *in Helmst. saeculis XIV. & XV. per Frauen-radam adscripto. Helmst. 4.* In Holsatia & urbe Luneburgensi ejus adhuc hodie usum aliquem esse, observavit Hert. *de Consultat. Leg. & Judic. §. XV. p. 430.*

(2) Annus hic nec Gregorio IX. qui ab anno 1227. ad annum 1241. cathedrae Romanae praefuit, nec Gregorio XI. qui quidem ab anno 1370. ad annum 1378. adeoque & eo, quem A. N. designat,

signat, anno Pontificis summi dignitate gavifus est, satis convenit, cum si, qui Speculum Saxonicum damnavit, Gregorius sit ille XLinus, is tamen Bullam condemnationis anno Pontificatus vel 3. vel 4. adeoque non 1271. dedisse dicatur. Bulla Gregorii, quae Speculo Saxonico subjungitur, sine die & consule exhibetur, adeoque Auctorem suum non sub certa designatione indicat. Gregorio IX. hanc Bullam acceptam refert Gryphiander *de Weichb. Saxon. c. 47. n. 6.* Hanc opinionem firmare videtur, 1.) quod eo tempore, quo Gregorius IX. sedi Romanae praefuit, Speculum Saxonicum editum fuisse videatur. 2.) Quod Gregorius IX. Friderico II. Imp. gravis omnino extiterit, adeoque Corpus Legum, hujus tempore in Germania natum, tanquam opus ab ipso Imperatore vel conditum, vel approbatum existimasse, & ob hanc forte causam odio excepisse facile videatur. 3.) Quod Gregorius IX. cum Decretalium Collectionem ea mente edi curaverit, ut non in scholarum tantum, sed & iudiciorum usum ubique reciperetur, a quo animo non videatur tulisse opus, quod suae Collectionis progressibus facile obicem in Germania positurum videbatur. Pro Gregorio XI. vero pugnat Conringius *de O. I. G. c. 31. p. 189. & sqq.* & pro hujus sententia rationes non contemnendae militent. 1.) Eandem Bullam, quae Speculo Saxonico addita conspicitur, exhibet etiam Goldastus, Collectioni *Consuetudinum & Legum Imperialium* praemissam, hoc tamen epiloquo auctam: *Nulli ergo hominum omnino liceat hanc paginam nostrae damnationis, prohibitionis, constitutionis, mandati, voluntatis & requisitionis infringere, vel eo ausu temerario contraire. Si quis autem hoc attemptare praesumpserit, indignationem Dei omnipotentis & beatorum Petri & Pauli, Apostolorum ejus, se noverit incursurum.* DATVM AVINIONE VI. IDVS APRILIS, PONTI-

PONTIFICATVS NOSTRI ANNO TERTIO.

2.) Idem Goldastus Bullae huic subjungit alteram, ab eodem Gregorio ad Carolum, Romanorum Imperatorem, missam, qui non potest non esse Carolus IV. cum Gregorii IX. tempore nullus fuerit Carolus, Romanorum Imperator, Gregorii XI. aetate vero Carolus IV. imperaverit, ita ut haec Gregorii Pontificis cum Carolo Imperatore, in causa Speculi Saxonici, conjunctio non alios, quam Gregorium XI. & Carolum IV. designare possit. In hac Bulla Gregorius S. P. refert, se Speculum Saxonicum *per nonnullos tam fratres suos sanctae Romanae Ecclesiae Cardinales, quam per alios in sacra Theologia solennes magistros ac utriusque Juris Doctores examinari fecisse diligenter, & illa ex iis, quae falsa, temeraria, schismatica, contra bonos mores existentia & periculosa nimium animabus fore repperit, auctoritate Apostolica reprobare, condemnare, & decernere irrita & inania, & carere omni robore firmitatis &c. testatur, se ea de re literas mittere Moguntinensi, Coloniensi, Bremensi, Magdeburgensi, Pragensi & Rigensi Archiepiscopis, & eorum suffraganeis, earumque tenorem praesentibus inclusum esse. Imperatorem requirit & rogat attentius, quatenus in publicatione dictarum literarum &c. dignetur &c. Imperialis & Regalis potestatis favorem efficaciter impartiri.* Addit DATVM AVINIONE, IDVS OCTOBRIS, PONTIFICATVS NOSTRI ANNO TERTIO. 3.) Gaertnerus in Praefat. ad Specul. Saxon. §. 14. Conringio subiratus, quod non monuerit, unde ea, quae de Bulla Gregorii XI. dicit, petierit, in Goldastum quidem, ex quo haec hausisse videtur Conringius, forte non incidit, sed tamen ex Bulla Gregorii XI. ad Archiepiscopum Rigensem excerpta quaedam antiquissimae Basileensis de an. 1474. editionis exemplari Bibliothecae Paulinae Lipsiensis, & ejusdem

dem quidem ultimae paginae, literis saeculi XVI. initia redolentibus, inscripta exhibet, quae ab his verbis ordiuntur: *Hec sunt excerpta Bullae dñi Gregorii XI. reprobant Speculum Saxonicum quatuordecim conclusionibus inibi contentis & condemnatis ut clare intuentur.* Ipsa Bulla ab his verbis incipit: *Gregorius epc. servus servorum dei &c. venerabilibus fratribus Archiepiscopo Rigenſi ejusque ſuffraganeis ſalutem &c.* Recensionem 14. Articulorum damnatorum haec ſubſcriptio excipit: **DATVM AVINIONIS XI. YDVS APRIL. PONTIFICATVS NRI ANNO QVARTO.** 4.) Fidem his, quae de ſuſcepto a Gregorio XI. Legum examine dicuntur, non exiguam addunt ea, quae de Gregorii XI. ſtudiis & vitae ratione, Jurisprudentiae excolendae magna ex parte deſtinata, paſſim commemorantur. Prima Vita Gregorii XI. apud Baluzium in. *Vit. Pap. Aven. T. I. p. 425. & ſqq.* ita de eo loquitur: *Hic, quanquam eſſet ſatis juvenis, quando fuit factus Cardinalis, cum nondum attingeret octavum decimum annum ſuae aetatis, tamen erat totus ingenioſus & aptus ac ſtudio literarum valde intentus; volensque in eis proficere amplius, poſt promotionem ſuam ad ſtatum hujusmodi, accerſitis ſibi notabilibus clericis, quos ſecum continuo habuit, audiendo & legendo circa legalem ſcientiam diutius inſudavit, & adeo in ea proſecit, quod unus de profundioribus & ſufficientioribus totius orbis in ea fuit effectus &c.* Cum hoc etiam circa cauſarum deciſionem diligenter inſtitit, habuitque in ipſa tam juris quam facti experientiam tantam, quantam quicumque alius ſtatus ſui &c. Tertia Vita Gregorii XI. ex appendice Ptolemaei Lucenſis ibid. p. 478. dicit, quod Clemens VI. ejus patruus eum excellentiſſimis Doctõribus Juris utriusque & aliarum ſcientiarum non vulgaribus Praeceptoribus tradiderit erudiendum. Quod ita in multis

multis scientiarum generibus profecerit, ut non modo mediocris, sed eminentissimae scientiae Doctor a cunctis haberetur, in tantumque culmen & famam evaserit, ut a famosissimis Italiae Doctoribus, a Baldo praecipue de Perusio, in cathedra legente Jus Civile, ejus opiniones & dicta adducerentur in medium, saepiusque ejus dicta allegaret dicens, DOMINVS NOSTER IN HAC LEGE SIC DICIT, intelligens de Domino Gregorio XI. cujus scripta non ad mediocres solum, sed ad eruditissimos jam pervenerant. Aegidius Bellamera Decis. 752. Gregorium XI. vocat Lucernam Juris Civilis, Theodoricus a Niem in Tr. Sexto Nem. Un. c. 39. Licentiatum in Legibus, acutum, studiosum in libris & libenter cum intelligentibus disputantem &c. vid. Baluzius in Not. ad vit. Pap. Aven. p. 1060. & 1233. Sunt autem articuli a Gregorio XI. reprobati 14. a Concilio Basileensi vero 22. Nec tamen hos articulos tantum, sed integrum Speculum Saxonicum damnat Gregorius, si Bulla ejus propius inspiciatur, ubi, quaedam, ait, execrabilia scripta, Leges seu Speculum Saxonum appellata &c. reprobamus, damnamus &c. & iterum: ad nostrum perduxit auditum, quod in Saxonia, ac nonnullis aliis partibus quaedam detestabilia scripta Legum, Speculum Saxonicum vulgariter appellata, & inferius annotata, apud nonnullos tam nobiles, quam plebejos reperiantur &c. ipsa scripta vel Leges &c. tanquam falsa, temeraria, iniqua, & in quibusdam partibus eorum haeretica & schismatica, & contra bonos mores existentia, periculosaeque nimium animabus &c. reprobamus, damnamus &c. Articulos a Basileensi Concilio damnatos cum & ipse rejiceret D. Tammo Bocksdorffius, aliis Buxtorffius, inter Glossatores jam nominatus, & hanc censuram rationibus allegatis fulciret, adversarium expertus est D. Rudolphum Block, Professore S. Theologiae

Parisiensem, qui eos edito libro defendit. v. Gryphander *de Weichb. Saxon. c. 47.*

(3) Repkovius itaque non est in viciniam Helmstadiensem, ejusque pagum *Repke* transferendus, uti ex sola nominis vicinia auguratus est Conringius *de O. I. G. c. 30. p. 181.* quod ideo monemus, ut inde ea, quae de authentico Speculi Saxonici idiomate differuimus, melius confirmentur; unde non video, quomodo haec genuina Juris Saxonici in terris Anhaltinis patria facile stare possit cum sermone Inferioris Saxoniae, quem A. N. §. 76. Speculo Saxonico tanquam authenticum adscripsit.

(2) Quousque usus Juris Saxonici olim se extenderit, sollicitè & uberrime ostendit Chr. God. Hoffmannus *Specim. Conject. Polit. de O. & N. LL. Germ. Per. V. Sect. 1. §. 3.*

(d) Unde hoc Scabinorum Judicium dicebatur, des *Weichbilds höchster Dingestuhl*, & Scabini cum adhuc Burggraviorum subessent dignitati, *Reichs-Schörrven*, *Reichs-Dienstmänner*, ipsique Burggravi *oberste Räte von dem Gotteßhause zu Magdeburg* appellabantur. v. Ockel. *de Palat. Regio §. 65. & 150.* Hoffmannus *ibid. Sect. II. §. 1. n. d.* inde argumentum ducit pro antiquitate hujus Scabinatus contra Conringium *de O. I. G. c. 31. p. 194.* qui cum ultra saeculum XIV. non ascendere arbitratur, asserenda. Quae ulterius inde confirmatur, quod Poloni, cum diu ad eum Scabinatum appellassent, jam an. 1356. ad eum in posterum provocare prohibiti fuerint; quodque in catalogo Scabinorum, qui in scriniis Scabinatus Hallensis servabatur, jam saec. XII. nomina Scabinorum Hallensium reperiantur, manifesto indicio, nec Magdeburgenses eo saeculo recentiores esse. v. Ockelius *de Palatio Regio §. 149.* Ita Magdeburgenses Scabini de Uratislaviensibus jam an. 1369. testantur, a longaevo tempore, cujus memoria apud

nunc viventes non extaret, provocationes Uratislaviam ad se emitti solitas fuisse. v. *infra in f.* Optime etiam Hoffmannus rationes reddere videtur magnae, quae hoc Judicium gavifum est, auctoritatis. Ita enim *ibidem* §. 1. loquitur: *Tanta urbis celebritas, Archiepiscopi & Primatis dignitas & potestas, nec non Burggraviorum potentia augere potuit & evehere auctoritatem horum tribunalium, ut etiam ex remotissimis locis illorum sententias expeterent.* Accedit, quod Jus Weichbildicum Magdeburgense singulari opinione aequitatis, quae *ibidem* Art. 18. 73. 100. etiam contra ipsos Scabinos observari jubetur, multis exteris se commendaverit. Multae etiam Civitates ad Jus Weichbildicum Magdeburgense sibi, quasi per modum privilegii, expetendum, ideo invitabantur, quia multa in eo ad statum civitatis publicum ordinandum non male constituta videbant, ut ex Art. 19. & aliis apparet. Praesertim vero Jurium certorum, quae passim fuit, penuria, cum multis in locis pleraque adhuc arbitrio judicum, vel saltem incertis consuetudinibus, agerentur; nec non odium peregrinorum Jurium, quae nec in Germania nata, nec ad mores & genium populi, aliarumque cum eodem quasi sanguinis necessitudine junctarum gentium, adaptata erant, hujus Juris Magdeburgici usum multis gentibus quasi domesticum, persuadebant. Nec tamen provocationes ad hoc Scabinorum Magdeburgensium Collegium aliquam ipsis Jurisdictionem in exteras, quae his provocationibus utebantur, gentes, nec potestatem aliquam cogendi tribuere videbantur, sed tantum consilii, ex libera voluntate expetendi, rationem habebant; quod videtur innuere Glossa ad Artic. 11. v. Struv. *Hist. Jur. c. 6. §. 24. in not. p. 483.* Hoffmannus l. c. Unde etiam multae gentes, quae diu ad hos Scabinatus provocare solitae erant, postea, ne forsan ex actu,

diu sponte celebrato, aliquando necessitatis cuiusdam species introduceretur, ab illis provocationibus abstinere coeperunt. In Polonia sane illae provocationes jam anno 1356. Casimiri II. Constitutione penitus prohibitaе fuerunt. v. Cromerus de Orig. & Reb. gest. Polon. L. XII. p. 311. edit. Basil. de an. 1555. & Matth. de Michovia Chron. L. IV. c. 19. ac alii. Ita Silesiorum provocationes ad Scabinatum Magdeburgicum sublatae a Ferdinando I. an. 1548. Schifodegherus ad Anton. Fabrum L. I. tr. 30. & S. Strykius Dissert. de Jure Silesiorum Saxonico c. 2. §. 11. referunt. Ita Leuberus de Stapula Saxonica §. 650. appellationes Lusatorum ad Scabinatum Magdeburgicum ex hac ipsa ratione, quod Magdeburgenses iis spontaneis quidem, sed tamen frequentibus appellationibus paulatim quandam Juris necessitatem affingere tentarent, a Regibus Bohemiae prohibitas testatur. En verba ipsius: So haben die Könige zu Böhmen, da sie innen worden, daß die Magdeburger sich vor eine Reichs-Gerichts-Stadt halten wollen, vor eiglich hundert Jahren denen Lausnikern bey hoher Straff verboten, sich keines Rechtes bey denen Magdeburgern zu erhohlen &c. Certe Schikfufius Chron. Siles. L. II. p. 251. protestationem Magdeburgensium Scabinorum de an. 1360. producit, qua ex longo Uratislaviensium ad se provocandi usu necessitatem aliquam juris, imo subjectionem quandam inducere tentarunt. Verba protestationis haec sunt: Coram Celsitudine Imperialis Majestatis & gloria protestamur: civitatem Vratislaviensem longaevo tempore, cujus memoria apud nunc viventes non extat, Juri oppidano seu civili Magdeburgensi fuisse SVBJECTAM: ita videlicet, quandocunque ambiguitatis quid super Jure civili Magdeburgensi vel inter cives Vratislaviensis Civitatis exortum fuerat, recurrendo ad nostram Civitatem, diffinitivam sententiam ab antecessoribus

bus nostris & a nobis hucusque obtinebant, atque inter varias nostri sententias, ipsis olim datas & transcriptas dedimus etiam ipsiusdem Jus nostrae Civitatis &c. vid. Stryk. l. c. Hoffmann. l. c. §. 2. n. a.

§. LXXX.

Eodem exemplo postea & SPECVLVM Speculi SUEVICVM conditum est, & quidem medio Suevici aetas. circiter saeculo XIII(a). Nam in eo mentio fit non modo Innocentii Papae III. & Ottonis IV. Imp. quorum ille anno MCCXVI. hic non multo post decessit, *Spec. Suev. I.* 348. & ita quidem, ut eorum certamen se tamquam rem antiquam legisse auctor profiteatur, sed & Decretalium, quas anno demum MCCXXXV. prodiisse diximus, (§. LXVIII.) *Spec. Suev. I.* s. quin & Fridrici II. qui MCCL. obiit. *Spec. Suev. II. epilog.* Non multo post tamen illud conditum esse manifestum est ex editione Io. Frid. Schannati, §. CXLIV. p. 253. ubi verba: *Ver-raeter haissen wir, dy mit red ain verpalmundent, also das sy in sagen von seiner Christenhait, als dy Myner Prüder Kaiser Fridrich teten, & paulo post: Das teten all dij Mijner Prüder dem Kayser Fridrichen,* ubi de historia illa, tamquam recenti, loquitur. Accedit, quod Speculum hoc Archipincernatum tribuit Ducibus Bavariae, qui ab anno MCCXXXI. cum Boëmia Rege de eo officio Imperii altercati sunt, donec secundum hunc litem dedit Rudolphus I. Imp. anno MCCXC. Toeln. *Cod. Dipl. Palat.*

n. CIX. p. 76. Unde denuo consequitur, ut Speculum istud inter annum MCCL. quo Fridricus II obiit, & annum hunc MCCXC. in lucem prodierit *, adeoque Saxonico multo sit recentius, quod tamen negasse novimus viros doctos, Lambec. *Biblioth. Vindeb.* II, 8. p. 825. & Schilter. in *Praef. Jur. Feud. Alam.* §. XVII.

* Quare nec adfentiri possumus V. C. Io. Sam. Brunquell. qui in *Hist. Jur.* I, 6, 23. hoc Speculum Suevicum saeculo XIV. conditum esse, censet, sequutus, ut opinor, Conringium, qui de *Orig. Jur. Germ.* Cap. XXX. p. 136. id paullo ante Ludovici Bavari Imp. tempora confectum esse scripsit.

(a) Quamvis omnia fere, quae pro antiquitate Speculi Suevici vel extollenda vel deprimenda, vel ad justum modum redigenda a viris eruditis ultro citroque producuntur, argumenta sparsim tangat A. N. cum tamen haec disputatio gravis omnino sit, & multis nodis involuta, non injucundum Lectori officium praestituri nobis videmur, si cujusvis sententiae antesignanos, & quibus quisque armis suam sententiam defenderit, una serie conspectui ipsius offeramus. Alii antiquitati ejus multum tribuunt, eamque Speculo Saxonico anteriorem esse contendunt, adeo ut hoc ex illo descriptum, sed ab hoc mutilatum & corruptum, asserant. Alii Speculum Suevicum Saxonico recentius non tantum, sed plane saeculo XIV. & quidem temporibus Ludovicum Bavarum proxime praecedentibus, adscribendum esse censent. Alii vero media inter hos via incedentes, illud nec adeo antiquum, nec adeo novum, aestimant; suis quisque rationibus, iisque sat gravibus, pugnantes. Primus assertor antiquitatis hujus Speculi est Lambecius, qui *Com-*
ment.

ment. *Bibliothecae Vindebonensis L. II. c. 8. p. 825.* Speculi Suevici aetatem ad Friderici II. tempora refert. I. Provocat ad antiquissimum hujus Speculi Codicem, duobus libris, quorum prior *das Landrecht. Buch*, posterior *das Lehenbuch* inscribitur, distinctum, quem olim ex Tyrolensi arce *Ambbras* allatum, & hinc eruditissimam *Ambrasianum*, non *Ambrosianum*, uti ab aliquibus per errorem scribi solet, dictum, ditissima Bibliotheca Vindobona - Imperialis custodit. Hunc optimae notae esse, & non vulgaris pretii dicit, quippe quem ad tempora Friderici II. referre nullus fere dubitat, nec antiquiorem ejus generis ullum, nec magis authenticum reperiri usquam existimat, cum eo a Rudolphi I. temporibus ad Maximiliani I. usque aetatem plerique omnes Principes Austriaci *propriis manibus atque oculis visi sint.* II. Ex collatione Juris Suevici in *Cap. Wer den Chunig chisen soll.* (cujus capitis, quod obiter noto, & inscriptio & numerus in editionibus, quae prostant, maximopere differt) quod in Meichsneriana 30. est; & Saxonici *L. III. Art. 57.* epocham compositi Juris Suevici erui posse arbitratur. In hujus enim Capite allegato, secundum Codicem *Ambrasianum*, haec leguntur: *Der Hertzoge von Bayern hat die vierte Stimme an der Chur, und ist des Reichs Schenke, und soll dem Chunige den ersten Becher tragen. Diese vier sollen tütsche Man sin von Vater und von Mueter, oder von einwederinn.* In Spec. Sax. *l. c.* secundum Codicem vetustissimum Lipsiensem vero legitur: *der Schenke des richs der Runig von Behemen en hat nicheine fure umbedaß. Daz her nicht dusch en ist.* Inde nunc concludit Lambecius, Juris Suevici Corpus compositum, imo *Ambrasianum* Codicem jam exaratum esse eo tempore, quo Electoratus & Archiepiscopatus ad Ducem Bavariae spectaret. Cum vero Jus Saxonicum hoc Archiofficiu Regi

Bohemiae adscribat, ipsi autem jus eligendi de-
neget, ex ratione, quod non sit Germanus, id
Lambecius non de Bohemia ipsa, quasi illa non
esset provincia Germaniae, intelligendum esse
arbitratur, cum Goldastus de *Regno Bohemiae*
L. I. contrarium asseruerit. Verba igitur Spe-
culi Saxonici de ipso Rege Bohemiae accipienda
esse existimat; eumque ab electione arcendum
esse tunc quidem, si nec ex linea paterna nec
ex materna Germanicae originis sit; sensumque
eorum non per vocem *quod*, sed per vocem *nisi*
explicandum esse, *nisi sit Germanus*; huncque
sensum etiam secutam esse Speculi Suevici edi-
tionem primam, nempe Hupfuffio-Argentoraten-
sem, nihil de Bavaro dicentem, sed potius ea-
dem, quae Speculum Saxonicum de Rege Bohe-
miae diceret, in Suevico, sed per modum con-
ditionis, efferentem: *der vierte ist der König von*
Böhmen des Reichs Schenk, und soll dem König
den ersten Becher bieten. Doch ist zu wissen,
daß der König von Böhmen kein Kurfürst hat, wann
er nit ein teutscher Mann ist &c. Contigisse autem
hujus exemplum, cum Primislao Bohemiae Re-
gi, ex Slavica gente oriundo, Wenceslaus, di-
ctus Monoculus, ejus ex Constantia, Belae Re-
gis Pannoniae filia, ut Dubravius *Hist. Bohem.*
L. XV. testatur, filius, adeoque nec ex patre,
nec ex matre Germanus, succederet. In hujus
itaque locum Bavariae Ducem pro Electore &
Archipincerna agnitum fuisse. Ejus rei mentio-
nem etiam facere Albertum Stadensem in *Chron.*
his verbis: *Anno Domini 1240. Papa Gregorius*
(IX.) insolentias Imperatoris (Friderici II.) con-
tra Ecclesiam metuens, Principes super electione
alterius sollicitavit, sed nihil profecit, quia qui-
dam Principum ei rescripserunt, non esse sui ju-
ris Imperatorem substituere, sed tantum electum
a Principibus coronare. Electio enim ad istos di-
gnoscitur pertinere. Ex praetaxatione Principum

Et consensu eligunt Imperatorem Trevirensis,
 Moguntinus Et Coloniensis, Palatinus eligit, quia
 Dapifer est, Dux Saxoniae, quia Mareschallus,
 Et Marggravius de Brandenburg, quia Camera-
 rius. Rex Bohemiae, qui est Pincerna, non eli-
 git, quia non est Teutonicus. Haec ultima ver-
 ba Stadenſis etiam de Rege Bohemiae non in
 genere, sed ſpeciatiim de eo, qui tum fuerit,
 Wenceslao Monoculo, intelligenda eſſe cenſet
 Lambecius, atque ita & duo diplomata Rudol-
 phi I. conciliari ſecum invicem poſſe exiſtimat,
 quorum priore apud Goldaſtum *Conſtitutionum T. I.*
I. ad annum 1275. pro Henrico, Duce Bavariae,
 poſteriore vero apud Limnaeum *Jur. Publ. L. III.*
c. 8. n. 3. Goldaſtumque *Reichs ſagungen T. I.*
ad ann. 1290. fol. 31. Et *Conſtitut. Imper. Tom.*
II. ad eundem annum f. 85. pro Wenceslao,
 Ottocari filio, Bohemiae Rege, lis decidatur.
 Ex his omnibus concludit Lambecius, Specu-
 lum Suevicum, cum ſingulare hoc exemplum,
 temporibus Friderici II. natum, ſuis verbis in-
 digitet, ea etiam aetate compoſitum, Codicem-
 que Ambraſianum eodem tempore exaratum eſſe.
 Haec ſunt, quibus Lambecius pro ſua opinione
 fulcienda utitur, argumenta. Schilterus ean-
 dem ſententiam *Praefat. ad Jus Alem. Feud.*
§. 15. 16. 17. Comment. ad Jus Alem. Feud.
c. 8. §. 3. Et 6. Praef. ad Mincucc. §. 1. Exer-
cit. ad ff. XVI. §. 33. XVII. §. 12. aliis tamen
 ex rationibus defendit, quas ſervata, quam in-
 cepimus, numerorum ſerie recenſebimus. Eſto
 ergo argumentum pro defendenda Speculi Sue-
 vici antiquitate III. ex *Praef. ad I. A. F. §.*
15. quod in calce Codicis MSCti Argentinenſis
 annus, quo Codex ille Juris Suevici exaratus
 fit, notatus conſpiciatur, errore quidem librarii
 corruptus, qui tamen facile, ut Schilterus cre-
 dit, conjectura reſtitui poſſit. Nempe annus
 Chriſti 1008. ibi exprimitur. Hic autem annus
 P p p 5 non

non potest originem dedisse videri huic Juri Suevico promulgando, cum ille incidat in Henrici II. annum septimum, quo ille occupatus fuit bello adversus Boleslaum Regem Bobemiae, itemque contra Adelberonem, fratrem Imperatricis minorum, postulatam Archiepiscopum Trevirensis, ut de hoc Jure promulgando vix vacaverit. Errorem itaque Schilterus esse arbitratur, quod librarius saeculi post millenarium secundi designationem omiserit, vel (quod in nota subjicitur) non esse errorem, sed ex more illorum temporum, quo expressio saeculi tum praesentis & notum omitti solita, v. Mabillon. de Re Diplom. L. II. c. 23. §. 17. annum 1208, designari. Esse autem hunc annum primum Imperii Ottonis IV. Schilterus dicit, quo prima Comitum ex more antiquo Norimbergae habuerit, antequam expeditionem Romanam susciperet, in quibus ab omnibus Principibus Germaniae de Legibus & Consuetudinibus suis etiam in posterum observandis jusjurandum Otto receperit. Quorsum allegat Schilterus verba Gotfridi Monachi S. Pantaleonis Chron. ad an. 1208. ubi Regem primo, deinde caeteros Principes dicit jurasse &c. omnia jura a Carolo M. instituta observanda & tenenda. Ita & ex Meibomio Apolog. pro Ottone IV. probat, actum esse ab Ottone IV. adhuc Francofurti, antequam Norimbergam iret, de institutis Legibus & Constitutionibus a temporibus Caroli M. in praesens usque usurpatis, sed bellorum tumultibus non parum labefactatis, auctoritate publica revocandis roborandisque. Quibus omnibus eo, quo dictum est, anno Speculum Suevicum publica auctoritate promulgatum probari Schilterus existimat. IV. Cum in Jure hoc Suevico s. Alemannico mentio fiat summi Judicii Regii, quod Regem sequitur, nulli loco affixi; & judiciorum Provincialium, Landgerichte, nec ibi alicujus Judicii inter haec medii memoria

tia in eo occurrat, Judicium autem Rotwilense, a
 Conrado anno 1146. institutum, medio inter
 haec loco ponatur, arbitratur Schilterus *l. c.* §. 16.
 Speculum hoc Suevicum ante hujus Judicii Rot-
 wilensis originem plane compositum esse. V. Quod
 vero praecipue Jure Saxonico antiquius sit Suevi-
 cum, id quidem Schilterus *ibid.* §. 17. inde pro-
 bare conatur, quod *Saxonicum quoad stylum de-*
ductius ac recentius sit, atque cum exemplaribus
Alemannici Juris recentioribus magis conveniat.
 VI. denique & inde argumentum petit, pro an-
 tiquitate Suevico prae Saxonico asserenda, quod
 Suevicum magis sit perspicuum, quam Saxoni-
 cum, cujus exemplum arbitratur se invenisse. v.
Exercit. ad ff. XVI. §. 33. Sententiam Lambecii
 quod amplexus sit Hertius *in Coll. MSCto Jur.*
Publ. P. III. c. 6. §. 3. testatur Thomasius *in*
Select. Cap. Hist. Jur. Feud. Germ. §. 49. n. 9.
 Schilteri vero maxime rationibus subscribit Ley-
 ferus *in Collat. prisce Juris Saxonici cum Roma-*
no §. 18. Altera sententia est Conringii *de O.*
J. G. c. 30. p. 185. qui paulo ante Ludovici
 Bavari tempora Speculum Suevicum compositum
 esse existimat, aliquot rationibus usus, quae in-
 ter mediae sententiae argumenta exhibebuntur;
 unicam addit, qua ejus aetatem ad Ludovici
 Bavari fere tempora deprimere tentat, nempe
 quod *de Papae in Caesarem auctoritate passim ita*
auctor loquatur, ut mos non tulit Ludovico Ba-
varo imperante. Eum fere sequi videtur Brun-
 quellus *Hist. Jur. P. IV. c. 6. §. 23.* Beyerus
ad ff. L. I. T. II. §. 373. Thomasius *Delin. Hi-*
stor. Jur. §. 111. & 112. ita tamen, ut hi tres
 non disertis verbis hujus Speculi originem us-
 que ad tempora Ludovico Bavaro proxima de-
 primant. Omnes tamen, qui post initia saeculi
 XIV. aliquid contigisse scribunt, tempora fane
 Ludovico Bavaro proxima indicare videntur.
 Aliis, media via incedentibus, sufficit probasse,
 Specu-

Speculum Suevicum Saxonico, imo & Friderici II. aetate esse recentius, nihil certius de ejus aetate definientibus. Refero huc Christ. God. Hoffmannum in *Spec. Conject. Polit. de Orig. & Nat. LL. Germ. Per. V. Sect. III.* & Struvium *Hist. Jur. c. 6. §. 30.* Pro hac sententia autem firmanda sequentes militant rationes. I. quod Repkovius Speculi Saxonici Auctor, disertis verbis dicat in *Praef. rythmica*, se illud composuisse nullo auxilio adjutum, nulla alterius doctrina institutum:

Ane helse und ane lere.

Quapropter etiam multis difficultatum nodis se implicitum passim, ut supra ostendimus, querulo sermone indicat, quod utique dicere non potuisset, si post Suevicum demum ipse scripisset, &, quod ipsi exprobrant contrariae sententiae patroni, illius vitulo ubique arasset. Risui vel indignationi omnium eum exposuisset facilis Operis ab ipso conscripti collatio cum vetustiore, quod omnibus notum debuisset esse, instituenta. II. Quod ipse Repkovius fateatur se Opus suum ex ipsis consuetudinibus veterum, nulla opera alicujus intercedente, hausisse:

Diz recht han ich selbe nicht irdacht,
Es haben von altere an uns bracht
Unse gute Bornaren.

Quod sane dicturus non fuisset, si ante ipsum aliud Opus, publica auctoritate confirmatum, quo ipse ubique usus esset, extitisset. III. Quod Speculum Suevicum rerum inter Innocentium III. & Ottonem IV. gestarum, tanquam antiquiorum, nec in memoriam, nisi monumentorum historicorum lectione revocandarum, mentionem faciat. Ita enim Auctor *Jur. Provinc. Suevici c. 346. edit. Burgerm.* postquam de rebus, quas ante Pipinum Caroli patrem gestas arbitratur, locutus esset, statim etiam tanquam rem antiquam commemoraturus, pergit: Wir lesen auch, Innocentius der Pabst entiazt Kayser

fer Otten von dem Römischen Reich, durch ander
 sein unrecht 2c. IV. Quod vel ipsius Friderici II.
 tanquam jam defuncti Constitutiones cum anti-
 quiorum Imperatorum Legibus una serie com-
 moret. Ita Juris Suevici Feudalis Epilogus, qui
 in Meichsneriana editione apud Burgermeisterum
 T. I. p. 558. exhibetur, dicit: Wie aber die
 heiligen Kayser mit ihrem weltlichen schwerdt,
 als der heilig Constantinus und der Groß Kayser
 Carl, und Kayser Friderich der Ander 2c. V.
 Quod Juris Justinianeus multo frequentior in Jure
 Suevico, quam in Saxonico, usus occurrat, qui
 illud eo demum tempore conditum esse docet,
 quo Jus Justinianeum jam sedem sibi in Germa-
 nia fixam quaesivisse videtur. Ita in Speculi
 Suevici c. 6. ad Tit. Inst. de J. N. & G. provo-
 catur. In Cap. 61. dicitur: ein Meister von dem
 Landrecht, der hieß Marcellus, & digitus inten-
 ditur ad Marcianum Ictum in L. 5. §. 2. ff. de
 Statu hom. In Capite 64. allegatur Lex Aelia
 Sentia, alibi Essentia, & ad L. Aeliam Sentiam
 in §. 2. Instit. de his, qui sui vel al. jur. sunt di-
 fertis verbis provocatur. In c. 252. quatuorde-
 cim causae exhaeredationis ex Novellae 115. c. 3.
 recensentur. In Cap. 263. de Usucapione, in
 Cap. 313. de Tutelis ubique ex principiis Juris
 Romani agitur. In Cap. 325. ubi de fidejussione
 ex iisdem principiis sermo instituitur, laudatur
 ein Meister, heißet Adrianus, der des Landrecht
 viel gemacht hat 2c. & sine dubio respicitur ad
 L. 26. §. 27. ff. de Fidejuss. ubi D. Hadriani
 Imperatoris Constitutiones allegantur. VI. Quod
 in Cap. 5. §. 2. Decreti atque Decretalium mentio
 fiat, & quidem ita, ut disertis verbis de iis di-
 catur: auß den zweyen büchern nimbt man all
 die recht, der Geistlichen und weltlichen Gericht
 bedarff. Si Speculum Suevicum demum com-
 positum fuit, postquam Decretum & Decretales
 jamjam omnia Germaniae judicia occuparunt,
 sane

fane id nec Ottonis IV. nec Friderici II. temporibus facile adscribi potest, cum has quidem demum an. 1235. in Italia promulgatas dixerimus, & non exiguum ab hac promulgatione Italica temporis intervallum elabi utique debuerit, donec potuerit de Decretalibus dici, eas plenam omnium judiciorum regulam constituere; praefertim cum ex Friderici II. historia non levis nascatur suspicio, eum progressus Decretalium in Germania non multum adjuvisse. VII. Si Speculum Suevicum vel inchoante vel ad medium usque progressu saeculo XIII. jam natum fuisset, ejus etiam fama illo saeculo percrebuisset, uti Speculi Saxonici auctoritas statim, postquam natum est, in plures provincias diffusa est ita, ut ejus in monumentis ejus temporis frequens occurrat memoria. Atqui de Speculo Suevico altum saeculo XIII. ubique silentium, certo argumento, id eo saeculo vel jam elapso, vel saltem ad finem vergente, & eo quidem tempore demum prodiisse, quo Jurium peregrinorum ubique jam confirmata auctoritas famae hujus nascenti gravem moram injecisse videtur. Nunc ita allegatis, quae antiquitatem Juris Suevici aliquantum deprimunt, rationibus, dispellenda etiam erunt argumenta, quae pro ejus antiquitate asserenda a Lambecio atque Schiltero producta sunt, quibus praecipue Thomasius in *Selectis Capit. Hist. Jur. Feud. Germanici* §. 46. & *sqq.* Christ. God. Hoffmannus *Spec. Conj. Polit. de O. & Nat. LL. Germ. Per. V. Sect. III.* §. 1. & Struvius *Hist. Jur. c. 6.* §. 30. amplissime satisfecerunt. Ad argumentum I. itaque respondetur, quod nec Lambecius, quia antiquitatem Codicis Ambrasiani maximopere extollit, nec Schilterus, qui eo ex concessione Lambecii usus est, *vid. Praef. ad Jus Feud. Alem.* §. 19. ejus antiquitatem ullo argumento probaverint, nec specimen quoddam ejus ediderint,

rint, quo eruditi ad ejus aetatem dijudicandam
 uti possent, adeo ut Thomasio l. c. §. 48. non
 videatur *ea res majorem fidem mereri, quam cum*
Glossa Juris Feudalis Saxonici ad ejus cap. ult.
dicit, Fridericum II. dedisse Saxonibus Jus Feu-
dale. Quod si etiam de ejus Codicis antiquitate
 omnino constaret, non multum tamen Lambecius
 eo argumento pro asserenda Juris Suevici
 prae Saxonico antiquitate proficeret, quippe qui
Comm. Biblioth. Vindob. L. II. P. 2. c. 8. p. 831.
 & Codicem Juris Provincialis Saxonici, in eadem
 Bibliotheca servatum laudat, quem ipse eo, quo
 eum Commentarium scripsit, tempore, nempe paulo
 post medium saeculi superioris, jam quadringento-
 rum annorum, adeoque paulo post saeculi XIII.
 medium scriptum existimavit. Inde & ea, quae de
 perpetuo Codicis Ambrasiani usu a Principibus Au-
 striacis, qui a Rudolphi I. temporibus ad Maximiliani
 I. aetatem usque vixerunt, adhibito Lambecius
 dicit, incerta sunt omnia, cum unde ea, quae
 dicit, hauserit, nullo argumento, vel levissimo probet,
 imo ne quidem indicet. Ad argumentum II.
 R. I.) Non posse hanc lectionem Juris Suevici,
 Bavaro Electoratum tribuentis, multum ponderis
 addere sententiae Lambecii atque Schilteri,
 cum ea non tam sit lectio Suevici, quam aliquot
 ejus Codicum, adeoque non tam Auctori ejus
 Juris, quam aliquot ejus librariis tribuenda. Magnus
 est Codicum hac in parte dissensus. Quem
 A. N. sincero eoque justissimo elogio ornat,
 quod *maiore, quam quivis alius, apparatu instructus*
animum adpulerit ad Speculum Suevicum
suo nitori restituendum, Venerandus Scherzsius
 noster, ad citatum a Lambecio locum Juris Suevici
Capitis 113. §. 8. in not. 6. multos quidem
 Codices magno studio recenset, qui Bavarum inter
 Electores admittunt, omisso Rege Bohemiae,
 nonnullos vero etiam sistit, qui Regem Bohemiae
 nominant, omisso Bavaro, cum quibus sex,
 quas

quas vidit, editiones impressae consentiunt. Imo ipse Codex, quem Vir Venerandus in sua editione secutus est, quamvis inter vetustissimos numerandus, & ad initium saeculi XIV. referendus, Regem Bohemiae inter Electores computat, nulla Bavari mentione facta: *der vierde der Kunig von Behaim dez Riche Schenke der sol dem Kunige den ersten becher tragen, die vier Man sulu tütsche Mann sin von Vater und von Mutter oder von ir aim* Atque ita id, quod jam diximus, satis probatur, nempe non facile asseri posse, id, quod de Duce Bavariae in aliquot Codicibus dicitur, esse constantem ipsius Speculatoris sententiam, sed tantum illud forsan inde erui posse, non satis certum esse, utra lectio genuinam Speculatoris sententiam exprimat. Imo, si probe considerentur rationes, pro Speculi Saxonici antiquitate supra productae, & cum his illae, quas modo pro Speculi Suevici aetate deprimenda recensuimus, jungantur, facile apparebit, sententiam de Rege Bohemiae inter Electores computando ex Speculo Saxónico in Speculum Suevicum migrasse, & a libraribus Bavaricis, ad favorem Bavaricae causae tuendum, studio mutata esse, a qua sane opinione ipse Schilterus in *Comm. ad Jus Feud. Alem.* C. 8. §. 3. & 6. non videtur alienus esse. 2.) Quod de Hupfussiano-Argentoratensi editione dicitur, quod ea Regem Bohemiae excludat, *nisi* sit Germanus, cum verba ejus, *wann er nicht ein teutscher Mann ist*; id quidem locum suum non facile tuebitur, cum vocabulum *wann* saepissime non pro *quando*, sed pro *quia* accipiat. Unde & in Meichsneriana editione legitur: *dann er nicht ein teutscher Mann ist*, uti sensum horum verborum etiam assecutus est ipse Goldastus de *Regn. Bohem.* L. III. c. 5. §. 3. p. 283. Sed, quaecunque demum sit horum Speculi Suevici verborum vera explicatio, nihil ta-

men illa, quicquid Lambecius existimet, ad corrigendam vel illustrandam Speculi Saxonici hac de re sententiam proficeret, quippe quae constans omnino & certa est. In Lipsiensi enim Codice vetustissimo a *Spec. Saxon. L. III. Art. 57.* non conditio, sed ratio allegatur, ob quam Rex Bohemiae non eligat: umbedaꝝ, daꝝ her nicht dusch en ist. Ita Quedlinburgensis Codex *Art. 147.* etiam rationem, non conditionem exprimit: durch daꝝ her nich dubisch nis. Latinum exemplar ita haec verba effert: *quia nostrae non est nationis.* Et Zobeliana editio: darumb daꝝ er nicht deutsch ist. Unde Gaertnerus vertit: hat um deswillen keine wahl, weil er nicht Deutsch ist. Quae Speculatoris Saxonici verba sane Regem Bohemiae non hunc vel illum, sed omnem, addita ratione, excludunt. Unde nec Speculi Svecici Codices aut editiones, quae Regis Bohemiae, hac observatione addita, mentionem faciunt, de certo Rege Bohemiae, sed de omni generatim intelligi poterunt. 3.) Sic nec in Alberti Stadenſis verbis allegatis, si tota verborum & praecedentium & subsequentium series cum ipsis jungatur, ullum, vel levissimum, momentum deprehenditur, quod vel conjecturam aliquam suggerat, verba ejus de Rege Bohemiae non eligente ad certum tantum Principem, quem in animo habuisset, restringenda esse. Optime de his Coccejus in *I. P. P. c. 12. §. 15.* judicat: *Nec potest hoc intelligi de solius personae statu: quia non quaeritur de juribus privatis personae, sed publicis Imperii; non quid Rex Boemiae, ut privatus, sed ut Rex Boemiae in regno Teutonico vel juris habeat, vel oneris sustineat.* 4.) Non negamus quidem Regi Bohemiae quandoque a Bavaro controversiam motam esse, & nunc hunc, nunc illum actus possessionis exercuisse; imo ab Innocentio IV. S. P. etiam, cum anno 1245. alium pro Friderico II. Imperatorem eligi cuperet,

Ducem Bavariae, non Regem Bohemiae inter Electores computatum fuisse. v. Matth. Paris. *Hist. Angl. ad ann. 1245. p. 676.* sed quod praecipue sub Friderico II. contra Wenceslaum Monoculum insurrexerit Bavarus, ejusque causam contra Wenceslaum judiciali quadam discussione adjuverit Fridericus II. id quidem nec Dubravius, qui a Lambecio allegatur, nec alius quispian veterum, quantum nobis visum est, dicit. Idque eo minus videtur verosimile, cum Fridericus II. in diplomate, quod integrum producit Ludewigius *de Jure suffragii Regis Bohemiae c. 2. §. 8. n. ii.* ipse testetur, quod *Illustis Rex Bohemorum Ottogarus a primo inter alios Principes specialiter prae ceteris in Imperatorem ipsum elegerit, & suae electionis perseverantiae diligenter & utiliter astiterit.* Quam parum sane haec Lambecii assertio cum rebus ejus temporis conveniat, uberius ostendit Ludewigius *ibid. c. 3. §. 1. n. 6. & sqq.* Illud vero utique certum est, sub Richardo, & mox sub Rudolpho I. litem hac de causa agitatam, & ab hoc in Comitibus Augustanis pro Bavaro decisam fuisse anno 1275. cujus rei testimonium luculentum praebet diploma ejusdem Imperatoris apud Goldastum *Constit. T. I. ad ann. 1275.* quod ex Gewoldo *de S. R. I. Septemviratu c. 10.* producit Hertius *de Renovato Rom. Germ. Imp. & Reg. Bohem. nexu. Sect. II. §. 9. v.* etiam Tolneri *Cod. Diplom. n. 107.* Hoc tamen non obstante ipse Rudolphus I. in Comitibus Erfurtensisibus anno 1290. Regi Bohemiae & Electoratum & Archipincernatum perpetuo jure decrevit. De qua re consule, praeter allegatos, Schilterum *de Libert. Eccles. Germ. L. III. c. 8. §. 18. & sqq.* Tolnerum *Hist. Palat. c. 4. p. 118. & sq.* Ipsum diploma exhibet Goldastus *Reichs. Satz. ad ann. 1290. f. 31. & Constit. Imp. T. II. f. 85.* Bohuslaus Balbinus *Miscell. Hist. R. Bohem. Decad. I. L. 8. p. 1. Epist.*

CAP. III. DE ORIG. ET PROGR. IVR. GERM. 979

Epist. 22. Tolnerus in Cod. Diplom. Pal. n. 109. Limnaeus I. P. L. III. c. 8. n. 3. Jus hoc potestea Regibus Bohemiae iteratis vicibus confirmatum est, qua de re Gerlaci Electoris Moguntini literae attestatoriae cum subscriptione reliquorum Electorum de an. 1356. nec non Ruperti Elect. Palat. Vicarii Imperii ejusdem anni confirmatoriae exhibentur a B. Balbino l. c. n. 57. & 58. Ex quibus omnibus patet, quod, si quid ex verbis Juris Suevici, huic disputationi ansam praebentibus, pro definienda ejus aetate tuto colligendum esset, ea sane non ad Friderici II. tempora, sed ad hoc, quod inter Rudolphi I. utrumque diploma intercedit, intervallum referenda esset. Denique 5.) his omnibus bene pensitatis, facile apparebit, ea, quae a Lambecio de aetate Speculi Suevici differuntur, conciliandis duobus Rudolphi I. diplomatibus parum vel nihil adjumenti asserre. Ipsa vero illorum accuratior inspectio conciliationis medium aliud prorsus, sane non adeo difficile, subministrat; in priori enim de an. 1275. Rudolphus ait, agi inter Bohemum & Bavarum de suborta inter eos quaestione super quasi possessionem juris eligendi Romanum Regem, atque ita ipse in possessorio pro Bavaro judicavit. In posteriori vero, quo pro Bohemiae Rege sententiam dicit, satis perspicue indicat, se nunc in petitorio versari. Ita enim loquitur: Inquisitionis circumspectae praehabita indagine, scrutinioque solerti scire desideravimus, quid quantumve juris in Romano competat Imperio, & in electione Romanorum Regis futuri Imperatoris, inclyto Regi Bohemiae &c. & mox: comperimus &c. & JVS ac officium Pincernatus apud eum, nec non ejus heredes jure hereditario residere &c. ac tandem: Haec vero jura Pincernatus & Electoratus nedum dicto Regi & suis heredibus didicimus competere, sed etiam suis Progenitoribus, Atavis, Abavis, Praeavis, Avis,

pure plenissime competebant &c. Veram autem si quis forte rationem, quae utraque vice Imperatorem moverit, altius rimari velit, eam conjectura non vana in ipso affectu & propensione animi, quā Imperator erga Ludovicum Palatinum, qui ex compromisso reliquorum Electorum electionis arbiter constitutus suo suffragio ipsum elegerat, & Henricum ejus fratrem, inferioris Bavariae Ducem, cujus filio Ottoni postea filiam suam Catharinam desponsavit, ferebatur, Ottocaro vero Bohemiae Regi, saepe sibi obnitenti, satis infensus erat, sitam fuisse inventurus est. Haec forte ratio, cur pro Bavaro *in possessorio* judicaverit. Wenceslaus vero, Ottocari filius, Imperatoris per Juditham filiam gener erat, socero apprime gratus. Inde *in petitorio* sententia pro ipso dicta, ita quidem, ut ne quis hoc jus, Wenceslao nunc confirmatum, in dubium unquam vocare posset, aut *si quid diminutionis aut calumniae, cavillose, malitiose aut subdole possit opponi*, Imperator id se supplevisse dicat *plenitudine potestatis*. Argumento IIItio quod primum est Schilteri, R. Quod, cum librarius, qui annum suo Codici subscribit, nomen Imperatoris, sub quo scripturam suam absolverit, prorsus omittat, audax omnino sit, nullisque argumentis probata conjectura, quae annum 1208. substituendum asserat, cum aequae facile, & forsan verosimilius aliquis errorem vel ipsius librarii, qui Codicem scripsit, vel alterius cujusdam recentioris, qui Codice usus est, aut plane figmentum alterutrius, ea annotatione venerationem antiquitatis, nefario consilio, suo Codici conciliaturi, deprehensurus sit. Sane haec Schilteri conjectura adeo parum verosimilis videtur, ut nec Venerandus Scherzius noster, alias Schilteri sententiae lubenter subscribens (si causae merita & veritatis amor, cujus major ipsi omnino, quam auctoritatis ratio esse solet, patiantur) illam agnoscere

scere possit. v. *Praef. ad Jus Prov. Alem.* Addit Vir venerandus, quem iterum iterumque allegare dulce mihi est, rationes sui a Schilteriana opinione secessus: *tum quod in nullo MSCto dicatur An. 1208. hoc ab Ottone IV. fuisse factum, tum quod circa festum Martini ejusdem anni nulla Norimbergae fuerint habita Comitia, cui solide ostendit magni nominis Jctus Werlhofius in Specim. II. Juris quo Germani utimur, p. 171.* Addit quoque Werlhofius *ibid. pag. seq.* quod annus 1208. non tam annus Imperii Ottonis IV. primus, quam regni undecimus, & sequens demum annus, 1209. Imperii ejus primus ipsi nimirum Ottoni IV. in diplomatibus numeratus fuerit. IVto argumento opponitur 1.) quod plus probet, quam Schilterus probare debebat, qui, cum asseruerit, Speculum Suevicum anno 1208. ab Ottone IV. publica auctoritate in Comitibus Norimbergenfibus promulgatum esse, nunc suam sententiam & publicam ejus Speculi auctoritatem iterum destruit, illud Judicio Rotwilenfi, quod anno 1146. institutum est, antiquius esse asserens. 2.) Quod ex Speculi istius silentio de Judicio Rotwilenfi plane non sequatur, id eo Judicio esse antiquius, cum nec Speculum Saxonicum, quod tamen illo Judicio, vel ipso Schiltero fatente, multo est recentius, ejus mentionem faciat. Vto argumento R. quod antiquitas Speculi Saxonici utique aestimanda non sit ex sermone, quo editio Zobeliana utitur, cum eum ad sui temporis genium inflectendum Zobelius existimaverit, ita ut Zobelii sermo tantum recentioribus Juris Suevici exemplaribus respondere videatur. Si vero ex antiquissimis Lipsiensibus & Quedlinburgenfi Codicibus Speculi Saxonici sermo aestimetur, ille plane vetustissimis Juris Suevici Codicibus antiquitatis palmam praerpturus videtur. Vitae demum rationi obijcitur, quod insignis illa, quae asseritur, Speculi Sue-

vici perspicuitas exemplis, quae producuntur, nondum satis probata sit; & si probata esset, antiquitatis tamen argumentum idoneum non esset, cum quo antiquiora sint monumenta, eo obscuriora saepius hodiernis lectoribus appareant, & facile quaedam recentioribus addi possint formulae, quae nubes, quibus antiquiora obducta sunt, dispellere, iisque uberiores lucem affundere possint.

§. LXXXI.

Variae
editiones.

Plura vero ejus exstant exemplaria, inter se haut parum discrepantia. Nam praeter illud, quod sequutus est Seb. Meichsnerus in *Kaysersl. und Koenigl. Land- und Lehn-Recht*, quod deinde similiter expresserunt Melch. Goldastus Tomo I. der Reichs-Satzungen p. 31. & Io. Steph. Burgemeister in *Teutschen Corpore Jur. Dipl.* editionem novam & a reliquis & ordine & verbis passim discrepantem edidit Io. Fridr. Schannat in *der Sammlung alter Historischer Schrifften Part. I. p. 163. sequ.* & novissime ex MSCO Argentoratensi Io. Aug. N. D. de Berger Lips. MDCCXXVI. 4to. *

* Ne jam dicamus de nova editione, quae in Io. Schilteri *Thesauro Antiqu. Teuton. Tom. II.* prodit, ubi V. C. Io. Ge. Scherzcius non modo totum illud jus Alamannicum ex insigni codice Krafftiano edidit, sed & codicem illum cum aliis XI. MSSC. & VI. impressis diligentissime contulit. In praefatione praemissa p. IV. virum doctissimum eandem mecum sententiam de Speculi hujus origine & auctoritate fovere non sine voluptate observavi. Et meretur sane tota illa praefatio legi, quum nemo majore instructus adparatu animum adpulerit ad Speculum istud nitore suo restituendum.

§. LXXXII.

§. LXXXII.

Est & hic juris Germanici thesaurus egregius, ac proinde juri Saxonico in multis convenit. Multa tamen auctor admisit ex jure Romano, veluti *Lib. I. Cap. 6. 41. 64. 67. 315. & 327.* & ubi philosophatur, aut de jure publico differit, non minus desipit, quam Speculator Saxo. An usum umquam hoc jus in foro habuerit, fuere, qui dubitent. * Sed sunt sane diplomata, quae manifesto provocant ad decisionem juris Suevici, quae jam produxit Datt. *de pace publica. IV, 1, 21. (a)*

De eo judicium.

* Merentur ea de re legi verba laudatissimi Scherzii, in praef. p. IV. *Quamvis autem hoc opus, pro-ut hic jacet, legis robore donatum fuisse, nullus credam, attamen plurimum inde utilitatis, tum ad illustrandas antiquitates patrias, tum ad jurisprudentiam hauriri posse adfero. Nihil enim rationi sanae magis convenit, quam ut in foro, si de pactis, contractibus, divisionibus familiarum, litteris investiturarum similibusque, quae antiquis temporibus fuere facta, judicium ferendum sit, illa interpretemur juxta usum moremque illorum temporum, quibus fuere celebrata: usum vero antiquiorum temporum in hoc opere repraesentari, vel Tiresiae clarum est, & probavit id multis exemplis Schilterus in Comm. ad Jus feud. Alamann.*

(a) Goldastus adhuc de suo tempore in Praefatione der Reichs-Satzungen testatur: So ist der Schwabenspiegel so wol, als der Sarenspiegel in Sarsischen landen, bey den Schwaben in Schwäbischen Gebieten, als Altdövern, Schweibern, Bündtnern, und Burgundern, noch zu guten theil im Schwand und in ihre Statuta gezogen.

gen. Hertius de Consult. Leg. & Judic. in Spec. Rom. Germ. Imp. Rebusp. §. 15. p. 432. dicit : Giesensis Academiae, quae anno 1607. instituta est, Statuta T. 31. Jus Francorum (sive Suevicum) & Saxonicum Juris Antecessoribus commendare, addita ratione : quod illis universa prope modum Europa in multis partibus hodie utatur. Non ita pridem, cum inter Lichtensteinios Principes & Comites Kaunitzios de Comitatu Rittbergensi lis ageretur, & Kaunitziae causae patroni Jure Feudali Suevico potius, quam Jure Longobardico, sibi non aequae favente, uterentur, huic usui acerrime se opposuit, qui Lichtensteiniorum jura defendit, Stephan Christoph Harpprecht von Harpprechtstein zu Raltenthal, iusto hac de re Commentario Kielae 1723. 4. edito, cui titulus : *Speculi Suevici & praesertim Juris Feudalis Alamannici in foris vicariatus Suevo-Franconico-Palatini Non-Usus modernus*, quo omnem Speculo Suevico in Judiciis auctoritatem prorsus adimere multo studio conatur. Ego vero, licet hujus Speculi, tanquam Legis, usum in causis decidendis forenses superesse non arbitrer, multum tamen eum adhuc adjuvare explicationem Consuetudinum & Legum Provincialium utique existimo, & hinc judicio Scherziano, quod A. N. b. l. producit, lubens subscribo.

§. LXXXIII.

Jus Feudale Suevicum Alamannicum.

Accessit & huic Speculo, seu juri provinciali, IVS FEVDALE, quod paullo post jus provinciale, & fortassis ab eodem auctore (a), conditum est, siquidem aliquoties lector ad jus provinciale, tanquam ad partem priorem, remittitur. *Jus Feud. Alam. I, 120. 158.* Quare male de libri hujus vetustate judicant Lambecius, Schilterus, & alii, qui illum diu

diu ante Speculum Saxonicum natum existimant. Thomas. *Select. Feud.* §. LXIII. Editionem accuratissimam hujus libri, ad codicem Ambrosianum bibliothecae Vindebonensis expressam, & luculento commentario illustratam dedit Schilterus, Arg. MDCXCVII. 4. (β). & novissime Io. Aug. N. D. de Berger *Lips. MDCCXXVI.* 4.

(α) Auctorem nominare ausus est Goldastus, quamvis rem ex alterius ore acceptam, memoria parum fida custoditam, dubius ipse referat in *Praef. der Reichs-Satzungen* his verbis: der Autor ist ungewiß. Allein weiß ich mich zu erinnern, daß Herr Gottfried von Rammingen, weiland Vogt des fürstlichen Stiffts Reichenaw, mir für eine wahrheit fürgegeben, daß wie Ed. von Noykorn den Sachsenspiegel, also habe auch Berthold Freyherr von Grimmstein ein Schwabenspiegel gemacht, den er mit seinen Augen auf Pergament geschrieben, in einem Kloster gesehen, des Namen mir ausgefallen. Ob es aber eben dieser Schwabenspiegel sey, ist nicht wol zu errathen. Dann weder im getruckten Exemplar, noch im Manuscript, so ich von dem Ehrwürdigen Herrn Johann von Münzenberg, Priorn des Carmeliter Klosters zu Frankfurt am Meyn zu conferiren empfangen, einige anzeigung nicht vorhanden ic.

(β) Recentior editio hic prodiit in fol. anno 1728. cui quantum accesserit, docet Praefatio Scherziana.

§. LXXXIV.

Nectantum communia illa Germaniae jura Jura provincialia colligi sedulo coeperunt, sed & provinciae singulae suas leges & consuetudines in scripturam iisdem fere temporibus redegerunt (α). varia.

Tale sane est IVS PROVINCIALE AVSTRIACVM (β), anno MCXC. conditum, quod ex Codice MSC. edidit Illustr. Cancell. noster a Ludewig *Reliquiar. Tom. IV. p. 190. sequ.* Tale IVS PROVINCIALE BAVARIACVM, quod anno MCCCXLVI. condiderunt fratres Ludovicus, Marchio Brandenburgicus, & Stephanus, Ludovicus & Guilielmus Comites Palatini Rheni, & Duces Bavariae, qui tamen profitentur, *dass sie zu Rat worden mit ihrem Herrn und Vaeterlein, Kayser Ludwichen von Rom.* Codicem MSC. elegantem membranaceum, similemque per omnia illi, quem descripsit Lambec. *Bibl. Vind. II, 8. p. 834.* in Bibliotheca Hoffmanniana Francofurti vidi (γ). Tales denique sunt leges, quas Tiroliensibus anno MCCCXCVII. dedit Leopoldus Dux Austriae, teste Hundio *in Metrop. Salisb. Tom. I. p. 450. **

* Ad hanc eandem epocham pertinent etiam Staudensium statuta, quae ipse MSSC. possideo, quorum in praefatione, quae incipit: *Juste judicate filii hominum*, haec quoque legimus: *In dem Jare von onses Heren Godes Bort tusend twee hondert negen und seventich in dem Mayge, do worden de meenen radmanne unde de mittigsten vander diser Stadt tho Stade to rade, to Sünste Martinus Dage, also men then rade kesen schall, sequuntur deinceps ipsa statuta, variaque addita-menta, quorum singulis haec praemittitur formula: Hinder den tweeden (derden, vöffden) stükke syn volgende Capittel nattho gedichtet.* Ex quibus patet primis his atque antiquissimis statutis postea varia SCTa paullatim accessisse, adeoque non omnia esse ejusdem aetatis.

(α) Cum

(*a*) Cum nondum ita certa ac definita essent, suisque numeris omnibus absoluta Superioritatis Jura, Principes aliique Imperii Status vel Legum ferendarum jus sibi ab Imperatoribus concedi, vel Leges jam a se latas ab iis confirmari curarunt. Imo & iis jam temporibus, quibus de Statuum Superioritate Territoriali amplius dubitare nefas erat, tamen eas confirmationes non tam necessitatis lege, quam ex prudentiae regulis expetendas esse, quidam Principes existimarunt, uti exemplum *Ordinationis Judiciariae* Electoris Moguntini a Carolo V. Ducum Brunsvicensium vero a Ferdinando confirmatae docent. v. Hertius de *Superior. Territ.* §. 25. Quod eo minoris hodie usus esse potest, quo magis certa & confirmata nunc est Potestas Statuum Legislatoria per *Art. VIII. Pac. Westph.* & subsequentes Capitulationes Imperatorum Leopoldi & Josephi *Art. 3.* Caroli VI. Caroli VII. & Francisci *Art. 1.* Jurium Provincialium alia sola Domini Territorialis voluntate condebantur, alia vero accedente Statuum Provincialium consensu, qui ex antiquo more sub dio in certo campo, ad hoc antiquitus destinato, convenire solebant. Ita Misniae Statuum conventus in campo *Culm* vel *Culmitz* dicto, s. Colmen bey Oschaz in media Misnia congregari solitos observat Weckius in *der Beschreibung und Vorstellung von Dresden* P. 4. T. 6. p. 437. Ita Hassorum conventus in loco Comitatus Ziegenheimensis *Spieß* dicto, prope monasterium *Spieß-Capell* institutos esse, ibique adhuc Philippum Magnanimum cum Ordinibus suis deliberasse, Brunsvico-Luneburgensium vero in einem Gehölz, der *Schott bey Hassering* genannt, in dem Amt Bodentreich, vier Meilen von Zell, refert Hertius *Dissert. de Consul. Leg. & Judic. in spec. Rom. Germ. Imp. Rebusp.* §. 9.

(*β*) Jura illa antiqua Austriae, dicta *Landesbrauch*, debent.

debentur Leopoldo, Duci Austriae, uti Praefatio indicat: das sind die Rechte nach Gewohnheit des Lands, bey Herzog Leopold von Oesterreich. Cum Marchionatus Austriae anno 1156. in Ducatum evectus sit, Leopoldo VI. qui anno 1185. vel Leopoldo VII. qui anno 1230. decessit, eruditi haec tribuunt. v. Ludewigius *ibid. in Praef. & Hellfeld. Hist. Jur. Germ. c. 5. S. 2. §. 31.* Observeant passim eruditi, Austriae populos moris antiqui tenaciores Leges cum Boicis maxime consentientes, a peregrinis vero Juribus maximopere alienas, agnovisse. In quibus illud praecipue notatu dignum occurrit, quod ascendentes omnes a successione ab intestato descendantium omnino excluderint, & hereditates, si descendantibus & collaterales deficerent, exclusis ascendentibus fisco protinus addixerint. v. Weingarten *Fascic. divers. Jurium L. I. P. 3. p. 65.* Recentiora Jura Aultriaca exhibentur a Weingarten *ibid. Norimb. anno 1690. in f. & in Codice Aultriaco*, qui Viennae 1704. f. prodiit, a quibus illa de ascendentibus a successione ab intestato excludendis capita exulant. v. Brunquell. *Hist. Jur. P. IV. c. 8. §. 10.* Hoffmann. *Spec. Conj. Pol. &c. Per. V. Sect. V. §. 1. n. d.*

(γ) Post Reformationem hujus Juris jam saec. XVI. susceptam, denuo Maximilianus I. Dux Bavariae illud multis auctum sub Tit. der Fürstenthümer Ober- und Nieder-Bayern Landrecht, Policey, Gerichts, Malefiz, und andere Ordnungen. München 1616. edi jussit.

Cum de Saxonico Jure antiquo & medio multa dicta sint, & Saxoniae Jurisconsulti saepius allegari soleant, aliqua saltem de Jure Saxonico novo dicenda videntur. Dividitur illud in Electorale & Ducale. Illud praecipue Augusto Electori originem suam acceptam fert, qui Collegiis Juridicis, suae ditioni subjectis, imperavit, ut controversias Saxonici Juris colligerent, & suis observa-

observationibus illustratas sibi mitterent. Hinc natae Consultationes illae, quarum *T. I. & II.* demum anno 1600. *III.* 1608. *in f.* prodiit. Inde per Johannem Schneidewinum, Matthaeum Wessenbecium & Jacobum Thommingium ipsum Corpus Constitutionum compositum fuit, & mox auctoritate Electorali confirmatum anno 1572. ad quod Carpzovius decantatissimas suas *Definitiones* conscripsit. Cui Corpori Legum diversorum postea Electorum Constitutiones, Decisiones, Ordinationes, Resolutiones accesserunt, inter quas maxime eminet Johannis Georgii I. Electoris Ordinatio Judiciaria anno 1621. promulgata. Totum Corpus hujus Juris post editionem *Dresdensis* superioris saeculi denuo sub *Tit. Codex Augusteus &c.* Lunigius Lipsiae anno 1725. *T. II.* in f. edidit. Ducale, praeter Consuetudines aliquas in scripturam nondum redactas, variis Constitutionibus constat. Quorsum referuntur: Johann Friederichs des Wilttera, Johann Wilhelms und Johann Friederichs Volicen-Ordnung, Jenae 1580. H. Johann Ernsts und Johann Casimir Hoffgerichts-Ordnung Coburg 1598. H. Ernsts Gotha'sche Landgericht und Volicen-Ordnung, Gotha 1633. & 67. Fürstl. Altenburgische Landgerichts- und Proceß-Ordnung. Altenb. 1704 & 5. H. Johann Wilhelms Eysenachisch- und Jena'sche Gerichts- und Executions-Ordnung, Jenae 1702. des Fürstl. Sächsl. gemeinen Hoff-Gerichts zu Jena erneuerte und verbesserte Ordnung de an. 1653. v. Brung. *Hist. Jur. P. IV. c. 8. §. 13. & sqq.* Hellfeld. *Hist. Jur. Germ. c. 5. S. 2. §. 35. & sqq.*

§. LXXXV.

Quin & exterae gentes, quae leges & consuetudines Germanicas ob communem originem servabant, iis temporibus illas in scripturam redigebant, ne a jure Romano & Canonico similes.

Leges
gentium
extera-
rum Ger-
manicis
similes.

nonico agerentur in exsilium. Nam & Codex LEGVM DANICARVM auspiciis Waldemari II. Regis anno MCCXXXII. * confectus est, de quo aliisque Danorum Legibus consulendus Ill. a Ludew. in *praef. Tomi IX. Reliq. p. 5. sequ.* Et NORMANNI LEGES suas, quas secum ex Septemtrione attulerant, Germanicis plane geminas, litterarum monumentis consignarunt anno circiter MCCL. ceu docet Codex MSC. Bibliothecae Ludewigianae, ex qua illas cum notis suis editit Illustris possessor *Tom. VII. Reliquiar. p. 149. sequ. **.*

* Certum id est de legibus Cimbricis, quas anno MCCXXXII. in comitiis Vordingensibus a Waldemaro II. praesentibus filiis Erico, Abele & Christophoro Ducibus conditas esse omnes fatentur. At Scanicas non a Waldemaro II. sed primo anno MCLXI. conscriptas, & postea ab Andrea Sunonis Archiepiscopo Latine redditas esse erudita *praefatione editioni Latinae Hafniensis 1590. 4. praemissa* demonstravit Arnoldus Huitfeldius.

** Sed & Suedicae leges ejusdem fere aetatis sunt. Uplandicas enim a S. Erico primum vel scriptas, vel collectas, publicavit suisque auxit Birgerus Magni, Rex, qui circa annum MCCXCV. vixit: quemadmodum paullo ante anno MCCL. Birgerus Jarl. jus municipale Sueciae civitatum in ordinem redegit. Qua de re ex instituto agit Jo. Loccen. *Antiqu. Sueo-Goth. II, 2. p. 35.* Brabantinorum quoque Ducum constitutiones circa annum MCCCXII. compilatas publicatasque esse, jam docuit Herm. Conring. *de Orig. Jur. Germ. Cap. XXVIII. p. 167.* Leges Boëmicas a Carolo IV. latas digestasque in ordinem sub titulo *Maje-*

*Majestatis Carolinae edidit Paullus Geschinius
Francof. 1617. fol.*

§. LXXXVI.

Sed civitates praecipue, in quibus Scabi- Civitates
ni, non nisi juris patrii periti, maxima au- patrii ju-
ctoritate pollebant, manibus pedibusque eni- ris servan-
xe omnia agebant, ne jura peregrina intra tissimae.
moenia sua reciperentur. Hinc multa vel
condita, vel in scripturam primum redacta
sunt STATUTA (α) urbium praecipuarum,
non modo liberarum, sed & municipalium.
Ubi id maxime notatu dignum, eas civitates,
unde alia oppida jus suum municipale peti-
verant, ab his veluti metropoleon loco ha-
bitas, & a sententiis domi latis provocatum
esse (β) ad illas urbes, quarum jura adoptave-
rant, qui mos hodiernum quibusdam locis
obtinet *.

* Auctor est Johannes Sibrandus in *Jur. publ. urb.
Lubec. Part. I. Sect. 10. n. 7.* Rostochienfes,
quia jure Lubecensi utebantur, adpellationes a
tribunali Rostochienfi detulisse ad Lubecense.
Idem n. 15. p. 102. adducit privilegium Stral-
fundensibus concessum anno MCCCXIV. quo
permittitur civibus, *dass sie moegen und sollen
ihre beschuldene Urtheil fuhren und holen zu Lü-
beck.* De adpellationibus Neomagensium ad
Scabinatum Aquisgranensium devolutis, simili-
que more apud Belgas passim obvio, quaedam
haut vulgaria differit Jo. Isaac. Pontan. *Hist. Gehr.
Lib. I. p. 56.* quibus ex Conringio *Cap. XXVIII.
p. 169.* addimus, alias quoque urbes Rhenanas
partim Aquisgranum, partim Coloniam provo-
care solere a causis dubiis. Helmstadienses a tri-
bunali magistratus sui ad consistorium Magde-
burgense

burgenſe ſolitos adpellare, refert Magnus Dux Brunſv. & Joannes Abbas Werthinenſis in diplomatis anni MCCCLVIII. apud Schmid. de *Helmſtadio per Fraxenradam adſiſto*. p. 6. 8. Unde non mirum, Polonos quoque & Boemos Halam vel Magdeburgum, a quibus jus acceperant, provocaffe. *Weichb. Art. §. 1.* quem morem tamen in Polonia anno MCCCLVI. fuſtuliffe Caſimirum II. Regem, memoriae prodidit Michov. *Chron. Polon. IV. 19.*

(a) Statutorum uſum, eorumque vel ſecum invicem, vel cum Jure Romano conſenſum aut ab eo diſſenſum, operoſe docet Henricus Giſebertus, inſtituta Statutorum cum Jure Romano collatione in *Juſtiniano Harmonico*, & cum Jure Ditmarſico in *Periculo Statutorum*. Sed qui propius nos tangit, & hiftoriam plerorumque per Germaniam Statutorum magno ſtudio juſtoque opere conſcripſit, & in cauſa, quae hic agitur, utramque paginam facit, eſt Chriſtianus Gottlieb Riccius in *zuverläſſigem Entwurff von Stadt, Geſetzen oder Statutis &c. Franc. & Lips. 1740. in 4.* Rationem ſolidam, cur extantibus licet Juribus Provincialibus, tamen tot undique Civitatum Statuta conſcripta fuerint, indicant Riccius de *Statutis* p. 4. & ſqq. & maxime Emminghausius *Memorab. Suſatens.* qui *ibid. in Praef. p. VII.* dicit, quod *Leges Provinciales baud ſuffecerint, ut controverſiae in urbibus obvientes exinde deciderentur.* Multa enim in urbibus celebrantur negotia, vix nomine & ſama antiquis Germanis accepta. Sic mercatura, Germaniae incolis ſeculis remotioribus vix nota, atque indolis ignari Principes de eadem ſtatuerere baud potuerunt. Unde harum rerum cognitionem ipsis civibus relinquere maluerunt, iisque conceſſerunt, ut ipsis de rebus Civitatum pro libitu ſtatuerent &c.

(a) Huc

(β) Huc merito referas Jus olim frequente usu passim receptum, *zugrecht*, *gezog*, dictum, quo extranei ad Judicium alterius, vel per modum Consultationis, vel per modum Appellationis provocabant, eodem fere modo, quo olim a multis gentibus ad Scabinatus Magdeburgensem & Hallensem provocatum fuisse supra diximus; quas quidem appellationes non necessitate juris, sed libera appellantium voluntate, prorogando Jurisdictionem alterius, interpositas esse, & ipsi supra asseruimus, & pluribus demonstrat Mevius *Proleg. ad Jus Lubec. Quaest. II. §. 12. Et sqq.* Habet tamen illud Jus, *Zugrecht* dictum, aliquid ab hac provocatione plerumque diversi. Haec sane non nisi Consultationis voluntariae, licet saepius repetitae, naturam, uti docuimus, habuit. Illud vero nonnunquam quidem etiam Consultationis, saepe tamen & verae Appellationis speciem habebat, unde *Reichs-Ordnung zu Bünnsweiller* de anno 1495. sollicite distinguit: *So die Richter den Zug nemen, habe es die gestalt einer Remission, so es aber die Parthen thue, sene es eine Appellation ic.* Sane, quo Inclytus hujus Civitatis Magistratus olim gaudebat, *zugrecht*, id ita comparatum fuisse, ut multum a natura consultationis recesserit, & verae appellationis, a multis extraneis ad ipsum institutae, faciem induerit, luculenter docent literae, quibus Magistratus Argentinenfis Appiacensibus, consilium petentibus, anno 1491. respondit: *der froge halb um Rat, do ist nit unser Stadt gewohnheit zu roten. Wann aber in Gezoges wise harbroht, so tetent wir, wie von Alter herkommen were ic.* Imo, hanc provocationem plane necessariam fuisse, non voluntariam, ostendit pactum, ab Henrico a Gerolzeck, Episcopo Argentinenfi, & Clero, cum civitate Argentinenfi initum an. 1263. quod sub Titulo: *dis ist die Abeschrift des Sunne Briefs*

fest von Worte zu Worte, damitte wir und die Pfaffheit versünet wurdent, und ist besigelt mit unserre Stette Ingestaele, Jac. Wenckerus *Collect. Jur. Publ. in Disquis. II. de Uffburgeris* No. V. p. 23. & Schilterus *Annot. ad Koenigshovii Chron.* p. 729. exhibent, cujus §. 8. haec leguntur: So ist auch ir Recht, swenne der Stette, oder der Dörfer deheinz, die das Bisstum anhörent, an einer Urteil zwivelnt, das sie das Urteile nur sie ziehent, unde stete habent, also die Burgere von Straßburg sprechent. Uti a subditis Episcopi ad Magistratum Civitatis Argentinenensis, ita a Spirensis Episcopi subditis ad Senatum Spirensen provocabatur, quod jus tamen saepius a Spirensibus Episcopis in dubium vocatum fuit, & quidem a Friderico ann. 1291. & Rabano anno 1411. de qua re v. Lehmanni *Chron. Spirense* L. IV. c. 13. V. 121. VII. 83. & 85. Ita ab Hanoicis ad Francofurtenses, ab Überlinga ad Rotwilam, a Stochachio ad Zellingen, a Neomago ad Aquisgranum, a Berna ad Friburgum Brisgoviae causas olim delatas fuisse testatur Wehner. *Obs. Pract. v. Zugrecht*, cui merito jungendus Jac. Wenckerus, Jac. filius, in *Dissert. de Justitia Indilata* p. 77.

§. LXXXVII.

Statuta
Sufaten-
sia.

De hujusmodi statutis jam satis prolixè a Cl. Struvio *Hist. Jur. VI*, 27. aliisque actum. Nos de praecipuis, & quibus apud alias quoque civitates honor fuit, agemus. Et hinc nescio, an non primum sibi locum merito vindicet IVS SVSATENSE (α). Celeberrimum illud municipium jam olim *εὐνομία* tantam sibi famam pepererat, ut multae aliae civitates inde leges suas peterent, easque veluti beneficium acciperent ab Imperatoribus.

Arnold.

Arnold. Lub. 11, 35. Lambec. Orig. Hamb. I. n. 98. Henr. Meibom. *Introd. ad Hist. Sax. infer. p. 81.* At illud antiquum apud ipsos Sufatenses paullatim obsolevisse videtur. Nam novum jus Sufatense, (*die Soestische Schraden vel Schragen*) in plerisque a juris Lubecensis principiis discedit*.

* Ipse possideo apographum juris municipalis Sufatensis, cujus prima pars, continens *das alte gekorne und gepruvede Recht* incipit: *In dem Boke van obersten Gude schrivet Mester Boëtius, dat man in allen Beginnen sal anropen den allmachtigen Vader und Schöpfer aller Dingen &c.* Constat illud articulis CLXXVI. & quamvis sub finem legamus: *Actum & concordatum anno Dni milesimo quadringentesimo quadragesimo secundo, feria sexta post beati Cuniberti Episcopi, articulo tamen CLI. adscriptum: anno Domini MCCCL. articulo CLVI. anno Dni MCCCIX. crastino Alexii Confessoris: articulo CLVII. anno Domini MCCCLXX. in die beati Bonifacii: articulo CLXXIII. sub anno Domini MCCCLXVIII. in die Dominica, qua cantatur Laetare: ut adeo librum hunc subinde auctum esse, satis adpareat.* Conf. Henr. Melch. Schutte *Diss. de jure Sufat. ejusque & jur. civ. collatione in success. ab intestato.* Altera pars eundem titulum habens *dat alde und geprovede Recht der Stadt von Soest* constat articulis CXXX. ejusque initium est: *Tho den ersten so seyn drey Gerichte binnen der Stadt, dat ein unses Herrn van Colln, dat ander des Provestes van Soest, und dat derde des Rats.* Tertia pars inscribitur: *Des gemeinen Gerichts Process,* titulisque constat XIX. quorum initium est: *Socrates der Heydnische Philosophus spricht: Das recht ist einer spinnen-weben gleich &c.* Sub finem subjiuntur quaedam sub ru-

brica: *Dit find nachfolgende Urtheil, ins freyerer Stohls Gerichte gehoerig belangende.*

(a) Sufatum, aliis Sufacium, Soest, Suist, Soist, Zost, Zozai, Socas, antiquissima Westphaliae urbs, & metropolis Ducatus Angariae, cujus territorium, vulgo die Soestische Boerde appellari solitum, praeter dispersos hinc inde viculos & villas, decem potissimum parochias, Kirchspiele, nempe Borgelen, Dinker, Lobne, Meininghausen, Neuengesecke, Ostünen, Satrop, f. Saffendorff, Schweve, Welver, & Weslar comprehendit, post Henricum Leonem, cui paruit, a Friderico I. proscriptum anno fere 1180. in Philippi Archiepiscopi Colonienfis, ex Heinsbergia familia oriundi, manus pervenit, vel donationis, vel, ut aliis placet, emtionis titulo, cum Archiepiscopus pro Ducatibus Angariae & Westphaliae 50000. marcas puri argenti Imperatori solvisse dicatur. Sub Archiepiscoporum Colonienfium Protectione, non Territoriali jure, per 260. annos, atque ita ad annum usque 1440. stetit. Eo vero anno, cum Theodoricus Archiepiscopus Civitatem sibi penitus subicere, gravibus oneribus premere, & privilegiis ac immunitatibus privare tentaret, ea Adolphi I. Clivenfium Ducis auxilium implorans, ejus filium Joannem I. cum copiis auxiliaribus advolantem dominum ac defensorem suum salutavit, ac postea ei ac ipsius posteris anno 1444. *salvis suis juri- bus, ac immunitatibus, speciali pacto, quod vulgo DVCALE vocatur, reservatis, ac juramento confirmatis unanimi consensu* se addixit, op den *Donnerstag Sti Georgi Martiris*; quod pactum Adolphus, Joannis pater, ratum habuit, ipse vero Joannes eodem anno, *die Martis post festum Albani Martiris*, denuo confirmavit, paceque cum Archiepiscopo Colonienfi tandem anno 1449. inita, jure sibi in Sufatenfes acquisito quiete gavifus est; quod jus demum alio pacto cum Archi-

Archiepiscopo Colonienſi inito anno 1464. Clivenſibus Ducibus confirmatum fuit. Succelliores Joannis, nempe Joannes II. anno 1481. *feria quarta proxima poſt beati Severini Epilcopi*, & Joannes III. anno 1522. up Gudeſtage na Sünt Matheus Dage des Apoſtels und Evangelilten, pactum *Ducale* repetierunt, quod & ipſe Joannes III. poſtea, & ejus ſucceſlores ſinguli Reverſalibus literis confirmarunt. Quae monumenta immunitatis & libertatis ex authenticis chartis exhibet Emminghausius *Memor. Suſat. in Document. Suſatenſium P. II.* Poſt mortem Joannis Wilhelmi, Ducis Clivenſis ultimi, quae an. 1609. contigit, Suſatum in jura Joannis Sigismundi, Electoris Brandenburgici tranſiit, & ſub ejus ſucceſſoribus ad hanc uſque diem perſtitit. v. de his omnibus modo allegatus Emminghaus. *Memor. Suſat. c. 1.* Celeberrimum autem eſt Jus Suſatenſe, quod eruditilſſimo Hellfeldio *Hiſt. Jur. Germ. c. 5. S. I. §. 5. ſons Legum*, quibus celebrioris Germaniae urbes uſae ſunt non immerito dicitur. Diſtinguitur illud in Jus *antiquum*, *medium* & *novum*. Illud conſtat Legibus quibusdam, ad Judiciorum formam definiendam, ad aliquot cauſas civiles & criminales decidendas, ad poenas aliquot delictis vel pecuniarias vel capitales infligendas facientibus, quae membranil duabus in forma patente Latinoque ſermone inſcriptae hodieque in Tabulario Suſatenſi cuſtodiantur; nec tamen diverſae Legum Collectiones ſunt, ſed potius duo ejusdem Collectionis exemplaria, ita tamen, ut non omnino ſibi invicem reſpondeant, ſed potius hinc inde differant, nec eodem tempore conſcripta videantur. Cum diem & conſulem non oſtendant, incerta eſt harum membranarum aetas, & licet antiquiſſimae videantur, ultra ſaeculum XII. tamen, imo, ultra tempus, quo Suſatum in manus Archiepiſcopi Colonienſis pervenit, aſcendere non

videntur, cum ambae Archiepiscopi Colonienſis mentionem faciant, quae ex authentico ſcriptae occurrunt apud Emmingh. *l. c. Docum. P. III. No. I. & II.* Atque ita videtur, Jus, quod antea Henricus Leo Civitati dederat, poſt hanc ſtatus publici mutationem, in hanc, quam hae membranae oſtendunt, formam redactum eſſe. Accedit huic Schraa antiqua, quam cum Dno de Weſtphalen in *Praef. Tom. IV. Monum. ined. p. 132.* ad ſaeculum XIII. refert Emminghausius, quaeque Germanico ſermone exarata, 178. Articulis conſtans, ſub titulo: *den Jude Schrae der Stat van Eiſt*, ab Emminghausio ſiſtitur *Docum. P. III. No. III.* ex ipſo authentico Suſatenſi fideliter expreſſa, adeoque & ineditae Heineccianae, quae illius tantum exemplum, rudioribus temporibus ſcriptum, eſſe poteſt, & illi, quam Dn. de Weſtphalen *Monum. ined. P. IV. p. 3063.* ex aliis exemplis deſcriptam edidit, omnino praeferenda. Quo loco aliqua monenda ſunt. 1.) quod A. N. unam tantum Schraam ſibi cognitam habeat, &, quae nova eſt, eam pro parte alterius agnoſcat, cum tamen duae ſint Schraae, a ſe invicem omnino diſtinctae, & trium fere ſaeculorum intervallo remotae, altera antiqua, altera nova, quarum haec, cum ea, quam A. N. pro ſecunda alterius parte habet, eadem eſt, cum idem, quod ſecundae partis initium eſſe dicit A. N. ſit etiam initium Schraae novae. 2.) quod Schraam ad Jus novum referat, cum tamen Schraa antiqua & nova, non niſi ex parte exigua, & quidem non niſi in quantum recentiori jure confirmata eſt, hodieque in foro obtineat, atque ita Schraa, quaecunque demum illa ſit, Jus novum utique dici nequeat. 3.) quod Articulorum numerus, quem Authenticum Suſatenſe exhibet, aliquantum ab exemplari Heinecciano differat, cum Schraa antiqua apud Heineccium tantum 176. in authentico

tico 178. Articulos sistat, atque ita annorum notae, quae aliquot Articulis subjunctae sunt, non iidem utrinque numero articulorum adscriptae sint, Schraa autem nova in authentico tantum 129. articulos ostendat. Hac Schraa antiqua itaque Sufatenses usi sunt usque ad saeculum XVI. quo Jasper van der Burg, civis Sufatensis, & Civitati a Secretis, librum majoris voluminis membranaceum, cui Schraa inscripta erat, clam amovisse dicitur, uti rythmi, vulgo der Daniel von Soest, ab auctoris nomine ita dicti, anno 1539. typis expressi, quorum rarissimum exemplar in Bibliotheca Dominicanorum Sufatensium custoditur, quosque ex eo editurum se esse Emminghausius promittit, testantur:

De Schrae well wy wetten, der Borger Recht
Vorklagen Meister Jaspar der Stadt Diener
und Knecht

Dat he uns heeft vor enthouden manche tyt

Der Borger Privilegia und Plebiscyt &c.

Seditio ea de re in populo coorta, mox restitutione librorum sedata est, sed tamen occasionem dedit, ob faciem rerum per trium fere saeculorum lapsum non leviter mutatam, novam Schraam condendi, quam 129. Articulis absolutam sub titulo: den nyhe Schrae der Stat von Soest, etiam exhibet Emminghausius *Docum. P. III. No. IV.* Ubi in transitu tantum moneamus, Jura Sufatensia, quae Henricus Leo Lubecensibus dedit, non esse die Neue Schrae, uti credit Schoepffius in *Praef. ad Mevii Jus Lubec.* quod ex iis, quae dicta sunt, satis innotescit. Additae postea sunt accessiones quaedam, non tam typis promulgatae, quam moribus servatae, quas sub *Titulorum Additionalium* nomine sistit Emmingh. *Docum. P. III. No. V.* Haec Schraa nova cum Articulis modo nominatis *medium Jus* Sufatense constituere videtur. *Novum Jus* illud dicimus, quod nunc obtinet, quod ex *medio*

non nisi duodecim Articulos de successione ab intestato, de communione bonorum inter conjuges, & separatione liberorum statuentes, & d. 26. Martii 1714. a Magistratu confirmatos conservavit, quos *ibidem* No. VI. deprehendes; caeteris nullas vires habituris, nisi, qui ad eos provocaverit, usum eorum in foro superstitem docere possit, quod jam ante hanc expressam Legem docet Attestatum Judiciale Sufatense de d. 21. Sept. 1691. quod producit Emminghausius *ibid.* No. VII. his verbis: Wegen Kraft und Wirkung vorsehriebener Schrae, & an vim legis habeat, oder wie weit darauf reflectirt werde: Ex actis passim & Protocollo hujus Judicii Electoralis: wird hierauf attestirt, dass partium advocati patrocinando sich immer auf das gemeine beschriebene Recht, autoritatem Doctorum und sonst, wo nicht demselben per contrariam observantiam & consuetudinem hieselbst derogirt wird, fundirt und bezogen, deme man denn auch in judicando nachgegangen und sich darnach accommodirt. Es wird aber auf hiesige Schrae, wenn sie gleich allegirt werden mögte, dessen man sich aber nicht zu erinnern weiß, keine Reflexion genommen, es sey denn, dass ein oder anderer Articul mit der Observanz übereinstimmt, und selbige a parte allegante erwiesen werden könnte &c. Antiquum vero Jus Sufatense mox ad Lubecenses, postea etiam ad Hamburgenses, Mindenses, Lippenses, Corbacum, Attendornam, illud Waldeccense, hoc Westphalicum oppidum transiit, & ab aliis etiam receptum fuit. Res hae Sufatenses olim plane obscurae fuerant, adeo, ut ne quidem Conringio de O. I. G. c. 28. p. 170. aut Gryphiandro de Weichb. Saxon. C. 80. §. 15. & sqq. doctissimis tamen viris, de Jure Sufatensi quidquam innotuerit. Mox aliquid lucis, licet dubiae adhuc, & ex hac parte orbi erudito affulsit, tandem ea aucta est virorum eruditorum

ditorum laboribus, ita tamen, ut plenior adhuc lux subinde desideraretur. De rebus Susatensibus, deque Schraa edenda & illustranda egregie meriti sunt de Westphalen *Monum. ined. T. IV. p. 3063.* & *sqq.* de Ludolff *Observ. Cameral. P. III. Obs. 292. p. 427. sqq. Supplem. Append. II. N. 2. p. 17. sqq.* & *Collect. Statutor. p. 791.* & Estor, *kleiner Schrifften P. VI. p. 338. sqq.* viri omnium consensu celeberrimi; multa etiam eleganter evoluit doctissimus Riccius *de Statutis C. 5. §. 1. p. 80. & sqq.* & *Cap. 10. §. 2. p. 180. & sqq.* sed partim ipsis non licuit adire Codices authenticos, partim antiquissimi Juris Susatensis incerta tantum cognitione gavisi sunt, pleniorum sollicitate expetentes. His desideriiis abunde satisfecit eruditissimus Emminghausius editis *Memorabilibus Susatensibus*, cui & nos eorum, quae hic scripsimus, magnam partem debere, lubentes & grati fatemur.

§. LXXXVIII.

Ex jure hoc Susatensi natum est LVBE-
CENSE * & HAMBVRGENSE. Et Lube-
censes quidem, qui antea, teste Helmoldo
Lib. I. Cap. 47. ut alii Nordalbingi jure Sa-
xonico vivebant, jus suum ab Henrico Leo-
ne accepisse videntur, confirmatum postea a
Fridrico I. Imp. anno MCLXXXIII. Arn.
Lubec. *Chron. Slav. II, 35.* Quod enim alii
pro jure Susatiae apud Arnoldum rescribi ju-
bent jura Holsatiae, alii per illud intelligunt
legitimam consuetudinem potestatemque utendi
pascuis, lignisque in comitatu Nordalbingiae, id
tam solide profligatum est ab Henr. Meibomio
Introd. ad Hist. Sax. Inf. p. 81. & Mollero
Isag. ad Hist. Chers. Cimbr. IV, 6. ut actum age-

Jus Lube-
cense.

re nolimus (α). Cave vero, id quod hodie obtinet, jus Lubecense vetus & sincerum existimes **. Vidi ego in Bibliotheca Hoffmanniana Codicem MSC. membranaceum antiquum, lingua vetere Saxonica scriptum, in quo istud jus & ab hodierno diversissimum, & multo brevius illo sistitur. Constabat enim articulis CCLXXI. alio plane ordine dispositis, quam qualem hodie in jure Lubecensi observamus. Fusius de hoc quantivis pretii codice, aliisque, qui passim memorantur, Codicibus MSCtis singulari programme egit amicissimus Hoffmannus *Frankof. MDC CXXXI.*

* Equidem ex jure Sueogothico, tanquam fonte, promanasse jus Lubecense nuper ostendere voluit V. C. Christ. Nettelblatt in *Diff. de fontibus juris Lubecensis*. Sed quum pleraque communia habeant Gothicae illae & Germanicae leges, dicere malim, utramque gentem talia a majoribus accepisse, ut non opus sit fingere, Lubecenses jus suum ex Septemtrione petiisse, de quo plane silent annales. Nec magis verum est, esse hoc jus Slavicum vel Venedicum, quum Susato cum Venedis nihil umquam commune fuerit.

** Collectio, qua hodie utimur, facta est auspiciis Senatus, a Jo. Ludinghausen. Cos. Calixto Schein, Syndico, Gottschalco de Sliten, Senatore, excusaque Lubecae a Jo. Balhorn. *Anno MDLXXXVI.* Eodem quidem anno Joach. Koliis, Consul Cremensis ex Codice MSC. jus Lubecense Hamburgi publicavit: sed & haec, & si quae exstant, aliae antiquiores editiones, in foro nullius amplius usus sunt. Conf. Ern. Joach. Westphali *diff. de Origine & fontibus juris Lubecensis, ejusque usu, auctoritate, elogio & subsidiis.*

(α) Tres sunt quaestiones distinctae I. *an Lubeca*
ab

ab Henrico Loone Leges acceperit? II. an apud Arnoldum pro JVRA SOSATIAE legendum sit JVRA HOLSATIAE? III. an per Jura s. Sosatiae s. Holsatiae indigentur Statuta & Leges, quibus Civitas regenda sit, an jura quaedam in pascuis & sylvis concessa? Hae a multis discussae quidem sunt, sed cum in gratiam Cultorum Juris scribamus, quibus saepe non est magna librorum copia, liceat potiora harum rerum argumenta hic breviter addere. Ad I. Quaestionem quod attinet, originem Juris Lubecensis Gisebertus in Praef. ad Per. Statut. v. Lubec. ad Ducem Albertum de Bardewich an. 1294. refert. Ericus Mauritius Introd. ad Praxin. for. §. 22. ex MSCto quodam Codice fidem facere vult, id demum rogatu Equitum Ordinis Teutonici Livonicorum anno 1258. natum esse, aliquosque annum 1236. substituere. Conringius de O. I. G. c. 28. p. 169. & sqq. dubitat, an id Friderici I. Imp. temporibus, an paulo post ea ortum sit. Mevius Proleg. ad Jus Lubec. Q. I. §. 41. in Friderici I. temporibus subsistit. Hic confirmationem Juris, Ericus Mauritius ejus, ex Codice authentico descripti, transmissionem ad alios cum Legislatione confundit. Giseberti vero Ducem Albertum de Bardewick nemo unquam, praesertim sub finem saeculi XIII. novit, nec, quid ipsi cum Legibus Lubecensium commune sit, perspexit. Albertum vero de Bardewick, privatum quendam hominem, cujus cura emendatio Juris Lubecensis circa ea tempora suscepta est, plures utique norunt. v. Riccius de Statutis L. I. c. 5. §. 3. p. 88. Schoepffius in Praef. ad Mevii Jus Lub. editioni de an. 1744. praefixa, adeo, ut facile, cum alicubi vel D. vel Dns Albertus de Bardewick legeretur, apud Gisebertum vel ipsius, vel typographi aut correctoris culpa enasci potuerit Dux ille Albertus, uti acute conjicit Richey Hist. Stat. Hamburg. C. 2. §. 14.

n. pp. Plerique autem originem Juris Lubecensis Henrico Leoni tribuunt, uti Gryphiander de *Weichb. Saxon. C. 80. §. 15. & sq.* Mollerus in *Isag. ad Hist. Cherson. Cimbr. P. I. c. 15.* Leibnitius in *notis ad Arnoldi Lubec. L. II. c. 35.* Meibomius in *Introduct. ad Histor. Saxon. Infer. p. 85. & sqq.* Steinius in der gründlichen Abhandlung des Lübschen Rechts, Vorbericht §. 1. Hoffmannus in *Spec. Conject. Polit. Per. V. Sect. 4. §. 1.* Schoepffius *Praef. ad Mevii Jus Lub. Richey Hist. Statut. Hamburg. C. 2. §. 14.* Riccius de *Statutis C. 5. §. 1.* Emminghausius *Memorab. Susat. C. 3. §. 7.* ut taceam Historiae Juris scriptores Struvium, Brunquellum, Hellfeldium, Koppium. Firmant hanc sententiam 1.) Vexatissimus Arnoldi Lubecensis locus *Chron. Slav. L. II. c. 35. §. 8.* Post aliquot autem dies burgenses reversi cum Guncelino Comite, ex praeepto Ducis (Henrici Leonis) Civitatem in manu ejus (Friderici I. Imp.) tradiderunt. Verum priusquam ei Civitatem aperuissent, exierunt ad eum, rogantes, ut libertatem Civitatis, quam a Duce prius traditam habuerant, obtinerent, ET JUSTITIAS, quas in privilegiis scriptis habebant, secundum JURA SOSATIAE, & titulos (al. terminos) quos in PASCVIS, SYLVIS, FLUVIIS possederant, ipsius auctoritate & munificentia possiderent. Imperator vero annuit petitioni eorum, & non solum ista confirmavit, verum etiam quicquid a Duce de colonio ad stipendia Canonorum in Lubeca vel in Raceburg donatum fuerat, ratum judicavit &c. 2.) Friderici I. Privilegium an. 1188. Lubecensibus concessum, quod Lunigius in *Reichs. Archiv. Parte Spec. Cont. IV. p. 1330.* servavit, ubi haec verba notatu digna & huc apprime facientia occurrunt: Insuper opportunitatibus eorum acquiescentes omnia JURA, QVAE primus loci fundator HENRICVS, quondam Dux Saxoniae, EIS CONCESSIT,

CESSIT, & privilegio suo firmavit, nos etiam ipsis concessimus &c. Et ne quis dubitet, de Jure Privato civium ibidem etiam agi, addit statim: Et quicumque ipsorum supra causa quacunque conveniatur per omnes Imperii nostri fines & per Ducatum, coram loci illius Judice se expurgabit, absque cautione, SECVNDVM JVRA IAM DICTE CIVITATIS &c. Quibus tandem addit Jus Statuta augendi & condendi: singulari quadam gratia ipsis adhuc concedimus, ut quicquid intra Civitatem sui Juris postea emendare voluerint &c. emendare non obmittant &c. Quae omnia Jus Privatum, quo cives in Civitate utuntur, disertis verbis loquuntur, quaeque omnia Fridericus II. in confirmatione sua de anno 1226. apud Lunigium *ibid.* p. 1333. brevi sermone indicat per eorum JVRA ET OMNES BONOS VSVS ET BONAS CONSVETVDINES, quibus tempore Imperatoris Frederici, avi nostri, felicitis memorie, usque nunc usi fuisse noscuntur &c. 3.) Concessio Juris sui a Lubecensibus in gratiam Civitatis Tonderensis anno 1243. facta, in qua testantur se conscribi fecisse JVSTITIAM, Civitati Lubecensi a glorioso fundatore dictae Civitatis &c. DOMINO HEINRICO, nobili Duce Sueviae, Bavariae, Saxoniae, Angariae & Nordalbingae indultam & privilegiatam v. Danckwerth Beschreibung der Herzogthümer Schleswich und Holfstein p. 85. 4.) Concessio ejusdem anno 1254. facta Equitibus Ordinis Teutonici Livonicis, in qua dicunt Lubecenses, se in horum gratiam conscribi Jura curasse, welschere Jura bestediget unde denen van Lübeck gegeven synt, van dem Irlichstigen Börsten und Buvere der Stadt Lübeck, also Henrico, Hertogen van der Suevie, Bavarie, Saxonie, Angarie unde Norddarnogie 12. v. Joh. Sibrandi, Urbis Lubecae & Anseaticarum, nec non Imperialium Civitatum Jura Publica L. I. Sect. 10. §. 30. quam etiam, mutato

tato tamen stilo, exhibet Ericus Mauritius *Introd. in Praxin. forens.* §. 22. 5.) Chronicon Holfatiae vetus *Cap. 15.* quo incipit Continuatio Helmoldi, *in f.* apud Leibnitium *Access. Hist. P. I.* his verbis: *Henricus Leo, Dux Saxoniae & Brunsvicensis Cathedralē Ecclesiā de Oldenborch transtulit in Lubecensem Civitatem &c. dictae Civitatis incolis JVS MVNICIPALE a Speculo Saxonum extractum, quod etiam adhuc habent, & libertatem navigantibus dedit copiose.* Licet in eo utique erraverit, quod Jus illud Municipale a Speculo Saxonum extractum dixerit, quod Henrici Leonis tempore nondum compositum fuisse scimus, luculentus tamen testis est, Jus Lubecensibus Municipale ab eo datum esse, nec in eo forte a veritatis tramite discessit, quod aliquid Saxonici Juris in Jus Lubecense transiisse dixerit, cum de Nordalbingis omnibus dicat Helmoldus *Chron. Slav. c. 47.* quod teneant *Saxonum Jura*, si modo illud Jus Saxonum hic intelligas, quod Speculo Saxonico antiquius est. Hoc Speculum quidem inter fontes Juris Lubecensis etiam alicubi referri videbis. Verum illud semper ita capiendum erit: In Jus Lubecense antiquissimum aliqua forsan ex Jure Saxonum, quod Speculum Saxonicum praecedat, transierunt, in Jus Lubecense illo recentius, etiam aliqua ex ipso Saxonum Speculo. 6.) Denique ipsa, quae Henrici virtutibus passim tribuuntur elogia a scriptoribus, maxime autem a Radevico *L. II. c. 38.* qui eum plane suorum temporum *Catonem* appellat, eum legislatoriae prudentiae specimina frequenter dedisse, non obscure testari videntur. Vix tamen est, ut huc trahere audeam verba Helmoldi, qui *Chron. Slav. L. I. c. 85. al. 86.* dicit, quod Henricus Leo in Lubecensi Civitate statuerit *monetam & teloneum, & JVRA CIVITATIS HONESTISSIMA.* Quae verba Leibnitius ad Jus Privatum trahens ita expli-

explicat: *Publicavit nempe JVRA, qualia erant*
SOSATIAE, clarae illis temporibus urbis. Qui-
 bus verbis etiam inductus Riccius *de Statutis*
C. 5. §. 1. ab in. ea de Juris Statutarii Lubecensis
 origine intelligit, cum tamen haec verba, si in se-
 rie rerum, quae ibi commemorantur, leguntur,
 ac cum jure commerciorum, monetae, telonii,
 de quo ibi sermo est, conjunguntur, magis de
 statu Civitatis publico intelligenda, & ita fere
 explicanda videantur: Henricus Leo Lubecam
 tot privilegiis ornavit, totque juribus ad statum
 ejus publicum spectantibus instruxit, quot vix
 alia Civitas, honestissimo etiam loco posita, ha-
 bebat. Quod vero objici posset, quodque revera
 etiam objicit Richey *in Hist. Stat. Hamb. C. I.*
§. 15. in f. ex verbis Adolphi III. Comitis Hol-
 satiae, dubium, nempe quod is per *antiquam*
justiciam Lubecensem, de qua apud Lambecium
L. I. Rer. Hamb. p. 78. loquitur anno 1232.
 vix intelligere possit Leges ab Henrico Leone
 demum Lubecensibus datas, sed antiquiores in-
 digitare videatur, id quidem optime removet Ric-
 cius *ibidem*, ostendens, quod *antiqua justitia*
 etiam commode de Legibus ab Henrico ante se-
 xaginta annos latis intelligi possit. Ad eandem
 Quaestionem affirmando respondet Conringius
de O. I. G. C. 28. p. 170. dubius tamen, & sub-
 timide asserens, legendum esse Holsatiae, pro
 Sosatiae, sine dubio aliter responsurus, si quid
 ipsi de Jure Susatensi innotuisset. Certus au-
 tem & plane confirmatus id affirmat Lambecius
Orig. Rer. Hamburg. L. II. p. 29. quem sequun-
 tur Bangertus *ad Arnoldi l. c.* & Sagittarius *in*
Hist. ant. urbis Bardev. C. 6. §. 55. Plures hanc
 correctionem merito rejiciunt, quibus etiam Ri-
 chey *in Hist. Stat. Hamburg. C. 2. §. 18.* acces-
 sit, licet illa correctio suae, quam ibi asserit,
 causae multum faveat. Obstat enim huic corre-
 ctioni 1.) constans Codicum MSCtorum consen-
 sus,

fus, *Sosatie*, non *Holsatie*, exhibentium;
 2.) Privilegium ab Adolpho IV. Comite Holsa-
 tie Hambugensibus concessum apud Lambec.
l. c. L. I. p. 101. ubi dicit: *Et in reliquis JURE*
fruantur SVSATENSIVM & Lubecensium; 3.)
 aliquid ex Jure Susatensium Lubecenses accepisse
 probabile inde redditur, quod paulo ante in eas
 regiones magna Westphalorum colonia deducta
 Lubecensem viciniam ita impleverit, ut inter
 primos Lubecensium Senatores non tantum aliqui
 ex aliis Westphaliae locis oriundi, sed & jam an.
 1161. duo Susatenses occurrant, nempe Volck-
 winus de *Susato* & Hermannus de *Susato*. v. Mei-
 bom. *Introd. ad Hist. Inf. Saxon.* p. 88. qui qui-
 dem Susatenses cum illis Westphalis (inter quos
 Susatum jam celebratissimum fuisse Rotgerus te-
 statur, qui in *vita S. Brunonis Ottonis M. fra-*
tris, apud Leibnit. *Script. Rer. Brunsv. T. I.*
id appellat rebus seculi opulentum, populo ple-
num, longe lateque circumpositis Saxonum gen-
tibus, nihilominus provinciarum populis notissi-
imum) Lubecensi Civitati, Legibus adhuc ca-
 renti, Juris Susatensis, sibi communis, reveren-
 tiam operose commendantes, ad id ab Henrico
 Susati famam lubenter promovente, & in studia
 Legum ferendarum prono, (quod etiam agnoscit
 Richey *Hist. Stat. Hamb. C. 2. §. 14.*) expe-
 tendum, eam excitasse videntur. 4.) Consen-
 sus Juris Susatensis & Lubecensis antiqui, quem
 deprehendit Meibomius in *Introd. ad Hist. In-*
fer. Sax. p. 88. Langius in *Introd. in notit. LL.*
nautic. §. 64. & Hoffmannus in *Programm. de*
Juris Lubec. antiquo quodam Codice, uberius
 eum inventuri, si ipsis jam antiquissimi Juris
 Susatensis membranae cognitae atque inspectae
 fuissent. Alias rationes pro Jure Lubecensi ex
 Legibus Susatensibus derivando addit Riccius
 de *Statut. C. 5. §. 1. in not.* III) tiam Quaestio-
 nem Conringius *l. c.* ita decidit, ut in citatis
 Arnoldi

Arnoldi verbis non de Legibus privatis, sed de facultate & jure fruendi *pascuis*, *sylois*, *fluviiis*, sermonem esse asserat, quem sequuntur supra allegati. Eandem fere causam, quod nempe sub vocabulis *Juris & Justitiae*, quae in Arnoldi *l. c.* & Adolphi IV. diplomate leguntur, non Jus Privatum & Statutum oppidanum intelligi debeat, sed potius legitima facultas fruendi rebus quibusdam & emolumentis, sibi a Principe concessis, contra A. N. maxime tuetur Richey *Hist. Stat. Hamb. C. 2. §. 17. & sqq.* Verum ipse ingentem numerum eorum allegat, qui de Jure Privato & Statutario sermonem ibi esse asserunt, nempe Meibomium, seniore, in *Not. ad Witicindum. T. I. Rer. Germ. p. 670.* Gryphiantrum de *Weichb. Saxoa. c. 80. §. 15. 16.* Casp. Danckwerthium in *der Holst. Landss. p. 216.* Auctorem des *Braunsch. und Lüneb. Stamm- und Regentenb. p. 65.* Forstmannum in *Dissert. de Fascium Susatens. viciss. §. 10.* Meibomium, jun. *Introd. ad Hist. Sax. Inf. p. 88.* Molle- rum *Isag. ad Hist. Chers. Cimbr. p. 255. & 494.* Jac. a Melle in *der Grundle. Nachricht von Lübeck p. 249.* Leibnitium in *not. ad Script. Rer. Brunsv. T. I. p. 292. T. II. p. 651.* Westphalium in *Tr. de Consuet. ex sacco & libro. p. 64.* Hoffmannum in *Spec. Conj. Pol. p. 137. & alios.* Addi merentur Schoepfius *Praef. ad Mevii Jus Lubec. Riccius de Statutis C. 5. §. 1. & sqq. C. 7. §. 1. & sqq. C. 10. §. 2.* Emminghausius *Memorab. Susat. C. 3. §. 7.* Horum autem eruditissimorum virorum sententia ita certis nititur argumentis, ut nostrum ipsi calculum addere aulli dubitemus. Rationes hae sunt: I. Ex ipsis precibus Lubecensium aestimandum est, quid Fridericus I. iis apud Arnoldum concesserit. Petierunt autem 1.) ut libertatem a Duce traditam, obtinerent, 2.) ut *justitias*, quas in privilegiis scriptis habebant, retinerent, 3.) ut titulos, sive

ut alii exhibent, terminos, quas in pascuis, sylvis, fluviis possederant, etiam Imperatoris auctoritate possiderent. v. Hoffmannus *Spec. Conj. Polit. P. V. Sect. 4. §. 1.* His precibus annuit Fridericus, & singula precum capita rata habuit, atque ita 1.) libertatem 2.) justitias & 3.) titulos vel terminos pascuorum &c. concessit. Nichil negavit, dedit, quod petierunt, atque ita cum singula separatim petierint, pascuorum &c. concessio cum justitiarum concessione non est confundenda. Accedit II. quod Gerhardus, Comes Holsatiae in Privilegio Hamburgensibus concessio anno 1264. apud Lambecium *L. II. n. 165.* disertis verbis dicat: *insuper omnem justitiam, qua Lubecenses in Civitate eorum frui solent, praefatis nostris civibus conferimus & donavimus; ubi sane omnia verba videntur Jus quoddam Privatum Lubecensium, Hamburgensibus etiam concessum, quod non raro fieri solet, loqui. Quis ea de pascuorum, lignorum, fluviiorum emolumentis intellecturus est, quorum jura pro situ & conditione locorum varia sunt, & ita non possunt ab uno ad alium locum in folle, uti loquuntur, transferri, aut alii adaptari, uti integra Legum Privatarum Corpora, aliunde per aversionem recipi posse notissimum est. III. Lubecenses ipsi, cum Jus suum Privatum anno 1243. describi curarent, & Tonderensi Civitati, id petenti, concederent, dicunt se concedere JUSTITIAM Civitati Lubecensi a glorioso fundatore Henrico &c. indultam &c. ab Imperatore Friderico I. &c. adprobatam & roboratam. Quis igitur ex hac Justitia ab Henrico indulta, a Friderico approbata, a Lubecensi Civitate Tonderensibus concessa, aliud quidquam exsculpere poterit, quam Juris Privati Statutarii copiam Tonderensibus a Lubecensi Civitate factam? An Lubecenses Tonderensibus, sibi non subjectis, potuerunt privilegia pascuorum, sylvarum, fluminum concedere?*

re? & an haec privilegia pascuorum, lignorum, fluviorum poterunt facilius omnibus Civitatibus Sufatensi, Lubecensi, Hamburgenſi & Tonderenſi adaptari, quam idem calceus omnibus pedibus? v. de hac re uberius differens Riccius *de Statutis* C. 7. §. 1. IV. Fridericus ipſe in Privilegio de an. 1188. Lubecenſibus Juris Privati, quo antea utebantur, uſum confirmavit, nec tamen Jura pascuorum neglexit, ſed ſeparatim ſingula, ne unum forte quis cum altero confunderet, ſatis clare, perſpicue, diſtincte, uti paulo ſuperius vidimus, conceſſit. Nulli quidem inficias ibimus *Jura & Juſtitias* ſaepe pro emolumentis ad ſtatum Civitatis publicum ſpectantibus accipi, ſed eandem horum vocabulorum ſignificationem & hic eſſe, iis, quae dicta ſunt, reſellitur. Ad ſingula vero, quae Richey dubia movet, mox reſponſuri ſumus.

- (β) Reviſiones, emendationes, mutationes, additiones frequentes Jus Lubecenſe expertum eſt. Reviſio prima in gratiam Tonderenſium anno 1243. mox alia in gratiam Ordinis Teutonici facta anno 1254. ſucceſſit alia an. 1292. cura Alberti de Bardewick. anno 1328. iterum alia curante Tidermanno Guſtrovio, Conſule, quarum Codices MSCti adhuc Lubecae in der Wettſtuben ſervari aſſerit Langius *Introd. ad Notit. LL. Naut. c. 9.* & cum eo Riccius *de Statutis* C. 7. §. 3. Schoepffius *Praef. ad Mevii Jus Lub.* Tandem haec Collectio, cujus A. N. meminit, facta eſt. Cum enim multa illi Juri ſucceſſu temporis nunc demta, nunc addita fuiſſent, atque ita Codicum frequens diſſenſus, & hinc Juris incerta ſententia eſſe inciperet, rogantibus Civitatibus Stralfundenſi, Roſtochienſi, quae an. 1579. & 1582. ideo legatos Lubecam miſit, & Wiſmarienſi hoc opus ſuſceptum eſt. Ex eo autem tempore plures prodierunt editiones tam Lubecae, quam alibi. Eodem anno 1586. Stetini, ibidem

etiam 1594. Lubecae 1595. necnon 1608. 1614. 1616. 1644. 1655. 1657. 1680. 1705. 1728. & 1739. Gluckstadii etiam anno 1708. Burgermeisterus etiam P. I. Corporis Juris Publ. & Priv. Jus Lubecense inseruit. v. Riccius l. c. §. 5. Schoepff. l. c. In Jus hoc Lubecense novum multa etiam Juris Justiniani & Canonici capita transferunt. v. Nettelblatt l. c. C. 1. §. 9. Mevius *Comm. Jur. Lubec. Proleg. Q. I. n. 55.* Multis male audit Jus Lubecense, qui id convitiis onerant. v. Mevius *ibid.* §. 49. Multis durum nimis videtur praecipue in separatione liberorum, castigatione decoctorum, obligatione uxoris pro marito, aliisque. Contra quas accusationes id defendit Mevius *ibid.* §. 56. & *sqq.* Hoffmannus *Spec. Conj. Polit. Per. V. S. 4. §. 2.* Goetzius *Dissertat. de Aequitate Juris Lubecensis*, Amse- lius *Diss. de Rationabilitate Canonis Juris Lubecensis: Hand muß Hand wahren*, Boehmerus *Diss. de Prudentia Legis. Juris Lubecensis in materia testamentaria.* Riccius *de Statutis* C. 5. §. 9.

§. LXXXIX.

Statuta
Hambur-
genfia.

Eundem fuisse IVRIS HAMBVRGEN-
SIS fontem (α), diplomata evincunt apud
Lambecium, in quibus ipsis saeculo XIII.
conceditur antiqua justitia Lubecensium, vel ut
fruantur jure Susatensium & Lubecensium, quae
jam alii attulerunt. Hinc simillimae olim fue-
re Hamburgensium & Lubecensium leges, ut
Thraciger, Hamburgensium Syndicus, scri-
bere non vereatur ad annum MCCXCII.
*Bis auf diese Zeit hat die Stadt Hamburg ge-
braucht Lübisck Recht, als hiebevör ist angezeigt.*
Quum vero hoc ipso anno Adolphus, Ger-
ardus, Jo. Henricus & Henricus, Holfatiae
Comi-

Comites urbi concederent & donarent jus tale, quod vulgo Köhre dicitur, statuta mandare, & edicta promulgare, secundum placitum eorum, pro utilitate & necessitate civitatis, & revocare eadem, quotiescumque & quandocumque ipsis visum fuerit expedire: Lambec. Orig. Hamb. II. n. 471. usi sunt eo jure Hamburgenses, & ut denuo verbis Thracigeri utamur, *nachdem sie ange-regtes privilegium erlanget, haben sie ihr eigen Recht gefast, welches mehrentheils aus gemeinen Sächsischen Rechten gezogen, und in folgenden Zeiten etliche mal vermehret und verbessert ist* *. Attamen & ante saeculum XIII. quaedam extitisse juris Hamburgici stamina, ostendit V. Cl. Mich. Richey in *Historia Statutorum Hamburgensium* C. I. §. 5. sequ. qui & alia huc pertinentia plena manu ferit.

* Hodierna Statuta Hamburgensia novissime revisa sunt publicataque anno MDCIII. quamvis postea & novae leges, veluti *die Gerichts Ordnung* & varii recessus accefferint. At exstat in Bibliotheca Ludewigiana Codex MSC. lingua Saxonica scriptus, & glossis illustratus, *insigne juris antiqui Germanici, a jure Romano adhuc minus infecti, monumentum*, judice illustri Boehmero, qui & specimina quaedam dedit in *Diss. de Aeris alieni inter conjuges Hamburgenses communione*, edita Hal. MDCCXXVIII. 4.

(2) In alias omnino partes abit diligentissimus originum Statuti Hamburgensis indagator Richey, qui in *Hist. Stat. Hamburg.* non tantum C. I. §. 15. & C. 2. §. 2. *Jura & Justitiam Lubecensium* (quae vocabula in hac causa aliquoties occurrunt) semper pro eo, quod Germanice dicere solemus *eine Gerechtigkeit*, id est, pro facultate

cultate fruendi certis emolumentis praecipue in re aliena, atque ita pro parte Juris ad statum publicum Civitatis referendi accipit, sed & in C. 2. §. 12. 13. 14. totus in eo est, ut Juris Privati Lubecensis parum ad Hamburgenses, *ibidem* vero §. 17. 18. 19. ut Sufatensis Privati Juris nihil omnino ad Lubecenses & Hamburgenses transiisse demonstret. Quod ad vocabula *Juris* & *Justitiae* attinet, ea quandoque pro privilegiis & juribus ad statum publicum spectantibus accipi, facti ipsi sumus, sed in hac, de qua agitur, causa primario de Jure Privato intelligi debere, jam *in nota* (α) ad §. *proxime praecedentem* ostendimus, ex quibus argumentis, omnibus huc quidem optime facientibus, praecipue tamen Juri Hamburgensi ex Lubecensibus Statutis derivando, favere videntur Gerhardi Comitis Holstiae verba *ibidem* producta. Reliquis nunc argumentis, quae objiciuntur, respondendum erit, & primo de Jure Lubecensi videndum. Fatetur quidem Richejus, quod hodierni Juris Hamburgensis cum Lubecensi is sit consensus, *ut quaedam a majoribus successu temporis ex hoc saltem delibata, nonnulla etiam forte ad exemplum Lubecense composita* credi possint; atque hoc tantum sensu Statutis Lubecensibus locum inter fontes Juris Hamburgensis concedit. Quod vero ad *exemplar plane transcriptum attinet*, ex ipsis dubitandi argumentis agnosci posse arbitratur, Hamburgum non esse eam Romam, quae ab Athenis Wagricis Leges repetierit. Scilicet 1.) ex consensu Juris Statutarii Hamburgensis cum aliorum Legibus probari non posse arbitratur, illud ex his haustum esse, sed tantum communem occasionem & necessitatem utrinque affinia & consonantia Jura produxisse. Verumenimvero, qui de consensu Hamburgensis Juris cum Lubecensi loquuntur, ii utique non de principiis quibusdam universalibus, quae ubique obtinere possunt,

sunt, sed de capitibus quibusdam arbitrariis & certo loco ac genio populi propriis loquuntur, & si in ejusmodi causis aliquem inter Statuta Lubecensia & Hamburgensiaprehendunt consensum, unum ex altero, saltem ex parte, derivandum esse, non sine ratione concludunt. Objicit Richey 2.) Lubecenses Statutorum suorum natales in saeculo XII. exeunte statuere, ante ea vero tempora jam Jure Weichbildi gavisos esse Hamburgenses, & hinc non credi posse, Hamburgenses rejectis, quae antea statuerint, omnibus alienas Leges mutuo sumsisse. At vero 1.) Lubecenses originem Statutorum suorum ab Henrico Leone, confirmationem eorum a Fridrico I. Lubecam occupante, repetentes, sane natales Juris sui saeculo XII. exeunti assignere, non satis accurate dicuntur. Praeterea 2.) recentissima communicati cum Hamburgensibus Lubecensis Juris epocha de anno 1264. antiquissimum Hamburgensis Statuti Codicem Bremerianum de anno 1270. (de quo vid. Richey *Hist. St. H. C.* 1. §. 19.) aliquot saltem annis praecedat, ut non adeo videretur omnem verisimilitudinem evertere, qui primam Juris Hamburgensis scripti Collectionem ex Jure Lubecensi multa accepisse affirmaret. Peropportune enim videtur Gerhardus, Comes Holsatiae, Juris Lubecensis usum pleniorē Hamburgensibus suggestisse eo tempore, quo ipsi de Civitate cum consensu Comitum Statutis melius firmanda, hisque in Codicem colligendis, consilia caperent; cujus etiam consilii ab Hamburgensibus capti, & beneficii a Comitē illis concessi, felicem eventum docere videtur ipse Codex Juris Hamburgensis, omnium, quos Hamburgenses norunt, antiquissimus. Denique 3.) qui Hamburgenses Jure Lubecensi usos dicunt, utique non eo usque progrediuntur, ut Hamburgenses nihil proprii Juris, sed omnia alieni, habuisse dicant;

non ut eos abjecisse protinus omnia, quaecumque proprii moris antea coluissent, asserant; sed uti, qui Reipublicae Romanae Leges e Graecia accersitas dicunt, facile admittunt, aliquid Romani moris, imo aliquid Juris plane Regii, in mores transfusi, admixtum fuisse; uti qui Germanos Jus Romanum recepisse agnoscunt, non utique illico omnes Leges patrias abjectas fuisse contendunt; ita, qui Hamburgenses Jure Lubecensi donatos fuisse perhibent, illi mores patrios, vel si quid jam antea Juris scripti habuissent, non omnino exulare jubent. Sed objicit ulterius, nullum dari exemplum provocationis a Judicio Hamburgensi ad Lubecense interpositae, cum tamen moris fuerit in casibus dubiis, ad eam Civitatem, a qua Leges acceptae essent, provocare. Fatemur, multis aliunde Leges adeptis eas provocationes in usu fuisse, non ex necessitate quidem, sed ex libera voluntate; sed inde sane non sequitur, nulla provocatione Lubecam versus ab Hamburgensibus instituta, nullas etiam inde Leges acceptas fuisse. Plures populos olim Magdeburgum provocare prohibitos tandem fuisse supra observavimus, quibus tamen usu Weichbildi Magdeburgici interdictum esse non legimus. Post provocationes illas prohibitas si quis originem Juris, quo illi populi uterentur, ex Magdeburgo petendam esse ob eam tantum rationem negasset, parum argute rationes subduxisse videretur. Quis ideo negabit Romanos a Graecis Leges accepisse, quod nullas a Romanis ad Graeciae Civitates appellationes abjectas esse legamus? Quod vero dicitur, si Jus Lubecense & Hamburgense non discrepent, merito adhuc dubitari, sitne Lubecense an Hamburgense pro exemplari habendum, id quidem nobis moram nullam faciet, cum aliquid Juris a Lubecensibus ad Hamburgenses transisse testes plures & olim & nunc asserant, nec Richey ipse diffitea-

diffiteatur; aliquid vero Juris ab Hamburgensibus ad Lubecenses olim derivatum fuisse, a nullo unquam proditum esse constet. Denique doctissimus Richey *idoneum desiderat testem & temporibus illis aequalem, qui aperte doceat, Hamburgum aliquando Jus Lubecense, sive sponte sua, sive jubente aut dante aliquo Principe, adoptasse.* Quis vero, quaeso, si Princeps ipse loquitur, testem extraneum, ut fidem Principi faciat, advocabit? Quis, ubi ipsa rerum monumenta genuina, a nullo unquam in dubium vocata, producuntur, testem requirit? At vero nos, si causam, quam agimus, non nisi testibus probari tandem constitutum est, producimus duos, quos, si quos unquam, putamus idoneos & exceptione, si quis adhuc harum rerum nobis sensus est, omni omnino majores. Adolphus IV. Comes Holsatiae in diplomate apud Lambecium, *v. supra §. 88. de Hamburgensibus* disertis verbis dicit: *jure fruuntur &c. Lubecensium.* Gerhardus, itidem Holsatiae Comes, *de Hamburgensibus l. supra c.* dicit: *omnem justitiam, qua Lubecenses in Civitate eorum frui solent, praefatis nostris civibus conferimus & donamus.* Si quis vero regerat, *jus & justitiam* hic non denotare Jus Privatum, eum ad ea, quae sub finem *not. (a) §. 88.* diximus, ablegamus. Nunc & ad ea discutienda dilabimur, quae contra Juris Sufatensis Privati ad Lubecenses & Hamburgenses transitum nobis obvolvitur, dubia doctissimus Richey. Primum iterum est, quod *Juris & Justitiae* vocabula in allegatis, quibus nostra sententia nititur, diplomatibus occurrentia, *cum de legitima rerum fruendarum facultate explicanda essent, incaute ad Legis Civilis & Statuti oppidani notionem pertracta sint.* Huic autem dubio nos jam supra *in n. (a) ad §. 88. in f.* satisfecisse nobis videmur. Sed plura alia objicit elegantissimus Auctor, quae remo-

venda videntur. Ita cum Arnoldus scribat, petiisse Lubecenses, ut *Justitias*, quas in privilegiis scriptis habebant, secundum Jura Susatiae &c. possiderent, si per *Justitias* in privilegiis scriptis secundum Jura Susatiae intelligeretur Jus Privatum Susatense, secuturum dicit id, quod absonum arbitratur, *Principem privilegium scribere secundum Jus Privatum*. At vero Privilegii vocem iis temporibus non ita stricta & ad sollicitam Jurisconsultorum recentiorum interpretationem redacta significatione semper attentatam, sed potius pro quacunque concessione a Principe suis subditis indulta, acceptam saepius fuisse arbitramur. Qui usum vocabuli ex arctioribus Grammatices & Jurisprudentiae Romanae, praecipue formulariae, regulis eo, quo allegata diplomata scribebantur, tempore unice aestimare vellet, oppido iniquus esset. Quis unquam negaverit aut absonum duxerit, Privilegia Principem etiam de Jure Privato scribere? Si quis dubitat, evolvat *Legem 7. Cod. Theod. de Tiron.* ubi verba: *Ipsorum etiam, qui militaturi sunt, privilegiis accedentibus &c.* nodum solvent. v. Jac. Gothofr. in *Glossario Nomico ad Cod. Theod.* & Cangius in *Gloss. med. & inf. Lat. v. Privilegium*. Imo in *L. 4. Cod. Theod. de Itin. mun.* disertis verbis *Privilegia Privata* opponuntur *Privilegiis dignitatis*, quasi *publicis*. Sensus potius verborum Arnoldi genuinus hic esse videtur: Uti Henricus Leo Lubecensi Civitati literis, aut publico instrumento hac de causa exarato s. *privilegiis scriptis* concessit usum Juris Susatensis, ita eo & in posterum uti liceat. Cur non concessionem Juris Statutarii *Privilegium* appellare liceat, ego quidem non video. Ita cum Adolphus IV. postquam de libertate in pacis & lignis locutus esset, addat: *in reliquis jure fruantur Susatensium & Lubecensium &c.* arbitratur Richey, sub *reliquis* plane aliud genus intelligi

intelligi non posse, sed potius de juribus, quae cum jure pascuorum & lignorum sub eodem genere comprehenderentur, unice sermonem institui. Quis vero vocem *reliquis*, cujus laxa significatio est, ita ut cujusvis generis res sub se comprehendat, ad idem genus semper restringeret, praecipue eo tempore, quod tantam sermonis *angustiam* capere non videtur. Et quomodo, quaeso, pascua, ligna similiaque, ex loci situ & natura regionis unice aestimanda, per Sosatiam, Lubecam & Hamburgum adeo aequaliter potuissent esse disposita, ut, quo Jure in his rebus uteretur Sosatia, eo non minus commode uti potuissent Lubeca & Hamburgum? Et illud male habet Richejum, quod, cum Adolphus utatur vocibus: *jure fruuntur Susatensium* &c. illa in eum sensum trahantur, quem non nisi per *teneantur* efferri posse existimat. At ego quidem iterum iterumque precor, ut ab his criticis vocum indagationibus abstinere liceat saeculo rudi, & his quidem studiis parum imbuto. Verum nec adeo alienus est a Jure privato hujus vocabuli usus, ut non sine scandalo Criticorum liceat dicere, *fruimur* Legibus Civilibus. Sane jure *fruimur* aequae ac *tenemur*. Jure Romano *fruimur*, *tenemur* eodem. Porro objicitur Susati, oppidi mediterranei, ab emporiis maritimis tanta diversitas, ut incredibile sit, Leges illius Civiles horum conditioni aptas censerì potuisse. Verum Reipublicae Romanae tanta omnino, si non major, a nostris Civitatibus est diversitas, quanta Susati ab Hamburgo & Lubeca. Qui vero ideo incredibile esse existimaret, Leges illius nostris Civitatibus aptas censerì, is ipsis rerum argumentis refelleretur. Si Leges Privatae unius Civitatis in altera recipiuntur, non videntur sane recipi etiam in iis capitibus, quibus in hac Civitate definiendis aptae non sunt, nec aliae Leges, his in causis Civitati aptiores, siue extraneae siue propriae, ideo

ideo exulare jubentur. *Ficulzeum* porro Richejo videtur argumentum, quod a nomine veterum quorundam Lubecae incolarum ducitur, qui appellati sunt de *Susato*. Verumenimvero non in eum finem a quoquam hoc productum legimus argumentum, ut hoc solo probetur, Jus *Susatense* a Lubecensibus receptum esse & ab his ad *Hamburgenses* transiisse, sed tantum ut ostendatur modus facilis, quo Lubecensibus nasci potuerit desiderium Legum *Susatensium*. Nec de uno aut altero *Susatensi*, diversis temporibus Civitatibus jam constitutae & Legibus satis firmatae Senatoribus immixto loquimur, sed de *Westphalis* aliquot & duobus *Susatensibus* eodem tempore Civitatis fere nascentis & penuria Legum adhuc laborantis Curiae adscriptis sermo nobis est, adeo, ut ex his omnibus bene pensitatis nonnihil argumenti ad id, quod probandum erat, duci commode potuerit. Nec plus roboris habere videtur Richejo, quod de una aliqua Lege Lubecensi, forte cum quadam veteri *Westphalorum* Lege congruente affertur. Quid enim si aliam non congruentem reperiamus? Tunc vero nos quidem responderemus, apparere, quod non totum Jus Lubecense ex *Susatensi* natum sit; sed non utique, cum Richejo negaremus, quicquam ex hoc in Jus Lubecense transiisse. Responsum iterum *Susatense* in causa dubia Lubecensibus aut *Hamburgensibus* datum desiderat Richejus. Sed huic quidem paulo superius in hac nota, cum de Jure Lubecensi, tanquam *Hamburgensis* fonte, dissereremus, satisfecimus. Tandem dissensum veteris *Susatensium* Juris Municipalis & Statutorum Lubecensium antiquorum accusat Richejus, & ipsum hujus rei testem laudat Heineccium; quorum tamen neuter tantum forte discrimen reperisset, si, quod eos adhuc latuit, vetustissimum Jus *Susatensium* cum antiquissimo Lubecensi contulissent. Denique ad consensum aliorum

rum provocat Richejus, cui tamen nos, si auctoritatibus pugnandum esset, majorem pro nobis pugnantium exercitum facile opponere possemus.

§. XC.

At latius patuit juris Lubecensis, quam Hamburgensis, usus. Illud enim in Pomerania, Ducatu Magdeburgico, Saxonia inferiore, Holsatia, & Slesvicensi Ducatu, nec non Prussia & Livonia a multis civitatibus oppidisque receptum est, quorum recensum prolixum instituunt Jo. Sibrandus *ad Jus Lubec. Part. I. Sect. 5. & 10.* Mev. *ad Jus Lubec. Prol. quaest. 11. n. 23.* Moller. *Isagog. 1, 2.* Werlhoff. *Specim. Jur. Germ. Diss. III. p. 202.* Quin ex eodem & Weichbildo Magdeburgico conflatum ineunte saeculo XIV. videtur IVS CULMENSE*, quamvis posterioris, puta juris Weichbildici, principia magis redoleat. Vid. Hartknoch. *Diss. XVII. de jure Pruss. §. 14. sequ. & in Alt- und Neu-Preussen. Part. II. Cap. 7. §. 4. p. 550. sq.*

Juris Lubecensis usus quam late pateat. Unde jus Culmense.

* Culmia condita anno MCCXXXII. ab Hermanno de Balcke Ordinis Prussici magistro. Insequente anno Hermannus de Salza, supremus Ordinis Teutonici magister, Thorunensibus, & Culmensibus dedit privilegium famosissimum Culmense, in quo diserte illis urbibus indulgetur, ut jure Magdeburgico utantur. Hartknoch *in Alt- und Neu-Preussen ibid. §. 5.* Attamen circa aurifodinas jus Silesiacum; circa argentifodinas Fribergense observari jussum. Recepta etiam quaedam ex jure Flandrico, veluti in mensuris agrorum, successione conjugum. Denique & ipsi Magistri

Magistri ordinis urbi specialia quaedam jura & statuta dederunt. Ex his omnibus demum jus Culmense confectum, quod ex vetere MSC. primus edidit Henr. Stroband, Burggravius & Consul Thorunenſis anno MDLXXXIV.

§. XCI.

Statuta
Aquisgra-
nensia &
Colonien-
ſia.

Antiqua porro sunt jura municipalia COLONIENSE^(a) & AQVISGRANENSE^(β), quae jam *Jus Weichb. art. I.* laudat. Colonienſium jura ac conſuetudines jam anno MCCXXIX. confirmavit Henricus Archiepiſcopus, & anno MCCXLII. Fridricus II. Imp. apud Lunig. *im Reichs-Archiv. Part. Spec. Cont. IV. p. 341.* Prodiere anno MDLXII. ſub titulo: *Abdruck und gemeiner Begriff der Policey-Ordnungen, Plebiſciten und Statuten der alten löblichen freyen Reichs-stadt Coelln.* in quibus tamen Sigismundi aliorumque diplomata, ſaeculo XV. non antiquiora, ſtatim initio occurrunt. Aquisgranensia ſtatuta an unquam edita ſint, ſcire me fateor cum ignariſſimis*.

* Attamen Jo. Noppius in *Chron. Aquisgr. Lib. III. n. 18. p. 54.* edidit Sigismundi Imp. *statutum anno MCCCCXXIII. de mobilibus ab interſtato relictis & aedibus ruinoſis.* N. 19. p. 56. varia civium privilegia ex libro ſcabinali N. 29. p. 71. ſeq. *Gefetze und Ordinantien des Churs;* p. 85. *Reformirte Chur-Gerichts-Ordnung de anno 1577.* N. 30. p. 116. *Tafel des neuen Geſetz, auf Latein Tabulae novae legis, genant, de anno 1456. die 1. Maji.* N. 31. p. 122. *Vor-munder und verſorger Ordnung de anno 1574.* N. 32. p. 129. *Reviſion-Ordnung eines Ebrw. Sendt-Gerichts, & quaedam ejusdem generis alia.*
(a) Acces-

(α) Accedit his allegatis de Jure Colonienſium testimoniis confirmatio omnium privilegiorum, qua Carolus IV. Civitatem Colonienſem beavit apud Lunigium *ibid.* p. 345. ubi ipsis ſimul conceditur, ut *jam facta ſtatuta & ordinationes mutare & de novo ſtatueret & ordinare, totiens quotiens voluerint*, liceat. Inde prodierunt poſtea Statuta und Concordata der Heil. ſreyen Reichs-Stadt Cöln durch Burgermeiſter und Rath, mit Recht aller Rätthen und 44. ſampt Gräff und Scheffen des hohen gerichtſ nach dero wohlhergebrachten alten Stadt-Rechten mitteltſ endes aufgerichtet An. Domini 1437. und durch die Römische Königlich Majestät und den Erzbischoffen zu Cöln um dero huldigungen mitteltſ Eyd beſtättiget Videantur plura apud Riccium de Statutis L. I. C. 2. §. 14.

(β) De Aquisgranenſi Statuto agit Conringius de O. I. G. C. 28. p. 169. laudans ea de re *Gloſſam Polon. ad Art. I. Juris Weichbildici*. Aquisgranenſes plane ſtatuti ſui originem ad Carolum M. referre ſolent. Iſſum diploma Carolingicum producitur in *Actis ſanctorum Bolland. T. II. p. 888.* fides tamen ejus in medio relinquitur, quam omnino rejicit Ludewigius in *Noriberger Inſignium Imperialium Tutelari C. 5. §. 3. n. ii.* Confirmavit tamen illud Carolingicum diploma bona fide Fridericus I. anno 1166. idque Imperiali auctoritate renovavit, aſſerens, quod Aquisgranenſis Eccleſiae fratres Privilegium Sancti Caroli de fundatione & dedicatione ipſius nobiliſſimae Eccleſiae, & de Inſtitutionibus Legum humanarum & Civilis Juris ejusdem Civitatis ſibi in medium protulerint. v. *Acta Sancti Bolland. l. c. Lunig. Reichs Archiv. P. Spec. Cont. IV.* nec non de Ludolff. *Coll. Stat. p. 424.* Idem egit Innocentius IV. S. P. an. 1248. v. *Noppii Chron. Aquisgr. L. III. p. 8. ſq. Ludolff. ibid. p. 426.* Sane Rudolphus I. jam ſuo tempore Statuta

Statuta Aquisgranensibus fuisse non obscure innuit in diplomate de an. 1273. v. *Londorp. Actor. Publ. T. IV. L. 15. c. 1. n. 2. p. 12.* videatur etiam Riccius de *Statut. L. I. C. 2. §. 15.*

§. XCII.

Nec non
aliarum
urbium
paullo antiquiora.

Antiqua praeterea sunt jura municipalia FRIBVRGENSIVM a Bertholdo IV. Zaeringiae Duce anno MCLXX. (a) data, itemque statuta GOSLARIENSIVM, condita anno MCCCXXX. teste fratre desideratissimo in *Antiqu. Goslar. IV. p. 362.* & edita a Leibnit. *Script. Rer. Brunsv. Tom. III. p. 484. sequ. (b)* BREMENSIVM anno MCCCIII. (c) ab Oldenburgensibus petita. Gryphiand. *Weichb. Saxcon. Cap. LXXVII.* BRVNSVICENSIVM apud Leibnit. *Tom. III. p. 434.* anno MCCXXXII. ab Ottone I. Duce praescripta (d), & alia, quorum recensum non admittit hoc compendium.

(a) In designanda epocha, qua Jus municipale Friburgensium coepit, non conveniunt auctores. Chronicon Friburgense, quod ex Codice MSCto Argentinenfi in lucem protractum suis in Chronicon Koenigshovianum Commentariis subjunxit Schilterus, *ibidem p. 11.* Civitatis & Statutorum, quae ibi etiam exhibentur, initia ad annum 1118. & auctorem Berchtoldum III. Ducem Zaehringiae, Berchtoldi II. filium natu majorem refert. Versus Friburgensibus familiares, quos allegat Gollastus in *Glossis ad Burkhardi Mon. S. Galli Lib. de Cas. Monast. S. Galli C. 7. in Script. Rer. Alam. T. I. p. 131.* fere consentiunt in urbis conditae epocha assignanda, biennio tantum discedentes:

Anno milleno, centeno, bisquoque deno,
Friburg fundatur; Bertholdus Dux dominatur.
Guilliman.

Guillimannus *Habsburg. L. VI. c. 1. p. 306.* haec Berchtoldo IV. tribuit ad annum 1179. Koenigshovius in *Chron. C. 5. §. 316.* haec ad annum 1181. refert. Neminem tamen, quod fateor, vidisse memini, qui haec anno 1170. cum A. N. affigat. Vellem auctorem suum laudasset. Brunquellum *Hist. Jur. P. IV. c. 7. §. 13.* video eundem annum 1170. notare, laudato teste Guillimanno *Rer. Helvet. L. III. c. 9.* qui tamen & hic & *l. c.* constanter annum 1179. designat. In eo tamen omnes conveniunt, quod Statutorum Friburgensium initia saeculo XII. adscribenda sint. Riccius *de Statut. L. I. c. 2. §. 19.*

(8) Praecipue anno 1309. consensu Senatus & Civium in unum Codicem collecta, thesaurus Juris Germanici judicantur a Leibnitio & Hoffmanno *Spec. Conj. Pol. P. V. Sect. 5. n. (1)* in quibus multa Juris Germanici capita, praecipue autem, quae ad Heergewettam & Geradam faciunt, optime illustrantur, quod exemplis probat *ibidem* Hoffmannus.

(7) Jam tamen saec. XII. Bremenses suis Juribus gavisos esse ex Henrici V. de an. 1111. & Friderici I. de anno 1186. aliisque diplomatibus apud Lunig. *Reichs-Archiv. P. Spec. Cont. IV. p. 218.* concludit Riccius *de Statut. L. I. c. 2. §. 3.* In Statutorum an. 1303. collectorum Prooemio studiose declaratur, statuta haec nihil Domini sui juribus derogatura esse: *dasſe wiſkobr und deſſe Sattunge, de ſcholen unſers Heren Recht nicht mindern.*

(8) Haec Jura ab Ottone I. Duce praescripta, hoc anno 1232. a Friderico II. Imp. confirmata fuerunt, uti docet inscriptio Codicis membrancei Statutorum, his verbis: *dñdt ist dat Bruns- wicksche Stadt. Recht dat van Hartigen Otten bewilliget unde van Keiser Frederick besleediget ist anno 1232. dat Stadt-Recht wieset upp Keiser Otten, de den Gilden ohre Gilde gegeben*
Ttt
best,

hefft, dat ist hartigen Ottee vader bruder ge-
 west ic. quam tamen Inscriptionem recentioris
 manus esse, nec tamen a veritate recedere, ex
 verbis *Cap. 2. n. 5.* ejus Codicis: *Jnnighe sal*
stan, alse bey Kenser Otten tiden ic. judicat
Leibnitius in Introduct. in Tom. III. S. R. B.
p. 14. imo integrum Codicem secundae recensio-
 nis esse ab Alberto I. Ottonis I. filio institutae con-
 jicit ex verbis *C. 1. n. 52.* *Alse the Borghere*
van Brunswil hadden by unses Alten Heren tis
den an Lande und ane watere; dat silve recht
hebbe we nu van unses Herren Gnade ic. ubi sub
nominatione, unses alten Heren, Ottonem I.
sub vocibus, unses Herren, qui illi opponitur,
ejus temporis Principem Albertum I. intelligen-
dum arbitratur. Multa etiam in his praecipue
 Legibus Jurisprudentiae Germanicae antiquitati-
 bus illustrandis apprime idonea deprehendit
 Hoffmannus *Spec. Conj. Polit. Per. V. Sect. V.*
n. (b) Ita praesertim ex *Artic. 1. num. 54.* pa-
 tere probat, *nemini licuisse, aliquem in jus vo-*
care ad Judicium Vehmicum propter opinionem
sive rumorem, nisi sciente Senatu; unde & Leib-
nitius arbitratur saeculo XIII. ea judicia fuisse
sub inspectione magistratus loci, quod maximo-
pere etiam deducit ex Art. 2. n. 1. ubi prohi-
betur, ne quis sine venia a Judicio Vehmice
 recedat.

§. XCIII.

Jus Wis-
byense.

Id modo addo, hac tempestate in rebus
 nauticis invaluisse in urbibus Hanseaticis u-
 sum IVRIS WISBYENSIS (a), quod ipsum
 quoque originis Germanicae est, teste praefa-
 tione apud Leibn. *Tom. III. p. 750.* ubi haec
 occurrunt: *So sande man an Hertoghen Hinricke,*
enen Hertoghen over Beyern unde Sassen, de be-
stedghede uns den Vrede unde dit Recht, als et vore
sin

in older Vader Keyser Lothar ghegheven hadde. Saepius hoc jus Wisbyense prodiit: quod & apud exteros non levis usus est. At postea ipsae civitates Hanseaticae condiderunt der erbarn Hansee Staedte Schiffs-Ordnung und See-Recht*, quae constitutio ultimum recognita in conventu civitatum Hanseaticarum publicata est die XXII. Maji MDCXIV.

* Immo Hamburgenses jam ab anno MCCXC. habuerunt jus nauticum singulare, & ab Hanseatico diversum, quod edidit & notis illustravit V. A. Langenbeckius in *denen Anmerckungen über das Hamburgische Schiff- und See-Recht*, ubi p. 2. jus illud maritimum antiquum vocat *der Stadt eigenes, und aus keinen andern entlehntes See-Recht*. Ita & Lubecenses jus nauticum juribus Hanseaticis antiquius, sibi esse perhibent. Andr. Lang. *de legib. naut. Cap. IX. p. 61.* Addatur V. C. Mich. Richey *Hist. jur. Hamb. Cap. I. §. 9. p. 6.*

(*a*) Wisbya urbs olim celeberrima & commerciis incluta, in Gothlandia, maris Balthici insula, sita, cujus recentiorem faciem ostendit Olearius in *der Reise-Beschreibung nach Muskau und Persien. L. II. c. 3.* De Jure Wisbyensi nautico praecipue consulendi Kuricke in *Jure marit. Hanseat. p. 77.* Lambecius in *Mantissa L. II. Rer. Hamb. n. 247.* Leibnitius *Introd. in Tom. III. S. R. B. n. 39. p. 28.* Et sq. & ejusdem *Tom. p. 750.* Langius *Introd. in Notit. LL. Nautic. p. 38.* Hoffmannus *Spec. Conj. Pol. Per. V. Sect. 4. §. 1. n. (c).*

§ XCIV.

Tot igitur juribus provincialibus ac statutis in scripturam redactis, id quidem consequuti sunt Germani, ut jura patria non plane in exilium agerentur: nec tamen ideo jus

An ideo
jus Rom.
& canonicum
minora in-

crementa
ceperit?

Romanum & Canonicum nulla in Germania cepit incrementa. Quin magis magisque quotidie invaluit, & ab eo maxime tempore, quo academiae supremaque imperii judicia institui coeperunt, tantum auctoritatis consequutum est, ut paullatim pro jure communi habitum, & judiciis, tamquam norma decidendi commendatum sit. Quod quomodo contigerit, postremo hujus libri capite distinctius ostendemus.

C A P. IV.

DE STATV IVRIS GERMANICI A
CONDITIS ACADEMIIS AD
NOSTRA TEMPORA.

§. XCV.

Constitu-
tis Acade-
miis, Pro-
fessores
utriusque
juris pu-
blice do-
cere coe-
perunt.

Simul ac in Germania institui Academiae coeperunt: praeter Theologos, Medicos, & Philosophos, etiam juris utriusque, CIVILIS & CANONICI, Professores publica auctoritate sunt constituti. Quod eo minus mirum cuiquam videbitur, quo certius constat, Germanos in condendis Academiis Italorum & Gallorum instituta esse imitatos*.

* Ad Parisiensis exemplum Carolus IV. instituisse Pragensem, observat Dubrav. *Hist. Boëm. Lib. XXII. p. 179. edit. Freher.* Et Rupertus Senior, Comes Palat. Rheni, anno MCCCCLXXXVI. proficitur, Academiam Heidelbergensem ad instar studii Parisiensis a se fundatam, eamque regendam, disponendam, & regulandam modis & materiis in universitate Parisiensi solitis observari, ut Parisiensis studium, ut pedisequa, utinam digna!

digna! modis convenientibus gressus imitetur.
 Toeln. *Cod. Dipl. Palat. n. CLXXIX.* p. 123. Sed
 & Ludovicus Dux Bavariae, anno MCCCCLXXII.
 in constituenda academia Ingolstadiensis Bononien-
 sis & Viennensis universitatis exemplum se prae
 oculis habuisse, ait apud Hund. *Metrop. Salisb.*
Tom. II. p. 291.

§. XCVI.

Academias vero Germania nostra non de- Et qui-
 mum saeculo quinto decimo habere coepit, dem jam
 ceu existimavit Conring. *de Orig. Jur. Germ.* saeculo
Cap. XXIV. p. 147. sed integro saeculo prius. XIV.
 In omnibus vero, quarum historia comperta
 est, statim instituta est facultas, quam vocant,
 juridica. Anno enim MCCCCLXV. VIEN-
 NENSIS universitati Urbanus Papa id privile-
 gium concedit, *ut sit studium generale, illud-*
que perpetuis temporibus ibi vigeat, tam in juris
CANONICI & CIVILIS, quam in alia qua-
libet licita, praeterquam theologica, facultate.
 Lambec. *Bibl. Vindeb II, 5, p. 85.* Idem cir-
 ca annum MCCCCLXXVIII. ERPHORDI-
 ENSIS academiae indultum est, teste Con-
 ring. *de Orig. Jur. Germ. Cap. XXXI. p. 188.*
 nec non anno MCCCCLXXXVI. HEIDEL-
 BERGENSI *, teste diplomate Ruperti Se-
 nioris Com. Palatini apud Toeln. *Cod. Dipl.*
l. c. ac denique INGOLSTADIENSI anno
 MCCCCLXXVII. apud Hund. *in Metrop.*
Salisb. l. c.

* Attamen initio tres Doctores juris tantum cano-
 nici Heidelbergae docuisse, legimus in *Chron.*
Magno Belg. p. 343 (a). cui suffragatus Schilterus
 Ttt 3 de

*de investitura simul. Cap. III. §. 2. per totum saeculum XIV. nullum ibi Professorem juris civilis fuisse, tradit. Id quod verum esse, deprehendi ex diplomate ejusdem Ruperti Senioris n. CLXXXV. p. 128. in quo anno MCCCCXCIII. recensentur: Meistere und Doctorn und gute gra-
duirte der Heil. Geschrift und in geistlichen Rech-
ten, und in der Artzney, die zu zyten in den-
zelven Zwoeyn Kunsten gekorn und gezezt sind
zu lesen, und auch lesent in der obgem. Univer-
sitaet, Juris Civilis Professorum nulla facta men-
tione. At in Viennensi academia jam anno
MCCCLXXXIX. utriusque juris Professores fue-
runt. Eo enim anno condita facultatis juris ca-
nonici & civilis statuta, quae exhibet Lambeci-
us in Bibl. Vindeb. p. 164. (β)*

(α) Verba Chronici de Ruperto Rege Romanorum haec sunt: *Fundavit studium universale Heydel-
bergenſe & dotavit, & privilegiis ornavit nota-
biliter, erigendo ibidem venerabilem Ecclesiam Col-
legiatam, in qua semper tres Doctores Sacrae
Theologiae, tres Doctores in Jure Canonico, u-
nus Doctor in Medicinis, unus Doctor Theolo-
giae, qui sit praedicator; tres magistri in arti-
bus, & duodecimus eorum Decanus, (qui simul
Doctor in Facultate Theologica, aut Juris Ca-
nonici) & ut plebanus etiam Ecclesiae illius ad-
minus Baccalaureus formatus in Theologia esset.*
Consentit Diploma de anno 1393. ad quod A.
N. provocat, quodque Schilterus l. c. primus
produxit, & Tolnerus l. c. ex eo exhibuit. Quic-
quid vero horum sit, Professores Juris Civilis
ab ipsa institutione Universitatis locum suum
ibidem firmissime tueri poterunt, si probe
considerentur, quae ipse Rupertus Senior dicit
in Diplomate, quo Universitati normam praescri-
bit, ejusque formam definit anno 1386. apud
Tolner. *Hist. Pal. Cod. Dipl. n. 179. p. 123.*
quod ipse A. N. etiam allegat b. §. & in nota ad
§. prae-

§. praeced. ubi post verba ab A. N. *ibidem* citata haec adduntur: *videlicet, ut quatuor in ea sint Facultates: prima Sacrae Theologiae, seu Divina: secunda Juris Canonici & CIVILIS, quae propter sui propinquitatem pro una Facultate disponimus aestimari: tertia Medicinae: quarta Facultas Artistarum s. Artium Liberalium, triplicis scilicet Philosophiae, Primae, Naturalis, & Moralis, subservientium filiarum &c.* Cum Universitas Heydelbergensis ad exemplum Universitatis Parisiensis in omnibus instituta fuerit, cum etiam Jus Canonicum doceri, ut usui forensi idoneum sit, commode non possit, nisi & Jus Civile, ex quo multa trahit, doceatur, non poterat in Universitate Heydelbergensi omitti Juris Civilis doctrina. Unde Rupertus Jus Civile non negligit, sed potius ejus in ipsa Universitatis institutione mentionem disertis verbis facit, ita quidem, ut id propter propinquitatem cum Jure Canonico conjungat, unamque cum illo Facultatem constituere jubeat. Quia tamen Jus Canonicum Civili nobilius existimat, praesertim cum *libertatem per sedem Apostolicam super studio Heydelbergensi fundando sibi concessam* ipse testetur, non potuit non praerogativam dignitatis Juri Canonico prae Jure Civili tribuere. Quae si cum Magni Chronici Belgici & Diplomatis Germanici Rupertini de anno 1393. verbis conjungamus, facili conjectura assequimur, in Facultate Juridica Heydelbergensi tum quidem non alios fuisse Juris Canonici, alios Juris Civilis Professores, sed eosdem & Jus Canonicum & Jus Civile docuisse, & hinc pleniori oratione *Juris Canonici & Civilis* Professores simul dicendos fuisse, sed propter existimationem dignitatis, Juri Canonico prae Civili tributae, & Magnum Chronicon Belgicum eos breviori sermone tantum *Doctores in Jure Canonico, & Rupertum* anno 1393. *Meistern und Doctorn ic. in Geistlichen*

lichen Rechten appellasse, Jus Civile tacite sub-
intelligentes. Unde merito colligimus, non tan-
tum, quod Jus Civile statim ab origine Univer-
sitätis Heydelbergensis in ea a Professoribus Juri-
dicæ Facultatis expositum fuerit, sed &, quod
Juri Canonico præcipuus sane honos tum habi-
tus, eique primaria cura impensa fuerit; id quod
etiam in definienda, quam tum in foro præ Ju-
re Civili habuit, auctoritate non nihil ponderis
habebit.

(β) A Friderico III. Imp. anno 1471. d. 8. Aug.
Universitatem quandam Juris, aliis Facultatibus
non admissis, instituendi privilegium Lunebur-
genſi Civitati concessum legimus apud Sagittari-
um in *Hist. Civit. Luneb. an. 1471. §. 90. p. 31.*
& *sq.* & Ludewigium *Different. Jur. Rom. &*
Germ. Opusc. T. I. Diff. 16. §. 14. n. 1. Opusc.
T. II. p. 1036. En verba : *ut Leges Imperiales*
Romanas in oppido Luneburg legi, resumī & di-
ſputari, ac alii actus scholastici in eadem Facul-
tate exerceri libere possint, per duos aut tres ejus-
dem Facultatis Doctores AD INSTAR UNIVER-
SITATVM PARIFORMITER. Ad gradum et-
iam Doctoratus Juris promovere & ad cathedram
liceat &c.

§. XCVII.

Hinc ma-
gnus Do-
ctorum
numerus
in aula
Imperato-
rum.

Itaque fieri non potuit, quin sæculo se-
quente jam ubique magnus esset Doctorum
utriusque juris proventus, qui in Principum
palatiis, curiisque, & judiciis illustrioribus
ubique regnabant, causasque ad jurium illo-
rum peregrinorum principia decidebant, &
omnem denique movebant lapidem, ut jus
patrium magis magisque supprimeretur. Sic
in aula Caroli IV. (α) *Bartolus de Saxoferrato* (β);
Dubrav. Hist. Boëm. XXII. p. 181. Struv. Hist.
Jur.

Jur. XII, 38. p. 535 (2). in aula Sigismundi Imperatoris *Georg. Fiscellus*, I. V. D. summa auctoritate pollebat. Sub eodem & duobus insequentibus Imperatoribus, Alberto & Friderico, cancellarii munere functus est *Casp. Schlick*. Aen Sylv. *Hist. Boëm. Cap. LIII*. Quin hic postremus in consilium suum fere solos Jurisperitos adoptaverat, ac proinde in diplomate, quo anno MCCCCLXXV. quemdam Adolphum Gegener Doctorem juris renunciavit, id se facere professus est, *de ad-sensu & consilio DOCTORVM & SAPIENTVM curiae suae*. Itter. *de Grad. Acad. Cap. VI. §. 21. p. 162*. Quamvis fatendum sit, Fridericum III. Imp. *mediocriter dilexisse jurisperitos*, quod juris aequitatem diceret ab iis inverti, *iustitiamque foedari* *. Cuspinian. (2) p. 411.

* Communis tum illa querela, non aliunde orta, quam quod, in vecto paullatim in fora jure Romano, tardius procedere lites animadverterent, quam olim, quum una alterave dicta die finiretur controversia. Tolerabilior vero Germanis videbatur brevis injuria, quam tarda justitia. Praeterea, quum eo tempore nondum sublata essent bella privata, quibus jureconsulti quam maxime refragabantur, idem Germanis, maxime nobilioribus (2) eveniebat, quod eorum majoribus, tempore Quinctilii Vari, ut mirarentur, legibus terminari lites, quae adhuc armis finitae fuerint. Vellej. Paterc. *Histor. Lib. II. Cap. 118*.

(2) Jam Ludovici Bavari temporibus clauit Vdalaricus de Augusta Imperatoris Ludovici scriba secretus, homo in utroque jure peritus, uti ex Trithemii *Ann. August. ad ann. 1333*, observat Struvius *H. J. C. 6. §. 40. p. 535*.

- (β) Plane Bartolum componendae Aureae Bullae negotium a. 1356. suscepisse, cum multis aliis tradit Culpilius *Dissert. Epist.* §. 73. p. 76. Quod tamen a multis refellitur, cum eo tempore Bartolus jam inter vivos esse desierit, uti docet Bucholzer. *Ind. Chronol.* p. 375. v. *Einführung in die Geschichte der Deutschen Reichs-Verfassung* C. 7. §. 6. quae praefixa est novissimae Recessuum Imperii editioni. Cum tamen illa Constitutio vel Bartolum vel Bartolistam Auctorem spectet, & ante verbis concepta, quam promulgata sit, tempus, quo Bartolus obierit cum eo, quo aliquid scriptum sit, licet nondum promulgatum, conciliari posse scite judicat Ludewigius *Praef. ad Singular. Jur. Publ.* §. 4. p. 37.
- (γ) Caroli IV. temporibus etiam clarus fuit Lupoldus Babenbergensis, Joannis Andreae, celeberrimi in Italia Jcti discipulus. v. Struvius *l. c.*
- (δ) Qui solus fere est, qui hoc odio Jctos a Friderico III. exceptos fuisse, dicat, id ipsum, quod asserit, ex spuria illa Friderici III. Reformatione de anno 1441. infelicitè didicisse visus, quae cum ipsa locum suum tueri non possit, uti paulo inferius ostendetur, parum fidei Cuspiniani dictis conciliare poterit. Sane Fridericus III. Comititalia plane negotia agenda Jctis commisit. Ita inter legatos, quos anno 1467. ad Comitium Norimbergensia misit, laudatur Jörg Ehringer D. Kayserslicher Fiscal. v. *Rec. Imp. P. I.* p. 224. In Comitibus Rotenburgensibus an. 1487. nomine Imperatoris comparuisse legitur Herr Bernhard Verger, Licentiat und Prothonotarius. v. *Rec. Imp. P. I.* p. 283. Honorem, quo Fridericus III. Jus Romanum ejusque Doctores prosecutus est, abunde testantur Constitutio Pacis Publicae Neostadensis anno 1467. Ratisbonensis anno 1471. Augustana an. 1474. Decretum Friderici III. a Goldasto exhibitum *Reichs-G. T. II.* p. 168. *Rec. Imp. Noricus* an. 1487. *Frankfurtanus* an. 1489. *Favo-*

Favorem Friderici III. erga Jctos impense etiam probat Christoph. van Hagen^s in *Dedicat. Tract. de usu Usurar.*

(^s) Qui suspicabantur, se ideo ad causas suas in judiciis disceptandas ablegari, ut cum more probandi per duella, & causas diffidationibus decidi simul ipsis jus armorum, quo hactenus usi essent, subdole excuteretur, ipsique ad statum privatorum, uti olim Italiae proceribus sub Friderico I. contigit, redigerentur. v. Ludewigius *Praef. ad Conf. Hall.* §. 26. n. 112. & *sq.* Unde etiam in Pacis Publicae sanctiones aegre semper consentiebant, ita ut omnes non nisi multa opera ab Imperatoribus perferri potuerint, & ante Maximilianum I. ad certum tempus semper restrictae fuerint, & ne ita quidem bene servatae, imo post Maximiliani I. tempora adhuc diffidationibus aliquando usi fuerint Germaniae viri nobiliores; quod exempla apud Dattium probant.

§. XCVIII.

Imperatores imitati Principes & ordines imperii, & ipsi Jctos maximi faciebant, eorumque consilio & opera tum in administranda rep. tum in jure dicundo, utebantur. Sic in aula Saxonica magni fiebant consilia Jac. Radewizii, Jenensis, Thuringi, I. V. D. & ordinis juridici in academia Lipsiensi praesidis, usque adeo, ut ei potissimum impetratam a Sigismundo Imp. Saxoniam, dignitatemque Electoralem, acceptam ferret Fridericus, Marchio Misniae. *Centur. Script. qui in Lips. Witteb. & Francof. acad. flor. num. XVII.* In Pomeraniam Petrum Ravennatem, ejusque filium, *Valentinum*, deduxerat Bogislaus X. Dux Pomeraniae. *Conring. de Orig. Jur.*

Itemque in palatiis principum & urbibus.

Jur. Cap. XXXII. p. 199. Comitibus Norimbergensibus anno MCCCCLXVI. interfuere loco Treverensis (α) Joannes Gemminger, Decret. D. loco Saxonis, Jo. de Weisbach, D. Legati etiam Salzburger, Eistadiensis, Ratisbonensis, Bavari, Marchionis Brandenburgii Hassiae, Lubecensium, Doctores fuere (β), apud Goldast. *Const. Imp. T. IV. p. 218. sq.* Quin & in civitatibus (γ) quibusdam praecipuis, Jurium Doctores tum Syndicorum & Consiliariorum officio functos esse, reperio *.

* Norimbergensi enim Senatui saeculo XV. a consiliis fuit Gregorius Heimburg, sub initium Concilii Basileensis Doctor juris creatus & fatis suis notissimus. Freher. *in Theatr. Vir. Doct. p. 795.* Eodem saeculo, immo & multo ante, etiam Francofurti ad Moenum fuere Syndici, juris periti, qui eo saeculo *Pfaffen* vocabantur, quemadmodum hodiernum in Gallia, Anglia, & Belgia, Clerici *Clercken van Rechten*, audiunt, qui scripturas faciunt. Feltm. *de tit. hon. II, 20. 9.* Iterum enim *de Gradib. Acad. IX, 5. p. 349.* producit exemplum litterarum anno MCCCCLXXVII. datarum, quibus Hermannus von Orbe, Licentiatius Decret. proficitur, quod a Senatu Francofurtano conductus sit Syndicus, (*dasz er Pfaff und Diener worden sey der Ersamen wissen Lude, des Rades und der Stad zu Franckenford,*) ubi Itterus recte observat, *Pfaffen* ibi esse Syndicos, qui tum & *Advocati*, itemque ob honores academicos, quibus insigniti fuerint, *Meistere* fuerint adpellati.

(α) Et loco Moguntini, cum aliis Sifridus Waghel, Decret. Doctor & Can. Eccl. Coll. Aschaffensb.

(β) Etiam Bambergensis, Johannes Kieberer, Doctor.

Doctor. Ita per sequentia saecula Recessibus Imperii multi subscripserunt Juris Doctores, quorum numerus fugitivo tantum oculo computatus, quinquagenarium excedit. Ita plures etiam Doctores Juris, Vice-Cancellariorum dignitate gavisos Recessibus subscripsisse videmus. v. R. J. August. de anno 1555. R. J. Ratisb. & Spir. 1557. Wormat. 1564. August. 1566. Spir. 1570. Edict. Monet. 1571. R. J. Ratisbon. 1576. Reform. Pol. Francof. 1577. R. J. Ratisbon. 1641. Mandat. Execut. 1648. 1649. Imo Doctores Juris assessoribus supremorum Tribunalium sub Fridrico III. & sequentibus immixtos esse debuisse, & revera fuisse, docet sententia ab ipso an. 1472. dicta in sachen Caspar Reiprecht, Burmann zu Gelnhausen, apud Goldastum *R. S. T. II.* p. 168. Fridericum III. omnes Camerae suae assessores ex Doctoribus Juris delegisse docent Acta Comititalia Augustana anno 1474. v. Fugger Desserr. Ehren, *Sp. L. V. C. 22. m. 8. & C. 41.* De Doctoribus Juris Camerae admovendis v. Acta Com. Noric. 1487. apud Schilter. *Inst. Jur. Publ. L. V. §. 1.* Datt. *de P. P. L. IV. c. 1. n. 182.* Rec. Imp. *P. I. p. 278. & sqq.* Acta Comit. Francof. 1489. apud Datt. *ibid n. 52.* Ord. Cam. Wormat. 1495. §. 1. Rec. Imp. Constant. 1507. §. 15. Rec. Imp. 1512. §. 23. Spir. 1529. §. 36. Ord. Cam. Wormat. 1521. *Art. I.* Rec. Imp. August. 1530. §. 82. Ord. Cam. Spir. 1533. *Art. I. §. 5.* Ord. Cam. August. 1555. Rec. Imp. Spir. 1557. Inter eos, quibus Ordines Imperii negotium eligendi Assessores Camerae an. 1495. commiserunt, fuit etiam Doctor Jörg Wesser, Canzler und Schatzmeister des Gemeinen Pfennings. v. *R. N. P. II. p. 17. & 27. edit. nov.* In Reformatione Camerae Spir. 1531. *in pr.* inter Visitatores Camerae laudantur Caspar von Westhausen, unser Frauen Kirchen zu Erfurt Probst, Doctor und Maynzischer Canzler ic Cötel

tel Hans Rechberger, Strassburgischer, und Hieronymus Bheuß, Baadischer Vangler, Doctores &c. In Ordin. Camer. Spir. §. 1. iterum inter Visitatores occurrunt idem von Westhausen &c. nec non Johann König, Ordinari zu Tübingen, und Balthasar Stumpff, Doctores.

(2) Inter Legatos, quos Argentina aliquando ad Comitata milit, occurrunt Lud. Gremy, D. in Spir. 1542. August. 1555. Ratisb. 1557. August. 1566. Spir. 1570. B. Botzheim, D. & Advoc. in Ratisbon. 1567. P. Hochfelder, L. & Synd. in August. 1582. Christ. Kreiff, D. & Advoc. in Ratisb. 1594. St. Brechtold, D. & Advoc. Ratisb. 1603. & 1613. Marcus Otto D. Rath und Advocat. in Ratisb. 1654. Fuerunt tamen quaedam Civitates, quae minus videntur favisse Doctoribus Juris, nempe Norimbergensis & Augustana, quae eos in Senatorum ordinem recipere noluerunt, quod de illa Steph. Vin. Pighius *Hercul. Prodic. p. 88. & sqq.* ex ore senatoris cujusdam, *viri docti, & facundiae singularis, linguarumque periti* se accepisse testatur; cujus rei fidem etiam facit Scheurelius, Reip. Consiliarius in *Epist. ad Staupizium c. 8. & 25.* apud Wagenfeil. in *Comment. de Civit. Norimb. L. I. C. 24.* ubi praecipue illud notandum, quod Doctores non tantum plebejæ, sed & Patriciæ originis, respuantur, adeoque non, quia plebeji, sed quia Doctores sunt. Ita enim Scheurelius *c. 8. Doctoratus, quantumcunque Patricius, togæ incapax censetur.* Quod etiam testatur Sprengerus *Font. Jur. Publ. C. 25.* De Augustana Civitate, ejusque excusatione anno 1627. Ferdinando II. Imp. 14. candidatos Senatoriæ dignitatis commendanti opposita, quod quatuor eorum, quia Doctores essent, recipere non posset, ex Johannis Marci, qui illius Reipublicæ Advocatus erat, ratione fidem facit Itterus de *Honor. & Grad. Acad. Cap. 9. §. 22.* Quod vero

vero de Lipsiensi Civitate Thomafius in *Not.* 26. ad *Culpifii Differt. Epist.* §. 45. & in *Annal. Observ.* ad *Melchioris von Offe Testam. ad ann.* 1574. p. 104. & *sq.* nec non *ibid.* p. 132. & *Observ. ad Testam. Melch. v. Offe n.* 104. p. 211. & *sq.* refert, quod anno 1574. Doctores Juris Senatu & Scabinatu moti fuerint; id quidem non perpetuum, nec tam ex causis ipsam Jurisprudentiam, quam eos maxime, qui tum fuerant, Doctores, tangentibus gestum esse, apparet ex eo, quod haec tempestas non diu Doctores Juris affligerit. v. Thomaf. *ad Culpif. l. c.* imo statim in Doctorum Juris locum alii Doctores suffecti fuerint. v. Thomaf. *Annal.* p. 134. Eaedem tamen Civitates adeo non ab opera Doctorum Juris abhorruerunt, ut potius ad omnia, quae post Frederici III. tempora congregabantur, Comitia Doctores Juris ablegayerint, quorum Catalogum factis amplum sollicitate confecit diligentissimus Kuglerus *Vindiciarum Historico-Juridicarum &c. Sect. II. c. 2. §. 5. p. 68.* De Jurisconsultis praecipue apud Norimbergenses & Argentinenfes, honore munerum publicorum gavisis, vid. Waltherus in *Dedic. Tract. de Statu, Jur. & Privil. Doct.* ut & *ibid. c. 23. p. 507. & sqq.*

§. XCIX.

Nec parum etiam juris Romani & Canonici auctoritatem eo saeculo provehebant Imperatores & Ordines, dum ipsi leges, quas dabant, ad utriusque juris placita attemperabant (α), quin & jura illa in judiciis ac foris servari lege publica jubebant. Talia plura occurrunt in Reformatione politica Sigismundi Imp. (β) apud Goldast. *Const. Imp. T. IV. p. 188.* Nam *Cap. IX.* legimus: *Es ist zu wissen, daß hohen Fürsten, die grosse Land haben,*

Recessus
Imp. ad
Leges
Rom. at-
tempera-
ti, idque
jus com-
menda-
tum sae-
culo XV.

ben,

ben, noch fast Keyserliche Recht zu ihrem Theil halten. Et Cap. XIII. §. 5. Man soll an allen Hauptgerichten, do man über das Blut richten mag, haben ein Keyserlich Rechtbuch, daß man recht richten nach Recht, und niemand unrecht beschehe. Item §. 8. Wer aber Sach, daß in den Rechten getwederem Theil zu kurtz bescheh, deß ihn deucht, so mag man die Sach ziehen für einen geistlichen Meister, (Doctorem Decretorum) und einen weltlichen Meister, (Jur. Civ. Doctorem,) die darzu benant werden, die Urtheil zu sprechen. Ita & in Avifamentis Constantientibus de an. MCCCCXVI. apud eundem l. c. T. IV. p. 151. Cap. I. & in Moguntinis de anno MCCCCXXVI apud eundem l. c. p. 160. sequ. cap. V. aliquoties mentio fit Corporis juris & extravagantium: Cap. IX. Doctorum & Licentiatorum Juris Can. & civilis, & Baccalareorum juris utriusque, ad canonicatus admittendorum. Qualia a Friderico III. etiam perfecta videmus apud Muller. Reichs Tags- Theatr. P. IV. Cap. 41. & P. V. cap. 15. quae de juris utriusque auctoritate satis testantur.

(α) Ita in Com. Francof. 1435. §. 6. ad utrumque provocari videtur: dann Geistlich und weltlich recht halten, daß die warheit uf zwenen oder me unverprochen personen ston sol. Adde R. I. Nor. 1438. §. 13. & 16. Const. Pac. Publ. Alberti II. §. 25.

(β) Ubi P. I. C. 8. §. 4. ex Juris Romani contentu gravia incommoda orta esse queritur, man richt nit nach Keyserlichen Rechten, als vor zeiten unser vordern theten: darumb gehet es über.
Wer

werden böß And geschworen. Es kommen die
Leut um Erb und eigen. Solt man Keyserliche
oder beschriebene Recht ansehen, es bestünd man-
cher, der sonst umb das seine kompt.

§. C.

Animadverterunt demum hoc saeculo Hinc Or-
principes, quanta strages immineat juri pa-
trio, ac proinde sub eodem Fridrico III. dines Im-
perii de
anno MCCCCXLI. id egerunt, ut lex pu-
blica, de doctoribus juris plane abolendis in
Germania, promulgaretur. Et exstat sane
apud Goldast. *Part. 1. des Reichs-Satz. p. 166.* eo abo-
lendo co-
ejusmodi Reformatio (α), in comitiis Mo-
guntinis proposita, ubi *Art. V. legimus: Alle* gitarunt.
Doctores der Rechten, sie seind geistlich oder welt-
lich, im H. Roemischen Reich Teutscher Nation,
sollen nach laut der fürgenommenen Reformation
an keinem Gericht, bey keinen Rechten, auch in
keines Fürsten oder andern Raethen mehr gelitten,
sondern ganz abgethan werden: Sie sollen auch
fürbas hin vor Gericht oder Recht nicht weiter re-
den, schreiben oder Rath geben.* Et id momor-
disse arbitror Petrum de Andlo (β), ejus ae-
tatis Jctum, dum *Lib. 1. de Imp. Rom. Germ.*
Cap. 10. scripsit: Leges Romanas nostra Alaman-
nia proh dolor! in sua despicit insipientia. Sed
eventu caruit illud consilium, nec reliquis
Ordinibus adrisse videtur scriptum, quod
Fridricus III. vel pauci quidam alii con-
ceperant. Saltem neque perlata est illa lex
durissima, neque umquam exsequutioni
mandata. Mansit juri peregrino suus honor,
V V V &

& magis magisque crevit jurisconsultorum in Germania auctoritas.

* Duriora sunt, quae in Declaratione sequuntur. Quemadmodum enim ibi locus relinquitur Jctis ternis in singulis academiis, ita tamen, ut non nisi jura in imperio probata interpretentur, & consulti ex iis respondeant: ita foro plane esse jubentur, addita ratione; *Wann ihnen das Recht harter, dann den Leyen, verschlossen ist, und kan ihrer keiner keinen Schlüssel dazu finden, biß beyde Theil arm werden, oder gar verdorben sind. Aber der Ley behelt doch den Schlüssel zum Rechten bey ihme, das man zu zimlicher zeit das Recht herfür bringen mag. Aus diesen Ursachen kan man die Gelehrten in keinen Rechten mehr leiden. Darzu seynd es nur besolde Knechte, und nicht Erbdienner des Rechts.* Paulo post audiunt Stieff-vaeter, und nicht die rechten Erben des Rechts. Sed meretur illa Reformatio, in qua auctor in Jctos gravissime invehitur, tota perlegi. Reperiet quisque, eam plane convenire genio Fridrici III. Imp. quem parum dilexisse (7) Jctos, jam supra vidimus. (§. XCVII.)

(a) Non omnium est eadem de hac Reformatione sententia. Goldastus in der Anzeige woher die Reichs-Satzungen genommen seynd l. c. p. 312. ab initio contendit, daß diese Reformation nicht erdicht, sondern von Keyserlicher Majestät auff dem Reichstag sey den Ständen proponirt und fürgetragen worden 2c. mox aliquot saltem lineis interjectis constanter asserit: daß diese Reformation weder durch den Keyser, noch aus ihrer Majestät befehl, sondern durch die Städt im Reich auff einem Stätttag gemacht, und hernach auff dem gemeinen Reichstag aus ihrem Rath der Keyserlichen Majestät für ihr bedencken und Rathschlag unterthäniglich übergeben worden. Satis ex

CAP. IV. DE ORIG. ET PROGR. IVR. GERM. 1043

ex his apparet, quod titubet plane sibi que ipsi non constet Goldastus, adeo, ut ex ejus verbis nihil certi colligi possit. Hanc quidem, sic dictam, Reformationem allegant & de ea disputant Lansius de *Academiis*, lit. F. pag. 20. Lindenmannus de *Academiis*, earum Immunit. & Privil. §. 18. Befoldus de *Poenis*, praemiis &c. C. 8. §. 4. & de *Studios*. C. 9. Hippolythus a Lapide in *Dissert. de Rat. Status Praef. ad Lect.* Georgius Melchior Thilo in *Dissert. Jurid. de definitione & necessitate Jeli*, Argentorati Cal. Dec. 1649. *defensae* §. 72. Boeclerus *Animadv. in Hippolithi a Lapide Dissert. de Rat. Status ad Praefat.* §. 2. p. 3. & sq. Tabor in *Programm. occasione Doctoratus Juridici Rutgero Rulando Argentorati d. 15. Maji 1648. conferendi conscripto*, Itterus de *Honor.* & *Grad. Acad.* Cap. 9. §. 9. & sqq. Conringius de *O. I. G.* C. 32. p. 196. & sqq. Culpisius in *Dissert. Epist.* §. 45. Strykius in *Dissert. Praelim. U. M. P.* §. 23. Thomasius in *Cautel. circa Praecogn. Jur. Eccles.* C. 21. §. 40. & in *Dissert. Historico-Jurid.* X. nec non in nota 27. ad *Culpisii l. c.* Ludewigius in *Praef. Consil. Hallens.* §. 35. & in nota 143. & sqq. ut & *Miscell. T. II. L. IV. Opuscul. I. Differ.* 16. p. 1037. & sq. Struvius *Hist. Jur. C. 6. §. 40.* & in not. *ibid.* p. 935. & sq. Brunquellus *Hist. Jur. P. III. M. II. c. 10. §. 21.* alique. Quorum aliqui quidem eam in Comitibus propositam, non perlatam, alii ne propositam quidem dicunt; aliqui plane Legem Imperii appellant, sed usu non servatam, ut Hippolythus a Lapide & Ludewigius, alii omnino eam summae iniquitatis accusant, ut plerique allegatorum; alii non adeo iniquam esse arbitrantur, ut Thomasius; est, qui plane doleat, eam non omnino servari, Hippolithus a Lapide. Integra Dissertatione eam aggressus est, quem jam allegavi, Joh. Reinhardus Kuglerus in *Vindiciis*

Historico-Juridicis Juris Rom. & Jctior. in Germania, contra Reformationem de anz. 1441. Friderico III. adscribi solitam, Arg. d. 17. Junii 1748. assertis, qui Sectione I. Reformationem Goldastinam scripti publici fidem nullam mereri & quidem Cap. 1. eam non videri esse Legem Imperii, Cap. 2. non videri a Friderico III. Cap. 3. nec a Principibus, Cap. 4. nec a Civitatibus Imperii in Comitibus propositam, sed potius Cap. 5. tantum privati cujusdam opus esse, additis in Cap. 6. causis, quae Juri Romano & Jctis odium excitarunt praecipue inter Germanos; Sectione vero II. eam nullum unquam Juris effectum habuisse, & quidem Cap. 1. ejus Art. VII. in effectum nunquam deductum fuisse, eamque porro Cap. 2. quantum ad Art. V. attinet, effectum nullum habuisse, solidis argumentis, gravibusque testimoniis ipsarum Legum Imperii, magna copia allegatarum, probat, dignitatemque Juris Justiniani in Germania, ejusque auctoritatem firmissimis rationibus tuetur.

- (β) Poggius Florentinus in *Convoiali* 2. p. 16. & sqq. Germanis plane gratulatur, quod sibi ipsi Leges constituent, Romanisque abstineant. Verum hujus quidem tanquam peregrini, nec rerum Germanicarum satis gnari, gratulationes utique non moramur. Petri de Andlo dolores autem de conatibus multorum, qui progressibus Juris Romani in Germania, audacter sese & repetitis vicibus opposuerunt, intelligimus, de quibus etiam explicandae videntur querelae Sigismundi Imperatoris ad §. praeced. nota (β) allegatae. Qui vero his duobus a Frehero in not. ad P. de Andlo L. I. c. 10. jungitur tanquam neglecti in Germania Juris Romani testis, Sylvius, quem etiam laudat Limnaeus J. P. L. VIII. C. 4. n. 10. eum merito ab horum numero excludit Ludewigius *Miscell. l. c.* cum L. I. Epist. 311. p. 619. & sq. edit. Basf. in quendam Jurisperi-

risperitum, Poësis contemptorem, quidem acrius invehatur, nihil autem, quod ad nostram causam faciat, in medium producat.

- (2) Non adeo parum Jctos a Friderico dilectos fuisse, ex iis, quae vel ipse A. N. l. c. dixit, & quae nos *not.* (δ) addidimus, colligitur. Addimus nunc tantum, quod ejus temporibus plures Academiae, non sine ipsius auspiciis institutae fuerint, Friburgensis, Gryphiswaldensis, Ingolstadiensis, Tubingensis & Moguntina, v. Trithemius in *Chron. Sponh. ad ann. 1473.* & 1477. Paulus Langius *Chron. Citizenf. apud Pistorium T. I. p. 1248. 1252.* Tabor in *Programm. allegato*, Conringius *Antiq. Acad. Diss. I. §. 46.* Imo ipsum plures Juris Doctores in Italia promovisse testatur Aeneas Sylvius in *Histor. Rer. Friderici III. p. 81.* Adde, quae de Jure Romano ejusque Consultis ex Friderici III. temporibus ad §. 99. n. (β) producentur testimonia.

§. CI.

Sub finem enim saeculi XV. & proxime insequente, in ipsis imperii legibus frequenter Saeculo XV. jus Romanum in foro pro norma haberi jussum. jus Romanum pro norma esse jubetur, ita tamen, ut & juris Germanici consuetudinumque patriarum praecipue habeatur ratio. Quin ipsas constitutiones Recessusque imperii, qui tum prodierunt, fere in plerisque ad juris Romani normam accommodari animadvertimus. Id quod exemplis latarum a Maximiliano I. Imp. legum paucis demonstrabimus.

§. CII.

Quum post longa molimina anno Quod patet ex legibus im- MCCCCXCV. Wormatae de instituendo judicio

perii sub
Maximi-
liano I.
latis.

Judicio Camerali convenisset: (Vid. Datt *de Pace publ.* IV, 1. 66. *sequ.*) condita est prima ordinatio judicii Cameralis, in qua §. VI. mentio fit jurisjurandi *de calumnia & malitia vitanda*, prout *de jure*, ab advocatis praestandi: & in §. XX. judex & adfessores circa adpellationes ab interloquutoriis decernere jubentur secundum jus civile, (*wie das in Keyserlichen Rechten geordnet und begriffen ist* (α)). Eodem anno Imperator edidit constitutionem contra blasphemos, in qua breviter recenset sanctionem Novellae LXXVII. Justiniani, quem vocat *seinen Vorfahren am Reich loeblicher Gedaechnis*. Quumque anno MD. Augustae Ordinationem Camerae emendari placuisset: §. VIII. receptum est jus Romanum, quod nepotes in stirpes jure repraesentationis cum parentum suorum fratribus & sororibus ad aviaviaeque hereditatem admitti jubet, *nach laut gemeiner geschriebener Keyserlicher Recht, der Gewonheit, so an etlichen Orten darwieder seyn moecht, unangesehen &c.*

(α) Imo in eadem Constitutione Judices & adfessores tenentur jurare, se judicaturos *nach des Reichs gemainen Rechten* &c. Omissa quidem haec sunt in vulgaribus Ordinationis Cameralis de an. 1495. editionibus, sed quia in *erneuerter Ordnung etlicher puncten den gerichtlichen Process des Keyserlichen Cammer Gerichts betreffend* de an. 1538. sub titulo: *folgen die Und der Versohnen zum Cammer Gericht gehörig*, primo statim loco sistitur *des Richters und der Urthailer and, wie der auff dem Reichstag zu Wormbs an. 1495. aufgerichtet* &c. ibique haec formula occurrit, *merito*

rito novissima Recessuum editio eam ordinationi Camerali de an. 1495. insertam sistit. vid. hac de re etiam Dattius *de P. P. L. IV. C. 1. n. 112.*
 & sq.

§. CIII.

Anno MDVII. Ratisbonae prodiit nova Cameralis iudicii forma, cujus nullus est titulus, nullus paragraphus, in quo non jus civile & canonicum, eorumque glossae, itemque Cynus, Panormitanus, Bartolus, Baldus, Speculator, Rofredus, similesque herodes, utramque paginam faciant. Sequuta est anno MDXII. *Constitutio de Notariis*, in cuius §. I. statim hi suo munere fungi jubentur, *nach Inhalt gemeiner Rechten oder loeblicher Gewohnheit und Gebrauch jedes Orts*: deinde §. III. forma instrumentorum praescribitur, *wie dieselbe von gemeinen Rechten, (Nov. XLVII. LXXIII. & LXXIV.) Brauch, Übung und Gewohnheit eingeführet ist*. Titulus porro de Testamentis totus ex jure Romano desumptus est*, addita §. XII. clausula: *Es sollen auch alle Notarien des Wissens haben, welche obgemeldte form der Testamenten, als aus Keiserlichen Gesetzen gegeben, mit Fleiß zu halten saumig waeren, dass die zudem, dass die Testamenta, so anders gemacht würden, von Keyserlichen Rechten nicht bestaendig seyn, die Peen des Rechten darum zu leyden, sich nicht enthalten moegen.*

In primis
 ex Ordin.
 jud. cam.
 MDVII.
 & Consti-
 tutione
 de Nota-
 riis.

* Ita tamen ut, qui constitutionem illam in chartam conjecerunt, plus videantur glossae, quam ipsi juris textui tribuisse. Exemplo insigni de militari testamento, in cuius forma describenda glossa

fam magis quam veteres leges sequuti sunt, id probari potest quam luculentissime. Doctrinam vero veterum jurisconsultorum & glossatorum hic diligenter contulit Vigil. Zuichem. in *Comment. ad §. I. Inst. de milit. test.*

§. CIV.

Nec non
ex Con-
stitutioni-
bus Caro-
li V. Imp.

Multo magis itaque Carolus V. juris Romanus in Germania firmare studuit. Sane anno MDXXI. in recessu Wormatiensi §. XVII. sequi. cavetur, primo ut nepotes nepotesque in stirpes avo aviaeque succedant, cum parentum suorum fratribus & sororibus: deinde ut fratrum sororumque liberi una cum defuncti fratribus sororibusque jure repraesentationis admittantur: abolitis consuetudinibus contrariis. Qua de re & singulare edictum paullo post per imperium promulgatum est. Denique ut de casu, utrum fratrum sororumque liberi, si soli sint, in capita, an in stirpes succedant? a Regimento imperii decisio promulgetur. Sic & anno MDXXIX. in Edicto contra anabaptistas edito reiterationem baptismi morte luendam monet, (*dass in Keyserlichen Gesetzen die Umbtauffung bey Strafe des Todes verbothen.*) Ubi sane provocat ad Tit. C. ne sacr. bapt. iteretur *.

* Equidem Conr. Sincerus, id est, illustris Culpis. in *Dissert. Epistolica §. LXXX.* per verba des *Reichs gemeine Rechte* (α), intelligenda putat jura Germanica, per *gemeine Rechte*, vel *Kayserliche Rechte*, jus civile Romanum. Sed expendunt (β) jam hanc sententiam Stryk. *Diss. Prooem. us. bod. pand. §. XXV.* Datt. *de Pace publ. IV, I, 117. sequi.* Thomaf. *Cautel. circa praecogn. Jur. eccles. cap. XXII. §. 4. sequi.*

(α) Jura Germanica sub hac voce intelligi aliquando etiam posse, si in Constitutionibus saec. XVI. & sequentium occurrat; non posse, si in antiquioribus, ex eo colligitur, quod his quidem saeculis Constitutionum Imperii communium, de Jure Privato loquentium, magna adhuc penuria fuerit. De Speculis Saxonico & Suevico haec verba saeculis antiquioribus intelligi non posse, probatur, quod Pac. Publ. Constitutiones, quae fere omnem eorum temporum in Germania Legislationem exhaustiunt, saepe cum illis Speculis pugnent. In Constitutionibus recentioribus ea denominatio eo minus his Speculis respondet, quo magis ea jam passim in desuetudinem abierant. Sub voce hac non posse Jus Justinianum intelligi, Culpisius ex eo satis probatum esse credit, quod id nuper introductum fuerit; quod argumentum per ea, quae de Juris Romani in Germania fatis ab A. N. & nobis passim dicta sunt, satis refellitur.

(β) De harum vocum sensu distincte etiam agit Dissertatio Kugleriana *Sezt. II. c. 1. §. 6. 7. & 8. pagg. 54-60.* ubi praecipue & illud §. 8. observatur, quod in Constitutionibus receptione Juris Romani generali antiquioribus per voces *gemeiner* vel *gemeiner beschriebener Rechte* Jus Canonicum solum facile indigitari possit; quod vero post universalem totius Corporis Justiniani receptionem vix unquam Jus Canonicum solum, sed tantum non ubique utrumque conjunctim his vocibus comprehendatur: quod ex actis Comitibus Noricis de an. 1438. & Caroli V. Constitutione *wider die Wiedertäufer* de an. 1529. probatur, ubi vox generis *gemeiner Rechten* opponitur nomini speciei, Juris Caesarei seu Romani, quod ex vocabulo *fürnehmlich* colligitur, quae non unum tantum Jus sub his vocibus intelligendum esse indicat. Additur certior adhuc probatio ex Ordin. Jud. Aul. de an. 1654.

ubi assessores secundum Jura Communia judicare jubentur, & ne, quid per haec Jura Communia intelligatur, cuiquam dubium sit, in fine tandem additur: daß das Corpus Juris Civilis und Canonici, allezeit auff der Reichs-Hofraths-Tafel seyn soll, damit man sich derselben gebrauchen könne.

§. CV.

Praecipue
Constitu-
tione Cri-
minali.

Paullo post anno MDXXXII. in comitiis Ratisbonensibus promulgata est CONSTITUTIO CRIMINALIS CAROLINA, in qua passim judices ad jus Romanum remittuntur, *auf die Keyserliche beschriebene Rechte: Art. CXVII. & CXXXV. auf die Keyserlichen Rechte: Art. CXXI. Quin Art. CIV. CXVIII. & CXX. jus civile vocatur die Satzungen Unserer Vorfahren, und Unser Keyserlichen Rechten.* Quae eo magis notanda videntur, quo certius hodie constat, constitutionem illam criminalem tum non primum natam, sed ex antiquioribus ordinationibus & projectis, ut vocant, compilatam esse*. Thomas. *Diss. de occas. concept. & intent. Constit. Crimin. Ludovic. Praefat. Comm. in Const. Crim. & Kress. Praefat. §. XIII. seq.*

* Existimabat illustris Thomasius, constitutionem criminalem descriptam fere esse ex Georgii Episcopi Bambergensis Constitutione criminali, quippe quae jam MDVIII. (α) prodierit, sub titulo *Bambergische Hals-Gerichts-und rechtliche Ordnung in Peinlichen Sachen*, & saepius postea recusa, anno MDX. MDXXXI. & MDXLIII. & novissime a D. Ludovici, & criminali Carolinae in plerisque similis. Sequutus virum il-
lum

lum celeberrimum est laudatus D. Ludovici, qui constitutionem Bambergensem nostrae veluti parentem facit, sororem vero Brandenburgensem, quam anno MDXVI. publicarunt Georgius & Casimirus, Marchiones Brandenburgenses, ipse vero D. Ludovici cum Bambergensi itidem recusam dedit. At praeclare demonstravit V. C. Jo. Paullus Kressius *praef. Comm. in Const. Crim. §. XV. sequ.* primam constitutionem Criminalem confectam esse a Maximiliano I. Imp. & quidem jam anno MCCCCXCV. quamvis fortassis auctoritatem publicae legis non habuerit. Ex hac ergo pleraque decerpisse primum anno MDVIII. Georgium Episc. Bambergensem, deinde anno MDX. Udalricum Tenglerum, Ducalem Altipolensis provinciae praesidem (*Landvoigt zu Hochstedt*) in *Layen-Spiegel*, de quo videndus conjunctissimus olim collega, Hoffmannus in *Dissert. de insign. defect. Jurispr. Crimin. Germ. Cap. I. §. 18. p. 36. sequ.* anno MDXVI. Georgium & Casimirum Marchiones Brandenburgenses, ac denique anno MDXXXII. Carolum V. Imp.

(*) Thomafius quidem in Dissertatione, quam A. N. allegat §. 35. editionem hujus Constitutionis Bambergensis, quae anno 1510. prodiit, primam omnium esse existimavit. Verum Struvius *Hist. Jur. Cap. 9. §. 27. & in nota p. 811.* sententiam Thomafii erroneam esse ostendit, aliam hujus Constitutionis editionem, quae jam anno 1508. prodiit, recensens.

§. CVI.

Quamvis vero ex his fatis adpareat, nihil reliqui factum esse sub Maximiliano I. & Carolo V. ut jus Romanum & Canonicum juris communis nomine in imperio reciperetur: semper tamen simul cautum est, ut foris ideo non extorres essent leges ac consuetudines patriae,

Non tamen penitus repudiatum jus Germanicum.

patriae, quippe quae fere semper nominatim confirmantur in constitutionibus Imperii. Maximilianus I. in *Ord. jud. Camer.* anno *MCCCCXCV.* Ein jeder soll seine Unterthanen in ordentlichen Gerichten, Rechten und Obrigkeiten lassen und halten, nach eines jeden Fürstenthums, Herrschafft und Oberkeits Herkommen und Gebräuchen. Et Carolus V. in *Ord. MDXXI.* Adfessores jurejurando obstringi jubet, ut judicent nach redlichen ehrbaren und Laendischen Ordnungen, Statuten und Gewohnheiten der Fürstenthümer, Herrschafften und Gericht, die vor sie bracht werden. Id quod deinde saepe numero repetitum esse, jam ab aliis observatum est. Vid. *Constit. Crim. Car. praefat. & Art. CXL.*

§. CVII.

Potius protestationes interpositae, quoties id actum.

Quin eo factum est, ut, si quando juris Rom. usus ordinibus obtruderetur paullo importunius, hi interpositis protestationibus, jura patria sibi reservarent. Ita Electorem Saxoniae protestatum novimus, leges de successione ab intestato juri Saxonico fraudi non futuras*. Speidel. in *Speculo sub voce Sachsen-Recht.* Thomaf. *Dissert. de potestate legislat. Stat. Imp. contra jus commune §. LI. sequ.* Quumque Nemesis Carolina multa ex jure communi sanxisset, similem protestationem interposuere multi Imperii Ordines, in primis Elector Brandenburgicus, Elector Palatinus(α), & hi quidem omnes ex ea ratione, quod

quod juribus patriae ea constitutione derogatum vellent Imperator & ordines. Kress.

Praefat. §. XXI. sequ.

* At sunt, qui hanc protestationem vocant in dubium. Observavit enim collega olim conjunctissimus, Chr. Gottfr. Hoffmannus *diss. de Joachimi I. Elect. Brandenb. Constitut. de Success.* p. 92. hanc protestationem non a Fridrico Electore, sed a Georgio Duce Saxon. interpositam esse, nec eam ad ipsam constitutionem de jure repræsentationis, sed ad controversiam de jure *coesedias*, quae tum inter Saxones & Bavaros gliscebant, pertinuisse. Utcumque se res habeat: certum sane est, id jus tum Saxones non recepisse, nec hodie illud omnes admittere.

(a) Imo & Elector Ducesque Saxoniae ea, quae in hac Constitutione Juri Saxonico refragarentur, respuerunt, quorum protestationem sibi ex Tabulario Vinariensi a Mullero missam exhibet Kressius *l. c. ubi & sub fin.* ex literis b. Wenckeri, nostratis, testatur, Ducis Juliacenensis legatos contra hanc constitutionem protestatos esse. Imo & civitatum legatos protestationem objecisse ex literis Wenckerianis docet Kressius *ibid. §. 20.* non quod ipsam Constitutionem respuerent, sed quod hoc negotium ipsis insciis & in consilium non vocatis actum esset, cui nomen dare sine jussu superiorum suorum non possent. Observat tamen Kressius Hagenoenses, Colonieneses, Wetzlarieneses, Nordlingenses, Mühlhusanos tandem huic Constitutioni subscripsisse, Argentineneses vero, Ratisbonenses, Norimbergenses, Augustanos, Ulmeneses, Esslingenses, Memmingenses atque Constantieneses a subscriptione abstinuisse.

§. CVIII

Eadem juris facies fuit & sub Ferdinando I. omnibusque insequentibus Imperatoribus. Status juris Germanici &

Quum

Romani
sub se-
quentibus
Imperato-
ribus.

Quum enim & Camerale judicium, deficientibus legibus & constitutionibus patriis, jura communia sequeretur, idque ipsi in omnibus ordinationibus, & maxime postrema anno MDCLIV. injungeretur: *Part. I. tit. 13. §. 1. & P. III. tit. 53. §. 9.* & idem postea Judicio Aulico ab Imperatoribus praescriberetur*, ipsi quoque Imperii Recessus, quoties de jure privato vel modo procedendi forensi aliquid fanciunt, fere semper juri Romano vel Canonico suffragantur: facile est ad intelligendum, magis magisque invaluisse juris communis auctoritatem, ita tamen, ut sua in primis juribus ac consuetudinibus patriis constaret auctoritas.

* De ordinationibus variis huic judicio praescriptis (*von Reichs-Hoff-Raths-Ordnungen*) ex instituto egit Er. Mauritius de *Judic. aulico §. XIX.* Prima est Ferdinandi I. Augustae MDLIX. promulgata; postrema Ferdinandi III. Ratisbonae anno MDCLIV. publicata, in qua *Tit. VII. 21.* Consilarii Aulici jurare jubentur *auf des Reichs Constitutionen und Satzungen, nebst der gemeinen beschriebenen Rechten*, & in fine tituli *§. XXIV.* praecipitur, *daß das Corpus Juris Civilis & Canonici allezeit auf der Reichs-Hoffraths-Tafel seyn solle, damit man sich derselbera gebrauchen koenne.*

§. CIX.

Provin-
ciae quae-
dam re-
pudiato
jure pa-
trio sese

Ast quod ad ordines & provincias urbesque Germaniae attinet, eorum aliis diligentior patrii juris mansit custodia, alii repudiato illo, Romano se plane submiserunt. Exemplo praeiverat sub initium saeculi XVI. FRI-
SIA,

SIA, de qua V. A. Zach. Huber. in praef. Ob- Romano
serv. Rer. Jud. Cent. I. Exortis diu post bellis plus submise-
quam civilibus, quibus per omne saeculum decimum runt, ve-
quintum concussa & turbata fuit Frisia, procax luti Frisia.
haec licentia miscuit eam, & quidquid ibi juris
legumque superfuerat, e medio sustulit: donec
tandem Saxoniae Duces, ALBERTVS & GE-
ORGIUS, quorum ille belli, hic pacis artibus
sua aetate in Germania maxima laude clauerunt,
gentem factionibus divisam, armis efferatam, hu-
manarum divinarumque legum nesciam, ac insolentem,
rerum petiti, in ordinem redegerunt, consti-
tuta civili reip. forma, & stabilita, GEORGII
potissimum opera, curia suprema, cui datum id
negotii fuit, ut jus Romanum tanquam suae juris-
isdictionis principium certum unice sequeretur,
ad dirimendas civium lites quotidianas*. Conf.
Ubb. Emm. Hist. Fris. Lib. II.

* Idem Vir amplissimus testatur, Frisios posthaec
ea lege se submisisse Carolo V. Imp. ut jus fori
redderetur, secundum praescripta legum Romanarum,
idque sibi eos pacto convento esse stipulatos.
Praesens etiam ipse observavi, sanctissime
ibi coli Themidem Romanam, ipsaque Statuta
Frisiae anno MDCCXXII. revisa & locupletata
pauca superaddere, quae a jure illo communi
longius recedant.

§. CX.

Ita & in MARCHIA BRANDENBURGI. Marchia
CA repudium juri Saxonico missum anno Branden-
burgica.
MDXXVII.; quo IOACHIMVS I. Elector
edidit Constitutionem de successionibus ab
intestato, & in praefatione fatetur, se cum
consen-

consensu Ordinum omnes constitutiones, privilegia & consuetudines abrogasse, iisdemque Ordines omnes renunciassse. Et quamvis Scabinatum Brandenburgensem confirmet, eum tamen jubet pronunciare secundum illam constitutionem, *und in andern Sachen nach beschriebenen Kayserlichen Recht*. Idem factum & anno MDXXXIV. in dem Landes-Revers *. Reliquos imitati sunt NOVAE MARCHIAE Ordines, ut profitetur Joannes Marchio *im Land - Tages - Abschied*, anno MDXXXIX. Et quamvis jus Saxonicum relinqueretur *denen Weichbildern, Crossen, Cottbus, Züllichaw & Sommerfeld*, diserte tamen excipiuntur *die beyde Articuli, die Succession und Erbfaelle belangend*.

* Verba Reverfalium in Codice meo MSCto priorum Recessuum Marchicorum ita se habent: *Und weil hiebevör die Staendte unser Landschafft sich eintraechtiglich mit uns vereiniget, daß hinfürder in unserm Churfürstenthum und Landen Kayser-Recht gehalten und gesprochen soll werden, derowegen sich unsere Praelaten, Herren, Mann und Staedte alle Gebraech und Gewohnheiten voriger Gericht und Rechts verziehen und abgesetzt: so ordnen und wollen wir, daß hinfürder in Erbtheilungen kein Heergewedde, Gerade noch Mustheil soll genommen, noch gegeben werden, besondern in dem und andern allen Kayser-Recht dergestalt, wie hiebevör in unser aufgerichteten Constitution und Ordnung der Erbfaelle geordnet, durch iedermänniglich solle gehalten werden. Idem deinde saepius sancitum veluti in recessibus provincialibus MDXXXVIII. & MDLXXII.*

§. CXI.

Idem de terris BRUNSVICENSIBVS & Ducatus
 LVNEBURGENSIBVS contigit. In illis jam Brunsvi-
 saeculis XIV. & XV. *geradam* seu *Frauenra-* censis &
dam Saxoniam Helmstadii esse abrogatam Luneb.
 a Magno Duce Brunsvicensi, & Joanne &
 Bertholdo, Abbatibus Werthinensibus &
 Helmstadiensibus, Martino denique Papa V.
 & Fridrico III. Imp. ostendit celeberrimus
 Jo. Andr. Schmidius, *de Helmst. per Frauen-*
radam adflicto p. 6. *sequ. ubi* p. 30. addit, in
 universo Ducatu Brunsvicensi & Calember-
 gensi consuetudinem illam demum anno
 MDCXXV. sub Fridrico Ulrico, Duce esse
 abrogatam. Sed quod ad ipsum jus Saxo-
 nicum attinet, illud satis constat, multo ante,
 saeculo XVI. ab Henrico juniore esse repu-
 diatum, surrogato in ejus locum jure Roma-
 no*. *Conring. Orig. Jur. Germ. Cap. XXXII.*
p. 203. Hahn. praef. Obs. ab Wefenbec. p. 18.

* Quumque Brunsvicum, civitas, jus Saxonium
 mordicus adhuc tenuisset: ea potiti Duces Brun-
 svicenses & ibi illud plane aboleverunt. Consti-
 tutionem Rudolphi Augusti Duc. Brunsv. & Lu-
 neb. anno MDCLXXV. ea de re editam recenset
 Stryk. *Diss. prooem. Us. Mod. Pand. §. XXX.*

§. CXII.

Eadem juris Saxonici fata in aliis provin- Aliaeque
 ciis fuerunt, veluti in POMERANIA & du- Germa-
 catu MECLENBURGICO, (vid. Cothmann. niae pro-
Vol. I. Consil. 26. n. 219. sequ.) nec non juris vinciae.
 Sxx Suevi-

Suevici in ducatu WVRTENBERGICO, ubi iudicibus negotium datur, *so nicht andere redliche und ehrbare Gewonheiten vorhanden, nach des H. Reichs- Rechten gleich zu richten. Wurtemb. Hoff- Gerichts- Ordn. Part. 1. tit. 9.* Qualia & in aliorum principum ordinationibus passim legas. Vid. *Erneurte Anhalt. Canzley- Ordn. §. XXVII. Magdeb. Policy- Ordn. in praef. quod* eo minus mirandum, quo magis constat, ne in ipsa quidem Saxonia juris Saxonici totius usum superesse, sed ipsos Saxonum prudentes fateri, illud valere, quatenus sit receptum. Hartm. Pistor. *Quaest. I, 16, 21. II, 13, 82. II, 25, 35. II, 26, 17.* Carpzov. *Process. XII, 1, 15. Coler. de Process. Exsequut. in praefat.*

§. CXIII.

Reforma-
tio reli-
gionis ju-
ris Rom.
incremen-
taadjuvit.

Quae juris Romani incrementa haud pa-
rum adjuvit felix illa temporum reparatio,
qua sub initium saeculi XVI. purior doctri-
na Christiana veluti reviviscere in Germania
coepit. Quo minus enim juri Canonico fa-
vere poterant protestantium theologi, quod
Lutherus flammis absumere non dubitarat:
eo magis evehebant jus Romanum. Vid.
Luth. Comm. ad Genes. XXIV, 1. Tom. IX. Alt.

§ CXIV.

Varia jura
provinci-
alia & sta-
tuta.

Denique observandum, omnes fere princi-
pes Germaniae a saeculo XVI. edere coepis-
se varias leges provinciales inscriptas, *Land-
Rechte, Policy- Ordnungen, Hoff- Gerichts-
Canz-*

CAP. IV. DE ORIG. ET PROGR. IVR. GERM. 1059

Cantzley, *Proceß - Gerichts - Ordnungen*, *Kirchen - Consistorial - Ehe - Ordnungen*, & innumeras hujus generis alias. Idem fecere civitates tum imperiales, tum municipales, in quibus passim condita varia *Statuta*, *Reformationes*, & *Willkühre*, quorum pleraque & principes territoriorum rata habuerunt. In his passim supersunt quaedam juris Germanici reliquiae, at multa ubique de novo sancita, pleraque ex jure Romano in illa translata animadvertimus.

§ CXV.

Jam ex his facile patet, quid de usu juris Romani & Germanici post tot eximiorum *J*ctorum concertationes tenendum videatur. Receptum sane esse jus Romanum, & quidem tamquam jus commune & subsidiarium, nemo temere negaverit, quum ipsa experientia id satis demonstret. Ac proinde primo loco tenendum I. *eum, qui jure illo nititur, eatenus firmo satis fundamento niti, neque ad receptionem probandam esse obstrictum.*

De usu juris cum patrii tum peregrinorum
Regula I.

§ CXVI.

At quum recepto jure Romano, non ideo in exilium plane actum sit jus patrium: consequens est, II. *ut primo omnium secundum jus Germanicum pronuntiandum, eoque demum deficiente, Romanum in subsidium sit adhibendum: III. utque adeo bene illi sibi suisque studiis consulant, qui IVRIS ROMANI & PATRII differentias mature investigant.*

Reg. II. & III.

§. CXVII.

Reg. IV.
& V.

Enimvero jam supra ostendimus, Capitularia Regum Francorum, multoque magis leges Wisigothorum, Burgundionum, Salicam, Ripuariam, Bajuvariorum, Alamanorum, Saxonum, Angliorum, Werinorum, Frisiorum, Langobardorum, jam ante plurima saecula exolevisse, ex eoque colligimus IV. *non esse jus Germanicum ex illis prisca Germanicarum gentium legibus aestimandum* *. Quin quum hae gentes diversissimis maximam partem usi sint consuetudinibus: ex eo facile unusquisque animadvertit, V. *latere eos lavare, qui ex tam diversarum gentium legibus, & institutis, quae principiis diversissimis nituntur, corpus & systema aliquod juris Germanici consui posse, sibi persuadent.*

* Itaque jus Germanicum hodiernum, cujus passim reliquiae supersunt, egregie quidem illustrari potest ex his aliisque gentium Germanicarum legibus: sed qui illis usum forensem hodie tribuunt, illis probatio incumbet, omnes illas leges jam olim in Germania universa receptas fuisse. Quod quum vel cogitare absonum est, & multo magis absurdum erit, ex jure Wisigothico vel Burgundionum ostendere velle, quale e. g. in hoc tractu Germaniae jus patrium olim viguerit.

§. CXVIII.

Reg. VI.
& VII.

Multo major quidem pro jure Saxonico & Alamannico praesumptio est, quia illud in inferiore; hoc in superiore Germania maximae fuit auctoritatis. Sed, quum jura illa, alibi

alibi defuetudine exolevisse, alibi lege publica abrogata, & nusquam plane tota recepta esse, demonstratum sit: per se patet,

VI. jura illa citantem non habere fundatam intentionem, nisi eorum usum in ea provincia, in hoc vel illo capite, superesse ostenderit. Quid? quod VII. ne in Saxonia quidem allegatio juris Saxonici alicujus momenti sit, nisi vel usus probetur, vel de eo aliunde jam satis constet.

§. CXIX.

Itaque fatis patet VIII. multos invehi in jus Reg. VIII.
IX. X. Romanum, multos juris Germanici usum mirifice commendare, qui quale sit illud jus Germanicum, quod tantopere commendant, scire cum ignarissimis videntur. Eisdem vero IX. incredibile damnum inferre reipublicae, dum jus Romanum & a tot saeculis magno studio excultum, manibus juvenum extorquere conantur, neque tamen jus patrium certius, & quod pro norma tuto sequi possint, illis ostendunt. Ex quo sane verendum, X. ne demum plane omnis juris certitudo in scholis & foro tollatur.

§. CXX.

Ut ergo pateat, quale sit istud jus Germanicum, cujus primo omnium in dirimendis litibus rationem esse habendam diximus: Reg. XI.
XII. &
XIII. sciendum XI. esse quasdam consuetudines Germanorum universales, v. g. pacta nuda producere obligationem & actionem, liberos per separatam oeconomiam exire patria potestate,

&c. quas tuto sane sequimur, etiamsi nulla scripta lege firmatae sint, nisi probetur, eas quibusdam casibus legibus restrictas esse: Deinde XII. multa Germanorum instituta passim confirmata esse statutis & legibus Germanorum, immo ipsis aliquando recessibus imperii, e. g. confirmationem tutorum, quae itidem nulla probatione indigent: denique XIII. passim vigere consuetudines particulares, nulla lege scripta firmatas, e. g. jus congrui, paroemiam: major dividit, minor eligit, quarum usus ex actuum conformium frequentia merito probandus est. Tales sunt veteres Germanorum consuetudines, quas collegērunt Schottelius, von unterschiedlichen Rechten in Teutschland, & Struv. Hist. Jur. VI, 34. sequ.

§. CXXI.

Reg. XIV.
& XV.

Si tale nihil occurrat, XIV. merito ad statuta topica (α), & his deficientibus, ad jura provincialia respicitur, in quibus multa quis latere videbit juris patrii λείψανα *, quae sive adhuc sincera sint, sive juris Romani laciniis deformata, pro norma esse, debent iudicibus. Multoque minus quisquam dubitabit, XV. quin sicubi statuta & jura provincialia jus Romanum in uno alteroque capite mutant, in ista juris patrii dispositione sit adquiescendum.

* Sic multa passim in Statutis reliqua sunt ex jure Alamannico & Saxonico. De hoc nemo dubitavit, qui jura provincialia Magdeburgica, Halberstadiensia, Anhaltina perlegerit. De Alamannico jam observavit Goldastus in Praef. der Reichs-Satzungen: es sey der Schwaben-Spiegel bey den Schwaben in Schwäbischen Gebieten, als

als *Algoewern, Schwoitzern, Pündnern, und Burgundiern*, noch zu guten Theil im *Schwanck*, und in ihre Statuta gezogen. Und a scopo aberravit V. C. D. Steph. Christoph. Harprecht, dum *Speculi Suevici* non usum demonstraturus, multa Jctorum responsa corrasit, super quaestionibus, *utrum Jus Feudale Alamannicum publice doceatur, & in decidendo pro norma habeatur, an jus feudale Langobardicum?* Quamvis enim nec publice doceatur, nec in Responsis allegatur, multa tamen ex eo vel moribus adhuc obtinere, vel lege scripta confirmata esse, nemo dubitat.

- (α) Merito huc refertur Paroemia: *Willkuhr bricht Landrecht, Landrecht bricht gemeine Recht*, i. e. Jus Civile Civitatis alicujus praefertur Juri Provinciali, Provinciale vero praefertur Juri Comuni, quam regulam huc etiam trahit *Emminghausius Memorab. Susat. in Praef. p. 12.* & post multos alios, a se uberrime citatos, ex parte explicat *Hertius Paroemiar. Jur. Germ. L. I. Par. 9.*

§. CXXII.

Deficientibus ejusmodi statutis, juribusque Reg. XVI. Provincialibus, XVI. nihil reliquum est, & XVII. quam ut *jus Romanum in subsidium adhibeatur.* Id quod etiam XVII. de IVRE FEVDALI LANGOBARDICO intelligendum, quippe una cum Corpore Juris Justiniani simul recepto, tamquam jure feudali subsidiario*, si consuetudines feudales patriae deficient.

* *Schilterus ad Jus Feud. Alam. Cap. XL. §. 4. 5.* producit duo diplomata *Ruperti Palatini, Regis Rom.* in quorum utroque mentio fit consuetudinum feudorum, usum scriptorum & non scriptorum, praesertim Capituli Naturales in rubrica, si

ca, si de feudo controversia fuerit, collatione X. in libro feudorum. Germanice: Des Gesetzes und Gewonheit in Keyserlichen Leben-Rechten begriffen in dem Capitel, das ansetzt Naturales in der Rubricken, ob umb Leben zweitracht were. Utrumque diploma datum est anno MCCCCIX.

§. CXXIII.

Reg.
XVIII.

Attamen nullum est dubium, quin XVIII. *ea, quae Jus Romanum sancit, ad jus publicum Rom. pertinentia, nec non quae principiis Romanorum, reip. nostrae parum concinnis, nituntur, nullum in foris nostris usum habeant, nisi recepta esse probentur. Quamvis hic Jo. Ottonem Taborum aliosque dissentire, non ignoremus.*

§. CXXIV.

Reg. XIX.

Denique XIX. IVS CANONICVM (α) *in protestantium foris, non nisi quatenus receptum est, valere, ejusque usum in causis praecipue ecclesiasticis, matrimonialibus, & processu, quem vocant, forensi superesse, jam ab aliis, & praecipue illustri BOEHMERO, Academiae nostrae ornamento ἐξ ἐπαγωγῆς seu per inductionem, ostensum est in opere eximio de jure ecclesiastico Protestantium.*

(α) Quando de auctoritate Juris Canonici per Germaniam quaeritur, primum est, ut tempora dissidium Religionis praecedentia distinguantur ab iis, quae sequuntur. Inde & causae distinguendae erunt, Ecclesiasticae nimirum a Civilibus. In Ecclesiasticis quidem causis illis temporibus Jus Canonicum in Germania omnino observandum fuisse arbitror, non tantum propter liberae receptionis effectum, sed & propter reverentiam summi

summi Pontificis, cui jus de rebus Ecclesiasticis per Germaniam statuendi, qui tum quidem negaverit, nullus fuit. Quod vero ad Civiles causas attinet, Jus Canonicum etiam in his, ex receptione libera tamen, auctoritatem per Germaniam obtinuisse, ex iis, quae supra dicta sunt, abunde constat, adeo ut jam Speculi Suevici Auctor C. 5. de Decreto & Decretalibus dixerit: auß den zweyen Büchern nimbt man all die Recht, der geistlichen und weltlichen Gericht bedarff ic. Atque haec quidem certa erant, si Jurium in Germania observandorum consensus aliqua in causa deprehendebatur. Quod si vero in causa quadam Civili Jus Canonicum ab aliis Juribus vel in Germania natis, vel ab ea receptis dissensisset, quaerendum erat, quid horum reliquis praefereendum esset. Tunc autem aliud de Juribus in Germania natis, & tum adhuc usu servatis, dicendum erat, aliud de Jure Civili Romano a Germanis libere recepto. Jura Germaniae patria sive ante receptionem Juris Canonici nata essent, sive post eam, modo de eorum usu constaret, Juri Canonico in casu dubio praeferenda fuisse, nullus dubito. Si jura patria jam ante Juris Canonici receptionem nata fuissent, tum huic praeferenda fuisse videntur, quia Jus peregrinum, quando in usum alicubi recipitur, in dubio semper censetur recipi in subsidium Juris patrii, si hoc deficiat, adeoque sub tacita conditione: *salvo Jure patrio*. Si jura patria Juris Canonici receptione sunt recentiora, tunc sane ab eo, qui jus leges in hac causa ferendi habebat, lata eo sine, ut in ea nunc Jus certum constituerent, tanquam Leges posteriores omnino derogabunt prioribus. Si vero Jus Canonicum a Jure Civili in causa etiam Civili, discreparet, tum quidem communis opinio assererat, Jus Civile praefereendum fuisse in terris Imperii, Jus Canonicum vero in terris Ecclesiae. De his vero hic non

loquimur, sed tantum de terris Imperii, in quibus tamen regulam mox allegatam gravissima limitatione restringunt: *nisi causa sit ita comparata ut suspicionem peccati involvat*; tunc enim Jus Canonicum Juri Civili Romano, imo & Legibus patriae Civilibus praeferendum dicunt, & praeter causas, quas pro Ecclesiasticis habent, v. g. matrimoniales, beneficiarias, bonorum Ecclesiasticorum, Decimarumque &c. huc referunt causas pactorum, stipulationum, omniumque contractuum, transactionum, piarum causarum, testamentorum, omniumque ultimarum voluntatum, praescriptionum, usurarum, processus judicii &c. adeo ut ipsam, quam sistunt, regulam tot exceptionibus fere evertant. Certior videtur regula: Jus Canonicum etiam in causis Civilibus Juri Civili Romano praeferendum fuisse. Utrumque quidem in his causis auctoritatem suam ex libera Germanorum, utrumque recipientium, voluntate acquisiverat. Verum ex iis, quae supra de Juris Canonici fati in Germania diximus, facile apparebit, Decreti Decretaliumque Corpus integrum jam in Germania notum receptumque fuisse, altasque radices egisse, cum Jus Civile Romanum adhuc per lacinias & partes ibidem inclaresceret, nec jam totum ejus Corpus Legem toti Germaniae communem constitueret. Ex supra dictis etiam colligimus, Jus Canonicum, toto etiam Juris Justinianeum corpore tandem recepto, tantam tamen inter Germanos adeptum fuisse auctoritatem, ut semper Justiniano corpore prius, dignius, clarius, aptius & aequius Germanis visum fuerit. Unde merito concludimus, Canonicum Civili, si cum ipso pugnasset, praeferendum fuisse, nisi quis in singulari quadam causa Civile prae Canonico receptum esse probasset. Orto Religionis inter Germanos dissidio nihil auctoritatis Juri Canonico in terris Catholicorum decessisse, eamque potius & hodie adhuc
ita

ita ibidem, ut diximus, aestimandam esse, arbitror. Inter eos vero, qui ab Ecclesia Romana discesserunt, Lutherus quidem nihil omisit, quo Juris Canonici usum dissuaderet v. A. N. §. 113. de Juris vero Romani prudentia magnifice plane sentiens, quod ipse indicat *Operum Altenburg. T. 6. f. 203. & sq. Jenensis 6. p. 156.* Und was darfs viel Worte, das Kayserliche Recht nach welchem das Römische Reich noch heutiges tags geregiert, und bis an den jüngsten Tag bleiben wird, ist ja nichts anders denn heidnische Weisheit, welches die Römer, ehe denn Roma von Christo oder Gott selber ichts gehöret hat, gesetzt und geordnet haben, und ich acht wohl wann ist alle Juristen in einen Kuchen gebacken, und alle Weisen in einen Trancß gebrant würden, sie solten nicht allein die sachen und handel unangefasset lassen, sondern auch nicht so wohl davon reden noch denken können. Dann solche leuthe haben sich in großen handeln müssen üben, sind darzu mit großer Vernunft und Verstand begabet geweest. Summa sie haben gelebt und werden nicht mehr leben, die solche Weisheit im weltlichen Regiment gehabt haben. Sed conatibus ejus impar respondit eventus, cum in ipsa Wittenbergen sium Academia graviter ipsi hac in parte resisterent Jcti Henningius a Goeden & Hieronymus Schurffius, partes ejus in aliis capitibus fortiter tuentes, hocque solo ab ipso dissidentes, allegatis rationibus; quod multa egregia & cum ipsorum sacris nequitquam pugnantia in Jure Canonico statuerentur; quae cum aliis a religione, quam profiterentur, alienis evertere aequum non videretur; praesertim cum alia, quae in hunc locum substituere possent, nondum condita essent jura. Addebant, quod Judiciorum forma & processus judicarii regulis, quas Jus Canonicum introduxisset, jam tota Germania imbuta esset, & hinc gravissima rerum oritura videretur confusio, si Juri Canonico repudi-

repudium mittere cogerentur, maxime cum ad Jus Civile Romanum, quod litium formam a rebus Germaniae maximopere discrepantem doceret, in his etiam causis confugere parum opportunum videretur. Unde usum Juris Canonici, in capitibus cum religione a se agnita non pugnantibus, strenue conservantes & discipulis suis & successoribus exemplo fuerunt, ut & illi Juri Canonico fortiter inhaerent. Hinc Melchior Klingius, Johannes Schneidewinus, Mathaeus Wesembecius, Joachimus de Beust, Eberhardus a Weihe, Johannes Zangerus usum Juris Canonici, quantum poterant, conservarunt. Accedebat, quod & ipsi Electores & Duces Saxoniae Fridericus, Johannes, Johannes Fridericus, Mauritius, Augustus, Christianus, Fridericus Wilhelmus usum Juris Canonici adeo non rejicerent, ut potius eum scriptis Legibus conservarent. Suffragabatur postea aliarum per Germaniam Academiarum consensus, v. g. Jenensis, Rostochiensis, Lipsiensis, Gieffensis, Marpurgensis, Tubingensis, Gryphiswaldensis, Altorffensis, adeo ut superioris saeculi Jcti celeberrimi v. g. Reinkingius, Carpzovius, atque Schilterus hujus Juris usum tanquam per Germaniam ubique agnitum suis Operibus magna cum cura adjuvarent & illustrarent, ipsique Theologi ad horum opera confugientes Juris Canonici placita in causis consistorialibus non raro sequerentur. Unde tandem colligimus etiam inter Protestantibus Juris Canonici usum, qui antea fuit, servatum esse, nisi vel ejus Decisiones cum principiis religionis Protestantium pugnarent, vel aliquis probare posset, Jus Civile in hac, quam ageret, causa speciatim prae Jure Canonico receptum esse. v. Thomasius in *Cautelis circa Praecogn. Juris Eccles. C. 21. 22. & 23.* & Boehmerus *J. E. P. L. I. T. 2. §. 58-76.*

HISTO-

HISTORIAE IVRIS GALLICANI EPITOME.

L. B.

Primas lineas historiae Juris Privati, quo Gallia a remotissimis saeculis per varias vicissitudines ad nostra usque tempora usa est, ducturus, non ea utique mente hoc, quidquid est opellae, aggredior, ut doctiorum desideria, plura & majora optantium, expleam; sed ut cultorum Juris, eorum praecipue, quorum haec scire maximopere interest, desideria accendam, somnumque, quo ad utilia hebescent, discutiam. Meis itaque votis tunc respondisse eventum dicam, si illi nullam contra me, nisi brevitatis, querelam moturi, pleniori opere sibi a me satisfactum velint; hi vero haec paucula saltem legant, aliqua, quae ne attingi quidem, dicta cupiant, aliqua, quae dixi, uberius exposita malint. Hujus quidem generis querelis si excitatus fuero, non despero fore, ut telam hanc, si Deus vitam & vires dederit, aliquando pertexam. Vale!

§. I.

Gallia olim in tres partes divisa, Belgicam, I. Perio-
Aquitanicam, Celticam, lingua, insti-
tutis, Legibus differebat (a), adeo quidem, LICA.
ut

ut hae partes iterum in varias Civitates & Pagos subdivisae fuerint (*b*), ita ut in singulis fere aliquid a more aliarum diversi agnoscamus. Sunt tamen quaedam, quae per omnem Galliam obtinuisseprehendimus, Juris capita, magis ad mores, quam ad Leges scriptas referenda, quorum aliqua recenserebimus. Huc merito refertur divisio Gallorum in duo hominum genera (*c*) nobiliora, Druides & Equites. Ad illos sacra, Judicia Civilia & Criminalia, consilia, institutio adolescentum, studia pacis referebantur. Ipsi ab omnibus oneribus immunes erant. Hi studia belli praeprimis tractabant. Plebs pene fervorum loco habebatur (*d*). Ex ea, qui aes alienum luere non poterat, nobiliori se in servitutem plane addicebat. Patri vitae necisque potestas in liberos, marito in uxorem erat (*e*), adeo ut, si de morte patrisfamilias accelerata suspicio nata esset, uxor servilem in modum torqueri juberetur. Maritus aequalem doti pecuniam conferebat, ita ut & dotalis & hujus pecuniae rationes conjugii, post mortem alterius, superstiti reddendae essent, eique utraque pecunia, cum fructibus ex matrimonii initio computandis, cederet. Mutuam pecuniam sub usuris credebant, ut apud inferos redderetur (*f*). Merces inferre, quae effoeminatos redderent, nefas erat praecipue in Gallia Belgica (*g*). Adolescentibus obesis esse non licebat (*h*), adeo, ut cinguli mensuram

ram excedentes multarentur. Ad concilium armatum, quod initium erat belli, & ad quod, lege communi, omnes puberes armati convenire cogebantur, qui ex iis novissimus venerit, in conspectu multitudinis, omni cruciatu affectus necabatur (*i*). Qui in concilio dicenti obstreperet, aut tumultuaretur, si a lictore tertium monitus non quiesceret, illi ab hoc tantum de sago amputabatur, ut reliquum esset inutile (*k*). Si compertum esset, uxorem mariti mortem procurasse, igne atque omnibus tormentis cruciata interficiebatur (*l*). Si quis privatus, aut publicus Druidum decreto non staret, illi sacrificiis interdicebatur, quae poena apud eos gravissima, cum numero impiorum & sceleratorum haberetur, cujus aditum sermonemque omnes defugerent, ne quid ex contagione incommodi acciperent (*m*). Quae ad statum publicum spectabant Leges, eas hic merito praeterimus.

(*a*) J. CAESAR. Comment. de Bello Gall. Lib. I. c. 1. §. 1. 2. PLINIUS Histor. Natur. Lib. IV. c. 17. P. MELA de Situ Orb. Lib. III. c. 2. AMM. MARCELLIN. L. XV. (*b*) J. CAESAR. Comm. de B. G. L. VI. c. 11. (*c*) J. CAESAR. ibid. c. 13. STRABO Geogr. Lib. IV. p. 197. edit. Par. 1620. tria genera agnoscit, *Bardos*, *Vates*, *Druidas*; AMM. MARCELL. etiam tria, *Bardos*, *Eubages*, *Druidas*. Major tamen est Caesaris fides, testis praesentis. (*d*) Adeo, ut in civium Galliae divisione ne mentionem quidem ejus faciant STRABO & AMMIANVS. (*e*) J. CAESAR. l. c. c. 19. (*f*) VA-

LER. MAXIMVS L. II. c. 6. §. 10. (g) J.
 CAES. I. c. L. I. c. I. §. 3. (h) STRABO Geogr.
 L. IV. p. 199. (i) JVL. CAESAR. I. c. L. V.
 c. 56. §. 1. 2. (k) STRABO Geogr. L. IV. p.
 197. (l) J. CAES. I. c. L. VI. c. 19. §. (m)
 IDEM I. c. c. 13. §. 6. 7.

§. II.

II. Perio-
 dus Ro-
 MANA.

Gallia a Romanis aliquoties tentata, ali-
 quando & victa, a Q. Fabio Maximo etiam
 ex ea, quae Italiae proxima est, parte do-
 mita, tota demum a Julio Caesare post gra-
 ve decem annorum bellum subacta Legibus
 Romanis se submisit; per Legatos olim &
 Proconsules, a temporibus Constantini M.
 autem ad Honorium usque per Praefectum
 Praetorio Galliarum, & inter hujus tres Vi-
 carios secundum, ita administrata est, ut in
 septendecim tunc provincias, sex quidem
 Consulares, undecim vero Praesidales divisa
 fuerit (a). Quod tum Juri Romano etiam
 Privato paruerit, nemo est, qui facile am-
 bigat, cum in provinciae formam ita sine
 dubio redacta fuerit. Magis adhuc Juris Ro-
 mani per Galliam usus tunc obtinuit, cum
 quibusdam Gallis Jus Civitatis Romanae
 datum est (b), imo maxime, cum ab Anto-
 nino Caracalla (c) omnes, qui sub Imperio
 Romano erant, jure Civitatis Romanae do-
 nati sunt (d). Ab usu Juris Romani Pri-
 vati tamen merito excipiendi, quibus suo
 Jure vivere permissum fuit, ut Massiliensi-
 bus a Caesare (e), imo Nerviiis, Sueffio-
 nibus,

nibus, Ulmanetibus, Leucis, Treviris, Lingonibus, Remis, Heduis, Carnutis, Meldis, Santonibus, Secusianis, Bituriginibus, Arvernīs (*f*), aliquibus horum forsan etiam a Caesare (*g*): adeo ut jam tum Gallia in Consuetudinarii & scripti Juris cultricem dividi commode potuisset; ita tamen, ut data tandem omnibus, ut diximus, Civitate Romana omnes etiam ejus Jura Privata agnovisse videantur.

(*a*) PANCIOLO. Comment. in Notit. Imp. Occid. C. 3. & 68. Quem saepius supra *Pancirollum*, mox *Panzirolum* nominavi, eum hic *Panciroolum* scribo, secutus cujusque libri, quotor, scribendi rationem, librorum *de Claris LL. Interpretibus* editionem antiquam primum, quae *Pancirollum* sistit, mox novam, quae *Panzirolum*, nunc *Commentarium* allegatum, ubi *Panciroolus* exhibetur, quod, ne quis varia scribendi ratione offendatur, moneo. Merito hic etiam consulendus est LVDEWIGIUS in Vita Justiniani c. 8. §. 72. n. 363. & §. 115. n. 603. ubi merito laudat librum elegantem sane & pereruditum, *de Galliae Praefectis Praetorio* &c. ab Aegidio LACARRYO, inter eruditissimos Patrum societatis Jesu utique reputando, *Claramonti* 1672. in 4. cum aliis opusculis editum.

(*b*) Quod cum de quibusdam Galliae Narbonensis oppidis jure Civitatis Romanae ab Augusto donatis ex Strabone probare conatus esset Lipsius, non satis consentientem habuit Ez. SPANHEMIVM O. R. Exerc. l. c. 15. p. 93. qui tamen aliquibus Galliae comatae primoribus id a Julio Caesare, & mox aliis ab Augusto datum, concedit, sed sine Jure suffragii, quod ipsis postea a Claudio concessum esse affirmat, Galliae vero comatae toti Jus Civitatis & quidem optimum

maximum a Claudio tum donatum esse, quod ex Taciti Annal. L. XI. & Senecae de Benef. L. VI. c. 19. colligit LIPSIVS ad Senecae l. c. id quidem negat SPANHEMIVS ib. c. 16. p. 95. & sq. (c) Quem hujus Constitutionis auctorem esse lynculentis testimoniis probat EZ. SPANHEMIVS O. R. Exerc. II. c. 4. (d) L. 17. ff. de statu hom. (e) Quod ex Ciceronis Orat. pro Fontejo c. 1. Strabonis Geogr. L. IV. p. 181. Dionis Cassii L. XLI. p. 165. & ipsius Caesaris de Bello Civ. L. II. c. 42. verbis colligit SPANHEMIVS ib. Exerc. II. c. 11. p. 235. (f) Quod ex eo colligitur, quod hos populos alios liberos, alios foederatos appellet PLINIVS Hist. Nat. L. IV. c. 17. 18. 19. in quam sententiam inclinat SPANHEMIVS l. c. (g) A qua opinione non multum alienus est SPANHEMIVS ibid.

§. III.

III. Perio-
dus BAR-
BARICA.

Cum paulatim saeculo praecipue V. Imperii Romani vires in his oris senescerent, exteræ gentes coeli clementia, & soli fertilitate invitatae in Galliam per intervalla temporum irruerunt, sedes sibi fixas in ea quaesiturae; barbarae a Romanis, omnes praeter veteres Italiae ac Graeciae incolas hoc nomine per contemptum notare solitis, dictae; quod nomen hae gentes ipsae sibi in honoris tandem titulum verterunt (a), Romanorum ita arrogantiae, qui sibi integras easque nobilissimas provincias a barbaris eripi paterentur, forsitan eo acrius illusurae. Praecipue Visigothi, Burgundiones & Franci maximam Galliae partem, Romanis ereptam, suae quidem ditioni ita subjicientes,
ut

ut majestatem Imperii Romani adhuc per aliquod temporis spatium comiter venerarentur (*b*), alii Leges jam ante ingressum in Galliam a se latas, ut Franci, alii Leges in ea a se conditas, ut Visigothi & Burgundiones, populis sibi subjectis praescripserunt. Hinc Corpus Legum Visigothicarum (*c*), Burgundionum Lex Gundobada (*d*), Francorum Lex Salica (*e*), totam tandem Galliam, singulae quippe in iis, quas quaeque gens sub sua ditione tenebat, partibus, occuparunt.

(*a*) Videantur, quae ad Heinecc. L. II. §. 10. n. (*γ*) p. 677. in f. notavimus. (*b*) v. HEINECCIVS L. II. §. 13. (*c*) De his Visigothorum Legibus agit Heinecc. l. c. §. 11. videantur, quae ibidem dicimus n. (*β*). p. 684. & sqq. (*c*) De Lege Gundobada v. HEINECC. l. c. §. 10. & annotationes nostras α. β. γ. p. 674. & sqq. (*d*) De Lege Salica v. HEINECC. l. c. §. 7. & 8. & quae ibi notavimus p. 661. & sqq.

§. IV.

Non tamen ita hae Leges Galliae imperarunt, ut omnem plane Juris Romani usum proscriberent. I. enim ipsae hae Leges aliquid ex Jure Romano adoptarunt. Et quidem Lex Salica nonnihil (*a*), Gundobada multum (*b*), plurima autem Lex Visigothorum ex Jure Romano (*c*) traxit. Quae tamen hic de Jure Romano dicimus, quod ejus aliquae partes in has Leges transfierint, ea quidem de Jure Ante-Justiniano intelligenda esse, facile quisque vel me tacente

Confer-
vatio Juris
Romani.

judicabit, qui aetatem, qua hae Leges natae sunt, Justiniani utique tempora praecedentem considerabit, quique serio perpendet, Justiniano quidem vix unquam quicquam juris in Galliam, nihil autem plane tum fuisse reliqui, postquam cessionem Narbonensis Galliae ejus, quam Romani Cis-Rhodananam dicebant, a Vitige Gothorum R. qui eam adhuc clientelari jure a Romanis tenuisse videtur, Francis factam suo consensu approbasset anno 536 (*d*). Unde postea justae omnino fuerunt querelae Theoberti Francorum R. quod Justinianus Francici nomine gloriari auderet (*e*). De Codice Legum Visigothicarum tamen, non eo, quem Evaricus collegit, sed eo, quem a Chindesvindo demum collectum (*f*) adhuc superstitem habemus, utique dicere non possumus, eum Justinianeus Juris tempora praecedere, quippe qui potius ea aetate compositus fuit, qua facile potuit aliquid ex Jure Justiniano commodato accipere; uti etiam illum ex hoc nonnihil traxisse jam supra observavimus (*g*). II. Hae gentes suas quidem Leges introduxerunt, sed ita tantum, ut vel Romanos, qui in Gallia sedem fixissent, vel Gallos indigenas, Romana Civitate olim donatos, & Romana Lege viventes, ea & in posterum vivere, libenter passae fuerint. Quod de Francis & Burgundionibus semper, de Visigothis autem usque ad Chindesvindum tantum affirmare possumus (*h*), cujus

tamen

tamen jamjam e Gallia remoti res gestae eam non tangunt. In hac itaque Periodo Leges Salicam, Gundobadam, Visigothicam, in suis quamque provinciis; Romanam vero ubique coluit Gallia.

(a) Vide, quae notavimus ad Heinecc. L. II. §. 8. n. (γ) p. 670. (b) Vide notam nostram (γ) p. 678. ad Heinecc. l. c. §. 10. & ipsum HEINECCIVM ib. §. 14. (c) Evolvantur, quae diximus ad Heinecc. l. c. §. 11. n. (β) p. 687. & quae ipse HEINECCIVS ib. §. 13. & 14. (d) v. PROCOPIVS de bello Goth. L. I. c. 12. & L. III. c. 33. (e) v. AGATHIAS Hist. Justiniani L. I. p. 9. edit. Lugd. Bat. 1594. (f) v. notam nostram (β) ad Heinecc. §. 11. p. 687. (g) vid. ibid. & HEINECC. l. c. §. 15. 17. 18. 19.

§. V.

Burgundionibus tandem subactis, pulsis IV. Periodo-
Gallia Visigothis, Narbonensisque Galliae dusFRAN-
parte extrema, quae clientelarem quendam cica AN-
cum Imperio Romano nexum ad haec us- TIQVA.
que tempora conservasse videtur, Francis a
Vitige cum consensu Justiniani anno 536.
cessa, soli tandem per totam, qua patet,
Galliam & ultra regnarunt Franci, Legis-
que Salicae usum per totam Galliam exten-
derunt. Non tamen omnia, quae antea
viguerunt, populorum instituta statim ces-
sarunt. Legis Gundobadae usum, finito
licet Burgundionum Regno, saeculo adhuc
IX. viguisse ex eo docemur, quod Agobar-
dus contra eam singularem eo saeculo li-
brum conscripserit (a). Quem Alaricus
Visigo-

Visigothorum Rex anno 506. in Gallia promulgavit Codicem (*b*), is tantum abest, ut pulsus Gallia Gothis ibi auctoritatem suam amiserit, ut potius multis adhuc saeculis quicquid Juris Romani in Gallia allegatum fuerit, id non aliunde, quam ex hoc Codice Alariciano haustum, existimari debeat, adeo ut & venerando plane *Legis Romanae* nomine hic Codex subinde insignitus fuerit (*c*). Quo argumento & Visigothorum instituta non plane abolita, & Juris Romani usum in Gallia a Francis & hac Periodo conservatum fuisse docemur (*d*).

(*a*) Vid. HEINECC. L. II. §. 10. (*b*) vid. ibid. §. 15. & quae nos ibi diximus. (*c*) vid. ibid. (*d*) ibidem §. 18. 19.

§. VI.

Capitularia.

Accefferunt mox Capitularia Regum Francorum, & in prima illorum stirpe non infrequentia, Childeberti, Clotharii, Guntramni, Childeberti Junioris, Chlotharii II. duo, Dagoberti Capitulare triplex (*a*) anni 630. Karlomanni primum anni 742. secundum 743. aliud incerti anni, forsan 744. & Pipini (*b*). Magnus autem Capitularium numerus sub Regibus & Imperatoribus Francorum Carolingicis prodiit, quorum licet aliqua ad Germaniam magis & Italiam spectarent, quam ad Galliam, multa tamen etiam generalia, & hinc ad Galliam non minus, quam ad alias Imperii Carolingici partes referenda, nec pauca specialia, Galliam solam

solam tangentia, ex ipsis Caroli M. & Ludovici Pii temporibus, prostant (c). Capitularia post Karlomannum (d), Ludovici Balbi filium, in Gallia condi desierunt, observata tamen per omnia Carolingicae stirpis tempora; imo, licet ipsorum observatio prima Capetingicae stirpis aetate per varias Procerum turbas interrupta aliquantum fuerit, tranquillioribus tamen mox temporibus ea vigori suo restituta videntur, adeo ut eorum auctoritas adhuc sub Philippo IV. Pulchro agnita fuerit (e). Legis tamen Salicae virtus per Capitularia adeo non infracta est, ut ea potius Caroli M. & Ludovici Pii Capitularibus aucta fuerit (f). Quanta vero reverentia & dignitas harum Constitutionum Francicarum olim fuerit, satis ex eodocemur, quod magnificum plane tum habitum fuerit inter gentes: *Francicis uti Legibus* (g). Jus vero Romanum ne per Capitularia quidem aliquid auctoritatis in Gallia amisisset, frequentia & Hincmari Rhemensis Archiepiscopi (h), & ipsorum Capitularium testimonia abunde testantur, adeo ut Carolus Calvus adhuc, si quid novi statuatur, sollicite subinde moneatur (i), se per id Juri Romano nihil detractum velle; qui, cum mox de singulis, *qui Lege Romana vivunt* (k), mox de integris regionibus, in quibus secundum Legem Romanam judicantur judicia, loquatur, per illos quidem eos, qui vel origine sua Romani, vel ex antiquis Gallis, civitatem

Romanam olim adeptis, oriundi, vel electione sua jus secundum Legem Romanam vivendi affecuti, per varias provincias sparsi erant, indigitare; sub his regionibus vero eas provincias intelligere videtur, quae, cum Italiae proximae sint, primae omnium ab iis occupatae, postremae derelictae, & propter viciniam Italiae perpetuo cum ea commercio junctae, Romani Juris usui plenius & fortius, quam quaevis aliae, semper adhaesisse videntur. Unde merito etiam rejicitur, quod temere Carolo M. adscribitur, Capitulum, quo is iisdem fere, quibus Chindesvindus Visigothorum Rex usus est (l), verbis Legum Romanarum usum forensem prohibuisse jactatur (m), quod, cum Benedictus Levita, quinti, sexti, septimique Libri Capitularium Collector, sua undique & aliqua quidem ex Codice Visigothico corraferit, ex eodem sine dubio haustum huic Capitularium Libro, in quo paucissima Caroli M. sunt, inseruisse & Caroli M. nomine incaute vel subdole notasse videtur (n).

(a) Quod tamen non nisi Legis Ripuariorum, Alamanorum, & Bajuvariorum renovatae & auctae promulgationem continet, & a BALVZIO Capitul. Tom. I. p. 26-139. exhibetur. (b) Quae omnia cum quibusdam aliis exhibentur a BALVZ. l. c. p. 5-188. vid. HEINECC. L. II. §. 29. (c) Quae de Capitularium nomine, forma, natura, collectionibus &c. scitu necessaria sunt, ea discussa sunt ab HEINECCIO l. c. §. 38. 39. 40. 42. & ibidem in notis. (d) Cujus aliqua supersunt apud BALVZ. Capit. T. II. p.

281. §^o *sqq.* (e) Quod insigni testimonio probat BALVZIVS Praef. ad Capit. §. 36. 37. (f) v. hac de re HEINECC. l. c. §. 37. (g) Quod testimonio Monachi Sangallensis probat BALVZIVS Praef. §. 1. ubi de dignitate harum Legum, uti & HEROLDVS in Praef. ad Codicem LL. Antiquarum, plura differit. (h) Quae copiose allegat HEINECC. L. II. §. 44. (i) v. ejus Edictum Pistenfe de an. 864. C. 20. 28. 34. apud BALVZ. T. II. p. 174. ubi verba c. 20. apprime huc faciunt: *in illis autem regionibus, in quibus secundum Legem Romanam judicantur judicia, juxta ipsam Legem committentes talia judicentur: quia super illam Legem vel contra ipsam Legem nec Antecessores nostri quodcunque capitulum statuerunt, nec nos aliquid constituimus.* (k) C. 28. de illis autem, qui secundum Legem Romanam vivunt &c. adde C. 34. (l) LL. Visigoth. L. II. Tit. I. c. 9. (m) v. CAPITVLAR. L. VI. c. 269. edit. Pithoeanae. (n) Conjectura haec est CIRONII Observ. Jur. Canon. L. V. c. 4. p. 113. & sq. cui etiam subscribit ARTHVRVS DVCKIVS de usu & Authorit. Jur. Civilis Rom. L. II. c. 5. §. 15.

§. VII.

Aliam nunc merito Periodum ordior, inter duas Francicas *Mediam*; siquidem Juribus tantum non omnibus, quae in *Antiqua* obtinuerunt, quod ad usum causarum privatarum forensem attinet, antiquatis, quodcunque Juris Civilis Privati genus hodieque in Gallia observatur, id in hac *Media* Periodo natum, in *Nova* perfectum est. Initia hujus Mediae Periodi in ultimis Carolingicae, & primis Capetingicae stirpis temporibus quaerenda esse, omnino existimo. Pri-

V. Periodus
FRANCI-
CA ME-
DIA.

Origo
Consue-
tudinum.

ma statim se offert Consuetudinum, quibus plurimae provinciae per Galliam reguntur, origo. Non hic generalia quaedam Juris praecepta, Galliae quidem propria, sed tamen omnibus ejus provinciis aequae communia (a) intelligo. Nec Chartas Regias huc traho, quibus vici pagique jure Civitatis ornantur, aut Civitates jam constitutae privilegiis, immunitatibus, emolumentis, variisque praerogativis donantur (b), cum magis ad jura publica totius civitatis, quam privata civium negotia definienda, faciant. Nec huc refero, quicquid moris in singularibus quibusdam casibus receptum est, etiam in locis, quae Jure scripto reguntur, quod non nisi tanquam exceptio a regula communi, quam Jus scriptum ibi constituit, considerari debet. Per Consuetudines potius hic intelligo complexum multarum regularum Juris Privati, longo usu introductarum, tacitoque Principis consensu approbatarum, quibus integrae Civitates aut Provinciae in negotiis civium privatis ita utuntur, ut tantum in casibus, qui his regulis decisi non sunt, locum alii Juri subsidiario relinquunt. Has in plerisque Galliae Civitatibus & Provinciis hac Periodo natas esse asserimus. Sunt quidem (c), qui eas altius repetant, & ex prima Francorum Periodo derivent, cum in ea jam Provinciae Italicae proximae, primae a Romanis subactae, & novissimae omnium derelictae jam tum unice

Jure

Jure Romano regerentur ; reliquae vero commixtionem quandam Legum Salicae, Gundobadae, Gothicae & Romanae agnoscerent, & eo facilius mores ex pluribus Legibus mixtos induerent. Praecipue vero in hac sententia confirmantur, quod in Marculphi aliisque formulis antiquis invenisse se credant, Provincias has Italiae vicinas Romanas dici, & opponi caeteris, quae Legem Salicam, *moris* nomine ibidem, uti augurantur, acceptam agnoscerent. Nos vero huic sententiae non ex omni parte subscribere possumus. I. Quia Consuetudinum, quae supersunt, antiquissimae nec sermonem, nec morem Merovingicis temporibus satis respondentem servant. II. quia, quae ex Carolingicis temporibus prostant historiarum monumenta, alia omnia magis, quam divisionem Galliae in provincias Juris Scripti & non Scripti jam tum cognitam admittunt. III. quia Leges, quae in provinciis Galliae tum regnabant, Salica, Gundobada, Gothica, Romana, omnes ad Jus scriptum utique referendae sunt, quocunque demum sensu *Juris Scripti* vocabulum accipiatur, sive vulgari pro eo, quod in literas redactum est, sive Legali pro eo, quod expressa Legislatoris voluntate promulgatum est. IV. quia, si quid est in illis Marculphi vel aliis Formulis, quod Legem Salicam sub *moris* vel *consuetudinis* voce latere persuadeat, quod tamen nusquam invenimus, non desunt tamen, quae

quae eam a more distinguant (*d*). Nos itaque cum hac, quam allegavimus, sententia ex parte consentientes facile admittimus *primo*, quod ea, qua quaedam provinciae utebantur, Legum variarum commixtio non nihil singularum auctoritati detraxisse videatur, adeo ut, cum singulae non aequali & communi omnium ejusdem provinciae incolarum obsequio niterentur, facilius labi, & ex ipsarum ita collapsarum reliquiis inter se confusis, usu per temporis lapsum confirmato, Consuetudines nasci potuerint. Unde & *secundo* lubentes concedimus, quod eae provinciae, quae integrae unum Jus & quidem Romanum, omnium amplissimum, omnibusque fere, quae se offerre poterant, negotiis sufficiens ab antiquissimis temporibus pertinaciter observaverint, non facile incertis consuetudinis alicujus natalibus occasionem dare, nec eam fortuito nascentem non statim deprimere aut protinus extinguere potuerint. Haec omnia quidem causam, ut ita loquamur, remotam divisionis Galliae in provincias Juris scripti & non scripti constituunt. Proximam vero cum viris eruditissimis (*f*) ex turbis, quae ultima Carolingicae & prima Capetingicae stirpis tempora affligerunt, merito derivamus. Illa enim tempestate Proceres Regni caput extollentes, Regiae Majestatis reverentiam negligere, beneficia ad tempus vitae concessa in hereditaria convertere, jura magistratus, quae

quae auctoritate & jussu Regio exercere debebant, propria sibi vindicare & jura summi Imperii affectare ausi, Regibus saepe graves, sibi invicem infesti extiterunt. In hac rerum confusione Legum nulla cura habita, cum omnia manu gererentur, & lites ferro magis, quam jure deciderentur. Hinc Leges sua diversitate jam satis infirmatae, facilius oblivione & desuetudine obliterabantur; atque, ne tamen omnis juris usus tolleretur, partim ex illarum reliquiis, partim ex novis privatorum inventis, aliorum consensu paulatim receptis, & ipso temporis lapsu comprobatis, novae ubique Consuetudines surgebant. Accedebat, quod ipsi Proceres in ea consilia studiose incumberent, ut, quae sibi subjectae essent provinciae, moribus etiam ab aliarum sibi non parentium consuetudine diversis distinguerentur, & vincula amicitiae & commercii unius provinciae cum aliis eo magis rumperentur, atque ita conjunctioni provinciarum, earumque ad Regia jura revocationi graviora, ut putabant, impedimenta obvolverentur. Cum ea, quae clam, sensim & repetitis demum actibus introducuntur, initia non habeant luci satis exposita, ut certis annorum & dierum notis signari possint, facile intelligere possumus, quod singularum Consuetudinum natales certo annorum numero affigi non possint. Qui vero has, quas hic suggerimus, conjecturas aequa lance ponderabit,

bit, facile nobiscum in hanc sententiam inclinabit, Consuetudinum Galliae originem generatim ex hoc temporum, quod indicavimus, intervallo derivandam & divisionem Galliae in provincias Juris scripti & non-scripti huic epochae assignandam esse. Illud certum est, Honorium III. S. P. (g) hanc divisionem sibi jam probe cognitam habuisse anno fere 1220. deque ea tanquam re notissima jam loqui Philippum Pulchrum R. an. 1312. (h) In iis itaque provinciis, in quibus Jus Romanum, ob rationes modo indicatas, altiores jam radices egerat, ibi id etiam inconcussum mansit ad hanc usque diem, ita ut eae hodieque provinciae Juris Scripti appellentur, nempe Aquitania (i), Occitania (k), Provincia, Delphinatus, provincia Lugdunensis, Forefia (l), provincia Bellojocensis (m) & magna pars Arverniae (n), & generatim provinciae omnes, quae Curiis Supremis Tolosanae, Burdigalensi (o), Gratianopolitanae (p), Aquis (q), Paviensi (r), & aliquot, quae Parisiensi subsunt. Reliquae igitur provinciae Galliae, quarum nomina hic non indicavimus, Consuetudinibus reguntur, & hinc Consuetudinariae aut Juris non-Scripti provinciae appellantur. Consuetudinum Galliae, si tantum majores computentur, numerus ad 60. usque ascendit, si minorum etiam, & quae in Gallia Belgica sunt, calculus ineatur, ad 285. fere excrefcit.

(a) Cujusmodi aliqua collegit CHOPPINS de Commun. Gallic. Consuet. Praecept. P. II. ubi C. 1. ea, quae toti Galliae, c. 2. quae Provinciis Juris Scripti, c. 3. quae Provinciis Consuetudinariis communia sunt, exhibet. (b) Quas tamen huc trahi video ab ARGOVIO (M. Argou) Scriptore alias elegantissimo, Jurisque Gallicani interprete solertissimo, Histoire du Droit François §. 22. p. 81. quam Praefationis loco praefigit libro sub Tit. Institution au Droit François, Paris. 1739. duobus Tomis in 8vo edito. (c) uti prae aliis hanc sententiam tuentur CIRONIVS Observ. Jur. Canon. L. V. c. 6. p. 122. & c. 7. p. 128. ARTH. DUCKIVS de Usu & Auth. Jur. Civ. Rom. L. II. c. 5. §. 12. & 23. (d) Ita ipse CIRONIVS l. c. p. 128. in f. ex Veteribus Formulis apud PITHOEVM haec verba allegat: *N. filius, N. puellam ingenuam per solidum & denarium secundum Legem Salicam & antiquam consuetudinem sponsavit.* Quis vero cum CIRONIO hicasseret, FREDEGARIVM nuptias Clodovei & Clotildis contractas esse, *ut mos erat Francorum*, dicentem, omnia ea exprimere, quae Formula Vetus per verba: *secundum Leges Salicam & antiquam consuetudinem*, efferret adeo, ut verba Fredegarii commode possent in locum verborum, quibus Vetus Formula utitur: *secundum Legem Salicam*, substitui? Quis enim non intelliget, quod, si haec substitutio fieret, insipida geminatio oritura sit, & consuetudinis in eadem propositione mentio sine ullo fructu repetita dici debeat, cum tamen Vetus Formula duo dicat, nempe N. filium observasse primo *Legem Salicam*, & simul *antiquam consuetudinem*, cum Fredegarius de uno tantum, nempe de antiqua consuetudine loquatur. (e) Unde & in antiquissimis, quae extant, Galliae Consuetudinibus aliqua, licet levia, vestigia, Legum antiquarum genium spirantia, in mensura & pretio vul-

nerum,

nerum, in poenis criminum pecuniariis, in securitate aliquibus contra bellorum privatorum & diffidationum injurias concessa, aliisque similibus non difficulter deprehendimus. (f) P. DE MARCA Histoire de Bearn Liv. V. chap. 2. §. 7. BALVZIO Praef. ad Capit. §. 37. AVCTORE ANONYMO: Institution du Droit Romain & du Droit Francois avec des Remarques par FRANCOIS DE LAVNAY &c. Liv. I. chap. 13. §. 47. &c. chap. 14. §. 12. &c. chap. 15. §. 16. &c. ARGOV L. c. §. 14. (g) in Cap. *super Specula* &c. 28. X. de Privil. & excess. in verbis: *quia tamen in Francia & nonnullis provinciis laici Romanorum Imperatorum Legibus non utuntur* &c. ubi per Franciam sine dubio non totum Regnum Francicum, sed sensu strictiori ea illius provincia, quae Insula Franciae appellari solet, intelligi debet. (h) Ordonnance touchant l'Etude du Droit Civil & Canonique a Orleans, ubi haec verba occurrunt: *Regnum nostrum consuetudine moribusque praecipue, non jure scripto regitur, licet in partibus ipsius Regni quibusdam, subjecti, ex permissione nostrorum progenitorum & nostra, juribus scriptis utantur in pluribus* &c. v. Ordonnances des Roys de France de la troisieme race &c. par Mr. DE LAVRIERE Vol. I. p. 501. (i) Guyenne. (k) Languedoc. (l) le Forets. (m) le Beaujolois. (n) Auvergne. (o) Bourdeaux. (p) Grenoble. (q) Aix. (r) Pau.

§. VIII.

Scripta
Consuetudinibus
affinia.

Superfunt ex ea, quae Consuetudinibus nascentibus proxima est, aetate aliquot veterum Auctorum opera, illud Jus Consuetudinarium apprime illustrantia, quae propter reverentiam antiquitatis ipsis Consuetudinibus accenseri solent. Nollem, quod aliqui

qui faciunt, huc referre Codicem illum Ludovici Sancti, *Les Etablissements de St. Louys Roy de France, selon l'usage de Paris, & d'Orleans, & de Court de Baronnie*, inscriptum. Licet enim vel ipse Titulus aliquam Consuetudinis Parisinae & Turonensis &c. collectionem prae se ferat, licet alius Codex MSctus Titulum, *Usages de Touraine & d'Anjou* praeferens, illius fere capita & verbareferat, licet saepius etiam sub nomine Consuetudinum Andegavensium & Turonensium allegetur, & harum provinciarum Consuetudines, hodieque superstites, multa hujus Codicis Ludoviciani capita ipsissimis verbis exhibeant, tamen vel ipsa verba Praefationis, quae huic Codici praefigitur, eum ideo compositum esse, ut in tota Gallia, *dans toutes les Cours laies de France* observetur, testantia, satis probant, eum non Consuetudinem aliquam hujus vel illius provinciae singularem esse, sed normam toti Regno constituere; imo alia, quae inferius referuntur, argumenta ostendunt, eum non inter Consuetudines, sed Ordinationes Regias, locum suum tueri (a). Propius huc omnino spectat Petrus Fonteneus, ex Veromanduis oriundus, ejusque Comitatus Bailivus an. 1253. imo senator etiam in suprema Curia an. 1260. tantae dignitatis, ut in quibusdam Judicatis nobilioribus inter subscribentes proximum a supremo rerum praecipue militarium Praefecto, quem Connestabilem

bilem vocabant, locum occupaverit, tantaeque apud Ludovicum Sanctum gratiae & existimationis praecipue in negotiis dirimendis fuerit, ut ipse Joinvilla testetur, eum cum Gothofredo Villetto saepius gravibus causis decidendis adhibitum fuisse, que le Roy commandoit souvent a Monseigneur Pierre de Fontaines, & a Monseigneur Geoffroy de Villette de delivrer les parties &c. Hic in opusculo, quod sub Titulo: *Le Conseil que Pierre de Fontaines donna a son Amy*, exhibet Cangeus (b), Jus Consuetudinarium ejus temporis explicat & per Leges Pandectarum & Codicis Justiniani illustrat, seque in Praefatione primum esse, qui de ordine judiciario Galliae scripserit, testatur: *Nus n'emprît onques mais ceste cose devant moi.* In hunc censum etiam refertur aliud ejusdem, uti pluribus videtur (c), Fontenei opus, quod sub titulo: *le Livre de la Reine Blanche* laudari solet, vel uti alibi allegatur (d), *li livres la Reigne & enseigne droit a fere & Justice a tenir tres-especiement*, qui liber ab eruditioribus Consuetudinum interpretibus non raro ad eas illustrandas allegari solet (e). Huc maxime etiam spectat *le grand Coustumier de France & Instruction de pratique, & maniere de proceder & pratiquer es Cours de Parlement, Prevosté & Vicomté de Paris* (f). Aliud opus ejus generis allegatur: *Pour monstrier & enseigner a un chascun, quel ordre de proceder est en Court laye, par la coustume gardée par droit au Chastelet de Paris* (g).

Prae

Prae caeteris vero laudari solet infigne Philippi Bellomanerii (de Beaumanoir), quod de Consuetudinibus Bellovacensibus reliquit, opus sub Titulo: *Livre des Coustumes & des usages de Beauvaisins, selon ce que il corroit ou temps, que ce livre fut fait, est a savoir en l'an de l'Incarnation de Nostre Seigneur 1283*. Magnae molis volumine septuagintaque capitibus, multa cura & industria conscriptis ordinem judicarium ejus temporis explicat, ut adeo ipsius opus Buticularii *summae Rurali* palmam omnino praeripere censeatur (b). Ipse Bellomanerius Baillivus Claromontano-Bellovacensis sub Roberto, Ludovici S. filio, Claromontii Comite, fuisse perhibetur, & anno 1295. etiam Baillivus Sylvanectensis (de Senlis). Plura ejusmodi adhuc allegari possent scripta, sed haec ad instituti rationem sufficiunt. Duo tantum observo, quorum primum est, quod haec, quae allegavimus, opera multum passim ex Jure Justiniano trahant, atque ita ejus frequentem etiam in Consuetudinibus usum jam tum temporis satis loquantur; alterum est, quod haec opera tantae olim fuerint auctoritatis, ut ea, cum postea hae Consuetudines in scripturam redigerentur, in iis concinnandis diligenter in consilium vocata fuerint.

(a) v. CANGREVS Histoire de St. Louys, IX. du nom, Roy de France, écrite par Jean Sire de Joinville &c. P. III. ubi hunc ipsum Codicem exhibet, atque in Praefatione ad hunc Codicem ea, quae diximus, probat. Adde: Ordonnan-

ces des Roys de France de la troisieme race &c.
 Vol. I. par Mr. DE LAVRIERE &c. in Praef.
 §. 46. & *sqq.* (b) ex cujus Praefatione ad III.
 partem eorum, quae cum Joinvilla edidit, haec
 de Fonteneo petita sunt. (c) vid. CHOPPINVS
 de Doman. Franciae L. I. T. 10. §. 9. & de Sa-
 cra Politia L. III. Tit. 4. §. 15. PITHOEVS
 Comtes de Champagne p. 584. CANGEVS Praef.
 ad Part. III. Joinvillae. (d) a CHOPPINO Con-
 suet. Andegav. L. I. c. 75. n. 5. (e) v. CHOP-
 PINVS ibid. & de Doman. l. c. GALLAND
 Tr. du Franc-aleu p. 88. 90. (f) v. CANGEVS
 l. c. CHOPPINVS in Consuet. Paris. L. I. Tit.
 3. §. 35. L. II. T. 7. §. 1. & *sqq.* Aetas hujus
 libri ad Caroli VI. R. tempora referri solet. (g)
 CANGEVS l. c. CHOPPINVS Consuet. An-
 degav. L. I. c. 2. §. 10. Consuet. Paris. L. I. Tit.
 3. §. 26. 29. (h) Ita sane sententiam fert rerum
 harum optimus iudex CANGEVS l. c.

§. IX.

Introdu-
ctio Juris
Justinia-
nei.

Vix in Italia, saeculo XIImo nondum ad
 medium usque progresso, Jus Justinianum
 inclarescere coeperat, cum viciniore Gal-
 los, fama rei excitatos, cupido accenderet,
 hujus doctrinae fructus patriae inferendi.
 Invitabat eos non tantum rei novitas & vi-
 cinia loci, sed ipse Romani Juris, quod
 ad ea usque tempora in provinciis Galliae
 proximis Italiae coluerant, usus constans.
 Nec enim ea tum erat temporum felicitas,
 ut in origines rerum antiquiorum inquirere,
 & ita agnoscere potuissent, id quod in Italia
 nunc revivisceret, Jus Romanum suo, quo
 ipsi hactenus usi essent, Juri Theodosiano
 affine quidem esse, sed ab eo tamen diver-
 sum.

sum. Romanum antiquius a recentiori satis distinguere non poterant, sed id, quod in Italia doceri audierant, idem esse, quod ipsi colerent, Jus Romanum, auctum quidem magisque perfectum, facile existimabant. Primus omnium Gallorum, qui Juris Justiniani usum in patriam transtulit, merito nominandus est Petrus Placentinus, civis Montispeffulanus, qui fama Juris Romani in Bononiensi Universitate renascentis excitatus, in Italiam transiit, Irnerioque ejus restauratori, vel, ut alii malunt, Martino illius discipulo sedulus auditor per aliquot annorum spatium adhaesit, fructusque ibidem collectos redux in patriam in ejus sinu deposuit, Jurisque Justiniani doctrinam ingenti Auditorum ex omnibus Galliae partibus advolantium multitudini felici cum successu exposuit (a). Paulo post Bagarotus & Johannes Blanascus, Galli, iisdem studiis incubuerunt, ita tamen, ut Bononiae, quam ibi sua sibi diligentia comparaverant, Legum Romanarum scientiam, publici ibidem Juris interpretes constituti, redderent, non in patriam, nisi per discipulos ex Gallia advolantes effunderent. Guilielmus vero Durandus, a *Speculo Juris*, quod composuit, *Speculator* cognominatus, Decanus Ecclesiae Carnotensis, mox Episcopus Mendesianus, Jus Justinianum insignibus, eo quidem tempore, Operibus, nempe *Speculo* & *Repertorio* Juris sub medium saec. XIII. in

ipsa Gallia illustravit. Iisdem temporibus Guido Folcautius, aliquot libris Jurisprudentiam Justinianeam in Gallia ornavit, postea ad Cathedram summorum Pontificum sub nomine Clementis IV. evectus. Sub finem saec. XIII. & initia XIV. Jacobus Ravennas, e Lotharingia oriundus, Tolosae mox Jus Romanum magno cum applausu docuit, discipulo gavisus Petro de Bella-Per-tica, & ipso Gallo, sive nunc ex Comitatu Burgundiae, sive e provincia Aurelianensi, sive Nivernensi oriundo, cum in ejus patria assignanda scriptores maximopere dissident (b). Addendus est Lambertus de Castello, ex illustri Dominorum de Castello novo (c) prosapia, ut videtur, deducendus, qui Juris Romani studia Parisiis exposuisse dicitur versus ultima saec. XIII. tempora, Radulpho, vel, ut aliis videtur, Pandulpho de Columna, Canonico Carnotensi, discipulo clarus. Hos alii mox majori numero secuti sunt. Et horum quidem Jurisconsultorum opera Jus Justinianicum facile in Gallia, Jure Romano, licet Theodosiano, jam antea imbuta, receptum est, Regibus primum tacito, mox expresso consensu annuentibus.

(a) v. quae de eo dicit HEINECCIUS L. I. c. 6. §. 416. & n. (β) ibid. Heineccius l. c. *Ottonem* appellat, cui alii *Petri* nomen tribuunt. Adde HEINECC. L. II. §. 58. (b) vid. de his omnibus TERRASSON Histoire de la Jurisprudence Romaine P. IV. paragr. 9. p. 446. & seqq. (c) v.

(c) v. Eloges Historiques des hommes illustres de la province du Thymerais, n. 1. Par. 1749. cujus libri Auctor ipsum *Lambert du Chastel ou de Chateaufneuf* nominat, atque ex hac gente natum auguratur, conjecturae suae argumenta petens ex dedicatione libelli, quem hujus Lamberti suafu conscriptum discipulus Praeceptor in- scripsit, quique postea sub Titulo: *de Translatione Imperii Romani* cum aliis ejusdem argumen- ti opusculis Basileae 1539. ex officina Oporini prodiit.

§. X.

Ita Juris Justiniani usus mox per totam Galliam se diffudit adeo, ut etiam Codicis Justiniani versionem Gallicam primorum a reductione hujus Juris temporum post Cu- jacium (a) laudaverit Marquardus Frehe- rus (b), & in ipsa Regni metropoli publice jam saeculo XII. illud Jus expositum fuerit, & tanto quidem cum successu, ut fama ejus rei multos ex remotissimis regionibus audi- tores alliceret, & inter hos maxime nobilio- res Danos (c). Luculentum autem hujus rei testimonium ex ipsa Honorii III. S. P. cum consensu Philippi Augusti R. edita Consti- tutione (d) petimus, qua amplissime pro- batur, ante eam Constitutionem, quae anno 1220. adscribitur, jam tantam fuisse Juris Justiniani in Parisiensi Universitate docendi frequentiam (e), ut vel in gravissimum jam- jam abusum, praecipue per virorum Eccle- siasticorum conatus abierit, Legibusque coërceri, imo plane ex illa Universitate pro-

Capitis
Super Spe-
cula &c.
sententia.

scribi meruerit. Maximopere circulos Juris Justiniani in Gallia per hanc Constitutionem turbari, multi crediderunt, eamque in varios etiam sensus traxerunt. Verum res ipsa docebit, Juri quidem Romano aliquid in Universitate Parisiensi, nihil autem ullibi in judiciis Galliae ea quidem Constitutione decessisse. Scilicet cum Saeculo XII. frequens Theologorum studiorum fastidium per plura Galliae monasteria serperet, & virorum Religiosorum animos contagione sua non parum corrumperet, ita, ut ad *physicam & mundanas Leges*, id est pro sermone ejus aetatis, ad medicinam & Jus Civile frequenter dilaberentur, eorumque studiorum addiscendorum gratia extra monasteria sua vagarentur, colorem suis conatibus obducetes, illi quidem, *ut languentibus fratribus melius consulere*, hi vero *ut Ecclesiastica negotia fidelius pertractare possent*, tandem Alexander III. S. P. in Concilio Turonensi an. 1180. statuit(f), ut nulli ad haec studia addiscenda permitteretur monasterio exire, ut, qui exierint, redirent intra bimestre spatium, & qui intra hoc tempus non redierint, tanquam excommunicati evitentur, in nulla causa, si patrocinium praestare voluerint, audiantur, reversi sint in choro, capitulo, mensa & caeteris ultimis, & totius spem promotionis amittant, nisi ex misericordia sedis apostolicae haec spes ipsis restituta fuerit. Cum ne sic quidem in officio Religiosi contineri possent, sed varias excusationes

nes quaererent, tandem Honorius III. S. P. (g) constituit, ut ejusmodi monachi *ipso facto sententiam excommunicationis incurrerent*, atque tam a suis Episcopis & Capitulis ipsorum, quam ab Episcopis, in quorum dioecesi his studiis incumberent, *praedictis poenis obnoxii publice nuntiarentur*. Ut vero studia Theologica eo magis promoveret, ea, quae de monachis statuerat, ad alios viros Ecclesiasticos, nulli regulae monasticae adstrictos, Archidiaconos, Decanos, Plebanos, Praepositos, Cantores, & alios Clericos, personatus habentes, nec non Presbyteros extendit, his tamen laxius tempus, quam illis, nempe pro duobus mensibus anni spatium concedens. Et ne ullus excusationi locus ex paucitate forsan eorum, qui Theologica studia docerent, superesset, ejusdem Constitutionis altera parte (h) Honorius III. jussit, ut *statutum in Concilio generali (Lateranensi IV.) de magistris theologis, per singulas metropoles statuendis, inviolabiliter observaretur*, ut a Praelatis & Capitulis ad Theologicae Professionis studium aliqui docibiles destinarentur, ex quibus postmodum copia posset haberi doctorum, quibus si proprii proventus Ecclesiastici non sufficerent, praedicti necessaria administrarent &c. Tandem tertia hujus Constitutionis parte (i) severe prohibet, ne Parisiis, vel Civitatibus, seu aliis locis vicinis, quisquam docere vel audire Jus Civile praesumat, adeo ut generaliter nunc, quod ad Parisios & loca vicina attinet, non tantum hujus Juris studia

viris Ecclesiasticis deneget, sed disertis ver-
 bis statuatur, *ne quisquam ibi docere vel audire*
Jus Civile praesumat; atque, ne quis forsan
 in eam, quae Ferrerio placuit, sententiam
 delabatur, vocabulum *quisquam* de iis tantum,
 de quibus antea sermo fuisset, nempe de vi-
 ris Ecclesiasticis intelligendum esse, ipse Ho-
 norius III. huic opinioni non obscure resi-
 stit, dum, quae sibi objicere possent & Lai-
 ci & Ecclesiastici, sollicitè removet. Potuiss-
 sent Laici necessitatem Juris Civilis addiscen-
 di ideo opponere, quod ejus in causis Civi-
 libus frequens usus occurrat. His autem re-
 spondet, quod, licet ejusmodi necessitas se-
 se in quibusdam Galliae provinciis forte exe-
 rat, *tamen in Francia*, id est, in Insula Fran-
 ciae, & nonnullis provinciis adjacentibus, tan-
 quam Consuetudinariis, *Laici Romanorum Im-*
peratorum Legibus non utantur, scilicet tanquam
 Jure ordinario & proximo. Potuissent &
 ipsi Ecclesiastici regerere, quod *Sancta Eccle-*
sia Legum secularium non respuat famulatum; sed
 his respondet, quod *occurrant raro Ecclesiasti-*
cae causae tales, quae non possent statutis *Canoni-*
cis expediri. Cum ita Laicis & Ecclesiasticis
 singulis separatim respondeat, & illis ratio-
 nes Franciae, s. Franciae Insulae & aliis
 provinciis vicinis Consuetudinariis tantum
 aptandas, his vero generales opponat, satis
 eo ipso ostendit, quod praeceptum, *ne quis-*
quam Jus Civile docere vel audire praesumat, non
 aliam limitationem, quam ratione loci, ad-
 mittat.

mittat. Nec quicquam proficiunt illi, qui
jussu hoc generale esse negant ideo, quod
in Laicos Galliae Regno subiectos in causa
praecipue Civili nulla fuerit Pontificis pote-
stas (k). Cum enim haec omnia consenti-
entibus Rege & Pontifice gesta sint, hoc ar-
gumentum omnes statim vires amittit. Li-
cet autem hujus consensus nulla ex eo tem-
pore testimonia supersint, testis tamen ejus
rei omni exceptione major est Philippus
Pulcher R. (k) cujus de Parisiensi studio an-
tea locuti verba haec maxime huc faciunt:
Progenitores nostri non permiserunt legum saecu-
larium, seu juris civilis, studium ibidem instituti,
quinimo id etiam interdici sub excommunicationis
poena per sedem Apostolicam procurarunt. Ratio-
nem, qua motus Honorius III hanc Legem
prohibitoriam tulerit, non in impenso Ju-
ris Canonici promovendi studio (l) poni-
mus. Certe cum illa Constitutio suffragan-
te Rege edita sit, non video, quid Regem
adeo vehementer movere debuerit, ut tam
studiose hanc Constitutionem expeteret, si
Juris Canonici promovendi studium prima-
ria ejus Legis ratio fuisset. Nec illud in
computum rationum hujus Constitutionis
trahimus, quod indecorum aliqui putave-
rint, in Regia urbe Jus peregrinum doceri.
Non enim indecorum est, imo magis ma-
gnificum & vere Regium est Legibus, qui-
bus magna olim orbis pars ex necessitate pa-
ruerit, ex suo arbitrio suaque auctoritate
locum

locum aliquem concedere; & quae alia contra hoc imaginarium dedecus dici possent, quae Ferrerius satis discussit. Sed illud omnino certum est, si quid indecori haec res unquam habuisset, non eam tamen fuisse curam Pontificis, ut hoc dedecus abstergeret, cujus rei negotium ad solum Regem spectasset. Verus potius, quem sibi Rex & Pontifex in Constitutione vel petenda vel edenda proposuerunt, finis est Theologici Studii in Universitate Parisiensi vigentis diligens conservatio; cujus ibidem jam florentis, antequam Juris Civilis studia eo penetrassent, auditoria per immoderatum Juris hujus addiscendi ardorem, qui Laicos Clericosque ceperat, fere deserebantur, adeo ut ex hac causa non levia saepius inter utriusque scientiae Doctores & assecclas dissidia nascerentur. Ne igitur Theologici studii luminibus porro officeretur, optimum factu esse existimarunt & Rex & Pontifex summus, Juris Civilis cathedram in Universitate Parisiensi omnino evertere, occasionem ita omni dissidio penitus praescissuri. Certe ipse Constitutionis contextus per omnes suas partes ostendit, summam Honorio curam fuisse, Theologici studii tuendi, augendi, promovendi. Praecipue autem tertia ejus pars (*m*), quae Jus Civile ex Parisiensi Universitate proscribit, disertis verbis finem sibi propositum ita exprimit: *ut plenius Sacrae paginae insistatur, & discipuli Helisei liberius*

*rius juxta fluenta plenissima resideant, ut columbae, dum in januis scalas non invenerint, ad quas divari-
cari possint pedes suos, qua verborum allegoria
testatur, se voluisse omnem occasionem prae-
scindere, quae a studio Theologico abduce-
re & ad alia quemquam invitare posset. Cla-
rioribus autem, & quae omne dubium tol-
lunt, verbis hanc rationem indicat Philippus
Pulcher R. (n) Exponit nempe primum,
quantis privilegiis Progenitores sui Parisiis stu-
dium Theologiae principale, liberalium etiam ar-
tium, quae sint praeparationes ad illam, mu-
nierint; inde indicat, quod ipse hoc studium
fovere perampliusque stabilire sibi proponat; &
nunc statim subjungit: Ut autem liberius
ibidem studium proficeret Theologiae, Progenito-
res nostri non permiserunt Legum saecularium,
seu juris civilis studium ibidem instituti, quini-
mo id etiam interdici, sub excommunicationis
poena per sedem Apostolicam procurarunt. Inde
de Aurelianensis Civitatis opportunitate, fer-
tilitate, amoenitate & maxime de liberalibus
artibus, praecipue autem Juris Canonici &
Civilis studio impense ibidem cultis magnifi-
ce plane locutus, tandem addit: Caeterum
ut Doctores, Magistri & Scholares libentius ad stu-
dium ipsum declinent, & ferventius ibidem studen-
tes proficiant, quanto se plus honorari sentient, illud
privilegium beneficiis & libertatibus munientes
STUDIUM GENERALE PRAESERTIM
JURIS CANONICI ET CIVILIS, dante
Deo, perpetuo ibidem esse volumus & Regia aucto-
ritate*

ritate firmamus, hoc salvo, quod Theologiae Magistri nullatenus creentur ibidem, ne detrabatur privilegiis Romanae Sedis studio Parisiensi concessis, &c. Ex quibus omnibus colligimus I. Jamdiu ante hanc Regiam Constitutionem, atque ita sine dubio a tempore ipsius Decretalis Honorariae, prohibitum fuisse, Juris Civilis studia in Universitate Parisiensi publica autoritate doceri, & quidem ea ex ratione, ut eo tranquillior eoque minus impeditus ibi redderetur studiorum Theologorum cultus. II. Eandem Decretalem nonaginta cum duobus annis, postquam promulgata esset, in Universitate Parisiensi plenissimo adhuc vigore gravissam esse, idque testimonio Regio comprobari, ejusque Decretalis reverentiam etiam in posterum servandam Regio jussu praecipi & severe inculcari. III. Ne quid Juris Civilis studio decederet, compensatione quadam instituta, uti Jus Civile studio Theologico in Parisiensi Universitate cedere jussum, ita in Aurelianensi Universitate Juris Civilis studio Theologicum loco cedere coactum esse. Nihil autem magis perpetuum hujus Epistolae Decretalis vigorem ostendit, quam quod post tria cum dimidio, & quod excurrit, saecula ab ejus promulgatione in favorem Cujacii, ex Biturigum Universitate ob turbas intestinas profugi, & otii literarii praesidia in Parisiensi metropoli quaerentis, annuente Henrico III. Rege statuit suprema Curia Parisina d. 2. Aprilis Anni 1576. conce-

concedens Cujacio soli, ne in exemplum res ab aliis trahatur, ut Jus Civile ibidem docere, & simul cum Doctoribus Juris Canonici, in Universitate Parisiensi publica autoritate constitutis, gradus Academicos in Jure Civili iis, quos ipse & Doctores Juris Canonici dignos judicaverint, conferre (o.)

(a) Qui aliqua verba ex ejus L. 2. & 4. allegat Observ. L. XI. c. 11. L. XVI. c. 24. In Dedicatione vero trium postremorum Librorum Codicis ad Margaretham Valesiam, Francisci I. R. filiam, dicit: *quod veteres Franci, missis novem aliis libris, hos tres duntaxat Francos fecerint*, quibus ex bibliotheca Catharinae Mediceae R. acceptis ipse etiam se usum esse CUVJACIVS ibidem fatetur. Alia igitur est versio vetus Francica horum trium librorum, alia haec Codicis integri, quas pro una habet FREHERVS. (b) in Epistola Dedicatoria, qua Rudolpho II. Imp. Juris Graeco-Romani, a Leunclavio collecti, editionem suis curis prodeuntem, inscribit. (c) Testatur hoc ARNOLDVS LVBECENSIS, quem sub initia saeculi XIII. scripsisse notum est. Hic Chron. Slav. L. III. c. 5. §. 2. & 3. Danos impense laudat, quod nobiliores filios suos Parisios mittere soliti sint, & quo scientiarum genere Parisienses polleant, commemorans, illud omnino non omittit, quod *boni Legistae comprobentur*. Verba ipsa inspicere merentur: *Scientia quoque liberali non parum profecerunt (Dani): quia nobiliores terrae filios suos non solum ad Clerum promovendum, verum etiam saecularibus rebus instituendos PARISIOS mittunt. Ubi literatura simul & idiomate linguae terrae illius imbuti non solum in artibus, sed etiam in Theologia multum invaluerunt. Siquidem (Galli) propter naturalem linguae celeritatem non solum*

in argumentis Dialecticis subtiles inveniuntur, sed etiam in negotiis Ecclesiasticis tractandis boni decretistae sive legistae comprobantur. (d) in Cap. Super Specula &c. 28. X. de Privil. & Excess. Occurrunt in Collectione Gregoriana duo adhuc Capitula Honorii III. quorum idem, quod hujus est, initium a verbis Super Specula &c. fieri observamus, nempe Cap. Super Specula &c. 10. s. ult. X. Ne Cler. vel Mon. fec. neg. se immisceant, & Cap. Super Specula &c. 5. s. ult. X. de Magistris & ne aliquid &c. Unde viri docti ea Capitula, tanquam partes ejusdem Epistolae in diversos titulos pro opportunitate doctrinae, in singulis expositae, disjectas, secum invicem conjungenda esse, atque ex his in unum corpus collectis, unicam Decretalem Epistolam iterum componendam esse, ut vera ejus sententia erui posset, existimarunt; & plane FERRERIVS Histoire du Droit chap. 29. praecipuum inde suae opinionis argumentum petit; ex Capitulis his, perpetua sermonis serie sibi junctis, satis superque sibi probasse visus, non nisi viros Ecclesiasticos ea Epistola prohiberi Juris Civilis studia in Universitate Parisiensi vel docere vel discere. Haec ipsa Capitula conjungenda esse, jam olim existimavit CIRONIVS in Comm. ad Cap. Super Specula &c. GONZALEZIVS TELLEZIVS vero in Comment. Decretalium ad Cap. ult. X. de Privileg. & Excessibus &c. non putat haec capita conjungi posse, cum c. 10. X. ne Cler. vel Mon. in inscriptione sua ab Honorio missum dicatur *Venerabilibus fratribus M. Patriarchae Antiocheno & universis Archiepiscopis, Episcopis ac dilectis filiis caeteris Ecclesiarum Prae-* latis, *in Patriarchatu Antiocheno constitutis*, atque ita Parisiensem Universitatem non tangat, quam tantum spectarent altera duo capita, utpote missa *Capitulo Parisiensi & caeteris Prae-* latis *Parisiis constitutis*. Verum, licet etiam ge-
nuina

nuina esset Inscriptio Cap. 10. non tamen evinceretur, haec tria capita non ejusdem Epistolae Decretalis partes esse; cum nec in Jure Civili, nec in Jure Canonico adeo inusitatum sit, alicujus Constitutionis integrae ad aliquem missae partem aliquam, aliorum negotiis dirimendis non minus, quam illi, ad quam integra missa est, aptam, his separatim aliquando mitti, & hinc etiam in diversum ab altera parte titulum referri. Praeterea tantus est Codicum & antiquiorum editionum in inscriptionibus horum trium capitum dissensus, ut nihil inde certi erui possit, sed ad conjecturas confugiendum sit; quibus sane capitula, quorum & Auctor, & verba initialia & contextus ipse sibi invicem egregie respondent, conjungi jubentur. (e) CIRONIVS quidem Observ. Jur. Can. L. V. c. 8. Jus Civile Romanum nunquam antea publice Parisiis praelectum fuisse arbitratur, quod Honorius tantum dicat, se prohibere facultatem docendi & legendi Jus Civile Parisiis, *cum si antea ibi lectum fuisset, expresse vetasset*, NE DEINCEPS legeretur. Verum ita quidem nimium ab Honorio III. verborum delectum exigere videtur, & ea, quae dicta sunt, satis ostendunt, ante hanc Constitutionem jam Jus Justinianum in Parisiensi schola viguisse. (f) In Cap. *Non magnopere* &c. 3. X. ne Clerici vel Monachi fec. neg. se immisc. (g) In Cap. *Super Specula* &c. Ne Cler. vel Mon. fec. neg. &c. (b) quae est in Cap. *Super Specula* &c. 5. X. de Magistris & ne aliquid exig. pro lic. doc. (i) Quae in Cap. *Super Specula* &c. 28. X. de Privil. & Excess. Privilegiat. exhibetur. (k) Quod argumentum gravissime urget FERRIER L. G. cui tamen jam respondit TERRASSON Hist. de la Jurispr. Rom. P. IV. §. 8. p. 440. (l) Ordonnance touchant l'étude du Droit Civil & Canonique a Orleans 1312. v. Ordonances des Roys de France &c. par Mr. DE

LAVRIERE Vol. I. p. 502. (m) Quam rationem ipse CIRONIVS allegat Observ. Jur. Can. L. V. c. 8. & ARTHVRVS DVCK de U. & A. I. C. R. L. II. c. 5. §. 38. p. 102. aliique. (n) Cap. *Super Specula* &c. (o) Decretum supremæ Curiae Parisinae, nunquam antea editum, imo plane hucusque ignotum, primus in publicam lucem produxit doctissimus TERRASSONIVS Hist. de la Jurispr. Rom. post *veteris Jurisprudentiae Romanae monumenta* &c. pag. ult. ubi ipsa verba Decreti exhibentur: *Arrest de la Cour de Parlement, qui permet a Jacques Cujas, Docteur Regent en Droit Civil en l'Université de Bourges, de faire lectures en Droit Civil en l'Université de Paris, & d'y donner les degres avec les Docteurs Regens en Droit Canon. du 2. Avril 1576. Extrait des Registres de Parlement.* Cujus Decreti verba ultima merito hic exhibemus: *La dite Cour, attendu la qualité du tems, & sans tirer a consequence, a permis & permet au dit Cujas faire lectures & profession en Droit Civil en l'Université de Paris, a tels jours & heures, qu'il sera par lui avisé, avec les Docteurs Regens en Droit Canon en cette ville: permettant au dit Cujas & Docteurs donner les degres a ceux, qu'ils trouveront avoir fait cours le tems requis, & selon que par l'examen ils les auront trouvés capables: validant ce qui aura été fait en cette part, comme si fait avoit été en l'une des autres Universités fameuses de ce Royaume.* Observamus ita. 1. hoc Cujacio concessum, tanquam exceptionem a regula communi. 2. concessum id esse ipsi soli, ne in exemplum a quoquam trahatur. 3. & quidem ita ipsi concessum, ut in partes eorum, quae in Jure Civili ageret, venire juberentur Doctores Juris Canonici. 4. nullos nominari Juris Civilis Doctores, quos tamen, si qui ibi fuissent, merito Cojacio potius, quam illos in hac causa Curia junctura fuisset. 5. id validum haberi,

ac si in alia Universitate gestum esset, quod sine dubio Curia ad exemplum ejus, quod alias jure ordinario Parisiis fieret, permisisset, si quid horum Parisiis fieri ordinarie licuisset.

§. XI.

Qui Honorii III. Decretalem Epistolam saepius laudatam Ecclesiasticis tantum viris normam constituisse multis argumentis asserit Ferrerius, is etiam eam postea a Laicis, quippe quibus regulam non fecerit, non observatam fuisse, multis testimoniis productis contendit; quae eo maioris ponderis atque dignitatis videntur esse, quo magis Ferrerio, Facultatis Juridicae quondam Decano, ad ipsa Facultatis, imo totius Universitatis scrinia aditus patuerat, ita ut testimonia, ab eo in medium producta, eo certiora & fere authentica judicanda videantur. Nec nos quidem iis quicquam detrahimus, nec Juris Civilis nullas plane postea partes ibidem fuisse asserimus, qui & ipsi superius exemplum Lamberti de Castello, Jus Civile Parisiis sub exitum Seculi XIII. interpretantis, allegavimus. Verum cum Decretalis illius sensus sit adeo certus & clarus, ut dubio locus amplius non sit, cum vigor ejus tam gravibus testimoniis sit comprobatus, in eam facile propellimur sententiam, ea, quae in Jure Civili, Parisiis post eam Decretalem docendo, posita fuerint studia, partim privata magis, quam publica autoritate subnixa fuisse, &, licet publice quidem ignorata non fuerint, ad ea

Decretalis *Super Specula* vigor etiam per subsequenta tempora asseritur.

tamen referenda forsan esse, quae ex rationibus singularibus quandoque magis tolerantur, quam publico Legum praesidio muniuntur & promoventur; partim autem existimamus, cum omnis illa Legislatio ad eum maxime finem collineaverit, ut Theologica studia Parisiis eo impensius colerentur, & ad horum cultum promovendum Juris Canonici doctrinam semper multum conferre judicatum sit, hoc autem sine aliqua Juris Civilis Romani cognitione a quoquam bene intelligi vix possit, in Universitate Parisiensi accidisse id, quod in Heidelbergensi Universitate, ad illius normam instituta, ab initio obtinuisse supra observavimus (a), nempe quod, qui Juri Canonico publice docendo operam suam dicaverant, Juris etiam Civilis Romani praecepta, in quantum illa ad Juris Canonici mentem explicandam necessaria sunt, simul exponere jussi fuerint, atque ita non tam Juris Romani doctrina, quam singularis ejus cathedra ab Universitate Parisina exulaverit. Quicquid autem horum demum sit, illud sane extra omnem controversiam positum est, Juris Civilis auctoritati per Galliam Juris Scripti & non-Scripti nihil inde derogatum fuisse. Certe vel ipse Codex S. Ludovici, *Etablissement de St. Louis*, dictus, explicandis Consuetudinibus Parisiensi & Aurelianensi destinatus, frequenter & Pandectarum & Codicis Justiniani Leges, tanquam jam longo Galliae usu receptas atque notissimas

Juris Romani auctoritati inde nihil derogatum.

mas, in consilium vocat, imo Juri Romano aliquod prae Jure Consuetudinario decus addit, hocque tantum, quasi quandam exceptionem ab illo, tanquam regula, agnoscere videtur (b). *Car qu'und l'en n'use pas du Droit escrit, l'en doit avoir recort a la Coustume du Pays & de la Terre.* Ita Philippus Pulcher R. anno 1302. edicit (c): *Ordinamus etiam, quod si aliquae personae Provinciarum, quae Jure Communi reguntur, in Parlamento nostro causas habeant, quae Jure Scripto debeant terminari, sententia diffinitiva ipsarum secundum Jus scriptum feratur.* Idem cum Aureliae (d) studium generale praesertim Juris Canonici & Civilis perpetuum esse velit, satis superque ostendit, se Juris Civilis usum in dubium non vocare. De auctoritate autem Juris Civilis per Galliam quid sentiat, disertis verbis ibidem explicat: *Placuit ergo nostris Antecessoribus, placetque nobis legum etiam saecularium, scriptique Juris, salva Parisiensis studii provisione praedicta, in locis egregiis regni nostri studia frequenter, praesertim ad doctrinam aequitatis & rationis fovendam, per quas in causis forensibus Regni hujus judicari consuevit, ubi iudicia, constitutiones, seu ordinationes Progenitorum nostrorum, & nostrae, quas omni consuetudini praeponimus, deficient, & consuetudo certa non reperiatur, ex qua fuerit judicandum.* Plura sequentium temporum testimonia brevitatis causa omittimus (e).

- (a) Vid. ad HEINECC. L. II. §. 96. n. (a)
 (b) Etablissement de St. Louis Liv. II. chap. 22.
 quam observationem debemus doctissimo TERRASSONIO Hist. de la Jurispr. Rom. P. IV. Paragr. 8. p. 441. (c) Ordonnance touchant les bourgeoisies 1302. §. 59. v. Ordonnances des Rois de France Vol. I. p. 366. (d) Ordonnance touchant l'étude &c. 1312. v. Ordonnances &c. l. c. p. 502. (e) Otium hic nobis fecit TERRASSONIUS l. c. p. 443. qui plura ibi collegit.

§. XII.

Ordinationes
Regiae

Hac etiam Periodo promulgari coeperunt Ordinationes Regiae; sub quo nomine laxiori significatione accepto (quippe quae non semper eadem fuit) intelligo etiam Edicta & Declarationes, vel quicquid aliud expressa Regis voluntate eum in finem constituitur, ut non uni causae, rei, aut homini propriam, sed generalem omnibusque casibus similibus communem regulam faciat. Strictioris autem sensu hodie *Ordinatio* Regia dici solet Lex a Rege expresso consensu lata vel ad suggestionem Magistratuum, vel ad preces privatorum. *Edictum* vero Lex proprio motu lata. *Declaratio* autem lex, quae priorem interpretatur, restringit, extendit. Primae & Secundae stirpis Reges si quid constituerunt, id Legis vel Capitularis titulo maxime ornabatur. Ordinationis vero hoc, de quo loquimur, sensu acceptae, nec nomen nec forma ante tertiae stirpis tempora occurrit. Huius vero aetate non demum Ludovicus S. R. uti plerique crediderunt, sed & ipsius ante-

antecessores ejusmodi Constitutiones promulgarunt, non infrequentes, quae Ordinationis nomine vel ornantur, vel ornari possunt, Henricus I. Philippus I. Ludovicus VI. Ludovicus VII. Philippus Augustus, Ludovicus VIII. (a) Maximam autem utique Juri Ordinationibus suis augendo & perficiendo operam impendit Ludovicus S. qui, praeter ordinationes plures singulatim promulgatas (b) integrum tandem Codicem Legum componi & sua auctoritate edi curavit, quem saepius a Jurisconsultis ex Codice Manuscripto citatum luci publicae primus, sed satis corruptum, dedit Cangeus (c), genuinum & correctum Laurerius (d). Titulum prae se fert: *Les Etablissements de St Louys Roy de France, selon l'usage de Paris, & d'Orleans & de Court de Baronnie*, duobusque libris constat, quorum ille apud Cangeum 166. apud Laurerium vero 168. capitibus absoluitur, hic vero utrinque 42. capita comprehendit. Multi hunc Codicem ad scripta Consuetudinibus affinia non satis apte referunt (e), cum potius ea mente compositus sit, uti praeloquium ejus ostendit, ut forma & vires Ordinationis Regiae acciperet. An vero ipsa ejus promulgatio in suprema Curia Regia accesserit, uti Codicis hujus in Curia Civitatis Ambianensis asservati titulus: *Les Etablissements de France ordonnez & confirmez en plein Parlement, par les Barons du Royaume & les Docteurs en loix*, fidem faciat, id quidem opero-

se disquiritur (f). Rationes negantium hae sunt: I. Guilielmus Nangius, scriptor ejus temporis, in vita S. Ludovici testatur, quod Ludovicus die Martis post festum SS. Petri & Pauli anni 1269. Aquis mortuis iter in Africam, ubi postea mortuus, ingressus sit. Quomodo itaque potuit anno 1270. praesens ipse in Curia Codicem suum promulgare? II Deest forma Ordinationis Regiae, cum omnia citationibus Canonum, Decreti, Decretalium, Digestorum atque Codicis misceantur. III. In Praeloquio hic Codex conditus dicitur, ut observetur *en toutes les Cours layes du Royaume*; atqui Codex tertiam tantum partem immobilium mariti viduae nobili pro dotalitio concedit (g), cum tamen Fonteneus (b) & Belomanerius (i) testentur, quod Dotalitium Consuetudinarium tum jam fuerit dimidia pars immobilium mariti ex Constitutione Philippi Aug. R. de a. 1214. R. ad I. tempus a Nangio indicatum in mendo est, vel ipsius, vel librariorum errore. Constat Ludovicum S. in Africa mortuum esse eodem anno, quo Aquismortuis profectus est. Constat porro eum d. 25. Aug. 1270. mortuum, ergo sequitur, eum & hoc anno Aquismortuis profectum esse. Ad II. quod quae ad naturam rei non faciunt, ea, siue adsint, siue non adsint, rei veritatem nec asserant, nec tollant, dummodo constet, ea adesse, quae abesse nequeunt. Ita si constat Legem promulgatam esse, parum refert, an citationes

insoli-

insolitae adsint, cum citare aut non citare arbitrium sit. Ad III. Ludovicus nec Consuetudinibus, nec Constitutionibus derogavit. Potuit ergo aliquid ex anteriore Constitutione superesse, licet Codex Ludovicianus aliud statuatur. Accedit, quod hic Codex tanquam Lex allegetur a Bellomanerio, ejus temporis scriptore, quod Carolus Pulcher ad eum provocet (*k*), quod ipse Codex plerisque in locis verbis praecipendi & prohibendi, Ordinationi Regiae aptissimis, utatur, quod multa, quae a Ludovico S. constituta Scriptores ejus temporis laudant, in hoc Codice inveniantur. Exemplo esse poterunt vel ipsae probationes per duellum, *Gages de Batailles*, quas arctissimis limitibus a Ludovico S. circumscriptas esse testantur Scriptores, & ipse Codex pluribus locis (*l*) comprobatur. De industria huic Codici recensendo diutius inhaesimus, tanquam egregio Jurisprudentiae antiquioris Francicae monumento, quod & praecedentibus & subsequentibus temporibus uberrimam lucem affundit, & multas Regum per ea saecula Ordinationes & dignitate & magnitudine vincit; nec injucundum videbatur, ostendere, jam olim etiam Codicem Ludovicianum plane egregium extitisse. Illud autem de Ordinationibus Regiis hujus Periodi addimus, quod earum sane ingens copia extet, cum vel illae, quae a primis Capetingicae stirpis temporibus ad Carolum IV. R. simul computatum numerantur, & in antiquio-

tiquioribus Collectionibus non ultra quadragenarium numerum ascendebant, nunc, diligentiori conquisitione instituta, in novissima Laurerii & Secousssei Collectione integrum & justum volumen in folio impleant.

(a) Constitutiones 27. ad Ordinationum classem referendas, horum Ludovici S. Antecessorum exhibet LAVRERIVS Ordonnances des Roys de France de la troisieme Race Vol. I. Ratio, quae auctores induxit, ut Ordinationum Regiarum originem a Ludovico S. deducerent, in oculos incurrit. Cum Collectiones Ordinationum, novissima LAVRERII & SECOVSSEI Collectione antiquiores, & harum quidem omnium amplissima, quae FONTANONII est, ordinationem Ludovico S. antiquiorem non exhibeant, antiquiores non dari quilibet facile sibi persuasit. Discussit caliginem novissima Ordinationum Collectio, omnium ut instructissima, ita & nitidissima. (b) quarum 27. etiam, quae Codicem praecesserunt, & unam incertae aetatis sistit LAVRERIVS Ordonnances des Roys de France &c. Vol. I. illas quidem p. 50-106. hanc vero p. 291. & sqq. (c) in III. Parte eorum, quae edit cum Joinvillae Historia Ludovici S. (d) v. Ordonnances des Roys de France &c. Vol. I. p. 107-290. de mendis autem Cangeanae editionis, ejusque correctione v. LAVRERIVS in Praef. Vol. I. (e) vid. supra §. 8. ubi eum e censu Consuetudinum eximendum esse ostenditur. (f) vide CANGEI Praefatio ad Part. III. Joinvillae, & LAVRERII Praefatio ad Vol. I. Ordonn. des Roys &c. p. 7. (g) Liv. I. ch. 14. *Gentilfame si n'a que le tiers en doüere en la terre son saignour.* (h) Conseil a son ami chap. 21. Art. 52. (i) Coutumes du Beauvoisis, chap. de Douaires p. 76. (k) Ordonnance touchant les amortissemens & les Francsfeifs 1326. v. Ordonnances

nances des Roys de Fr. Vol. I. p. 797. ubi Carolus ad Ludoviciani Codicis L. I. c. 125. provocare videtur. (1) quæ copiose allegat CANGEVS in Praef. ad III. P. Joinvillae.

§. XIII.

Merito novam Periodum a temporibus VI. Periodus
 Caroli VII. R. inchoamus, qui post victos Re- FRANCIA
 gnoque Francico pulsos Anglos, novam Ju- CANOVA.
 risprudentiae Francicae faciem induere annisus est. Praecipue incerta Juris Consuetudinarii compages ipsum invitabat, ut magnum opus moliretur, quod, si optato eventu gavifum esset, certam plane Jurisprudentiam non modo per singulas provincias Juris non-Scripti, sed per totam omnino Galliam Juris Consuetudinarii reddidisset. Voluit enim, si Molinaeo fides est, ex omnibus totius Galliae Consuetudinibus, de quarum vigore constaret, secum invicem concinnandis unum omnium Consuetudinum corpus, universae Galliae consuetudinae pro norma aequali ubique futurum, componere. Cum autem hoc magni moliminis & longi temporis opus videretur, omnes omnium provinciarum Consuetudines in scripturam redigi, edita hunc in finem Constitutione de anno 1453. jussit, eo animo, ut singulae provinciae, dum universali totius Galliae consuetudini consarcinandae incumberetur, certam & sibi propriam interea haberent, qua confidentius uti possent. Antea enim singulae Consuetudines, vel nunquam, vel vage saltem & privatim

vatim (a) ac inconcinne scriptae in dubium
 saepius vocabantur, adeo ut in singulis ca-
 sibus, quos tritura fori quotidie suggerebat,
 quaerendum fuerit, an hujus vel illi-
 us Consuetudinis usus certus esset;
 quo casu inquisitio per testium turbas, pro
 more illorum temporum, instituenda erat,
 ubi per duas testium decurias veritas asser-
 tae Consuetudinis probari debebat (b);
 qui modus probandi longae morae, mul-
 taeque impensae, & ob partium vel subdo-
 lam industriam, vel gratiam, qua apud ali-
 os pollebant, vel testium imperitiam aut im-
 probitatem omnium fallacissimus (c), &
 non raro periculosus erat. Tam salutari
 autem consilio diu adhuc post Caroli VII.
 R. mortem eventus defuit, usque ad Caro-
 lum VIII. cujus auspiciis anno demum 1498.
 Consuetudo Pontivenfis Comitatus (Pon-
 thieu) prima omnium in scripturam reda-
 cta est (d). Secutae mox sunt aliae sub au-
 spiciis Regum sequentium Ludovici XII.
 Francisci I. Henrici II. & Caroli IX. Anno
 demum 1530. agnoscebatur, multis Consue-
 tudinibus jam antea solenni ritu in scriptu-
 ram redactis non pauca ad sui perfectionem
 deesse. Unde aliquas, v. g. Parisiensem,
 Aurelianensem, & Ambianensem denuo iis-
 dem, qui in prima redactione adhibiti fuif-
 sent, ritibus sub examen vocari, augeri &
 corrigi placuit. Ritus autem solennes in
 Redactione Consuetudinum adhiberi solitos
 ex

Redactio
 Consuetu-
 dinum.

ex ipsis Actis Redactionis Consuetudinis Pontiven-
 sis aliarumque, praecipue etiam Ducatus Burgundici, quae Illustrissimus Bouhierius novissimae Consuetudinum Burgundicarum editioni inseruit, discimus. Primum per Codicillos Regios seu literas patentes Ordinibus Provinciae imperabatur, ut Conventum ad redigendam Consuetudinem instituerent; inde ab Ordinibus aliqui ad eum Conventum deputati mittebantur; hi congregati Iudicibus & scribis Regiis ejusdem Provinciae, nec non Magistris & scabinis civitatum, iis etiam, qui antea his muneribus functi essent, imperabant, ut quas unquam Consuetudines in foro observatas esse quisque certa scientia indicare posset, eas annotarent, commentariosque ea de re scriptos deputatis ordinum mitterent; ex quorum numero aliquibus negotium dabatur, hos commentarios sub examen vocandi, Consuetudines inde selectas & probatas in ordinem redigendi, & una serie conscriptas deputatis omnibus exhibendi; a quibus denuo sollicite in earum veritatem & aequitatem inquirebatur, aliae removebantur, aliae agnoscebantur, aliaeque corrigebantur; & omnes tandem, quas Ordines probassent, in scripturam redactae, supremas Curiae mittebantur, actis publicis, audito antea Regio Procuratore, inferendae. Saepius tamen per delegatos a Rege Commissarios, ut plurimum tres Conventui Ordinum, Regio nomine, praesiden-

fidentes, res peragebatur, non ita quidem,
 ut ipsi eas in scripturam redigerent, sed per
 viros, tritura rerum forensium exercitatos,
 redigi & ab Ordinibus approbari viderent.
 Ipsorum itaque Commissariorum Regionum
 in hac causa partes maxime hae erant, ut
 omnia rite & decenter fieri curarent, ut nihil,
 quod Jura Regia & utilitatem publicam lae-
 deret, admitti paterentur. Plerumque ta-
 men, qui aderant Commissarii Regii, sua
 etiam studia & propensionem animi Consue-
 tudinibus imprimere solebant, ita ut de Pe-
 tro Lizeto atque Christophoro Thuano, utro-
 que per intervalla temporum supremæ Cu-
 riae Parisinae Praefide primario notetur, quod
 ille quidem Juris Romani principiis unice
 imbutus & impense favens Consuetudini Bi-
 turicensis provinciae, aliis provinciis Con-
 suetudinariis undique cinctae, cum ad eam
 redigendam a Rege anno 1539. missus esset,
 plura Romani Juris praecepta instillaverit;
 hic vero Consuetudinibus, ad quas redigen-
 das jussu Regio delegatus fuisset, nihil, quod
 illae non antea ex Jure Romano traxissent, ex
 illo affui passus fuerit (e). Primarium autem
 Consuetudinis, a quo omnis ejus autoritas
 pendet, fulcimentum est voluntas Regia rite
 declarata (f), adeo ut nunc nulla valeat
 Consuetudo, quae non expresso Regis con-
 sensu in scripturam solemniter redacta (ff),
 atque ita quidem Juris etiam Scripti formam
 consecuta sit. Unde nunc facile colligitur,
 quid

quid de dicto, olim satis vulgari, *la coutume n'est pas si forte, que la loy*, dicendum sit, nempe regulam loqui de Lege adhuc vigente, & consuetudine ipsi quidem opposita, sed nondum solenniter confirmata; (g) cum hodie potius obtinere debeat regula, quam iam olim ante solennes Consuetudinum reductiones asseruerat Ludovicus S. R. *la coutume passe droit*, (h) cujus sensus nunc est, quod Consuetudo Lege posterior, legitime redacta, illam vincat, nisi, cum haec redigeretur, illius conservatio, hac non obstante, disertis verbis imperata sit. Cum autem Consuetudines jam in suis initiis multum ex Jure Romano traxerint (i), cum eo tempore, quo privatim aliquando conscribi coeperunt Consuetudines, Jus Justinianicum jam altas in Gallia radices egerit, & hinc etiam eorum, qui ita Consuetudines privato ausu scribebant, animos occupaverit, & ab his cum ipsa Consuetudine mixtum sit; cum porro in solemnibus Consuetudinum reductionibus horum privata scripta etiam in consilium vocata sint, cum Consuetudinibus redigendis plerumque adhibiti fuerint viri Jure Romano probe imbuti, cum inde omnes, qui Consuetudines Commentariis ornarunt, Juris Romani Leges frequenter in usum trahendas existimaverint, cum ipsi Reges in restaurandis corrigendisque moribus per Gallias identidem ad Jus Commune Judices ablegaverint (i), adeo ut quasdam Consuetudines cum illo pugnan-

gnantes ne admiserint quidem (*k*), cum cessantibus Consuetudinibus plerumque ad Jus Civile confugiendum sit (*kk*), uti jam Philip-pum Pulchrum R. constituisse vidimus (*l*), facile inde colligimus, quam graviter errent illi, qui suaviter somniant, se, si in Con-suetudinariis provinciis vivant, abstinere posse a fastidio addiscendi Juris Romani (*m*), & in utramque aurem stertere; quem errorem haec, quae dicta sunt, jam satis re-fellunt, sed fortissime omnium confutavit gloriosae memoriae Ludovicus XIV. R. agnoscens, ambiguitatem in judiciis, fortune civium adeo noxiam, primario ex negle-ctu Juris Romani ortam esse; unde & in ipsa Provincia Consuetudinaria Parisiensi Cathe-dram Juris Civilis restauravit, imo (quod gravissimo argumento est, quantae necessi-tatis ipse studium Juris Romani in Gallia existimaverit) neminem ad causas vel oran-das, vel judicandas in provinciis consuetu-dinariis aequae ac iis, quae Jus scriptum se-quuntur, admisit, nisi gradum academicum post examina in Jure Romano & Canonico instituta consecutus fuerit (*n*).

(*a*) Vid. CHOPPINVS de Comm. Conf. Gall. praec. P. III. q. 3. (*b*) vid. CHOPPINVS de Commun. Gallic. Consuet. praec. P. I. q. 3. §. 3. 4. (*c*) Simile consilium iniisse videtur Lu-dovicus XI. R. quem ex testimonio Cominei di-cunt voluisse, ut Gallia omnis uteretur *d'une Coutume, d'un poids, d'une mesure, & que toutes les Coutumes fussent mises en François en un beau*

beau livre &c. v. Institution du Droit Romain & du Droit François &c. par un Auteur Anonyme L. I. chap. 15. §. 27. p. 110. (d) vid. CHOPPINS de Comm. Gallic. Consuet. praecept. P. I. q. 3. §. 1. (e) v. Institution du Droit Romain & du Droit François &c. par un Auteur Anonyme L. I. chap. 15. §. 49. p. 115. (f) quod jam Carolus VII. R. in Constit. de an. 1453. art. 125. disertis verbis sanxit v. CHOPPINVS de Comm. Conf. Gall. praec. P. I. q. 1. §. 1. & q. 3. §. 1. P. III. q. 1. §. 4. & q. 2. §. 1. & seqq. Institution du Dr. R. & du Dr. Fr. par un Auteur Anonyme L. I. ch. 15. §. 42. 45. (ff) Aliquas adhuc tamen dari provincias, quibus Consuetudines in scripturam non redactae, ex privilegio conservatae sint, quaeque ita exceptionem a regula communi faciant, observat Illustrissimus Bouhierius, cujus haec verba sunt: *Tels sont encore les Usages de quelques unes de nos Provinces & entre autres celle de Bresse, Bugey, Valromey & Gex, ou ces Coutumes non-écrites ont conservé leur auctorité.* v. Observations sur la Coutume du Duché de Bourgogne chap. 1. §. 4. His Consuetudinibus nondum in scripturam redactis & auctoritate tamen gaudentibus addit ibid. §. 5. aliquas Consuetudines Provinciarum Lugdunensis & Matisconensis. (g) v. ibid. §. 38. p. 113. (h) vid. FRANÇOIS DE LAVNAY Remarques sur l'Instit. du Dr. Rom. &c. l. c. p. 708. (i) quod praecipue etiam ex eo probatur, quod Ludovicus S. R. Consuetudinibus Parisiensi, Aurelianensi & Turonensi explicandis necessariam crediderit Legum Romanarum allegationem. v. §. praeced. (i) CHOPPIN. de Comm. G. C. praec. P. I. q. 3. §. 1. (k) Idem ibid. q. 4. §. 4. (kk) Illustrissimus Bouhierius in Praef. ad Consuet. Burgund. observat, quod Codicilli s. Literae Patentès, quibus Redactio Consuetudinum Burgundicarum ap-

probatur, ad Jus scriptum Judices ableget in decidendis quaestionibus Consuetudine non decisis. Imo de antiquis Burgundiae Consuetudinibus deprehendimus a Principe disertis verbis praeceptum, ut non tantum deficiente Consuetudine ad Jus scriptum confugiatur, sed & ut Consuetudines a Principe jam approbatae, & ejus jussu in scripturam redactae, si dubius ipsarum sensus sit, explicentur & declarentur secundum Jus scriptum: *soient déclarées & interprétées selon Droit écrit, & non autrement.* v. Bouhier Coutume du Duche de Bourgogne T. I. p. 25. (1) vid. supra §. II. in f. (m) quibus copiose respondit FERRIERE Hist. du Droit Rom. chap. 28. & Dictionnaire de Droit & de Pratique v. *Droit Romain. Droit François.* (n) Edit, qui regle les Etudes de Droit. Donné a saint Germain en Laye au mois d'Avril 1679.

§. XIV.

Ordinationis
Bloesensis
Art. 69.

Haec, quae de Constitutione Regia de anno 1679. Juris Romani necessitatem afferente, quasi aliud agentes diximus, necessario nos admonent Constitutionis Bloesensis, qua mense Majo 1579. promulgata ad ordinum Regni, ante biennium in Urbe Bloesensi (Blois) congregatorum, postulata responsum & in ejus Articulo 69. prohibitum fuit, ne Jus civile in Universitate Parisiensi legeretur, aut in eo gradus ibidem conferrentur: *Defendons a ceux de l' Université de Paris, de lire ou graduer en Droit Civil.* Hanc quidem Bloesensem Constitutionem, omni Ordinationis Regiae solennissimae forma ornatam, omni etiam, praecipue post restitutam ab Henrico IV. Regni tranquillitatem, vigore gavissam esse,

esse, nemo negat, idque potius frequentes
 Legislatorum Juris-consultorumque ad eam,
 tanquam Legem certissimam, provocationes
 abunde comprobant. At vero ejus caput 69.
 quod Juris Civilis cathedram & dignitates ex
 Universitate Parisiensi iterum proscribit, nec
 ferri debuisse, nec perlatum vires unquam
 obtinuisse, Ferrerius (a) erudite quidem &
 ingeniose defendit, paucis tamen persuadet.
 Licet enim in postulatis Ordinum nulla illius
 capitis mentio facta fuerit; licet Chivernius
 Regni Cancellarius suo illud caput arbitrio
 forsan Constitutioni inseruerit, atque affe-
 ctui, quo in urbem Aurelianensem, tanquam
 summus ejus Praefectus, & in ejus agro am-
 plissima praedia habens, ferebatur, aliquid
 hac in parte dederit, & Aurelianensis Uni-
 versitatis commoda per Cathedrae Civilis ex
 Parisiensi Universitate proscriptionem pro-
 movere studuerit, quae omnia, tanquam
 certissima, asserit Ferrerius, licet ratio,
 qua illa prohibitio defendi solet, quod nem-
 pe Juris peregrini doctrinam in Urbe Regni
 primaria & Sede Regia exponi, non ex ejus
 dignitate sit, cum ipsa ratione naturali pu-
 gnare videatur; haec omnia tamen persuade-
 re non poterunt, hanc Constitutionem vel
 non fuisse Legem, vel Legem sine vi legali
 fuisse. Nec caput ejus 69. nova Constitutio
 fuit, sed tantum Legis olim latae & hucusque
 vigentis (b) repetitio; quae omnem privati
 affectus suspicionem amolitur. Et si quid

hic favori datum esset, Constitutio tamen in omnibus suis capitibus a Rege sollemnissime approbata, & consueto more promulgata has querelas omnes irritas faceret. Vigorem autem ejus integro seculo continuatum luculenta testimonia loquuntur. Primum sane est, quod Ferrerius pro sua causa defendenda producit, Statutum Facultatis Juridicae Parisiensis, jussu Henrici IV. R. anno 1598. per ejus delegatos reformatum & anno sequente actis Curiae Supremae insertum, cujus prologus laudes hujus Facultatis his verbis effert: *Juris Canonici Schola ad haec usque tempora Seminarium honestissimorum hominum ad Ecclesiasticos gradus & Reipublicae munia tam Ecclesiastica, quam Secularia promovendorum extitit.* De integra Facultate Juridica locutus, eam *Juris Canonici Scholam* appellat, nulla Professorum Juris Civilis mentione facta, quos si Parisiensis Universitas agnovisset, silentio praeterire non potuisset, sed Facultatem Juridicam sine dubio *Juris Canonici & Civilis Scholam* appellasset. Cum insignes, qui in Regnum ex Facultate Juridica effunduntur, fructus describit, Scholae Juris Canonici soli tribuit, quod homines aptos reddat *ad Ecclesiasticos gradus & Reipublicae munia*, & haec quidem *tam Ecclesiastica quam Saecularia.*, Si Facultas Juridica Parisiensis non tantum scholam Juris Canonici, sed & Scholam Juris Civilis complexa esset, ita fructus hujus Facultatis sine dubio divisurus fuisset, ut *Ecclesiasticos gradus*

*gradus, & Ecclesiastica munia ad Scholam Juris Canonici, munia vero Reipublicae & Saecularia, ad Scholam Juris Civilis retulisset. Et licet Articuli V. verba paulo magis Ferrerio favere primo intuitu videantur, curatior tamen eorum inspectio nostram sententiam egregie adjutura est. Verba haec sunt: Prolyta a lectione & auditione Institutionum & Canonici & Civilis Juris studium exordiat, ac sedulam operam in eo collocet, ut utriusque Juris titulos memoriter teneat. Qui verba haec probe ponderaverit, ille non difficulter nobiscum perspecturus est, primario hic causam Juris Canonici agi, illiusque progressibus unice litari, Jurisque Civilis mentionem tantum secundariam fieri, in quantum nimirum illud a Canonico non separari possit, & pro instrumento sit, quo hujus doctrina melius & facilius comparari possit, ut ita non immerito iterum dilabamur ad Heidelbergensis Universitatis formam, quae Juris Canonici tantum Professores ab initio agnovit, qui ob arctam hujus cum Jure Civili necessitudinem & hoc, quantum ad ejus faciliorem cognitionem faceret, docere, sed secundo tantum, jubebantur; cujusmodi etiam Universitatis Parisiensis faciem a tempore Decretalis *super specula &c.* id est ab anno 1220. usque ad annum 1679. fuisse merito existimamus (c). Idem fatum sub Ludovico XIII. R. Juri Civili in Universitate Parisiensi incubuit. Ita enim ipse Ordin. de anno 1629. art. 44. edixit: *Nous defendons a toutes**

personnes, soit de l'Université, ou autres de faire lectures publique ailleurs, qu'esdites Universités, meme de lire le droit Civil en nostre bonne ville de Paris (d). Nullum autem certius observati hujus capituli Bloensis Constitutionis testimonium producere possumus, quam quod gloriosae memoriae Rex Ludovicus XIV. ipse tulit, his verbis totam causam decidentibus (e): *que l'estude du Droit Civil a été presque entierement negligée depuis plus d'un siecle dans toute la France, & que LA PROFESSION PUBLIQUE EN A ETE DISCONTINUEE DANS L'UNIVERSITE DE PARIS &c.* qui nunc demum hoc caput 69. Constitutionis Bloensis abrogat, & cathedram Juris Civilis Romani Universitati Parisiensi restituit: *Que dorénavant les leçons publiques du Droit Romain seront retablies dans l'Université de Paris conjointement avec celles du Droit Canonique non obstant l'Article 69. de l'Ordonnance de Blois & autres Ordonnances, Arrêts & Reglemens a ce contraires, auxquels Nous avons derogé à cet égard.* Magnificum, quo Jus Romanum ornat, elogium omittere non possumus, cujus verba aurea haec sunt: *Ayans d'ailleurs reconnu, que l'incertitude des Jugemens, qui est si prejudiciable a la fortune de nos sujets, provient principalement de ce que l'estude du Droit civil a été presque entierement negligée &c.*

(a) Hist. du Droit Rom. chap. 30. (b) quod factis probavimus supra §. 10. & 11. (c) vid. quae supra

supra §. 11. & ad Heinecc. L. II. §. 96. n. (α) diximus. (d) v. Institut. du Droit Rom. & du Droit Fr. par un Auteur Anonime &c. L. I. chap. 15. §. 11. p. 107. qui Auctor Anonymus illud edictum Regium suo tempore promulgatum esse testatur. (e) Edit, qui regle les études de Droit. 1679.

§. XV.

Ordinationum Regiarum haec Periodus largam fegetem produxit, ex quibus aliquae plane prae reliquis id consecutae sunt, v. g. Molinienfis, Bloesensis &c. ut singularibus Commentarijs illustrarentur. Tanta autem harum Legum copia utique merebatur, ut in unum Corpus & Codicem colligerentur, cujusmodi Collectiones privata pleraeque, aliquae tamen & publica auctoritate prodierunt. Quam jam an. 1315. inchoavit Collectionem Guilielmus Breulius, & tanquam tertiam partem Operis sui, quod sub titulo: *Pancien stile du Parlement de Paris*, allegare solemus, edidit, Ludovici S. IX. Philippi Audacis III. Philippi Pulchri IV. & Ludovici Hutini X. sub quo vixit, Ordinationes complectentem, eam Molinaeus, cum illum sty- lum antiquum corrigeret, perficere tentavit an. 1549. nonnullas Regum dictorum, multas etiam sequentium Philippi Valesii VI. Jo- hannis, Caroli V. Caroli VI. Caroli VII. Lu- dovici XI. & Caroli VIII. Regum Ordina- tiones addens, sed scissas & in 53. titulos, re- rum iis comprehensarum natura a se invicem diversos, relatas. Paulo post prodiit alia

Collectio-
nes Ordi-
nationum

Collectio duobus minutioribus in folio Voluminibus, quorum prius 45. tantum, omnes fere Gallico sermone scriptas Ordinationes, & harum quidem aliquas sat magnas Johannis, Caroli VI. Caroli VII. Ludovici XI. & Ludovici XII. Regum, quasdam etiam in compendium redactas, posterius vero Francisci I. R. ab anno 1514. ad 1546. ordine chronologico digestas exhibet. Petrus Rebuffus postea Regiarum Ordinationum capita in titulos iterum disiecta cum Commentariis amplissimis edidit. Anno 1580. Fontanonius, causarum in suprema Parisiensium Curia orator, Petri Pithoei, Bergeronii, aliorumque Iurorum consiliis adjutus, Collectionem suam quatuor Tomis in duo volumina in folio congestis edidit, quam anno 1611. Gabriel Rupemailletus (Rochemaillet) auctam, augmento in Appendicem confuse coniecto, tribus in folio voluminibus dedit, ita tamen, ut multae ordinationes diligentiam utriusque fugerint, multae ita scissae & disiectae sint, ut integram Ordinationem legere cupienti grave negotium facessant, multa etiam acta, quae Ordinationum nomine commode insigniri non possunt, exhibeantur, & denique multae Ordinationes ex vitiosis exemplaribus descriptae sint. Tandem Henricus III. R. eo fere, quo Fontanonii Opus in lucem prodiit, tempore e sua & Regni re fore existimavit, Constitutionum Regiarum, in compendio exhibendarum, integrum

tegrum Corpus, ad normam Codicis Justiniani redactum, autoritate Regia edi. Rex illud negotium celeberrimo Barnabae Brissonio, tunc Advocato generali in Curia Parisina, mox Praefidi dedit, opusque perfectum ad Supremas Regni Curias mittere sibi proposuit, ut ab iis, ubi opus videretur, correctum, mox Regio jussu vim Legis acciperet. Turbae intestinae & infelicia Regis & Brissonii fata consilium Regis irritum hac in parte reddiderunt. Ipsum tamen Opus anno 1587. sub nomine Basilicorum & Codicis Henriciani, *Basiliques & Code Henry*, lucem vidit, satis quidem, si Collectionis magis, quam novae Legis indolem consideres, imperfectum, Ordinationum Capitibus nimium discerptis & in variis partes dispersis. Sub finem Seculi XVI. anno 1596. Guenoisii Collatio Ordinationum, *Conference des Ordonnances par Guenois*, uno volumine in folio prodiit, duobus postea voluminibus aucta, ea facie, ut sub variis titulis omnes Regum nostrorum de negotiis in vita civili obviis Constitutiones, temporum ordine se invicem excipientes, sistat, ut quas quaeque Ordinatio mutationes a recentioribus experta sit, id oculis statim subiciatur. Tandem Petrus Neronius & Stephanus Girardus, causarum in curia Suprema patroni, novam collectionem dederunt, in tres libros, uno tamen volumine comprehensos, divisam, quorum primus res civiles privatas, secundus Ecclesiasticas, tertias pu-

blicas sistit , ita sub diversis titulis integrae Regum Constitutiones ordine Chronologico exhibeantur, & a Francisco I. R. initium fiat. Novam Editionem dedit Ferrerius 1720. (a). Elegantissimam vero, omnibusque numeris absolutam omnium, quae Regia autoritate & impensa summoque collectorum studio in quibuscunque Regni vastissimi scriniis reperiri poterant, Regiarum ordinationum Collectionem, ordine chronologico dispositam, maximorum Regum Ludovici XIV. cujus auspiciis ea coepta est, & Ludovici XV. Regis nostri clementissimi prudentiae & liberalitati debemus, cujus duo Tomi priores Laurerii potissimum . olim in Regia Curia Advocati, curis ex officina Regia prodierunt, reliqui post fata illius opera eruditissimi sagacissimique Secoussei, Regiae Inscriptionum & elegantiorum literarum Academiae Socii dignissimi, cum Annotationibus & Praefationibus consummatae plane eruditionis partim prodierunt, partim prodituri sunt, sub titulo, quem saepius jam allegavimus. Studium Ordinationum Regiarum mire adjuvat egregium Opus, quo ab Hugone Capeto ad annum 1714. Constitutiones Regiae ordine chronologico per compendium recensentur, quod sub Titulo: *Compilation Chronologique contenant un Recueil en abrégé des Ordonnances, Edits, Declarations & Lettres Patentes des Rois de France, qui concernent la Justice, la Police, & les Finances avec la* date

datte de leur enregistrement dans les Greffes des Compagnies Superieures, depuis l'année 987. jusqu'à present, par M. Guillaume Blanchard, Avocat au Parlement Parisiis 1715. duobus Tomis in folio prodiit, quod Secousseus, judex sane in hac causa perspicacissimus, utilissimum sibi in gravissimo Opere perficiendo magno adjumento quotidie esse testatur (b). Duo tamen notat, nempe quod multae Ordinationes Regiae omissae sint, non paucae vero chartae irreperierint, quae cum non ex fonte Regiae voluntatis promanent, inter Ordinationes Regias locum tueri non possunt.

(a) v. De his omnibus plenius agens LAVRERIVS Ordonnances des Roys de France de la troisieme race. Vol. I. in Praefatione. (b) Ordonnances &c. Vol. III. Praefat. p. 15.

§. XVI.

Vidimus in Periodo Francica media infigne Ordinationis Regiae exemplum, quod ob amplitudinem & praestantiam suam *Codicis* nomine ornari meruit, nempe Codicem Ludovici S. (a). In hac vero Periodo plures occurrunt Ludovicorum Constitutiones, Codicis nomine, iisdem ex rationibus, illustres. In hunc censum tamen non referimus Codicem Henricianum (b), quippe qui Legis vires non obtinuit, adeoque Constitutiones ipsi insertae, si Legis auctoritate gaudent, non ideo eam obtinent, quia Henriciano Codici insertae sunt, sed quia vir-
tute

Ordina-
tionesCo-
dicis no-
mine in-
signes.

tute obligandi, sibi ab auctore suo impressa, muniantur. Primam vero huc referimus nobilissimam Ludovici XIII. R. Constitutionem super postulatis Ordinum Regni, Parisiis 1614. congregatorum, & consiliis Regi in Conventibus virorum Notabiliorum anno 1617. & 1626. suggestis, anno demum 1629. latam & d. 15. Jan. ejus anni actis Curiae Supremae Parisinae insertam, quae 461. Articulis multa, quae ad conditionem Regni & singulorum civium florentiorem reddendam egregie faciunt, complectitur, & ob insignem, quae ipsi impensa est, curam multis subinde elogiis ornatur. A Michaële Marillaco, Sigilli Regii custode, cuius in ea confarcinanda potiores partes fuerunt, derivatum nomen in ipsam Constitutionem, suffragante communi usu, transiit, ut *Code Michaut* appellaretur. Multo applausu primum excepta, impense laudata, plerarumque Curiarum Actis inserta, eam tamen post fata Marillacae gentis calamitatem experta est, ut fere in desuetudinem abierit, aliquot tantum sui capitibus conservata. Sed maxime omnium huc spectant amplissima Ludovici XIV. gloriosae memoriae Regis Constitutiones, quibus rei praecipue Judicariae novam faciem induit, quarum non nisi titulos hic indicare licebit. I. *Ordonnance de Louis XIV. Roy de France & de Navarre donnée a S. Germain en Laye au mois d'Avril 1667.* quae deliberationibus multis

tis Virorum Consilii Regii & Curiae Supremae eorum, qui rerum civilium & judicialium peritissimi habebantur, institutis, cura praecipue Seguierii, Cancellarii, egregie composita, formam Judiciorum in causis civilibus novam definiens, *Code Civil* appellari meruit. II. *Ordonnance de Louis XIV. touchant les Evocations, les Reglements de Juges, les Committimus & gardes gardiennes, les lettres d'Etat, & les Repis &c. donnée a S. Germain en Laye au mois d'Aout l'an 1669.* III. *Ordonnance de Louis XIV. Roi de Fr. & de Nav. sur le fait des Eaux & Forets, verifiée en Parlement & Chambre des Comptes, le 13. Aout 1669.* IV. *Ordonnance de Louis XIV. R. de Fr. & de N. pour les matieres criminelles. Donnée a S. Germain en Laye, au mois d'Aout 1670.* Quae eadem, quam in componenda Constitutione Civili observatam diximus, diligentia confarcinata, *Code Criminel* dici consuevit. v. *Ordonnance de Louis XIV. R. de Fr. & de N. pour le Commerce. Donnée a S. Germain en Laye au Mois de Mars 1673.* quae nomine *Code Marchand* insigniri solet. VI. *Ordonnance de Louis XIV. R. de Fr. & de N. donnée a Fontainebleau au mois d'Aout 1681. touchant la Marine.* VII. *Code Noir ou Edit du Roy, servant de Reglement pour le Gouvernement & administration de la Justice, & la Police des Isles Francoises de l'Amerique, & pour la discipline & le Commerce des Negres & Esclaves dans le dit pays. Donnée a Versailles au moi de Mars 1685.* Quarum Constitutio-

tutionum singulae variis postea Edictis, Declarationibus, Arrestis Curiarum Supremarum auctae in publicum prodierunt, & uno vocabulo omnes simul sumtae Codicis Ludoviciani, *Code Louis*, elogio ornari consueverunt.

(a) de quo v. supra §. 12. (b) v. §. praeced.

§. XVII.

Ludovici
XV. Con-
stitutio-
nes J. pri-
vati.

Quantum studii Rex noster clementissimus Ludovicus XV. in civium salute Regnique felicitate optimis Legibus firmanda ab eo, quo Imperii habenas suscepit, tempore posuerit, ingens saluberrimarum, quae prostant, Constitutionum numerus uberrime comprobatur. Ex insigni multitudine aliquas, earum maxime, quae ad Jus privatum spectant, indicabimus. *Edit concernant les billets payables au porteur. 1710. May. cum Declaratione &c. Junii ej. a. Declaration du 12. Mars 1719. concernant les vagabonds & gens sans aven. Alia de eadem re 1722. 1. Julii. Edit contre les Duels. 1723. Fevr. Declaration concernant la punition des voleurs. 1724. 4. Mars. Code Noir ou Edit du Roy, servant de Reglement pour le gouvernement & l'administration de la Justice, Police, discipline & le commerce des Esclaves Nègres dans la Province & Colonie de la Louisiane. a Vers. au mois de Mars l'an 1734. Adde Declaration &c. 1738. 15. Decemb. Declaration, qui ordonne l'exécution de celle du 16. Mars 1700. 28. Nov. 1713. 20. Fevr. 1714. concernant la maniere des payemens des Lettres & billets*

lets de change & autres pour valeur receue en marchandises avant les diminutions d'espèces 1726. 7. Juil. Declaration concernant les Infinnations. 1729. 25. Juin. alia 1731. Fevr. Declaration concernant les billets, promesses & quittances sous signature privée. 1730. 30. Juill. alia hujus interpres 1733. Sept. Ordonnance en forme d'Edit concernant les Donations. 1731. Fevr. Ordonnance en forme d'Edit concernant les Testamens. 1735. Aout. Edit, qui regle la forme des instructions de faux & la maniere de proceder a la reconnoissance des Ecritures. 1737. Juill. Edit concernant les demandes en Evocation & en Reglement de Juges tant en matiere civile que criminelle. 1737. Aout. Recueil des Nouvelles Ordonnances & Reglemens de Louis XV. sur les affaires, qui sont de Nature a etre portées au Conseil. a Paris 1738. en 16. Declaration qui regle la maniere d'elire des Tuteurs & Curateurs aux mineurs, qui ont des biens en France & dans les Colonies. 1741. 1. Octob. Declaration ampliative de cellecy 1743. 1. Fevr. Declaration, qui fait revivre en Alsace les peines des secondes Noces, conformément a la Loy hac Edictali confirmée par l'Edit de François II. & aux deux premieres Loix du Code de secundis Nuptiis 1743. 12. Octobr. Declaration, qui defend de commettre les Testamens a la volonté d'un tiers, dans la ville de Strasbourg, comme dans le reste de la Province 1744. 23. Decembr. Edit touchant les gens de mainmorte. 1749. Aout. Declaration du 6. Mars 1751. par laquelle sa Majesté, sans infirmer les Actes de souscription des Testaments

staments mystiques, qui ont été écrits par les Clercs des Notaires avant la publication, enjoint a tous Juges de declarer nuls les testaments, dont les Actes de souscription n'auroient pas été écrits pour la suite de la propre main du Notaire.

§. XVIII.

Ordo servandus inter diversas Juris species

I. per totum Regnum.

Rerum natura nunc exposcit, ut quis ordo inter diversas Juris civilis privati, quo Gallia hodie utitur, species observandus sit, indicetur. Per has tres species intelligimus, Ordinationes Regias, Consuetudines, Jus Civile Romanum. Natura summi imperii exigit, ut primas omnino partes obtineant Ordinationes Regiae, & quidem ut, si ad certum locum Principis voluntate restringantur, in eo saltem loco ante omnes alias Juris species observentur, ad quem restrictae sunt; si vero universales sint, primae audiantur per omnes Regni provincias, sive Juri scripto, sive Consuetudinario addictas. Unicam addimus Regulae limitationem; nisi Rex ipse hujus Ordinationis Auctor disertis in ea verbis declaraverit, se nolle, ut haec Ordinatio Consuetudini vel Legi contrariae, aliqui vigenti, deroget; quo casu Ordinatio ibidem non obtinebit, non quod Rex illi Juri derogare non potuerit, quod dictum absolum est, sed quod noluerit. Si Ordinationes Regiae nihil de aliquo negotio, quod se offert, constituunt, tunc aliud in provinciis Juris Scripti, aliud in provinciis Juris non

non - Scripti observandum. In illis confu-
giendum erit ad Jus Justinianum, quod pro
Jure Communi in his provinciis haberi nemo
negat ; non quia Romanum est, sed quia re-
ceptum est, libera Regum voluntate ; vel,
ut alii loquuntur, *non propter auctoritatem domi-
nationis, sed propter auctoritatem receptionis.* Nec
aliud sane constituit Philippus Pulcher Rex
(a) in Constitutione de anno 312. qua Juris
Civilis studia in Universitate Aurelianensi in-
stituit. In diversum quidem sensum aliqui
inflectere volunt verba sequentia : *Ceterum
super negotiis & causis forensibus, quae spirituali-
tatem & fidei Sacramenta non tangunt, RE-
GNUM NOSTRUM, consuetudine moribus-
que praecipue, NON JURE SCRIPTO RE-
GITUR, licet in partibus ipsius regni quibus-
dam, subjecti, ex permissione progenitorum &
nostra, juribus scriptis utantur in pluribus, non
ut juribus scriptis ligentur, sed consuetudine juxta
scripti juris exemplar moribus introducta &c.*
ubi sollicite quidam observant, quod dicat
1. regnum NON REGI Jure scripto. 2.
Subjectos in quibusdam partibus Regni Ju-
ribus scriptis UTI. 3. non uti in omnibus,
sed tantum IN PLURIBUS. 4. nec tamen
ibi Juribus scriptis LIGARI. Unde & in
provinciis Juris Scripti Jus Justinianum
ex mente Philippi R. tunc demum obser-
vandum esse arbitrantur, quando deficiente
Constitutione Regia illarum provinciarum-
cives illud tanquam aequitatis normam ob-
C c c c fervare

servare voluerint, aut illud iam in simili casu
 observatum esse doceatur. Verum si res pe-
 nitius consideretur, apparebit, hanc veram
 esse mentem Legislatoris; etiam in provin-
 ciis Juris Scripti Gallos non REGI Jure Ro-
 mano, uti regantur Ordinationibus Regum,
 vi summi imperii, cui subjecti sint; sed tan-
 tum Jure Romano UTI, quod libera vo-
 luntate in usum receperint, cum consensu
 Regum; atque ita eos illo Jure uti, non
 quod se ad illud, tanquam ad regulam a Prin-
 cipe suo prae-scriptam, obligatos esse sen-
 tiant, *non ut ligentur*, sed quod, uti cives
 reliquarum provinciarum singulares Con-
 suetudines recepissent, ita ipsi Jus Romanum
 cum consensu Regum, *ex permissione proge-
 nitorum* suorum & sua per modum consuetu-
 dinis agnovissent, atque ita uterentur Con-
 suetudine *juxta Juris Scripti exemplar moribus in-
 troducta*. Unde colligimus, Philippum Pul-
 chrum non tam de effectu, quem nunc Jus
 scriptum haberet, qui, sive Legis illud, sive
 Consuetudinis nomen in provinciis illis ha-
 beret, idem sane futurus esset, cum Consue-
 tudinis receptae eadem sit vis, quae Legis,
 quam de causa, quae Juri Romano autorita-
 tem in Gallia dederit, sollicitum esse. Sci-
 licet recentissimae litis, quam cum Bonifacio
 VIII. S. P. nuper admodum aluerat, & opi-
 nionis ab hoc assertae, Regnum Galliae sibi
 etiam in temporalibus subjectum, imo &
 Imperio Romano obnoxium esse (b), memor,
 quem

quem etiam, utpote in hac causa maxime exercitatu, latere non poterat, idem a Decretalium Glossatore ad verba Innocentii III. S. P. quibus Regem Galliae in temporalibus nemini subesse agnoverat (c), annotatum, &, quod id in dubium vocantes graviter peccarent, ab Hostiensi (d) dictum, ac nuper demum a Jcto Gallo (e), magnis dignitatibus ornato, assertum esse; sollicitè in eam curam incubuisse videtur, ut, ubi de Legibus Romanis sermo fieret, verba ita studiose temperarentur, ut nemo quicquam argumenti inde pro tuenda tam periculosa opinione trahere posset. Et haec vera est ratio verborum allegatae Constitutionis (f), quam itaque Juris Romani auctoritati in provinciis Juris Scripti nihil omnino detrahere, satis apparet. Nec aliunde aliquid impedimenti Juri Rom. in provinciis Juris Scripti obinoveri memini. Illud autem omnino mentibus excutiendum est somnium, multos in addiscendo Jure Rom. remissiores reddens, quod Ordinationibus Regiis judiciariis qui operam dederit & per trituram fori iis probe imbutus sit; is Jure Romano, etiam in provinciis Juris Scripti, multum inhaerere opus non habeat. Illi autem, qui huic errori immerfi sunt, perpendant, quaeso i. quod & ante has Constitutiones Ludovicianas, quae litis formam praecipue definiunt, judiciorum sane instituendorum ratio parum ex Juris Romani formulis traxerit; nec tamen Galli

Juris Romani studio negligenter incubuerint, sed potius tanto illud ardore omnes exceperint, ut & exteri, Gallorum laudibus saepe non nimis tribuentes, agnoscere coacti fuerint: *Jurisprudentiam Romanam, si apud alias gentes extincta esset, apud solos Gallos reperiri posse* (g) 2. Quod Constitutiones illae Ludovici XIV. R. gloriosae memoriae, quas Codicem Ludovicianum appellare solemus, praecipue in forma judiciorum corrigenda occupentur, nec sane omnia causarum controversarum merita definiant regulamque quaestionibus Juris omnibus decidendis praescribant, atque ita, qui iis probe, ut debet incubuerit, is in forma litis observanda solertissimus quidem evadere possit, si vero reliqua omnia Juris praecepta, adeoque & Romanarum Legum studia negligat, in multis causis, etiam levissimis, facile haereat, si quid, non quotidianum, occurrat, stupeat plane, & in terribilissimas angustias compellatur, ex quibus se extricare non possit, nisi, favente Deo, in Autorem bonae notae incidat, ejusque argumenta, forsan ne satis quidem intellecta, in usus suos conatu audaci magis, quam prudente, convertat. 3. Quod ita ab Augustissimi Legislatoris Ludovici XIV. sententia longe aberrant, & jussibus ejus parum obsequentes se sistant, cum ipse Legislator aliis quibus suorum Codicum jamjam promulgatis, aliis mox promulgandis occupatus, nihil tamen salutis populi magis proficuum se agere

agere posse existimaverit, *que de donner a ceux, qui se destinent a ce ministere, les moyens d'acquiescer la doctrine & la Capacité necessaire, EN LEUR IMPOSANT LA NECESSITE, DE S'INSTRUIRE DES PRINCIPES DE LA JURISPRUDENCE tant des Canons de l'Eglise & des LOIX ROMAINES, que du droit Francois; eos sane, qui id studium neglexerint, reos faciens rei judicariae confusae & salutis populi neglectae; ayant d'ailleurs reconnu, que l'incertitude des Jugemens, qui est si prejudiciable a la fortune de nos sujets, provient principalement de ce que l'etude de Droit civil a été presque entierement negligée* In provinciis Juris non-scripti post Ordinationes Regias Consuetudines cujusque provinciae sine dubio erunt observandae, legitime nempe redactae; nisi quaedam provincia probaverit, sibi etiam Consuetudine non redacta, annuente Rege, uti licere. Quod si vero quaedam Juris quaestio in provincia Juris non-scripti oriatur, quae nec Ordinationibus Regiis, nec Consuetudine decisa sit, tunc alii ad Jus Romanum confugiunt, alii ad alias Consuetudines, & horum quidem aliqui Consuetudinem proximam, aliqui vero Parisiensem consulendam esse censent. Has tricas enodare non possumus, nisi res paulo altius repetatur. 1. Jus Romanum plerumque, sub voce *Juris Communis* intelligi, plures observant (i), & quidem

3. In
provin-
ciis Juris
non-
Scripti.

dem in ipsis Constitutionibus Regiis, v. g. Philippi Pulchri R. de an. 1302. (*k*) & Johannis R. de an. 1357. (*l*), uti & sub nomine *Juris Scripti* (*m*), nec non *Juris Civilis* (*n*). Nec negare possumus 2. praestantiam Juris Romani prae Consuetudinario plurimorum consensu agnitam esse (*o*), quam gravissimis rationibus probatam dedit Bouhierius (*p*) 3. Non dari communem quandam totius Juris Consuetudinarii per Galliam genium; nec vicinarum Consuetudinum inter se affinitatem esse, ex ipsa originis illarum primaevae, imo ex redactionis natura, exemploque Consuetudinum Ducatus Comitatusque Burgundiae, idem contendit (*q*) 4. Saepe ne quidem loci situs, qui pluribus quandoque provinciis, aliis Juris Scripti, aliis Juris non-Scripti, sed inter se graviter dissidentis, cingitur certam praestare potest regulam, cujus provinciae Jura observanda sint. Ex his rationibus, magnotestimoniorum apparatu, gravique argumentorum pondere probatis, Bouhierius merito concludit (*r*), nec vicinas Consuetudines, nec Parisiensem in casu, de quo nobis sermo est, observandas esse, nec hac in re constantem esse Jurisprudentiae Parisinae sententiam, cum in ejusmodi casu non idem judicium a Curia latum esse, duo arresta, aliud anni 1729. aliud vero 1730. non consentientia, probent. Jus Romanum autem per omnem Galliam ab antiquissimis temporibus pro Jure Comuni

muni habitum esse luculenta testimonia docent. Causa, quam agimus, non exigit, ut ultra Ludovicum S. R. ascendamus. Hic autem in suo Codice non tantum ubique Juris Romani Leges citat, adeo ut etiam ipse ejus Codicis prologus testetur, eum redactum esse *par les Concordances des Loix, des Canons & des Decretales*; sed tanta Jus Romanum benevolentia excepit, ut versionis antiquae Gallicae Codicis Justiniani, cujus exemplar manuscriptum servavit Bouhierius (s), auctor credatur, ipseque Laurerius, Juri Consuetudinario alias omnia tribuens, confiteri coactus sit (t), Jus Romanum ejus tempore Galliae Jus Commune fuisse. Philippus Pulcher R. in Constitutione saepius allegata de an. 1312. de Legibus Romanis loquens, PER QVAS, ait, *in causis forensibus regni hujus JUDICARI CONSVEVIT, ubi judicia, Constitutiones seu Ordinationes Progenitorum Nostrorum & Nostrae, quas omni Consuetudini praeponimus, deficiunt, & Consuetudo certa non reperiatur, ex qua fuerit judicandum.* Fonteneus ubique Jus Romanum allegat, & quidem saepius nominibus *Loi Ecrite, Droit, Droit Commun.* Bellomanerius in praefatione Jus Romanum appellat *le Droit, qui est commun a tous el Royaume de France.* Joannes Faber deficiente Consuetudine provinciae Jus scriptum statim consuli & hunc Jurium ordinem servari testatur: *Ubi casus determinandus occurrit, 1. attenditur Consuetudo, 2. Jus, expresse*

sum si sit, 3. *simile Juris*. 4. *Consuetudo vel potius, ut rerum series docet, simile Consuetudinis*. 5. *Si praemissa deficient, Consuetudo Metropolis*. 6. *Locorum propinquorum*. Buticularius (Bouteiller) in *Summa Rurali* de eodem Juris Romani usu testatur, ut & Magni Consuetudinarii Auctor. Recentioribus temporibus eandem sententiam plerique tuentur. Ipse Molinaeus, contrariae alias sententiae patronus, Jus Romanum appellat (u) *Commune omnium, etiam non Romanorum, & quaestioni: numquid simile Consuetudinis sit servandum, an simile Legis?* sine haesitatione respondet: *Teneas, quod simile Legis*. Tiraquellus, Bourdinus, Rebuffus, Pontanus (x), Egui-narius Baro (y), Choppinus (z), Bretonnierius (a), Tilletus, Charondas, Fontanonius, Loyseus, Bignonius, Talonius, alii-que, maxime autem omnium Bouhierius (b), hanc sententiam, tanquam certam & constanter agnitam defendunt, eamque Regia auctoritate tueri videtur Henricus IV. R. (c) *Nous avons toujours approuvé la disposition du Droit Romain contenue ez Constitutions des Empereurs & voulons icelle disposition estre suivie en ce qu'elle est conforme a la raison & equité*. Alii limitationem sententiae a tot Jctis assertae non immerito addunt, nisi negotium Consuetudine provinciae non decifum, sit Juri Romano ignotum & ex ejus principiis non derivandum. Ita sentiunt Brodaeus, Ricardus, Berroyerius, Thaumassierius, Bretonnierius, Ferre-

Ferrarius. Quantum Ludovicus XIV. R. dederit Juri Romano etiam in provinciis Consuetudinariis, testatur ejus Edictum saepius allegatum (*d*). Nostri vero in re tanta nihil omnino esse arbitrii, facile agnoscimus. Quod si tamen ex rationibus modo productis aliquid saltem inferre liceat, tunc hunc Jurum in provinciis Juris Non-Scripti ordinem servari crederemus. Primo omnium loco consulendae erunt Ordinationes Regiae; si negotium in litem deducendum vel jam deductum, his decisum non sit, adeunda erit Consuetudo provinciae. Si & haec de eo fileat, tunc confugiendum erit ad Jus Romanum. Si vero causa, de qua quaeritur, & a verbis & a principiis Juris Romani plane aliena sit, tum quidem ad aliam Consuetudinem progrediendum erit, & quidem vicinarum Consuetudinum illam, quae cum ea, de qua quaeritur, aliquam vel originis vel principiorum affinitatem habeat; & hoc quidem propter naturale & internum vinculum, quod inter utramque Consuetudinem deprehenditur. Si nullum ejusmodi vinculum inveniatur, tunc inter omnes Consuetudines merito agnoscenda erit Parisina, propter dignitatem metropolis. Sed nunc nova quaestio surgit inter Jctos Gallos quotidie agitata, an Judex tunc ad Jus Romanum confugiens, illud agnoscere debeat tanquam *Jus Commune*, an vero tantum, tanquam *Rationem Scriptam*? & illud quidem olim

a Petro Lizeto, hoc vero a Christoph. Thua-
no, utroque suo tempore Praefide primario,
assertum esse omnes dicunt, nemo probat, in
dubium vero vocat Bouhierius (e). Si hic sen-
tentiae, quam dicunt, Thuanaeae sensus sit,
Judici potestatem dari, a Jure Romano re-
cedendi, si ejus sententiam in aliquo casu
manifeste iniquam, aut ex principiis omni-
no reprobatis v. g. paganismi ortam, vel
ex principiis Romanorum Reipublicae vel
Imperio propriis, cum hodierna rerum facie
non consentientibus, petitam esse depre-
henderet, tunc omnes facile huic senten-
tiae subscripturi sunt, cum illud Judici et-
iam in provincia Juris scripti non liceat tan-
tum, sed & incumbat. Si vero haec sen-
tentia hujus sensus sit: licere Judici suo arbi-
trio vel agnoscere Juris Romani sententiam,
vel repudiare, tunc quidem huic opinioni
multa opponuntur dubia, quae prae-
cipue congerit Bouhierius (f); nempe 1. ita
fenestram aperiri aequitati cerebrinae, *cum*
semina scientiae, Seneca iudice, *natura dede-*
rit, scientiam ipsam non dederit, & studiose di-
stinguendum sit inter aequitatem mere na-
turalem & aequitatem civilem 2. periculo-
sum esse Judici tantum permitti, cum facile
in Jurisprudentiam plane arbitrariam & hinc
incertam res abire possit, & hanc esse cau-
sam, cur Sabaudiae populi olim a Franci-
sco I. subacti, ex ipsius gratia petierint: *de*
n'etre point jugé d'Equité, curque olim in
prover-

proverbium abierit: *Dieu nous garde de l'équité du Parlement.* 3. cum quilibet diversam sententiam defendens, probabilibus etiam ornatam argumentis, sibi & ipse videatur aequitatem sequi, nullum superfluum esse medium convincendi alterum, suae sententiae inhaerentem, nisi decisio Legis submittatur arbitrio. 4. ipsorum Ictorum conscientiae egregie consuli, si certam habeant normam, quam sequi debeant. Addendum, quod naturae Imperii Monarchici, qua omnis Potestas Legislatoria Principi soli competit, omneque judicandi Jus ex ejus Majestate pendet, parum aptum videatur, certam iudicibus non dari regulam, quam ex Principis magis jussu, quam suo arbitrio sequerentur.

(a) v. Ordonnances des Roys de France &c. Vol. I. p. 502. (b) v. quae ad Heinecc. L. II. §. 69. n. (c) p. 922. diximus. (c) in Cap. *Venerabilem* &c. 13. X. qui filii sint legitimi. (d) ad idem C. *Venerabilem* &c. (e) nempe a PETRO DE BELLA-PERTICA in L. *Cunctos Populos* &c. n. 3. C. de S. T. (f) vid. BOVHIERIVS Observation sur la Coutume du Duché de Bourgogne. chap. 4. §. 38-48. (g) v. ARTH. DUCK de U. & A. J. C. R. L. II. c. 5. n. 1. (h) v. Edit, qui regle les Etudes de Droit 1679. (i) ARTH. DUCK. de U. & A. J. C. R. L. I. c. 2. n. 6. Ipse MOLINAEVS sur le conseil 685. de Decius. BOVHIERIVS Obs. sur la Cout. du Duché de Bourg. T. I. chap. 1. §. 15. & sqq. (k) Ordonnances &c. Vol. I. p. 366. n. 59. (l) Ibid. Vol. II. p. 461. (m) BOVTEILLER. somme rurale Liv. 1. ch.

l. ch. 82. p. 479. (n) BOVHIER. Observ. T. I. chap. I. §. 25. 28. 29. (o) HENRYS T. III. p. 812. FERRIERE Pref. sur la Cout. de Paris n. 86. ANT. FABER de Error. Pragm. Dec. 29. err. I. n. II. RICARD Traité de la Repres. chap. 8. n. 62. des Donations P. I. n. 1073. (p) Obs. sur la cout. chap. 2. (q) Observ. ch. 2. §. 27-38. (r) Observations &c. chap. 2. §. 40. & sq. §. 54-65. (s) ibid. ch. 4. §. 34. (t) Ordon. Vol. I. in Praef. p. 6. & in Notis p. 272. (u) in Decii Consil. 685. n. 4. (x) in Consuet. Bloesens. §. 20. p. 167. *Quod est a Consuetudine omissum, ait, Juris Communis dispositioni relictum censeretur constat* (y). Comm. Inst. Tit. de I. N. G & C. *Si pacto, more, statutove regionis aut Lege Regia controversiae forenses dirimi non possunt, ad Jus Caesareum Judices Regii, caeterique Laici confugiunt.* (z, Prael. in Conf. Andegav. P. I. q. 3. n. 1. q. 4. n. 4. §. 12. q. 5. n. 1. P. II. q. 4. n. 3. (a) Pref. sur Henrys. (b) Obs. chap. 4. cui multa eorum, quae hic scripsimus, debemus (c) Edit sur la subrogation aux hypothèques. Au Mois de May, 1609. (d) v. supra praecipue §. 14. in f (e) Obs. ch. 4. §. 68. (f) Pref. p. 3. Observ. ch. 2. §. 43. & sqq.



INDEX.

RERUM ET VERBORUM AU- CTIOR ET EMEN- DATOR.

*Primus numerus Librum, alter Paragra-
phum, Asterisci minores & Litterae Graecae
Notas, Majores Hist. Jur. Gall. indicant.*

A.

Aburnus Valens JC.
I, 290. ejus scri-
pta. *ibid.*

Academiae a Romana
juventute frequen-
tatae. I, 154. in Ger-
mania Sec. XIV.
juxta Schema Itali-
carum atque Galli-
carum instituta. II,
95. *seq.*

Accursius (Franc.)
Florentinus. I, 414.
416. de ejus erudi-
tione judicium. I.
416. * γ. an Grae-
cas litteras ignora-
verit. *ibid.* γ. tar-
dius ad studia acces-
sit. *ibid.* δ. Glos-
sam perfecit. I, 417.

Acilius (Lucius) JC.
sapiens a populo
dictus. I, 125. an
Atilius recte voce-
rur. *ibid.* in XII.
Tabb. scripsit. I, 31.

Actiones Aedilitiae,
quaedam perpetuae,
I, 72.

Actiones Legis quid?
I, 43. earum ori-
go. I, 45.

Actiones Praetoriae
nonnullae, licet
poenales, tamen
perpetuae. I, 68. *

Actiones utiles unde
dictae. I, 50. *

Actus legitimi, an &
quomodo ab Actio-
nibus Legis diffe-
rant. I, 46. *

Ado-

I N D E X.

Adolescentes Romani
in forum deducti. I,

154. eorum studia
litteraria. *ibid.*

Adulterium. De eo LL.
Servilia, I, 109. &
Julia. I, 164.

Advocati dicti Syndi-
ci Civitatum. II,
98. * Iis infesti Ga-
lerius & Maximia-
nus Impp. I, 352.

Advocatus Fisci ab
Hadriano constitu-
tus. I, 279.

Aediles Cereales. I, 56.
an ab Aedilibus ple-
bis differant. *ibid.*
* eorum officium.
ibid. *

Aediles Curules I, 56.
Edicta de communi
sententia propone-
bant. I, 75. a quo
tempore hoc jus ha-
buerint. *ibid.* * quan-
do creari desine rint,
ibid. * an de fune-
ribus quoque edi-
xerint. I, 77. *

Aediles Plebis Tribu-
norum adiutores. I,

54. eorum munus.
ibid. *

Aegyptus. Ei Praese-
ctum Augustalem
cur praefecit Au-
gustus. I, 177. *
cur ab hac dignita-
te senatores exclusi.
ibid. *

Aelia Gens. Ejus
Stemma. I, 193. *

Aelius (Publius) Pae-
tus Catus JC. I, 123.

Aelius (Quintus) Tu-
bero JC. I, 141. *

Aelius (Sextus) Pae-
tus Catus JC. in
XII. Tabb. scripsit.
I, 31. notas Pon-
tificum evulgavit.
I, 49. Juris Ae-
liani Auctor. *ibid.*
ejus tripartita. *ibid.*
* 124. diversus est
ab Aelio Cato L.
Aemilii Pauli gene-
ro. I, 124. *

Aemilius Macer JC.
vid. Macer.

Aemilius Papinianus,
v. Papinianus.

Aerarium. ejus cura
diver.

RERVM ET VERBORVM.

- diversis Magistratibus successive demandata. I, 54. *
- Africa, in ea floruit Jus Justinianum, I. 410.
- Africanus (S. Caecilius) JC. I, 305. ejus aetas, secta & scripta. I, 306. In his subtiliter admodum disputavit. *ibid.* *
- Agrariae Leges a Coccejo Nerva Imp. latae. I, 249.
- Alamannica Lex quando & a quibus scripta. II, 23. * *a.* ejus indoles. *ibid.* *a.* valuit adhuc sub Conrado. I. Imp. II, 41. nec non sub Conrado II. Imp. II, 51.
- Alaricianum corpus quando & ex quibus LL. compilatum. II, 15. ejus varia nomina. *ibid.* An Anianus JC. ejus auctor. *ibid.* *
- a.* quando abrogatum. *ibid.*
- Albanorum Sacra & instituta initio Romani retinuerunt. I, 1.
- Albericus a Porta Ravennate JC. I, 416.
- Albinagii jus sub Carolo M. II, 37. *
- Album Praetorum. I, 66. regium I, 4. *
- Alciatus (Andr.) JC. Jurisprudentiae humanioris auctor. I, 424.
- Alexander Tartagnus vid. Tartagnus.
- Alexandriae Juridicus ab Augusto institutus. I, 177. ibi schola medica celebris & juridica. I, 360. * quae etiam post Justiniani prohibitionem floruit. *ibid.* *
- Alexander Severus Praefectorum urbi potentiam auget. I, 325. nec non Praefectorum praetorio. *ibid.* XIV. Curatores

I N D E X.

- res Romae instituit.
ibid.
- Alfenus Varus JC. I,
153. 184. ejus
scripta. I, 185. an ex
futuro Consul fa-
ctus. I, 184.
- Amalphi an repertum
exemplar Pandecta-
rum. I, 413. *α.*
- Ambitus. De eo LL.
- Acilia Calpurnia. I,
86. Aufidia. I,
90. Baebia Aemi-
lia. *ibid.* Baebia
Cornelia. *ibid.* Cor-
nelia Fulvia I, 92.
Fabia I, 94. Maria.
I, 101. Pinaria, I,
103. Poetelia. I,
104. Pompeja, I,
105. Tullia. I,
110.
- Amblardus de Bello
Monte JC. II, 68.
- Anatolius Professor Be-
rytenfis. I, 362.
- Ancus Marcius LL.
Numae in usum re-
vocavit. I, 9.
- Andreas de Baruto LL.
Longobardicarum
Glossator. II, 27. *γ.*
- Anglia. Quando in
eam Jus Romanum
pervenerit. II, 57.
- Angli an provinciali-
bus Juris Rom. usum
reliquerint? II,
20. iis leges quis
primus tulerit? *ibid.*
ubi haec extent. *ib.* *
- Angliorum Leges II,
12. De iis pleraque
incerta. *ibid.* *α.* ea-
rum praecipua capi-
ta. *ibid.* *α.*
- Anianus an corporis
Alariciani conditor.
II, 15. * *α.*
- Ansegisus Abbas Col-
lector Capitularium.
II, 39. diversus ab
Ansegiso Archiep.
Senoniensi. *ibid.* *β.*
an fuerit Abbas Lo-
bienfis. *ibid.* *α.* an
Fontanellensis *ibid.*
γ. ejus collectionis
insignis mox aucto-
ritas. *ibid.* *γ.*
- Antecessores in Acade-
miis instituti. II, 96.
- Comitiva ornati. I,
380. *

R E R V M E T V E R B O R V M.

Anthianus (Furius)
 JC. I, 354.
 Antinomiae Pandectarum quomodo conciliandae. I, 391.
 β. 398. α.
 Antiochus Auctor Codicis Theodosiani I, 378.
 Antipater (Caelius)
 JC. I, 141. *
 Antistius Labeo. vid. Labeo.
 Antoninus (Marcus Aurelius) Imp. in Jure quaedam innovavit I, 297. 301. Jurisprudentiam ac philosophiam excoluit *ibid.* ejus orationes & SCta. I, 298. *seq.*
 Antoninus Pius Imp. varia jura condidit. I, 293. illi multa tribuuntur, quae Hadriano Imp. debent originem. I, 292. * an auctor beneficii divisionis? I, 281. * ejus Rescriptum de L. Rhodia. I, 294. an ipse

omnes Imp. Rom. subjectos civitate donarit. I, 312. * an Edictum perpetuum illi tribuendum. I, 267.
 Appius Claudius JC. Coecus & Centimanus dictus. I, 114. ejus vita & gesta. I, 115. an Litterae caninae inventor. *ibid.* *
 Appius Claudius Decemvir praecipuus LL. XII. Tabb. conditor. I, 25. 113. ejus fata. I, 27. 113.
 Aquila (Julius) JC. I, 359.
 Aquillia Gens. Ejus Historia. I, 146. *
 Aquillius (Cajus) Gallus JC. I, 146. ejus studium Juridicum I, 147. variarum formularum auctor. *ibid.* an tulerit L. Aquilliam. I, 147. * ejus scripta. I, 148.
 Aquisgranensis Statuta. II, 91.
 D d d d Archi-

INDEX

- Architecti Juris. I, 386.
 Aristocratiam Romae
 adfectabant Patres.
 I, 13. *
 Aristo (Titus) JC. a
 Plinio laudatus. I,
 260. ejus vita. *ibid.*
 * scripta. I, 261.
 Arrianus JC. I, 262.
 ejus scripta. *ibid.*
 Arrius Menander JC.
 I, 333.
 Affis explicatio an oc-
 casionem dederit
 docendi Pandectas.
 I, 412. *.
 Atejus (Cajus) Pacu-
 vus JC. vid. Pa-
 cuvius.
 Atejus Capito. vid.
 Capito.
 Athalaricus R. Ostro-
 gothorum Juris
 Rom. fautor. II,
 11. α.
 Athenis LL. petiverunt
 Romani, I, 24. *
 Atilicinus JC. I, 230.
 Atilius (Publius) JC.
 v. Acilius.
 Attaliota (Mich.) JC.
 Graecus. I, 406.
 ejus *ποίημα νομικόν.*
ibid. *
 Auctoritates a Senatu
 scriptae. I, 111.
 Auctor libri de benefi-
 ciis. II, 72. *
 Auditores dicti studio-
 si Juris. I, 156. *
 Auditoriorum Bery-
 tensium splendor.
 I, 362. *
 Aufidius Namusa JC.
 I, 153. 187.
 Aufidius Tucca JC.
 I, 153. 187.
 Augustalis Praefectus.
 I, 177. *
 Augustinus (Anton.)
 JC. humanior. I,
 424.
 Augustus (Octavius)
 Caesar quando &
 quomodo Monar-
 chiam invexit. I,
 159. * 162. * de
 immutando jure co-
 gitat. I, 160. qui-
 bus titulis usus. I,
 162. * in eum paul-
 latim summum im-
 perium collatum. I,
 159. * 168. Le-
 ges

RERV M ET VERBORVM.

ges prisco ritu tulit.

I, 163. multa

SCtis & Edictis

constituit. I, 170.

173. his jura nova

invexit. I, 174. no-

vos Magistratus in-

stituit I, 175. pro-

vincias cum populo

divisit. I, 176. JCtis

non omnibus facul-

tatem de Jure re-

spondendi concef-

sit. I, 178. Princeps

πολιτικώτατος I, 159.

seq.

Aulici Judicii ordina-

tiones. II, 108. *

Aurelianensis Acade-

mia, in ea studium

Juris Civilis & Cano-

nici instituit Phi-

lippus Pulcher Gal-

liae R. †, 10.

Aureliani Imp. Consti-

tutiones. I, 351. *

Aurelii nomen plures

tulerunt Impp. le-

gitimi & tyranni. I,

371. *

Aurelius Arcadius Cha-

rissius JC. v. Cha-

rissius.

Austriacum Jus Pro-

vinciale. II, 84. ejus

auctor atque indo-

les. *ibid.* β. recen-

tius. *ibid.* β.

Authenticae de earum

Auctoribus triplex

eruditorum senten-

tia. I, 419 β. Irne-

rio nec omnes, nec

nullae, aliquae ta-

men debentur. *ibid.*

β. earum auctori-

tas. *ibid.* γ. earum

errores. *ibid.* δ.

Authenticae Friderici

I. & II. Impp. v.

Fridericus,

αυτονόμοι civitates. v.

Civitas.

Azo JC. Summae Au-

ctor. I, 416. seq.

B.

BAjuvarii. Eorum

Lex quando scri-

pta. II, 24. α. ejus in-

doles. *ibid.* α. an ad-

huc sub Henrico II.

Imp. valuit. *ibid.* α.

41. nec non sub

Franconicis Impp.

II, 51. ad eam Ca-

Dddd 2 pitula

I N D E X.

- pitula Caroli M. II,
 37. & Tassilonis
 Bav. Ducis. II, 24.
 Bagarottus JC. Gallus
 Bononiae Jus Rom.
 docet. †, 9.
 Balbino Imp. nihil
 debet Jurispruden-
 tia. I, 326.
 Balduinus (Franc.) JC.
 humanior. I, 424.
 Baldus Perusinus JC.
 I, 421.
 Balsamon (Theod.)
 Photii Nomocano-
 nem Commentario
 illustravit. I, 407.
 floruit Sec. XIII.
ibid. ejus Collectio
 Constitutionum Ec-
 clesiasticarum. *ibid.* α.
 Baraterius (Barth.)
 auctor libri feudo-
 rum reformati, I,
 423. in Papiensi
 schola publice re-
 cepti. *ibid.* β.
 Baronis (Eguinarii)
 Manualia Juris. I,
 275.
 Bartolus, de Saxoferra-
 to JC. I, 421. in
 consilio Caroli IV.
 Imp. fuit. II, 97. an
 ab ipso aurea Bulla
 composita? *ibid.* β.
 Baruto (Andreas de)
 vid. Andreas.
 Basilica. Eorum Col-
 lectores. I, 404.
 Fontes. I, 405. Edi-
 tio Fabrotti. *ibid.*
 Sambuci. *ibid.* *
 usus in oriente. I,
 406. *seq.*
 Basilius Macedo Imp.
 edidit *πρόχειρον τῶν*
νόμων. I, 404. α.
 quando? *ibid.* *
 Bavaricum Jus Provin-
 ciale. ejus auctores.
 II, 84. auctum a
 Maximiliano. I. Ba-
 varo. *ibid.* γ.
 Bella Pertica (Petrus
 de) JC. Gallus †, 9.
 Bellagines Leges Go-
 thorum diaeteticae.
 II, 2. α. II. *
 Bellomanerius (Phil.)
 Consuetudinum Bel-
 lovacensium com-
 pilator. †, 8.
 Bene-

RERVM ET VERBORVM.

Benedicti Levitae collectio Capitularium
ll, 40. unde eam
concessit. *ibid.* 2.
modus eam allegan-
di. *ibid.* 3. ejus
naevi. *ibid.* 7. ejus
additiones. *ibid.* 8.

Berguntio Glossator.
I, 418.

Berytensis Schola
quando constituta.
I, 360. ejus laudes
& fata. I, 361. 362.
ejus Professores ce-
lebriores. *ibid.* in
ea an Pegasi placita
proposita. I, 243.

Beryti urbis fata & in-
teritus. I, 363.

Bibliotheca Athenaica
s. Ulpia a Trajano
Imp. collecta. I,
270. * Ticinensis in
Galliam translata I,
423.

Bituricensis Academia
Jctos praestantissi-
mos aluit. I, 424.

Blasius (Joh.) JC.
Gallus Bononiae Jus
Rom. docet †, 9.

Blanchard. ejus recueil
en abregé des Or-
donnances. †, 15.

Blasius de Morcona Ju-
ris Longobardici
scriptor. II, 27. 2.

Blastares (Matthaeus)
JC. Graecus. I,
402. *

Boëmicæ leges latae a
Carolo IV. Imp. sub
titulo Majestatis Ca-
rolinae. II, 85. *

Bonafidii (Enim.) Jus
Orientale. I, 406.

Bonifacius VIII. P. R.
Ejus collectio De-
cretalium. II, 69.
cujus nulla in Gallia
auctoritas. *ibid.* n.
oblites cum Philip-
po Pulchro R. agi-
tatas. *ibid.* 2.

Bononiensis Acade-
miae celebritas. I,
414. quinam ibi
antiquis temporibus
jus docuerint. I, 414.
415. eo Germani
juvenes Seculo XII.
confluxerunt. II, 56.

60. a.

Bono-

I N D E X.

- Bonorum possessio a** mundi. II, 60. *α.*
Praetore inventa I, Burchardus Worma-
 69. * tiensis Episcopus.
Brabantinorum Du- ejus vita. II, 50. *β.*
cum Constitutiones. an fuerit Monachus
 II, 85. * Lobienfis. *ibid.* *β.*
Brandenburgica Mar- ejus Decretum *ibid.*
chia repudiato Jure *β.* quod ipsi vindi-
Saxonico Romano catur. *ibid.* *β.* hu-
se submisit. II, 110. jus fontes indicantur.
Breulius (Guil.) Ordina- *ibid.* *β.* inter
tionones regias in quos etiam Capitu-
Gallia compilavit. laria. *ibid.* *β.* pri-
 †, 15. vata tantum aucto-
Breviarium Aniani. II. ritate scriptum. *ibid.*
 15. *β.*
Briffonius (Barn.) JC. Burgundia quando
humanior. I, 424. Jus Rom. receperit.
Brocardica quid? II, 50. II, 59.
Brunsvicensis Ducatus Burgundio Glossator.
Jus Romanum ado- I, 418. auctor di-
ptavit. II, 111. visionis Novella-
rum in IX Colla-
Brutus (Junius) JC. tionones. *ibid.* Grae-
I, 136. ejus libri. I, cos in Pandectis &
 137. Codice textus Lati-
Bulgarus JC. Bono- ne vertit. *ibid.*
nienfis. I, 415. Au- Burgundiones. Eo-
ctor divisionis Di- rum Lex Gundoba-
gesti in Vetus, in- da. II, 10. provincia-
fortiatum & no- libus Jus Rom. con-
vum. I, 418. negat cesserunt. II, 17.
Imp. dominium Impp.

RERVM ET VERBORVM.

Impp. Romanorum
majestatem venera-
ti. II, 13. *

Buticularius JC. Gallus.
Ejus Summa rura-
lis. †, 8.

Byzantium. vid. Con-
stantinopolis.

C.

Caecilius (S. Africa-
nus) JC. v. Afri-
canus.

Caelius Antipater. vid.
Antipater.

Caelius Sabinus. vid.
Sabinus.

Caesar (C. Julius) de
jure in ordinem re-
digendo cogitat. I,
160. *

Caesius (Titus) JC.
I, 153. 187.

Cajus JC. ejus aetas. I,
312. nulli Sectae
addictus. I, 313. ejus
scripta. *ibid.* an Chri-
stianus & Justiniano
ἐνταύτης? I, 312. *

ejus Institutiones
majorem in Occi-
dente usum habue-
runt, quam Justi-
niani. I, 409. in
XII. Tabb. scripsit.
I, 31.

Caligula (Cajus) Cae-
sar JCtis minatur
exitium. I, 211. co-
mitia revocare ten-
tavit. *ibid.* ejus acta
rescissa a Successore.
I, 212. unde ejus in
jure nusquam men-
tio fit. *ibid.*

Callistratus JC. aetas
ejus & scripta. I,
343.

Calvisius inter JCtos
non numerandus.
I, 264. neque is au-
ctor est actionis Cal-
visianae. *ibid.*

Calumniatores. de iis
L. Remmia. I, 107.

Camerae Imp. quan-
do instituta? II, 102.
ejus ordinationes
auctoritatem Juris
Rom. confirmant.
ibid. α. 103.

I N D E X

Canonium Jus. v. Jus
Canonium.

Canonistae. 11, 68.

Capito (Atejus) JC.

Augusto obnoxius.

l, 180. ejus scripta

l, 183. eorum nul-

lum in Pandectis ex-

tat fragmentum. *ib.*

Sectae Sabiniano-

rum auctor. I, 195.

* in XII. Tabb. scri-

pfit. l, 31.

Capitula extraordina-

ria feudorum. vid.

Jus feudale.

Capitulare Saxonum.

11, 36.

Capitularia quid sint.

11, 29. * 38. *α.* mo-

odus illa condendi at-

que publicandi. *ibid.*

α. an a Legibus dif-

ferant. *ibid.* * *α.*

in subscriptionibus

quandoque variant.

11, 36. *β.* Regum

Francorum ante Ca-

rolum M. 11, 29. Ca-

roli M. 11, 36. *seq.*

ejusdem & Succes-

forum. 11, 38. erant

universalia. *ibidem.*

collecta ab Ansegi-

fo. 11, 39. a Benedi-

cto Levita. 11, 40. a

Lothario Imp. *ibid.*

illorum in Gallia &

Germania magna

olim auctoritas. *ib. e.*

nec non in Italia. 11,

42. *α.* ea adhuc sec.

IX. & X. in usu

ibid. 47. sensim ta-

men in desuetudi-

nem abierunt. 11,

47. cujus rei ra-

tiones indicantur.

ibid. α.

Capitulatio de parti-

bus Saxoniae. 11,

36. *α.*

Caracalla (Antoninus

Imp.) Jus variis in-

stitutis locupletavit.

l, 322. ingenuis in

orbe Romano Jus

civitatis concessit.

ibid. Papinianum

JC. interemit. l,

330.

Cari & Carini Impp.

Constitutiones I, 351.

Caro-

RERVM ET VERBORVM.

Carolus Crassus an au-
ctor constitutionis
de expeditione Ro-
mana? 11, 43.

Carolus VII. Galliae R.

Consuetudines pro-
vinciarum in unum
corpus redigere me-
ditatus quidem, sed
morte praeventus
fuit. †, 13. suasque
singulas Provincias
colligere iussit. *ibid.*

Carolus M. barbaro-
rum mores emen-
dat. 11, 33. gentium
sibi subjectarum Le-
ges in scripturam
redigi iussit. 11, 22.
non tamen Frisio-
rum. 11, 25. α. Le-
ges Saxonibus dedit.
11, 33. *seq.* ipsisque
primus Episcopos
constituit. 11, 36. β.
an ejus temporibus
aliquis Juris Rom.
usus? 11, 44. ejus
capitularia ad leges
Saxonum. 11, 36. ad
LL. Salicam Baju-
variorum & Lon-

gobardorum. 11, 37.

Carolus V. Imp. Juris
Rom. usum in Ger-
mania firmavit. 11,

104.

Cartilius JC. 1, 187.

Cascelli JC. aetas. 1,
190. joci & face-
tiae & benedicta. 1,

78. 191.

Cassianorum nomen a
Cassio Longino. 1,

229.

Cassinensis (Petrus)
an LL. Longobar-
dicarum collector.

11, 27. β.

Cassius (C. Longinus)

JC. 1, 228. ejus
scripta & schola 1,

229. *

Castrensis (Paullus)

JC. 1, 421.

Cato (M. Porcius)

Censorius JC. 1,

229. ejus scripta.

1, 230.

Cato (M. Porcius) fi-

lius JC. 1, 131. au-

ctor regulae Cato-

nianae & aliorum. 1,

132.

D d d d 5

Cato.

INDEX.

- Catonum stemma, I, 131. *
- Celsus pater JC. I, 241. Proculi sectator. *ibid.*
- Celsus (P. Juventius) filius JC. I, 255. ejus aetas. *ibid.* * honores, I, 256. scripta. I, 257.
- Censorum origo, officia, dignitas. I, 55. edicta. I, 63.
- Centumvirale judicium an ex L. Aebutia. I, 30. *
- Centuriata Comitia a quo & cur instituta. I, 7. *
- Cereales Aediles. vid. Aediles.
- Cervidius Scaevola JC. Severum Imp. & Papinianum JC. instituit. I, 316. quibusdam male audit. *ibid.* ejus scripta. I, 317.
- Charisius (Aurelius Arcadius) JC. an Christianus. I, 358. ejus scripta. *ibid.*
- Charondae leges. I, 28. *
- Chlodovaeus R. Franc. Imperatorum Romanorum Majestatem veneratur. II, 13. *
- Chlotarius R. Franc. causas inter Romanos controversas legibus terminari iussit Romanis. II, 18.
- Christiani Impp. vid. Imperatores.
- Cibus de eo L. Aemilia. I, 86.
- Cicero (M. Tullius) an JC. I, 124. 149. * de Jure civili in artem redigendo cogitat. *ibid.*
- Cincia gens, I, 119. *
- Cincius (L. Alimentus) JC. ejus scripta. I, 119.
- Cinna JC. I, 153. 187.
- Civitates, *αὐτονομίαι*. I, 79. In eas quoque Rectores Provinciarum imperium habuerunt. I, 80.

RERV M ET VERBORVM.

80. * iis relinqui legata permisit Nerva. I, 249. Germanicae Juris patrii servantissimae. II, 86. inter eas celebriores, unde alia oppida jus suum municipale petierant, Metropoleon loco habitae. *ibid.* ad eas provocatum a sententiis domi latis. *ibid.* * quando ipsae statuta edere coeperint. II, 114.
- Civitatis Jus. v. Jus Civitatis.
- Claudia gens. ejus origo. I, 113. * Stemma. I, 114. *
- Claudius (Appius) v. Appius.
- Claudius Imp. Praetores fideicommissarios constituit. I, 213. Consules tutores dare jussit. I, 214. ejus SCta. I, 215. & Constitutiones. I, 220.
- Claudius Saturninus. v. Saturninus.
- Clemens (Terentius) JC. I, 307.
- Clementinae a Johanne XXII. P. R. editae. II, 69. 9. cur eas non ipse edidit Papa Clemens V. *ibid.* 9.
- Clerici in Gallia, Anglia, & Belgio secretarii & scribae judiciorum vocati. II, 98. *
- Coccejus. v. Nerva.
- Codex Alaricianus. v. Alaricianum corpus.
- Codex Gregorianus. ejus auctor. I, 367. auctoritas. I, 368. fragmenta ab Aniano servata. *ibid.*
- Codex Hermogenianus, ejus auctor atque aetas incerta. I, 396. * ejus editiones. I, 370. materia & fragmenta. I, 371.
- Codex Justinianus? quando conditus. I, 389. quando abolitus? I, 395. Codex

INDEX.

Codex LL. Danica-
rum. vid. Danicae
LL.

Codex repetitae prae-
lectionis. l, 395.

Graece versus. l,
402. * eo Arabice
verso utuntur Tur-
cae. l, 408.*

Codex Theodosianus.

l, 378. in eum ple-
raque Juliani con-
stitutiones migra-

runt. l, 373. non in-
teger ad nos perve-

nit. l, 378. * in Oc-
cidente magis in usu

fuit, quam Justinia-
neus. l, 409. α. 411.

α. ll, 19. in Angliam
quoque introductus.

ll, 57.

Codices quinam libri
dicti? l, 376.*

Coelius Antipater JC.
l, 141.

Coelius Sabinus. vid.
Sabinus.

Colbo Rabbini idem
quod Pandecte. l,

390. *

Collatio LL. Mosaica-

rum & Romana-
rum. l, 346.*

Collationes authenti-
canum novem. l,

418.

Collatio decima. l, 420.

Colombinus (Jac.)

Glossator Juris feu-
dalis Longobardici.

l, 420. γ.

Coloniae instituta &
mores metropo-

leon servant. l, 1.*

Coloniensium Statuta.

ll, 91.

Comites Consistoria-
ni quinam & unde

dicti. l, 280.*

Comitia quotuplicia.

l, 7. * ea Tiberius
a populo ad Patres

transtulit, & cur?

l, 159. * Claudius

Imp. vero revocare
tentavit. l, 211.

Roncalia a Friderico

l, habita. ll, 60. α.

Comitiva ornati Ante-
cessores. l, 380.*

Commodus (M. An-
toninus) quid in jure

mutarit. l, 300. 302.

ejus

RERVM ET VERBORVM.

- ejus orationes & Constitutiones. *ibid.*
- Concordia discordantium Canonum unde dictum Decretum? II, 61.
- Conradi Salici Imp. leges II, 52. an auctor constitutionis de expeditione Romana. II, 43. * 52. *
- Consistorium Principis quid & unde dictum? I, 280. *
- Constantinopolis. Schola Juridica ibi instituta I, 380. * cur in ea Oratores & Grammatici? I, 400. * ea a Turcis capta juris Rom. usus in Oriente plane exolevit. I, 408.
- Constantinus M. an prudenter sedem Imperii Roma CPolin transtulerit. I, 364. * ejus studium in legibus Christianismo attemperandis. I, 373. multa in jure mutavit. I, 353. *seq.* sub eo jurisprudentia quodammodo revixit. I, 357. an Ludos Gladiatorios prorsus sustulit. I, 353. * artium Professores immunitate donavit. *ibid.* orbem Romanum in quatuor Dioeceses divisit. I, 364. de eo judicium. I, 365. ejus liberi multa in jure innovarunt. I, 372. eorum studium in evertendis paganorum superstitionibus. *ibid.* *
- Constantinus Porphyrogeneta libros Basilicōv publicavit. I, 404.
- Constitutio Criminalis Carolina quando & ubi publicata? II, 105. Judices ad Jus Rom. remittit. *ibid.* an descripta ex Bambergensi. *ibid.* contra eam protestati sunt Imperii Ordines. II, 107. aliae Constitutiones criminales. II, 105. *

Con

I N D E X

Constitutiones Extra-
vagantes. l, 420.

Constitutiones Principum saepe Leges in Jure vocantur. l, 88.

* ab Hadriani pontificis tempore frequentissimae. l, 280.

legitimorum principum quatenam?

l, 379. *. Cur eas non integras Codici suo inseruit Justinianus. l, 389. α.

perperam anteriorum Imp. nomina in iis servata. *ibid.*

β. utilis adhuc hodie earum distinctio in

Rescripta, Decreta & Edicta. *ibid.* γ.

Consuetudines Feudales. vid. Jus Feudale.

Consuetudines Germanorum priscae vel

communes, vel singulis propriae. II, 2.

Earum exempla. II, 3. *seq.*

Consuetudines Galliae quatenam dicuntur?

†, 7. earum origo atque occasio. *ibid.*

* multitudo. *ibid.* antiquissimi earum

Commentatores. †, 8. incertae olim atque

vagae erant. †, 13. quomodo tum

probabantur? *ibid.* quando primum in

scripturam redigi coeperint? *ibid.* an

omnes? *ibid.* Solennitates atque forma

huic rei adhiberi solita. *ibid.* multa

ex Jure Rom. habent. *ibid.* earum

autoritas hodierna. †, 13. 18.

Consules bini creati ex actis Regibus. l, 13.

quatenam sub iis Reip. forma. *ibid.* *

eorum imperium. *ibid.* * per Tribb.

plebis mox circumscriptum. l, 19. an

Edictis initio omnia gubernaverint. l, 18.

* 63. penes eos solos olim Jus mul-

tandi erat. l, 21. * eos Tutores dare

jussit Claudius Imp. l, 214.

RERVM ET VERBORVM.

- I, 214. quando & quomodo Dictatores dixerint? I, 57. eorum dignitas qua ratione sub Impp. vilescere coeperit. I, 162. *
- Convivae. de eorum numero L. Orchia. I, 102.
- Contractus de iis an legem tulerit Servius Tullius R. I, 10. *
- Corneliorum Scipionum Stemma. I, 120. *
- Cornelius (Cajus) auctor L. Corneliae de edictis perpetuis. I, 73. itemque legis, ne quis nisi per populum legibus solveretur. I, 73. *. ejus fata. *ibid.* *
- Cornelius (Publius) Scipio Nasica JC. vid. Scipio.
- Cornelius (Quintus) Maximus JC. I, 143.
- Corpus Alaricianum vid. Alaricianum.
- Corpus Juris Justiniani quando publicatum. I, 393. a multis reprehenditur. I, 398. de quibus judicium. I, 399. quomodo ejus partes sibi invicem derogent. *ibid.* a. ejus in Oriente magna auctoritas. I, 400. omnes ejus libri Graece versi. *ib. seq.* In mensa judicii Aulici semper praesto esse jubetur. II, 108. *
- Correctores Romani. Eorum numerus atque in emendando Decreto Gratiani praestita opera. II, 69. s.
- Coruncanus (Tiberius) JC. primus Jus Civile professus est. I, 53. primus e plebe Pontifex Max. *ibid.* 118.
- Cottus (Carolus) LL. Longobardicarum Glossator. II, 27. r.
- Crassus (P. Licinius) Mucianus JCtus. I, 143. diversus a Lic. Crasso

I N D E X

- Crasso Orat. *ib.* *
 Criminalis Constitutio v. Criminalis.
 Critices studium. ejus abusus multum Jurisprudentiae nocuit. I, 425. modeste tractari debet. *ibid.* α.
 Cujacius (Jac.) JC. humanior. I, 424. ei soli Jus Civ. Parisiis docere Parlamentum permittit. †, 13. n.o.
 Culmense Jus quando & unde conflatum. II, 90. *
 Curia unde dicatur? I, 7. *
 Curiae, in quas Roma descripta. I, 7.
 Curiatae LL. v. LL. curiatae.
 Cynus JC. I, 421.
 Cyrilli JC. versio κατ' ἐπιτομήν. I, 402.

D.

Dagobertus R. Franc. sub eo Juris Romani usus in foro II, 19. Llatores Germanorum. II, 21.

Damasus primus scripsit Brocardia. II, 50. *
 Damnum injuria datum. de eo L. Aquilia. I, 87.
 Danicae Leges in Codicem redactae a Waldemaro II. Rege. II, 85.
 Debitores obaerati ex Lege Servii Tullii R. in vincula non ducendi. I, 10. * de iis L. Poetelia Papiria. I, 105.
 Decemviri legum ferendarum. I, 22. 25. 57. Atlitibus judicandis. I, 58. an eorum numerus auctus. *ibid.* *
 Decisiones L. Justiniani Imp. quibus Coss. prodierint. I, 394. notae earum characteristicae. *ibid.* α. cur plures quam L. in jure nostro occurrant. *ibid.* earum indices diversi. *ibid.* α.
 Decius

RERV M ET VERBORVM.

Decius Imp. quaedam
Constitutionibus in-
vexit. l, 351. *

Decreta Frontiniana. l,
261. *

Decretales. Earum col-
lectio a Gregorio lX.
facta. ll, 69. quando
absolutae atque pro-
mulgatae. *ibid.* d.
a nonnullis integrae
editae. *ibid.* d. &
quidem utilissimo
labore. *ibid.* d. Col-
lectionis Gregoria-
nae auctoritas. *ibid.*
d. Collectiones Gre-
gorianam secutae.
ibid. e. d. d. i.

Decretorum libri qua-
les? l, 342. *

Decretum Gratiani ll,
61. an aliquo in eo
ex Ivone & Burchar-
do desumpta. *ibid.* a.
ejus varii naevi ll,
62. a. illud in scho-
las Italiae introduxit
Eugenius. ll. P. R.
ibid. b. magnum
mox usum etiam
extra Italiam ha-

buit. *ibid.* γ. etiam
in foro l, 63. β. imo
majorem quam jus
Romanum. *ibid.* β.
cujus rei rationes
variae indicantur.
ibid. α. & β. ejus
auctoritas etiam post
Decretales subsistit.
ll, 69. d. a men-
dis atque naevis suc-
cessive purgatum
fuit per Correctores
Romanos. *ibid.* d.

Dictator primus quis?
l, 41. edicta propo-
suit. l, 63. a Coss.
dictus in re trepida.
l, 57. ejus magistra-
tus qualis. *ibid.*

Dies, quibus lege age-
re licebat vel non.
l, 43. *

Digesta ratio denomi-
nationis l, 390. v.
Pandectae.

Dilatio Saxonica un-
de? ll, 31. *

Dio Cassius ejus Con-
sulatus. l, 321. *.
non confundendus
cum altero Dione

INDEX

- Cof. *ibid.* *. ejus
 insignis locus de
 Edictis Praetorum.
 1, 68.
- Disputatio fori quid
 & ubi? 1, 51.
- Divi Fratres, Marcus
 & Lucius AA. 1, 297.
 eorum SCta & Con-
 stitutiones. 1, 298.
- Doctorum Juris ma-
 gnus Sec. XV. in au-
 lis Impp. & Princi-
 pum numerus II,
 97. 98. ad Comititia
 jam sec. XV, able-
 gantur. *ib.* & mul-
 to magis sec. XVI.
ibid. β. aliisque di-
 gnitatibus fungun-
 tur. *ibid.* β. an iis
 minus faverint Au-
 gusta & Norimber-
 ga urbes? *ibid.* γ.
 an de iis abolendis
 sec. XV. in Comi-
 tiis actum? II,
 100. α.
- Domitianus Imp. quid
 novi in Jure consti-
 tuerit. 1, 238. SCta
 sub eo facta. 1, 219.
 philosophos ex ur-
 be pellit. *ibid.*
- Domitius Ulpianus. v.
 Ulpianus.
- Dona de iis L. Cincia. 1,
 91.
- Donellus (Hugo) JC.
 humanior. 1, 424.
- Dorothei versio Pan-
 dectarum κατὰ μέ-
 σην τάξιν. 1, 402.
- Professor Beryten-
 sis. 1, 362. *
- Dosithei Grammatici
 Liber sententiarum.
 1, 282.
- Duarenus (Franc.) JC.
 humanior. 1, 424.
- Dupondii quinam di-
 cti? 1, 393. *
- Durandus (Quil.) JC.
 Gallus. Ejus Specu-
 lum & Repertorium
 Juris. †, 9.
- Duumviri curatores
 viae

RERVM ET VERBORVM.

viarum. I, 59. Navales. I, 60. perduellionis primum a Tullio Hostilio instituti. I, 9. *

E.

Edicta ex L. Ateria Tarpeja nata. I, 21. *. iis pleraque gubernabant Reges. I, 4. & postea Coss. I, 18. imo a plerisque Magistratibus proposita. I, 61. 63. *. utrum id fecerint vi honoris. *ibid.* *. ea quoque Sacerdotes & Duces proponebant. *ibid.* de quibus rebus. I, 62. iis multa nova constituit Augustus Imp. I, 173. quo colore id fecerit. *ibid.*

Edicta Praefectorum Praetorio. I, 325.

Edicta Praetorum ad-

juvandi, supplendi corrigendique iuris civilis gratia proposita. I, 62. 67. Talia & urbanus & peregrinus & reliqui praetores omnes proponebant I, 64. *erant vel repentina vel perpetua. I, 65. tralatitia vel nova. *ibid.* Auctorum suorum nomina quandoque retinebant. *ibid.* * quomodo & quando proposita. I, 66. * iis Praetores jus scriptum aliquando corrigebant. I, 68. hujus rei exempla. *ib.* * quaratione id effecerint? I, 69. * utrum jure suo nec ne? *ib.* * 70. *. Illa per annum saepius mutata. I, 68. 71. unde SCto haec Edicta perpetua facta. I, 72. postea etiam L. Cornelia. I, 73. quo sensu hoc intelligendum? I,

I N D E X

- 72.* quatenus in iis
αγγραφα. l, 80. ab iis
 juris studium auspi-
 cabantur Romani.
 l, 74.*
- Edicta Principum ab
 Hadriani Imp tem-
 pore frequentissima.
 l, 280. saepe SCTis
 firmata. *ibid.*
- Edicta Provincialia l,
 79. ab omnibus, qui
 Provinciis praece-
 rant, proposita. l,
 80. ex urbanis hau-
 sta. *ibid.* * vel trala-
 titia vel nova. l,
 81.* quae in iis ca-
 venda fuerint? l, 82.
- Edictales quatenus ? l,
 393.*
- Edictum Aedilitium de
 de communi sen-
 tentia propositum.
 l, 75. ejus capita,
 quae in Jure nostro
 supersunt l, 76. al-
 lia adhuc in Jure
 non memorata. l,
 72. 78.* an perpe-
 tuum ab Hadriano
 conditum. l, 278.
- quatenus in illud
 Commentarios con-
 scripserint. *ibid.* *
- Edictum perpetuum Ha-
 driani Imp. auspiciis
 conditum. l, 267.
 quo anno? l, 268.
 ejus auctor Salvius
 Julianus. l, 269. ejus
 varia cognomina. l,
 272. oratione Prin-
 cipis & SCTo con-
 firmatum. l. 271. ei
 ne Principes qui-
 dem derogare ausi
 sunt. l, 273. ejus au-
 ctoritas. l. 272. con-
 tra illud non reci-
 piebatur appellatio.
 l, 273.* ad ejus or-
 dinem postea JCTi li-
 bros suos compo-
 fuerunt. l, 277. mu-
 tationem illud attu-
 lit Juris studio. *ibid.*
 frustra illud abolere
 tentavit Severus
 Imp. l, 320. quatenus
 illud ejusque ordi-
 nem restituere co-
 nati sunt? l, 375 sq.
 an ab eo diversum
- Pro-

RERVM ET VERBORVM.

- Provinciale? l, 274.
 Edictum Provinciale
 Perpetuum idem
 cum Urbano. l, 274.
 Edictum Theodorici
 R. Ostrogothorum,
 II, 11. ex Jure Ro-
 mano valde interpola-
 tum. *ibid.* α.
 Elagabali Imp. Consti-
 tutiones. l, 324. ejus
 ne nomen quidem
 in Pandectis extat. *ib.*
 ex his tamen fami-
 lia ejus potest illu-
 strari. *ibid.* ejus Stem-
 ma l, 324. *
 Epko de Repkau. v.
 Repkav.
 Erphordiensis Acade-
 mia. II, 96.
 Ethilberti R. Anglo-
 rum leges. II, 20.
 Eugenius III. P. R. de-
 tum Gratiani in
 scholas introduxit.
 II, 62. β.
 Euricus Rex Wisigo-
 thorum Llator. II,
 11. ejus leges dictae
 Theodoricianæ. *ib.* β.
 Exconsul quid? l, 387. *
 Exquaestor quid? l, 387 *
 Extravagantes. v. Con-
 stitutiones.
 Extravagantes Joannis
 PP. XXII. & com-
 munes. II, 69. pri-
 vata auctoritate pu-
 blicatae. *ibid.* ι.
 F.
 Faber (Petrus) JC. hu-
 manior l, 424.
 Fabius (Quintus) La-
 beo l, 126.
 Fabius (Maximus)
 Cunctator an JC.
 l, 122.
 Fabius (Servius) Pi-
 ctor JC. l, 126.
 Falsi crimen. de eo L.
 Cornelia. l, 92.
 Fasti a Pontificibus in
 latenti habiti, l, 44. *
 47. & pro lubitu ab
 iis turbati. l, 47. *
 divulgati a Cn. Fla-
 vio. l, 48. primi a
 Numa R. confecti.
 l, 44.
 Felix (Laelius) JC. v.
 Laelius.
 Ferox (Ursejus) JC.
 l, 244. ad eum no-
 tavit C. Cassius
 Eeee ; Lon-

INDEX

- Longinus, 1, 229. *
 & Julianus. 1, 244.
 Fisiones Praetoriae. 1,
 69. * L. Corneliae.
 1, 92. *
 Fideicommissarii Prae-
 tores a Claudio Imp.
 instituti. 1, 213.
 Fiscus Advocatus. v. Ad-
 vocatus.
 Flaccus (Granius) Ju-
 ris Papiniani inter-
 pres. 1, 17.
 Flavius (Cnaeus) scri-
 ba formulas & fa-
 ctos Pontificum di-
 vulgavit. 1, 48. * Juris
 Flaviani auctor. *ibid.*
 Flavius Priscus JC. 1,
 153. 187.
 Florentinae Pandectae
 varias notas habent.
 1, 391. * an tem-
 pore Justiniani scri-
 ptae? *i bid.*
 Florentinus JC. ejus
 scripta. 1, 346.
 Fœnus, de eo LL. Du-
 illia Maenia. 1, 93.
 Genucia, 1, 95. Ju-
 lia. 1, 98. Licinia. 1,
 99.
 Folcautius (Guido)
 Juris Rom. in Gal-
 lia interpret. †, 9.
 Fontanonius Compil-
 ator Ordinat Reg. †
 15.
 Fonteneus (Petr.) va-
 riis scriptis Consue-
 tudines illustrat. †, 8.
 Formulae actionum so-
 lemnes. 1, 43. *
 Eas divulgavit Cn.
 Flaccus & S. Aelius.
 1, 48. *sq.*
 Forcatulus (Steph.)
 JC. injuria Cujacio
 antehabitus. 1, 424. *
 Formulae Andegaven-
 venses, Alemanni,
 cae, Alfaticae, Big-
 nonianae, Longo-
 bardicae, Marcul-
 phi, Sirmondicae,
 II, 32. earum utili-
 tas. *ibid. a.*
 Franci. Sub iis Jus Ro-
 manum floruit in
 Italiâ. 1, 411. ipsi
 jure scripto usi sunt,
 II, 7. * eorum leges.
 II, 8. *seq.* provinciali-
 us usum Juris Rom.
 con-

RERVM ET VERBORVM.

concefferunt. ll, 13. *

18. 19. in Gallia
Majestatem Imperii
Rom. venerati sunt.
ibid. inter eos Juris
Rom. periti. *ibid.*
eorum testamenta
ad normam Juris
Rom. condita. *ibid.*

Fridericus I. Imp. favet
ICTis & Juri Rom.
l, 415. ll, 60. a.
quod etiam in Ger-
maniam introduce-
re studet. *ibid.* a. e-
jus Leges. ll, 60. a.
72. ex quibus ex-
cerptae Authenticae.
l, 419. γ. harum au-
ctoritas diversa in
Italia ac Germania.
ibid. γ.

Fridericus II. Imp.
ICTis & Juri Rom.
favet. ll, 60. a. pri-
mus vernacula lin-
gua legem promul-
gavit. ll, 71. a. non
tamen Latinam in
negotiis publicis
adhiberi prohibuit.
ibid. a.

Fridericus III. Imp. in
aula sua aluit ICTos
ll, 97. an tamen pa-
rum iis faverit. *ibid.*
δ. 100. γ. Docto-
res Juris creavit.
ibid. 100. γ.

Frisiorum Lex. ejus au-
ctores incerti. ll, 25.
α. ejus indoles atque
conspectus. *ibid.* α.
ejus in vindicando
homicidio lenitas
notatur. *ibid.* α.
Transalpinis Leges
dedit Haraldus Da-
niae R. ll, 25. 46.
Sec. XVI. Juri Ro-
mano se submise-
runt. ll, 109.

Fufidius IC. l, 245.
Fulgofius (Raphaël)
JC. l, 421.

Funera , de eorum
sumtibus Edictum
Aedilitium. l, 77. *

Furius Anthianus. v.
Anthianus.

Fuscianus (Fuscus)
IC. videtur esse,
quem alii Tuscia-
nū vocant. l, 290. *

I N D E X

G.

GAlba Imp. nihil novi in Jure statuit. l, 232.

Galerius & Maximianus Impp. JCtos & Advocatos persecuti sunt. l, 352.

Gallia. Ejus mores antiqui. †, 1. status sub Romanis. †, 2. Jure Romano jam tum usa est. *ibid.* Sec.V. variis juribus uti coepit. †, 3. adhuc tamen Jus Rom. servavit †, 4. eadem in ea Juris facies sub Francis. †, 5. accesserunt tamen Capitularia. †, 6. quando in provincias Juris scripti & non scripti distinguere coeperit? †, 7. quando & per quos Jus Justinianum in ea primum invaluerit? †, 9. quod auctoritatem in ea, adhuc post cap. super specula,

excepta Parisiensi

Academia tuetur, †,

II. hodie triplici

Jure utitur †, 18.

quorum subordinatio ostenditur *ibid.*

Gallus (C. Aquilius)
v. Aquilius.

Gellius (Publicius)
JC. l, 153. 187.

Gemeine Rechte, quae jura hoc nomine in LL. Imperii intelligantur? ll, 104. α. β.

Gerardus Niger & Obertus ab Orto
Coss. Mediolanenses, compilatores
Juris Lombardici feudalis l, 420, eorum fata *ibid.* β privata auctoritate scripserunt *ibid.* β eorum opera integra ad nos non pervenerunt *ibid.* β

Germani veteres. Eorum mores ac vitae ratio ll, 1. α litteras ignorarunt *ibid.* α locus Taciti de de M. G. XIX. explicatus

RERVM ET VERBORVM

plicatus *ibid.* α initio caruerunt Jure scripto ll, 1. habuerunt tamen leges expressas mox decantari solitas ll, 2. α quando jus scriptum apud eos invaluerit? ll, 6. *seq.* 21. eorum migrationes ll, 6. unde & morum jurisque mutationes *ib.* α Provincialibus subactis Juris Rom. usum non ademerunt ll, 13. 15. quod quidem prudentissime ab iis factum ll, 6. α quando leges scriptas habere coeperint ll, 21. Saec. XI. demum Jus Rom. apud eos invalescere coepit. ll, 44. 64. laborarunt tamen de Jure patrio conservando, ll, 70.

Girardi Collectio Ordin. Reg. † 15.

Glossa ejus auctores.

l, 417. ejus maxima auctoritas *ibid.*

* ll, 103. * an illa adhuc hodie contra legem valeat? *ib.* α

Glossae Malbergicae.

ll, 7. * β 8.

Glossatores eorum bar.

baries l, 417. quae adhuc Saec. XVI. passim in scholis grassatur. l, 424. * non tamen Argentinensi. *ib.* α eorum Summae l, 416. β 417. nec non commentarii in Jus Justinianum l, 418. de iis Mureti judicium l, 421. *

Goldasti (Melch.)

Constitut. Impp. ll, 43. de iis judicium. *ibid.* α 53. *

Gordiani Imp. Constitutiones l, 326.

Gothi v. Ostrogothi & Wisigothi.

Graecorum leges, mores, sermo conveniunt cum Romanis
Eeee 5 nis

I N D E X

- nis 1, 1. * 7. *
 Gradus Academici in
 Academia Bononi-
 ensi instituti. 11,
 62. β
 Granius Flaccus Juris
 Papiriani interpres.
 1, 16. 17. * indi-
 gitamenta scripsit.
ibid.
 Gratianus Imp. quid
 in Jure innovarit. 1,
 375.
 Gratianus Decr. com-
 pilator. 11, 61.
 ejus historia *ibid.* *
 2. an Monachus Cla-
 stensis *ibid.* δ . an E.
 R. Cardinalis *ibid.* γ .
 in Academia Bono-
 nienſi Juris Ante-
 cessor. 11, 62. β . cur
 decretum compila-
 vit. *ibid.* β . non-
 nulla ex capitulari-
 bus hausit. 11, 42. α .
 Gregorianus Codex.
 v. Codex.
 Gregorius IX. P. R.
 ejus auctoritate De-
 cretales collectae.
 11, 69. Juris Cano-
 nici peritissimus *ib.*
 δ . in ſuac collectio-
 ne imitatus eſt Ju-
 ſtinianum. *ibid.* δ .
 Gregorius X. P. R.
 Ejus collectio De-
 cretalium. 11, 69. ϵ .
 Groſias v. Martinus.
 Guenoiffi Conference
 des Ordonnances,
 †, 15.
 Guilielmus Malmef-
 burienſis Codicem
 Theodoſianum in
 Anglia edidit. 11, 57.
 Gundebadus R. Llator
 Burgundionum 11,
 10. α .
 H.
Hadrianus quamplu-
 rima in Iurispru-
 dentia innovavit 1,
 266. ejus auſpiciis
 edictum perpetuum
 conditum. 1, 267.
 Advocatum ſiſci
 conſtituit. 1, 279.
 Ictis promiſcuae fa-
 cultatem dat de jure
 reſpondendi. *ibid.*
 ejus edicta atque
 conſtitutiones. 1,
 280.

RERVM ET VERBORVM.

280. SCta sub eo facta. 1, 283. jura ab illo condita. 1, 281. ejus decreta, interlocutiones, edicta. 1, 281.
- Hamburgenses eorum statuta. 11, 89. Ius nauticum. 11, 93.*
- Hanseaticarum civitatum Ius nauticum. 11, 93.
- Haraldus R. Daniae an Saxonibus & Frisiis leges dederit? 11, 25. *a.* 46.
- Harmenopulus (Constantinus) IC. Graecus. 1, 407. ejus aetas. *ibid.* 7.
- Heidelbergensis Academia an Sec. XIV. tantum Iuris Canonici Professores habuit? 11, 96. * *a.* ad Parisiensis exemplum instituta est. 11, 95. *
- Heliogabalus Imp. v. Elagabalus.
- Helvidiorum Stemma. 1, 239. *
- Henrici III. Galliae R. Basilica s. Codex Henricianus. †, 15.
- Henrici III. Imp. constitutiones. 11, 53.
- Henrici IV. & V. Imp. constitutiones. 11, 53. 54.
- Henricus VI. Iuris Canonici & Civilis peritia clarus. 11, 60. * favet imprimis ICTis, *ibid.* *a.* an Imperium haereditarium reddere tentaverit? *ibid.* *a.*
- Herennius Modestinus, vid. Modestinus.
- Hermodorus Ephesius leges Graecas Xviris interpretatus. 1, 25. * cur ab Ephesiis civitate ejectus? *ib.* *.
- Hermogeniani JCTi aetas & scripta. 1, 357. paganae superstitionis homo *ibid.* auctor videtur Codicis Hermogeniani. 1, 369.*.
- Hermogenianus Codex. v. Codex. Hispana

I N D E X

- Hispania quando in
eam Jus Rom. pe-
netravit? II, 59.
- Honorarium Jus quod-
nam & cur ita di-
ctum. I, 61. *.
- Honorius III. PP. an
in Cap. *super specu-
las* tota Gallia Ius
Rom. proscribere
voluerit? †, 10.
- Hostilii (Tullii) Regis
Rom. Leges. I, 9. *
- Hotomannus (Franc.)
JC. humanior. I,
424.
- Hugolinus (Jacobus)
a Porta Ravennate
IC. Bononiensis. I,
415. Libros feudo-
rum Novellis tan-
quam decimam col-
lationem adjecit. I,
420. quando &
quomodo? *ibid.* 7.
I.
- Jacobus JC. Bono-
niensis I, 415
- Jarlandus Chrysopoli-
tanus Decretalium
Collector. II, 69. β.
- Jason Maynus JC. I,
421.
- Javolenus (Priscus)
I, 285. ejus aetas &
honores. I, 286. an
nonnunquam insa-
nuerit? *ibid.* * ejus
scripta. I, 287.
- Incendiarii de iis L.
Cornelia. I, 92.
- Iniuriae de iis L. Cor-
nelia. I, 92.
- Innocentii PP. II. col-
lectio Decretorum.
II, 62. *.
- Innocentii PP. IV. col-
lectio Decretalium.
II, 69. ε.
- Innocentius JC. I,
279. *.
- Institutiones Justiniani
I, 392. ex Caji JC.
potissimum Institu-
tionibus desumptae.
ibid. earum publi-
catio. *ibid.* quomo-
do Pandectis dero-
gant? *ibid.* α. ea-
rum naevi discuti-
untur. *ibid.* β.
- Jovianus Imp. quid in
Jure mutarit. I,
375.
- Irnerius Jus Rom. Bo-
noniae

RERVM ET VERBORVM.

- noniae docuit. l, 412.* *sqq.* ejus aetas l, 414. α. ejus discipuli. l, 415. de iis Irnerii judiciū. *ib.* α. Jus Romanum Cpoli didicisse fertur. l, 406.*
- Isidorus Mercator dives ab Isidoro Hispalensi. II, 69. α. apud multos Peccator audit. *ibid.* α. ejus spuria Decretalium Collectio initio statim suspecta & postea a multis tam Pontificiis quā Protestantibus impugnata. *ibid.* α.
- Judicia eorum forma apud priscos Germanos. II, 5. α. varia. II, 42. α. duellica apud eos in usu. II, 10. γ. 48. α.
- Julianorum stemma? l, 288.*
- Julianus Antecessor Cpolitanus Novellas Latine vertit l, 403.* an Patricius & Exconsul. *ibid.* α.
- Julianus Apostata Imp. quid constituerit? l, 373. ejus pleraeque constitutiones in Codicem Theodosianum relatae. *ibid.* misera sub eo Juris prudentiae conditio. l, 374.
- Julianus (Didius) Imp. quinam sub eo status Juris? l, 303. an Edicti perpetui auctor. l, 267.
- Julianus (Selsius) IC. l, 288. edicti perpetui conditor. l, 269. in quonam constituerit ejus opera? 270. ejus scripta. l, 289.
- Julius Aquila IC. l, 359.
- Julius Paullus v. Paul.
- Junius Brutus v. Brutus.
- Jureconsulti Romani. eorum disputationes fori ad aedem Apollinis. l. 51. libera rep. nondum in scriptis respondebant.

INDEX

bant. I, 157. * quinam scriptis Jurisprudentiam illustrare coeperint? I, 53 * quando & quinam in Edictum perpetuum commentari coeperint. I, 74. eorum vitae a quibus descriptae? I, 112. judicium de his biographis. *ibid.* * veteres plerique Stoici. I, 155. in foro obambularunt. I, 157. ad eorum aedes consulentium concursus. *ibid.* quibus in negotiis potissimum eorum opera usi fuerint Romani. *ibid.* * quibusdam tantum ab Augusta facultas de jure respondendi concessa. I, 178. omnes promiscue eam recuperarunt sub Hadriano I, 279. praecipua inter eos Papiniani auctoritas. I, 377. quando

obmutuerint? I, 350. nulli plane sub Juliano alicujus nominis. I, 374. in aulis & foris Imp. & Principum Germaniae Sec. XIII. & sequ. dominati. II, 60. 68. atque in civitatibus Syndici facti. II, 98. iis parum favent Diocletianus & Maximinianus Imp. I, 352. an etiam Fridericus III. Imp. I, 97. 100.

Juridicus Alexandriae, ejus potestas. I, 167. *

Jurisprudentia. Eam patres sibi vindicabant obtentu Juris patronatus. I, 44. eam publice professus est Tib. Coruncanus. I, 55. methodus eam docendi ac discendi antiqua. I, 74. * 154. 156. medii aevi. I, 417. 421. 422. ejus magna moles ante Justinianum. I.

RERVM ET VERBORVM.

376.* libertorum
artificium esse cœ-
pit sub Juliano Imp.
l, 374. illi male con-
sulit Theodosius II.
Imp. l, 377.*

Jurisprudentia heu-
matica a C. Aquillio
Gallo exculat. l, 147.
itemque a Modesti-
no. l, 349.

Jus AElanium. l, 49.*

Jus Austriacum. ll, 84.

Jus Bavaricum. ll, 84.

Jus Canonicum, ejus
origo in Germania.
ll, 50. 69. *ſ* cur
Germanis Romano
magis gratum? ll,
60. *α*. illud omni-
bus gentibus obtru-
dere voluit Pontifex
ll, 62. ad illud pro-
vocatur sec. XII. &
seqq. ll, 64. seqq. ma-
jor ejus auctoritas
adhuc hodie, quam
Juris Romani, etiam
apud Protestantē,
ll, 124. *α*.

Jus Culmense, ll, 90.

Jus feudale Longobar-
dicum a quo com-
pilatum atque cor-
pori Juris adje-
ctum? l, 420. sec.
XII. Germanis jam
innotuit. *ibid.* *γ*.
quomodo ejus tex-
tus contrarii sibi in-
vicem derogent?
ibid. *γ*. eorumque
auctoritas. *ibid.* *δ*.
in concinniorem
ordinem illud redi-
gere voluerunt Min-
cuccius & Barateri-
us. l, 423.

Jus feudale Saxonicum
ll, 77. quis ejus
auctor. *ibid.* *α*.

Jus feudale Suevicum
ſ. Alemannicum.
ejus aetas ll, 83. au-
ctor incertus. *ibid.* *α*.
editiones. *ibid.* *β*.

Jus Flavianum. l, 48.

Jus Germanicum vid.

Leges Germanicae.

Jus honorarium, l. 61.

Jus Iustinianum post
Iustinianum semper
in Oriente floruit. l,

I N D E X

405. *seqq.* an capta
Poli plane excole-
verit? I, 408. etiam
a Turcis in subsi-
dium adhibetur. *ib.*
ejus auctoritas in
Occidente. I, 409.
seq. an in Italia vi-
guit sub Gothis. *ib.*
α. 410. II, 11. *α. β.* an
sub Francis & Lon-
gobardis? I. 411.
*. *α.*
- Ius nauticum** Ham-
burgense. II, 93. *.
Hanseaticum. *ibid.*
Wysbienne. *ibid.*
- Ius non scriptum.** I, 51.
*. Romae aequae
ac in aliis civitatibus
antiquissimum. I, 1.
II, 1. *seq.*
- Ius Papirianum.** I, 16.
ejus interpretes Gra-
nius Flaccus. I, 17.
an illud leges civiles
cum sacris compre-
henderit? *ibid.* *.
- Ius provinciale.** II, 84.
illa a Principibus
Imp. cum vel sine
Imp. confirmatio-
ne condita. *ibid.* *α.*
cum vel sine sta-
tutum provinciali-
um consensu. *ibid.*
α. Austriacum. II,
84. Bavaricum *ibid.*
Saxonicum. II, 73.
seqq. Suevicum. II,
80. *seq.* Tiroliese.
II, 84.
- Ius Romanum** de ejus
restitutione sub Lo-
thario III. Imp. I,
41. 413. *α.* ejus
usus inter Wisigi-
tos, Ostrogothos,
Fancos, Burgundio-
nes. II, 11. *α. β.* 15.
seqq. Langobardos.
I, 411. in Gallia &
Germania sub Ca-
rolingis. II, 44. nul-
lus ejus in Germania
usus sub Saxonibus
Imp. II, 45. 49.
neque sub Franco-
nicis. II, 54. a Lo-
tharii. III. tempori-
bus in Germania in-
valuit. II, 55. ante
Lotharium ejus usus
in

RERVM ET VERBORVM.

in Italia superfuit.
ibid. *. I, 412. a.
 immo in univetsa
 fere Europa certio-
 re II, 56. qua ratio-
 ne illud sensim in
 Germania stabili-
 tum. II, 60. a. cau-
 sae quae ejus rece-
 ptionem promove-
 runt, recensentur.
ibid. a. ad illud pro-
 vocatur, Sec. XII,
 60. 63. 64. Sec.
 XIII. II, 65. *seq.*
 Sec. XIV. II, 68.
 primus illud in judi-
 diciis Imp. aulico
 observari praecipit
 Ludovicus IV. Imp.
ibid. β. nec non
 postea ipsi Ordines
 Imperii II, 99. an
 hi Sec. XV. de eo
 abolendo cogitave-
 rint? II, 100. tam-
 quam subsidiarium
 receptum fuit II,
 106. & a plerisque
 provinciis adopta-
 tum II, 109. *seq.*
 ejus incrementa ad-

juvit Reformatio. II,
 113. quando in An-
 glia receptum? II,
 57. itemque in Gal-
 lia? II, 58. in Bur-
 gundia & Hispania?
 II, 59. in Germa-
 nia Jus commune
 constituit. II, 99.
 101. de ejus usu &
 auctoritate negulae,
 II, 115. *seqq.*

Jus Saxonicum anti-
 quum; ejus aucto-
 ritate sese extendit.
 II, 79. in plerisque
 provinciis abroga-
 tum II, 110. no-
 vum. II, 84. γ. di-
 viditur in Electora-
 le & ducale. *ibid.* γ.
 vid. Speculum Sa-
 xonicum.

Justinianus Imp. quo-
 modo & quando ad
 Imperium pervene-
 rit? I, 385. res ejus
 praeclare gestae. I,
 382. ejus familia,
 & stemma. *ibid.* *.
 patria. I, 384. *. α.
 anceps ejus fama I,

I N D E X

383. eius ostentatio & jactantia. *ibid.*

α. fuit vir uxorius.

ibid. α. Leges lucrispe fixit & refixit.

ibid. non fuit analphabeticus. *ibid. *ε.*

nec heterodoxus.

*ibid. *.*

Juventius (Cajus) JC.

l, 149.

Juventius Celsus. vid.

Celsus.

L.

Labeo (Antistius)

Laemulus Ateji Capitonis I, 179. Augustus eum sibi conciliare studuit. *ibid.*

in jure novator fuit,

l, 195. *. ejus scripta l, 31. 74. 181.

quinam ad eum notarint? l, 181. *

Lambertus de Castello

Jus Rom. Parisiis docet. †, 9.

Laelius Felix JC. ad

Q. Mucium notavit. l, 265.

Langobardi vid. Longobardi.

Legata de iis L. Falcidia. l, 165.

Leges peregrinas an prudenter Romani adoptaverint? l, 1.

*. 28. *. Augusti temporibus adhuc vetere ritu latae. l, 163. item, licet rarius, sub Tiberio. l, 200. quinam Romanarum recensum instituerint? l, 84. *

Leges XII. Tabb. unde compilatae? l, 24. 25. 28. *. earum historia. l, 24. usus l, 29. interpretes l, 31. quo stylo conscriptae? l, 29. earum interitus. l, 32. earum restitutio a quibus rentata? l, 33. *. an stylus, quo hodie extant sit genuinus, l, 34. *. earum ordo. *ibid. seq.* utilitas. l, 35.

Leges Germanorum extra Germaniam latae Jus Rom. redolent. ll, 14. veteres.

RERVM ET VERBORVM

terum consuetudinum vestigia servant. ll, 30. 31. sub Carolingis valuerunt. l, 41. suo Saxonice Imp. ll, 45. sub Franconicis. ll, 51. exiguus earum Sec. XIII, usus ll, 60. *a.* in Scripturam redigi coeperunt. ll, 70. 73. non omnino abolitae recepto Jure Rom. ll. 106. *seq.*

Leges Regiae. l, 7. *seq.* earum indoles. l, 12. an plane exoleverint regibus exactis? l, 151. *. in XII. Tab. migrarunt. l,

LEGVM ROMANARVM RECENSIO.

Lex Acilia Calpurnia. l, 86. *. Aebutia. Alia apud Ciceronem. l, 49. *. Aelia Sentia. l, 166. Aemilia ci-
baria. l, 86. Agraria Nervae. l, 249. Apuleja Majestatis. l. 86. *. Aquilia l, 87. Ateria Tarpeja. l,

15. 28.

Leges Sacrae. l, 15.

*. 19. *

Leges Sumptuariae, Di-
dia. l, 93. Fannia l,
94. Licinia Cor-
nelia l, 100. Orchia
l, 102.

Legis actiones. vid.

Actiones Legis.

Leo Imp. Basilica per-
fecit l, 404. ejus
Novellae. *ibid.* in
Occidente nullam
auctoritatem ha-
buerunt. *ibid.* *. an
etiam in Orientes.
ibid. γ.

Leontius jurisperitus
in schola Constan-
tinopol. 380.

21. Atilia l, 88.

Atinia l, 90. Bae-

bia Aemilia. *ibid.*

Baebia Cornelia. *ib.*

Calpurnia. l, 91. Ca-

nuleja. l, 37. *. Cin-

cia l, 91. Claudia.

l, 217. Cornelia

Fulvia. l, 92. Cor-

neliae de edictis per-

Ffff a

petuis

I N D E X.

petuis. l, 73. de
 lusu & sponsioni-
 bus, majestatis, de
 sicariis, veneficis,
 incendiariis, parri-
 cidiiis, falsis, injuriis,
 limitibus, & testa-
 mentis. l, 92. *. Di-
 dia sumtuaria. l, 93.
 Duillia Maenia. *ibid.*
 Fabia, l, 94. Fabia
 de re agraria & li-
 mitibus. *ibid.* Fa-
 bia de plagiariis. l,
 93. Falcidia. l,
 165. *. Fannia
 sumtuaria. l, 94.
 Furia testamentaria.
 †. *ibid.* Fusia Ca-
 ninia. l, 166. Ge-
 nutia l, 95. Hora-
 tia. l, 39. Hortensia.
 l, 41. Hostilia. l, 95.
 Junia Norbana. l,
 197. Junia Velle-
 ja. l, 167. l, 174. *.
 Juliae, de adulteriis.
 l, 164. 321. maje-
 statis. l, 97. de cae-
 de & veneficio. l,
 167. de maritan-
 dis ordinibus. l,

166. repetundarum
 l, 97. de vi. l, 96.
 de foenore. l, 98.
 Julia & Titia de tu-
 telis. l, 164.
 Laetoria. l, 99,
 Licinia Cornelia
 Sumtuaria. l, 100.
 Licinia de foenore
 l, 99. Luctatia de
 vi. l, 100. Maenia.
 l, 111. *. Mami-
 lia. l, 101. Manlia.
ibid. Maria. *ibid.*
 Ogulnia. l, 37. *
 Oppia. l, 102. Or-
 chia. *ibid.* Papia
 Poppaea. l, 166. l.
 321. Pinaria. l, 103.
 Plautida. l, 96. 103.
 Poetelia. l, 104.
 Poetelia Papiria. *ib.*
 Pompejæ de vi & de
 ambitu. l, 105. de
 parricidiis l, 106.
 repetundarum. *ibid.*
 Publicia. l, 107. Pu-
 blilia l, 40. 107.
 Quinctia. l, 165.
 Regia. l, 169. Rem-
 mia. l, 107. Rho-
 dia de rebus nauti-
 cis,

RERVM ET VERBORVM.

cis. I, 295. de ea Antonini Pii rescriptum. I, 294. quid de ea sentiendum? I, 295. an hodie exstet? *ibid.* an ei praemissa auctoritas genuina. *ibid.* ejus caput de jactu tantum receptum. I, 296. ad eam Volusius Maecianus scripsit. I, 315.

Scantinia. I, 108. Scribonia. *ibid.* 167. Servilia. I, 109. Sextia. I, 73. *. Terentilla I, 22. Titia 110. Tullia. *ibid.* *. I, 284. Visellia I, 251. Vectibulici de libertinis. I, 167. 197. *. Voconia. I, 24. ad eadem capitula. II, 37.

LEGVM GERMANICARVM RECENSIO.

Lex Alamannica II, 23. Angliorum. II, 12. Bajuvariorum II, Boëmica. II, 85. *. Brabantinorum. *ib.* Burgundionum. II, Cimbrica. II, 85. * Danorum. *ib.* Frisica. II, 25. Gundobada. II, 10. quando perlata. *ib.* α. ejus additamenta. *ibid.* β. ejus indoles. *ibid.* γ. Langobardica. II, 26. duae ejus collectiones *ib.*

β. de quibus judicium. *ib.* β. ad eam glossae II, 27. γ. & capitula. *ibid.* α. 37. nova Muratorii collectio II, 28. etiam nunc in Italia viget. II, 26. Normannica. II, 85. Ostrogothica, v. Ostrogothi. Ripuaria diversa a lege Salica. II, 9. α. ab hac tam descendit. *ibid.* β. eaque paulo superior est. *ibid.* β.

INDEX

- Salica, ubi lata?
 11, 7. *. *α.* qua lingua? *ibid.* γ. quorum auspiciis & quando? 11, 8. *.
α. unde ita dicta *ib.*
α. ejus inscriptio.
ibid. *α.* diversae ejus editiones. *ibid.* β. praecipue de criminibus agit. *ibid.* γ. in ea vestigia Iuris Roman. occurrunt *ibid.* γ. ea sub Zuenteboldo R. Lotharingiae valuit. 11, 41. ad eam provocatum sub Henrico I. & II. Imp. 11, 45. *. nec non Sec. XI. 11, 8. γ. 51. ad eam capitula 11, 37. Saxonum. 11, 33. *seq.* Scanorum. 11, 85. *. Suecorum *ibid.* Theodoriciana, 11, 11. β 18. Uplandica. 11, 85. *. Werinorum. 11, 12. Wisigothorum. 11, 11. Libertini eorum artificium esse coepit
- Jurisprudentia sub Juliano Imp. 1, 374.
 Licinius (Publius) Crassus Mucianus. v. Crassus.
 Licinius Rufinus. v. Rufinus.
 Limites agrorum, de iis LL. Cornelia. 1, 92. Fabia. 1, 94. Mamilia. 1, 101.
 Livius (Cajus) Mamilianus Drusus JC. 1, 133.
 Longobardi regnum in Italia constituunt. 1, 411, Jus Rom. viētis Italis reliquerunt. *ibid.* ante Rotharim R. leges scriptas nullas habuerunt. 11, 26. *α.* Leges Theodosianas non Justinianas venerabantur. *ibid.* *α.* Rotharis R. primus eorum Lator. 11, 27. *α.* quem secuti alii plures. *ibid.* *α.* quorum prudentia atque modestia laudatur. 11, 26. β. Lori-

RERVM ET VERBORVM.

Loriottus (Petrus)
JC. humanior. 1,
1, 424. *

Lotharii I. Imp. col-
lectioCapitularium.
11, 40.

Lotharius III. Imp. an
Jus Rom. in scho-
las atque fora Ger-
maniae atque Italiae
introduxerit. 1, 412.
413. α. magna sub
eo Juris Germanici
comutatio. 11, 55.

Lucilius (Lucius) Bal-
bus JC. 1, 149. *.

Ludovicus Bavarus
Imp. Ius Roma-
num in Germaniam
publica constitutio-
ne recipit. 11, 68. β.

Luneburgensis Duca-
eus Ius Rom. ad-
optat. 11, 111.

Ludovicus S. Galliae
R. ejus Codex ad
Ius scriptum Gal-
liae referendus. †, 8.
12. an hic in supre-
ma curia Regia pro-
mulgatus? *ibid.*

Ludovicus XIII. Gal-

liae R. ejus jussu
prodiit Code Mi-
chaut. †, 16.

Ludovicus XIV. Gal-
liae R. Iuris Roma-
ni studium in Gal-
lia necessarium red-
dit. †, 13. ejus or-
dinationes praeci-
pue dictae Code
Louis. †, 16.

Ludovici XV. Galliae
R. Ordinationes ce-
lebriores. †, 17.
Lusus de eo LL. Co-
melia. 1, 92. Publi-
cia. 1, 107. Titia.
1, 110.

Lytæ quinam dicti.
1, 393. *.
M.

Macer (Æmilius)
IC. 1, 347.

Macrinus (Opilius)
Imp. omnia rescri-
pta tollere statuit.
1, 323.

Maecianus (Volusius)
IC. 1, 297. * 314.
ejus secta & scripta,
1, 315.

Magistratus Rom. ini-
tio

I N D E X

- tio pauci. 1, 54.
 postea vel extraordinarii vel ordinarii
 vel maiores vel minores 1, 57. *seq.* plerique edicta proposuerunt, 1, 61, apud quosdam erat legis actio 1, 45. * novi ab Augusto instituti. 1, 175.
Majestas de ea LL. **A-puleja.** 1, 86. **Cornelia.** 1, 92. **Julia.** 1, 97.
Manlius (Marcus) IC. 1, 138. ejus libri. 1, 139.
Manlius (Titus) Torquatus IC. 1, 127. *
Manumissio de ea L. **Manlia.** 1, 101.
Marcellus (Ulpius) IC. 1, 318. * **Pro-culeianorum** sectae addictus. 1, 319.
Marchia Brandenburgica repudiato Iure Saxonico civili se submittit. 11, 110.
Marcianus (Aelius) IC. 1, 344. ejus scripta. 1, 345.
Marcus (Cajus) **Figulus** JC. 1, 128.
Marculli formulae. 11, 32.
Marcus Imp. v. **Antoninus.**
Marillacus (Mich.) ejus code Michaut.
Martinus Gofias JC. noniensis. 1, 415. *asserit* Imp. esse mundi Dominum. 11, 60. *a.*
Masurius Sabinus IC. 1, 198. 206. 207. ejus scripta. 1, 208. *seq.*
Mauricianus (Iunius) IC. 1, 308.
Maximianus & **Dio-cletianus** Impp. Ius varii constitutionibus locupletarunt. 1, 352.
Maximiliani I. Imp. leges ad Ius Rom. attemperatae. 11, 102.
Maximini Imp. constitutiones. 1, 325.
Maximus (Cornelius) IC. 1, 143. **Maxi-**

RERVM ET VERBORVM.

Maximus Imp. nihil
novi constituit. 1,
326.

Maynus Iason IC. v.
Iason.

Meclenburgensis Du-
catus Ius Rom. ad-
optat. 11, 112,

Menander (Arrius)
IC. 1, 333.

Messala JC, in XII.
Tabb. scripsit. 1, 31.

Methodus jura docen-
di. v. Jurisprudentia.

Mincuccius (Anton.)
de Pratovetere. 1,
423. ejus libri de
feudis. *ibid.* a. in
foro cur auctorita-
tem nullam accepe-
rint? *ibid.* a. edito
Schilteriana *ibid.* a.

Minores. de iis L. Lae-
toria. 1, 99.

Minutius Natalis JC.
1, 263.

Modestini (Herennii)
JC. elogium. 1, 348.
scripta. 1, 45. 349.
multa in jure Graece
scripsit. 1, 348.

Molinaeus (Carolus)

Ejus Collectio Or-
dinat. Reg. †, 15.

Morcona (Blasius) v.
Blasius.

Muciorum stemma 1,
134. *.

Mucius (Publius)
Scaevola JC. 1,
134. ejus scripta. 1,
135.

Mucius (Quintus)
Scaevola Augur. JC.
1, 140.

Mutius (Quintus)
Scaevola Pontifex
Max. JC. 1, 144.
ejus libri 1, 145.
quinam ad eum no-
tarint? *ibid.*

Mucius (Quintus)
JC. 1, 122.

Mulcta de ejus modo
L. Ateria Tarpeja.
1. 1. *

Mulieres de earum cul-
tu L. Oppia. 1, 102.
haereditatibus & le-
gatis L. Voconia. 1,
110.

N.

Natalis (Minucius)
v. Minucius.

F f f f 5

Nenna

I N D E X.

- Nenna (Jo. Baptista)
LL. Longobardica-
rum Glossator. II,
27. 2.
- Neratius (Priscus vel
Proculus) JC. I,
258. ejus scripta.
I, 259.
- Nero Imp. quid in
Jure innovarit? I,
221. SCta, quae ei
perperam tribuunt.
I, 222.
- Neronii (Petr.) Col-
lectio Ordinat. Reg.
†, 15.
- Nerva (M. Coccejus)
Pater JC. I, 210.
- Nerva (M. Coccejus)
filius JC. I, 231.
Proculejanorum se-
ctae addictus. *ibid.*
ejus scripta. *ibid.*
- Nerva (M. Coccejus)
Imp. jura varia ab
eo constituta. I, 249.
- Nervarum Stemma. I,
210. *.
- Normanni eorum le-
ges. II, 85.
- Notae quid? I, 49. *
eas prohibuit Justi-
nianus Imp. I. 391.
- Novellae Justiniani
I, 396. earum ple-
raeque graece scri-
ptae. *ibid.* α. an ab
ipso Justiniano col-
lectim editae? *ibid.*
*. versiones earum
Latinae. I, 397. *.
403. *. an vulgaris
versio sit authenti-
ca? *ibid.* *. β. quae-
nam in foro obti-
neant? *ibid.* *. β. ea-
rum in IX. Colla-
tiones divisio. *ibid.*
418. an haec Justi-
niano debeatur? *ib.*
*. α. nova versio ea-
rum Hombergii
zum Vach. I, 397.
- Novellae Leonis Imp.
an in Graecia un-
quam in usu fuerint?
I, 404. *.
- Novellae Marciani &
Majoriani Impp. I,
379.
- Novellae Theodosii II.
& Valentiniani III.
Impp. *ibid.*
- Numae Pompilii R.
Leges

RERVM ET VERBORVM.

Leges. I, 9. in usum
revocatae ab Anco
Martio R. *ibid.* nec
non a Servio Tullio
R. I, 10. cur cum
Aegeria nympa
congressum simula-
rit? I, 9. *.
Numeriani Imp. Con-
stitutines. I, 351. *.

O.

Obertus ab Orto
Compiler Juris
feudalis Longobar-
dici. I, 420. vid.
Gerardus Niger.

Occidens in eo major
Codicis Theodosia-
ni quam Justiniani
auctoritas. I, 409.
Ejus leges non in
Oriente semper va-
lebant. I, 395. a.

Octaveni JC. aetas &
scripta, I, 247.

Ofilius (C. Aulus) JC.
I, 153. 186. *ibid.*
Edictum Praetoris
illustravit. I, 74.
186. *

Oratio Principis pro
ipso SCto posita.

I, 200. *. SCtum
praecedere solebat.
Orationes Divorum
Fratrum. I, 298. va-
riae D. Marci Imp.
ibid. seq. Marci &
Commodi Impp.
ibid. 301. seq. Seve-
ri & Commodi Imp.
nullae extant. I, 300.
Pertinacis Imp. 304.

Ordinatio Judicii Ca-
meralis. II, 102.
judicii aulici. II,
108. *.

Ordinationes Regiae
in Gallia quid?
quando condi coe-
perint? *ibid.* anti-
quiores earum col-
lectiones. *ibid.* re-
centiores. †. 15.
editio Regia. *ibid.*
earum cognitio
JCto in Gallia non
sufficit. †, 18.

Ostrogothi, eorum
leges. II, 11. Im-
peratorum Rom.
majestatem vene-
rantur. II, 13. *. pro-
vincialibus usum ju-
Juris

I N D E X.

- Juris Rom. concesserunt. ll, 16.
- Otho Imp. nihil novi in jure constituit. I, 232.
- Ottonis l. ll. & lll. Impp. leges & constitutiones. ll, 48. *a.* *β.* Ottonis lV. Imp. constitutiones. ll, 72.
- Otto Placentinus. vid. Placentius.
- P.
- P**actum ejus Clemens JC. ll. 334.
- Pacuvius (C. Atejus) JC, l. 153. 187.
- Paetorum Stemma. I, 239. *.
- Paetus (P. Aelius) JC. I. 123.
- Paleae quid? ll, 61. *e.* non omnes sunt ejusdem aetatis. *ibid.* *e.* quam auctoritatem habent. *ib.* *e.*
- Pandectae quando compositae. I, 390. ratio denominationis. *ibid.* ordo in iis servatus. l, 391. Graece versa a Thalelaeo & aliis. l, 402. *
- *. an Amalphi repertae occasionem restituendi Jus civile dederint. l, 412. *a.* 413. *a.* earum divisio in Digestum Vetus, Infortiatum & Novum. l, 418.
- Papiniani responsorum liber. ll, 17.
- Pandulphus de Columna JC. Gallius, t. 9.
- Papinianistae quinam dicti? l, 328. *. 393. *.
- Papiniani (Aemilii) JC. origo. l. 327. nulli Sectae additus. 328. ejus honores & scripta. ll, 329. *. auctoritas ejus in foro. l, 377. mors violenta. l, 330.
- Papirius (Cajus) Pontifex M. juris Papiriani auctor. l, 16. *. 113.
- Papirius Fronto JC. l, 334. Papi-

R E R V M E T V E R B O R V M.

- Papirius Justus JC. 1, 308. Paullus Castrensis. vid. Castrensis.
- Papirius (Sextus) JC. 149. Paullus (Julius) JC. ejus patria & honores. I, 340. *. jurisprudentia. I, 341.
- Paratitla quid sint ? 1, 391. β. ea tantum in Pandectas scribi permisit Imp. Justinianus. *ibid.* *. Papiniani & Ulpiani aemulus. I. 341. *πολύγραφος* I, 342.
- Parisiensis Academia in ea jam Sec. XII. receptae ejus sententiae fuerunt in Occidente I, 409.
- Jus Rom. docetur. †, 10. quod ipsi tamen postea prohibetur ab Honorio. Paullus Virginius. vid. Virginius.
- III. PP. in Cap. Pedius (Sextus) JC. I, 334.
- super specula* &c. †. 10. quae prohibitio per Constitutionem Bloesensem confirmata. 14. usque ad Ludovicum XIV. Pegasus JC. ejus vita & honores I, 242. Schola & scripta. I, 243.
- viguit. †, 13, 14. Pellicatus de eo Lex Numae. I, 9. *.
- Paternus (Taruntejus) vid. Taruntejus. Pepo ante Irnerium jus Bononiae docuit. I, 414.
- Patricios inter & plebejos aemulatio. I, 37. ipsi Legis actiones invenerunt. I, 44. fastos & formulas in latenti habuerunt. *ibid.* *. 47. *. Petrus Cassinensis. vid. Cassinensis.
- Pertinax (Helvius) Imp. quid novi constituerit. I, 303. *seq.*
- Philibertus Episc. Collecto

I N D E X

- lector Juris feudalis.
I. 420, α.
- Philippi Arabis Imp.
Constitutiones. I,
Philippus Pulcher Gal-
liae R. an ejus aevo
nullus Juris Roma-
ni usus in Gallia? †.
18.
- Photii Nomocanon. I,
407. ejus aetas.
ibid. β.
- Pithoei fratres JCti hu-
maniores. I, 424.
- Placentinus JC. Jus ci-
vile in Galliam in-
tulit. I, 414. 416. β.
II, 58. †. 9.
- Plagium de eo L. Fa-
bia. I, 93. *.
- Plancius (Marcus) Va-
rus JC. a quo SCta
Planciana. I, 234.
- Plautius JC. I, 246.
quinam ad ipsum
notarint. *ibid.*
- Plebiscita, de iis LL.
Horatia. I, 39. Hor-
tensia. I, 41. Publi-
lia. I, 40. 107. eo-
rum origo. I, 20. iis
pleraeque praeroga-
tivae Patribus extor-
tae. I, 37. vim le-
gum acceperunt. I,
39. *seq.* leges dicta.
I, 42. quomodo a
Legibus discerni
possunt? *ibid.* *.
etiam sub Augusto
condita. I, 165. *.
- Pomerania Jus Rom.
adoptat. II. 112.
- Pompejus (Sextus) JC.
I, 141. *.
- Pomponii (Sexti) JC.
aetas. I, 309. ejus
Philosophia & secta.
I. 310. scripta. I,
311. an duo hujus
nominis? I, 309. *.
ejus enchiridion a
Triboniano valde
mutilatum. I. 17. *.
- Pontifices legis actio-
nes invenerunt. I,
44. formulas & fa-
ctos in latenti habue-
runt. *ibid.* *. 47.
*. Maximi edicta
proposuerunt. I, 61. *
- Porcius Cato. vid.
Cato.
- Praefectus *amonae*. I,
60.

RERVM ET VERBORVM.

60. Augustalis 1,
 177. *. *Praetoriol*,
 175. ejus Edictum
 l, 63. *. 325. sum-
 ma ejus sub Tib. po-
 testas l, 198 quatuor
 sub Constantino M.
 l, 364. ejus poten-
 tiam auxit Severus
 l, 325. *Vigilum*. l,
 60. *. 175. *. *Ur-
 bi* sub Regibus &
 libera rep. l, 57. sub
 Augusto? *ibid.* *.
 175.
Praetores fideicom-
 missarii a Claudio in-
 stituti l, 213. ex
 quibus unum de-
 traxit Titus. l, 237.
Praetor fiscalis a Ner-
 va institutus, l, 249.
Praetor tutelariorum a M.
 Antonino institutus.
 l, 301.
Praetorum origo l, 55.
 urbanus, peregrinus
ibid. eorum digni-
 tas. *ibid.* *. sub Au-
 gusto valde immi-
 nuta. l. 175. omnes
 Edicta proposue-
 runt. l, 64. jura ve-
 tera an variis arti-
 bus in Edictis suis
 everterint. l, 68.
seq. *.
Pragensis Academia ad
 exemplum Parisi-
 ensis instituta. ll,
 95. *.
Priscus (Flavius) JC.
 l, 153. 187.
Priscus (Javolenus) v.
 Javolenus.
Priscus Neratius. v.
 Neratius.
Probi Imp. Constitu-
 tiones. l, 351. *.
Procopii anecdota. l,
 383. *. eum fides.
ibid. s.
Proculianorum sectae
 origo. l, 227.
Proculi (Sempronii)
 JC. genus, scripta,
 vita. *ibid.*
Professorum artium
 immunitas l. 354.
 quot Romae atque
 CPoli? l, 380. *.
 386. *. Viennae.
ibid. nec non Hei-
 delbergae. ll, 96. *.
 vid. Antecessores.
 Proly-

INDEX

Prolytae quinam dicti?

1, 393. *.

Provinciae iis leges a Romanis praescriptae. 1, 97. interdum propriis relictæ. *ibid.* *. sua quoque Edicta habuerunt. 1, 80.

Provinciae Juris scripti & non-scripti in Gallia quænam? †. 7. an ex his quoque Commune jus sit Romanum? 18. an non nisi tanquam ratio scripta in iisdem valeat? *ibid.*

Prudentes. vid. Jureconsulti.

Pfellus (Michaël) JC. Graecus. 1, 406.

Publicius Gellius JC. vid. Gellius.

Puteolanus JC. 1, 334.

Pyleus JC. Italus. 1, 416.

Q.

Quaestorum edicta. 1, 63. *. eorum conditio sub Impp. mutata. 1,

200. cur candidati Principis dicti. *ib.* *.

Quinqueviri cis & ultra Tiberium. 1, 59. mensarii. 1, 60. LL. de imperio Consulari scribendis. 1, 22.

R.

Radevvizius (Jac.) JC in Aula Saxonica Sec. XV. clarus 11. 98.

Radulphus de Columna. vid. Pandulphus.

Ravennas (Jac.) Toloſae Jus Rom. docet. †. 9.

Raimundus de Pennaforti Decretalium collector. 11, 69. ejus natales, fata, dignitates & mors. *ibid.* 7. Ejus vitam quinam conscripserint? *ibid.* 7.

Rebuffus (Petrus) Ejus Commentarii ad Ordinat. Reg. †. 15. Recessus Imperii. 11, 72. *seq.* ad jura Romana

RERVM ET VERBORVM.

mana attemperati.
ll, 99. unde mos,
ut iis subscribant or-
dines Imp. ll, 38. *.

Reges Rom. eorum
arbitria initio pro
lege erant l, 3. *.
4. 6. *. nec tamen
παρβασιλεις erant, l,
6. eorum leges in
XII. Tabb. migra-
runt. l, 15. 28. iis
ejectis quaenam Ju-
ris Romani facies l,
14.

Regino Prumiensis Ab-
bas, primus Cano-
num in Germania
compiler. ll, 50.
ejus aetas, Chroni-
con; *ibid.* α. libri
de disciplina eccle-
siastica, *ibid.* α.

Repetundarum cri-
men, de eo LL. Cal-
purnia. l, 91. Julia
l, 97. Pompeja l,
106. Servilia. l,
109.

Repkow (Epkow de)
quando vixerit? ll.
73. 74. ejus patria.
ll, 79. β. & varia
nomina. ll, 74. β.

auctor Speculi Sa-
xonici. *ibid.* & Ju-
nis feudalis Saxo-
nici.. ll, 77. α.

Responsa prudentum
libera rep. quivis
dare poterat. l, 157.
non tamen iudices
obligabant. l, 158.
178. viva olim vo-
ce dabantur. l, 157.
*. demum sub Au-
gusto in scriptis dari
ac signari coepe-
runt. l, 158. 180. *.
qui certis tantum
Jctis illa dare per-
misit. l, 178. quod
Hadrianus iterum
ad omnes extendit.
l, 279. de iis consti-
tutio Theodosii Jun.
l, 377.

Riminaldus JC. Bono-
niensis l, 421.

Ripuarii inter Francos
quinam dicti? ll, 9.

*. γ. v. L. Ripuaria
Rogerius Vacarius
summissa Jus Rom.
in Angliam intulit. l.
414. *seq.* α. ll, 57.

Romulus Rex Rom.
Graecis Llatoribus

I N D E X

- antepositus. I, 12.
 ejus Leges I, 8. * in
 XII. Tabb. relatae.
 I, 28.
- Rudolphi I. Imp.
 Constitutio Germa-
 nica. II, 71. a.
- Rufinus (Licinius) JC.
 I, 346. an auctor
 collationis LL. Mo-
 saicarum & Rom.
 I, 347. *.
- Rufus (Publius) Ruti-
 lius JC. v. Rutilius.
- Rupemailletus (Gabr.)
 Compiler Ordina-
 tionis Reg. †. 15.
- Rusticorum (Junio-
 rum) Stemma. I,
 239. *.
- Rutilius (Maximus)
 JC. I. 334.
- Rutilius (Publius)
 Rufus JC. I, 141.
 ejus scripta. I, 142.
 S.
- S**abinianorum origo.
 I, 206. *. eorum
 sententias Edictum
 perpetuum firma-
 vit. I, 270.
- Sabinus (Coelius) JC.
 ejus scripta. I, 240.
 auctor sectae Sabi-
 nianorum. I, 206. *.
- Sabinus (Masurius) v.
 Masurius.
- Salaminius Professor
 Berytensis. I, 362.
- Salicetus (Bart.) JC. I,
 421.
- Salii. vid. L. Salica.
- Salvius Julianus. vid.
 Julianus.
- Saturninus (Claudius)
 JC. I, 334.
- Saturninus (Quintus)
 JC. *ibid.*
- Saturninus (Venulejus)
 JC. ejus scripta, I,
 346.
- Saxones. Eorum di-
 visio in Anga-
 rios, Westfalos
 & Ostfalos, II,
 36. a Lex antiqua.
 II, 34. ejus aetas.
ibid. *. a. an integra
 ad nos pervenerit?
 II, 35. crudelissima
 vocatur. *ib.* γ. ejus
 indoles. *ibid.* δ. au-
 cta a Carolo M. II,
 46. adhuc valuit sub
 Ottonibus II, 45.
 itemque sub Con-
 rado II. II, 41. § I.
- Scabinatus Magdebur-
 gicus

RERVM ET VERBORVM.

- gicus quo tempore
florere coepit? 11,
79. *δ.* ad eum ex
aliis regionibus saepe
olim, libere tamen,
provocatum. *ibid. δ.*
- Scabini unde dicti? 11,
5. *α.* Comitum olim
Assessores *ibid. α.* Juris
patrii tenaces. 11, 86.
- Scaevola (Cervidius)
v. Cervidius.
- Scaevola (Mucius) v.
Mucius.
- Scholae Juridicae. 1,
360. 363.
- Scipio (P. Cornelius)
Nasica JC. 1, 120.
ejus honores, res gestae.
1, 121.
- Scipionum Stemma.
1, 120. *
- Sectarum inter JC. auctores.
1, 194. eorum descriptio,
1, 195.
- Sectatores & affectatores
de iis L. Fabia. 1, 94.
- Semeca (Joh.) Teutonicus
primus Decreti, in Germania
- Glossator, diversus
a Johanne Teutonico
Friburgensi 11,
63. *β.* ejus natales,
fata, dignitates,
mors, sepultura,
scripta. *ibid. β.*
- Sempronius IC. 1, 116
* 117.
- Senatus ejus potestas
libera Rep. 1, 111.
sub Tiberio aucta.
1, 199. auctor fieri
debebat eorum, quae
populus jubebat. 1,
111. * qua de re
L. Maenia. *ibid.* *
- Senatusconsulta, quibus
de rebus libera
Rep. facta? 1, 111.
leges antecedeabant.
ibid. iis nova Jura
Tiberius constituit,
1, 200. iis edicta
Principum firmata.
1, 280. eorum forma
sub Hadriano.
1, 284. * Anonyma.
1, 253.
- Senatus Consultum
Apronianum 1, 283. *
Articulejanum. 1,
252. Aurelianum.
1, 202. *seq.* Calvianum

INDEX.

- tianum f. Calvisianum. 1, 223. Claudiana. 1, 202. 215. 216. 217. Dasumianum. 1, 251. * Hofsidianum 1, 218. Juncianum. 1, 302. Junianum. 1, 239. Juventiana duo. 1, 284. Largianum. 1, 218. Libonianum. 1, 201. Licinianum. 1, 203. Macedonia- num. 1, 219. Mem- mianum. 1, 224. Neronianum. *ibid.* Orphitianum. 1, 300. Pegasianum. 1, 234. Pernicia- num vel Perficia- num. 1, 204. Pifo- nianum. 1, 215. *. 224. Plancianum. 1, 234. Rubellia- num. 1, 203. Rubria- num. 1, 250. * Si- lanianum. 1, 171. Statilianum. *ibid.* Tertullianum. 1, 284. Trebellianum. 1, 226. * Turpil- lianum. 1, 225. Vellejanum. 1, 218. Vitrasianum. 1, 235. Volufiana duo. 1, 225. * Servilius IC. 1, 262. Servitutes, de earum ufucapione L. Scri- bonia. 1, 167. Servii Tullii R. Leges 1, 10. * Servius Sulpicius JC. 1, 150. fcripta. 1, 31. 74. *. 145. 152. au- ditores. 1, 153. Severus (Septimius) Imp. abolere ten- tavit edictum per- petuum 1, 320. *. quatenam in Jure mutavit. 1, 321. Severus (Valerius) JC. 1, 248. Sicarii, de iis L. Cor- nelia. 1, 92. Sigismundus R. Bur- gundionum Lator. II, 10. β. Siglae quid? 1, 49. *. Speculum Saxonicum. Quid fub eo conti- neatur. II, 73. α. ejus origo falfo ad Constantinum M. refertur. aut ad Ca- rolum M. *ibid.* α. quando & a quo con-

RERVM ET VERBORVM.

conscripsum? II.

74. *. γ. an ex antiquis Legibus consarcinatum? II, 75.

*. δ. privata auctoritate editum fuit. *ibid.* β. ejus varii naevi. *ibid.* γ. Latine primum scriptum ab Epkone, deinde ab eodem in vernaculam translatum. II, 76. α. & quidem Saxoniae superioris. *ibid.* γ. an textus Latinus hodie superstes sit authenticus? *ibid.* β. ejus editiones atque glossae. *ib.* δ. a Gregorio XI. reprobat. II, 79. α.

Speculum Suevicum ejus aetas. II, 80. α. editiones. II, 81. de eo judicium. II, 82. ejus in foro auctoritas. *ibid.* α.

Sponsiones. de iis LL. Cornelia I, 92. Publicia. I, 107. Titia. I, 110.

Statuta urbium quando & cur condita-

que in scripturam redigi coeperunt?

II, 73. 86. α.

Statuta Aquisgranensia. II, 91. β. Bremensia. II, 92. γ. Brunsvicensia. *ibid.* δ. Coloniensia. II, 91. α. Friburgensia II, 92. α. Goslariensia. *ibid.* β. Hamburgensia. II, 89. an ex Juribus Susatensi & Lubecensi descendant. *ibid.* α. Lubecensia an ab Henrico Leone condita. II, 88. α. an ex Jure Sosatensi. *ibid.* α. β. a multis civitatibus adoptata, II, 90. Obstalbomica II, 25. α. Stadensia. II, 84. *. Susatensia. II, 87.

Stephani versio εἰς πλάτος. II, 402.

Stoicam Philosophiam praeferebant Icti. I, 155.

Studioforum Iuris cognomina. I, 393. * unde auditores dicti. I, 156. *

I N D E X

- Stuprum de eo LL.
 Servilia. l, 109. Iu-
 lia. l, 164.
 Suevorum leges igno-
 tae. ll, 12.
 Suevorum leges igno-
 tae. ll, 12.
 Sulpicius v. Servius.
 Summas Iuris civilis
 quinam scripserint?
 l, 416. *β.* 417.
 Sumtuariae leges v.
 Leges.
 Susatum, antiquissima
 Westphaliae urbs,
 ejus fata. ll, 87. *α.*
 fedes atque patria
 Iuris Susatensis. *ib.*
 Iuris hujus historia,
 nec non additiones,
 dictae Schraae. *ibid.*
 * *α.* mox a Lube-
 censibus, Hambur-
 gensibus, aliisque
 populis vicinis re-
 ceptum fuit. *ib.* * *α.*
 T.
TArquinius Priscus
 an leges tulerit?
 l, 10.
 Tartagnus (Alexander)
 JC. l, 421.
 Taruntenus Paternus.
 JC. l, 308.
 Tassilonis Ducis Baju-
 variorum Decretum
 ll, 24. * *β.*
 Terentius Clemens JC.
 l. 307.
 Terminus, de eo Lex
 Numae. l, 9. *.
 Tertullianus JC. an
 idem cum patre Ec-
 clesiae? l, 231. ejus
 aetas & script. l, 332.
 Testa (C. Trebatius)
 JC. Epicureae Sectae
 addictus. l, 188. e-
 jus scripta. l, 189.
 Testamenta. De iis LL.
 Cornelia l, 92. Fu-
 ria. l, 94.
 Thalelaeus Graecus JC.
 l, 402. * an diver-
 sus a Thalelaeo Ba-
 silicorum interpre-
 te? *ibid.* *α.*
 Theodora, uxor Imp.
 Justiniani, ejus mo-
 res. l, 383. *β.* infi-
 gnis apud maritum
 auctoritas. *ibid.* *α.*
 Theodoricus R. Fran-
 corum Lator. ll,
 9. 21.
 Theodorici R. Ostro-
 gothorum Edictum
 ll, 11. ejus res ge-
 stae.

RERVM ET VERBORVM.

- stae. *ibid.* α. moribus
 & legibus Rom. fa-
 vet. *ibid.* α.
 Theodosii II. merita in
 Jurispr. I, 377. 381
 quorundam tantum
 JCtorum scripta in
 foro allegari permi-
 sit. *ib.* Cod. Theod.
 auctor. 1, 378.
 Theophilus Institutio-
 num Paraphrastes.
 1, 362. floruit tem-
 pore Justiniani 1,
 401. *. α. ejus edi-
 tiones. *ibid.*
 Tiberius Caesar Au-
 gusti instituta serva-
 vit. 1, 196. 198.
 comitia a populo
 ad Patres transtulit.
 1, 199. edictis nova
 jura constituit. 1,
 205.
 Titus Imp. nova ab
 eo in Jure constitu-
 ta. 1, 237.
 Trajanus Imp. Consti-
 tutiones & SCta
 sub eo condita. 1,
 250. *seq.*
 Trebatius Testa, v.
 Testa.
 Tribonianus honores. 1,
 387. varia de eo
 judicia 1, 388. ejus
 avaritia notatur. 1,
 383. γ. ejus Em-
 blemata a Jo. Jac.
 Wissenbachio edita
 1, 398. *.
 Tribuni plebis eorum
 numerus & pote-
 stas. 1, 19. *. pro
 rostris dominati
 sunt. 1, 37. eorum
 artes. *ibid.* *.
 Tryphoninus (Claudi-
 us) JC. 1, 333.
 Tubero (Q. Aelius)
 JC. v. Aelius.
 Tullii Hostilii R. Le-
 ges. v. Leges.
 Tuscianus JC. 1, 290.
 Tutela. De ea LL. Ati-
 lia. 1, 88. Julia &
 Titia. 1, 164.
 Tutela mulierum de ea
 L. Claudia. 1, 217.
 V.
 Vacarius (Rogerius)
 v. Rogerius.
 Valens (Aburnus) v.
 Aburnus.
 Valens Imp. ejus edictum
 de libertate religionis.
 1, 375.
 Valentiniani & Theodosii
 Imp. Constitutio de
 respon-

INDEX RERVM ET VERBORVM.

responsis prudentum.
 1, 377. *.
 Valeriani Imp. Constitu-
 tiones. 1, 351. *.
 Valerius Severus JC. 1,
 248.
 Vandali eorum leges ig-
 notae 11, 12.
 Varus (Alfenus) v. Al-
 fenus.
 Venedi an eorum LL.
 in Jure Lubecensi su-
 persint? 11, 78. *.
 Venefici de iis LL. Cor-
 nelia. 1, 92. Julia. 1,
 167.
 Venulejus Saturninus JC.
 1, 346.
 Venus nefanda, de ea L.
 Scantinia. 1, 108.
 Versiones *κατὰ πόδα* li-
 brorum Juris permisit
 Justinianus Imp 1,
 401. *. quanam ita
 vocatae? *ibid.* γ.
 Vespasianus Imp multum
 in Jure praestitit. 1,
 233. *. S^Cta sub eo
 facta. 1, 234. *seq.*
 Vinidius Verus. JC. 1,
 307.
 Virginius (Paullus) JC.
 1, 141. *.
 Vis, de ea LL. Julia. 1,
 96. Luctatia. 1, 100.
 Plautia. 1, 96. *. 103.
 Pompeja. 1, 105.
 Vitellius Imp. mathema-
 ticos urbe pellit. 1,
 232. *.
 Vivianus JC. 1, 262.
 Ulpiani (Domitii) JC.

natales mors & hono-
 res. 1, 335. 336 ju-
 risprudentia 1, 337.
 ejus opera majora 1,
 338. Minora 1, 339. *.
 Christianis admodum
 infensus. 1, 338.
 Volusiani Imp. Constitu-
 tiones. 1, 351. *.
 Volusius Maecianus v.
 Maecianus.
 Ursejus Ferox. v. Ferox.
 W.

W Eichbildum Saxo-
 nicum. 11, 78. α.
 Werinorum Leges. 11,
 12. de iis pleraque in-
 certa. *ibid.* α.
 Wisbyense Jus nauticum
 11, 93. α.
 Wig oth i. Eorum Leges.
 11, 11. β. Jus Rom.
 non omnino abhorrue-
 runt. *ibid.* β. provin-
 cialibus Jus Rom reli-
 querunt. 11, 15 unde
 eorum Codex Alaricia-
 nus. *ibid.* eorum Reges
 majestatem Impp. Rom.
 venerati sunt 11, 13. *.
 Württembergicus Ducatus
 Jus R. adoptavit. 11,
 112.

Z.

Z Eno Imp. quid de plu-
 ris petitione sanxe-
 rit? 1, 381.
 Zugrecht nonnullis Ger-
 maniae civitatibus in
 alias competens. 11,
 86. β.

FINIS.

